


UNIVERSITY OF TORONTO



3 1761 01516614 3

Lat-Lu

D



CORNELII

2

TACITI OPERA

QUÆ SUPERSUNT.

EX ACCURATISSIMIS EDITIONIBUS CRITICIS REPETIT,
CONCERNENS ADNOTATIONE, PROOEMIO DE GRAMMATICA TACITEA
ET NOMENCLATORE GEOGRAPHICO EXPLICAVIT

FR. DÜBNER.

PARIS,

JACQUES LECOFFRE ET C^{ie},
ANCIENNE MAISON PERISSE FRÈRES, DE PARIS,
Rue du Pot de Fer S.-Sulpice, 8.

FIRMIN DIDOT FRÈRES,
IMPRIMEURS DE L'INSTITUT DE FRANCE,
Rue Jacob, 56.

1845.

5254

24/9/90

8

INTERPRETI

HORUM OPERUM

DOCTO SOLERTI FELICI

JOANNI LUDOVICO BURNOUF

SACRUM ESSE VOLUIT

ADDICTISSIMUS IPSI EDITOR

FR. D.

PRÆFATIO.

Postulabatur a me Taciti editio modico volumine comprehendenda, parvo parabilis et usui accommodata *scholastico*, hoc est (quod latinum vocabulum proprie sonat) rhetorices alumnorum. Qui quum in aliis jam versati essent scriptoribus, primum latino sermone uti posse putabam, qui hoc tempore exulat ab editionibus *classicis*; deinde sine interpretatione dimittere quæ Cicero, Sallustius, Livius eodem simillimove modo solebant efferre. Utraque via brevitati postulatae consulēbam: quibus tertiam addidi, ut quidem ea, quæ sæpius dicenda essent, semel dicta unum in locum congererem. Grammaticæ enim et elocutioni Taciteæ quæ propria sunt et apud ipsum in frequenti usu posita, in rariore vel rarissimo apud alios, ea feci ut uno sub aspectu collocarentur: cujus quasi tabellæ ope multis notis supersederi poterat. Eam autem et legant sensim tirones qui vulgari grammatica satis instituti jam in Tacito occupantur, et inspiciant quando in constructione explicanda hærent ad ablativum, participium, præpositionem, aut aliam quamecunque partem orationis. Deinde geographica nomina non explicui suis locis ubi leguntur, sed in indice alphabetico, quo sæpius memorata semel exponantur.

Hoc temperamento usus in Tacitum exiguo volumine arctandum ejusmodi adnotationem scribere tentavi, quæ non scholasticis modo juvenibus utilissima esset, sed quam nemo ex tot amatoribus Taciti, ne doctiores quidem, prorsus abesse vellent ab libello rusticantibus et peregrinantibus minime oneroso. Juvenes autem ad Tacitum legendum intentis animis accedunt et totos se ei tradunt dum legunt: fluxa mente et remissius si aggrediantur, non intelligent vel larga notarum copia illustratum. Ab attenta meditatione, ab animi

humani cognitione, quæ observando, sentiendo, meditando comparatur, a vivido sensu recti et virtutis provenit intelligentia Taciteorum operum. Vicissim hic scriptor, si virium illarum scintilla est in animis lectorum, eam suapte vi alit, excitat, auget: ut in ipso multo minus periculum immineat ab remissione animorum quam in aliis scriptoribus. Nam quos Tacitus, ubi paullum cognoscitur, non in se convertit et rapit, quos non exagitat, his ut adsint artes honestæ, a philosophia certe atque poesi natura sua alienos esse apparet.

De vita scriptoris pauca traduntur, in multis libellis repetita. Ingenium viri et virtutes librorum optimi cujusque gentis cultæ ingeniosissimique homines, suo quique modo, quasi certatim exposuerunt: ex quorum scriptis vel extrinse dicta repetere longum est, et apud ipsos majore cum fructu legentur. Verba scriptoris ex eorum editionibus repetenda curavi, qui optimos codices manuscriptos (duos Mediceos, Monacensem Germaniæ, Farnesianum Dialogi) nuper iterum collatos maxima fide secuti essent, paucis, ubi necessarium erat, de conjectura, nonnunquam mea, mutatis. Quare hæc editio multis in locis discrepat ab iis quæ in vulgari usu sunt, sed ad Taciti manum haud dubie propius accedit, utpote purioribus e fontibus derivata. Scripsi kal. Quintil. MDCCCXLIII.

F. D.



PROPRIETAS ELOCUTIONIS TACITEÆ

PER PARTES ORATIONIS DELINEATA.

SUBSTANTIVA.

Abstracta nomina pro *concretis* frequentiora apud Tacitum quam apud alios scriptores : *matrimonia* (conjuges), *servitia* (servi), *consilia* (consiliarii), *remigium* (remiges), *delectus* (delecti milites), *metus suos*, eos quos metuunt; et alia plurima.

Substantiva pro *adjectivis* ponuntur, *corruptor animus*, *victor exercitus*, etc.

Collectiva nomina sæpius quam apud priores struuntur cum plurali : *valida juventus regnum invadunt*; *caterva constiterant*; et genere eorum qui substantivo comprehenduntur : *vulgus interpretati sunt*; *pars congressi*.

CASUS.

NOMINATIVUS in passivis verborum *dicendi* et *sentiendi* vulgaris, ut *Libo defertur moliri res novas*, græco more latius extenditur. Sic, *ipse satis manifestus est jam dudum in contrarium accingi*, ὁ ἴλος ἐστὶ παρασχευάζεσθαι. Atque adeo activis aliquoties jungitur, græca itidem structura, velut in notissimo Virgiliano *sensit medios delapsus in hostes*. Similiter Tacitus : *Ipse e majoribus suis hostis populi Romani quam socius jactabat*, scil. ὦν, se hostem potius esse quam socium. Sæpius in pronomine : *plerique suam IPSI vitam narrare fiduciam arbitrati sunt*. *Pepigere fraudem ulcisci atque IPSI inter se concedere*.

Nominativus in *prædicato* frequentissimus apud Tacitum ubi vulgaris sermo *dativo* utitur : *rubor inter comites aspici*, rubori (pudori) est; *ut major laus compositi* hostes essent, ut *compositio hostium majori laudi* esset; *ne libertinum quidem armis præponere regia utilitas* est, pro, regibus utilitati est.

Nominativus qui vocari solet *absolutus* oritur e structura in decursu periodi mutata; ut ex divisione in hoc exemplo, *regum ingenia, illi mite et amœnum, huic atrox, avidum et societatis impatiens erat.*

GENITIVUS.

Genitivi cum substantivis nonnunquam cumulantur, ut *Britannici fortunæ mœror, pueritiæ Neronis educator, proditiōis ira militum* in *Hist.* III, 10, ubi vide notam. — Genitivum *qualitatis* Tacitus sæpissime jungit cum substantivis, omissione participii verbi *esse* explicandum, *Haterius eloquentiæ celebratus* (δν), *Vinicius comptæ facundiæ*: ita ut hi genitivi respondeant adjectivo qualitatis, velut de Tiberio, *compositus alias et velut eluctantium verborum*, i. e. homo cui verba difficulter prodibant. In hoc genere audacissimum habetur *Annal.* I, 78, *finem sedecim stipendiorum expresserant*, i. e. finem militiæ constitutum in sedecimo stipendio.

Genitivus cum adjectivis, ante Tacitum vel poetis rariore in usu, ipsi acceptissimus erat, quia sententiam scriptoris sine ulla verborum ambage exprimit. Quocirca hujus usus latissime patet apud Tacitum, ita quidem ut genitivus adjectivo additus designet rem in qua cernatur qualitas adjectivo comprehensa, velut *atrox odii*, i. e. atrox in exercendo odio. Huc referenda sunt etiam *participia cum genitivis*, quorum activa præsentis omnibus esse scriptoribus in usu constat; Tacito etiam passiva, ut *occultus odii, spernendus morum*, etc. — Alio pertinet genitivus cum adjectivis neutrius generis, de quo dicendum in *Adjectivis neutris*.

Genitivus cum verbis notissimus est in verbis accusandi et condemnandi, sed a Tacito extenditur in synonyma, qualia sunt *accersere* (ad accusandum) *majestatis*, *interrogare* (in quæstione) *repetundarum*, *urgeri* (ab accusatoribus) *male administratæ provinciæ aliorumque criminum*, *postulare*, etc. Nota phrasis *potiri rerum*: apud Tacitum habetur etiam *apisci dominationis, adipisci rerum*. Deinde notandum, *monuit eos temporis, Plancinam monuit insectandi*, *Annal.* II, 43, ubi confer notam; *admonere victoriarum*.

Genitivus cum gerundiis sive *gerundivis* absolute positus, Tacito fere proprius, facillime intelligitur supplendo vocabulo *causa*: *Germanicus Egyptum proficiscitur cognoscendæ antiquitatis; erectis omnium animis petendæ e Pisone ultionis;*

apiscendi honores aut pellendi claros viros per vim latæ sunt leges, etc. Quocirca grammaticam rationem, paullo argutiorẽ illam, hic non exponimus.

DATIVUS

Dativo finem vel consilium exprimenti ceteris scriptoribus frequentius utitur Tacitus, ut in his, *viæ pariter atque pugnae composuerat exercitum; incessit itineri et prælio*, etc. et cum gerundio, *nudus exercitando corpori; accipiendo diademati in Urbem venit*, etc. Hinc plurimis locis dativus per præpositionem *ad* explicandus: *hanc adulterio pellexit*, i. e. ad adulterium; *diductam civitatem ut civili bello*, ut ad civile bellum. Utraque constructione conjuncta: *nec ad invidiam ista, sed conciliandæ misericordiæ refero*. Et aliter cum verbo *refero*: *pravitati ipsius referebat* (tanquam acceptum referebat).

Dativus cum verbis passivis locum præpositionis ab multo frequentius obtinet in hoc scriptore quam in aliis. Etiam verbum forma neutrum, significatione passivum græco more ita struitur: *sibi tres legiones procubuisse*, i. e. ab se cæsas esse. Quod plane poeticum est.

Dativus commodi qui vocatur ad hanc formulam extenditur, quibus bellum volentibus erat, de qua dictum ad *Annal.* I, 59. Alius usus in ejusmodi formulis, *in universum æstimanti plus penes peditem roboris; vere reputantibus, Galliam suismet viribus concidisse*, ad verbum reddi potest *pour ceux qui envisagent l'ensemble, il y a plus de force ...*, si quis in universum æstimet, videbit plus esse, etc.

ACCUSATIVUS.

Accusativus adjectivis additur, Græcorum more, ut illa pars subjecti notetur ad quam referenda est notio adjectivi, velut *nudæ brachia*, i. e. non simpliciter nudæ, sed brachia modo nuda habentes; *manum æger; pars onusta vulneribus tergum; juvenem et alia clarum*, i. e. et quod ad alias res attinet. Hæc constructio, æque frequens Tacito ac poetis ante eum, derivanda est ab

accusativo alterius objecti in verbis, usitatissimo Græcis, qui in passivis alterum hunc accusativum retinere solent. Notissimum est *docere aliquem artes*, passive *doceor artes*: cujus structuræ

speciem imitantur alia verba duplicem accusativum in activo non habentia : *arguitur pleraque*, pleraque in eo arguuntur; *allatur animum*; *utrumque latus transverberatus*; *animum vultumque conversi*, etc. Nimirum supponuntur activa duplicem accusativum regentia, unum objecti, alterum ejus partis objecti in quam actio fit, ut sunt græca plurima, βάλλει αὐτὸν τὴν κεφαλὴν : sic *transverberat eum* (et quidem) *latus* (ejus), quod active non dicunt Latini, sed passive *latus transverberatus*. Sic, *rminius oblitus faciem suo cruore*, tanquam a tali locutione activa, *oblinere se* (nimirum) *faciem* (suam). Audacissimum et prorsus græcum est illud *Hist. III, 74, aram posuit casus suos in marmore expressam*, ubi vide notam. Sed aliter explicandus est accusativus cum verbis neutris vel passivis a *sententia* verbi pendens, neglecta forma grammatica, velut *falsa exterritus*, pro falsa vehementer timens.

Verba nonnulla antique cum accusativis juncta, quæ ablativum habere solent, *fungi*, *vesci*, *potiri*; vel dativum, ut *asidere*, *insidere*, *præsidere*, *indulgere*.

Quædam vide *infra* in *Infinitivo*.

Accusativi *soli* omisso verbo *habens* aliquoties in concitata oratione, ut *Annal. I, 41*, ubi confer notam. Sic, *quidam abdita scrutari*, *faces in manibus*, ut Racinius,

Un poignard à la main, l'implacable Athalie
Au carnage animait ses barbares soldats.

Appositionis denique vice fungitur accusativus non substantivo uni, sed toti periodo subjecta : de quo monuimus in nota ad *Annal. I, 3*, et alibi.

ABLATIVUS.

Ablativi usus in Latina lingua per se multiplex est, indicans locum in quo aliquid est, locum unde exit, originem, causam, instrumentum, conditionem : sed alii scriptores Tacito frequentius addunt præpositiones. Hæ desiderantur in hujusmodi phrasibus : *vultu conjectaverat*, i. e. e vultu; *vicis et castellis proximis subventum*, i. e. (per homines) e vicis; *exigunt principis sui liberalitate illum bellatorem equum*, i. e. a liberalitate; *possessione revocatum*, e possessione; *postulaverat repetundis*, i. e. de repetundis, repetundarum accusaverat; *Cæcina complexu Vitellii digressus*, e complexu; *quos Urbe spes acciverat*, ex Urbe.

Ablativi qualitatis, ut genitivi, frequentissime adjiciuntur substantivis, quibuscum jungendi sunt intellecto participio verbi *esse* (quo non utuntur Latini) et adjectivorum locum obtinent : *senem longa potentia*, i. e. senem diu potentem; *urbs magnifico ornatu*, magnifice ornata. Quare hi ablativi sæpe respondent adjectivis : *ab illustribus famâque apud populum*, i. e. ab illustribus et (talibus qui essent præditi) famâ apud populum.

Ablativi absoluti vero præcipue commendandi sunt diligentiae tironum; quorum summa copia est et multiplex forma apud Tacitum, cum participiis, adjectivis, pronominibus, denique prorsus solitarii. Sed hoc si teneant, Latinos destitui participio verbi *esse* plerumque supplendo, id mente addentes poterunt eas constructiones ad vulgarem normam revocare.

ADJECTIVA.

Præter ea quæ in *Casibus* dicuntur hæc potissimum observanda sunt.

Adjectivis neutris tam singulari numero quam plurali Tacitus uti amat vice substantivorum : qua re vigorem dictionis multum adjuvari animadvertes. Talia sunt, pauca ex innumeris, *æquo* (æquis locis) *adiri*, *in falsum jacere tela*, *in abrupta rapere*, et præcipue cum genitivis, *avia Oceani*, *asperrimo hiemis*, *diverso terrarum*, *certa maris*, *obstantia silvarum*, *lubricum juventæ*, etc.

Adjectiva pro adverbis posita, item ad augendum vigorem dictionis, dum ad substantivum refertur vocabulum quo proprie actio definitur : sic pro eo quod est, *Oceanus navibus raro aditur*, Tacitus dicit *Oceanus raris navibus aditur* : nam si raro aditur, raræ ibi naves sunt. *Rari domos petivere*; *latior et placidior affluens Rhénus*; *agmen hibernis adhuc Alpibus traduxit, hieme*; et similia plurima.

Adjectiva juncta infinitivis poetarum more : *manifestus dissentire*; *properus clarescere*; *facilis corrumpi*, etc.

Adjectiva neutra cum præpositionibus sæpe formulam adverbialem efficiunt, nonnunquam (ut in *Adverbis* videbimus) pro adjectivo positam. Sunt autem hæc præsertim formulæ : *ex æquo*, pro, æque; *ex facili*, pro facile; *ex composito*, contrario, diverso, improviso, insperato, inopinato, occulto; *in incerto*, in arduo, ambiguo, aperto, arcto, præcipiti, proximo, promiscuo, lubrico, ancipiti, obscuro, occulto.

Adjectiva aliis cum substantivis nonnunquam juncta atque illis quæ logica ratio indicare videtur : diurna actorum scriptura, pro, diurnorum ; veteres populi Romani res, pro, veteris ; clari ducum exitus, clarorum ; vicinis provinciarum administrationibus, vicinarum ; novus nuntius contumeliæ, novæ.

COMPARATIVUS.

Structura comparativi et in universum comparandi formulæ magnam varietatem habent apud Tacitum. Quæ vel rei in quoque loco exprimendæ vel ceterarum enuntiati partium constructioni respondent. Præterimus, ut ubique, exempla legitimæ rationis.

Positivus sæpe ponitur in priori membro comparativi loco, præcedente voce quanto, quæ proprie significat à quel degré : ut hæc, quanto dites et opulentos, tanto magis imbelles, ita vertenda sint, si verba ipsa presse sequaris, à quel degré ils sont riches, à tel ils sont moins guerriers, ubi videas sententiam æque claram esse ac si dicas, à quel degré ils sont PLUS riches, quanto ditiores et opulentiores. Talia autem magno numero leguntur apud Tacitum : quanto quis audacia promptus, tanto magis fidus rebusque motis potior habetur ; quanto inopina, tanto majora.

Correlativa vox altera tanto, eo, nonnunquam omittitur : sic, quanto quis clarior, (tanto) minus fidus ; quanto acriora in eum studia militum, (tanto) celerandæ victoriæ intentior. Verum, quod præcipue observari debet, aliquando cum relativo etiam comparativi notio in secundo membro supplenda est et ex priori repetenda : quanto quis servitio promptior, (tanto magis) opibus et honoribus extollerentur ; quo plus virium et roboris, (eo magis vel major) tarditas e fiducia inerat.

In comparisonibus per tam ... quam prior particula omittitur post negationem : ne memoriam nostri (tam) per mærorem quam læti retineatis ; Drusum haud fratris interitu (tam) trucem quam remoto æmulo æquiores. Nisi hæc referenda potius sunt ad

particulæ quam usum frequentissimum quo voculam comparativam magis vel potius in se comprehendit : ortus claris majoribus (potius) quam vetustis ; honori quam ignominix habendam ; prædæ quam periculorum socius ; pleraque in summa fortuna auspiciis et consiliis (magis) quam telis et manibus geruntur.

In comparisonibus per ut ... ita, alterum non raro omittitur :

ut bello impares, (ita) *in pace nihil amissuri*; *ut quisque pro-cax ore*, (ita) *Annium variis criminibus incesserant*; *ut quis fortunæ inops*, *moribus turbidus*, (ita) *promptius ruebant*, ubi observandus est pluralis verbi, quia in pronominibus *quisque* et *quis* multitudo designatur per commemorationem singulorum; deinde conferenda exempla supra posita in Positivo post voc. quanto.

Alterum membrum comparisonis nonnunquam abest, ubi re ipsa satis indicatur: *plura uxoribus objectari* (quam viris); *sæpius misericors* (quam pœnæ exactor).

PRONOMINA.

Pronomen personale genitivo casu ponitur aliquoties pro possessivo, sed significatione paullo latiore, ut *Ann.* IV, 24, de Dolabella, *primo sui incessu*, ubi est incessus cum exercitu modo contracto incedentis, proinde plus quam suo. — Ea pronomina sæpe omittuntur ubi vel re ipsa monstrantur, ut *flagitia invicem* (sibi) *objectavere*; *ut erectum et fidentem animi* (hominem se) *ostenderet*; vel constructione, ut *sponte dixisse* (se) *respondit*.

Pronomina demonstrativa item in ejusmodi locis omittuntur, ubi ceteris verbis vel casuum terminatione satis manifeste indicantur. Sic *idem* quoque pronomen: *Mella* (iisdem) *quibus Galio et Seneca parentibus natus*.

Hic ... hic non raro dicuntur vividius pro *hic ... ille*. Hæc ipsa *hic* et *ille* nonnunquam ita ponuntur, ut *hic* spectet ad remotius vocabulum, *ille* ad propius, neque usquam tamen temere; velut *Annal.* VI, 37, *hic* (in constructione remotior) est Imperator Romanus, *ille* dicitur de rege barbaro.

Demonstrativa pro reflexivis aliquando posita esse videntur: sic, *is in mæstitiam compositus ut eum* [se] *in Syria sisterent orabat*; *Cæsar quanquam edictis monuisset ne quis quietem ejus* [suam, vel ipsius] *interrumperet*: sed in talibus observa, Tacitum suam narrantis personam substituere ei cujus sententiam exponit.

Relativa pronomina. Per hæc inchoatam structuram Tacitus nonnunquam (ut Homerus sæpe in comparisonibus post relativum ὅς) subito abruptit et in liberam constructionem abit, pulchro artificio, quo sententia grammaticæ vinculum frangendo emergit nitidior. Qualia sunt: *Leges Cretensium quas Minos*,
a.

Spartanorum quas Lycurgus [scripsit], ac mox Atheniensibus quæsitiores jam et plures Solon perscripsit. Custodes ... quis neque boni intellectus neque mali cura, sed mercede aluntur. Equorum ... quos pressos sacro curru sacerdos ac rex vel princeps civitatis comitantur, hinnitusque [eorum, pro, quorumque hinnitus] ac fremitus observant.

In *relativis sententiis* ATTRACTIO frequens est et multiformis apud Tacitum. Primum simplicissima: *quos quod tandem invenistis, non restiterunt*, pro, hi, quod eos invenistis, non rest. *Ignava animalia, quibus si cibum suggeras, jacent torpentque*, pro, quæ, si cibum iis suggeras, jacent. Paullo audacior, *in villa Pisonis, cujus amœnitate captus Cæsar crebro ventitabat*, (supple eo), pro, in quam, captus ejus amœnitate, vent. — Deinde pronomen relativum, quod ad præcedentia spectat, attrahitur etiam a nomine quod in ipsa sententia relativa prædicatum est: *Agricola utrumque avum procuratorem Cæsarum habuit, quæ equestris dignitas est*, proprie, qui procuratores sunt dignitas equestris. Quæ constructio in formulis incidentibus, *quæ magna laus est, quæ tua est moderatio* (pro moderatione tua), etiam apud Ciceronem non rara. — Opposita est huic attractioni illa, qua pronominis non solum numerus atque genus, sed casus etiam pendet a nomine sententiæ primariæ: *magnis meritis non eundem in pace, quem in bello, locum (esse) intelligit apud Principem*. Quæ verbo repetito facile explicantur. — Sæpe primaria sententia ex relativa attrahit nomen aliquod, quæ ratio Græcis frequentissima: *congruens crediderim recensere ceteras quoque reipublicæ partes, quibus modis habitæ sint*, quod per appositionem accuratius rem exponit quam si dictum esset vulgari modo: recensere quibus modis ceteræ partes habitæ sint. Sic Cæsar monetur, *cogitaret plebem, qua toga enitesceret*, in animum revocaveret, qua toga (quibus pacis artibus) plebs enitesceret. — Item affine est appositioni hoc genus attractionis: *gladii quos, prælongos, utraque manu regunt, quasi, quos, ὄντας prælongos; quos, quum sint prælongi, utraque manu regunt. Fretus bellis quæ secunda gesserat*, i. e. quæ, et secunda quidem, gesserat, vel secundo eventu gesserat.

Pronomen indefinitum cum comparandi particula sibi addit notionem adjectivi aliud: *non esse aliquid quam iram meditatum*, pro, aliud quicquam.

VERBA.

Verba simplicia multa pro *compositis* adhibet Tacitus iis locis quibus illa vel satis intelliguntur in tenore sententiæ vel altitudinem quandam orationi conciliant [quod Dionysius observat de Pindaro generalioribus utenti verbis ob magnificentiam pro specialibus et propriis]. Ejusmodi sunt *ciere*, excitare, ut *citus vento ignis*; *finire*, definire; *firmare*, affirmare; *gravescere*, ingravescere; *movere*, amovere; *premere*, reprimere, deprimere, opprimere; *quærere*, conquirere; *rapere*, arripere, abripere, diripere; *sedere*, desiderare, alibi præsidere; *suescere*; *tenere*, retinere, continere, obtinere; *trahere*, distrahere; *vertere*, avertere, alibi evertere; *vincire*, devincire; *vocare*, provocare, alibi advocare.

Verba composita significantius ponuntur ubi *simplicia rei* sufficiebant. Quod quum in quoque loco facile intelligatur, exemplis non est opus.

Verba frequentativa apud Tacitum et æquales ejus magno in usu sunt, ut plurimum eodem sensu quo sunt simplicia, certe frequentatæ rei notionem rarius offerentia: *adventare*, *assultare*, *clamitare*, *conjectare*, *dispectare*, *imperitare*, *ostentare*, *receptare*, *rogitare*. Et additur adverbium, ubi insistitur notioni frequentiæ: *factitare crebrius carmina*; *ventitare crebro*.

Verba motum indicantia cum simplici accusativo sæpe struuntur, sine præpositione: *advolti genua* vide not. 6 ad *Annal.* I, 13); *egredi vel exire urbem*; *elabi*, *eniti*, *escendere*, *incidere* (ut, *obruit quos inciderat*, quasi, eos in quos ceciderat). *incursare*, *involare*, *irrepere*, *irrumperere*, *propinquare*.

Verba transitiva posita neutraliter vel passive, hæc sunt potissimum: *augere*, *flectere*, *ferre*, *movere* et *vertere*, de quibus aliquoties in annotatione monuimus.

VERBORUM TEMPORA.

Præsens quod vocatur *historicum* in Tacito ob vigorem narrationis longe frequentissimum est, modo solum, modo perfectis et imperfectis immixtum proprio rei narrandæ temperamento; item valde frequens in phrasibus incidentibus post particulas *dum* et *quum*. Subjunctivi ex præsentis historico pendentes plerumque sunt imperfecti.

Perfecto nonnunquam utitur Tacitus, ut aoristo suo Græci, exprimens quod solet fieri, quasi unum factum memorans pro pluribus. *Haud semper errat fama, aliquando et elegit. Postremo suasmets ipse spes anteire parat: quod multos etiam bonos pessum DEDIT, qui spretis quæ tarda (sunt) cum securitate, præmatura vel cum exitio PROPERANT.*

Plusquamperfectum subjunctivi sæpe vim habet futuri exacti; aliquoties etiam imperfecti subjunctivus, ut in hoc loco, *anxius quonam exercituum vis erumperet, eruptura esset.*

VERBORUM MODI.

Indicativus obliquæ orationi insertus legitur sæpissime, ubi exspectes subjunctivum. Quod partim necessario fit, quando res per se vera aut facta interjicitur expositioni alienæ mentis, velut explicandi causa; partim fit pro ingenio Taciti, quod per vigorem quasi in rem præsentem abripit lectores et obliquæ orationis vincula relaxat. Exempla horum indicativorum quævis prope pagina suppeditat.

Indicativi præteritorum in conditionalibus sententiis, de re non facta positi. Hi quoque frequentiores sunt apud Tacitum quam apud scriptores alios. Ejusmodi enim phrasis: *si rerum prosperarum moderatio fuisset, amicus potius in hanc urbem quam captus venissem*, si ita comparata est ut prorsus dubitari non possit de eventu et vere facta res esset, nisi obstitisset alia, indicativus cum vi ponitur in altero membro, uti in recentioribus quoque linguis: *si j'étais venu, il était sauvé*, pro, *aurait été*. Exempla Tacitea pauca de plurimis ponam: *Trudebantur in paludes, ni Cæsar legiones instruxisset. Offerebantur liberi (in Claudii conspectum venturi), nisi Narcissus amoveri eos jussisset. Ni cædem ejus Narcissus properavisset, verterat perniciēs in accusatorem. Incesserat cunctatio, ni duces Cremonam monstrassent. Si eum fatum aliquod in Urbem pertraxisset, Ciceronem audire potuit.* Ceterum in multis locis intelliges ex rei natura jam initium quoddam vere factum significari illis indicativis, sed rem ad eventum non processisse; nonnunquam aliquid seriei gestarum vel gerendarum rerum conveniens et ab Tacito non verbis, sed ordine verborum leviter indicatum, suppleri debet ante particulam *nisi*, ut *Annal.* I, 35; II, 22, et alibi in notis monui.

Subjunctivi natura et usus ut in omni scriptore latino diligen-

ter observanda sunt, ita apud Tacitum inprimis, qui non proprium quidem sibi habet usum subjunctivi, sed in brevitate sermonis ejus quum ceterarum partium orationis, tum vero subjunctivi significatio diligentius spectanda et exactius tenenda est quam in aliis scriptoribus. Nam quæ tanquam propria Tacito annotantur ab nonnullis, v. e. particula *quamvis* cum indicativo, *quanquam* cum subjunctivo juncta, quas diverso modo Cicero struxerit, hæc etiam in quoque loco ex ipsa sententia et propria notione subjunctivi pendent.

Infinitivi usus specie multiplex est apud Tacitum, re ipsa simplex, hoc si teneas : infinitivum esse instar substantivi, latinam autem linguam carere articulo, quo infinitivus, utpote indeclinabile substantivum, ceteris verbis γραμματικῶς possit adaptari : sed Tacitus ipso loco, quem assignat infinitivo, indicat quid velit. Sic *infinitivus* pro *subjecto* est : *culpa quam pœna tempore prior est ; emendari quam peccare posterius est*. Est pro *objecto* : *impetrat veteranos deduci*, deductionem veteranorum ; *illacrimabant eum cecidisse*, ejus casui ; *abrumpi dissimulationem etiam Silius urgebat*, quasi dicas, abruptionem dissimulationis ; *hortatur gentile decus capessere*, assumptionem decoris gentilis, ut dicitur, « hortari bellum.» In aliis locis dubium esse potest, pro *subjectone* accipiendus sit infinitivus an pro *genitivo*, ut in hoc, *vetus Neroni cura erat curriculo quadrigarum insistere, nec minus fœdum studium cithara canere*. Sæpe est pro *genitivo* cum *Adjectivis*, ubi vide ; cum *iisdem* pro *dativo* : *minus obnoxium offendere poetarum quam oratorum¹ studium*, *offensioni studiorum ; factus velare odium*, velando odio Adde not. ad *Hist. IV, 12*.

Infinitivi pro *subjunctivis* nonnunquam ponuntur post *particulas* in oratione obliqua : *ubi Latonam edidisse hæc numina, quod vulgo vel ibique dicitur, vel ubi — ediderit ; quanquam ne impudicitiam quidem abesse ; nisi forte clarissimo cuique plures curas esse ; an Augustum in Germaniam commeare potuisse ?*

Infinitivus qui vocatur *historicus*, de rebus non ad unum et certum tempus pertinentibus, et ipse ponitur post *particulas* *quum, ut, ubi, postquam, simul*.

Infinitivus cum *nominativo* pro *accusativo*, ad græcum modum, ut *Hist. IV, 55*.

Gerundia, ut notum est, quasi casus sunt infinitivi substantive usurpati : *fabricandæ classi præponuntur*, fabricationi classis.

De peculiari usu *genitivi* vide supra in *Genitivo*. Alium usum singularem explicui ad *Annal.* XV, 5, et XIII, 26. — Passiva vi, quod raram, habetur apud Tacitum : *precario jure parendi*; et accusativus : *non senatui libertas ad pœnitendum erat*.

Supina item sunt quasi accusativus et ablativus infinitivi substantive dicti : quare nonnunquam cum genitivis mera sunt substantiva : *distinctu pinnarum*; *dispositu provisuque civilium rerum*, etc.

PARTICIPIA.

Participia perfecti passivi quædam ponuntur significatione adjectivorum in —*bilis*, ut *invictus*, qui vinci non potest (quasi invincibilis); *inaccessus*, etc.; *coercitus*, qui potest coerceri.

Participia perfecti deponentium verborum sæpe amittunt significationem præteriti et ponuntur ut præsentis participia sive ἀορίστως, i. e. sine notione temporis. Annotavimus *Annal.* II, 14; III, 43, de *operatus*; et rerum quæ narrantur seriem naturalem perpendens hunc usum in quoque loco facile agnosces. Etiam in *participiis passivis* præsens aliquoties melius respondere videatur logicæ rationi : *ignis violentia Urbem affecit deusto monte Cœlio*, deurendo montem Cœlium. *Nero virtutem ipsam exscindere concupivit interfecit Thræsea*, Thræseam interficiendo. Sed in hoc loco, *Quod editis annalibus laudatoque Bruto C. Cassium Romanorum ultimum dixisset*, sententia est, quod ediderit annales, in quibus laudavisset Brutum et Cassium... dixisset.

Participia passiva cum substantivo apud Tacitum paullo sæpius quam apud alios ponuntur pro *substantivo abstracto* genitivum habente : *occisus Cæsar aliis pessimum, aliis pulcherrium facinus videbatur*, occisio sive cædes Cæsar. *Rapta uxor... vecordem agebat Arminium*, raptus uxoris. Sed de hoc usu verbo monuisse sufficit.

Participia cum genitivis, et cum infinitivis. De his idem valet quod diximus de *Adjectivis* sic structis. Item de *participiis neutris* substantive posit, ut ponuntur *Adjectiva neutra*.

Ablativi absoluti. Hujus constructionis, quæ propria est latinæ linguæ et diligenter observanda, rariores modos recensebimus, Tacito autem in frequentiori quam ceteris scriptoribus usu habitos. Primum (de quo jam monitum) quum participio verbi substantivi *ens*, ὄν, careat latina lingua, ubi tali opus est, ablativi

sine verbo ponuntur : nullo in armis subsidio, quum nullum esset in armis subsidium; nullis contra terris, quum contra sive e regione Oceani nullæ terræ sint adversæ: *levioribus delictis*, quando delicta quæ committuntur sunt leviora; *libero quid firmaret mutaretre*, quum liberum esset etc. Versa vice substantivum, quod subjecti locum obtinet, sæpe omittitur ubi rerum serie satis indicatur, plerumque pronomen *iis* : *Ille atque talia agitantibus grassescere valetudo Augusti*. Deinde absolute ponuntur ablativi participiorum perfecti passivi, insequente expositione uberiore rei quæ secundum logicam grammaticæ pro substantivo subjecti haberi debet : *nondum comperto profectionem eam incusari*, pro, incusatione hujus profectionis nondum comperta; vel, nondum comperto *eo* quod profectio incusaretur. Sic intelligenda sunt : *comperto paternas ei angustias esse*; *Calusidius strictum pugionem obtulit addito acutiorem esse*, additis verbis; *diu quæsito* (postquam diu quæsitum erat) *quos nepotibus suis maritos destinaret Cæsar*; *intellecto in quos sæviretur*; *diu pensitato Mithridatisne rebus extremis an patrio regno consuleret*, et plurima alia.

Attractionis genus peculiare. *quibus bellum volentibus erat*, habes *Annal.* I, 59, *Hist.* III, 43, ubi vide not

ADVERBIA. I

Adverbia quædam pro *adjectivis* junguntur cum verbo substantivo *esse* : *contra est*, *frustra est*, *impune est*; *abunde (esse) ratus*; *longe esse*, *satis esse*.

Adverbia cum substantivis aliquoties conjuncta reperiuntur adjectivorum loco, quæ Græcæ linguæ consuetudo est adverbium articulo et substantivo interponentis. Sic Tacitus dixit, *longam olim famem Judæi adhuc jejuniis falerentur*, τὸν πάλαι λιπὸν, pristinam famem longam; *sensit dux imparem cominus pugnam*, eam quæ cominus fieret; *in nullum rei post usum*, posteriorem; *suam illic victoriam*, quam illic reportaverat. Plerumque, ne duo adjectiva concurrerent, græca hac structura usus est Tacitus.

RÆPOSITIONES.

Præpositiones ab Tacito sæpius quam aliis scriptoribus *postponuntur* substantivo : *ornatum ad Urbis et posterum gloriam*; *Misenum apud*; *legionibus coram*; *urbem extra*; *lucum intra*;

urbem juxta; Assyrios penes; viam propter; humum super; Euphraten ultra. Etiam a verbis, quibuscum junctæ esse debebant, reperiuntur separatæ: *decumæ super portiones erant, supererant; jactis super ancoris, superjectis.*

Præpositiones sæpe *omittuntur*, tam jungendæ cum ablativo, ut supra diximus in Ablativo; quam cum accusativo, ante nomina locorum, ut *Ægyptum proficiscitur*, et cum verbis motum indicantibus, quæ supra recensentur in sectione de Verbis. Intermittitur etiam repetitio ante alterum substantivum: *simul in frontem, simul et (in) latera; in Liviam et mox Juliam familiam.*

De singularum præpositionum usu peculiaria hæc annotantur:

A, AB, cum verbo neutro posita pro passivo capiendum esse indicat: *donec a centurione vulneribus adversis caderet, caderetur.* — Addita ablativo, qui per se sufficere videbatur, aliquid amplius significat: *Cerealis a metu infamiæ pressit iras*, quasi, a metu infamiæ petiit modum aut facultatem premendi iras. Similiter: *rubor a quo se contra pudorem muniebat. A legibus puniri delicta*, ex legum ratione, secundum leges. — De tempore, quando res aliqua, nulla alia interjecta, sequitur aliam: *a cæna*, quasi (*sortant*) *de table*, statim post cœnam. Sic *missionem militum ab sedecim annis*, quæ statim fiat post sextum decimum stipendium. Sic exponendum etiam, *Præposuerat Sabinum a præfectura cohortis* (qui modo præfectus cohorti fuerat), neque cum sequenti usu confundendum. — In significatione muneris, de eo qui præest muneri: *esse ab epistolis, libellis* (supplicum), *rationibus.*

AD. Pro *apud*: *sororum filiis idem apud avunculum qui ad patrem honos; jactantia gloriaque ad posteros.* — Sæpe ponitur ubi res ab alia quasi excitatur eamque sequitur velut responsio interrogationem: *erectas Gallias ad nomen dictatorium*, quasi, audito nomine dictatoris; sic, *multis ad celebritatem nominis erectis; læto milite ad mutationem ducum*, quum hanc mutationem percepissent; *ad nomen ejus Titellius excitabatur*, audito nomine ejus; *ad omnes nuntios trepidus.* Sic proprie, expositis precibus Caractaci, pergit Tacitus: *ad ea Cæsar veniam ipsique et conjugii tribuit.* Alibi: *dixisse ad primas filii sui epistolas ferebatur*, iis acceptis. — *Ad hoc, ad hæc, ad id* modo est pro *præterea*; modo de causa et fine rei dicitur. — *Ad præsens*, pro eo quod alii dicunt *in præsens*, εἰς τὸ παρόν. Utrum-

que junctum *Hist. I, 44* : *Munimentum ad præsens, in posterum ultionem.*

APUD, propinquitatem denotans, in formulis quibusdam ad dativi usum accedit : *sacrificasse apud deos ; apud ipsum jurrasset ; formido fuit apud fugientes.* — Sæpe de locis, pro in : *apud palatium effigies ipsorum sisteret ; apud Capitolium, apud ædem ; apud Asiam, Germanias, etc.*

CIRCA sæpe dicitur de re in qua vel persona vel actio aliqua versatur, ut græcum *ἄρτι* : *circa educandos liberos severitas ; circa artes bonas socordia ; circa consilium eligendi successoris scindebantur in factiones ; Callistus, jam mihi circa necem Caii Cæsaris narratus, ubi versabar in nece Caligulæ narranda.*

CITRA pro absque, sine, ut monitum ad *Agric. c. 1.*

DE pro quod attinet ad : *de reptundis itum ad recipitores ; de amicitia et officiis idem finis et te et nos absolverit ; multa de nomine ejus celebrant.* Magis proprie in his, *Majore fama, uti mos est de ignotis* (ubi de pendet a voce fama) ; *addidit laudem de Augusto ; de odio facilius credideris ; de cæde Galbæ ignari.*

E, EX pro secundum : *e republica censere ; ex usu temporis, ex severitate prisca.* — Pro genitivo omissio unus : *Massa ex procuratoribus Africæ, unus procuratorum ; et sæpe ex tribunis, ex fidissimis, ex libertis, etc.* — Cum adjectivis formulas adverbiales efficit, ut dictum in sectione *Adjectiva neutra.*

ERGA etiam de rebus adversis : *alienato erga l'espasianum animo ; odiorum invidiæque erga Fabium ; erga eminentes sinistra interpretatio.* — Nonnunquam eodem usu quo esse præpositionem circa modo notavimus : *erga domum suam inscitia ; erga pecuniam alienam diligentia ; erga exitus dominantium fama atrocior.* Et cum adjectivis, *anxius erga aliquem, etc.*

IN. Specie quidem hæc præpositio sæpe ponitur a Tacito pro aliis, ut *ad, adversus, apud, inter, cum,* vel cum accusativo pro ablativo, aut vice versa ; sed re consideratius perpensa, propriam ejus notionem in talibus quoque locis agnosces. Quare hæc tantummodo memoramus. Sæpe finem sive eventum alicujus rei denotat : *Augustus in nullius unquam suorum necem duravit, nunquam ita induravit animum ut ad suorum alicujus necem progrediretur ; prætorem uno vulnere in mortem affecit, adeo ut moreretur ; victa in lacrimas, ut lacrimas effunderet ; in mucronem ardescere, Ann. XV, 54, ubi vide not.* Hinc pen-

dent formulæ *in tantum, in quantum* ; et hæc : *in omne fas nefasque avari* ; *paratus in res novas* ; *novissimi in culpam, primi ad poenitentiam*. — Sæpissime, ut breviter dicam, directionem exprimit, sive quo pertinet actio aliqua : *in rempublicum exitiosi* ; *in reliquos data venia* ; *læta in rempublicam munera* ; *acceptius in vulgus*, etc. Hinc pro *apud*, cui respondet in hoc loco : *tristia in bonos, læta apud deteriores esse*. — Ab *in* de vestitu, ut *in toga*, audacius translatus dicitur *Hist. IV, 3 : in iisdem annulis patibulo affixus*, iisdem annulis equestribus cinctus. — De singulari usu præpositionis *in* cum accusativo, ubi postulari videtur ablativus, monitum ad *Hist. I, 87*, et in fine *Germaniæ*. — *In* cum adjectivis efficere formulas adverbiales pro adjectivis positas docuimus in sectione Adjectiva neutra, e. c. *quibus fortuna in integro est*, integra; et, ubi cum adjectivo junctum est, *nobis in arcto et inglorius labor*. — Formulæ *in loco*, *in tempore*, pro justo vel suo loco, opportuno tempore, græce ἐν καιρῷ, etiam apud alios scriptores sæpe obviæ.

INTRA, nonnunquam pro simplici *in* : *intra manus habere librum* ; *intra me hoc volvo* ; *intra se formare tragœdiam*, in animo suo.

PER sæpissime modum et rationem indicat qua fit aliquid ; *per nuntios visere* ; *per honesta erogare pecuniam*. Hinc ablativo ἐκ παραλλήλου oppositum : *non multum venatibus, plus per otium transigunt* ; *per acies aut proscriptione cadere*, etc. — De locis in universum indicatis secundum ambitum, per quem res fit in multis simul locis : *per Gallias delectus* ; *per Germanias conscripta cohors*. Paulo aliter, *per pagos vicosque jus reddere*, pagatim, vicatim ; *per fora et templa fixa ære*, quod plus est quam *in foris et templis*, et reddendum partout dans les ...

POST sæpe adverbium est, *paucis diebus post*, etc.

PRO in formulis *pro vallo*, *pro litore*, *pro cornibus*, *pro muris*, etc., non prorsus idem est atque *ante*, sed plerumque significat, in ipsa parte anteriori earum rerum, ac proinde maiorem propinquitatem indicat quam altera præpositio indicaret; conf. ad *Ann. II, 81*. — Brachylogiam in alia notione annotavi *Ann. IV, 38*.

SUB usus quosdam peculiare habet, sed qui facillime intelliguntur.

SUPER cum accusativo sæpissime pro *præter*, cum ablativo pro *de* et *propter* a Tacito usurpatum.

SUPRA adverbialiter ; ut *par negotiis neque supra* (ὑπὲρ), neque iis superior ; *tricena aut supra* (ea) *stipendia*. — Item

ULTRA.

CONJUNCTIONES ET PARTICULÆ.

Hæc pars linguæ ut in nullo scriptore negligenda est, ita in Tacito præsertim diligenter observanda, qui summa arte orationem contextuit, ut nihil non sit significantissimum. Propria ipsi, vel quæ frequentiora apud eum sint quam apud ceteros, hæc fere annotantur.

Conjunctivæ sive *copulantes particulæ* sæpe omittuntur, ut interrupto paululum sermone res vividius notentur: *mira comitas et diversa a Tiberii sermone, vultu. Nero rividum animum in alia detorsit: cælare, pingere, cantus aut regimen equorum exercere. Futurorum præsentia, læta, tristia, ambigua, manifesta.* Multus est felixque *asyndeti* usus apud Tacitum. — Post adjectivum *multus* græco more ponitur *et*: *multa et probrosa; multa fœdæque, πολλὰ καὶ φœδα.* — Quando *adversativa vis* jam in ipsis verbis expressa et in totius sententiæ conformatione inest, sæpe conjunctiva particula contentus est Tacitus: *hæc palam dixit et alia secreto; speciosis et irritis nominibus, ministros veteres et prægraves (nimis molestos) afflixit, et alia multa, in quibus particula sed nimium insistere oppositioni videatur.* Atque opposita illa plerumque simul et uno tempore locum habent: quare aptior in talibus est conjunctiva particula, ut in his: *strenui ignarique; spe metuque; parebant terrebantque; aderat ceteris periculorum pramiorumque ostentator, nimirum prouti egissent; diversa quidem sunt, sed eodem tempore ostentata.* — Sæpe *et* significat *etiam*; aliquoties *que* positum est ubi exspectes *quoque*. — Pro *et ... et* sæpe habes — *que ... et, — que ... ac* sive *atque*; et cum negatione *neque* pro altero *et*, ut *Germ. c. 2*, ubi vide not.

Disjunctivæ particulæ sæpissime ponuntur simplices ubi vulgaris sermo adhibere solet duplices: *miracula narrabant (sive) visa sive ex metu credita; juxta periculoso (i. e. quum æque periculosum esset) ficta seu vera promeret.* Et variata structura: *in Campaniam concessit, (sive) longam absentiam paullatim meditant, sive ut amoto patre Drusus munia consulatus solus imple-ret. Venenum parum validum, sive temperamentum inerat, pro, venenum seu per se invalidum, seu temperamentum continens.*

Hinc pendet usitatissima Tacito structura particulæ AN, qua præcedentibus aliam causam verisimilem annectit, non præmissa particula *utrum*, quæ periodum oneratura esset: *finem vitæ sponte, an fato, imple-ret, i. e. sive sponte sive fato,*

incertum utrum sponte an fatali morte; *forte, an quia audiverat; vitandæ suspicionis* (causa), *an quia ...; inferius majestate sua rati, an ne falsi intelligerentur*, etc. Vel absolute cum indicativo; *idque et Mæcenati acciderat, fato potentiæ raro sempiternæ, an satias capit aut illos ... aut hos*. Sed infinita prope est varietas hujus breviloquentiæ per particulam *an*, quæ est inprimis Tacitea, et ubique sic ut diximus intelligenda quasi dictum esset: incertum, utrum ... *an ...* Bis sive præcedit particulam *an*, *Annal.* XI, 26 init.; et XIV, 59, ubi tria membra sunt: *sive nullam opem providebat, seu tædio ambiguæ spei, an amore conjugis*.

Particula *aut*, quando proxime sequitur particulam *neque*, ex ea assumit vim negandi: *neque paci aut prælio paratum, pro, neque prælio; offensiones inanes et irritas neque mihi aut vobis usui futuras*.

Comparativæ particulæ. De his vide supra in sectione de Comparativis. Nonnunquam etiam superlativo adduntur: *nulli tam intima causa*.

Conclusiva particula **IGITUR** nonnunquam inservit excipiendo filo orationis paulisper interrupto, ut græca ὅγ᾽ atque καὶ ὅγ᾽. Exempla habes *Annal.* I, 28; *Hist.* II, 29.

Conditionales particulæ. Ex his **SI**, uti græcum εἰ, ponitur in interrogationibus obliquis et ubi conatus aut spes incerta exprimitur, pro *an* sive potius *an forte*, quia nihil de eventu (ut loqui solemus) præjudicatur: *explorari placuit, si qua Apennini juga clementius adirentur; dandum adhuc spatium ratus, si recenti exemplo sibi ipsi consulerent; adsultare, si laxare ordines posset, tentans an...; sic, propius incedens, si hostem in prælium eliceret; pergunt in castra, si incipiens adhuc necdum adulta seditio melioribus consiliis flecteretur, tentantes an ita* etc. Et cum verbis *timendi*: *quibus unus metus si intelligere viderentur; quos penes potentia et si res verterentur* (immutarentur) *formido*, ubi facile sentias *si non esse idem quod ne*.

Hinc pendet etiam frequens usus formulæ *si qui alii* et *si qua*, de iis quæ non definiuntur: *accitur centurio Clemens et si qui alii bonis artibus grati in vulgus; stationes et si qua alia præsens usus indixerat; sublatis si qua pravæ interpretationi materiam dederunt*, etc.

In conjunctis particulis *nisi si prior*, exceptionem significans, pendet ex præcedentibus, ut in *nisi ut, nisi ne, nisi quum, nisi quod*, et altera insequentis structuræ formam indicat.

Dum cum subjunctivo pro modo vel dummodo : *nihil abnuentem, dum dominationis apisceretur, et alia.*

Finalis conjunctio nonnunquam omittitur in altero membro positivo, postquam negativa particula finalis præcesserat, ex qua elicenda est positiva : extinctam autem negationem esse sententia cum decursu periodi indicat. Exemplis rem declarabimus : *factum senatusconsultum, ne decreta Patrum ante diem decimum ad ærarium deferrentur, idque vitæ spatium damnatis prorogaretur, ubi idque est pro, et ut id. Pepigerat Pallas, ne cujusque facti in præteritum interrogaretur paresque rationes cum republica haberet, ubi paresque est, et ut pares. Orasse dicebantur ne criminantium nuntiis temere accenderetur integrumque (et ut integrum) se filio præstaret. Ne quis vita probrosus provinciam sortiretur idque (et ut hoc) Princeps dijudicare. Optabunt ne miles centurioni, ne centurio tribuno obsequatur, hinc confusi pedites equitesque in exitium ruamus, ubi hinc pro, et ut hinc. — Eadem particula *ut* sæpissime omittitur post verba jubendi, incitandi, hortandi, optandi, similia : *jussit (ut) abirent, etc.**

UT particula, cum indicativo structa, nonnunquam habet vim restringentem et impedit quominus res accipiatur universe et absolute : tum plerumque sine verbo ponitur ; de oppressis ruina theatri, *eos quum principium stragis oppresserat, ut tali sorte, cruciatum effugere*, non prorsus effugere cruciatum, sed ut judicamus in tali sorte, comparando cruciatum mutilatorum. Sic *Germ. c. 30*, ubi vide notam. Sæpe simpliciter supplendum *fit*, vel *fieri solet* : *mox, ut in magnis mendaciis, interfuisse se multi dicebant ; qui mortales Britanniam initio coluerint, indigenæ, an advecti, ut inter barbaros, parum compertum.*

Temporales conjunctiones quando subjunctivum habent, is non ex ipsis pendet, sed ex notione accidente : velut, *postquam cognita cæde Caii haud obtemperatum esset, manebat metus*, ubi accedit causæ notio. In his igitur subjunctivis semper amplius aliquid quærendum est quam in indicativis.

Denique exhortamur juvenes, ut in brevitate Taciti simul observent *variationem orationis*, studiose quæsitam a scriptore sapientissimo, qui hac arte vel brevissime dictis motus decoros tribuit.

C. CORNELII TACITI

AB EXCESSU DIVI AUGUSTI

ANNALIIUM

LIBER PRIMUS.

ARGUMENTUM.

Cap. 1. Rei Romane status ante Augustum. — 2. ejus artes et via ad imperium. — 3. varii ab Augusto destinati successores. — 4. status rerum et affectus civium sub Augusto. judicia de successoribus. — 5. morbus Augusti, et mors celata. accitus ad successionem Tiberius. — 6. cedes Postumi Agrippae. — 7. Roma prona in servitutem. juratum in verba novi Principis. ejus callida tergiversatio. — 8. Augusti testamentum et honores eximii in funere. — 9. de Augusto judicia in utramque partem. — 10. judicia sequiora. — 11. Tiberius imperium subdole renuit, urgente senatu. rationarium imperii. — 12. Asinio ingratus Tiberius. — 13. mox Arruntio, Haterio et Scauro. — 14. senatus adulatione in Liviam, a Tiberio temperata. — 15. ratio comitiorum. ludi Augustales. — 16. seditio Pannonicarum legionum, VIII, IX, XV. concitor Perennius. — 17. hujus seditionis conciones. — 18. furit miles, quem moderari conatur Blasus. — 19. legatio ad Principem. — 20. recrudescit seditio. — 21. Blasus frustra obamulatur. — 22. Vibulenti fallacia fecinore pane oppressus. — 23. tribuni mil. pulsati, Lucilius cecidit. — 24. Drusus seditionem sedandam missus a Tiberio. — 25. Drusus litteras Tiberii recitat. — 26. militum postulata difert. clamor. — 27. hinc tumultus acrior. Lentuli periculum. — 28. luna defectio seditiones terret. nec deest occasione Drusus. — 29. miles ponit ferociam. — 30. capita tumultus caesa. legiones hibernis suis redditae. — 31. Gravior oritur seditio legionum octo Germanicarum. — 32. saevitia in centuriones. Chareae lacinus. — 33. Germanicus Caesar ad legiones e Gallia properat. — 34. quas ad fidem cohortatur. — 35. eae querelas promunt. pars imperium offerunt acriter abnuenti. — 36. remedia quaesita. — 37. oblata missio et pecunia: sic paulum oppressa seditio. — 38. vexillarii turbant. — 39. capita coercet Mennius. — 40. denuo legiones I et XX turbant. Casari vinum, Plancio mortem intentant. — 41. Germanicus. filio et uxore dimissis. — 42. multi praenuntium ingunt. — 43. tum cum facunda oratione alloquitur. — 44. mutati penas in se ultro poscunt. noxios ipsi puniunt. centuriones novi suspecti. — 45. in turbidos vis adhuc paratur. — 46. Trepida urbis rumores. — 47. Tiberius iter summat. — 48. Germanici minae. — 49. miles suos turbatores ipse caedit. — 50. furor expiaturi in hostem eunt Marsi oppressi. — 51. Tanfanae templum dejectum. insidiae in redditu irritae. — 52. Tiberius maligne laudat Germanicum. — 53. Juliae mors et mores. Gracchus caesus. — 54. sodales Augustales instituantur. histrioniae turbae.

55. Proximo anno in Chattis excursus. Arminius. Segestes. — 56. Chatti improvise oppressi. Mattium incensum. — 57. Segestem obsessum liberat Germanicus. uxor Armini capta. — 58. Segestis oratio. Segestes cum suis benigne habitus. — 59. Arminius in eum et Romanos invehitur. — 60. Cherusci alique populi rebellant. Bructeri fusi. — 61. monumenta cladis Varianae. — 62. reliquiae illius cladis tumultuatae, improbane Tiberio. — 63. pugna cum Arminio. — 64. Caecina loco iniquo aggreditur Arminium intrepidum. — 65. milites consternati Caecinae sonitum infaustum. caesi paene Romani. — 66. Panicus terror ut repressus. — 67. consilium Caecinae de recessu. — 68. felix eruptio. Germanorum clades. — 69. Agrippinae vires cura Tiberium offendunt. — 70. legiones astu maris cum periculo revectae. — 71. Segimerus in ditionem acceptus. exercitus damna suppleta. — 72. Tiberii dicta modesta. lex majestatis revocata. — 73. et in minimis quibusdam exercita. delationum pestis ingruit. — 74. Marcellus majestatis postulatus. in eum ira Tiberii incutitur. — 75. Tiberi liberabilitas. — 76. Tiberis inundatio. Achaia et Macedonia levatae. Drusi munus. — 77. theatri licentia coercita. — 78. templum Augusti. centesima. — 79. an aquae Tiberi subducendae. — 80. Tiberius cur praesides raro mutarit. — 81. comitiorum confusa ratio.

Haec fere biennio gesta, Coss. Sex. Pompeio et Sex. Appuleio; Nerone Claudio Druso Caesare et C. Norbano 14 et 15 p. Chr. n.

I. Urbem Romam a principio reges habuere ¹. libertatem et consulatum L. Brutus instituit. dictaturæ ad tempus ² sumebantur. neque decemviralis potestas ultra biennium neque tribunorum militum consulare jus diu ³ valuit. non Cinnæ, non Sullæ longa dominatio. et Pompeii Crassique potentia cito in Cæsarem, Lepidi atque Antonii arma in Augustum cessere ⁴, qui cuncta discordiis civilibus fessa nomine *principis* sub imperium accepit. Sed veteris populi Romani prospera vel adversa claris scriptoribus ⁵ memorata sunt; temporibusque Augusti dicendis non defuere decora ingenia, donec gliscente adulatione deterrerentur. Tiberii Caiique et Claudii ac Neronis res florentibus ipsis ob metum falsæ ⁶; postquam occiderant, recentibus odiis compositæ sunt. inde consilium mihi pauca de Augusto et extrema ⁷ tradere, mox Tiberii principatum et cetera, sine ira et studio, quorum causas procul habeo ⁸.

II. Postquam Bruto et Cassio cæsis nulla jam publica arma ¹, Pompeius ² apud Siciliam oppressus, exutoque ³ Lepido, interfecto Antonio, ne Julianis quidem partibus nisi Cæsar dux reliquus, posito *triumviri* nomine ⁴ consulem se ferens et ad tuendam plebem tribunicio jure contentum ⁵, ubi militem donis, populum annona ⁶, cunctos dulcedine otii pellexit, insurgere paullatim, munia senatus, magistratuum, legum in se trahere nullo adversante, quum ferocissimi per acies aut proscriptione cecidissent, ceteri nobilium, quanto quis servitio promptior ⁷, opibus et honoribus extollerentur, ac novis ex rebus aucti tuta et præsentia quam vetera et periculosa mallent. neque provinciæ illum rerum statum abnuebant, suspecto senatus populique imperio ob certamina potentium ⁸ et avaritiam magistratuum, invalido legum auxilio, quæ vi, ambitu, postremo pecunia turbabantur.

III. Ceterum Augustus, subsidia dominationi ¹, Claudium Marcellum sororis filium, admodum adolescentem, pontificatu et curuli ædilitate, M. Agrippam, ignobilem loco ², bonum militia et victoriæ socium, geminatis ³ consulatibus extulit, mox defuncto Marcello generum sumpsit: Tib. Neronem et Claudium Drusum privignos ⁴, imperatoriis nominibus

1. Versus hexameter, non quesitus studio, sed qui ultro se obtulit scriptori numerosæ orationis magnificentiam in gravi initio sectanti. — 2. Quando et quamdiu tempus postulabat, non ultra tamen sex menses. — 3. Ab a. U. (anno Urbis) 510 ad 588, neque continuis his annis. — 4. Transiere. — 5. Est dativus. — 6. Adjunge quod sequitur *compositæ sunt*. — 7. Et extrema quidem. Et explicativum. — 8. Odi et assentationis causæ longe a me absunt. Confer Histor. I, 1.

II. 1. Reipublicæ nomine capta. — 2. Sextus Pomp., Cn. Pompeii Magni filius. — 3. Quasi dicas exarmato; 20 legiones per corruptionem ab eo alienavit Octavianus, qui mox *Cæsar* vocatur. — 4. Ab senatu et populo in quinquennium creati erant *triumviri reipublicæ constituendæ* Octavianus, Antonius et Lepidus; quibus oppressis Oct. triumviri nomen deposuit. — 5. *Contentum* dicit, quia regis dictatoris, censoris perpetui nomina ipsi oblata repudiabat. De *tribunicia potestate* v. III, 36. — 6. Largitione frumentaria. — 7. *Supple tanto magis*, indicatum verbis *quanto promptior*. — 8. Marii, Sullæ, Julii Cæsaris, Pompeii M. et triumvirorum, per quos longa bella civilia suscitata.

III. 1. Observandus est hic usus Taciti, breviter et in modum appositionis indicandi causam, prætextum, finem, naturam alicujus rei vel facti. Nostro loco hoc vult: Augustus, *ut essent* subsidia dominationi suæ, Marcellum et Agrippam honoribus exivit. *Subsidia dominationis* sunt successores destinati, qui spem auferant res novas molientibus. — 2. Genere. — 3. Continuatius annorum 726 et 727. — 4. Ex Tiberio Claudio et Livia Drusilla, quam in matrimonium duxit Augustus. —

auxit⁵, integra⁶ etiam tum domo sua; nam genitos Agrippa Caium ac Lucium in familiam Caesarum induxerat, necdum posita puerili prætexta *principes juventutis*⁷ appellari, destinari consules specie recusantis flagrantissime cupiverat. ut Agrippa vitâ concessit, L. Cæsarem eundem ad Hispanienses exercitus, Caium remeantem Armenia et vulnere invalidum mors fato propera vel novercæ Livæ dolus abstulit, Drusoque pridem extincto Nero solus e privignis erat. illuc⁸ cuncta vergere: filius, collega imperii, consors tribuniciæ potestatis assumitur omnesque per exercitus ostentatur, non obscuris, ut antea, matris artibus, sed palam hortatu; nam senem Augustum devinxerat adeo, uti nepotem unicum, Agrippam Postumum, in insulam Planasiam projiceret⁹, rudem sane bonarum artium et robore corporis stolide ferocem, nullius tamen flagitii compertum¹⁰. at hercule Germanicum Druso ortum octo apud Rhenum legionibus imposuit, ascirique per adoptionem a Tiberio jussit, quamquam esset in domo Tiberii filius juvenis; sed quo¹¹ pluribus munitis insisteret. Bellum ea tempestate nullum nisi adversus Germanos supererat, abolendæ magis infamiæ¹² ob amissum cum Quinctilio Varo exercitum, quam cupidine proferendi imperii aut dignum ob præmium. domi res tranquillæ, eadem magistratum vocabula¹³, juniores post Actiacam victoriam, etiam senes plerique inter bella civium nati. quotusquisque reliquus, qui rempublicam vidisset?

IV. Igitur verso civitatis statu nihil usquam prisci et integri moris¹: omnes exuta æqualitate jussa Principis aspectare, nulla in præsens formidine, dum Augustus ætate validus seque et domum et pacem sustentavit. Postquam propecta jam senectus agro et² corpore fatigabatur, aderatque finis et spes novæ, pauci bona libertatis incassum disserere³, plures bellum pavescere, alii cupere: pars multo maxima imminentes dominos variis rumoribus differebant⁴: « truce[m] Agrippam et ignominia accensum non ætate neque rerum experientia tantæ moliparrem: Tib. Neronem maturum annis⁵, spectatum bello, sed vetere atque insita Claudiæ familiæ superbia⁶, multaue indicia sævitæ, quamquam premantur, erumpere. hunc et prima ab infantia eductum in domo regnatrice; congestos juveni consulatus, triumphos; ne iis quidem annis, quibus Rhodi, specie secessus, exsulem egerit⁷, aliquid quam iram et simulationem et libidines meditatam. accedere matrem muliebri impotentia⁸: serviendum feminae duobusque insuper adolescentibus⁹, qui rempublicam interim¹¹ premant, quandoque distrahant. »

5. Imperatorum titulo amplificavit. — 6. Jacturam nullam passa, superstitionibus imperii hereditibus. — 7. Sic in republica Equitum filii et Equites ipsi appellabantur. — 8. In Neronem, i. e. Tiberium. — 9. Relegaret. — 10. Convictum, manifestum. — 11. *Sed fecit hoc ut eo pluribus.* etc. — 12. Dativi: ad abolendam infamiam (susceptum). — 13. Tituli inanes, quum *munia* ad Augustum transissent.

IV. 1. *Intellige moris publici*, de veteribus institutis reipublicæ. — 2. *Pro etiam.* — 3. Prædicare, memorare. — 4. Inique divulgabant. — 5. Relegationis, de qua cap. 5. — 6. Natus erat annos 33. — 7. Ut Appii Claudii decemviri Virgintæ insidiati; Claudii Drusti, qui statum sibi cum diademate ad Appii forum posuit, et aliorum, de quibus Suetonius lib. 1. c. 2. — 8. Exsulis personam egerit, exilium simulaverit. Conf. c. 35. *Aliquid pro aliud quidquam.* — 9. *Impotentia*, is animi status, quo quis sibi non imperat, cupiditatibus subjectus. — 10. Druso, Tiberii filio, et Germanico. — 11. Aliquamdiu, per aliquod tempus. *Quandoque*, aliquando, quodcumque hoc sit eventurum.

V. Hæc atque talia agitantibus gravescere valetudo Augusti, et quidam scelus uxoris suspectabant; quippe rumor incesserat, paucos ante menses Augustum electis consociis et comite uno Fabio Maximo Planasiam vectum ad visendum Agrippam: multas illic utrimque lacrimas et signa caritatis, spemque ex eo fore ut juvenis penatibus avi redderetur. quod Maximum uxori Marciae aperuisse, illam Liviae: gnarum¹ id Caesari: neque multo post extincto Maximo, dubium an quaesita morte, auditos in funere ejus Marciae gemitus semet incusantis, *quod causa exitii marito fuisset*. Utcumque se ea res habuit, vixit ingressus Illyricum Tiberius properis matris litteris accitur: neque satis compertum est, spirantem adhuc Augustum apud urbem Nolam² an exanimem reperit. acribus³ namque custodiis domum et vias sepserat Livia, ketique interdum nuntii vulgabantur, donec provisus quæ tempus monebat, simul excessisse Augustum et rerum potiri Neronem fama eadem tulit.

VI. Primum facinus novi principatus fuit Postumi Agrippæ cædes; quem ignarum inermumque quamvis firmatus animo centurio ægre¹ confecit. nihil de ea re Tiberius apud senatum disseruit: patris jussa simulabat, quibus præscripsisset tribuno custodiæ appposito, *ne cunctaretur Agrippam morte afficere, quandoque ipse supremum diem explevisset*. multa sine dubio sævaque Augustus de moribus adolescentis questus, ut exilium ejus senatusconsulto sanciretur, perfecerat: ceterum in nullius unquam suorum necem duravit²; neque mortem nepoti pro securitate privigni illatam credibile erat. propius vero, Tiberium ac Liviam, illum metu, hanc novercalibus odiis, suspecti et invisi juvenis cædem festinavisse. nuntianti centurioni, ut mos militiæ, *factum esse quod imperasset, Neque imperasse sese et rationem facti reddendam apud senatum* respondit. quod postquam Sallustius Crispus³ particeps secretorum (is ad tribunum miserat codicillos⁴) comperit, metuens ne reus subderetur, juxta periculoso⁵ ficta seu vera promeret, monuit Liviam « ne arcana domus, ne consilia amicorum, ministeria militum « vulgarentur, neve Tiberius vim principatus resolveret cuncta ad se- « natum vocando: eam conditionem esse imperandi, ut non aliter ratio « constet quam si uni reddatur⁵. »

VII. At Romæ ruere in servitium consules, Patres, Eques: quanto quis illustrior, tanto magis falsi¹ ac festinantes; vultuque composito, ne læti excessu Principis neu tristiores primordio², lacrimas, gaudium, questus, adulationes miscebant. Sextus Pompeius et Sextus Appuleius consules primi in verba Tiberii Cæsaris juravere³, apudque eos Seius Strabo et C. Turranius, ille prætoriarum cohortium præfectus, hic annonæ; mox

V. 1. Passive, cognitum, compertum. — 2. *Nolæ* (v. c. 9), ex usu Taciti. — 3. I. e. Intentis.

VI. 1. Ob robur Agrippæ, de quo c. 5. — 2. Se s. mentem obduravit. — 3. Sallustii historici ex sorore nepos, ab eo adoptatus. — 4. Quibus cædes Agrippæ imperabatur. — 5. Quum æque periculosum esset, sive ficta sive vera pr. — 6. Sententia: ita comparatum esse imperium, ut res ejus non aliter in liquido sint, quam si uni imperanti gestarum vel gerendarum rerum ratio reddatur. A mensulariis ducta locutio *constat ratio*, quando pares sunt accepti et expensi summæ.

VII. 1. Simulatores. *Composito* sc. arte. — 2. Sc. *essent* vel *viderentur*. — 3. Tiberio iurandum præstabant. Publicum sacramentum olim duplex, civium *in verba consulum*, militum *in verba ducis*: quod postea ad solum Principem transiit. — 4. Mente ambigens an

senatus milesque et populus. nam Tiberius cuncta per consules incipiebat, tanquam vetere republica et ambiguus imperandi ⁴. ne edictum quidem, quo Patres in curiam vocabat, nisi tribuniciæ potestatis præscriptione ⁵ posuit, sub Augusto acceptæ. verba edicti fuere pauca et sensu permolesto: *de honoribus parentis consulturum, neque abscedere a corpore, idque unum* ⁶ *ex publicis muneribus usurpare*. Sed defuncto Augusto signum ⁷ prætoriiis cohortibus ut imperator dederat: excubiæ, arma, cetera aulæ; miles in forum, miles in curiam comitabatur. litteras ad exercitus tanquam adepto ⁸ principatu misit, nusquam cunctabundus nisi quum in senatu loqueretur. causa præcipua ex formidine, ne Germanicus, in cujus manu tot legiones, immensa sociorum auxilia, mirus apud populum favor, habere imperium quam expectare mallet. dabat et famæ ⁹, ut vocatus electusque potius a republica videretur, quam per uxorum ambitum ¹⁰ et senili adoptione irrepsisse. postea cognitum est, ad introspectiendas etiam procerum voluntates inductam dubitationem ¹¹: nam verba, vultus in crimen detorquens recondebat ¹².

VIII. Nihil primo senatus die agi passus nisi de supremis Augusti. cujus testamentum, illatum per virgines Vestæ ¹, Tiberium et Liviam heredes habuit: Livia in familiam Juliam nomenque Augustæ assumebatur, in spem secundam nepotes pronepotesque ², tertio gradu primores civitatis scripserat, plerosque invisos sibi, sed jactantiâ gloriæque ad posteros. legata non ultra civilem modum, nisi quod populo et plebi CCCCXXXV ³, prætoriarum cohortium militibus singula nummum millia, legionariis CCC, cohortibus civium Romanorum ⁴ CCCCC nummos viritim dedit. Tum consultatum de honoribus; ex quis maxime insignes visi: *ut porta triumphali duceretur funus*, Gallus Asinius; *ut legum latorum tituli, victurarum ab eo gentium vocabula anteferrentur*, L. Arruntius censuere ⁵. addebat Messala Valerius, *renovandum per annos sacramentum in nomen Tiberii*: interrogatusque a Tiberio, *num se mandante eam sententiam prompsisset?* Sponte dixisse, respondit, *neque in iis, quæ ad rempublicam pertinerent, consilio nisi* ⁶ *suo usurum, vel cum periculo offensionis*. ea sola species adulandi supererat. Conclamant Patres, *corpus ad rogam humeris senatorum ferendum*. remisit ⁷ Cæsar arroganti moderatione; populumque edicto monuit, *ne, ut quondam nimis studiis funus divi Julii* ⁸ *turbassent, ita Augustum in foro potius quam in campo*

imperaturus esset. Tacitus sæpe adjectivorum notionem adjectis genitivis complet. — 5. Præscripto titulo tribuni, quo utebatur. Nam tribuni plebis in republica jus habebant cogendi senatus. — 6. Solam hanc convocationem senatus, quam Nola misit. — 7. Tesseram, *le mot d'ordre*. — 8. Passive. — 9. Famæ concedebat, famæ gratia faciebat. — 10. Uxoris Augusti Livie studio. — 11. Speciem dubitationis assumptam. *Inducere* dicitur de opere tectorio, coloribus et pigmentis. — 12. Scil. animo, in futuram vindictam.

VIII. 1. In Vestæ templo, more Romanorum, jam vivo Augusto testamentum depositum erat. — 2. Drusus Tiberii filius, Germanicus ejusque filii tres. — 3. *Quadringenties tricies quinquies* centena millia nummum (sestertiorum), hodiernæ monetæ ferme 8,700,000 francorum. *Numus* propemodum aqualis est hodiernis 20 cent. *Populo* (civibus nobilioribus et dtioribus) legata in ærarium publicum deferri, *plebi* (pauperioribus) legata viciatim vel viritim pernumerari jussisse videtur Augustus. — 4. Insolita ratione ita vocat *cohortes urbanas*, ab Augusto in custodiam Urbis institutas. — 5. Hæc accipienda ac si duplici parenthesi dixisset: *visi: ut porta — funus* (Gallus *As.* hoc censuit); *ut legum — anteferrentur* (L. Arr. censuit). — 6. Ullo præterquam. — 7. Rem ad ipsos remisit, ipsorum arbitrio tribuit, velient an nollent. — 8. Julii Cæsaris, ad rostra

*Martis, sede destinata*⁹, *cremari vellent*. Die funeris milites velut praesidio stetere, multum irradientibus qui ipsi viderant quique a parentibus acceperant diem illum crudi¹⁰ adhuc servitii et libertatis improspere repetitæ, quum occisus dictator Cæsar aliis pessimum, aliis pulcherrimum facinus videretur : « nunc senem principem, longa potentia, provisum etiam heredum in rempublicam opibus¹¹, auxilio scilicet militari tuendum, ut sepultura ejus quieta foret. »

IX. Multus hinc ipso de Augusto sermo, plerisque vana mirantibus, « quod idem dies accepti quondam imperii¹ princeps et vitæ supremus : « quod Nolæ in domo et cubiculo, in quo pater ejus Octavius, vitam finivisset. » numerus etiam consulatum celebrabatur, quo Valerium Corvum et C. Marium simul æquaverat² : continuata per septem et triginta annos tribunicia potestas : nomen imperatoris semel atque vices partum³ aliaque honorum multiplicata aut nova⁴. At apud prudentes vita ejus varie extollebatur arguebaturve. hi, « pietate erga parentem⁵, et necessitudine reipublicæ, in qua nullus tunc legibus locus, ad arma civilia actum, quæ neque parari possent neque haberi per bonas artes. multa Antonio, dum interfectores patris ulcisceretur, multa Lepido concessisse. postquam hic socordia senuerit, ille per libidines pessum datus sit, non aliud discordantis patriæ remedium fuisse, quam ut ab uno regeretur. non regno tamen neque dictatura, sed Principis nomine constitutam rempublicam : mari Oceano aut omnibus longinquis⁶ septum imperium : legiones, provincias, classes, cuncta inter se connexa⁷ : jus apud cives, modestiam apud socios : urbem ipsam magnifico ornatu : pauca admodum vi tractata, quo ceteris quies esset. »

X. Dicebatur contra, « pietatem erga parentem et tempora reipublicæ obtentum sumpta : ceterum cupidine dominandi concitos per largitionem veteranos¹, paratum ab adolescente privato exercitum, corruptas consulis² legiones, simulatam Pompeianarum gratiam³ partium : « mox ubi decreto Patrum fasces et jus prætoris invaserit, cæsis Hirtio et Pansa⁴, sive hostis illos, seu Pansam venenum vulneri affusum, sui milites Hirtium et machinator doli Cæsar abstulerat, utriusque copias occupavisse : extortum invito senatu⁵ consulatum, armaque, quæ in Antonium acceperit, contra rempublicam versa : proscriptionem civium, divisiones agrorum, ne ipsis quidem, qui fecere, laudatas. sane Cassii et Brutorum exitus paternis inimiciis datos⁶, quamquam fas sit, privata odia publicis utilitatibus remittere : sed Pompeium imagine pacis, sed Lepidum specie amicitiae deceptos : post

cremati magno motu populari. — 9. Mausoleo, quod illic sibi extruendum curaverat Augustus. — 10. Recentis. — 11. Quum provisum esset ut heredes exercitum et reliquam potestatem agendi in (adversus) rempublicam haberent. *Scilicet* ironiam dicti indicat.

IX. 1. Quod hi a primo consulatu, quem inivit a. d. XIV kal. Sept (undevicesimo die Augusti m.) anni U. 711, incepisse ponunt. Obiit eodem die anni 767. — 2. Augustus 13 consulatus gessit, M. Val. Corvus 6, C. Marius 7. — 3. Scil. tot victoriis. — 4. *Nova* erant principatus, tribunicia potestas, regimen morum legumque perpetuum ipsi sine censoris munere commissum, consulatus in vitam, patris patriæ titulus, etc. — 5. Adoptivum, Julium Cæsarem. — 6. Euphrate, Danubio et Rheno, tum imperii finibus. — 7. Vide IV, 8.

X. 1. Julii Cæsaris milites. — 2. M. Antonii. — 3. Reconciliationem. — 4. Consulibus, in pugna ad Mutinam, Aprilii m. a. 711, adversus Antonium. — 5. Dativus. — 6. Paternarum

« Antonium, Tarentino Brundisinoque fœdere ⁷ et nuptiis sororis ille-
 « ctum, subdolæ affinitatis pœnas morte exsolvisse. pacem sine dubio
 « post hæc, verum cruentam : Lollianos Varianasque clades ⁸, inter-
 « fectos Romæ Varrones, Egnatios, Iulos ⁹. » Nec domesticis abstinebatur :
 « abducta Neroni uxor ¹⁰ : Q. Tedii et Vedii Pollionis ¹¹ luxus : postremo
 « Livia, gravis in rempublicam mater, gravis domui Cæsarum noverca.
 « nihil deorum honoribus relictum, quum se templis et effigie numinum
 « per flamines et sacerdotes coli vellet ¹². ne Tiberium quidem caritate
 « aut reipublicæ cura successorem ascitum ; sed, quoniam arrogantiam
 « sævitiamque ejus intropexerit, comparatione deterrima ¹³ sibi glo-
 « riana quæsisisse. » etenim Augustus paucis ante annis, quum Tiberio tri-
 « buniciam potestatem a Patribus rursum postularet, quamquam honora-
 oratione, quædam de habitu cultuque et institutis ejus ¹⁴ jecerat, quæ
 velut excusando exprobraret.

XI. Ceterum sepultura more perfecta, templum et cælestes religiones
 decernuntur. Versæ inde ad Tiberium preces ¹. et ille varie disserebat, de
 magnitudine imperii, sua modestia ² ; « solam divi Augusti mentem tantæ
 « molis capacem ; se in partem curarum ab illo vocatum experiendo di-
 « dicisse, quam arduum, quam subjectum fortunæ regendi cuncta onus.
 « proinde in civitate tot illustribus viris subnixæ non ad unum omnia
 « deferrent ³ : plures facilius munia reipublicæ sociatis laboribus ex-
 « secuturos. » Plus in oratione tali dignitatis quam fidei erat, Tiberioque
 etiam in rebus quas non occuleret, seu natura sive assuetudine, suspensa
 semper et obscura verba, tunc vero nitenti, ut sensus suos penitus abde-
 ret, in incertum et ambiguum magis implicabantur. At Patres, quibus
 unus metus, si intelligere viderentur, in questus, lacrimas, vota effundi ;
 ad deos, ad effigiem Augusti, ad genua ipsius manus tendere, quum pro-
 ferri libellum ⁴ recitarique jussit. opes publicæ continebantur ; quantum
 civium sociorumque in armis, quot classes, regna, provinciæ, tributa aut
 vectigalia et necessitates ⁵ ac largitiones. quæ cuncta sua manu perscrip-
 serat Augustus, addideratque consilium coercendi intra terminos imperii,
 incertum metu an per invidiam.

XII. Inter quæ senatu ad infimas obtestationes procumbente, dixit forte
 Tiberius, *se, ut non toti reipublicæ parem, ita, quæcumque pars sibi*
mandaretur ¹, *ejus tutelam suscepturum.* tum Asinius Gallus, *Inter-*

inimicitiarum causa admissos esse. — 7. Prius erat fœdus Brundisinum, a. U. 711 jun-
 ctum, quod secutæ sunt nuptiæ Antonii cum Octavia ; Tarentinum anni 717. — 8. In
 Germania. Illa accepta a. U. 738 a Sicambris, gravior altera quinquennio ante mortem
 Augusti. — 9. Licinius Varro Murena a. U. 732, nec multo post M. Egnatius Rufus capitis
 damnati et occisi, quia in vitam Augusti conjurasse insimulabantur. Iulus Antonius,
 triumviri filius, ab Imperatore magnis honoribus auctus, a. U. 732 supplicio datus, vio-
 lator honoris domus Augustæ. — 10. Tib. Neronem coegerat Augustus ut uxorem Liviam
 repudiaret ; quo facto ipse eam duxit et filios illius duos adoptavit. — 11. Equitis Ro-
 mani, Augusto familiaris. Alter ignotus est aut vitiosus scriptus, in codice *quæ tedii*. —
 12. Scilicet divus Augustus, post apotheosin ; nam vivus a divinis honoribus abstinuit. —
 13. Comparatione cum deterimo homine, ut dicitur *honorifica comparatio*. — 14. V. IV, 87.

XI. 1. Ut imperium suscipere vellet. — 2. Medioeritate, modicis viribus. — 3. Supple, *si*
saperent ; quia non præcedit *ne*, sed *non*. — 4. Aliis *rationarium imperii* dictum (*la*
statistique de l'empire), cujus exemplum olim Ancyra positum hodie superest. —
 5. Sumptus necessarii civitatis.

XII. 1. Tres reipublicæ partes fecerat Tiberius : Romam et Italiam ; exercitus ; provin-

rogo, inquit, Cæsar, quam partem reipublicæ mandari tibi velis? Percussus improvisa interrogatione paullum reticuit : dein collecto animo respondit, *nequaquam decorum pudori suo legere aliquid aut evitare ex eo, cui in universum excusari² mallet.* rursum Gallus (etenim vultu offensionem conjectaverat), *non idcirco interrogatum ait, ut divideret quæ separari nequirent, sed ut sua confessione argueretur unum esse reipublicæ corpus atque unius animo regendum.* addidit laudem de Augusto, Tiberiumque ipsum victoriarum suarum, quæque in toga per tot annos egregie fecisset, admonuit. nec ideo iram ejus lenivit, pridem invisus tanquam ductâ in matrimonium Vipsania M. Agrippæ filia, quæ quondam Tiberii uxor fuerat, plus quam civilia agitare Pollionisque Asinii patris ferociam³ retineret.

XIII. Post quæ L. Arruntius, haud multum discrepans a Galli oratione, perinde offendit, quamquam Tiberio nulla vetus in Arruntium ira; sed divitem, promptum, artibus egregiis et pari fama publice¹, suspectabat. quippe Augustus supremis sermonibus quum tractaret quinam adipisci principem locum suffecturi² abnuerent, aut impares vellent, vel iidem possent cuperentque, *M. Lepidum³ dixerat capacem, sed aspernantem, Gallum Asinium avidum et minorem, L. Arruntium non indignum et, si casus daretur, ausurum.* de prioribus consentitur; pro Arruntio quidam Cn. Pisonem⁴ tradidere : omnesque præter Lepidum variis mox criminibus, struente Tiberio, circumventi sunt. Etiam Q. Haterius et MamerCUS Scaurus suspicacem animum perstrinxere, Haterius, quum dixisset, *Quousque patieris, Cæsar, non adesse caput reipublicæ?* Scaurus, quia dixerat, *spem esse ex eo, non irritas fore senatus preces, quod relationi consulum jure tribunicie potestatis non intercessisset.* In Haterium statim invectus est; Scaurum, cui implacabilius irascebatur, silentio tramisit. fessusque clamore omnium, expostulatione singulorum, flexit⁵ paullatim, non ut fateretur suscipi a se imperium, sed ut negare et rogari desineret. Constat Haterium, quum deprecandi causa palatium introisset ambulantisque Tiberii genua⁶ advolveretur, prope a militibus interfectum, quia Tiberius, casu an manibus ejus impeditus, prociderat. neque tamen periculo talis viri mitigatus est, donec Haterius Augustam oraret ejusque curatissimis precibus protegeretur.

XIV. Multa Patrum et in Augustam adulatio. alii *parentem alii matrem patriæ* appellandam; plerique, ut nomini Cæsaris ascriberetur *Julie filius¹*, censebant. ille *moderandos feminarum honores* dictitans, *eademque se temperantia usurum in iis, quæ sibi tribuerentur*, ceterum anxius invidia et muliebri fastigium in deminutionem sui accipiens, ne lictorem quidem ei decerni passus est, aramque adoptionis² et alia hujusmodi prohibuit. At Germanico Cæsari proconsulare imperium³ peti-

cias. — 2. Causâ dictâ se subducere. — 3. Animi libertatem et reipublicæ studium, ut c. 2. *ferocissimi* est intelligendum. Asinius Pollio sub Augusto, aliis sese submittentibus, plus libertatis et juris sui retinuerat.

XIII. 1. Apud populum. — 2. Pares futuri principi loco adipiscendo. — 3. De quo v. IV, 26; VI, 27. — 4. De quo plura II, 43, 83 et seqq. — 5. Intransitive. — 6. Pro *genubus*, ad motum exprimendum in actione, quum *genubus advolutum* esse jam sit status supplicis.

XIV. 1. Quum alioqui patris, non matris, addito nomine designarentur filii. — 2. Aram in memoriam adoptionis Livie (nam in jure Romano uxor et filia eodem loco habentur) et Tiberii in domum Juliam. — 3. Scil. perpetuum, nam triennio ante Germanicus jam ac-

vit : missique legati, qui deferrent, simul mœstitiam ejus ob excessum Augusti solarentur. quominus idem pro Druso postuletur, ea causa, quod designatus consul Drusus præsensque erat. Candidatos præturæ duodecim nominavit, numerum ab Augusto traditum : et hortante senatu ut auget, jurejurando obstrinxit³ se non excessurum.

XV. Tum primum e campo comitia ad Patres translata sunt¹. nam ad eam diem, etsi potissima² arbitrio Principis, quædam tamen studiis tribuum fiebant. neque populus ademptum jus questus est nisi inani rumore, et senatus largitionibus ac precibus sordidis³ exsolutus, libens tenuit⁴ moderante Tiberio, ne plures quam quattuor candidatos commendaret, sine repulsa et ambitu designandos. Inter quæ tribuni plebei petivere, ut proprio sumptu ederent ludos, qui de nomine Augusti fastis additi *Augustales*⁵ vocarentur. sed decreta pecunia ex ærario, utque per circum⁶ triumphali veste uterentur : curru vehi haud permissum. mox celebratio annum ad prætorem⁷ ; translata, cui inter cives et peregrinos jurisdictio evenisset.

XVI. Hic rerum urbanarum status erat, quum Pannonicas legiones seditio incescit, nullis novis causis, nisi quod mutatus Princeps licentiam barbarum et ex civili bello spem præmiorum ostendebat. castris æstivis tres simul legiones habebantur, præside Junio Blæso : qui fine Augusti et initiis Tiberii auditiis, ob justitium¹ aut gaudium intermiserat solita munia. eo principio lascivire miles, discordare, pessimi cujusque sermonibus præbere aures, denique luxum et otium cupere, disciplinam et laborem aspernari. Erat in castris Percennius quidam, dux olim theatralium operarum², dein gregarius miles, præcax lingua et miscere certus histrionali studio doctus. is imperitos animos et, quam post Augustum militiæ conditio, ambigentes, impellere paullatim nocturnis colloquiis, aut flexo in vesperam die et dilapsis melioribus, deterrimum quemque congregare. postremo promptis jam et aliis seditionis ministris, velut concionabundus interrogabat :

XVII. « Cur paucis centurionibus, paucioribus tribunis¹, in modum « servorum obedirent ? quando ausuros² exposcere remedia, nisi novum « et nutantem adhuc Principem precibus vel armis adirent ? satis per tot « annos ignavia peccatum, quod tricena aut quadragena stipendia³ senes, « et plerique truncato ex vulneribus corpore, tolerant. ne dimissis quidem « finem esse militiæ, sed apud vexillum retentos alio vocabulo⁴ eosdem

ceperat hoc imperium in bella cum Germanis. — 3. Asseveravit, affirmavit.

XV. 1. Tum omnia per senatum Principi obnoxium et senatusconsulta agebantur, non per leges apud populum in comitiis perlatas. — 2. Ut consulum creatio, quam Augustus sibi arrogaverat. — 3. Quibus a populo magistratus adipisci studebant. — 4. Obtinuit. — 5. Jam ab A. U. 735 sæpius celebrati, sed nunc *annui* facti ; hoc enim significat *fastis additi*. — 6. Et decretum, ut tribuni, quum in circo essent, triumphali etc. — 7. Cujusque anni prætorem.

XVI. 1. Ferias quæ in publico luctu edicebantur. *Gaudium*, ob successorem Tiberium. Blæsus erat avunculus Selani. — 2. Hominum conductorum ad factiones theatrales apud multitudinem juvandas. Nisi simpliciter accipiendum pro histrionibus.

XVII. 1. Habebat quævis legio 60 centuriones, 6 tribunos. — 2. Scil. *esse*, pro *ausuri essent*. Rarus infinitivus post relativum *quando*. — 3. *Stipendia* sunt anni militiæ. Extremis temporibus Augusti *viceni* erant definiti ; sed multi sæpe veterani apud vexilla retinebantur, et numerum invidiose auget Percennius. — 4. *Vexillariorum* nomine. Vetera-

« labores perferre : ac si quis tot casus vita superaverit, trahi adhuc
 « diversas in terras, ubi per nomen agrorum uligines paludum vel inculta
 « montium accipiant. enimvero militiam ipsam gravem, infructuosam :
 « denis in diem assibus animam et corpus aestimari. hinc vestem, arma,
 « tentoria, hinc sævitiam centurionum et vacationes munerum redimi.
 « at hercule verbera et vulnera, duram hiemem, exercitas⁵ aestates,
 « bellum atrox aut sterilem pacem, sempiterna. nec aliud levamentum,
 « quam si certis sub legibus militia iniretur, ut singulos denarios⁶ mere-
 « rent, sextusdecimus stipendii annus finem afferret⁷; ne ultra sub
 « vexillis tenerentur, sed iisdem in castris præmium pecunia solveretur.
 « an prætorias cohortes, quæ binos denarios⁸ acceperint, quæ post sede-
 « cim annos penatibus suis reddantur, plus periculorum suspicere? non
 « obtrectari a se urbanas excubias : sibi⁹ tamen apud horridas gentes e
 « contuberniis hostem aspici. »

XVIII. Astrepebat vulgus, diversis incitamentis¹, hi verberum notas, illi canitiem, plurimi detrita tegmina et nudum corpus exprobrantes². postremo eo furoris venere, ut tres legiones miscere in unam agitaverint. depulsi æmulatione, quia suæ quisque legioni eum honorem quærebant, alio vertunt³, atque una tres aquilas et signa cohortium locant : simul congerunt cespites, exstruunt tribunal⁴, quo magis conspicua sedes foret. properantibus Blæsus advenit, increpabatque ac retinebat singulos clamitans, *Mea potius cæde imbuite manus; leviori flagitio legatum interficietis, quam ab Imperatore desciscitis. aut incolumis fidem legionum retinebo, aut jugulatus pœnitentiam accelerabo.*

XIX. Aggerebatur nihilominus cespes : jamque pectori usque accreverat¹, quum tandem pervicacia victi inceptum omisere. Blæsus multa dicendi arte, *non per seditionem et turbas desideria militum ad Cæsarem ferenda* ait : *neque veteres ab imperatoribus priscis, neque ipsos a divo Augusto tam nova petivisse : et parum in tempore² incipientes Principis curas onerari. si tamen tenderent in pace tentare, quæ ne civilium quidem bellorum victores expostulaverint, cur contra morem obsequii, contra fas disciplinæ vim meditentur? decernerent legatos seque coram³ mandata darent.* Acclamavere *ut filius Blæsi tribunus legatione ea fungeretur, peteretque militibus missionem ab sedecim annis : cetera mandatueros, ubi prima provenissent⁴.* Profecto juvene modicum otium : sed superbire miles, quod filius legati orator publicæ

nis exauctoratis debebantur agri vel aliusmodi præmia : quæ dum pararentur, vexillarium appellatione in exercitu retinebantur *sub vexillo*, ceteris muneribus præter pugnam soluti. — 5. Graves, molestas. — 6. Denarii (80 ferme cent.) proprie erant decem assium; sed post assis mutationem a. U. 537 factam 16 assium. Denarium postulat, non 10 asses, quos accipiebant ab a. U. 703. — 7. Ut constituerat Augustus a. U. 741. — 8. Invidiose dictum; non 2 denarios (i. q. 52 asses), sed bis decem asses accipiebant. *Acceperint*, consecutæ fuerint a senatu, in honorem Augusti. — 9. Ipsi.

XVIII. 1. Sc. inter se mutuo datis. — 2. Ostendendo, ut infra c. 39. — 3. Ad aliud consilium se vertunt. *Vertere et mutare* sæpe intransitive dicuntur. — 4. Suggestum ex cespitibus.

XIX. 1. Ad pectus creverat, ut *accedere alicui* pro *cedere ad aliquem*. *Pervicacia* Blæsi. — 2. Parum opportuno tempore, οὐκ ἐν καιρῷ. — 3. Et coram se. — 4. Prospere successissent.

causæ satis ostenderet necessitate expressa, quæ per modestiam non obtinissent.

XX. Interea manipuli ante cœptam seditionem Nauportum missi ob itinera et pontes et alios usus, postquam turbatum in castris accepere, vexilla ¹ convellunt, direptisque proximis vicis ipsoque Nauporto, quod municipii ² instar erat, retinentes centuriones irrisu et contumeliis, postremo verberibus insectantur. Præcipua in Aufdienum Rufum præfectum castrorum ira, quem dereptum vehiculo sarcinis gravant, aguntque primo in agmine, per ludibrium rogitantes, *an tam immensa onera, tam longa itinera libenter ferret?* quippe Rufus diu manipularis, dein centurio, mox castris præfectus, antiquam duramque militiam revocabat, vetus operis ac laboris ³, et eo immitior, quia toleraverat.

XXI. Horum adventu redintegratur seditio, et vagi circumjecta populabantur. Blæsus paucos, maxime præda onustos, ad terrorem ceterorum affici verberibus, claudi carcere jubet: nam etiam tum legato a centurionibus et optimo quoque manipularium parebatur. illi obniti trahentibus ¹, prensare circumstantium genua, ciere modo nomina singulorum, modo centuriam quisque, cujus manipularis erat, cohortem, legionem, *eadem omnibus imminere* clamitantes; simul probra in legatum cumulant, cælum ac deos obtestantur, nihil reliqui faciunt quominus ² invidiam, misericordiam, metum et iras permoverent ³. accurritur ab universis, et carcere effracto solvunt vincula, desertoresque ac rerum capitalium damnatos sibi jam miscent.

XXII. Flagrantior inde vis, plures seditioni duces. et Vibulenus quidam, gregarius miles, ante tribunal Blæsi allevatus circumstantium humeris, apud turbatos, et, quid pararet, intentos, *Vos quidem, inquit, his innocentibus et miserrimis lucem et spiritum reddidistis: sed quis fratri meo vitam, quis fratrem mihi reddit? quem missum ad vos a Germanico exercitu de communibus commodis nocte proxima jugulavit per gladiatores suos* ¹, *quos in exitium militum habet atque armat. responde, Blæse, ubi cadaver abjeceris* ² *ne hostes quidem sepultura* ³ *invident. quum osculis, quum lacrimis dolorem meum implevero, me quoque trucidari jube, dum* ⁴ *interfectos nullum ob scelus, sed quia utilitati legionum consulebamus, hi sepeliant.*

XXIII. Incendebat hæc ¹ fletu et pectus atque os manibus verberans: mox disiectis ² quorum per humeros sustinebatur, præceps et singulorum

XX. 1. Terræ infixæ, quando exercitus in castris erat. — 2. *Municipium* hoc loco simpliciter vicis opponitur, ac si diceret *oppidum*. Neque hic neque alibi sæpe apud Tacitum cogitari debet de jure municipii vocabulo *municipii* apud priores scriptores incluso. — 3. Qui multis annis in opere versatus erat, ejus peritiam longa experientia adeptus.

XXI. 1. Abstrahentibus in carcerem. — 2. Nihil relinquebant, prætermittiebant quominus etc., i. e. omnia faciebant ut etc. Confer *lucriferare, compendi facere*. — 3. Plus est quam *moverent*, ac si dicas *pour réussir à émouvoir*. Sic *suadere* et *persuadere*.

XXII. 1. Præfecti provinciarum, etiam duces in stativis gladiatores alebant ad spectacula præbenda. Sequentia per odium comminiscitur orator. — 2. Intellige *abjectum reliqueris*, propter *ubi*. — 3. Quod auræ scriptores ætatis dicunt *invidere alicui aliquid* (i. e. per invidiam negare), hoc Tacitus et æquales ejus sæpe dicunt *invidere aliqua re*. dativum personæ modo addentes modo omittentes. — 4. Dummodo.

XXIII. 1. His ardorem et vim addebat. — 2. Supple *his*.

pedibus advolutus, tantum consternationis invidiæque concivit, ut pars militum gladiatores, qui e servitio Blæsi erant, pars ceteram ejusdem familiam³ vincerent, alii ad quærendum corpus effunderentur. ac ni prope neque corpus ullum reperiri et servos adhibitis cruciatibus⁴ abnuere cædem, neque illi fuisse unquam fratrem pernotuisset, haud multum ab exitio legati aberant. tribunos tamen ac præfectum castrorum extrudere : sarcinæ fugientium direptæ ; et centurio Lucillius interficitur, cui militari-bus facetiis vocabulum *Cedo alteram* indiderant, quia fracta vite⁵ in tergo militis alteram clara voce ac rursus aliam poscebat. ceteros⁶ latebræ texere, uno retento Clemente Julio, qui perferendis militum mandatis habebatur idoneus ob promptum ingenium. Quin ipsæ inter se legiones octava et quintadecima ferrum parabant, dum centurionem cognomento Sirpicum⁷ illa morti deposcit, quintadecumani tuentur, ni miles nonanus⁸ preces et adversum aspernantes minas interjecisset.

XXIV. Hæc audita, quamquam abstrusum et tristissima quæque maxime occultantem, Tiberium perpulere, ut Drusum filium cum primoribus civitatis duabusque prætoriis cohortibus mitteret, nullis satis certis manda-tis ; ex re¹ consulturum. et cohortes delecto milite supra solitum firmatæ : additur magna pars prætoriani equitis et robora Germanorum, qui tum custodes Imperatori aderant : simul prætorii præfectus Ælius Seianus, collega Straboni patri suo datus, magna apud Tiberium auctoritate, rector juveni², et ceteris periculorum præmiorumque ostentator³. Druso propin-quanti, quasi per officium, obviæ fuere legiones, non lætæ, ut assolet, neque insignibus⁴ fulgentes, sed illuvie deformi, et vultu quamquam mœstitiam imitarentur, contumaciæ propiores.

XXV. Postquam vallum introiit, portas stationibus firmant, globos ar-matorum certis castrorum locis opperiri jubent : ceteri tribunal ingenti agmine circumveniunt. stabat Drusus, silentium manu poscens : illi, quo-ties oculos ad multitudinem retulerant, vocibus truculentis strepere ; rursum viso Cæsare trepidare : murmur incertum, atrox clamor et repente quies : diversis animorum motibus pavebant terrebantque. Tandem inter-rupto tumultu, litteras patris recitat, in quibus perscriptum erat : *præcipuam ipsi fortissimarum legionum curam, quibuscum plurima bella tolera-visset ; ubi primum a luctu requiescet animus, acturum apud Patres de postulatis eorum ; misisse interim filium, ut sine cunctatione con-cederet quæ statim tribui possent ; cetera senatui servanda, quem neque gratiæ neque severitatis expertem haberi¹ par esset.*

XXVI. Responsum est a concione, *mandata Clementi centurioni, quæ perferret.* is orditur *de missione a sedecim de annis, præmiis finitæ*

— 3. Servos. — 4. Per quos inquire in veritatem solitum. — 5. Quam gerebant centu-riones ad punienda delicta legionariorum ; auxilia et socii fuste plectebantur. *Cedo*, da. — 6. Centuriones. — 7. A scirpis sive *sirpis*, junci genere, quibus pro vite usus esse videtur. — 8. Nonæ legionis.

XXIV. 1. Ut res (conditio rerum) ferat. — 2. Druso. — 3. Ceteris, qui huic expeditioni intererant, ostendens pericula, si male, præmia, si bene sentirent de Tiberio, cui ipse tanquam familiaris hæc renunciaturus videbatur. — 4. Ornamentis militaribus cujus-que ordinis.

XXV. 1. Quem tam de gratia (concedendis) quam de severitate (rejiciendis postulatis militum) in consilium adhiberi et decernere æquum esset.

militiæ; ut denarius diurnum stipendium foret; ne veterani sub vexillo haberentur. Ad ea Drusus quum arbitrium senatus et patris obtenderet, clamore turbatur: « cur venisset, neque augendis militum « stipendiis, neque allevandis laboribus ¹, denique nulla benefaciendi « licentia? at hercule verbera et necem cunctis permitti. Tiberium olim « nomine Augusti desideria legionum frustrari solitum: easdem artes « Drusum retulisse. nunquamne nisi ad se filios familiarum ² venturos? « novum id plane, quod Imperator sola militis commoda ad senatum re- « jiciat. eundem ergo senatum consulendum, quoties supplicia aut præ- « lia indicantur. an præmia sub dominis, pœnas sine arbitro esse? »

XXVII. Postremo deserunt tribunal, ut quis ¹ prætorianorum militum amicorumve Cæsaris occurreret, manus intentantes ², causam discordiæ et initium armorum, maxime infensi Cn. Lentulo, quod is, ante alios ³ ætate et gloria belli, firmare Drusum credebatur et illa militiæ flagitia ⁴ primus aspernari. nec multo post digredientem cum Cæsare ac provisu ⁵ periculi hiberna castra repetentem circumsistunt, rogantes *quo pergeret? ad Imperatorem an ad Patres, ut illic quoque commodis legionum adversaretur?* simul ingruunt, saxa jaciunt. jamque lapidis ictu cruentus et exitii certus, accursu multitudinis, quæ cum Druso advenerat, protectus est.

XXVIII. Noctem minacem et in scelus erupturam fors lenivit. nam luna claro repente cœlo visa languescere ¹. id miles rationis ignarus omen ² præsentium accepit, ac suis laboribus defectionem sideris assimilans, *prospereque* ³ *cessura quæ pergerent, si fulgor et claritudo decē redderetur*, igitur æris sono, tubarum cornuumque concentu strepere ⁴: prout splendidior obscuriorve, lætari aut mœrere; et postquam ortæ nubes offecere visui creditumque conditam tenebris, ut sunt mobiles ad superstitionem percussæ semel mentes, *sibi æternum laborem portendi, sua facinora aversari deos* lamentantur. Utendum inclinatione ea Cæsar et quæ casus obtulerat, in sapientiam vertenda ratus, circumiri tentoria jubet. accitur centurio Clemens et si alii bonis artibus grati in vulgus: ii vigiliis, stationibus, custodiis portarum se inserunt, spem offerunt, metum intendunt. « Quousque filium Imperatoris obsidebimus? quis certaminum « finis? Percennione et Vibuleno sacramentum dicturi sumus? Percennius et Vibulenus stipendia militibus, agros emeritis largientur? denique pro Neronibus et Drusis imperium populi Romani capessent? quin « potius, ut novissimi in culpam, ita primi ad pœnitentiam sumus? Tarda « sunt quæ in commune expostulantur: privatam gratiam statim mereare,

XXVI. 1. Sunt dativi. — 2. Qui in potestate patris sint, non sui juris et auctoritatis.

XXVII. 1. Quoties aliquis. — 2. Huic manus inferre minitantes. Sequitur appositio totius enunciationis: *quæ erat causa discordiæ inter Pannonicos illos milites et prætorianos.* — 3. Supple ὧν (ens), quo participio caret Latine linguæ consuetudo: quasi dixerit, aliis superior ætate etc. Lentulus consul fuerat a. U. 765, et de Gætulis triumphaverat. — 4 Res a militibus flagitatas. — 5. Cautione, quo caveret periculum.

XXVIII. 1. Lunæ vel solis defectus inter dira omnia habebatur. Hic defectus incidit anni 14 p. Chr. die 26 Septembri, hora 5. 18'. 32" ad h. 7. 6'. 32". — 2. Tanquam omen. Et cum ignarus junge ac — assimilans. — 3. Et opinans prospere etc., eliciendum ex assimilans, similem esse opinans. *Pergere aliquid*, persequi, impigre agere. — 4. Quibus vim incantationis, qua teneri luna credebatur, averterent.

« statim recipias. » Commotis per hæc mentibus et inter se suspectis, tironem a veterano, legionem a legione dissociant. tum redire paulatim amor obsequii : omittunt portas, signa unum in locum principio seditionis congregata suas in sedes referunt.

XXIX. Drusus orto die et vocata concione, quamquam rudis dicendi, nobilitate ingenita, incusat priora, probat præsentia : negat *se terrore et minis vinci; flexos ad modestiam si videat, si supplices audiat, scripturum patri, ut placatus legionum preces exciperet.* orantibus, rursum idem Blæsus et L. Apronius, eques Romanus e cohorte Drusi ¹, Justusque Catonius, primi ordinis centurio ², ad Tiberium mittuntur. Certatum inde sententiis, quum alii « opperiendos legatos atque interim « comitate permulcendum militem » censerent, alii « fortioribus remediis « agendum : nihil in vulgo modicum; terrere ³, ni paveant; ubi pertimuerint, impune contemni : dum superstitio urgeat, adjiciendos ex duce « metus sublatis seditionis auctoribus. » Promptum ad asperiora ingenium Druso erat. vocatos Vibulenum et Percennium interfici jubet. tradunt plerique intra tabernaculum ducis obrutos ⁴, alii corpora extra vallum abjecta ostentui.

XXX. Tum, ut quisque præcipuus turbator, conquisiti : et pars extra castra palantes a centurionibus aut prætoriarum cohortium militibus cæsi; quosdam ipsi manipuli, documentum fidei, tradidere. auxerat militum curas præmatura hiems, imbribus continuis adeoque sævis, ut non egredi tentoria, congregari inter se, vix tutari ¹ signa possent, quæ turbine atque unda raptabantur. durabat et formido cælestis iræ, *nec frustra adversus impios hebescere sidera, ruere tempestates : non aliud malorum levamentum quam si liquerent castra infausta temerataque, et soluti piaculo suis quisque hibernis redderentur.* primum octava, dein quintadecima legio rediere. nonanus *opperiendas Tiberii epistolas* clamataverat : mox desolatus aliorum discessione, imminentem necessitatem sponte prævenit. et Drusus non exspectato legatorum regressu, quia præsentia satis considerant ², in Urbem rediit.

XXXI. Iisdem ferme diebus, iisdem causis Germanicæ legiones turbatæ, quanto plures, tanto violentius, et magna spe fore ut Germanicus Cæsar imperium alterius pati nequiret, daretque se legionibus, vi sua cuncta tracturis. duo apud ripam Rheni exercitus erant : cui nomen superiori, sub C. Silio legato; inferiorem A. Cæcina curabat ¹. regimen summæ rei penes Germanicum, agendo Galliarum censui ² tum intentum. sed quibus Silius moderabatur, mente ambigua fortunam seditionis alienæ ³ speculabantur; inferioris exercitus miles in rabiem prolapsus est, orto ab unaetvicesimanis quintanisque initio et tractis prima quoque ac vicesima legionibus : nam iisdem æstivis in finibus Ubiorum habebantur

XXIX. 1. Ex familiaribus qui comitabantur Drusum. — 2. Primpilarius. — 3. Eos (vulgum) in terrorem conjicere. — 4. Sc. terra, inhumatos.

XXX. 1. Erecta servare. Hoc quoque erat pro diro omine; nam signa erant instar numinum legionibus. — 2. Sedata erant.

XXXI. 1. Augustus orientalem Galliam Belgicam in duas partes diviserat, *superiorem et inferiorem Germaniam* dictas : hinc nomina illa exercitibus. — 2. Quem Augustus instituerat a. U. 727. — 3. Ejus quam moverat exercitus inferior. — 4. Turba urbana.

per otium aut levia munia. Igitur audito fine Augusti, vernacula multitudo ⁴, nuper acto in Urbe delectu, lasciviæ sueta, laborum intolerans, implere ceterorum rudes animos ⁵: *venisse tempus, quo veterani maturam* ⁶ *missionem, juvenes largiora stipendia, cuncti modum miseriorum exposcerent, sævitiamque centurionum ulciscerentur.* Non unus hæc, ut Pannonicas inter legiones Percennius, nec apud trepidas militum aures alios validiores exercitus respicientium ⁷, sed multa seditionis ora vocesque: *sua in manu sitam rem Romanam; suis victoriis augeri rempublicam; in suum cognomentum* ⁸ *ascisci imperatores.*

XXXII. Nec legatus obviam ibat: quippe plurium vecordia constantiam exemerat. repente lymphati destituti gladiis in centuriones invadunt: ea vetustissima militaribus odiis materies et sæviendi principium. prostratos verberibus mulcant, sexageni singulos, ut numerum centurionum ¹ adæquarent: tum convulsos laniatosque et partim exanimos ante vallum aut in amnem Rhenum projiciunt. Septimius, quum perfugisset ad tribunal pedibusque Cæcinæ advolveretur, eo usque flagitatus est, donec ad exitum dederetur. Cassius Chærea, mox eade Caii Caesaris ² memoriam apud posteros adeptus, tum adolescens et animi ferox, inter obstantes et armatos ferro viam patefecit. non tribunus ultra, non castrorum præfectus jus obtinuit: vigilias, stationes, et si qua alia præsens usus indixerat, ipsi partiebantur. id militares animos altius conjectantibus ³ præcipuum indicium magni atque implacabilis motus, quod neque disjecti, nihil paucorum instinctu ⁴, sed pariter ardescerent, pariter silerent, tanta æqualitate et constantia, ut regi crederes.

XXXIII. Interea Germanico per Gallias, ut diximus, census accipienti excessisse Augustum affertur. neptem ejus Agrippinam in matrimonio pluresque ex ea liberos habebat; ipse Druso fratre Tiberii genitus, Augustæ nepos, sed anxius occultis in se patruj aviaque odiis, quorum causæ acriores, quia iniquæ. quippe Drusi magna apud populum Romanum memoria, credebaturque, si rerum potitus foret, libertatem redditurus: unde in Germanicum favor et spes eadem. nam juveni civile ¹ ingenium, mira comitas et diversa a Tiberii sermone, vultu, arrogantibus et obsecuris. accedebant muliebres offensiones novercalibus Liviæ in Agrippinam ² stimulis; atque ipsa Agrippina paullo commotior, nisi quod castitate et mariti amore quamvis indomitum animum in bonum vertebat.

XXXIV. Sed Germanicus, quanto summæ spei propior, tanto impensius pro Tiberio niti. Sequanos proximos et Belgarum civitates in verba ejus adigit ¹. dehinc audito legionum tumultu raptim profectus, obvias extra castra habuit, dejectis in terram oculis velut prænitentia. postquam

Subitum militem dicit, quem in Urbe ante quinque fere annos nunciata clade Variana ex servis adeo, ad hoc manumissis, prope conscripserat Augustus. — 6. Scil. his cogitationibus, *venisse* etc. — 6. Tempestivam. — 7. Scil. dictitabat: quod inest sequenti ora vocesque. — 8. *Germanici*, quo cognomento utebantur Drusus et filius. Qui imperatores fiant, exercitui Germanico præfici, ut inde gloriosum cognomen assumant.

XXXII. 1. Qui erant sexaginta numero in quaque legione. — 2. Caligulæ. — 3. Scil. visum est. — 4. Scil. agerent.

XXXIII. 1. Nihil ultra civis statum affectans. — 2. Ex filia Augusti Julia natam.

XXXIV. 1. Adduxit ut in Tiberii verba jurarent.

vallum iniit, dissoni questus audiri cœpere. et quidam, prensa manu ejus per speciem exosculandi, inseruerunt² digitos, ut vacua dentibus ora contingeret; alii curvata senio membra ostendebant. assistentem concionem, quia permixta videbatur, *discedere in manipulos jubet: sic³ melius audituros* responsum; *vexilla præferri, ut id saltem discerneret cohortes.* tarde obtemperavere. tunc a veneratione Augusti orsus flexit ad *victorias triumphosque Tiberii*, præcipuis laudibus celebrans, *quæ apud Germanias illis cum legionibus pulcherrima fecisset. Italiæ inde consensum, Galliarum fidem extollit; nil usquam turbidum aut discors.*

XXXV. Silentio hæc vel murmure modico audita sunt. ut seditionem attigit, *ubi modestia militaris? ubi veteris discipline decus? quonam tribunos, quo centuriones exegissent?* rogans; nudant universi corpora, cicatrices ex vulneribus, verberum notas exprobrant: mox indiscretis vocibus *pretia vacationum, angustias stipendii, duritiam operum*, ac propriis nominibus incusant *vallum, fossas, pabuli, materice, lignorum¹ aggestus*, et si qua alia ex necessitate aut adversus otium castrorum quæruntur. atrocissimus veteranorum clamor oriebatur, qui *tricena aut supra stipendia numerantes, mederetur fessis, neu mortem in iisdem laboribus, sed finem tam exercitæ militiæ neque inopem requiem* orabant². fuere etiam qui legatam a divo Augusto pecuniâ reposerent³, faustis in Germanicam ominibus. et, si vellet imperium, promptos⁴ ostentavere. Tum vero, quasi scelere contaminaretur, præceps tribunali desiluit. opposuerunt abeunti arma minitantes, ni regrederetur. at ille, *moriturum potius, quam⁵ fidem exueret*, clamitans, ferrum a latere deripuit: elatumque deferebat in pectus⁶, ni proximi prensam dextram vi attinuissent. extrema et conglobata inter se pars concionis, ac (vix credibile dictu) quidam singuli propius incedentes, *feriret hortabantur*: et miles nomine Calusidius strictum obtulit gladium, addito *acutior rem esse*. sævum id malique moris etiam furentibus visum: ac spatium fuit, quo Cæsar ab amicis in tabernaculum raperetur.

XXXVI. Consultatum ibi de remedio. etenim nunciabatur, *parari legatos qui superiorem exercitum ad causam eandem traherent; destinatum excidio Ubiorum oppidum, imbutasque præda manus in direptionem Galliarum erupturas.* augebat metum gnarus Romanæ seditionis et, si omitteretur ripa, invasurus hostis; at, si auxilia et socii adversum abscedentes legiones armarentur, civile bellum suscipi: periculosa severitas, flagitiosa largitio; seu nihil militi, sive omnia concedentur, in ancipiti¹ respublica. Igitur volutatis inter se rationibus, placitum ut epistolæ nomine Principis scriberentur:

— 2. Scil. ori. — 3. Sic, permistos, ut erant. *Responsum* a militibus Germanico, qui deinde jubet *vexilla præferri*.

XXXV. 1. *Ligna* ad comburendum, *materies* ad struendum. — 2. Compressa structura: orabant ut mederetur fessis, et prohibeat [prohibendi notio est in *neu*]: ne mors ipsis accidat in iisdem continuatis laboribus, sed faciat ut finem tam laboriosæ militiæ neque inopem et sine præmiis requiem nanciscantur. — 3. Poscerent debitam a Germanico, tanquam legitimo herede imperii. — 4. Scil. se. — 5. Quam ut. — 6. Deorum dirigebat in pectus; deinde ex re supplendum: atque infixisset, *nisi* etc.

XXXVI. 1. Sc. futura est. Cum vi subito transiit Tacitus in rectam orationem. —

missionem ² *dari vicena stipendia meritis; exauctorari qui senadena fecissent, ac retineri sub vexillo, ceterorum* ³ *immunes nisi propulsandi hostis; legata, quæ petiverant, exsolvi duplicarique.*

XXXVII. Sensit miles in tempus conficta, statimque flagitavit. missio per tribunos maturatur; largitio differebatur in hiberna cujusque. non abscessere quintani unaetvicesimanique, donec iisdem in æstivis contractâ ex viatico amicorum ipsiusque Cæsaris pecuniâ persolveretur. Primam ac vicesimam legiones Cæcina legatus in civitatem Ubiorum reduxit turpi agmine, quum fisci de imperatore rapti inter signa interque aquilas veherentur ¹. Germanicus superiorem ad exercitum profectus secundam et tertiamdecumam et sextamdecumam legiones nihil cunctatas sacramento adigit. quartadecumani paullum dubitaverant; pecunia et missio quamvis non flagitantibus oblata est.

XXXVIII. At in Chaucis cœplavere seditionem præsidium agitantes vexillarii discordium legionum, et præsentī duorum militum supplicio paullum repressi sunt. jusserat id Mennius castrorum præfectus, bono magis exemplo quam concessio jure ¹. deinde intumescēte motu profugus repertusque, postquam intutâ latebræ, præsidium ab audacia mutuatur: *non præfectum ab iis, sed Germanicum ducem, sed Tiberium imperatorem violari*: simul exterritis qui obstiterant, raptum vexillum ad ripam ² vertit, et, *si quis agmine decessisset, pro desertore fore clāmitans*, reduxit in hiberna turbidos et nihil ausos.

XXXIX. Interea legati ab senatu regressum jam apud aram Ubiorum Germanicum adeunt. duæ ibi legiones, prima atque vicesima, veteranique nuper missi sub vexillo hiemabant. pavidos et conscientia vecordes intrat metus, venisse Patrum jussu qui irrita facerent quæ per seditionem expresserant utque mos vulgo quamvis falsis reum subdere, Munatium Plancum consulatu ¹ functum, principem legationis, auctorem senatus-consulti incusant: et nocte concubia vexillum in domo Germanici situm ² flagitare occipiunt, concursuque ad januam facto moliuntur ³, extractum cubili ⁴ Cæsarem tradere vexillum intento mortis metu subigunt. mox vagi per vias obvios habuere legatos, audita consternatione ad Germanicum tendentes. ingerunt contumelias, cædem parant, Planco maxime, quem dignitas fuga impediverat. neque aliud periclitanti subsidium quam castra primæ legionis. illic signa et aquilam amplexus, religione sese tutabatur: ac, ni aquilifer Calpurnius vim extremam arcuisset (rarum etiam inter hostes), legatus populi Romani Romanis in castris sanguine suo altaria deum commaculavisset. Luce demum, postquam dux et miles et facta noscebantur, ingressus castra Germanicus perducī ad se Plancum imperat, recepitque in tribunal. tum *fatalem* increpans ⁵ *rabiem, neque*

2. Plenam dimissionem, quæ distinguitur ab exauratione. — 3. Munerum castrensiū.

XXXVII. 1. Nam pecunia deponēbatur ad signa, quæ in exercitu sunt pro diis et templo.

XXXVIII. 1. Nam necis infligendæ jus non erat nisi duci aut legato. — 2. Rhēni.

XXXIX. 1. Anni U. 765. — 2. Intelligendum videtur velum sive linteum rubrum, quod super prætorium extensum et ex conto suspensum futuræ pugnæ signum dabat (Cæsar Bell. Gall. II, 20: *Vexillum proponendum, quod erat insigne, quum ad arma concurrendum oporteret*); servabatur autem in domo vel tabernaculo ducis, cujus imperia impediri illo ablato signo credebantur. — 3. Vi movere, aperire aut frangere conantur. — 4. Strepitu et tumultu militum e lecto excitatum. — 5. Ne irritaret animos militum.

militum, sed deum ira resurgere, cur venerint legati, aperit; jus legationis ⁶ *atque ipsius Planci gravem et immeritum casum, simul quantum dedecoris adierit legio, facunde miseratur, attonitaque magis quam quieta concione legatos praesidio auxiliarium equitum dimittit.*

XL. Eo in metu ¹ arguere Germanicum omnes, « quod non ad superiorum rem exercitum pergeret, ubi obsequia et contra rebelles auxilium. satis superque missione et pecunia et mollibus consultis peccatum: vel, « si vilis ipsi salus, cur filium parvulum, cur gravidam conjugem inter « furentes et omnis humani juris violatores haberet? illos saltem avo et « reipublicae redderet. » Diu cunctatus aspernantem ² uxorem, quum se divo Augusto ortam neque degenerem ad pericula testaretur, postremo communem filium multo cum fletu complexus, ut abiret, perpulit. incedebat muliebre et miserabile agmen, profuga ducis uxor, parvulum sinu filium gerens, lamentantes circum amicorum conjuges, quae simul trahebantur: nec minus tristes qui manebant.

XLI. Non florentis Caesaris neque suis in castris, sed velut in urbe victa ¹ facies, gemitusque ac planctus ² etiam militum aures oraque advertere. progrediuntur contuberniis: *quis ille flebilis sonus? quod tam triste? feminas illustres, non centurionem ad tutelam, non militem, nihil imperatoriae uxoris aut comitatus soliti, pergere* ³ *ad Treviros et externae fidei* ⁴. pudor inde et miseratio et patris Agrippae, Augusti avi, memoria: socer Drusus; ipsa insigni fecunditate, praecleara pudicitia; jam infans in castris genitus, in contubernio legionum eductus, quem militari vocabulo *Caligulam* appellabant, quia plerumque ad concilandam vulgi studia eo tegmine pedum ⁵ induebatur. sed nihil aequè flexit quam invidia in Treviros: orant, obsistunt, *rediret, maneret*, pars Agrippinae occursantes, plurimi ad Germanicum regressi. isque, ut erat recens dolore et ira, apud circumfusus ita cepit:

XLII. « Non mihi uxor aut filius patre ¹ et republica cariores sunt: sed « illum quidem sua majestas, imperium Romanum ceteri exercitus defendent. conjugem et liberos meos, quos pro gloria vestra libens ad exitium offerrem, nunc procul a furentibus summoveo, ut, quicquid istuc « sceleris imminet, meo tantum sanguine pietur, neve occisus Augusti « pronepos, interfecta Tiberii nurus, nocentiores vos faciat. quid enim « per hos dies inausum intemperatumve vobis? quod nomen huic coetui « dabo? *militasne* appellem? qui filium Imperatoris vestri vallo et armis « circumsestistis. an *cives*? quibus tam projecta ² senatus auctoritas. hostium quoque jus ³ et sacra legationis et fas gentium rupistis. Divus « Julius ⁴ seditionem exercitus verbo uno compescuit, *Quirites* vocando ⁵

cum increpatione dicens *fatalem esse hanc rabiem, neque* etc. — 6. Scil. violatum.

XL. 1. Trepido rerum statu, dum metuebatur ne rabies cito rediret. — 2. Recusantem.

XLI. 1. Scil. ὄντος, positi. — 2. Sc. agminis mulierum. — 3. Junge cum subjecto *feminas illustres*; reliqua magno affectu nude interponuntur, hoc sensu: quibus non centurio addatur ad tutelam, ne milites quidem gregarii, quibus nihil sit quod imperatoris uxorem indicet, nihil comitatus honorifici. — 3. Scil. homines; quorum fides sit qualis soleat esse externorum, minima. — 4. Caliga, qua gregarii milites utebantur.

XLII. 1. Adoptivo, Tiberio. — 2. A quibus adeo spreta est. — 3. Jus quale etiam inter hostes valet. — 4. Julius Caesar, quum adversus Sextum Pompeium in Africam expeditionem pararet. — 5. Quos milites, commilitones alloqui solebant duces. *Quirites* so-

« qui sacramentum ejus detrectabant : divus Augustus vultu et aspectu
 « Actiacas legiones exterruit : nos , ut nondum eosdem ⁶ , ita ex illis or-
 « tos , si Hispaniæ Syriæve miles aspernaretur , tamen mirum et indignum
 « erat. prima nā et vicesima legiones , illa signis a Tiberio acceptis ⁷ , tu
 « tot praeliorum socia , tot præmiis aucta , egregiam duci vestro ⁸ gra-
 « tiam refertis ! hunc ego nunciū patri læta omnia aliis e provinciis au-
 « dienti feram ? ipsius tirones , ipsius veteranos non missione , non pecu-
 « nia satiatos ; hic tantum interfici centuriones , ejici tribunos , includi
 « legatos ; infecta sanguine castra , flumina ; meque precariam animam in-
 « ter infensos trahere ? »

XLIII. « Cur enim primo concionis die ferrum illud , quod pectori meo
 « infigere parabam , detraxistis , improvidi amici ? melius et amantius ¹
 « ille , qui gladium offerebat. cecidissem certe nondum tot flagitiorum
 « exercitui meo conscius ; legissetis ducem , qui meam quidem mortem
 « impunitam sineret , Vari tamen et trium legionum ulcisceretur. neque
 « enim dii sinant ut Belgarum , quamquam offerentium , decus istud et
 « claritudo sit , subvenisse Romano nomini , compressisse Germaniæ popu-
 « los. tua , dive Auguste , cælo recepta mens , tua , pater Druse , imago ² ,
 « tui memoria , iisdem istis cum militibus , quos jam pudor et gloria in-
 « trat , eluant hanc maculam ³ irasque civiles in exitium hostibus vertant.
 « Vos quoque , quorum alia nunc ora , alia pectora contueor , si legatos se-
 « natui , obsequium Imperatori , si mihi conjugem et filium redditis , dis-
 « cedite a contactu ac dividite ⁴ turbidos : id stabile ad poenitentiam , id
 « fidei vinculum erit. »

XLIV. Supplices ad hæc ¹ et vera exprobrari fatentes orabant , *puniret
 noxios , ignosceret lapsis et duceret in hostem ; revocaretur conjux , re-
 diredet legionum alumnus neve obses Gallis traderetur.* reditum Agrip-
 pinæ excusavit ² ob imminentem partum et hiemem ; *venturum filium ;
 cetera ³ ipsi exsequerentur.* Discurrunt mutati et seditiosissimum quem-
 que vinctos trahunt ad legatum legionis primæ ⁴ C. Cetronium , qui judi-
 cium et pœnas de singulis in hunc modum exercuit. stabant pro concione
 legiones dstrictis gladiis ; reus in suggestu per tribunum ostendebatur ;
 si *nocentem* acclamaverant , præceps datus trucidabatur. et gau-
 debat cædibus miles , tamquam semet absolveret : nec Cæsar arcebat ,
 quando nullo ipsius jussu penes eosdem sævitia facti et invidia erat.
 seculi exemplum veterani haud multo post in Rætiā mittuntur , specie
 defendendæ provinciæ ob imminentes Suevos , ceterum ut avellerentur
 castris , trucibus adhuc non minus asperitate remedii quam sceleris me-
 moria. Centurionatum ⁵ inde egit. citatus ab imperatore nomen , ordi-

nabat fere ac si hodie dux exercitum alloqueretur *bourgeois* : nam Quiritium appella-
 tione in Urbe et pace oratores ad populum utebantur. — 6. Me, nondum æqualem Cæsari
 et Augusto. — 7. Conscripta fortasse tum, quum post Varianam cladem Tiberius ad re-
 staurandum exercitum in Germaniam mitteretur. — 8. Tiberio.

XLIII. 1. Scil. egit. — 2. Fortasse inter signa legionum , ut postea Seiani imago. —
 3. Seditiosis et cædis ducum suorum. — 4. Secernite a vobis.

XLIV. 1. I. q. his auditis. — 2. Causa exposita repudiavit. — 3. Quibus elueretur macula.
 — 4. Legati legionum a Julio Cæsare instituti. Retinuit eos Augustus , universo exercitui
 præficiens legatos consulares , singulis legionibus legatos prætorios. — 5. Recensum.

nem ⁶, patriam, numerum stipendiorum, quæ strenue in præliis fecisset, et cui erant dona militaria ⁷, edebat. si tribuni, si legio industriam innocentiamque approbaverant, retinebat ordinem : ubi avaritiam aut crudelitatem consensu objectavissent, solvebatur militia ⁸.

XLV. Sic compositis præsentibus, haud minor moles supererat ob ferociam quintæ et unaetvicesimæ legionum sexagesimum apud lapidem ¹ (loco *Vetera* ² nomen est) hibernantium. nam primi seditionem cœptaverant ; atrocissimum quodque facinus horum manibus patratum ; nec pœna commilitonum exterriti nec pœnitentia conversi iras retinebant. igitur Cæsar arma, classem, socios demittere Rheno parat, si imperium detrectetur, bello certaturus.

XLVI. At Romæ, nondum cognito qui fuisset exitus in Illyrico ¹, et legionum Germanicarum motu audito, trepida civitas incusare Tiberium, « quod, dum Patres et plebem, invalida et inermia, cunctatione ficta ludificetur, dissideat interim miles neque duorum adolescentium nondum « adulta auctoritate comprimi queat : ire ipsum et opponere majestatem « imperatoriam debuisse, cessuris, ubi Principem longa experientia eundemque severitatis et munificentiae summum vidissent. an Augustum « fessa ætate toties in Germanias commeare potuisse, Tiberium vigentem « annis sedere in senatu verba Patrum cavillantem ? Satis prospectum urbane servituti : militaribus animis adhibenda fomenta ², ut ferre pacem « velint. »

XLVII. Immotum adversus eos sermones fixumque ¹ Tiberio fuit non omittere caput rerum ² neque se remque publicam in casum dare. multa quippe et diversa angebant : « validior per Germaniam exercitus, propior « apud Pannoniam : ille Galliarum opibus subnixus, hic Italiæ imminens : « quos igitur anteferet ? ac ³, ne postpositi contumelia incenderentur. « at per filios pariter adiri, majestate salva, cui major e longinquo reverentia. simul adolescentibus excusatum quædam ad patrem rejicere, resistentesque Germanico aut Druso posse a se mitigari vel infringi : quod « aliud subsidium, si Imperatorem sprevissem ? » Ceterum ut jam jamque iturus, legit comites, conquisivit impedimenta ⁴, adornavit naves ; mox hiemem aut negotia varie causatus, primo prudentes, dein vulgum, diutissime provincias fefellit.

XLVIII. At Germanicus, quamquam contracto exercitu et parata in defectores ultione, dandum adhuc spatium ratus, si recenti exemplo sibi ipsi consulerent, præmittit litteras ad Cæcinam, *venire se valida manu ac, ni supplicium in malos præsumant, usurum promiscua cæde*. eas Cæcina aquiliferis signiferisque, et quod maxime castrorum sincerum erat, occulte recitat, *utque cunctos infamiae, se ipsos morti eximant*, hor-

centurionum. — 6. Quam centuriam duceret, primam, an secundam etc. — 7. Et is, cui erant d. m., hæc quoque edebat, indicabat. — 8. Quæ est inhonesta missio.

XLV. 1. Sexaginta millibus (passuum) a superioribus castris ad Ubiorum oppidum positus. — 2. Suppl. *Castra*, ubi hodie *Xanten*.

XLVI. 1. Seditionis legionum in Pannonia Illyrico finitima. — 2. Lenimenta.

XLVII. 1. Virgilianum (*Æneid.* IV, 15) *Si mihi non animo fixum immotumque sederet*. — 2. Romam urbem ; Urbe non exire. — 3. Hoc etiam angebat eum. — 4. Vehicula, jumenta, etc.

tatur : nam in pace causas et merita spectari ; ubi bellum ingruat , innocentes ac noxios juxta cadere. illi , tentatis quos idoneos rebantur , postquam majorem legionum partem in officio vident , de sententia legati statuunt tempus , quo fœdissimum quemque et seditioni promptum ferro invadant. tunc signo inter se dato irrumpunt contubernia ¹ , trucidant ignaros , nullo nisi consciis noscente quod cædis initium , quis finis.

XLIX. Diversa omnium , quæ unquam accidere , civilium armorum facies. non prælio , non adversis e castris , sed iisdem e cubilibus , quos simul vescentes dies , simul quietos nox habuerat , discedunt in partes , ingerunt tela ; clamor , vulnera , sanguis palam , causa in occulto ; cetera fors regit : et quidam honorum cæsi , postquam , intellecto in quos savi-retur , pessimi quoque arma rapuerant. neque legatus aut tribunus moder-ator affuit : permissa vulgo licentia atque ultio et satietas. mox ingressus castra Germanicus , non medicinam illud , plurimis cum lacrimis , sed cladem appellans , cremari corpora jubet. Truces etiam tum animos cupido involat eundi in hostem , piaculum furoris , nec aliter posse placari commilitonum manes , quam si pectoribus impiis honesta vulnera acceperant. sequitur ardorem militum Cæsar , junctoque ponte tramittit duodecim millia e legionibus ¹ , sex et viginti socias cohortes ² , octo equi-tum alas , quarum ea seditione intemerata modestia ³ fuit.

L. Læti neque procul Germani agitabant , dum justitio ob amissum Augustum , post discordiis attinemur ¹ . at Romanus agmine propere sil-vam Cæsiam limitemque a Tiberio ceptum ² scindit , castra in limite locat ; frõtem ac tergum vallo , latera concædibus munitus. inde saltus obscuros permeat , consultatque , ex duobus itineribus breve et solitum ³ sequatur , an impeditus et intentatum ⁴ eoque hostibus incautum ⁵ . delecta longiore via cetera accelerantur : etenim attulerant exploratores festam eam Germanis noctem ac solennibus epulis ludicram. Cæcina cum expeditis cohortibus præire et obstantia silvarum amoliri jubetur : legiones modico intervallo sequuntur. juxta nox sideribus illustris , ven-tumque ad vicos Marsorum , et circumdatæ stationes , stratis etiam tum per cubilia ⁶ , propterque mensas , nullo metu , non antepositis vigiliis : adeo cuncta incuria disjecta erant , neque belli timor ; ac ne pax quidem nisi languida et soluta inter temulentos ⁷ .

LI. Cæsar avidas legiones , quo latior populatio foret , quattuor in cu-neos dispertit : quinquaginta millium spatium ferro flammisque per-vastat : non sexus , non ætas miserationem attulit ; profana simul et sacra , et celeberrimum illis gentibus templum ¹ , quod Tanfanæ vocabant , solo æquantur. sine vulnere milites , qui semisomnos , inermes aut palantes

XLVIII. 1. Tentoria , in quibus deni milites sub decano simul degebant.

XLIX. 1. Dimidiam partem earum. Nam habebat quattuor legiones 24 millium. — 2. Mille militum quamque. — 3. Disciplinæ militaris observantia.

L. 1. Tenemur. — 2. Variis modis munitum adversus incursiones hostium. Struebantur illi limites ubi naturales , velut flumina , montes , non erant. Scindit , penetrat , transgreditur. — 3. Secundum Luppiam ad Cheruscos , quo jam Lollius et Drusus usi erant. — 4. Ad Amisiam et Marsos. — 5. Incustoditum. — 6. Passim in cubilibus. — 7. Sensus : ac ne securitas quidem illis vera erat , sed languida quædam et soluta , qualem facit languor et annuus solutus ex temulentia.

LI. 1. Lucum sive nemus , non ædem exstructam : v. Germ. c. 9.

ceciderant. Excivit ea caedes Bructeros, Tubantes, Usipetes, saltusque, per quos exercitui regressus, insedere. quod gnarum duci, incessitque itineri et praelio². pars equitum et auxiliariæ cohortes ducebant³; mox prima legio, et mediis impeditis sinistrum latum unaetvicesimani, dextrum quintani clausere; vicesima legio terga firmavit: post ceteri sociorum. sed hostes, donec agmen per saltus porrigeretur⁴, immoti; dein latera et frontem modice assultantes, tota vi novissimos incurrere: turbabanturque densis Germanorum catervis leves cohortes, quum Cæsar advectus ad vicesimanos voce magna, *Hoc illud tempus obliterandæ seditionis*, clamitabat: *pergerent, properarent culpam in decus vertere*. exarsere animis, unoque impetu perruptum hostem redigunt⁵ in aperta cæduntque. simul primi agminis copiae evasere silvas castraque communivere. Quietum inde iter; fidensque recentibus ac priorum oblitus miles in hibernis locatur.

LII. Nunciata ea Tiberium lætitia curaque affecere: gaudebat, oppressam seditionem; sed quod largiendis pecuniis et missione festinata favorem militum quæsivisset¹, bellica quoque Germanici gloria angebatur. retulit tamen ad senatum de rebus gestis, multaue de virtute ejus memoravit, magis in speciem verbis adornata, quam ut penitus sentire crederetur. pancioribus Drusum et finem Illyrici motus laudavit, sed intentior² et fida oratione; cunctaque, quæ Germanicus indulserat, servavit etiam apud Pannonicos exercitus.

LIII. Eodem anno Julia supremum diem obiit, ob impudicitiam olim a patre Augusto Pandateria insula, mox oppido Reginorum, qui Siculum fretum accolunt, clausa. fuerat in matrimonio Tiberii, florentibus Caio et Lucio Caesaribus, spreveratque ut imparem¹. nec alia tam intima Tiberio causa, cur Rhodum abscederet. imperium adeptus extorrem, infamem, et post interfectum Postumum Agrippam omnis spei egenam inopia ac tabe longa peremit, obscuram fore necem longinquitate² exsiliu ratur. Par causa sævitiae in Sempronium Gracchum, qui familia nobili, sollers ingenio et prave facundus³, eandem Juliam in matrimonio M. Agrippæ temeraverat. nec is libidini finis, traditam Tiberio pervicax adulter contumacia et odiis in maritum accendebat; literæque, quas Julia patri Augusto cum insectatione Tiberii scripsit, a Graccho compositæ credebantur. igitur amotus Cercinam, Africi maris insulam, quattuordecim annis exsilium toleravit. tunc milites ad cædem missi invenere in prominenti littoris, nihil lætum opperientem. quorum adventu breve tempus petivit, *ut suprema mandata uxori Alliarie per litteras daret*; cervicemque percussoribus obtulit, constantia mortis haud indignus Sempronio nomine⁴: vitâ degeneraverat. Quidam non Roma eos milites, sed ab L.

— 2. Incessum exercitus instituit *itinert* simul et *prælio*, ut utrique rei inservire posset.

— 3. Primi incedebant, ἡγοῦντο. — 4. Procedendo per saltus extenderetur et minus densus esset. — 5. Hic proprio sensu, repellunt in aperta loca.

LII. 1. Germanicus. — 2. Animo magis ad hoc intento, magis ex animo.

LIII. 1. Tiberium *ut imparem* genere, ex cive, non ex Principe ortum. — 2. Diuturnitate: nam decimum quintum annum exsiliu agebat. — 3. Facundia sua ad pravas res abutens. — 4. Talia adjective proferuntur, *Caio* nomen, *Tulliu* nomen, pro *Caio*, *Tullio*.

Asprenate, proconsule Africæ, missos tradidere, auctore Tiberio, qui famam cædis posse in Asprenatem verti frustra speraverat.

LIV. Idem annus novas cærimonias accepit addito sodalium Augustalium sacerdotio, ut quondam Titus Tattius retinendis Sabinorum sacris sodales Titios instituerat¹. sorte ducti e primoribus civitatis unus et viginti: Tiberius Drususque et Claudius et Germanicus adjiciuntur. Ludos Augustales tunc primum cœptos² turbavit discordia ex certamine histriorum³. indulserat ei ludicro Augustus, dum Mæcenati obtemperat effuso in amorem Bathylli⁴; neque ipse abhorrebat talibus studiis, et civile rebatur misceri voluptatibus vulgi. alia Tiberio morum via: sed populum per tot annos molliter habitum nondum audebat ad duriora vertere.

LV. Druso Cæsare, C. Norbano Coss.¹ decernitur Germanico triumphus² manente bello; quod quamquam in æstatem summa ope parabat, initio veris et repentino in Chattos excursu præcepit³. nam spes incesserat dissidere hostem in Arminium ac Segestem⁴, insignem utrumque perfidia in nos aut fide⁵. Arminius turbator Germaniæ; Segestes *parari rebellionem* sæpe alias et supremo convivio⁶, post quod in arma itum, aperuit, suasitque Varo, *ut se et Arminium et ceteros procures vinciret; nihil ausuram plebem principibus amotis, atque ipsi tempus fore quo crimina et innoxios discerneret.* sed Varus fato et vi Arminii cecidit. Segestes quamquam consensu gentis in bellum tractus, discors manebat, auctis privatim odiis, quod Arminius filiam ejus alii pactam rapuerat. gener invisus⁷, inimici soceri; quæque apud concordēs vincula caritatis, incitamenta irarum apud infensos erant.

LVI. Igitur¹ Germanicus quattuor legiones, quinque auxiliarium millia et tumultuarias² catervas Germanorum cis Rhenum colentium Cæcinæ tradit; totidem legiones, duplicem sociorum numerum ipse ducit: positoque castello super vestigia paterni præsidii in monte Tauno, expeditum exercitum in Chattos rapit, L. Apronio ad munitiones viarum et fluminum relicto. nam (rarum illi cælo) siccitate et annibus modicis inoffensum iter properaverat, imbresque et fluminum auctus regredienti metuebatur. Sed Chattis adeo improvisus advenit, ut, quod imbecillum ætate ac sexu, statim captum aut trucidatum sit, juvenus³ flumen Adranam nando transierit. Romanosque pontem cœptantes arcebant: dein tormentis sagittisque pulsi, tentatis frustra condicionibus pacis, quum quidam ad Germanicum perflugissent, reliqui, omissis pagis vicisque, in silvas disperguntur. Cæsar, incenso Mattio (id genti⁴ caput), aperta populatus vertit

LIV. 1. A Romulo in Tatii honorem institutos dicit infra Hist. II, 95. — 2. Proprie cœptos jam anno 743: sed quum hoc anno certa et constanti ratione constituti atque annui facti essent, dici poterant tum primum cœpti. — 3. Quod tale erat: pantomimus se constituto per legem pretio saltaturum negaverat; populus spectandi cupidus tumultuose instabat: quare tribuni senatum eadem die convocare coacti, et senatores postulatum pretium dari decreverunt. — 4. Pantomimi celeberrimi.

LV. 1. Anno U. 768, p. Chr. 18. — 2. Multo post actus; v. II, 41. — 3. Maturius et ante constitutum tempus incepit. — 4. Dissidere ita ut alii in Arminii, alii in Segestis partes discederent. — 5. Alter (Arminius) perfidia, alter (Segestes) fide. — 6. Apud Varum, qui secum habebat procures illos Germanorum. — 7. Scil. socero Segesti. *Soceri* sunt Segestes et pater Arminii Segimerus.

LVI. 1. Jungendum cum initio cap. præcedentis, quod—præcepit, cujus reliqua tanquam parenthesis interposita sunt. — 2. Raptim conscriptas. — 3. Germanica. — 4. Mattiacis.

ad Rhenum, non auso hoste terga abeuntium lacerare; quod illi moris, quoties astu magis quam per formidinem cessit. fuerat animus Cheruscis iuvare Chattos: sed exterruit Cæcina huc illuc ferens arma; et Marsos congredi ausos prospero prælio cohibuit.

LVII. Neque multo post legati a Segeste venerunt, auxilium orantes adversus vim popularium, a quis circumsedebatur, validiore apud eos Arminio, quando ¹ bellum suadebat. nam barbaris, quanto ² quis audacia promptus, tanto magis fidus rebusque motis ³ potior habetur. Addiderat Segestes legatis filium nomine Segimundum: sed juvenis conscientia cunctabatur. quippe anno, quo Germaniæ descivere ⁴, sacerdos apud Aram Ubiorum creatus, ruperat vittas, profugus ad rebelles. Adductus tamen in spem clementiæ Romanæ, pertulit patris mandata: benigneque exceptus, cum præsidio Gallicam in ripam missus est. Germanico pretium fuit ⁵ convertere agmen; pugnatumque in obsidentes, et ereptus Segestes magna cum propinquorum et clientium ⁶ manu. inerant feminae nobiles: inter quas uxor Arminii eademque filia Segestis, mariti magis quam parentis animo, neque victa ⁷ in lacrimas neque voce supplex, compressis intra sinum manibus, gravidum uterum intuens. ferebantur et spolia Varianæ cladis, plerisque eorum, qui tum in deditionem veniebant, prædæ data. simul Segestes ipse, ingens visu et memoria bonæ societatis ⁸ impavidus.

LVIII. Verba ejus in hunc modum fuere: « Non hic mihi primus erga « populum Romanum fidei et constantiæ dies. ex quo a divo Augusto civitate donatus sum, amicos inimicosque ex vestris utilitatibus delegi: « neque odio patriæ (quippe proditores etiam iis, quos anteponunt, in- « visi sunt), verum quia Romanis Germanisque idem conducere ¹, et « pacem quam bellum probabam. ergo raptorem filiae meae, violatorem « fœderis vestri, Arminium, apud Varum, qui tum exercitui præsidebat, « reum feci. dilatus segnitia ducis, quia parum præsidii in legibus erat, ut « me et Arminium et conscios vinciret, flagitavi. testis illa nox ², mihi « utinam potius novissima! quæ secuta sunt, defleri magis quam defendi « possunt. ceterum et injeci catenas Arminio, et a factione ejus injectas « perpressus sum. atque ubi primum tui copia ³, vetera novis et quieta « turbidis antehabeo: neque ob præmium, sed ut me perfidia ⁴ exsolvam, « simul genti Germanorum idoneus conciliator, si pœnitentiam quam per- « niciem maluerit. pro juvena et errore filii veniam precor: filiam neces- « sitate huc adductam fateor. tuum erit consultare utrum prævaleat, quod « Arminii uxor, an quod ex me genita est ⁵ ». Cæsar clementi responso liberis propinquisque ejus incolumitatem, ipsi sedem vetere in provincia ⁶ pollicetur. exercitum reduxit, nomenque *imperatoris* auctore Tiberio ac-

LVII. 1. Quandoquidem. — 2. Proprie est *à quel degré... à tel*. — 3. Turbatis, inter motus. — 4. A. U. 762. — 5. Magni momenti esse videbatur. — 6. De quibus v. German. c. 15. — 7. Commota in I. — 8. Conscientia societatis cum fide servatæ, non sublestæ.

LVIII. 1. Scil. judicabam, cujus notio latet in sequenti *probabam*. In quo verbo *probare* quia præferendi notio inest (nam quod probamus, aliis rebus præferimus), simpli- eiter dixit *quam bellum* pro vulgari *potius quam b.* — 2. In qua convivium, de quo cap. 35. — 3. Sc. mihi data est. — 4. Cujus speciem præbui. — 5. Punirene velis ut hostis uxorem, an veniam dare ut filiae socii. — 6. Sic vocare videtur Germaniam cisrhenanam

cepit. Arminii uxor virilis sexus stirpem edidit : educatus Ravennæ puer quo mox ludibrio conflictatus sit, in tempore memorabo ⁷.

LIX. Fama dediti benigneque excepti Segestis vulgata, ut quibusque bellum invitis aut cupientibus erat ¹, spe vel dolore accipitur. Arminium super insitam violentiam rapta uxor gravida et subjecta servitio vecordem agebat : volitabatque per Cheruscos arma in Segestem, arma in Cæsarem poscens. neque probis temperabat ² : « egregium patrem ! magnum imperatorem ! fortem exercitum ! quorum tot manus unam mulierculam « avexerint. sibi ³ tres legiones, totidem legatos procubuisse. non enim se « proditione neque adversus feminas gravidas, sed palam adversus arma- « tos bellum tractare. cerni adhuc Germanorum in lucis signa Romana, « quæ diis patriis suspenderit. coleret Segestes victam ripam, redderet « filio sacerdotium hominum ⁴ : Germanos nunquam satis excusatu- « ros, quod ⁵ inter Albiū et Rhenum virgas et secures ⁶ et togam viderint. « aliis gentibus ignorantia imperii Romani inexperta esse supplicia, nescia « tributa : quæ quando exuerint, irritusque discesserit ille inter numina « dicatus Augustus, ille delectus Tiberius, ne imperitum adolescentulum ⁸, « ne seditiosum exercitum pavescerent. si patriam, parentes, antiqua mal- « lent quam dominos et colonias novas ⁹, Arminium potius, gloriæ ac li- « bertatis, quam Segestem, flagitiosæ servitutis ducem, sequerentur. »

LX. Conciti per hæc non modo Cherusci, sed conterminæ gentes, tractusque in partes Inguiomerus ¹, Arminii patruus, veteri apud Romanos auctoritate. unde major Cæsari metus : et ne bellum mole una ingrueret, Cæcinam cum quadraginta cohortibus Romanis distrahendo hosti per Bructeros ad flumen Amisiam mittit. equitem Peditum præfectus ² finibus Frisiorum ducit. ipse impositas navibus quatuor legiones per lacus ³ vexit : simulque pedes, eques, classis apud prædictum amnem convenere. Chauci quum auxilia pollicerentur, in commilitium asciti sunt. Bructeros, sua urentes, expedita cum manu L. Stertinius missu Germanici fudit : interque cædem et prædam repperit undevicesimæ legionis aquilam cum Varo amissam. Ductum inde agmen ad ultimos Bructerorum, quantumque Amisiam et Luppiam amnes inter ⁴, vastatum, haud procul Teutoburgiensi saltu, in quo reliquæ Vari legionumque insepultæ dicebantur.

LXI. Igitur cupido Cæsarem invadit solvendi suprema ¹ militibus du- cique, permoto ad miserationem omni, qui aderat, exercitu ob propin-

dudum subactam; paullo post c. 89 *victa ripa* dicitur. — 7. Quæ pars operis hujus periit. *Ludibrio* scil. fortunæ, ut videtur.

LIX. 1. I. e. Prout quique bellum aut nolebant aut cupiebant, expressum dativo commodi, ut Agric. c. 18, *quibus bellum volentibus erat*. — 2. Abstinebat. — 3. Per se, a se (victas). — 4. Cæsarem, apud Aram Ubiorum, de quo c. 67. — 5. Per Segestis culpam et proditionem. — 6. Quas lictores magistratuum Romanorum gestabant. — 7. Passive : ignota. Deinde intellige : et quoniam hæc exuerint, his se liberaverint. *Irritus*, frustra ipsos vincere conatus. — 8. Germanicum notat. — 9. Sedes in Gallica ripa, quales Ubiis et Sicambis dederat Augustus, Segesti promiserat Germanicus.

LX. 1. Germanice *Hinkmar*. — 2. Hujus, ut videtur, Pedonis (Albinovani) superest carmen de navigatione Germanici per Amisiam in Oceanum. V. II, 23 sq. *Finibus ducit* pro per fines (ditionem). audacius dictum quam alibi, *funus porta triumphali ducitur*. Infra c. 36, *littore* per littus *Oceani petere Rhenum*. — 3. Bataviæ, omnes postea haustos magno lacu *Zuyderzee*. Idem infra II, 8, intelliguntur. — 4. Sc. est, interjacet.

LXI. 1. Scil. justa, exsequias peragendi.

quos, amicos; denique ob casus bellorum et sortem hominum: Præmisso Cæcina, ut occulta saltuum scrutaretur, pontesque et aggeres humido paludum et fallacibus campis imponeret, incedunt ² mæstos locos visuque ac memoria deformes. prima Vari castra, lato ambitu et dimensis principiis ³, trium legionum manus ostentabant; dein ⁴ semiruto vallo, humili fossa, accisæ ⁵ jam reliquæ consedissee intelligebantur: medio campi albertia ossa, ut ⁶ fugerant, ut restiterant, disjecta vel aggerata. adjacebant fragmina telorum equorumque artus, simul truncis arborum antefixa ora: lucis propinquis barbaræ aræ, apud quas tribunos ac primorum ordinum centuriones mactaverant. et cladis ejus superstites, pugnam aut vincula elapsi, referebant « hic cecidissee legatos, illic raptas aquilas; primum ubi vulnus Varo adactum, ubi infelici dextera et suo ictu mortem invenit; quo tribunali concionatus Arminius, quot patibula captivis, quæ scrobes, utque signis et aquilis per superbiam illuserit. »

LXII. Igitur ¹ Romanus, qui aderat, exercitus sextum post cladis annum trium legionum ossa, nullo noscente, alienas reliquias, an suorum humo tegeret, omnes ut conjunctos, ut consanguineos, aucta in hostem ira, mæsti simul et infensi condebant. primum exstruendo tumulo cespitem Cæsar posuit gratissimo munere in defunctos et præsentibus doloris socius. Quod Tiberio haud probatum, seu cuncta Germanici in deterius trahenti, sive exercitum imagine cæsorum insepultorumque tardatum ad prælia et formidolosiores hostium ² credebat: *neque imperatorem, auguratum³ et vetustissimis cærimoniis prædicitum, attrectare feralia debuisse.*

LXIII. Sed Germanicus, cedentem in avia Arminium secutus, ubi primum copia fuit, evehi equites campumque, quem hostis insederat, eripi jubet. Arminius colligi suos et propinquare silvis monitos vertit repente; mox signum prorumpendi dedit iis quos per saltus occultaverat. tunc nova acie turbatus eques; missæque subsidiariæ cohortes et fugientium agmine impulsæ auxerant consternationem: trudebanturque in paludem gnaram ¹ vincentibus, iniquam nesciis, ni Cæsar productas legiones instruxisset. inde hostibus terror, fiducia militi: et manibus æquis ² accessum. Mox reducto ad Amisiam exercitu, legiones classe, ut advexerat, reportat; pars equitum littore Oceani petere Rhenum jussa; Cæcina, qui suum militem ducebat, monitus, quamquam notis itineribus regrederetur, Pontes longos quam maturrime superare. angustus is trames vastas inter paludes et quondam a L. Domitio ³ aggeratus; cetera limosa, tenacia gravi cæno aut rivis incerta erant; circum silvæ paullatim acclives; quas tum Arminius implevit, compendiis viarum et cito agmine onustum sarcinis armisque militem quum antevenisset. Cæcinæ dubitanti, quonam modo ruptos vetustate pontes reponeret simulque propulsaret hostem, castra metari in loco placuit, ut opus, et alii ⁴ prælium inciperent.

— 2. Ingrediuntur. — 3. *Principia* in castris mediis erant, idem fere quod in urbibus forum: ibi prætorium, tabernacula legatorum et tribunorum, signa legionum, sacra, conciones. — 4. In alteris castris, altera die prælii positis. — 5. *Accisa* dicuntur omnia quibus pars per vim ablata est. — 6. Prout.

LXII. 1. Refertur ad initium cap. præcedentis, ut c. 36. — 2. Hostes magis formidantem. — 3. Germanicus erat augur et flamen. Sacerdotes pollui credebantur feralibus.

LXIII. 1. Notam, passive, ut sape apud Tacitum. — 2. *Æquo eventu pugnae, ut neutri vincerent vincerenturque.* — 3. Confer infra IV, 44. — 4. Alia pars exercitus.

LXIV. Barbari perfringere stationes seque inferre munitoribus nisi, la-
cessant, circumgrediuntur, occursant: miscetur operantium bellantium-
que clamor. et cuncta pariter Romanis adversa, locus uligine profunda,
idem ad gradum instabilis procedentibus lubricus; corpora gravia lori-
cis: neque librare pila inter undas poterant. contra Cheruscis sueta apud
paludes prœlia, procera membra, hastæ ingentes ad vulnera facienda
quamvis procul. nox demum inclinantes tum legiones adversæ pugnae
exemit. Germani ob prospera indefessi, ne tum quidem sumpta quiete,
quantum aquarum circum surgentibus jugis oritur, vertere in subjecta:
mersaque humo et obruto quod effectum operis, duplicatus militi labor.
Quadragesimum id stipendium Cæcina parendi aut imperitandi habebat,
secundarum ambiguarumque rerum sciens, eoque interritus. igitur futura
volvens ¹ non aliud repperit quam ut hostem silvis coerceret, donec sau-
cil quantumque gravioris agminis anteirent. nam medio montium et pa-
ludum porrigebatur planities, quæ tenuem aciem pateretur. deliguntur le-
giones quinta dextro lateri, unaetvicesima in lævum, primani ducendum
ad agmen, vicesimanes adversum secuturos.

LXV. Nox per diversa inquires, quum barbari festis epulis, læto cantu
aut truci sonore subjecta vallium ac resultantes saltus complerent, apud
Romanos invalidi ignes ¹, interruptæ voces, atque ipsi passim adjacerent
vallo, oberrarent tentoriis, insonnes magis quam pervigiles. ducemque
terruiat dira quies ²: nam Quinctilium Varum sanguine oblitum et paludibus
emersum cernere et audire visus est velut vocantem, non tamen obse-
cutus et manum intendentis repulisse. Copta luce missæ in latera legiones
meta an contumacia ³ locum deseruere, capto propere campo humentia
ultra. neque tamen Arminius, quamquam libero incursu, statim prorupit:
sed ut hæsero corno fossisque impedimenta, turbati circum milites, incer-
tus signorum ordo, utque tali in tempore sibi quisque properus et lentæ
adversum imperia aures, irrumpere Germanos jubet clamitans, *En Va-
rus, en, eodemque iterum fato vinctæ legiones!* Simul hæc ⁴ et cum
delectis scindit agmen, equisque maxime vulnera ingerit. illi sanguine
suo et lubrico paludum lapsantes excussis rectoribus disjicere obvios,
proterere jacentes. plurimus circa aquilas labor, quæ neque adversum
ferri ⁵ ingruentia tela neque figi limosa humo poterant. Cæcina dum sus-
tentat aciem, suffosso equo delapsus circumveniebatur, ni prima legio sese
opposuisset. juvit hostium aviditas, omissa cæde prædam sectantium;
enisæque legiones vespertascente die in aperta et solida. Neque is miseria-
rum finis. struendum vallum, petendus agger ⁶; amissa magna ex parte ⁷
per quæ egeritur humus aut exciditur cespes; non tentoria manipulis,
non fomenta sauciis: infectos corno aut crnore cibos dividentes, funestas
tenebras et tot hominum millibus unum jam reliquum diem lamenta-
bantur.

LXVI. Forte equus abruptis vinculis vagus et clamore territus quosdam

LXIV. 1. Scil. animo, considerans.

LXV. 1. Sc. vigiliis, excubiarum essent. — 2. Dirum somnium per quietem. — 3. In-
certum metu an cont, quod incertum alias additur. — 4. Scil. dixit. — 5. Ferri adversum,
sed adversum præponitur ob vim oppositionis. — 6. Querenda materies (terra, cespes,
lapides, stipites) ex qua agger strueretur. — 7. Sc. instrumenta.

occurrentium obturbavit. tanta inde consternatio irrupisse Germanos credentium, ut cuncti ruerent ad portas : quarum decumana ¹ maxime petebatur, aversa hosti et fugientibus tutior. Cæcina, comperto vanam esse formidinem, quum tamen neque auctoritate neque precibus, ne manu quidem obsistere aut retinere militem quiret, projectus in limine portæ, miseratione demum, quia per corpus legati eundum erat, clausit viam ; simul tribuni et centuriones falsum pavorem esse docuerunt.

LXVII. Tunc contractos in principia, jussosque dicta cum silentio accipere, temporis ac necessitatis monet : « unam in armis salutem, sed ea
« consilio temperanda, manendumque intra vallum, donec expugnandi
« hostes ¹ spe propius succederent ; mox undique erumpendum ; illa
« eruptione ad Rhenum perveniri. quodsi fugerent, plures silvas, profun-
« das magis paludes, sævitiam hostium superesse ; at victoribus decus,
« gloriam : » quæ domi cara, quæ in castris honesta, memorat ; reticuit de adversis. Equos dehinc, orsus a suis, legatorum tribunorumque nulla ambitione fortissimo cuique bellatori tradit, ut hi, mox pedes ², in hostem invaderent.

LXVIII. Haud minus inquires Germanus spe, cupidine et diversis ducum sententiis agebat, Arminio, *sinerent egredi, egressosque rursum per humida et impedita circumvenirent*, suadente ; atrociora Inguiomero et læta barbaris, *ut vallum armis ambirent : promptam expugnationem, plures captivos, incorruptam prædam fore*. igitur orta die proruunt fossas ¹, injiciunt crates, summa valli prensant, raro super milite et quasi ob metum defixo. postquam hædere munimentis, datur cohortibus signum, cornuaque ac tubæ concinuere. exin clamore et impetu tergis Germanorum circumfunduntur, exprobrantes ², *non hic silvas nec paludes, sed æquis locis æquos deos*. hosti facile excidium, et paucos ac semermos cogitanti sonus tubarum, fulgor armorum, quanto ³ inopina, tanto majora offunduntur ; cadebantque, ut rebus secundis avidi, ita adversis incauti. Arminius integer, Inguiomerus post grave vulnus, pugnam deseruere : vulgus trucidatum est, donec ira et dies permansit. nocte demum reversæ legiones, quamvis plus vulnerum, eadem ciborum egestas fatigaret, vim, sanitatem, copias, cuncta in victoria habuere.

LXIX. Pervaserat interim *circumventi exercitus fama, et infesto Germanorum agmine Gallias peti* : ac ni Agrippina impositum Rheno pontem ¹ solvi prohibuisset, erant qui id flagitium formidine auderent. sed femina ingens animi munia ducis per eos dies induit ², militibusque, ut quis inops aut saucius, vestem et fomenta dilargita est. tradit C. Plinius, Germanicorum bellorum scriptor, stetisse apud principium pontis, laudes et grates reversis legionibus habentem. Id Tiberii animum altius penetravit : « non enim
« simplices eas curas, nec adversus externos militem quæri ³. nihil reli-

LXVI. 1. Dicta a decimis cohortibus ibi considentibus, opposita *prætorianæ* portæ in hostem conversæ.

LXVII. 1. Nominativus est, et jungendum *spe expugnandi*. *Succedere* est prope accedere ad locum altiozem, ut muro. — 2. Pedites.

LXVIII. 1. Proruendo (provolvendo) terram fossas explent. — 2. Cum increpatione acclamantes. — 3. Sc. magis, quod indicatur sequenti comparativo.

LXIX. 1. Apud Vetera aut Novesium in Ubiis. — 2. Personâ ducis induta munia ejus obit. — 3. Conciliari.

« etum imperatoribus, ubi femina manipulos intervisat, signa adeat, lar-
 « gitionem tentet, tamquam parum ambitiose filium ducis gregali habitu ⁴
 « circumferat, *Cæsaremque Caligulam* appellari velit. potio⁵rem jam
 « apud exercitus Agrippinam quam legatos, quam duces; compressam a
 « muliere seditionem, cui nomen Principis obsistere non quiverit. » Ac-
 cendebat hæc onerabatque Seianus, peritiâ morum Tiberii odia in longum
 jaciens ⁵, quæ reconderet auctaque promeret.

LXX. At Germanicus legionum, quas navibus vexerat, secundam et
 quartamdecimam itinere terrestri P. Vitellio ducendas tradit, quo levior
 classis vadoso mari innaret vel reciproco sideret ¹. Vitellius primum iter
 sicca humo aut modice allabente æstu quietum habuit: mox impulsu
 aquilonis, simul sidere æquinoctii ², quo maxime tumescit Oceanus, rapi
 agique agmen. et opplebantur terræ: eadem freto, littori, campis facies,
 neque discerni poterant incerta ab solidis, breviam a profundis. sternun-
 tur fluctibus, hauriuntur gurgitibus: jumenta, sarcinæ, corpora exanimia
 interfluunt, occursant. permiscuntur inter se manipuli modo pectore,
 modo ore tenus exstantes, aliquando subtracto solo disjecti aut obruti.
 non vox et mutui hortatus juvabant adversante unda; nihil strenuus ab
 ignavo, sapiens ab rudi, consilia a casu differre: cuncta pari violentia in-
 involvebantur. tandem Vitellius in editiora enisus, eodem agmen subduxit.
 pernoctavere sine utensilibus, sine igni, magna pars nudo aut mulcato
 corpore, haud minus miserabiles quam quos hostis circumsidet. quippe
 illis etiam honestæ mortis usus, his inglorium exitium. lux reddidit ter-
 ram, penetratumque ad annem Unsingim ³, quo Cæsar classe confende-
 rat. impositæ dein legiones, vagante fama submersas: nec fides salutis,
 antequam Cæsarem exercitumque reducem videre.

LXXI. Jam Stertinius ad accipiendum in deditionem Segimerum, fratrem
 Segestis, præmissus, ipsum et filium ejus in civitatem Ubiorum perduxer-
 at. data utrique venia, facile Segimero, cunctantius filio, quia Quinctilii
 Vari corpus illuisse dicebatur. Ceterum ad supplenda exercitus damna
 certavere Galliæ, Hispaniæ, Italia, quod cuique promptum, arma, equos,
 aurum offerentes. quorum laudato studio Germanicus, armis modo et
 equis ad bellum sumptis, propria pecunia militem juvit. utque cladis me-
 moriam etiam comitate leniret, circumire saucios ¹, facta singulorum
 extollere; vulnera intuens, alium spe, alium gloria, cunctos alloquio et
 cura sibi et prælio firmabat.

LXXII. Decreta eo anno triumphalia insignia A. Cæcinæ, L. Apronio,
 C. Silio, ob res cum Germanico gestas. nomen *patris patriæ* Tiberius a
 populo sæpius ingestum repudiavit; neque in acta sua jurari ¹, quamquam

— 4. Habitu gregarii militis. — 5. Odii semina spargens *in longum*, i. e. longo post tempore emersura.

LXX. 1. Refluo mari prope littus in sicco destitueretur. — 2. Autumnalis. — 3. Qui hodie sit *Unse*, Grœningam urbem alluens et in æstuarium descendens. Sed res incerta; vitiose codex manuscriptus *visurgia*.

LXXI. 1. In tentoriis sparsim cubantes. Illo tempore nondum erant nosocomia militaria.

LXXII. 1. Quod primum factum a triumviris, qui calendis Januariis jurarunt se omnia acta divi Julii (Cæsar) rata habituros. Hoc exemplo secutis temporibus *in acta*

censente senatu, permisit, *cuncta mortalium incerta, quantoque plus adeptus foret, tanto se magis in lubrico*² dictitans. non tamen ideo faciebat fidem civilis animi. nam legem majestatis reduxerat; cui nomen apud veteres³ idem, sed alia⁴ in iudicium veniebant: si quis proditiōe exercitum aut plebem seditionibus, denique male gesta republica majestatem populi Romani minuisset; facta arguebantur, dicta impune erant. primus Augustus cognitionem de famosis⁵ libellis specie legis ejus tractavit, commotus Cassii Severi libidine, qua viros feminasque illustres procacibus scriptis diffamaverat⁶. mox Tiberius, consultantes Pompeio Macro prætore *an iudicia majestatis redderentur? exercendas leges esse* respondit. hunc quoque asperavere carmina incertis auctoribus vulgata in sævitiam superbiamque ejus et discordem cum matre animum⁷.

LXXIII. Haud pigebit referre in Falanio et Rubrio, modicis equitibus Romanis, prætentata crimina, ut, quibus initiis, quanta Tiberii arte gravissimum exitium irrepserit, dein repressum sit, postremo arserit cunctaque corripuerit, noscatur. Falanio objiciebat accusator, *quod intercullores Augusti*, qui per omnes domos in modum collegiorum habebantur, *Cassium quendam, mimum infamem, ascivisset, quodque venditis hortis statuum Augusti simul mancipasset*. Rubrio crimini dabatur *violatum perjurio nomen Augusti*. Quæ ubi Tiberio notuere, scripsit consulibus, « non ideo decretum patri suo cælum, ut in perniciem civium is honor verteretur. Cassium histrionem solitum inter alios ejusdem artis interesse ludis, quos mater sua in memoriam Augusti sacrasset¹. nec contra religiones fieri, quod effigies ejus, ut alia numinum simulacra, venditionibus hortorum et domuum accedant. jusjurandum perinde æstimandum quam si Jovem fefellisset: deorum injurias a diis curæ². »

LXXIV. Nec multo post Granium Marcellum, prætorem Bithyniæ, quæstor ipsius Cæpio Crispinus majestatis postulavit, subscribente Romano Hispōne: qui¹ formam vitæ iniit, quam postea celebrem miseriæ temporum et audaciæ hominum fecerunt. nam egens, ignotus, inquires, dum occultis libellis sævitæ Principis arreptit², mox clarissimo cuique periculum facessit: potentiam apud unum, odium apud omnes adeptus dedit exemplum, quod secuti ex pauperibus divites³, ex contemptis metuendi, perniciem aliis ac postremum sibi invenerē. Sed Marcellum insinulabat *sinistros de Tiberio sermones habuisse*, inevitabile crimen, quum ex moribus Principis fœdissima quæque deligeret accusator objeteretque reo. nam quia vera erant, etiam dicta credebantur. addidit

Principum jurabatur. — 2. Sc. esse. — 3. Inde a Cornelio Sulla, qui primam legem majestatis (populi Romani læsæ) tulerat. — 4. Sc. crimina. — 5. Diffamantibus, ignominiosis. — 6. De eo Quintilianus X, I, 116: *Et ingenii plurimum est in eo, et acerbitas mira et urbanitas et vis summa; sed plus stomacho (iræ) quam consilio dedit.* — 7. Ea habes apud Suetonium Tib. c. 59.

LXXIII. 1. Erant hi ludi alii atque illi supra c. 51 memorati: ab Livia instituti, et per tres dies in palatio celebrati, hinc dicti *ludi Palatini*. — 2. Justinianus: *Jurisjurandi contempta religio satis Deum ultorem habet.*

LXXIV. 1. Crispinus. In ejus persona origo delatorum exponitur. — 2. Occultis accusationibus in sævi Principis gratiam se sensim insinuat. — 3. Sc. facti. — 4. Disertis

Hispo, *statuam Marcelli altius quam Cæsarum sitam, et alia in statua, amputato capite Augusti, effigiem Tiberii inditam.* ad quod exarsit adeo, ut rupta taciturnitate proclamaret, *se quoque in ea causa latitum sententiam palam¹ et juratum²*: quo ceteris³ eadem necessitas fieret. manebant etiam tum vestigia morientis libertatis. Igitur Cn. Piso, Quo, inquit, loco censebis⁴, Cæsar? si primus, habeo quod sequar: si post omnes, vereor ne imprudens dissentiam. Permotus his, quantoque incautius efferverat, penitentia patiens tulit⁵ absolvi reum criminibus majestatis. de pecuniis repetundis ad recipitatores⁶ itum est.

LXXV. Nec Patrum cognitionibus satius, judiciis assidebat in cornu tribunalis, ne prætorem curuli depelleret, multaque eo coram adversus ambitum et potentium preces¹ constituta. sed dum veritati consulitur², libertas corrumpelatur. Inter quæ Pius Aurelius senator, questus *mole publicæ viæ ductuque aquarum³ labefactas aedes suas*, auxilium Patrum invocabat. resistentibus ærarii prætoribus⁴, subvenit Cæsar, pretiumque ædium Aurelio tribuit, erogandæ per honesta pecunie cupiens: quam virtutem diu retinuit, quum ceteras exueret. Propertio Celeri prætorio veniam ordinis⁵ ob paupertatem petenti decies sestertiū⁶ largitus est, salis comperto paternas ei angustias esse. tentantes eadem alios probare causam senatui jussit, cupidine severitatis in his etiam, quæ rite faceret, acerbus. unde ceteri silentium et paupertatem confessioni et beneficio præposuere.

LXXVI. Eodem anno continuis imbribus auctus Tiberis plana Urbis stagnaverat: relabentem secuta est ædificiorum et hominum strages. igitur censuit Asinius Gallus, *ut libri Sibyllini adirentur.* renuit Tiberius, perinde divina humanaque obtegens¹. sed remedium coercendi fluminis Ateio Capitone et L. Arruntio mandatum. Achaïam² ac Macedoniam, onera deprecantes, levare in præsens proconsulari imperio³ tradique Cæsari placuit. Edendis gladiatoribus, quos Germanici fratris ac suo nomine obtulerat, Drusus præsedit, quamquam vili sanguine⁴ nimis gaudens: quod in vulgus formidolosum⁵, et pater arguisse dicebatur. Cur

verbis, non tacita litione in partes. — 3. In magni momenti consultationibus poterat senatus *jurari* (jurisjurandi fide astringi), ut Juratus consultum daret. — 6. Senatoribus. — 7. Sententiam feres. — 8. His permotus, et, quanto incautius incendi se ira passus fuerat, *eo patientius*, propter penitentiam tam improvidi motus, et leniore animo tulit absolutionem rei. — 9. Judices qui de ablatis rebus *recuperandis*, i. e. suo domino restituendis vel integre resarciendis, cognoscebant, dati a prætore, sub Imperatoribus sæpe a senatu. *Repetundæ pecuniæ* (quod substantivum sæpe omittitur) dicantur pecunie a magistratibus Romanis in provinciis per injuriam ablatæ.

LXXV. 1. Rei secum adducere in judicium solebant homines quos poterant potentissimos (qui proprie dicebantur *advocati*), ut auctoritate ipsorum aut precibus pœnas evitarent. — 2. Sc. per præsentiam Principis. — 3. Sc. structo. *Mole*, ob saxorum, quibus strata via erat, magnitudinem et pondus. — 4. Augusto auctore, ærarii prætores præerant, reipublicæ tempore quæstores. V. XIII, 28, 29. — 5. Sc. senatorii. *Veniam*, excusationem, deponendi ordinis facultatem, quum censum senatorium non haberet. — 6. 198, 703 fr.

LXXVI. 1. *Aussi mystérieux en religion qu'en politique*, Burnouf. Veritus quæ præceptura esset Sibylla. — 2. Græciam. — 3. Liberari a proconsulari et annuo imperio provinciarum senatoriarum. Pluribus de causis melior erat conditio provinciarum Cæsaris. — 4. Cæde cadentium gladiatorum, quamquam servorum. — 5. Multitudini

abstinuerit spectaculo ipse, varie trahebant ⁶; alii tædio cœtus, quidam tristitia ⁷ ingenii et metu comparationis, quia Augustus comiter interfuisset. non crediderim ad ostentandam sævitiam movendasque populi offensiones concessam filio materiem: quamquam id quoque dictum est.

LXXVII. At theatri licentia, proximo priore anno cepta, gravius tum erupit, occisis non modo e plebe, sed militibus et centurione, vulnerato tribuno prætoriae cohortis, dum probra in magistratus et dissensionem vulgi prohibent. actum de ea seditione apud Patres, dicebanturque sententiæ, *ut prætoribus jus virgarum in histriones esset*. intercessit Haterius Agrippa tribunus plebei, increpitusque est Asinii Galli oratione, silente Tiberio, qui ea simulacra libertatis senatui præbebat. valuit tamen intercessio, quia divus Augustus *immunes verberum histriones* quondam responderat ¹, neque fas Tiberio infringere dicta ejus. de modo lucaris et adversus lasciviam fautorum ² multa decernuntur: ex quis maxime insignia, « ne domos pantomimorum senator introiret; ne egredientes in « publicum ³ Equites Romani cingerent, aut alibi quam in theatro spectarentur; et spectantium immodestiam exsilio multandi potestas prætoribus fieret. »

LXXVIII. Templum ut in colonia Tarraconensi strueretur Augusto, petentibus Hispanis permissum, datumque in omnes provincias exemplum. Centesimam rerum venalium ¹ post bella civilia institutam deprecante populo, edixit Tiberius *militare ærarium* ² eo subsidio niti; simul, *imparem oneri rempublicam, nisi vicesimo militiæ anno veterani dimitterentur*. ita proximæ seditionis male consulta, quibus sedecim stipendiorum finem ³ expresserant, abolita in posterum.

LXXIX. Actum deinde in senatu ab Arruntio et Ateio, an ob moderandas Tiberis exundationes verterentur ¹ flumina et lacus, per quos augescit. auditæque municipiorum et coloniarum legationes, orantibus Florentinis, *ne Clanis, solito alveo demotus, in amnem Arnun transferretur, idque ipsis perniciem afferret*. congruentia his Interamnates disseruere: *pessum itiuos fecundissimos Italiæ campos, si amnis Nar* (id enim parabatur) *in rivos diductus superstagnavisset*. nec Reatini silebant, Velinum lacum, qua in Narem effunditur, obstrui recusantes, « quippe « in adjacentia erupturum; optime rebus mortalium consuluisse naturam, « quæ sua ora fluminibus, suos cursus, utque originem, ita fines dederit; « spectandas etiam religiones sociorum, qui sacra et lucos et aras patriis « annibus dicaverint. quin ipsum Tiberim nolle prorsus accolis fluviis orbatum minore gloria fluere». seu preces coloniarum seu difficultas operum sive superstitio valuit, ut in sententiam Pisonis concederetur, qui nil mutandum censuerat.

LXXX. Prorogatur Poppæo Sabino provincia Mœsia, additis Achaia ac Macedonia. id quoque morum Tiberii fuit, continuare imperia ac pleros-

formidabile, timendum. — 6. Ad varias causas referebant. — 7. Austeritate.

LXXVII. 1. De ea re consultus. V. Sueton. c. 45. — 2. Plausorum, quales jam ante duo sæcula mercede conducebantur. — 3. Sc. pantomimos.

LXXVIII. 1. Dicit centesimam auctionum. — 2. Ab Augusto a. U. 739 institutum. — 3. Finis militiæ in sedecimo stipendio (anno militiæ) constitutus.

LXXIX. 1. Sc. alio, ex solito alveo in aliam partem.

que ad finem vitæ in iisdem exercitiis aut jurisdictionibus ¹ habere. causæ variæ traduntur : alii, *tædio novæ curæ semel placita pro æternis servavisse*, quidam, *invidia, ne plures fruerentur*. sunt qui existiment, ut callidum ejus ingenium, ita anxium judicium. neque enim eminentes virtutes sectabatur, et rursum vitia oderat : ex optimis periculum sibi, a pessimis dedecus publicum metuebat. qua hæsitazione postremo eo proventus est, ut mandaverit quibusdam provincias, quos egredi Urbe non erat passurus.

LXXXI. De comitiis consularibus, quæ tum primum illo Principe ¹ ac deinceps fuere, vix quidquam firmare ausim : adeo diversa non modo apud auctores, sed in ipsius orationibus reperiuntur. modo subtractis ² candidatorum nominibus, originem cujusque et vitam et stipendia descripsit, ut, qui forent, intelligeretur ; aliquando ea quoque significatione subtracta, candidatos hortatus ne ambitu comitia turbarent, suam ad id curam pollicitus est. plerumque *eos tantum apud se professos* disseruit, *quorum nomina consulibus edidisset* ; *posse et alios profiteri, si gratiæ aut meritis confiderent*. speciosa verbis, re inania aut subdola, quantoque majore libertatis imagine tegebantur, tanto eruptura ad infensius ³ servitium.

LXXX. 1. Hoc de procuratoribus in provinciis sine exercitu.

LXXXI. 1. Nam primi anni, qui sub Tiberio agebatur, consules Augustus designaverat.

- 2. Omissis, tacitis. — 3. Ad tanto infensius servitium eruptura.

LIBER SECUNDUS.

ARGUMENTUM.

Cap. 1. Initia belli Parthici. Phraates, Vononis pater. — 2. Vonones popularibus invisus. — 3. ab Artabano pulsus, ad Armenios profugus. — 4. in Armenia mutatio regum. — 5. Germanicus invidia Tiberii revocatus Germanos confestim aggredi parat. — 6. classis ejus. Rhenus. — 7. irruptio in Chattos. ara Drusi restituta. — 8. fossa Drusiana. Anisia. in rebelles Angrivarios animadversum. — 9. Arminii cum fratre colloquium. — 10. inde ira et jurgium. — 11. Visurgim transeunt Romani. Batavorum discrimen. Chariovalda cæsus. — 12. Germanicus militum animos explorat. — 13. transfugis præmium pronuntiatum a Germanis, mox castris Romanis assultatum. — 14. Germanici somnium. ejusque — 15. et Arminii orationes ad suos. — 16. locus pugnæ, campus Idistavisus. acierum instructio. — 17. faustum augurium. fuga Germanorum et clades. — 18. tropæum positum. — 19. quo dedecore accensi gens bellum resumit. — 20. acriter pugnatum. — 21. vincunt tandem Romani, quamquam ambiguo equitum prælio. — 22. monumentum et titulus rerum magnificus. — 23. milites classe recepti. — 24. ex tempestate calamitas et pæne exitium. recollecti naufragi. — 25. hac fortuna erectos denuo Germanos aggreditur Germanicus cæditque, simul aquilam Variam recipit. — 26. tum rebus infectis advocatur a Tiberio. — 27. Libo Drusus ab amico delatus. — 28. accusatus in senatu. — 29. quum patronos non reperiret, — 30. nec tam sceleris quam vecordiae convinci posset, novo jure servos torqueri in suum caput vidit. — 31. jam frustra orato Principe Libo se ipse confecit. — 32. in defunctum sententiæ senatorum. Astrologi et magi ex Italia pulsi. — 33. lux publicus leviter coercitus, quem defendit Asinius. — 34. Pisonis libertas, Urgulanzæ potentia. — 35. de rebus proferendis certamen in senatu. — 36. Asinii sententia de comitiis, a Tiberio rejecta. — 37. Hortali levamentum inopia suæ poscentis orationem. — 38. aspere excipit Tiberius, tamen liberis suis nonnihil largitur. — 39. Clementis servi facinus. is Postumum Agrippam se mentitus Principi curam injicit, — 40. sed Sallustii Crispi dolo captus occiditur. — 41. Romæ dedicantur nova opera.

Anno proximo triumphat Germanicus. — 42. Archelaus rex Cappadocum in Urbem accitus perit. — 43. Oriens turbatus committitur Germanico; Pisoni, feroci homini, Syria. — 44. Drusus in Illyricum missus, Suevis contra Cheruscos auxilium petentibus. — 45. ita inter se discordes Germani accinguntur ad pugnam. Arminii ad suos oratio, — 46. Maroboduus item ad suos. atrox prælium. Maroboduus pro victo. — 47. Terræ motus in Asia. eo afflictos sublevat Tiberius, — 48. in alios non minus liberalis. — 49. Tempia quædam dedicata. — 50. Varilia majestatis postulata. — 51. De prætore substituendo contentio. — 52. Tacfarinatem et Mazippam bellum in Africa moventes fundit Camillus. triumphalia ei decreta.

53. Germanici varia itinera. — 54. consultit in reditu Clarium Apollinem. oraculi ratio. — 55. Piso et uxor Plancina Germanicum insectantur; etiam castra corrompunt. — 56. Germanicus Armeniæ regem, Cappadociæ et Commagenæ legatos imponit. — 57. Pisonis insolentia in congressu, consilio, convitiis. — 58. Vonones Syria demotus.

59. Germanicus Egyptum petit, improbante Tiberio. — 60. Canopus. Thebæ priscæ. — 61. statua Memnonis. pyramides et alia. — 62. Germanorum discordia, astus Drusi. — 63. Maroboduus vi Catualdæ pulsus confugit ad Romanos. eadem mox fortuna Catualdæ. — 64. Rhescuporis, Cotye fratris filio oppresso, Romanam divisionem egressus, illius partem appetit, — 65. ipsoque per fraudem comprehenso, universam Thraciam occupat. — 66. hinc vocatus ad causam dicendam Cotyn occidit. — 67. Romam perductus et damnatus. — 68. Vonones fugam tentat; at deprehensus confoditur. — 69. Germanicus ægrotat, scelere, ut creditur, Pisonis, — 70. cui amicitiam renuntiat veteri more. — 71. mandata familiaribus ultione, — 72. datisque conjugi monitis, moritur, — 73. Alexandro M. comparatus et prælatus. — 74. Sentius Syriæ præficitur. — 75. Agrippina properat Romam. Pisoni Germani casu exultanti — 76. reditum in Syriam dissuadet filius; — 77. suadet contra Domitius Celer, — 78. ac persuadet. — 79. Piso vim parans in succes-

sorem Sentium obviam fit Agrippinae. — 80. castellum occupat, aciem struit: sed pellitur a Sentio. — 81. tandem tutum ei iter Romam conceditur. — 82. Ibi magna ob necem Germanici ira et luctus. — 83. honores viro decreti. — 84. Livia Druso gemellos parit. — 85. Scita in libidinem mulierum, pulsa sacra Ægyptia et Judaica. — 86. capta Vestalis. — 87. frumento pretium constitutum. novos honores aversatur Tiberius. — 88. Arminii cædes et præconium.

Hæc gesta annis quattuor, Coss. T. Statilio Sisenna Tauro et L. Scribonio Libone, C. Cælio Rufo et L. Pomponio Flacco, Tri. Cæsare Augusto III et Germanico Cæsare II, M. Junio Silano et C. Norbano Flacco, annis p. Chr. n. 16-19.

I. Sisenna Statilio Tauro, L. Libone Coss. ¹ mota Orientis regna provinciaque Romanæ, initio apud Parthos orto, qui petitem Roma acceptumque regem, quamvis gentis Arsacidarum, ut externum aspernantur. is fuit Vonones, obses Augusto datus a Phrahate. nam Phrahates quamquam depulsi et exercitus ducesque Romanos ², cuncta venerantium officia ad Augustum verterat ³, partemque prolis ⁴ firmandæ amicitiae miserat, haud perinde nostri metu, quam fidei popularium diffusus.

II. Post finem Phrahatis et sequentium regum ¹ ob internas cædes venire in Urbem ² legati a primoribus Parthis, qui Vononem, vetustissimum liberorum ejus, accirent. magnificum id sibi credidit Cæsar, auxitque opibus. et accipere barbari ketantes, ut ferme ³ ad nova imperia. Mox subit pudor, « degeneravisse Parthos; petitem alio ex orbe regem hostium artibus infectum; jam inter provincias Romanas solum Arsacidarum haberi darique. ubi illam gloriam trucidantium Crassum, exturbantium Antonium, si mancipium Cæsaris tot per annos servitutem perpassum Parthis imperitet? » Accendebat dedignantem et ipse, diversus ⁴ a majorum institutis, raro venatu, segni equorum cura; quoties per urbes incederet, lecticæ gestamine fastuque ⁵ erga patrias epulas. irridebantur et Græci comites ac vilissima utensilium annulo clausa ⁶. sed prompti ⁷ aditus, obvia comitas, ignotæ Parthis virtutes, nova vitia; et quia ipsorum moribus aliena, perinde odium pravis et honestis.

III. Igitur Artabanus, Arsacidarum e sanguine ¹, apud Dahas adultus, excitur, primoque congressu fusus, reparat vires ² regnoque potitur. victo Vononi perfugium Armenia fuit, vacua tunc interque Parthorum et Romanas opes infida ob scelus Antonii, qui Artavasden, regem Armeniorum, specie amicitiae illectum, dein catenis oneratum, postremo interfecerat. ³ ejus filius Artaxias, memoria patris nobis infensus, Arsacidarum vi seque regnumque tutatus est. occiso Artaxia per dolum propinquorum, datus a Cæsare Armeniis Tigranes deductusque in regnum a Tiberio Nerone. nec Tigrani diuturnum imperium fuit, neque liberis ejus, quamquam sociatis

I. 1. Anno U. 769, p. Chr. 16. — 2. Antonium triumvirum et legatos ejus, a. U. 718. — 3. Cui restituit signa Romanorum in expeditionibus funestis Crassi et Antonii capta, et quicquid reliquum apud Parthos erat captivorum, a. U. 734. — 4. Quattuor filios cum duabus uxoribus et quattuor nepotibus

II. 1. Phrahataeis et Orodis, a Parthis occisorum. — 2. Ad Augustum, a. U. 738 vel 739. — 3. Sc. fit. — 4. Alienus. — 5. Fastidioso contemptu. *Patriæ epulæ*, non tantum cibi Parthorum, sed etiam mos patrius regum illorum cum magnatibus cœnandi. — 6. Clausa expresso in cistis signo annuli signatorii, romano et græco more, qui, ne servi furarentur, vel panem obsignabant. — 7. Faciles.

III. 1. Materno solum. — 2. In montibus Mediae. — 3. Crediderat Antonius Artavasden malo consilio sedisse otiosum, quum Oppius Statianus, Antonii legatus, immani clade a

more externo⁴ in matrimonium regnumque. Dein jussu Augusti impositus Artavasdes, et non sine clade nostra dejectus.

IV. Tum C. Caesar¹ componendæ Armeniæ deligitur. is Ariobarzanem, origine Medum, ob insignem corporis formam et præclarum animum volentibus Armeniis præfecit. Ariobarzane morte fortuita absumpto, stirpem ejus haud toleravere; tentatoque feminæ imperio, cui nomen Erato, eaque brevi pulsa, incerti solutique et magis sine domino quam in libertate profugum Vononem in regnum accipiunt. Sed ubi minitari Artabanus² et parum subsidii in Armeniis vel, si nostra videdefenderetur³, bellum adversus Parthos sumendum erat; rector Syriæ Creticus Silanus exitum custodia circumdat, manente luxu et regio nomine. quod ludibrium ut effugere agitaverit Vonones, in loco⁴ reddemus.

V. Ceterum Tiberio haud ingratum accidit turbari res Orientis, ut ea specie Germanicum suetis legionibus abstraheret, novisque provinciis impositum dolo simul et casibus objectaret. at ille, quanto acriora in eum studia militum et¹ aversa patrum voluntas, celerandæ victoriæ intentior tractare præliorum vias² et quæ sibi tertium jam annum belligeranti sæva vel prospera evenissent: « fundi Germanos acie et justis³ locis, juvari « silvis, paludibus, brevi æstate et præmatura hieme; suum militem haud « perinde vulneribus quam spatiis itinerum, damno armorum affici; fessas « Gallias ministrandis equis; longum impedimentorum agmen opportunum « ad insidias, defensantibus iniquum. at si mare intretur, promptam ipsis « possessionem⁴ et hostibus ignotam, simul bellum maturius incipi legio- « nesque et commeatus pariter vehi; integrum⁵ equitem equosque per ora « et alveos fluminum media in Germania fore. »

VI. Igitur huc intendit, missis ad census Galliarum¹ P. Vitellio et C. Antio. Silius et Anteius et Cæcina fabricandæ classi præponuntur. mille naves sufficere visæ properatque: aliæ breves, angusta puppi proraque et lato utero, quo facilius fluctus tolerarent; quædam planæ carinis, ut sine noxa siderent; plures appositis utrimque gubernaculis, converso ut repente remigio hinc vel illinc appenderent; multæ pontibus stratæ, super quas tormenta veherentur, simul aptæ ferendis equis aut commeatui: velis habiles, citæ remis, augebantur alacritate militum in speciem ac terrorem. Insula Batavorum, in quam convenirent, prædicta ob faciles appulsus, accipiendisque copiis et transmittendum ad bellum opportuna.² nam Rhenus, uno alveo continuus aut modicas insulas circumveniens, apud principium agri Batavi velut in duos amnes dividitur, servatque nomen et violentiam cursus, qua Germaniam prævehitur³, donec Oceano misceatur; ad Gallicam ripam latior et placidior affluens: verso cognomento *Vahalem*

Parthis afficeretur. — 4. More Ægyptiorum aliorumque orientalium, connubium et regni societatem inter fratres sororesque admittentium.

IV. 1. De quo supra I, 5. — 2. Qui Orodem filium eis regem dedit. — 3. Vonones. — 4. Suo loco, infra cap. 68.

V. 1. Et quanto magis *aversa p. v.*, tanto *intentior cel.* etc. — 2. Animo volvere et reputare vias quibus propere ad congressum cum hoste perveniri posset. — 3. Æquis, haud insidiosis, in quibus nullum subsidium præter virtutem militum. — 4. Occupationem agri hostilis. — 5. Sc. viribus, non fessum longis et impeditis itineribus.

VI. 1. Conf. I, 31. — 2. Breviter dictum pro, et quod *accipiendis... opportuna* erat. Nota variationem in structura adjectivi. — 3. In finibus Germaniæ fuit.

accollæ dicunt; mox id quoque vocabulum mutat *Mosa* flumine ejusque immenso ore eundem in Oceanum effunditur.

VII. Sed Cæsar, dum adiguntur naves, Silium legatum cum expedita manu irruptionem in Chattos facere jubet: ipse audito castellum Luppiae flumini appositum ¹ obsideri, sex legiones eo duxit. neque Silio ob subitos imbres aliud actum quam ut modicam prædam et Arpi, principis Chattorum, conjugem filiamque raperet; neque Cæsari copiam pugnae obsessores fecere, ad famam adventus ejus dilapsi. tumulum tamen, nuper Varianis legionibus structum, et veterem aram Druso sitam ² disjecerant. restituit aram honoriq[ue] patris princeps ipse cum legionibus decucurrit ³; tumulum iterare haud visum. et cuncta inter castellum Alisonem ac Rhenum novis limitibus aggeribusque permunita.

VIII. Jamque classis advenerat, quum præmisso commeatu et distributis in legiones ac socios navibus, fossam, cui *Drusianæ* nomen, ingressus precatusque Drusum patrem, *ut se eadem ausum libens placatusque exemplo ac memoria consiliorum atque operum juvaret*, lacus inde et Oceanum usque ad Amisiam flumen secunda navigatione pervehitur. classis Amisiæ relicta, levo amne; erratumque in eo, quod non subvexit ¹. transposuit militem dextras in terras iturum. ita plures dies efficiendis pontibus absumpti. et eques quidem ac legiones prima aestuaria, nondum accrescente unda, intrepidi transiere: postremum auxiliorum agmen Bavique in parte ea ², dum insultant aquis artemque nandi ostentant, turbati et quidam hausti sunt. Metanti castra Cæsari ³ Angrivariorum defectio a tergo nuntiatur. missus illico Stertinius cum equite et armatura levi, igne et cædibus perfidiam ultus est.

IX. Flumen Visurgis Romanos Cheruscosque interfluebat. ejus in ripa cum ceteris primoribus Arminius astitit, quæsiloque *an Cæsar venisset?* postquam *adesse* responsum est, *ut liceret cum fratre colloqui* oravit. erat in exercitu, cognomento Flavius ¹, insignis fide et amisso per vulnus oculo paucis ante annis, duce Tiberio. tum permissum; progressusque salutatur ab Arminio: qui, amotis stipatoribus, *ut sagittarii nostra pro ripa dispositi abscederent*, postulat, et postquam digressi, *unde ea deformitas oris?* interrogat fratrem. illo locum et prælium referente, *quodnam præmium recepisset?* exquirat. Flavius *aucta stipendia, torquem et coronam aliaque militaria dona* memorat, irridente Arminio vilia servitii pretia.

X. Exin diversi ordiuntur: hic *magnitudinem Romanam, opes Cæsaris et victis graves pœnas, in deditionem venienti paratam clementiam; neque conjugem et filium ejus hostiliter haberi*: ille *fas patriæ, libertatem avitam, penetrales Germaniæ deos* ¹, *matrem precum so-*

VII. 1. A patre ejus Druso, ad confluentes Allisonis (Almæ) et Luppiae. — 2. In Drusi honorem positam. — 3. Ejusmodi decursiones funebres describuntur ab Homero Iliade Ψ, 8 seqq., Virgilio Æneid. XI, 188.

VIII. 1. Non adverso flumine vexit classem ad eum usque locum, ubi milites in dextra ripa exponeret: sed *transposuit* eos per pontes. — 2. Scil. exercitus. — 3. Jam ad Visurgim, quo sine hoste progressus esse videtur: nam Angrivarii locos inter Visurgim et Amisiam tenebant.

IX. 1. Ex quo nomine intelligeretur civitate Romana donatum fuisse: sed manuscriptus codex *Flavus*, quo ab colore capillorum Germanis proprio ductum videri potest.

X. 1. Penates.

ciam, ne propinquorum et affinium, denique gentis suæ desertor et proditor quam imperator esse mallet. paulatim inde ad jurgia prolapsi, quominus pugnam consererent, ne flumine quidem interjecto colubebantur, ni Stertinus accurrens plenum iræ armaque et equum poscentem Flavium attinuisset. cernebatur contra minitabundus Arminius præliumque denuntians. nam pleraque Latino sermone interjaciebat, ut qui Romanis in castris ductor popularium meruisset.

XI. Postero die Germanorum acies trans Visurgim stetit Cæsar, nisi pontibus præsidisque impositis, dare in discrimen legiones haud imperatorium ratus, equitem vado tramittit. præfuere Stertinus et e numero primipilariæ Æmilius, distantibus locis inveci, ut hostem diducerent. qua celerrimus annis, Chariovalda dux Batavorum erupit. eum Cherusci, fugam simulantes, in planitiem saltibus ¹ circumjectam traxere; dein coorti et undique effusi trudent adversos, instant cedentibus, collectosque in orbem pars congressi, quidam eminus proturbant. Chariovalda, diu sustentata hostium sævitia, hortatus suos ut ingruentes catervas globo frangerent, atque ipse in densissimos irrumpens, congestis ³ telis et suffosso equo labitur ac multi nobilium circa: ceteros vis sua aut equites cum Stertinio Æmilioque subvenientes periculo exemere.

XII. Cæsar, transgressus Visurgim, indicio perfugæ cognoscit *delectum ab Arminio locum pugnae; convenisse et alias nationes in silvam Herculi* ¹ *sacram, ausurosque nocturnam castrorum oppugnationem.* habita indici fides; et cernebantur ignes: suggestisque propius speculatores, *auliri fremitum equorum immensique et inconditi agminis murmur* attulere. Igitur propinquo summæ rei discrimine explorandos militum animos ratus, quoniam id modo incorruptum foret, secum agitabat: « tribunos et centuriones læta sæpius quam comperta nuntiare; libertorum « servilia ingenia; amicis inesse adulationem; si concio vocetur, illic « quoque, quæ pauci incipiant, reliquos astrepere. penitus noscendas « mentes, quum secreti et incustoditi inter militares cibos spem aut metum « proferrent ».

XIII. Nocte cœpta egressus augurali ¹ per occulta et vigilibus ignara, comite uno, contactus humeros ferina pelle, adit castrorum vias, assistit tabernaculis fruiturque fama sui, quum hic *nobilitatem ducis, decorem* alius, plurimi *patientiam, comitatem, per seria, per jocos eundem animum* laudibus ferrent, *reddendamque gratiam in acie* faterentur; simul *perfidus et ruptores pacis* ² *ultioni et gloriæ* mactandos. Inter quæ unus hostium, Latinæ linguæ sciens, acto ad vallum equo, voce magna *conjuges et agros, et stipendii in dies, donec bellaretur, sestertios centenos* ³, *si quis transfugisset*, Arminii nomine pollicetur. incendit ea contumelia legionum iras: *veniret dies, daretur pugna; sumpturum militem Germanorum agros; tracturum conjuges; accipere omen, et matrimonia ac pecunias hostium prædæ destinare.* Tertia ferme vi-

XI. 1. Ablativus, non dativus: silvis cinctam.— 2. Sc. in eum.

XII. 1. V. Germ. c. 5 et 9. Putant esse hodiernum *Suntelgebirge* prope Hamelam, .n. cujus cacumine aræ vetustissimæ reliquæ exstant.

XIII. 1. Sive auguraculo, quod cum prætorio junctum erat. Conspectus autem fuisse, si per præterium exisset. — 2. Pugnae Varianae tempore. — 3. Propemodum 20 fr. —

gilia ³ assultatum est castris sine conjectu teli, postquam erebras pro munimentis cohortes et nihil remissum sentire.

XIV. Nox eadem lætam Germanico quietem ¹ tulit; viditque se operatum ², et sanguine sacro respersa prætexta, pulchriorem aliam manibus aviæ Augustæ accepisse. Auctus omniæ, addicentibus auspiciis, vocat concionem, et quæ sapientiâ prævisa aptaque imminenti pugnae, disserit: « non campos modo militi Romano ad prælium bonos, sed, si ratio adsit, « silvas et saltus. nec enim immensa barbarorum scuta, enormes hastas « inter truncos arborum et enata humo virgulta perinde haberi ³ quam « pila et gladios et hærentia corpori tegmina. densarent ⁴ ictus, ora mu- « cronibus quærent: non lorica Germano, non galeam ⁵, ne scuta « quidem ferro nervove ⁶ firmata, sed viminum textus, sed tenues, fucatas « colore tabulas; primam utcumque aciem hastatam ⁷, ceteris præusta « aut breviora tela. jam corpus, ut visu torvum et ad brevem impetum va- « lidum, sic nullâ vulnerum patientiâ: sine pudore flagitii, sine cura « ducum abire, fugere; pavidos adversis ⁸, inter secunda non divini, non « humani juris memores. si tædio viarum ac maris finem cupiant, hac acie « parari: propiorem jam Albi quam Rhenum, neque bellum ultra, modo se « patris patrique ⁹ vestigia prementem iisdem in terris victorem sisterent ».

XV. Orationem ducis secutus militum ardor, signumque pugnae datum. Nec Arminius aut ceteri Germanorum proceres omittebant suos quisque testari ¹: « hos esse Romanos Varii exercitus fugacissimos, qui ne bel- « lum tolerarent, seditionem induerint ²; quorum pars onusta vulneribus « tergum, pars fluctibus et procellis fractos artus infensis rursus hosti- « bus, adversis diis objiciant, nulla boni spe. classem quippe et avia « Oceani quæsitâ, ne quis venientibus occurreret, ne pulsos premeret ³: « sed, ubi miscuerint manus, inane victis ventorum remorumque subsi- « dium. meminissent modo avaritiæ, crudelitatis, superbiam: aliud sibi « reliquum, quam tenere libertatem aut mori ante servitium? »

XVI. Sic accensos et prælium poscentes in campum, cui *Idistaviso* nomen, deducunt. is medius inter Visurgim et colles; ut ripæ ¹ fluminis cedunt aut prominentia montium resistunt, inæqualiter sinuatur. pone tergum insurgebat silva editis in altum ramis et pura humo inter arborum truncos ² campum et prima silvarum barbara acies tenuit: soli Cherusci juga insedere, ut præliantibus Romanis desuper incurrerent. Noster exercitus sic incessit: auxiliares Galli Germanique in fronte, post quos pedites sagittarii; dein quattuor legiones et cum duabus prætoris cohortibus ac delecto equite Cæsar; exin totidem aliæ legiones et levis armatura cum equite sagittario, ceteræque sociorum cohortes. intentus paratusque miles, ut ordo agminis in aciem assisteret ³.

4. Nox in quattuor vigilas dividebatur, quarum quæque trium horarum.

XIV. 1. Somnium. — 2. Sc. sacris, sacrificantem. *Operatum* habet usum præsentis. —

3. Tractari. — 4. Antiquior conjugatio pro *densarent*. — 5. V. Germ. c. 6. — 6. Corio.

— 7. Qualicumque hasta instructam. — 8. In adversa fortuna. — 9. Drusi Tiberique.

XV. 1. Obtestari, cohortari. — 2. Acerbe, quasi diceret, se seditione armaverint. —

3. Persequeretur acriter.

XVI. 1. Nominativus. — 2. Proinde silva abietum et pinuum. — 3. Ut ordo agminis, simulatque hostis apparasset aut dux dedisset signum, gradum ita sisteret et inhiberet, ut acies hoc ipso parata esset.

XVII. Visis Cheruscorum catervis quæ per ferociam proruperant, validissimos equitum incurrere latus, Stertinium cum ceteris turmis circumgredi tergaque invadere jubet, ipse in tempore affuturus. interea pulcherrimum augurium, octo aquilæ petere silvas et intrare visæ imperatorem advertère. exclamat, *irent, sequerentur Romanas aves, propria legionum numina*. simul pedestris acies infertur et præmissus eques postremos ac latera impulit: mirumque dictu, duo hostium agmina diversa fuga, qui silvam tenuerant, in aperta; qui campis astiterant, in silvam ruebant. medii inter hos Cherusci collibus detrudebantur: inter quos insignis Arminius manu, voce, vulnere ¹ sustentabat pugnam; incuberatque sagittariis, illâ rupturus, ni Rætorum Vindelicorumque et Gallicæ cohortes signa objecissent. nisu tamen corporis et impetu equi pervasit, oblitus faciem suo cruore, ne nosceretur. quidam *agnitum a Chaucis inter auxilia Romana agentibus emissumque* ² tradiderunt. virtus seu fraus eadem Inguiomero effugium dedit: ceteri passim trucidati. et plerosque tranare Visurgim conantes injecta tela aut vis fluminis, postremo moles ruentium et incidentes ripæ ³ operuere. quidam turpi fuga in summa arborum nisi ⁴ ramisque se occultantes admotis sagittariis per ludibrium figebantur; alios prorutæ ⁵ arbores afflixere.

XVIII. Magna ea victoria, neque cruenta nobis fuit. quinta ab hora diei ¹ ad noctem cæsi hostes decem millia passuum cadaveribus atque armis opplevæ, repertis inter spolia eorum catenis, quas in Romanos ut non dubio eventu portaverant. miles in loco prælii Tiberium *imperatorem* salutavit ² struxitque aggerem et in modum tropæorum arma subscriptis victarum gentium nominibus imposuit.

XIX. Haud perinde Germanos vulnera, luctus, excidia, quam ea species dolore et ira affecit. qui modo abire sedibus, trans Albim concedere parabant, pugnam volunt, arma rapiunt ¹; plebes, primores, juvenus, senes agmen Romanum repente incursant, turbant. postremo deligunt locum flumine et silvis clausum, arcta intus planitie et humida: silvas quoque profunda palus ambibat, nisi quod latus unum Angrivarii lato aggere extulerant, quo a Cheruscis dirimerentur. hic pedes astitit: equitem propinquis lucis texere, ut ingressis silvam legionibus a tergo foret.

XX. Nihil ex his Cæsari incognitum: consilia, locos, prompti ¹, occulta noverat astusque hostium in perniciem ipsis vertebat. Seio Tuberoni legato tradit equitem campumque; peditum aciem ita instruxit, ut pars æquo in silvam aditu incederet, pars objectum aggerem eniteretur; quod arduum, sibi ², cetera legatis permisit. quibus plana evenerunt, facile irrupere: quis impugnandus agger, ut si murum succederent, gravibus superne ictibus conflictabantur. sensit dux imparem cominus pugnam,

XVII. 1. Sc. infligendo, pugnando. — 2. Exitum et datum. — 3. Multitudo magna ruentium in aquam, et incidentes in ipsos riparum glebæ. — 4. Enisi — 5. Succisæ.

XVIII. 1. Numerata ab exorto sole. Romani diem noctemque in duodecim quamque horas divisere, variantes secundum anni tempora. — 2. Cujus auspiciis vicerat Germanicus. Nam Imperatores auspicia sibi servabant; et qui alienis auspiciis vicerant, ne antiquo quidem tempore imperatores salutabantur aut triumphabant.

XIX. 1. Raptim capiunt, corripunt.

XX. 1. Aperta. — 2. Sc. sumpsit; quod deinde, procedente sententia, in permisit

remotisque paullum legionibus, funditores libratoresque³ excutere tela et proturbare hostem jubet. missæ e tormentis hastæ, quantoque conspicui magis propugnatores, tanto pluribus vulneribus dejecti. Primus Cæsar cum prætorii cohortibus, capto vallo, dedit impetum in silvas: collato illic gradu certatum. hostem a tergo palus, Romanos flumen aut montes claudebant: utrisque necessitas in loco, spes in virtute, salus ex victoria.

XXI. Nec minor Germanis animus; sed genere pugnæ et armorum superabantur, quum ingens multitudo arctis locis prælongas hastas non protenderet¹, non colligeret², neque assultibus et velocitate corporum uteretur, coacta stabile ad prolium; contra miles, cui scutum pectori appressum et insidens capulo manus, latos barbarorum artus, nuda ora foderet viamque strage hostium aperiret, imprompto³ jam Arminio ob continua pericula, sive illum recens acceptum vulnus tardaverat. quin in Inguimerum tota volitantem acie fortuna magis quam virtus deserebat. et Germanicus, quo magis agnosceretur, detraxerat tegimen capiti, orabatque, *insisterent cadibus: nil opus captivis, solam interneccionem gentis finem bello fore*. jamque sero diei subducit ex acie legionem faciendis castris: ceteræ ad noctem cruore hostium satiatae sunt: equites ambigue⁴ certavere.

XXII. Laudatis pro concione victoribus, Cæsar congeriem armorum struxit superbo cum titulo: DEBELLATIS INTER RHENUM ALBINQUE NATIONIBUS LXERCITUM TIBERII CÆSARIS EA MONUMENTA MARTI ET JOVI LT AUGUSTO SACRAVISSE. de se nihil addit, metu invidiæ, an ratus, conscientiam facti satis esse¹. Mox bellum in Angrivarios Stertinius mandat², ni deditionem properavissent. atque illi supplices nihil abnuendo veniam omnium acceperere.

XXIII. Sed æstate jam adulta¹ legionum aliae itinere terrestri in hibernacula remisisse; plures Cæsar classi impositas per flumen Amisiam Oceano invexit. ac primo placidum æquor mille navium remis strepere aut velis impelli; mox atro nubium globo effusa grando; simul variis undique procellis incerti fluctus prospectum adimere, regimen impedire. milesque pavidus et casuum maris ignarus, dum turbat nautas vel intempestive juvat, officia prudentium corrumpibat. omne dehinc cælum et mare omne in austrum cessit², qui tumidis³ Germaniæ terris, profundis amnibus, immenso nubium tractu validus et rigore vicini septemtrionis horridior rapuit disjecitque naves in aperta Oceani aut insulas saxis abruptis vel per occulta vada infestas. quibus paullum ægreque vitatis, postquam mutabat⁴ æstus, eodemque, quo ventus, ferebat⁵, non adhærere ancoris, non exhaustire irrumpentes undas poterant: equi, jumenta, sarcinæ, etiam arma præcipitantur, quo levarentur alvei manantes⁶ per latera et fluctu superurgente.

versum. — 3. Qui tormentis hastas aut lapides *librant*, arte libratos emittunt.

XXI. 1. Protentas gerere posset. — 2. Reduceret. — 3. Minus audente. — 4. Ambiguo animo, vel ambigua fide: nam plerique equitum erant ex Gallis et Germanis.

XXII. 1. Plinius: *Honeste factis veritas sufficit*. — 2. Supple: et fecisset hoc bellum Stertinius, nisi, etc.

XXIII. 1. De secundo mense æstatis, ut Græcum τοῦ θεροῦ ἀρχαζοντος. — 2. Quum ante variæ procellæ fluctus *incertos* huc illuc impulissent, nunc et aer et mare in *austrum* vertitur et eo vento solo impellitur. — 3. Montosis. In Agric., c. 10. *montes, causa et materia tempestatum*. — 4. Intransitive. — 5. Tendebat. — 6. Fluentes, abundantes aqua intus recepta.

XXIV. Quanto violentior cetero mari Oceanus et truculentiâ cæli præstat Germania, tantum illa clades novitate et magnitudine excessit, hostilibus circum littoribus ¹ aut ita vasto et profundo, ut credatur novissimum ² ac sine terris, mari. pars navium haustæ sunt, plures apud insulas longius sitas ejectæ; milesque, nullo illic hominum cultu, fame absumptus, nisi quos corpora equorum eodem elisa toleraverant ³. sola Germanici triremis Chaucorum terram appulit, quem per omnes illos dies noctesque apud scopulos et prominentes oras, quum *se tanti exitii reum* clamitaret, vix cohibuere amici quominus eodem mari oppeteret ⁴. Tandem relabente æstu et secundante vento, claudæ ⁵ naves raro remigio aut intentis vestibus ⁶ et quædam a validioribus tractæ revertere: quas raptim refectas misit, ut scrutarentur insulas. collecti ea cura plerique. multos Angriarii nuper in fidem accepti redemptos ab interioribus reddidere; quidam in Britanniam rapti et remissi a regulis. ut quis ex longinquo revererat, *miracula* narrabant, *vim turbinum et inauditas volucres, monstra maris, ambiguas hominum et belluarum formas*, visa sive ex metu credita.

XXV. Sed fama classis amissæ ut Germanos ad spem belli, ita Cæsarem ad coercendum erexit. C. Silio cum triginta peditum, tribus equitum millibus ire in Chattos imperat; ipse majoribus copiis Marsos irrumpit, quorum dux Mallovendus nuper in deditionem acceptus *propinquo luco defossam Variance legionis aquilam* ¹ modico præsidio servari indicat. missa extemplo manus, quæ hostem a fronte eliceret, alii, qui terga circumgressi recluderent humum: et utrisque affuit fortuna. eo promptior Cæsar pergit introrsus, populatur, excindit non ausum congredi hostem aut, sicubi restiterat, statim pulsum, nec unquam magis, ut ex captivis cognitum est, paventem. quippe *invictos et nullis casibus superabiles Romanos* prædicabant, *qui perditâ classe, amissis armis, post constrata equorum virorumque corporibus littora eadem virtute, pari ferocia et veluti aucti numero irrupissent*.

XXVI. Reductus inde in hiberna miles, lætus animi, quod adversa maris expeditione prosperâ pensavisset. addidit munificentiam Cæsar, quantum quis damni professus erat, exsolvendo. nec dubium habebatur labare hostes petendæque pacis consilia sumere, et si proxima æstas adjiceretur, posse bellum patrari ¹: sed crebris epistolis Tiberius monebat, « rediret » ad decretum triumphum; satis jam eventuum, satis casuum; prospera « illi et magna prælia: eorum quoque meminisset, quæ venti et fluctus, » « nulla ducis culpa, gravia tamen et sæva damna intulissent. se novies a » divo Augusto in Germaniam missum plura consilio quam vi perfecisse. « sic Sugambros in deditionem acceptos ²; sic Suevos regemque ³ Maro- » boduum pace obstrictum. posse et Cheruscos ceterasque rebellium » gentes, quando Romanæ ultioni consultum esset, internis discordiis » relinqui ». Precante Germanico annum efficiendis cœptis, acrius mode-

XXIV. 1. Quum circumjacentia littora essent hostilia aut vastum... mare. — 2. Extremum, ultra quod terra non esset. — 3. Ægre sustentaverant. — 4. Sc. mortem. — 5. Remis ab altero latere amissis vel fractis. — 6. Velorum loco.

XXV. 1. Quæ est altera: de prima vide I, 60; tertia recuperata a. U. 794, sub Claudio.

XXVI. 1. Perpetrari, confici. — 2. Anno U. 740, a Tiberio et Druso. — 3. Sc. Mar-

stiam ejus aggreditur alterum consulatum offerendo, cujus munia praesens obiret. simul annectebat, « si foret adhuc bellandum, relinqueret materiem Drusi fratris gloriae, qui, nullo tum alio hoste, non nisi apud Germanias assequi nomen imperatorium et deportare lauream ⁴ posset ». haud cunctatus est ultra Germanicus, quamquam fingi ea seque per invidiam parto jam decori abstrahi intelligeret.

XXVII. Sub idem tempus e familia Scriboniorum Libo Drusus defertor moliri res novas. ejus negotii initium, ordinem, finem curatius disseram, quia tum primum reperta sunt quae per tot annos rempublicam exedere. Firmius Catus senator, ex intima Libonis amicitia, juvenem improvidum et facilem inanibus ¹ ad Chaldaeorum ² promissa, magorum sacra, somniorum etiam interpretes impulit, dum *proavum Pompeium, amitam Scriboniam, quae quondam Augusti conjux fuerat, consobrinos Caesares, plenam imaginibus* ³ domum ostentat, hortaturque ad luxum et aë alienum, socius libidinum et necessitatum ⁴, quo pluribus indicis illigaret.

XXVIII. Ut satis testium ¹ et, qui servi eadem noscerent, reperit, adiutum ad Principem postulat, demonstrato crimine et reo per Flaccum Vescularium equitem Romanum ², cui propior cum Tiberio usus erat. Caesar indicium haud aspernatus, congressus abnuitt: *posse enim eodem Flacco internuntio sermones commicare*. atque interim Libonem ornat praetura, convictibus adhibet, non vultu alienatus, non verbis commotior (adeo iram condiderat): cunctaque ejus dicta factaque quum prohibere posset, scire malebat, donec Junius quidam, tentatus ut infernas umbras carminibus eliceret, ad Fulcinium Trionem indicium detulit. celebre inter accusatores Trionis ingenium erat avidumque famae malae. statim corripit reum, adit consules, cognitionem senatus poscit. et vocantur Patres, addito *consultandum super re magna et atroci*.

XXIX. Libo interim veste mutata ¹ cum primoribus feminis circumire domos, orare affines, vocem adversum pericula poscere, abnuentibus cunctis, quum diversa praetenderent, eadem formidine. die senatus metu et agritudine fessus sive, ut tradidere quidam, simulato morbo, lectica delatus ad fores curiae innisusque fratri et manus ac supplices voces ad Tiberium tendens, immoto ejus vultu excipitur. mox libellos et auctores recitat Caesar, ita moderans, ne lenire neve asperare crimina videretur.

XXX. Accesserant praeter Trionem et Catum accusatores Fonteius Agrippa et C. Vibius, certabantque cui jus perorandi in reum daretur, donec Vibius, quia nec ipsi inter se concederent et Libo sine patrono introisset, singillatim se crimina objecturum professus protulit libellos, recordes adeo, ut consultaverit Libo ¹, *an habiturus foret opes quis*

comannorum. Res est anni 769. — 4. Sc. in Capitolium, ubi in Jovis gremio lauream deponebant triumphantes.

XXVII. 1. Facilem ad inania, in cujus animum accessum facilem habebant res inanes. — 2. Sic dicebantur *astrologi, genethliaci*, nam vanitas illa ab Chaldaeis ducta. — 3. Sc. majorum nobilium. — 4. Necessitudinum, *liaisons*. Nisi potius est, aëris alieni una contracti nexus.

XXVIII. 1. Sc. erat. Perge: et ut servos reperit, qui, etc. — 2. De quo v. VI, 10.

XXIX. 1. More reorum, qui hinc *sordidati, atrati* dicuntur.

XXX. 1. Ut in iis diceretur libo consultavisse, *an* etc.

viam Appiam Brundisium usque pecunia operiret. inerant et alia hujusmodi, stolidi, vana; si mollius acciperes, miseranda. uni tamen libello manu Libonis nominibus Cæsarum aut senatorum additas atroces vel occultas notas accusator arguebat. negante reo, agnoscentes servos per tormenta interrogare placuit. et quia vetere senatusconsulto quæstio in caput domini prohibebatur, callidus et novi juris repertor Tiberius mancipari² singulos actori publico³ jubet, scilicet ut in Libonem ex servis salvo senatusconsulto quæreretur. ob quæ posterum diem reus petivit, domumque digressus extremas preces P. Quirinio, propinquo suo, ad Principem mandavit.

XXXI. Responsum est, *ut senatum rogaret.* cingebatur interim milite domus, strepebant etiam in vestibulo, ut audiri, ut aspici possent, quum Libo ipsis, quas in novissimam voluptatem adhibuerat, epulis excruciatum vocare percussorem, prensare servorum dextras, inserere gladium. atque illis, dum trepidant, dum refugiunt, evertentibus appositum mensa¹ lumen, feralibus jam sibi tenebris duos ictus in viscera direxit. ad gemitum collabentis accurrere liberti; et cæde visa miles abstinit. Accusatio famen apud Patres asseveratione eadem peracta, juravitque Tiberius, *petiturum se*² *vitam quamvis nocenti, nisi voluntariam mortem pro-*
peravisset.

XXXII. Bona inter accusatores dividuntur, et præturæ extra ordinem datæ¹ his qui senatorii ordinis erant. Tunc Cotta Messalinus², *ne imago Libonis exsequias posterorum comitaretur*³, censuit; Cn. Lentulus⁴, *ne quis Scribonius cognomentum Drusi assumeret; supplicationum dies* Pomponii Flacci sententia constituti: *ut dona Jovi, Marti, Concordiæ*⁵, *utque Iduum Septembrium dies, quo se Libo interfecerat, dies festus haberetur*, L. P....⁶ et Gallus Asinius et Papius Mutilus et L. Apronius decrevere: quorum auctoritates adulationesque retuli, ut sciretur vetus id in republica malum. Facta et de mathematicis⁷ magisque Italia pellendis senatusconsulta: quorum e numero L. Pitunianus saxo⁸ dejectus est, in P. Marcium consules extra portam Exquilinam, quum classicum canere jussissent⁹, more prisco¹⁰ advertère.

XXXIII. Proximo senatus die multa in luxum civitatis dicta a Q. Haterio consulari, Octavio Frontone prætura functo; decretumque, *ne vasa auro solida ministrandis cibis fierent, ne vestis serica viros fœdaret.* excessit¹ Fronto ac postulavit modum argento, supellectili, familiæ²:

— 2. Vendi. Qui modus inveniendæ veritatis per quæstionem more majorum prohibitam jam ab Augusto a. U. 746 institutus narratur, sed videtur per imperium pacatum illius Principis in oblivionem abiisse. — 5. *Intendant du fsc.*

XXXI. 1. Pro in mensa, ut simplex positum construitur. — 2. Sc. fuisse.

XXXII. 1. Unus modo prætor obierat: si numerum legitimum 12 prætorum Tiberius non auxit (quod se non facturum juraverat l. 44), reliquæ præturæ in proximum annum destinatæ erant. — 2. Filius celebris oratoris M. Valerii Messalæ Corvini. — 3. Notum est anteferri solitas imagines majorum in exsequiis. — 4. De quo IV, 44. — 5. Sc. fierent, dedicarentur. — 6. Nomen incertum. Nihil nisi P. in manuscripto. — 7. Iisdem qui supra c. 27 Chaldaei nominati. — 8. Tarpeio. — 9. Cive rei capitalis damnato, classicum in celeberrimis Urbis locis canebatur; postremo ante Januam damnati. — 10. Qui talis erat: nudi hominis cervix inserebatur furcæ, corpus virgis ad necem cædebatur, deinde securi percutiebatur.

XXXIII. 1. Sc. relationem: in dicenda sententia rei, de qua agebatur, rem alienam

erat quippe adhuc frequens senatoribus, si quid e republica³ crederent, loco sententiæ promere. Contra Gallus Asinius disseruit: « auctu imperii
 * adolevisse etiam privatas opes; idque non novum, sed e vetustissimis
 « moribus. aliam apud Fabricios, aliam apud Scipiones pecuniam; et cuncta
 « ad rempublicam referri⁴: qua tenui⁵, angustas civium domos; post-
 « quam eo magnificentiae venerit, gliscere⁶ singulos. neque in familia et
 « argento, quæque ad usum parentur, nimium aliquid aut modicum nisi ex
 « fortuna possidentis. distinctos senatus et Equitum census, non qui di-
 « versi natura, sed ut locis, ordinibus, dignationibus, antissent et aliis quæ⁷
 « ad requiem animi aut salubritatem corporum parentur: nisi forte claris-
 « simo cuique plures curas, majora pericula subeunda, delenimentis cu-
 « rarum et periculorum carendum esse ». Facilem assensum Gallo, sub
 nominibus honestis, confessio vitiorum⁸ et similitudo audientium dedit.
 adjecerat et Tiberius, *non id tempus censuræ, nec, si quid in moribus*
labaret, defuturum corrigendi auctorem.

XXXIV. Inter quæ L. Piso *ambitum fori*¹, *corrupta judicia, sævi-*
tiam oratorum accusationes minitantium increpans, *abire se et cedere*
Urbe, victurum in aliquo abdito et longinquo rure, testabatur; simul
 curiam relinquebat. commotus est Tiberius, et quamquam mitibus verbis
 Pisonem permulisset, propinquos quoque ejus impulit, ut abeuntem
 auctoritate vel precibus tenerent. Haud minus liberi doloris documentum
 idem Piso mox dedit vocata in jus Urgulania, quam supra leges amicitia
 Augustæ extulerat. nec aut Urgulania obtemperavit, in domum Cæsaris
 spreto Pisone vecta, aut ille abscessit, quamquam Augusta *se violari et*
imminui quereretur². Tiberius hactenus indulgere matri civile ratus, ut
se iturum ad prætoris tribunal, affuturum Urgulaniæ diceret, processit
 palatio, procul sequi jussis militibus. spectabatur occursante populo
 compositus ore et sermonibus variis tempus atque iter ducens, donec,
 propinquis Pisonem frustra coercentibus, deferri Augusta pecuniam, quæ
 petebatur, juberet. isque finis rei; ex qua neque Piso inglorius et Caesar
 majore fama fuit. Ceterum Urgulaniæ potentia adeo nimia civitati³ erat,
 ut testis in causa quadam, quæ apud senatum tractabatur, venire dedi-
 gnaretur. missus est prætor, qui domi interrogaret, quum virginēs Ve-
 stales in foro et judicio⁴ audiri, quoties testimonium dicerent, vetus mos
 fuerit.

XXXV. Res eo anno prolatas¹ haud referrem, ni pretium foret Cn.

addidit; quod cuique senatori licebat. — 2. Servis possidendis. — 3. Reipublicæ utile. —
 4. Pendere a conditione et statu reipublicæ. — 5. Quamdiu ea tenuis fuerit. — 6. Paul-
 latim crescere. — 7. Locum impeditum ita explicandum puto: *distinctos* esse a censu
 plebis *census senatorum et Equitum*, non quia hi *natura diversi* sint a plebe, *sed ut*
(affluere), *locis, ordinibus, dignationibus* antistantes plebi, *antissent etiam aliis re-*
bus quæ etc. Verbum nunquam sine gravi ratione casibus qui eo reguntur anteponitur.
 — 8. Sc. publicorum.

XXXIV. 1. Studium in corrumpendis judiciis. — 2. Res ita facta: Piso Urgulaniam,
 quæ pecuniam ei debebat, in loco publico sibi obviam adit, Veni, inquit, mecum
in jus (ante tribunal prætoris). Illa neque obtemperat, neque cautionem de judicio
 sistit, quod ex lege fieri debebat; sed *spreto Pisone*, i. e. vocatione ejus neglecta, illa
 vehitur in palatium. Eo quoque Piso eam secutus est, ut rite antestatus eam traheret
 ad tribunal. — 3. Excedens civilem modum. — 4. Tribunali prætoris.

XXXV. 1. Dilatas, prorogatas in senatu. *Pretium*, operæ pretium, res magni mo-
 menti.

Pisonis et Asinii Galli super eo negotio diversas sententias noscere. Piso, quamquam a futurum se dixerat Cæsar, ob id magis agendas censebat, et absente Principe senatum et Equites posse sua munia sustinere, decorum reipublicæ fore. Gallus, quia speciem libertatis Piso præceperat, nihil satis illustre aut ex dignitate populi Romani nisi coram et sub oculis Cæsaris, eoque conventum Italicæ et affluentes provincias præsentis ejus servanda dicebat. audiente hæc Tiberio ac silente magnis utrinque contentionibus acta : sed res dilatae.

XXXVI. Et certamen Gallo adversus Cæsarem exortum est. nam censuit in quinquennium magistratum comitia habenda¹ utque legionum legati, qui ante præturam ea militia fungebantur, jam tum prætores destinarentur², Princeps duodecim candidatos in annos singulos nominaret³. haud dubium erat eam sententiam altius penetrare, et arcana imperii tentari⁴. Tiberius tamen, quasi augeretur potestas ejus, disseruit : « grave moderationi suæ tot eligere, tot differre. vix per singulos annos « offensiones vitari, quamvis repulsam propinqua spes soletur : quantum « odii fore ab his qui ultra quinquennium projiciantur ! unde prospici « posse quæ cuique tam longo temporis spatio mens, domus, fortuna⁵ ? « superbire homines etiam annua designatione : quid, si honorem per « quinquennium agitent⁶ ? quinquuplicari prorsus magistratus, subverti « leges, quæ sua spatia exercendæ candidatorum industriæ quaerendisque « aut potiundis honoribus statuerint ».

XXXVII. Favorabili in speciem oratione vim imperii tenuit ; censusque quorundam senatorum juxta¹ : quo magis mirum fuit quod preces M. Hortali, nobilis juvenis, in paupertate manifesta. superbius accepisset. nepos erat oratoris Hortensii, illectus a divo Augusto liberalitate decies sestertii², ducere uxorem, suscipere liberos, ne clarissima familia extingueretur. igitur quattuor filiis ante limen curiæ astantibus, loco sententiæ³, quum in palatio senatus haberetur, modo Hortensii inter oratores sitam imaginem, modo Augusti intrens ad hunc modum cœpit : « Patres « conscripti, hos, quorum numerum et pueritiam videtis, non sponte « sustuli, sed quia Princeps monebat ; simul majores mei meruerant ut « posteros haberent. nam ego, qui non pecuniam, non studia populi « neque eloquentiam, gentile domus nostræ bonum, varietate temporum « accipere vel parare potuissem, satis habebam si tenues res meæ nec « mihi pudori nec cuiquam oneri forent. jussus ab Imperatore uxorem

XXXVI. 1. Ut magistratus instantibus comitiis in quinque annos crearentur. — 2. Legati legionum, gesta prætura, appellabantur *legati consulares* ; nondum gesta, *legati prætoris* : finito munere legationis in Urbem reduces, erant candidati consulatus aut præturæ. Ita quum in quinque annos dilata ea spes legatorum esset, Gallus eos jam nunc *prætores destinandos* esse censet. — 3. Proinde candidatos sexaginta, ac præterea prætorios legatos legionum 25. At Tiberius *jurejurando obstrinxerat se non excessurum numerum candidatorum duodecim præturæ* (I, 14). — 4. Ad senatum deferendo prærogativam Imperatoris, magistratibus in quinque annos designandis inefficacem futuram. Dissimulate respondet Tiberius. — 5. *Fortuna*, ob censum. *Domus*, ab cognatos et affines qui suspectum aliquem reddere possent. — 6. Proprie per unum quique annum agebant, sed designati in certum magistratum jam eo ipso in auctoritate quadam erant et superbiam assumebant.

XXXVII. 1. Explevit, ut sufficerent. — 2. *Decies centena milia sestertiorum*, ferme 200,000 fr. — 3. Quum sententiæ dicendæ ordo ad eum devenisset, ejus loco hæc dixit.

« duxi en stirps et progenies tot consulum, tot dictatorum! nec ad
 « invidiam lista, sed conciliandæ misericordiæ⁴ refero. assequentur flo-
 « rente te, Cæsar, quos dederis, honores: interim Q. Hortensii prone-
 « potes, divi Augusti alumnos ab inopia defende ».

XXXVIII. Inclinatione senatus incitamentum Tiberio fuit, quo promptius
 adversaretur, his ferme verbis usus: « Si quantum pauperum est venire
 « huc et liberis suis petere pecunias cœperint, singuli nunquam exsati-
 « buntur, respublica deficiet. nec sane ideo a majoribus concessum est
 « egredi aliquando relationem¹ et, quod in commune conducit, loco sen-
 « tentiæ proferre, ut privata negotia, res familiares nostras hic augea-
 « mus cum invidia senatus et Principum, sive indulserint largitionem
 « sive abnuerint. non enim preces sunt istuc, sed efflagitatio; intempestiva
 « quidem et improvisa, quum aliis de rebus convenerint Patres, consur-
 « gere et numero atque ætate liberum suorum urgere modestiam² senatus,
 « eandem vim in me transjicere, ac velut perfringere ærarium; quod si
 « ambitione exhauserimus, per scelera supplendum erit. dedit tibi, Hor-
 « tale, divus Augustus pecuniam, sed non compellatus, nec ea lege, ut
 « semper daretur. languescet alioqui industria, intendetur socordia, si
 « nullus ex se metus aut spes; et securi omnes aliena subsidia expecta-
 « bunt, sibi ignavi, nobis graves ». Hæc atque talia quamquam cum as-
 sensu audita ab his quibus omnia Principum, honesta atque inhonesta,
 laudare mos est, plures per silentium aut occultum murmur exceper-
 sensitque Tiberius, et quum paullum reticuisset, *Hortato se respondisse*
ait; ceterum si Patribus videretur, daturum liberis ejus ducena se-
stertia singulis, qui sexus virilis essent. egere alii grates; siluit Hort-
 alus, pavore, an avitæ nobilitatis etiam inter angustias fortune retinens.
 neque miseratus est posthac Tiberius, quamvis domus Hortensii puden-
 dam ad inopiam delaberetur.

XXXIX. Eodem anno mancipii unius audacia, ni mature subventum
 foret, discordiis armisque civilibus rempublicam perculisset. Postumi
 Agrippæ servus, nomine Clemens, comperto fine Augusti, pergere in
 insulam Planasiam, et fraude aut vi raptum Agrippam ferre ad exercitus
 Germanicos non servili animo concepit. ausa ejus impeditit tarditas one-
 rariæ navis; atque interim patrata cæde¹, ad majora et magis præcipitia
 conversus, furatur cineres, vectusque Cosam Etruriæ promontorium,
 ignotis locis sese abdit, donec crinem barbarique promitteret²: nam
 ætate et forma haud dissimili in dominum³ erat. tum per idoneos et
 secreti ejus socios crebrescit⁴ *vivere Agrippam*, occultis primum sermo-
 nibus, ut vetita solent, mox vago rumore apud imperitissimi cujusque
 promptas aures, aut rursum apud turbidos eoque nova cupientes. atque
 ipse adire municipia obscuro diei, neque propalam aspici, neque diutius
 lisdem locis. sed quia veritas visu et mora, falsa festinatione et incertis
 valescunt, relinquebat famam aut præveniebat⁵.

— 4. Dativus pro ad... misericordiam.

XXXVIII. 1. Aliud præter sententiam de re quæ agitur ad senatum referre. V. ad c.
 33 init. — 2. Vini facere modestiæ.

XXXIX. 1. Agrippæ. Vide I, 6. — 2. Longos aleret. — 3. Ad dominum comparando, ut
 apud Græcos εἰς. — 4. Sc. fama. — 5. Abibat simul ac fama de ipsa spargi cœperat, aut
 aderat alibi ipse ante famam sui.

XL. Vulgabatur interim per Italiam *servatum munere deum Agrippam*; credebatur Romæ, jamque Ostiam invectum multitudo ingens, jam in Urbe clandestini cœtus celebrabant¹, quum Tiberium anceps cura distrahere, vine militum servum suum² coerceret, an inanem credulitatem tempore ipso vanescere sineret. modo nihil spernendum, modo non omnia metuenda ambiguis pudoris ac metus reputabat. postremo dat negotium Sallustio Crispo.³ ille e clientibus duos (quidam milites fuisse tradunt) deligit atque hortatur, simulata conscientia⁴ adeant, offerant pecuniam, fidem atque pericula⁵ polliceantur. exsequuntur ut jussum erat. dein speculati noctem incustoditam, accepta idonea manu vinctum, clauso ore, in palatium traxere. percunctanti Tiberio *quomodo Agrippa factus esset?* respondisse fertur, *Quomodo tu Cæsar?* ut ederet socios, subigi non potuit. nec Tiberius pœnam ejus palam ausus, in secreta palatii parte interfici jussit, corpusque clam auferri. et quamquam multi e domo Principis Equitesque ac senatores sustentasse opibus, juvisse consiliis dicerentur, haud quæsitum.

XLI. Fine anni arcus propter ædem Saturni¹ ob recepta signa cum Varo amissa ductu Germanici, auspiciis Tiberii, et ædes Fortis Fortunæ² Tiberim juxta in hortis quos Cæsar dictator populo Romano legaverat, sacrarium genti Juliæ effigiesque divo Augusto apud Bovillas³ dicantur. C. Cæcilio, L. Pomponio Coss.⁴ Germanicus Cæsar a. d. VII Kal. Junias⁵ triumphavit de Cheruscis Chattisque et Angrivariis, quæque aliæ nationes usque ad Albim colunt: vecta⁶ spolia, captivi, simulacra montium, fluminum, præliorum; bellumque, quia conficere prohibitus erat, pro confecto accipiebatur. augebat intuentium visus⁷ eximia ipsius species currusque quinque liberis onustus. sed suberat occulta formido reputantibus *haud prosperum in Druso, patre ejus, favorem vulgi; avunculum ejusdem Marcellum flagrantibus plebis studiis intra juventam ereptum; breves et infaustos populi Romani amores*⁸.

XLII. Ceterum Tiberius nomine Germanici trecenos plebi sestertios¹ viritum dedit, seque collegam consulatui ejus destinavit. nec ideo sinceræ caritatis fidem assecutus, amoliri juvenem specie honoris statuit, struxitque causas, aut forte oblatas arripuit. Rex Archelaus quinquagesimum annum² Cappadocia potiebatur, invisus Tiberio, quod eum Rhodi agentem nullo officio coluisset.³ nec id Archelaus per superbiam omiserat, sed ab intimis Augusti monitus, quia florente C. Cæsare missoque ad res Orientis⁴ intuta Tiberii amicitia credebatur. ut versa⁵ Cæsarum sobole imperium adeptus est, elicit Archelaum matris litteris, quæ non dissi-

† XL. 1. Ad eum confluebant honoris causa. — 2. Hereditatis jure ab Agrippa acceptum. — 3. De quo I, 6. — 4. Simulantes quasi conscii essent et participes eorum qui verum Augustum expectassent. — 5. Experimenta, specimina (fidei).

XLI. 1. Antiquissimam ædem, in octava regione Urbis et radice clivi Capitolini. — 2. Cujus deæ fanum dedicasse ferebatur Servius Tullius, cultum describit Ovidius Fast. VI, 771 seqq. — 3. Inde Equites mortui Augusti corpus humeris suis in palatium deportarant. — 4. A. U. 770, p. Chr. 17. — 5. Ante diem septimum calendas Junias, i. e. septimo die ante primum mensis Junii, die 26 Maii. — 6. In pompa transvehantur. — 7. Spectationem amplificabat, majore studio spectabatur. — 8. Conf. I, 3.

XLII. 1. Fere 60 fr. — 2. Ceperat regnum ab Antonio, a. U. 718. — 3. Quamquam Tiberius olim eum apud Augustum defenderat. — 4. Conf. supra c. 4. — 5. Eversa,

mulatis filii offensionibus, clementiam offerebat, si ad precandum veniret. ille ignarus doli, vel, si intelligere crederetur, vim metuens, in Urbem properat; exceptusque immitti a Principe⁶ et mox accusatus in senatu, non ob crimina quæ fingeantur, sed angore, simul fessus senio, et quia regibus æqua⁷, nedum infima, insolita sunt, finem vitæ, sponte an fato, implevit. regnum in provinciam redactum est, *fructibusque ejus levari posse centesimæ rectigal*⁸ professus Cæsar ducentessimam in posterum statuit. Per idem tempus Antiocho Commagenorum, Philopatore Cilicum regibus defunctis, turbabantur nationes, plerisque Romanum, aliis regum imperium cupientibus; et provinciæ Syria atque Judæa, fessæ oneribus, deminutionem tributum orabant.

XLIII. Igitur hæc, et de Armenia quæ supra¹ memoravi, apud Patres disseruit; *nec posse motum Orientem nisi Germanici sapientia componi: nam suam ætatem, vergere, Drusi nondum satis adolerisse.* tunc decreto Patrum permissæ Germanico provinciæ quæ mari dividuntur², majusque imperium, quoquo adisset, quam his qui sorte³ aut missu Principis obtinerent. Sed Tiberius demoverat Syria Creticum Silanum per affinitatem connexum Germanico, quia Silani filia Neroni, vetustissimo liberorum ejus, pacta erat; præfeceratque Cn. Pisonem, ingenio violentum et lobsequii ignarum, insita ferocia a patre Pisone, qui civili bello resurgentes in Africa partes acerrimo ministerio adversus Cæsarem juvit, mox Brutum et Cassium secutus, concesso reditu, petitione honorum abstinuit, donec ultro ambiretur delatum ab Augusto consulatum⁴ accipere. sed præter paternos spiritus uxoris quoque Plancinæ⁵ nobilitate et opibus accendebatur. vix Tiberio concedere; liberos ejus ut multum infra⁶ despectare: nec dubium habebat se delectum, qui Syriæ imponebatur ad spes Germanici coercendas. credidere quidam data et a Tiberio occulta mandata: et Plancinam haud dubie Augusta monuit muliebri æmulatione Agrippinam insectandi⁷. divisa namque et discors aula erat tacitis in Drusum aut Germanicum studiis. Tiberius ut proprium et sui sanguinis Drusum fovebat: Germanico alienatio patris amorem apud ceteros auxerat, et quia claritudine materni generis anteibat, avum M. Antonium, avunculum⁸ Augustum ferens. contra Druso proavus eques Romanus Pomponius Atticus dedecere Claudiorum imagines videbatur. et conjux Germanici Agrippina fecunditate ac fama Liviam, uxorem Drusi, præcellebat. sed fratres egregie concordēs et proximorum certaminibus inconcussi.

XLIV. Nec multo post Drusus in Illyricum missus est, ut suesceret militiæ studiaque exercitus pararet; simul juvenem urbano luxu lascivientem melius in castris haberi Tiberius seque tutiorem rebatur utroque filio legiones obtinente. sed Suevi prætendebantur auxilium adversus Cheruscos

sublata. — 6. Dure exceptus a Principe. — 7. Æqua cum ceteris conditio, status civilis. — 8. De quo I, 78.

XLIII. 1. Cap. 3 et 4. — 2. Asia, Ægyptus, Africa. — 3. Proconsules et proprætores a senatu mittendi provincias sortiebantur. — 4. Anni U. 751. — 5. Filia aut neptis, ut videtur, erat Munatii Planci, proconsulis Galliæ, qui Lugdunum condidit. — 6. Sc. se. — 7. Hunc genitivum junge cum *monuit*, quod nonnunquam, ut *admoneo*, cum genitivo struitur. — 8. Erat *avunculus major*, frater aviæ Germanici, Octaviæ, uxoris M. Antonii.

orantes. nam discessu Romanorum ac vacui externo metu, gentis assuetudine et tum ¹ æmulatione gloriæ arma in se verterant. vis nationum, virtus ducum in æquo: sed Maroboduum regis nomen invisum ² apud populares, Arminium pro libertate bellantem favor habebat.

XLV. Igitur non modo Cherusci sociique eorum, vetus Arminii miles, sumpsere bellum; sed e regno etiam Marobodui Suevæ gentes, Semnones ac Langobardi, defecere ad eum. quibus additis præpollebat, ni Inguio-merus cum manu clientium ¹ ad Maroboduum perfugisset, non aliam ob causam quam quia fratris filio juveni patruus senex parere dedignabatur. Diriguntur acies, pari utrimque spe, nec, ut olim apud Germanos, vagis incursibus aut disjectas per catervas: quippe longa adversum nos militia insueverant sequi signa, subsidiis firmari, dicta imperatorum accipere. Ac tunc Arminius equo collustrans cuncta, ut quosque advectus erat, *reciperatam libertatem, trucidatas legiones, spolia adhuc et tela Romanis derepta in manibus multorum ostentabat*; contra *fugacem Maroboduum* appellans, « præliorum expertem, Hercyniæ latebris de-
« fensum, ac mox per dona et legationes petivisse fœdus ², proditorem
« patriæ, satellitem Cæsaris ³, haud minus infensis animis exturbandum
« quam Varum Quinctilium interfecerint. meminissent modo tot prælio-
« rum; quorum eventu et ad postremum ejectis Romanis satis probatum
« penes utros summa belli fuerit. »

XLVI. Neque Maroboduus jactantia sui aut probris in hostem abstinebat, sed Inguio-merum tenens, « illo in corpore decus omne Cheruscorum, illius
« consiliis gesta quæ prospere ceciderint, » testabatur; « recordem Arminium
« et rerum nescium alienam gloriam in se trahere, quoniam tres vacuas ⁴
« legiones et ducem fraudis ignarum perfidia deceperit, magna cum clade
« Germaniæ et ignominia sua, quum conjux, quum filius ejus servitium
« adhuc tolerent. at se, duodecim legionibus petitum duce Tiberio, illi-
« batam Germanorum gloriam servavisse. mox conditionibus æquis dis-
« cessum; neque poenitere quod ipsorum in manu sit ², integrum ad-
« versum Romanos bellum an pacem incruentam malint. » His vocibus instinctos exercitus propriæ quoque causæ stimulabant, quum a Cheruscis Langobardisque pro antiquo decore ³ aut recenti libertate ⁴, et contrà augendæ dominationi certaretur. non alias majore mole ⁵ concursum neque ambiguo magis eventu, fuis utrimque dextris cornibus. sperabaturque rursum pugna, ni Maroboduus castra in colles subduxisset. id signum perculsi fuit; et transfugiis paullatim nudatus, in Marcomannos concessit, misitque legatos ad Tiberium oraturos auxilia. responsum est, *non jure eum adversus Cheruscos arma Romana invocare, qui pugnantes in eundem hostem Romanos nulla ope juvisset*. missus tamen Drusus, ut retulimus, paci firmator.

XLIV. 1. Pro consuetudine Germanæ gentis interna populorum bella agitandi, et illo tempore præsertim æmulatione etc. — 2. Sc. habebat. Deinde nota variationem structuræ.

XLV. 1. Comitatu, de quo v. Germ. c. 13. — 2. Vide c. 26. — 3. Augusti, quem benignum sibi habebat juvenis Romæ commoratus.

XLVI. 1. Otiosas. — 2. Neque exiguum et contemnendum esse quod jam ex ipsorum arbitrio pendeat, utrum integr. etc. — 3. De Cheruscis. — 4. De Langobardis, qui nuper se a Marobodui dominatione vindicaverant. Contra, a Suevis. — 5. Impetu.

XLVII. Eodem anno duodecim celebres Asiæ urbes collapsæ nocturno motu terræ; quo improvisior graviorque pestis fuit. neque solitum in tali casu effugium subveniebat in aperta prorumpendi, quia deductis terris hauriebantur. *sedisse* ¹ *immensos montes, visa in arduo quæ plana fuerint, effulsisse inter ruinam ignes* memorant. Asperrima in Sardia nos lues plurimum in eosdem misericordiæ traxit: nam centies sester-tiûm ² pollicitus Cæsar, et quantum ærario aut fisco pendebant, in quinquennium remisit. Magnetes a Sipylo ³ proximi damno ac remedio habiti. Temnios, Philadelphenos, Ægeatas, Apollonidenses, quique Mosteni aut Macedones Hyrcani vocantur, et Hierocæsaream, Myrinam, Cymen, Tmolium ⁴, levati idem in tempus tributis, mittique ex senatu placuit qui præsentia spectaret refoveretque. delectus est M. Aletus e prætoriiis, ne, consulari obtinente Asiam, æmulatio inter pares et ex eo impedimentum oreretur.

XLVIII. Magnificam in publicum largitionem auxit Cæsar hand minus grata liberalitate, quod bona Æmiliæ Musæ, locupletis intestatæ, petita in fiscum, Æmilio Lepido, cujus e domo videbatur, et Patulei, divitis equitis Romani, hereditatem, quamquam ipse heres in parte legeretur, tradidit M. Servilio, quem prioribus neque suspectis tabulis scriptum compererat, *nobilitatem utriusque pecunia juvandam* præfatus. neque hereditatem cujusquam adiit nisi quum amicitia meruisset: ignotos et alii ¹ infensos eoque Principem nuncupantes procul arcebat. Ceterum ut honestam innocentium paupertatem levavit, ita prodigos et ob flagitia egentes Vibidium Varronem, Marium Nepotem, Appium Appianum, Cornelium Sullam, Q. Vitellium movit senatu aut sponte cedere passus est.

XLIX. Iisdem temporibus deûm ædes vetustate aut igni abolitas cœptasque ab Augusto dedicavit, Libero Liberæque et Cereri juxta Circum maximum, quam A. Postumius dictator voverat ¹, eodemque in loco ædem Floræ ab L. et M. Publiciis ædilibus constitutam ², et Jano templum quod apud forum olitorium ³ C. Duilius struxerat, qui primus rem Romanam prospere mari gessit triumphumque navalem de Pœnis meruit. ⁴ Spei ædes a Germanico sacratur: hanc Atilius ⁵ voverat eodem bello.

L. Adolescebat interea lex majestatis; et Apuleiam Variliam, sororis Augusti neptem, quia probrosis sermonibus divum Augustum ac Tiberium et matrem ejus illusisset, Cæsarique connexa ¹ adulterio teneretur, majestatis delator arcessebat. ² *de adulterio satis caveri lege Julia* ³ visum:

XLVII. 1. A sidere. — 2. Pœne 2,000,000 fr. — 3. Sc. cognominati, ut distinguantur ab alia Magnesia ad Mæandrum. Ejus detrimenta ut proxime accedebant ad detrimenta Sardium, ita etiam dona Principis. — 4. Monumenti a. U. 783 in Tiberii honorem exstructi basis marmorea, Puteolis a. 1693 effossa, eversarum et a Tiberio restitutarum urbium imagines quattuordecim exhibet, præter hic nominatas *Cibyrae et Ephesi*.

XLVIII. 1. Iis quidem ad quos hereditas jure redire debebat.

XLIX. 1. Ante pugnam ad lacum Regillum, qua devicti Tarquini, a. U. 257. Erat templum tripartitum Baccho, Proserpinæ et Cereri. — 2. A. U. 513. — 3. In undecima regione Urbis, hodie *Piazza Montanara*. — 4. A. U. 493. Verba ipsa deprompta ex inscriptione *columnæ rostratæ* (rostris navium ab eo captarum ornatæ), Duillio in foro positæ. — 5. Atilius Calatinus in Punico bello primo, a. U. 493 consul, 803 dictator.

L. 1. Genere propinqua. — 2. *Arcessere* ob significationem construitur hic cum genitivo ut accusandi verba. — 3. Ab Augusto lata a. U. 737.

majestatis crimen distingu Cæsar postulavit, *damnarique*, *si qua de Augusto irreligiose dixisset : in se jacta nolle ad cognitionem vocari*. interrogatus a consule, *quid de his censeret quæ de matre ejus locuta secus argueretur*, reticuit : dein proximo senatus die illius quoque nomine oravit, *ne cui verba in eam quoquo modo habita crimini forent*. liberavitque Apuleiam lege majestatis : adulterii graviolem pœnam deprecatus, *ut exemplo majorum propinquis suis* ⁴ *ultra ducentesimum lapidem removeretur*, suasit. adultero Manlio Italia atque Africa interdictum est.

LI. De prætore in locum Vipsanii Galli, quem mors abstulerat, subrogando certamen incessit. Germanicus atque Drusus (nam etiam tum Romæ erant) Haterium Agrippam, propinquum Germanici ¹, fovebant : contra plerique nitebantur ut numerus liberorum in candidatis præpolleret, quod lex ² jubebat. lætabatur Tiberius, quum inter filios ejus et leges senatus disceptaret. victa est sine dubio lex, sed neque statim et paucis suffragiis, quomodo etiam quum valerent leges vincebantur.

LII. Eodem anno cœptum in Africa bellum duce hostium Tacfarinate. is natione Numida, in castris Romanis auxiliaria stipendia meritis, mox desertor, vagos primum et latrociniiis suetos ad prædam et raptus congregare, dein more militiæ per vexilla et turmas componere, postremo non inconditæ turbæ, sed Musulamorum dux haberi. valida ea gens et solitudinibus Africæ propinqua, nullo etiam tum urbium cultu, cepit arma, Maurosque accolas in bellum traxit. dux et his Mazippa. divisusque exercitus, ut Tacfarinas lectos viros et Romanum in modum armatos castris attineret ¹, disciplina et imperiis suesceret ², Mazippa levi cum copia incendia et cædes et terrorem circumferret. compulerantque Ciniethios, haud spernendam nationem, in eadem, quum Furius Camillus, pro consule Africæ, legionem et quod sub signis sociorum, in uauum conductos ad hostem duxit, modicam manum, si multitudinem Numidarum atque Maurorum spectares : sed nihil æque cavebatur quam ne bellum metu eluderent. spe victoriæ inducti sunt ut vincerentur. igitur legio medio, leves cohortes duæque alæ in cornibus locantur. nec Tacfarinas pugnam detrectavit. fusi Numidæ, multosque post annos Furio nomini partum decus militiæ. nam post illum recipiatorem Urbis filiumque ejus Camillum penes alias familias imperatoria laus fuerat ³ atque hic, quem memoramus, bellorum expers habebatur. eo pronior Tiberius res gestas apud senatum celebravit : et decrevere Patres triumphalia insignia ⁴. quod Camillo ob modestiam vitæ impune fuit.

LIII. Sequens annus ¹ Tiberium tertio, Germanicum iterum consules habuit. sed eum honorem Germanicus iniit apud urbem Achaïæ Nicopolim, quo venerat per Illyricam oram, viso fratre Druso in Dalmatia agente,

— 4. A propinquis : nam apud majores maritus et propinqui de pœna adulteræ consultabant, post legem Juliam adulterium pro publico crimine habebatur.

LI. 1. Ab uxore Agrippina. — 2. Lex Papia Poppæa Augusti, quæ candidatos qui patres essent secundum numerum liberorum præferebat.

LII. 1. Contineret. — 2. Ad consuetudinem et usum militarem adduceret. — 3. Quamquam de Gallis triumpharunt P. Furius Philus et L. Furius Purpureo, a. U. 830 et 853. — 4. V. ad I, 72.

LIII. 1. A. U. 771, p. C. 18. — 2. Templum ab Augusto ibi Neptuno et Marti consecratum

Hadriatici ac mox Ionii maris adversam navigationem perpessus. igitur paucos dies insumpsit reficiendæ classi : simul sinus Actiaca victoria inclitos et sacratas ab Augusto manubias ² castraque Antonii cum recordatione majorum suorum adiit. namque ei, ut memoravi ³, avunculus Augustus, avus Antonius erant, magnaue illic imago tristium lætorumque. Hinc ventum Athenas fœderique sociæ et vetustæ urbis datum ut uno lictore uteretur ⁴. excepere Græci quæsitissimis honoribus vetera suorum facta dictaque præferentes ⁵, quo plus dignationis adulatio haberet.

LIV. Petita inde Eubœa tramisit Lesbum, ubi Agrippina novissimo partu Juliam edidit. tum extrema Asiæ Perinthumque ac Byzantium, Thracias urbes, mox Propontidis angustias et os Ponticum intrat, cupidine veteres locos et fama celebratos noscendi; pariterque provincias internis certaminibus aut magistratuum injuriis fessas refovebat. atque illum in regressu sacra Samothracum visere nitentem obvii aquilones depulere. Igitur adito Illo quæque ibi ¹ varietate fortunæ et nostri origine veneranda, relegit Asiam ², appellitque Colophona, ut Clarii Apollinis oraculo uteretur. non femina illic, ut apud Delphos, sed certis e familiis et ferme Mileto accitus sacerdos numerum modo consultantium et nomina audit; tum in specum degressus, hausta fontis arcani aqua, ignarus plerumque litterarum et carminum, edit responsa versibus compositis super rebus quas quis mente concepit. et ferebatur Germanico per ambages ³, ut mos oraculis, *maturum exitium* cecinisse.

LV. At Cn. Piso, quo properantius destinata inciperet, civitatem Atheniensium, turbido incessu exterritam, oratione sæva increpat, oblique Germanicum perstringens, *quod contra decus Romani nominis non Athenienses, tot cladibus extinctos, sed colluviem illam nationum* ¹ *comitate nimia coluisset: hos enim esse Mithridatis adversus Sullam, Antonii adversus divum Augustum socios.* Etiam vetera objectabat, quæ in Macedones improspere ², violenter in suos ³ fecissent, offensus urbi propria quoque ira, quia Theophilum quemdam Areo ⁴ iudicio falsi damnatum precibus suis non concederent. ⁵ Exin navigatione celeri per Cycladas et compendia maris assequitur Germanicum apud insulam Rhodum, haud nescium quibus insectationibus petitus foret: sed tanta mansuetudine agebat, ut, quum orta tempestas raperet ⁶ in abrupta possetque interitus inimici ad casum referri, miserit triremes, quarum subsidio discrimini eximeretur. Neque tamen mitigatus Piso, et vix diei moram perpessus, linquit Germanicum prævenitque. et postquam Syriam ac legiones attigit, largitione, ambitu, infimos manipularium juvando, quum

ex manubils Actiæ pugnæ.—3. Cap. 43. — 4. Extenuans majestatis insignia.—5. Ostentantes, qui mos Græcorum.

LIV. 1. Et aditis (visisque) iis quæ ibi etc. Per Æneam Romani originem suam a Trojanis petebant. — 2. Oram Asiæ legere pergit, i. e. prætervehi Asiam minorem. — 3. Enigmatische.

LV. Nam nimis faciles erant Athenienses in jure civitatis alienigenis tribuendo atque adeo vendendo; quare hanc potestatem Augustus iis ademit. — 2. Quippe a Philippo victi. — 3. Ut Themistoclem. Periclem, Socratem, Phocionem. — 4. Ἀρείω (latine Martio), edito in Areopago (lat. Martio colle), summo et sanctissimo tribunali Atheniensium. — 5. Precibus (dativus) concedere. sive permittere, est ita agere vel tractare aliquem ut preces indicant; quod hic redit: pœnam remittere precum gratia. — 6. Sc.

veteres centuriones, severos tribunos demoveret locaque eorum clientibus suis vel deterrimo cuique attribueret, desidiam in castris, licentiam in urbibus, vagum ac lascivientem per agros militem sineret, eo usque corruptionis⁷ proventus est, ut sermone vulgi *parens legionum* haberetur. Nec Plancina se intra decora feminis tenebat, sed exercitio equitum, decursibus⁸ cohortium interesse, in Agrippinam, in Germanicum contumelias jacere, quibusdam etiam bonorum militum ad mala obsequia promptis, quod *haud invito Imperatore ea fieri* occultus rumor incedebat.

LVI. Nota hæc Germanico; sed præverti ad Armenios instantior cura fuit. ambigua¹ gens ea antiquitus hominum ingeniis et situ terrarum, quoniam nostris provinciis late prætenta² penitus ad Medos porrigitur; maximisque imperiis interjecti et sæpius discordes³ sunt, adversus Romanos odio, et in Parthum invidia. regem illa tempestate non habebant, amoto Vonone⁴: sed favor nationis inclinabat in Zenonem, Polemonis regis Pontici⁵ filium, quod is prima ab infantia instituta et cultum Armeniorum æmulatus venatu, epulis et quæ alia barbari celebrant, procures plebemque juxta devinxerat. igitur Germanicus in urbe Artaxata approbantibus nobiles, circumfusa multitudo, insigne regum capiti ejus imposuit. ceteri venerantes regem *Artaxiam* consalutavere, quod illi vocabulum indiderant ex nomine urbis⁶. At Cappadoces in formam provincie redacti⁷ Q. Veranium legatum acceperunt; et quædam ex regniis tributis deminuta, quo mitius Romanum imperium speraretur. Comagenis Q. Servæus præponitur, tum primum ad jus prætoris translatis⁸.

LVII. Cunctaque socialia¹ prospere composita non ideo lætum Germanicum habebant² ob superbiam Pisonis, qui jussus partem legionum ipse aut per filium in Armeniam ducere, utrumque neglexerat. Cyri decum apud liberna decumæ legionis convenire, firmato vultu, Piso adversus metum, Germanicus, ne minari crederetur: et erat, ut retuli, clementior. sed amici, accendendis offensionibus callidi, intendere vera, aggerere falsa, ipsumque et Plancinam et filios variis modis criminari. postremo paucis familiarium adhibitis, sermo cœptus a Cæsare, qualem ira et dissimulatio gignit: responsum a Pisone precibus contumacibus³, discesseruntque opertis odiis. postque rarus in tribunali Cæsaris Piso, et si quando assideret, atrox ac dissentire manifestus. vox quoque ejus audita est in convivio, quum apud regem Nabatæorum coronæ aureæ magno pondere Cæsari et Agrippinæ, leves Pisoni et ceteris offerrentur, *Principis Romani, non Parthi regis filio eas epulas dari*⁴: abjecitque simul coronam et multa in luxum addidit, quæ Germanico quamquam acerba, tolerabantur tamen.

Pisonem. — 7. Active: corrumpendo legiones. — 8. Gallice *revue*.

LVI. 1. Incerta fide. — 2. Fines provinciarum nostrarum late cingens. — 3. Non inter se, sed *adversus Romanos* etc. — 4. Vide c. 4. — 5. Polemo, Zenonis rhetoris filius, a. U. 719 per Antonium et Augustum regnum adeptus, tunc mortuus erat, et Pontus a prudentissima uxore ejus Pythodoride regebatur. — 6. Nisi potius ab rege *Artaxia*, conditore illius urbis, circa a. 200 a. Chr. — 7. Vide c. 42. — 8. Et jam a proprætore administrandis.

LVII. 1. I. e. res sociorum. — 2. Aliquid me *habet lætum* est, vi alicujus rei vel propter aliquam rem sum lætus. — 3. Precibus inter quas contumacia appareret. — 4. Ac proinde non adeo luxuriosas et barbaricæ magnificentie plenas esse debere.

LVIII. Inter quæ ab rege Parthorum Artabano ¹ legati venire. miserat *amicitiam ac fœdus* memoraturos, et *cupere renovari dextras* ², *daturumque honori Germanici, ut ripam Euphratis accederet: petere interim ne Vonones in Syria haberetur, neu proceres gentium propinquis nunciis* ³ *ad discordias traheret.* ad ea Germanicus de societate Romanorum Parthorumque magnifice, de adventu regis et cultu sui cum decore ac modestia respondit. Vonones Pompeiopolim, Ciliciæ maritimam urbem, amotus est. datum id non modo precibus Artabani, sed contumeliæ Pisonis, cui gratissimus erat ob plurima officia et dona, quibus Plancinam devinxerat.

LIX. M. Silano, L. Norbano Coss. ¹ Germanicus Ægyptum proficiscitur cognoscendæ antiquitatis ². Sed cura provinciæ prætendebatur, levavitque apertis horreis ³ pretia frugum, multaque in vulgus grata usurpavit, sine milite incedere, pedibus intectis ⁴ et pari cum Græcis amictu ⁵, P. Scipionis æmulatione, quem eadem factitavisse apud Siciliam, quamvis flagrante adhuc Pœnorum bello, accepimus. Tiberius, cultu habituque ejus lenibus verbis perstricto, acerrime increpuit quod contra instituta Augusti non sponte ⁶ Principis Alexandriam introisset. nam Augustus inter alia dominationis arcana, vetitis nisi permissu ingredi ⁷ senatoribus aut equitibus Romanis illustribus ⁸, seposuit ⁹ Ægyptum, ne fame urgeret Italiam quisquis eam provinciam claustraque terræ ac maris quamvis levi ¹⁰ præsidio adversum ingentes exercitus insedisset.

LX. Sed Germanicus, nondum comperto profectionem eam incusari, Nilo subvehebatur orsus oppido a Canopo. condidere id Spartani ob sepultum illic rectorem navis Canopum, qua tempestate Menelaus Græciam repetens diversum ¹ ad mare terramque Libyam dejectus. Inde proximum annis os dicatum Herculi ², quem indigenæ ortum apud se et antiquissimum perhibent, eosque qui postea pari virtute fuerint ³, in cognomen ejus ascitos. mox visit veterum Thebarum magna vestigia. et manebant structis molibus litteræ Ægyptiæ ⁴ priorem opulentiam complexæ; jussusque e senioribus sacerdotum patrium sermonem interpretari referebat « habitasse quondam septingenta millia ætate militari, atque eo « cum exercitu regem Rhamsen ⁵ Libya, Æthiopia, Medisque et Persis et « Bactriano ac Scythia potitum, quasque terras Syri Armenique et contigui « Cappadoces colunt, inde Bithynum, hinc Lycium ad mare ⁶ imperio te-

LVIII. 1. Vide c. 3. — 2. I. e. amicitiam et fœdera. In numis concordia civitatum duabus dextris junctis effingebatur. — 3. Gentium Parthis subjectarum satrapas per nuncios e propinquo missos.

LIX. 1. Anno U. 772, p. Chr. 19. — 2. Sc. causa. — 3. Romæ urbi alendæ destinatis. — 4. Sandaliis, ὑποδήματα utens, non calceis qui pedes crure tenus velabant. — 5. Pallio, non toga. — 6. Voluntate. — 7. Sc. Ægyptum. — 8. Sive *taticlaviis*, qui opponuntur *modicis*, sive angusticlaviis, supra I, 73. — 9. Sibi soli et domui suæ reservavit. Conf. XII, 60, et Hist. I, 11. — 10. Utcunque levi. Nam levissimum præsidium ad illa loca defendenda sufficit et ad tenenda *claustra*, Ægypti in terra et mari, Pelusium, Parætonium, Pharum.

LX. 1. Contrarium sive oppositum ei regioni quam petebat. — 2. Canopicum, dictum etiam Heracleoticum, inter septem ostia Nili maxime occidentale. — 3. Hercules Tyrius, Hercules Græcus duplex, secundum mythologos quosdam. — 4. Hieroglyphicæ in obeliscis. — 5. Qui aliis Sesostris. — 6. Pontum Euxinum et maris interni partem inter Rhodum et Cyprum.

« nuisse.» legebantur et indicta gentibus tributa, pondus argenti et auri, numerus armorum equorumque, et dona templis, ebur atque odores, quasque copias frumenti et omnium utensilium quæque natio penderet, haud minus magnifica quam nunc vi Parthorum aut potentia Romana jubentur.

LXI. Ceterum Germanicus aliis quoque miraculis intendit animum. quorum præcipua fuere Memnonis saxea effigies, ubi radiis solis icta est, vocalem sonum reddens, disjectasque inter et vix pervias arenas instar montium eductæ pyramides certamine et opibus regum, lacusque effossa humo ⁴, superfluentis Nili receptacula, atque alibi angustiae et profunda altitudo, nullis inquirentium spatiis penetrabilis ². Exin ventum Elephantinen ac Syenen, claustra olim Romani imperii, quod nunc Rubrum ad mare ³ patescit.

LXII. Dum ea æstas Germanico plures per provincias transigitur, haud leve decus Drusus quæsivit, illiciens Germanos ad discordias, utque fracto jam Maroboduus usque in exitum insisteretur. erat inter Gothones nobilis juvenis nomine Catualda, profugus olim vi Marobodui, et tunc dubiis rebus ejus ultionem ausus. is valida manu fines Marcomannorum ingreditur, corruptisque primoribus ad societatem, irrumpit regiam castellumque juxta situm. veteres illic Suevorum prædæ et nostris e provinciis lixæ ac negotiatores reperti, quos jus commercii, dein cupido augendi pecuniam, postremum oblivio patriæ suis quemque ab sedibus hostilem in agrum transtulerat.

LXIII. Maroboduus undique deserto non aliud subsidium quam misericordia Cæsaris fuit. transgressus Danubium, qua Noricam provinciam præluit, scripsit Tiberio, non ut profugus aut supplex, sed ex memoria prioris fortunæ: *nam multis nationibus clarissimum quondam regem ad se vocantibus Romanam amicitiam prætulisse. responsum a Cæsare, tutam ei honoratamque sedem in Italia fore, si maneret: sin rebus ejus aliud conduceret, abiturum fide qua venisset.* ceterum apud senatum disseruit, *non Philippum Atheniensibus, non Pyrrhum aut Antiochum populo Romano perinde metuendos fuisse.* exstat oratio, qua magnitudinem viri, violentiam subjectarum ei gentium, et quam propinquus Italiæ hostis, suaque in destruendo eo consilia extulit. Et Maroboduus quidem Ravennæ habitus, ne, si quando, insolescerent ¹ Suevi, quasi rediturus in regnum ostentabatur. sed non excessit Italia per duodeviginti annos, consenuitque multum imminuta claritate ob nimiam vivendi cupidinem. Idem Catualdæ casus neque aliud profugium. pulsus haud multo post Hermundurorum opibus et Vibilio duce, receptusque Forum Julium, Narbonensis Galliæ coloniam, mittitur. barbari utrumque comitati, ne quietas provincias immixti turbarent, Danubium ultra inter flumina Marum et Cusum locantur, dato rege Vannio gentis Quadorum.

LXIV. Simul nunciato regem Artaxiam Armeniis a Germanico da-

LXI. 1. Nomine Mæris. — 2. Fortasse illa inter Elephantinen et Syenen, de qua Saïtes quidam narravit Herodoto II, 28. *Spatiis* scil. mensurarum adhibitarum. — 3. Hoc nomen veteribus usque ad Indicum Oceanum extendebatur. Intelligit autem Trajanus prospere gestas in Arabia, Mesopotamia et Assyria, annis 114, 115 p. Chr.

LXIII. 1. Ne occasione forte data insolescerent.

tum, decrevere Patres, ut *Germanicus atque Drusus ovantes Urbem introirent*. structi et arcus circum latera templi Martis Ultoris ¹ cum effigie Cæsarum, lætiore Tiberio, quia pacem sapientia firmaverat, quam si bellum per acies confecisset. Igitur Rhescuporin quoque, Thraciæ regem, astu aggreditur. omnem eam nationem Rhæmetalees tenuerat: quo defuncto Augustus partem Thracum Rhescuporidi, fratri ejus, partem filio Cotyi permisit. in ea divisione arva et urbes et vicina Græcis Cotyi, quod incultum, ferox, annexum hostibus, Rhescuporidi cessit; ipsorumque regum ingenia, illi mite et amœnum ², huic atrox, avidum et societatis impatiens erat. sed primo subdola concordia egere: mox Rhescuporis egredi fines, vertere in se Cotyi data, et resistenti vim facere, cunctanter sub Augusto, quem auctorem utriusque regni, si sperneretur, vindicem metuebat. enimvero audita mutatione Principis immittere latronum globos, excindere castella, causas bello ³.

LXV. Nihil æque Tiberium anxium habebat ¹ quam ne composita turbarentur. deligit centurionem, qui nuntiaret regibus, ne armis disceptarent: statimque a Cotye dimissa sunt, quæ paraverat, auxilia. Rhescuporis ficta modestia postulat, eundem in locum coiretur; posse de controversiis colloquio transigi. nec diu dubitatum de tempore, loco, dein conditionibus, quum alter facilitate, alter fraude cuncta inter se concederent acciperentque. Rhescuporis sanciendo, ut dictitabat, fœderi convivium adjicit, tractaque in multam noctem lætitia per epulas ac violentiam incautum Cotyn et, postquam dolum intellexerat, sacra regni, ejusdem familiæ deos et hospitales mensas obtestantem, catenis onerat. Thraciæque omni potitus scripsit ad Tiberium, structas sibi insidias, præventum insidiatorem: simul bellum adversus Bastarnas Scythasque prætendens novis peditum et equitum copiis sese firmabat.

LXVI. Molliter rescriptum, « si fraus abesset, posse eum innocentiae fidere; ceterum neque se neque senatum nisi cognita causa jus et injuriam discreturos: proinde tradito Cotye, veniret transferretque ¹ inviam criminis ». eas litteras Latinius Pandus, pro prætore Mœsiæ, cum militibus, quis Cotys traderetur, in Thraciam misit. Rhescuporis intermetum et iram cunctatus maluit patrati quam incepti facinoris reus esse: occidi Cotyn jubet, mortemque sponte sumptam ementitur. Nec tamen Cæsar placitas ² semel artes mutavit, sed defuncto Paulo, quem sibi infensum Rhescuporis arguebat, Pomponium Flaccum, veterem stipendiis ³ et arcta cum rege amicitia, eoque accommodatiorem ad fallendum, ob id maxime Mœsiæ præfecit.

LXVII. Flaccus in Thraciam transgressus, per ingentia promissa quamvis ambiguum et scelera sua reputantem perpulit, ut præsidia Romana intraret. circumdata hinc regi specie honoris valida manus, tribunique et centuriones monendo, suadendo et, quanto longius abscedebatur,

LXIV. 1. Exstructi ab Augusto, qui voverat in bello contra Brutum et Cassium occisores patris. — 2. Quod confirmatur epistola Ovidii exulis (*Ex Ponto* II, 9) ad eum scripta. — 3. Appositio totius periodi accusativo casu posita, ut I, 46.

LXV. 1. Nulla re æque anxius erat; ut supra c. 37.

LXVI. 1. Sc. ab se in verum auctorem. — 2. Probatas sibi. — 3. Qui diu stipendia meruerat.

apertiore custodia, postremo gnarum necessitatis in Urbem traxere. accusatus in senatu ab uxore Cotyis ¹, damnatur ut procul regno teneretur. Thracia in Rhœmetalcem filium, quem paternis consiliis adversatum constabat, inque liberis Cotyis dividitur; iisque nondum adultis, Trebellianus Rufus, prætura functus, datur qui regnum interim tractaret, exemplo quo majores M. Lepidum Ptolemæi ² liberis tutorem in Ægyptum miserant. Rhescuporis Alexandriam devectus; atque illic fugam tentans, an ficto crimine, interficitur.

LXVIII. Per idem tempus Vonones, quem amotum in Ciliciam memoravi ¹, corruptis custodibus effugere ad Armenios, inde in Albanos Heniochosque et consanguineum sibi regem Scytharum conatus est. specie venandi, omissis maritimis locis, avia saltuum petiit; mox pernicitate equi ad amnem Pyramum contendit, cujus pontes accolæ ruperant, audita regis fuga: neque vado penetrari poterat. igitur in ripa fluminis a Vibio Frontone, præfecto equitum ², vincitur. mox Remmius evocatus ³, priori custodiæ regis appositus, quasi per iram, gladio eum transigit: unde major fides conscientia sceleris et metu indicii mortem Vononi illatam.

LXIX. At Germanicus Ægypto remeans cuncta, quæ apud legiones aut urbes jusserat, abolita vel in contrarium versa cognoscit. hinc graves in Pisonem contumeliæ; nec minus acerba, quæ ab illo in Cæsarem tentabantur. dein Piso abire Syria statuit. mox adversa Germanici valetudine detentus, ubi recreatum accepit votaue pro incolumitate solvebantur, admotas hostias, sacrificalem apparatus, festam Antiochensium plebem per lictores proturbat. Tum Seleuciam digreditur, opperiens ægritudinem ¹, quæ rursum Germanico acciderat. sævam vim morbi augebat persuasio veneni a Pisone accepti; et reperiiebantur solo ac parietibus ² erutæ humanorum corporum reliquiæ, carmina et devotiones et nomen Germanici plumbeis tabulis insculptum ³, semusti cineres ac tabo obliti, aliaque maleficia ⁴, quis creditur animas numinibus infernis sacrari. simul missi a Pisone incusabantur ut valetudinis adversa rimantes.

LXX. Ea Germanico haud minus irâ quam per metum accepta: « si limen obsideretur, si effundendus spiritus sub oculis inimicorum foret, « quid deinde miserrimæ conjugii, quid infantibus liberis eventurum? « lenta videri veneficia; festinare et urgere ¹ ut provinciam, ut legiones « solus habeat. sed non usque eo defectum Germanicum, neque præmia « cædis apud interfectorem mansura. » componit epistolas, *quæ amicitiam ei renuntiabat*. addunt plerique jussum *provincia decedere*. nec Piso moratus ultra, naves solvit; moderabaturque cursui, quo propius ² regrederetur, si mors Germanici Syriam aperuisset.

LXVII. 1. Filia reginæ Pontî Pythodoridis, de qua supra. — 2. Philopatoris. Vide Justinum XXX, 3.

LXVIII. 1. Cap. 88. — 2. Qui alæ equitum præerat. — 3. *Evocati sunt veterani*, qui a Principibus invitati sponte arma resumebant.

LXIX. 1. Eventum ægritudinis. — 2. In solo et parietibus domus, in qua habitabat Germanicus. *Erutæ* sc. sepulcris. — 3. Sive *insculpta*: nam *carmina et devotiones* quoque comprehenduntur. — 4. *Maleficia* proprie dicitur de rebus magicis et veneficiis.

LXX. 1. Sc. Pisonem. — 2. Modum imponebat, tardiore cursum instituit, ut eo *propius*, i. e. ex minore intervallo, reverteretur.

LXXI. Cæsar paullisper ad spem erectus, dein fesso corpore, ubi nnis aderat, assistentes amicos in hunc modum alloquitur : « Si fato concederem ¹, justus mihi dolor etiam adversus deos esset, quod me parentibus, liberis, patriæ, intra juventam ² præmaturo exitu raperent. nunc scelere Pisonis et Plancinæ interceptus, ultimas preces pectoribus vestris relinquo : referatis patri ac fratri ³, quibus acerbitatibus dilaceratus, quibus insidiis circumventus miserrimam vitam pessima morte finierim. si quos spes meæ, si quos propinquus sanguis, etiam quos invidia erga viventem movebat, ⁴ illacrimabunt quondam florentem et tot bellorum superstitem muliebri fraude cecidisse. erit vobis locus querendi apud senatum, invocandi leges. non hoc præcipuum amicorum munus est, prosequi defunctum ignavo questu, sed quæ voluerit, meminisse, quæ mandaverit, exsequi. flebunt Germanicum etiam ignoti, vindicabitis vos, si me potius quam fortunam meam fovebatis. ostendite populo Romano divi Augusti neptem eandemque conjugem meam; numerate sex liberos. misericordia cum accusantibus erit, fingentibusque scelestamandata ⁵ aut non credent homines aut non ignoscent. » Juravere amici dextram morientis contingentes, *spiritum ante quam ultionem amissuros.*

LXXII. Tum ad uxorem versus, *per memoriam sui, per communes liberos oravit, exueret ferociam, savienti fortunæ summitteret animum, neu regressa in Urbem, æmulatione potentia validiores irritaret.* hæc palam et alia secreto, per quæ ostendere credebatur metum ex Tiberio. Neque multo post exstinguitur, ingenti luctu provinciæ et circumjacentium populorum. indoluere exteræ nationes regesque ¹: tanta illi comitas in socios, mansuetudo in hostes; visuque et auditu juxta venerabilis; quum magnitudinem et gravitatem summæ fortunæ retineret, invidiam et arrogantiam effugerat.

LXXIII. Funus sine imaginibus et pompa per laudes et memoriam virtutum ejus celebre fuit. et erant qui formam, ætatem, genus mortis, ob propinquitatem etiam locorum in quibus interiit ¹, magni Alexandri fati adæquarent. « nam utrumque corpore decoro, genere insigni, haud multum triginta annos egressum, suorum insidiis ² externas inter gentes occidisse: sed hunc mitem erga amicos, modicum voluptatum, uno matrimonio, certis liberis egisse, neque minus præliatorem, etiamsi temeritas abfuerit, præpeditusque sit percussas tot victoriis Germanias servitio premere. quodsi solus arbiter rerum, si jure et nomine regio fuisset, tanto promptius assecuturum gloriam militiæ, quantum clementia, temperantia, ceteris bonis artibus præstitisset. » Corpus antequam cremaretur, nudatum in foro Antiochensium, qui locus sepulturæ ³ destinabatur, prætuleritne beneficii signa, parum constitit. nam ut quis misericordia in Germanicum et præsumpta suspicione, aut favore in Pisonem pronior, diversi ⁴ interpretantur.

LXXI. 1. Naturali morti cederem. — 2. *Juventa* Romanis flebatur, anno ætatis 45. — 3. Tiberio et Druso. — 4. Sc. hi. — 5. Sc. Pisoni et Plancinæ.

LXXII. 1. De quorum luctu mira narrat Suetonius Calig. c. 8.

LXXIII. 1. Alexander M. Babylone mortuus. — 2 Alexandrum quoque veneno suorum periisse fama erat. — 3. l. e. cremando corpori. Conf. c. 83. — 4. Diversa mente, ac proinde diverso modo.

LXXIV. Consultatum inde inter legatos quique alii senatorum aderant, *quisnam Syriae praeficeretur*. et ceteris modice nisis, inter Vibium Marsum et Cn. Sentium diu quaesitum: dein Marsus seniori et acrius tendenti Sentio concessit. isque infamem veneficiis ea in provincia et Plancinae pericaram, nomine Martinam, in Urbem misit, postulantis Vitellio ac Veranio ceterisque, qui crimina et accusationem tanquam adversus receptos jam reos ¹ instruebant.

LXXV. At Agrippina, quamquam defessa luctu et corpore aegro, omnium tamen quae ultionem morarentur intolerans, ascendit classem cum cineribus Germanici et liberis, miserantibus cunctis, « quod femina nobilitate princeps, pulcherrimo modo matrimonio inter venerantes gratantesque aspici solita, tunc ferales reliquias sinu ferret, incerta ultionis, « anxia sui et infelici fecunditate fortunae toties obnoxia. » Pisonem interim apud Coum insulam nuntius assequitur, *excessisse Germanicum*. quo intemperanter ¹ accepto, caedit victimas, adit templa, neque ipse gaudium moderans, et magis insolescente Plancina, quae luctum amissae sororis tum primum laeto cultu mutavit.

LXXVI. Affluebant centuriones, monebantque, *prompta illi legionum studia; repeteret provinciam non jure ablatam et vacuum*. igitur *quid agendum* consultant ¹ M. Piso filius *properandum in Urbem* censebat: « nihil adhuc inexplabile admissum, neque suspiciones imbecillas aut « inaniae famae pertimescenda. discordiam erga Germanicum odio fortasse « dignam, non poena; et ademptione provinciae satisfactum inimicis. « quodsi regrederetur, obsistente Sentio civile bellum incipi; nec duraturos in partibus centuriones militesque, apud quos recens imperatoris « sui memoria et penitus infixus in Caesares amor praevaleret. »

LXXVII. Contra Domitius Celer, ex intima ejus amicitia, disseruit, *utendum eventu*: « Pisonem, non Sentium, Syriae praepositum; huic « fasces et jus praetoris, huic legiones datas. si quid hostile ingruat, « quem justius arma oppositum? ¹ qui legati auctoritatem et propria « mandata acceperit. Relinquendum etiam rumoribus tempus, quo senescant: plerumque innocentes recenti invidiae impares. at si teneat exercitum, augeat vires, multa, quae provideri non possint, fortuito in « melius casura. An festinamus cum Germanici cineribus appellere, ut « te inauditum et indefensum planctus Agrippinae ac vulgus imperitum « primo rumore rapiant ²? Est tibi Augustae conscientia, est Caesaris « favor, sed in occulto; et periisse Germanicum nulli jactantius moerent « quam qui maxime laetantur. »

LXXVIII. Haud magna mole ¹ Piso, promptus ferocibus, in sententiam trahitur; missisque ad Tiberium epistolis incusat *Germanicum luxus et superbiae; seque pulsum, ut locus rebus novis patefieret, curam exercitus eadem fide, qua tenuerit, repetivisse*. simul Domitium impositum triremi *vitare littorum oram praeterque insulas* ² lato mari per-

LXXIV. 1. Quasi praetor jam accepisset et detulisset nomina reorum.

LXXV. 1. Gaudio non inoderato.

LXXVI. 1. Dativus positus quasi secuturum esset *dicebat*.

LXXVII. 1. Supple quam Pisonem, qui etc. — 2. Corripiant, opprimant.

LXXVIII. 1. Difficultate. — 2. Insulis in latere omissis.

gere in Syriam jubet. concurrentes desertores per manipulos componit, armat lixas, trajectisque in continentem navibus, vexillum tironum in Syriam euntium intercipit, regulis Cilicum, ut se auxiliis juvarent, scribit, haud ignavo ad ministeria belli juvene Pisone, quamquam suscipiendum bellum abnuisset.

LXXIX. Igitur oram Lyciæ ac Pamphyliae prælegentes, obviis navibus quæ Agrippinam vehebant, utrimque infensi arma primo expedire : dein mutua formidine non ultra jurgium processum est, Marsusque Vibius nuntiavit Pisoni, *Romam ad dicendam causam veniret. ille eludens respondit, affulurum, ubi prætor, qui de veneficiis quæreret* ¹, *reo atque accusatoribus diem prædixisset.* Interim Domitius Laodiceam, urbem Syriæ, appulsus, quum hiberna sextæ legionis peteret, quod eam maxime novis consiliis idoneam rebatur, a Pacuvio legato prævenitur. id Sentius Pisoni per litteras aperit, monetque, *ne castra corruptoribus, ne provinciam bello tentet* : quosque Germanici memores aut inimicis ejus adversos cognoverat, contrahit, *magnitudinem imperatoris identidem ingerens et rempublicam armis peti* ; ducitque validam manum et prælio paratam.

LXXX. Nec Piso, quamquam cæpta secus cadebant, omisit tutissima e præsentibus ¹, sed castellum Ciliciæ munitum admodum, cui nomen Celenderis, occupat. nam admixtis desertoribus et tirone nuper intercepto, suisque et Plancinæ servitiis auxilia Cilicum, quæ reguli miserant, in numerum legionis composuerat. « Cæsarisque se legatum » testabatur « provincia, quam is dedisset, arceri non a legionibus (earum quippe « accitu venire), sed a Sentio privatum odium falsis criminibus tegente. « consistent in acie, non pugnaturis militibus ², ubi Pisonem ab ipsis « p a r e n t e m quondam appellatum, si jure ageretur, potiore, si ar- « mis, non invalidum vidissent. » tum pro munimentis castelli manipulos explicat colle arduo et derupto : nam cetera mari cinguntur. contra ³ veterani, ordinibus ac subsidiis instructi. hinc militum, inde locorum asperitas : sed non animus, non spes, ne tela quidem nisi agrestia, ad subitum usum properata. ut venere in manus, non ultra dubitatum quam dum Romanæ cohortes in æquum ⁴ eniterentur : vertunt terga Cilices, seque castello claudunt.

LXXXI. Interim Piso classem haud procul opperientem appugnare frustra tentavit; regressusque et pro muris ¹ modo semet afflicto, modo singulos nomine ciens, præmiis vocans, seditionem cœptabat; adeoque commoverat, ut signifer legionis sextæ signum ad eum transtulerit. tum Sentius *occanere cornua tubasque, et peti aggerem* ², *erigi scalas jussit ac promptissimum quemque succedere, alios tormentis hastas, saxa et faces ingerere.* tandem victa pertinacia, Piso oravit, *uti traditis ar-*

LXXIX. 1. Amare dictum : nam hæ causæ non jam a prætore, sed in senatu coram Principe judicabantur.

LXXX. 1. Ex iis quæ tum fieri poterant. — 2. Ac tum non esse pugnaturos milites. Ad sequentia conf. c. 65. — 3. Sc. stabant. — 4. *Æquum* cum Pisonianis locum.

LXXXI. 1. Ante muros, sed intra castellum; ante muri loricam, ut super muros emeret, possetque conspici extra. — 2. Comportari materiem ad explendam fossam muris circumdatam.

mis maneret in castello, dum Cæsar, cui Syriam permetteret, consulitur. non receptæ conditiones, nec aliud quam naves et tutum in Urbem iter concessum est.

LXXXII. At Romæ, postquam Germanici valetudo percrebuit, cunctaque, ut ex longinquo, aucta in deterius afferebantur, dolor, ira.¹ et erumpebant questus: « ideo nimirum in extremas terras relegatum, ideo « Pisoni permissam provinciam; hoc egisse secretos Augustæ cum Plan- « cina sermones. vera prorsus de Druso² seniores locutos: displicere « regnantibus civilia filiorum ingenia, neque ob aliud interceptos, quam « quia populum Romanum æquo jure complecti reddita libertate agita- « verint. » Hos vulgi sermones audita mors adeo incendit, ut ante edi- « ctum magistratum, ante senatusconsultum sumpto justitio desererentur fora, clauderentur domus; passim silentia et gemitus, nihil compositum in ostentationem; et quamquam neque insignibus lugentium abstinerent, alius animis mœrebant. Forte negotiatores, vivente adhuc Germanico Syria egressi, lætiora de valetudine ejus attulere. statim credita, statim vulgata sunt; ut quisque obviis, quamvis leviter audita in alios, atque illi in plures cumulata gaudio transferunt. cursant per urbem, moliantur templorum fores³. juvat credulitatem nox et promptior inter tenebras affirmatio. nec obstitit falsis Tiberius, donec tempore ac spatio⁴ vanesce- rent. et populus quasi rursum ereptum acrius doluit.

LXXXIII. Honores, ut quis amore in Germanicum aut ingenio validus, reperti decretique: « ut nomen ejus Saliari carmine¹ caneretur; sedes « curules² sacerdotum Augustalium locis, superque eas querceæ coro- « næ³ statuerentur; ludos circenses eburna effigies præiret⁴; neve quis « flamen⁵ aut augur in locum Germanici nisi gentis Juliæ crearetur. » Arcus additi Romæ et apud ripam Rheni et in monte Syriæ Amano cum inscriptione rerum gestarum ac *mortem ob rempublicam obiisse. sepul- « crum⁶ Antiochiæ, ubi crematus, tribunal Epidaphnæ, quo in loco vitam finierat. Statuarum locorumve, in quis colerentur, haud facile quis nume- rum inierit. quum censeretur clipeus⁷ auro et magnitudine insignis inter auctores eloquentiæ, asseveravit Tiberius, *solitum paremque ceteris dicaturum: neque enim eloquentiam fortuna discerni⁸, et satis il- lustre, si veteres inter scriptores haberetur. equester ordo cuneum Germanici appellavit, qui juniorum dicebatur⁹; instituitque uti tur-**

LXXXII. 1. Sc. erant Junge cum Romæ. — 2. Germanici patre. Conf. I, 33. — 3. Sue- tonius Calig. c. 6: *Quum Romæ repente jam vesperi, incertis auctoribus, convaluisse tandem percrebuisse Germanicum, passim cum luminibus et victimis in Capitolium concursum est, ac pane revulsæ templi fores, ne quid gestientes vota reddere mora- retur.* — 4. Duo vocabula pro uno: tempore et spatio quidem ejus, temporis spatio.

LXXXIII. 1. Antiquissimo, quod a Saliis sacerdotibus saltantibus in honorem Martis canebatur, nec nisi deorum nomina continebat. — 2. In circo et theatris. Ejusmodi sedes decreta erat etiam Marcello mortuo. — 3. Quæ erant civicæ coronæ. — 4. In pompa divinarum imaginum, quæ a Capitolio in Circum descendebat. — 5. Sc. Augu- stalis. Vide I, 84. — 6. Cenotaphium. — 7. Quum decerneretur ei a senatu anaglyphon clipei forma sculptum. Excellebat autem Germanicus eloquentia et græcis latinisque litteris. Supersunt versus ejus, quibus Arati Phænomena latine reddidit. — 8. Ex fortuna et loco, in quo eloquens homo natus, æstimari. — 9. Ut erant *centuriæ juniorum* et *centuriæ seniorum* in civibus. *Cunei* sunt ordines sedilium in theatro, cuneiformes, a

mæ idibus Juliis ¹⁰ imaginem ejus sequerentur. pleraque manent : quædam statim omissa sunt, aut vetustas oblitteravit.

LXXXIV. Ceterum recenti adhuc mœstitia soror Germanici Livia, nupta Druso, duos virilis sexus simul enixa est. quod rarum lætumque etiam modicis penatibus ¹ tanto gaudio Principem affecit, ut non temperaverit ² quin jactaret apud Patres, *nulli ante Romanorum ejusdem fastigii* ³ *viro geminam stirpem editam.* nam cuncta, etiam fortuita, ad gloriam vertebat. sed populo tali in tempore id quoque dolorem tulit, tanquam auctus liberis Drusus domum Germanici magis urgeret.

LXXXV. Eodem in anno senatu actum de sacris Ægyptiis Judaicisque pellendis ; factumque Patrum consultum, *ut quattuor millia libertini generis ea superstitione infecta, quis idonea cetas, in insulam Sardiniam veherentur,* coercendis illic latrocinii et, si ob gravitatem cœli ¹ interissent, vile damnum ; *ceteri cederent Italia, nisi certam ante diem profanos ritus exuissent.*

LXXXVI. Post quæ retulit Cæsar *capiendam virginem* ¹ *in locum Occiæ,* quæ septem et quinquaginta per annos summa sanctimonia Vestalibus sacris præsederat ; egitque grates Fonteio Agrippæ et Domitio Pollioni, *quod offerendo filias de officio in rempublicam certarent.* prælata est Pollionis filia, non ob aliud quam quod mater ejus in eodem conjugio manebat : nam Agrippa discidio domum imminuerat ². et Cæsar quamvis posthabitam decies sestertii ³ dote solatus est.

LXXXVII. *Sævitiæ annonæ* incusante plebe, statuit frumento pretium, quod emptor penderet, *binosque nummos* ¹ *se additurum negotiatoribus in singulos modios* ² : neque tamen ob ea *parentis patriæ,* delatum et antea, vocabulum assumpsit, acerbeque increpuit eos, qui *divinas occupationes,* ipsumque *dominum* dixerant ³. unde angusta et lubrica oratio sub Principe, qui libertatem ⁴ metuebat, adulationem oderat.

LXXXVIII. Reperio apud scriptores senatoresque ¹ eorundem temporum, Adgandestrii, principis Chatterum, lectas in senatu litteras, quibus *mortem Arminii* promittebat, *si patranda neci venenum mitteretur ;* responsumque esse, *non fraude neque occultis, sed palam et armatum populum Romanum hostes suos ulcisci.* qua gloria æquabat se Tiberius priscis imperatoribus, qui venenum in Pyrrhum regem vetuerant prodiderantque ². ceterum Arminius, abscedentibus Romanis et pulso Maroboduo, regnum affectans libertatem popularium adversam habuit,

scalis de præcinctione ad orchestram descendantibus. — 10. Quibus celebrabatur splendida pompa ordinis equestris, insignibus suis conspicui, ab æde Honoris extra Urbem sita in Capitolium ducta.

† LXXXIV. 1. Domibus, familiis. — 2. Intransitive. — 3. Non dicit imperatori, sed reipublicæ quoque illustres viros intelligit.

LXXXV. 1. Noxiam vim aeris in illa insula.


LXXXVI. 1. Sc. Vestalem. Capere verbum proprium de eligendis Vestalibus. — 2. Honori domus suæ detraxerat. Patrimæ et matrimæ esse debebant Vestales. — 3. Ferme 200,000 fr.

LXXXVII. 1. 60 cent. — 2. Modius est fere hodiernus décalitre. — 3. Pluribus hæc exponit Sueton. Tiber. c. 27. — 3. Sc. loquendi, παρρησίαν.

LXXXVIII. 1. Eos qui *acta senatus* scripserant. — 2. De C. Fabricio Luscino.

petitusque armis, quum varia fortuna certaret, dolo propinquorum cecidit, liberator haud dubie Germaniæ, et qui non primordia populi Romani, sicut alii reges ducesque, sed florentissimum imperium lacesierit, præliis ambiguus³, bello non victus. septem et triginta annos vitæ, duodecim potentiæ explevit, caniturque adhuc barbaras apud gentes, Græcorum annalibus ignotus, qui sua tantum mirantur, Romanis haud perinde⁴ celebris, dum vetera extollimus, recentium incuriosi.

3. Varia fortuna usus. Simili oppositione Livius de Pyrrho rege: *Magis in prælio quam in bello bonus.* — 4. Sc. ac par erat.



LIBER TERTIUS.

ARGUMENTUM.

Cap. I. Agrippina cum urna ferali magno planctu passim excipitur. — 2. funerum solennia. primores Urbis obvi. — 3. Tiberius, Augusta et Antonia publico abstinent. — 4. moror publicus. — 5. Tiberius, parcus visus in honorando funere, — 6. excusat se et populum erigit. — 7. justitium omissum. Drusus ad Illyricos exercitus abit, — 8. Piso ad Drusum, — 9. inde Romam alacri animo. — 10. mox accusatur, Princeps causam suam dissociat. Pisonis mors, — 16. dubium an jussu, et ad Tiberium codicilli. — 17. Piso filius absolvitur, Plancina Augustæ precibus condonatur. sententias in Pisonem — 18. Princeps mitigat, adulatio imprudens. — 19. Drusus ovat. Vipsania moritur. — 20. Tacfarinas bellum in Africa renovat. — 21. id Apronii severitate opprimitur. — 22. Lepida suppositi partus, adulterii, veneficii accusata, — 23. Tiberio perplexe agente damnatur. — 24. Silanus exsilii veniam impetrat. — 25. lex Papia Poppæa. delatores. — 26. excursus de legibus, quæ initio paucae et simplices, paulatim primo, — 27. dein immensum auctæ. — 28. earum correctio tentata. — 29. Nero Germanici ad honores promotus Jullam ducit, Drusi filiam. — 30. Volusii et Sallustii mors et elogium. aulæ potentia infida.

31. Tiberius et Drusus Coss. irreverentia juventutis notata. viarum cura. — 32. Tacfarinas turbat iterum. Lepidus Asiæ proconsul. — 33. uxores a provinciis arceat Cæcina; — 34. ei repugnat Valerius Messalinus, adstipulante Druso. — 35. Blæsus proconsul Africæ. — 36. Abusus imaginum principalium — 37. repressus a Druso. — 38. Accusati repetundarum, majestatis. Thraciæ motum — 39. Velleius comprimit. — 40. Gallia ducebus Floro et Sacroviro rebellat. — 41. Andecavos coerceat Aviola, Turonios opprimit. — 42. Florussua manu cadit. finis Treverici tumultus. — 43. Æduos turbat Sacrovir; — 44. Romam pereclit, non Tiberium. — 45. Silius — 46. Gallos fundit, erupellarios credit. Sacrovir sibi manum infert. — 47. Tiberius simulat iter in Gallias. — 48. Quirim mors honestata. — 49. Lutorius accusatus — 50. defenditur a Lepido, — 51. necatur in carcere. SC. de differenda pœna.

52. Ædiles de luxu coercedo agunt. senatus rem remittit ad Principem. — 53. 54. hic medicinam a tempore sperandam pronuntiat. — 55. paulatim sponte mutati mores. — 56. Tribunicia potestas petita Druso et — 57. impetrata cum adulatione Patrum. — 58. Flamen dialis ambit provinciam, — 59. alii obstant. Drusus superbia notatur. — 60 — 63. Imago libertatis. asyla Græcarum civitatum senatus examinat et modum præscribit. — 64. Augustæ morbus. Tiberii in matrem non sincerus amor. — 65. Tempora fœda adulatione infecta. — 66. C. Silanus repetundarum et majestatis postulatus — 67 a multis urgetur et a Principe ipso, et — 68. damnatur. Dolabellæ adulationem — 69. reprimit Tiberius et sententias mitigat. — 70. Cordus, Ennius. Capito rei. — 71. Equestris Fortuna. jus Flaminium. — 72. basilica Paulli. Pompeii theatrum. — 73. Tacfarinatis petitio impudens. — 74. Blæsus cum adgreditur, fratrem ejus capit; nec bellum conficit. — 75. Mors Salonii, Capitonis, — 76. Juniz, ejus solenne funus.

Hæc triennio gesta. M. Valerio et M. Aurelio, Tiberio Imp. IV et Druso Nerone II, C. Sulpicio et D. Haterio Coss., annis p. Chr. 20-22.

I. Nihil intermissa navigatione hiberni maris Agrippina Corcyram insulam advehitur, littora Calabriae contra ¹ sitam. illic paucos dies componendo animo insumit, violenta luctu et nescia tolerandi. interim adventu

I. 1. *Contra littora Cal.*, ex adverso littorum. Calabriam versus direxit cursum, quia

ejus audito, intimus quisque amicorum et plerique militares, ut quisque sub Germanico stipendia fecerant, multique etiam ignoti vicinis e municipiis, pars officium in Principem rati, plures illos secuti, ruere ad oppidum Brundisium, quod naviganti celerrimum fidissimumque appulsus erat. atque ubi primum ex alto visa classis, complentur non modo portus et proxima maris², sed mœnia ac tecta, quaque longissime prospectari poterat, mœrentium turba et rogitantium inter se, *silentione an voce aliqua egredientem exciperent*. neque satis constabat quid pro tempore³ foret, quum classis paullatim successit⁴ non alacri, ut assolet, remigio, sed cunctis ad tristitiam compositis. postquam duobus cum liberis, feralem urnam tenens, egressa navi defixit oculos⁵, idem omnium gemitus, neque discerneres proximos, alienos, virorum feminarumve planctus, nisi quod comitatum Agrippinæ longo mœrore fessum obvii et recentes in dolore anteibant.

II. Miserat duas prætorias cohortes Cæsar, addito¹ *ut magistratus Calabriae Apulique et Campani suprema erga memoriam filii sui munera fungerentur*. igitur tribunorum centurionumque humeris cineres portabantur; præcedebant incompta signa², versi fasces; atque ubi colonias transgrederentur, atrata plebes, trabeati Equites³ pro opibus loci vestem, odores, aliaque funerum solennia cremabant. etiam quorum diversa⁴ oppida, tamen obvii et victimas atque aras diis Manibus statuentes, lacrimis et conclamationibus dolorem testabantur. Drusus Tarraeinam progressus est cum Claudio fratre liberisque Germanici, qui in Urbe fuerant. consules M. Valerius et C. Aurelius (jam enim magistratum occuperant⁵) et senatus ac magna pars populi viam complevere, disjecti⁶ et ut cuique libitum flentes. aberat quippe adulatio, gnaris omnibus lætam Tiberio Germanici mortem male dissimulari.

III. Tiberius atque Augusta publico abstinuere,¹ inferius majestate sua rati, si palam lamentarentur, an ne omnium oculis vultum eorum scrutantibus falsi intelligerentur. matrem Antoniam non apud auctores rerum, non diurnâ actorum scripturâ² reperio ullo insigni officio functam, quum super Agrippinam et Drusum et Claudium³ ceteri quoque consanguinei nominatim perscripti sint, seu valetudine præpediebatur, seu victus luctu animus magnitudinem mali perferre visu non toleravit. facilius crediderim Tiberio et Augusta, qui domo non excedebant, cohibitam, ut par mœror, et matris exemplo avia quoque et patruus⁴ attineri viderentur.

Brundisii (*Brindisi*), Calabriae urbe, appellere solebant ex Græcia venientes. — 2. Si jam Sallustius Jug. 48, *fluminis propinqua loca*. — 3. Tempori aptum. — 4. Sc. portum. — 5. Defixis (in terram) oculis stetit.

II. 1. Sc. Jussu. — 2. Sc. illarum cohortium. — 3. *Trabea* (vestis trabibus purpurâ intertexta) erat insigne Equitum, quam tum sumebant, ut funeri splendor per ordinem suum accederet; non est enim doloris indicium, quod in sequentibus inest. Rogos struxerant ac si Germanicus ibi cremandus esset, et vestes sibi detractas injiciebant et alias pretiosas quas attulerant, quasi non amplius lætum visuri diem. — 4. Ab illo itinere dissita, remota. — 5. Anni U. 773, p. Chr. 20. — 6. Non ordine incedentes.

III. 1. Supple: dubium est utrum *inf.* — 2. Actorum scriptura per dies facta. Loquitur de actis diurnis populi Romani, publica auctoritate scriptis, de quibus exposuit *Vict. Le Clerc, des journaux chez les Romains*, p. 217 seqq. — 3. Fratrem Germanici. — 4. Livia et Tiberius.

IV. Dies, quo reliquiae tumulo Augusti inferebantur, modo per silentium vastus ¹, modo ploratus inquit; plena Urbis itinera, collucentes per campum Martis faces ². Illic miles cum armis, sine insignibus magistratus, populus per tribus, *concidisse rempublicam, nihil spei reliquum* clamitabant, promptius apertiusque, quam ut meminisse imperitantium crederes. Nihil tamen Tiberium magis penetravit quam studia hominum accensa in Agrippinam, quum *decus patriæ, solum Augusti sanguinem* ³, *unicum antiquitatis specimen* appellarent, versique ad cælum ac deos *integram illi sobolem ac superstitem iniquorum* precarentur.

V. Fuere qui *publici funeris pompam* ¹ requirerent, compararentque quæ in Drusum, patrem Germanici, honora et magnifica Augustus fecisset. ipsum quippe asperrimo hiemis Ticinum usque progressum, neque abscedentem a corpore, simul urbem intravisse; circumfusas lecto Claudiorum Juliorumque ² imagines; defletum in foro, laudatum pro rostris; cuncta a majoribus reperta, aut quæ posteri invenerint, cumulata. at Germanico ne solitos quidem et cuicumque nobili debitos honores contigisse. sane corpus ob longinquitatem itinerum externis terris quoquo modo crematum: sed tanto plura decora mox tribui par fuisse, quanto prima fors negavisset. non fratrem nisi unius diei via ³, non patruum, saltem porta tenus, obvium. ubi illa veterum instituta? propositam toro effigiem, meditata ad memoriam virtutis carmina ⁴, et laudationes et lacrimas, vel doloris imitamenta?

VI. Gnarum id Tiberio fuit; utque premeret ¹ vulgi sermones, monuit edicto, « multos illustrium Romanorum ob rempublicam obiisse; neminem tam flagranti desiderio celebratum. idque et sibi et cunctis egregium, si modus adjiceretur. non enim eadem decora principibus viris et imperatori populo, quæ modicis domibus aut civitatibus. convenisse recenti dolori luctum, et ex mœrore solatia: sed referendum jam animum ad firmitudinem, ut quondam divus Julius amissa unica filia, ut divus Augustus ereptis nepotibus abstruserint tristitiam. nil opus velustioribus exemplis, quoties populus Romanus clades exercituum, interitum ducum, funditus amissas nobiles familias constanter tulerit: principes mortales, rempublicam æternam esse; proin repeterent solennia, » et quia ludorum Megalesium ² spectaculum suberat, « etiam voluptates resumerent ».

VII. Tum exuto justitio, reditum ad munia; et Drusus Illyricos ad

IV. 1. *Vastus* hic proprio et antiquo sensu dictum pro inani, deserto: ob silentium quasi deserta solitudo erat. — 2. Mos enim erat cereos, funalia, faces gestandi in funere prosequendo. — 3. Quamquam supererant alii ex Augusto per neptem Juliam, sed haud memorabili virtute.

V. 1. Pompam publico funere (quod ipsi datum) vere dignam. — 2. Præter Claudiorum (a patre) et Liviorum (a matre Livia) imagines Augustus Juliorum quoque per honorem concesserat et ob affinitatem: nam neptis Augusti Antonia erat uxor Drusi. — 3. Vide cap. 3. Quanquam duos fratres habebat, *fratrem* dixit, ut ipse Germanicus supra II, 71 (*referatis fratri*) de Druso solo loquitur, neglecto Claudio. Conf. infra c. 18. — 4. A choris publice canenda.

VI. 1. Reprimeret. — 2. Magnæ matris deorum, *μεγάλης (μητρός)*, Nonis Aprilibus celebratorum. Per Saturnalia quæ præcesserant mense Decembri luctus ingens duraverat.

exercitus profectus est, erectis omnium animis petendæ e Pisone ultionis¹, et crebro questu, « quod vagus interim per amœna Asiæ atque Achaïæ, « arroganti et subdola mora scelerum probationes subverteret. » nam vulgatum erat, missam, ut dixi, a Cn. Sentio famosam veneficiis Martinam subita morte Brundisii extinctam, venenumque nodo crinium ejus occultatum, nec ulla in corpore signa sumpti exitii reperta.

VIII. At Piso, præmisso in Urbem filio, datisque mandatis per quæ Principem molliret, ad Drusum pergit : quem haud¹ fratris interitu truncem, quam remoto æmulo æquiores sibi sperabat. Tiberius, quo integrum judicium ostentaret, exceptum comiter juvenem sueta erga filios familiarum nobiles liberalitate auget. Drusus Pisoni, *si vera forent quæ jacerentur, præcipuum in dolore suum locum* respondit; *sed malle falsa et inania, nec cuiquam mortem Germanici exitiosam.* hæc palam et vitato omni secreto; neque dubitabantur præscripta ei a Tiberio, quum incallidus alioqui et facilis juvenia senilibus tum artibus uteretur.

IX. Piso, Dalmatico mari tramisso, relictisque apud Anconam navibus, per Picenum ac mox Flaminiam viam assequitur legionem, quæ e Pannonia in Urbem, dein præsidio Africæ ducebatur : eaque res agitata rumoribus, *ut in agmine atque itinere crebro se militibus ostentavissent*¹. ab Narnia vitandæ suspitionis, an quia pavidis consilia in incerto sunt, Nare ac mox Tiberi devectus auxit vulgi iras, quia navem tumulto Cæsarum² appulerat; dieque et ripa frequenti³, magno clientium agmine ipse, feminarum comitatu Plancina, et vultu alacres incessere. fuit inter irritamenta invidiæ domus foro imminens, festa ornatu⁴, conviviumque et epulæ, et celebritate loci nihil occultum.

X. Postera die Fulcinus Trio Pisonem apud consules postulavit. contra Vitellius ac Veranius, ceterique Germanicum comitati tendebant¹, *nullas esse partes Trioni; neque se accusatores, sed rerum indices et testes mandata Germanici perlaturus.* ille dimissa ejus causæ delatione, *ut priorem vitam accusaret*, obtinuit, petutumque est a Principe, *cognitionem exciperet*². quod ne reus quidem abnuebat, studia populi et Patrum metuens : contra³ *Tiberium spernendis rumoribus validum, et conscientie matris*⁴ *innexum esse; verâque aut in deterius credita judice ab uno facilius discerni, odium et invidiam apud multos valere.* Haud fallebat Tiberium moles cognitionis, quaque ipse fama distraheretur. igitur paucis familiarium adhibitis, minas accusantium et hinc⁵ preces audit, integramque causam ad senatum remittit.

XI. Atque interim Drusus rediens Illyrico, quamquam Patres censuissent ob receptum Maroboduum et res priore æstate gestas ut ovans iniret, prolato¹ honore Urbem intravit. Post quæ reo *L. Arruntium, M. Vinicius*², *Asinium Gallum, Æserninum Marcellum, Sex. Pom-*

VII. 1. Sc. causa, ut supra II, 81.

VIII. 1. *Haud* cape pro *non tam*, propter sequens *quam*.

IX. 1. Gratiam eorum captans. — 2. In campo Martio, inter ripam Tiberis et viam Flaminiam. — 3. Eo tempore diei et ea parte ripæ, quibus frequentia hominum adesse solet. — 4. Lauro, sertis, vespera autem lucernis ante postes appensis.

X. 1. Contendebant. De Trione conf. II, 28. — 2. Inquisitionem causæ suscipere. — 3. Sc. his se solabatur. — 4. Conf. II, 77 et 82. — 5. Et ab altera parte.

XI. 1. Dilato. — 2. Conf. VI, 118. Vitiose codex *Fulnicium*. — 3. Diversa ad excusandum

*peium patronos petenti, iisque diversa excusantibus*³, M. Lepidus et L. Piso et Livineius Regulus affuere, arrecta⁴ omni civitate, *quanta fides amicis Germanici, quæ fiducia reo; satin' cohiberet ac premeret sensus suos Tiberius*. iis haud alias⁵ intentior populus plus sibi in Principem occultæ vocis aut suspicacis silentii permisit.

XII. Die senatus Cæsar orationem habuit meditato temperamento : « patris sui legatum atque amicum Pisonem fuisse, adiutoremque Germanico datum a se, auctore senatu, rebus apud Orientem administrandis. « illic¹ contumacia et certaminibus asperasset juvenem exituque ejus « lætatus esset, an scelere extinxisset, integris animis dijudicandum. « nam si legatus officii terminos, obsequium erga imperatorem exiit, « ejusdemque morte et luctu meo lætatus est, odero seponamque a domo « mea, et privatas inimicitias non vi Principis ulciscar : sin facinus in « cujuscumque mortalium nece vindicandum detegitur, vos vero² et « liberos Germanici et nos parentes justis solatiis afficite. simulque illud « reputate, turbide et seditiose tractaverit exercitus Piso, quæsitæ sint « per ambitionem studia militum, armis repetita provincia, an falsa hæc « in majus vulgaverint accusatores : quorum ego nimis studiis jure succenseo. nam quo pertinuit nudare corpus et contrectandum vulgi oculis « permittere³, differrique etiam per externos, tamquam veneno interceptus esset, si incerta adhuc ista et scrutanda sunt? Desleo equidem « filium meum, semperque deslebo : sed neque reum prohibeo quominus « cuncta proferat, quibus innocentia ejus sublevari, aut, si qua fuit « iniquitas Germanici, coargui possit; vosque oro ne, quia dolori meo « causa connexa est, objecta crimina pro approbatis accipiatis. si quos « propinquus sanguis aut fides sua patronos dedit, quantum quisque eloquentia et cura valet, juvate periclitantem. ad eundem laborem, eandem constantiam accusatores hortor. id solum Germanico super leges « præstiterimus, quod in curia potius quam in foro, apud senatum quam « apud judices de morte ejus anquiritur. cetera pari modestia tractentur. « nemo Drusi lacrimas, nemo mœstitiam meam spectet, nec si qua in « nos adversa finguntur. »

XIII. Exin *biduum criminibus objiciendis statuitur, utque, sex dierum spatio interjecto, reus per triduum defenderetur*. tum Fulcinius vetera et inania orditur, *ambitiose avareque habitam Hispaniam*¹ : quod neque convictum noxæ² reo, si recentia purgaret, neque defensum absolutioni erat, si teneretur majoribus flagitiis. post quem Servæus et Veranius et Vitellius consimili studio, sed multa eloquentia Vitellius, objecere, « odio « Germanici et rerum novarum studio Pisonem vulgus militum per licentiam et sociorum injurias eo usque corrupisse, ut *parens legionum* « a deterrimis appellaretur; contra in optimum quemque, maxime in comites et amicos Germanici, sævisse; postremo ipsum devotionibus et « veneno peremisse : sacra hinc et immolationes nefandas ipsius atque

(et detrectandum hoc munus) proferentibus. — 4. In hoc intenta animis. — 5. Haud alias et ad intentior et ad plus sibi permisit simul referendum.

XII. 1. Supple: utrum. — 2. Tunc vos. — 3. V. II, 75.

XIII. 1. Ubi Piso Augusti legatus fuerat. — 2. Probatum, noxæ sive noxium erat reo. —

« Plancinae ³ : petitam armis rempublicam, utque reus agi ⁴ posset, acie
« victum. »

XIV. Defensio in ceteris trepidavit ¹ : nam neque ambitionem militarem neque provinciam pessimo cuique obnoxiam, ne contumelias quidem adversum imperatorem infitiri poterat : solum veneni crimen visus est diluisse. quod ne accusatores quidem satis firmabant, *in convivio Germanici, quum super eum Piso discumberet, infectos ² manibus ejus cibos* arguentes. quippe absurdum videbatur, inter aliena servitia et tot astantium visu, ipso Germanico coram, id ausum. offerebatque familiam reus et ministros ³ in tormenta flagitabat. Sed iudices per diversa implacabiles erant, Cæsar ob bellum provinciæ illatum, senatus nunquam satis credito sine fraude Germanicum interiisse.... *scripsissent ⁴ expostulantes* : quod haud minus Tiberius quam Piso abnuere. Simul populi ante curiam voces audiebantur, *non temperaturos manibus, si Patrum sententias evasisset.* effigiesque Pisonis traxerant in Gemonias ⁵ ac divellebant, ni jussu Principis protectæ repositæque forent. Igitur inditus lecticæ et a tribuno prætoriæ cohortis deductus est, vario rumore, custos salutis, an mortis exactor sequeretur.

XV. Eadem Plancinae invidia, major gratia; eoque ambiguum habebatur, quantum Cæsari in eam liceret. atque ipsa, donec mediæ ¹ Pisoni spes, *sociam se cujuscumque fortunæ et, si ita ferret, comitem exitii* promittebat. ut secretis Augustæ precibus veniam obtinuit, paulatim segregari a marito, dividere defensionem cœpit. quod reus postquam sibi exitiabile intelligit, an adhuc experiretur dubitans, hortantibus filiis durat mentem, senatumque rursum ingreditur; redintegratamque accusationem, infensas Patrum voces, adversa et sæva cuncta perpessus, nullo magis exterritus est quam quod Tiberium sine miseratione, sine ira, obstinatum clausumque vidit, ne quo affectu perrumperetur. relatus domum, tamquam defensionem in posterum meditaretur, pauca conscribit obsignatque et liberto tradit. tum solita curando corpori exsequitur ². dein multam post noctem, egressa cubiculo uxore, *operiri fores* jussit: et cœpta luce perfosso jugulo, jacente humi gladio, repertus est.

XVI. Audire me memini ex senioribus, visum sæpius inter manus Pisonis libellum, quem ipse non vulgaverit; sed amicos ejus dictitavisse, « litteras Tiberii et mandata in Germanicum contineri, ac destinatum ¹ « promere apud Patres, Principemque arguere, ni elusus a Seiano per « vana promissa foret; nec illum sponte extinctum, verum immisso per- « cussore. » » quorum neutrum asseveraverim; neque tamen oculere debui narratum ab iis, qui nostram ad juventam duraverunt. Cæsar, flexo in mœstitiam ore, *suam invidiam tali morte quæsitam*, apud senatum ²;

3. V. II, 73. — 4 In iudicium adduct.

XIV. 1. Infirma fult. — 2. Sc. veneno. — 3. Sc. Germanici. — 4. Quædam hic verba perierunt, quibus indicabatur quænam scripta senatores ad causam cognoscendam vel accusatores expostulassent. — 5. Sc. scalas, locum præcipitem in clivo Capitolino, per quem capitis damnati et interfecti uncis in Tiberim trahebantur. *Divellebant*, in eo erant ut tractas divellerent; quod fecissent, *ni* etc.

XV. 1. Ambiguae inter absolutionem et condemnationem. — 2. Lavat, ungitur, fricatur, extergitur, cœnat.

XVI. 1. Sc. fuisse Pisoni. — 2. Sc. dicit; si quidem locus hic integer est, de qua re

crebrisque interrogationibus exquirat, *qualem Piso diem supremum noctemque exegisset*, atque illo³ pleraque sapienter, quædam inconsultius respondente, recitat codicillos a Pisone in hunc ferme modum compositos : « Conspiratione inimicorum et invidia falsi criminis oppressus, « quatenus veritati et innocentiae meae nusquam locus est, deos immortales testor vixisse me, Cæsar, cum fide adversum te, neque alia in matrem tuam pietate; vosque oro, liberis meis consulatis, ex quibus Cn. « Piso qualicumque fortunæ meae non est adjunctus, quum omne hoc « tempus in Urbe egerit, M. Piso repetere Syriam dehortatus est⁴. atque « utinam ego potius filio juveni, quam ille patri seni cessisset. eo impensius precor, ne meae pravitatis poenas innoxius luat. per quinque et quadraginta annorum obsequium, per collegium consulatus⁵, quondam « divo Augusto parenti tuo probatus, et tibi amicus, nec quidquam post hæc rogaturus, salutem infelicis filii rogo. » de Plancina nihil addidit.

XVII. Post quæ Tiberius adolescentem crimine civilis belli purgavit (*patris quippe iussa nec potuisse filium detrectare*), simul *nobilitatem domus, etiam ipsius quoquo modo meriti gravem casum* miseratus. pro Plancina cum pudore et flagitio¹ disseruit, *matris preces* obtendens, in quam optimi cujusque secreti questus magis ardescebant : « id ergo fas aviae, interfetricem nepotis aspicere, alloqui, eripere senatui. quod « pro omnibus civibus leges obtineant, uni Germanico non contigisse. Vitiellii et Veranii voce desletum Cæsarem : ab Imperatore et Augusta defensam Plancinam. perinde venena et artes tam feliciter expertas verteret in Agrippinam, in liberos ejus, egregiamque aviam ac patrum sanguine miserrimæ domus exsatiaret. » Biduum super hæc² imagine cognitionis absumptum, urgente Tiberio liberos Pisonis, *matrem uti tuerentur*. et quum accusatores ac testes certatim perorarent, respondente nullo, miseratio³ quam invidia augebatur. primus sententiam rogatus Aurelius Cotta consul (nam referente⁴ Cæsare, magistratus eo etiam munere fungebantur), « nomen Pisonis radendum fastis » censuit, « partem bonorum publicandam; pars ut Cn. Pisoni filio concederetur, isque prænomen mutaret; M. Piso, exuta dignitate⁵ et accepto quinquagies sestertio, in decem annos relegatur⁶, concessa Plancinae incolumitate ob preces Augustæ. »

XVIII. Multa ex ea sententia mitigata sunt a Principe : *ne nomen Pisonis fastis eximeretur, quando M. Antonii, qui bellum patriæ fecisset, Iuli Antonii, qui domum Augusti violasset, manerent*. et M. Pisonem ignominiae exemit, concessitque ei paterna bona, satis firmus, ut sæpe memoravi, adversum pecuniam, et tum pudore absolutæ Plancinae¹

etiam sequens illo dubitare sinit. — 3. Videtur esse libertus, cui Piso scripta obsignata tradiderat. — 4. Supra II, 76. — 5. Cum Tiberio consul fuerat anni U. 747, cum Augusto anni 751.

XVII. 1. Ita ut hoc ei esset pudor (res pudenda) et flagitium. — 2. Præterea. — 3. Sc. potius. — 4. Proponente senatui ad decernendum, scil. ut in hac causa etiam magistratus, consules, prætores, etc., sententiam cum ceteris senatoribus rogarentur; id quod ante Imperatores nunquam factum. — 5. Sc. senatoria. — 6. Dici debebat *relegaretur*: sed Tacitus reliqua sententiæ a Cotta dictæ narrando exsequitur, ut simul indicet vere relegatum esse. *Quinquagies sest.*, ferme 2,000,000.

XVIII. 1. Eo quod pudebat ipsum absolutionis Plancinae.

placabilior. Atque idem, quum Valerius Messalinus *signum aureum in æde Martis Ultoris*, Cæcina Severus *aram ultioni statuendam* censuissent, prohibuit, *ob externas ea victorias sacrari dictitans, domestica mala tristitia* ² *operienda*. Addiderat Messalinus, *Tiberio et Augustæ et Antoniae et Agrippinæ Drusoque ob vindictam Germanici grates agendas*, omiseratque Claudii mentionem. et Messalinum quidem L. Asprenas senatu coram percunctatus est, *an prudens præterisset*; ac tum demum nomen Claudii ³ ascriptum est. mihi, quanto plura recentium seu veterum revolve, tanto magis ludibria rerum mortalium cunctis in negotiis obversantur. quippe fama, spe, veneratione potius omnes destinabantur imperio, quam quem futurum Principem fortuna in occulto tenebat.

XIX. Paucis post diebus Cæsar auctor senatui fuit *Vitellio atque Verranio et Servæo sacerdotia tribuendi*. Fulcinio *suffragium ad honores pollicitus*, monuit *ne facundiam violentia præcipitaret*. Is finis fuit ¹ *ulciscenda Germanici morte*, non modo apud illos homines qui tum agebant, etiam secutis temporibus vario rumore jactata. adeo maxima quæque ambigua sunt, dum alii quoquo modo audita pro compertis habent, alii vera in contrarium vertunt, et gliscit utrumque posteritate. At Drusus Urbe egressus repetendis auspiciis ², mox ovans introiit. paucosque post dies Vipsania mater ejus excessit, una omnium Agrippæ liberorum miti obitu. nam ceteros manifestum ferro, vel creditum est veneno aut fame extinctos ³.

XX. Eodem anno Tacfarinas, quem priore æstate pulsum a Camillo memoravi ¹, bellum in Africa renovat, vagis primum populationibus et ob pernecitatem inultis, dein vicos jexscindere, trahere graves prædas; postremo haud procul Pagida flumine ² cohortem Romanam circumsegit. præerat castello Decrius, impiger manu, exercitus militia, et illam obsidionem flagitii ³ ratus. is cohortatus milites, *ut copiam pugnae in aperto facerent*, aciem pro castris instruit. primoque impetu pulsa cohorte, promptus inter tela occursat fugientibus, increpat signiferos, *quod inconditis aut desertoribus miles Romanus terga daret*; simul excepta ⁴ vulnera, et quamquam transfosso oculo, adversum os in hostem intendit ⁵, neque prælium omisit, donec desertus suis caderet.

XXI. Quæ postquam L. Apronio (nam Camillo successerat) comperta, magis dedecore suorum quam gloria hostis anxius, raro ea tempestate et e vetere memoria facinore decumum quemque ignominiosæ cohortis sorte ductos fusti necat. tantumque severitate profectum, ut vexillum veteranorum, non amplius quingenti numero, easdem Tacfarinatis copias, præsidium cui Thala nomen aggressas, fuderint. quo prælio Rufus Helvius, gregarius miles, servati civis decus retulit, donatusque est ab Apronio

2. Tristi, lugente silentio. — 3. Postea imperatoris.

XIX. 1. Factus est in *ulc.* etc. — 2. Lex erat: *Proconsul portam Romæ ingressus deponit imperium*. Jam exit Urbe ut imperium resumeret et honore dilato (v. cap. II) potiretur. — 3. De Caio, Lucio et Postumo supra memoratum I, 3 et 6, de Julia infra IV, 71, de Agrippina VI, 23.

XX. 1. II, 62. — 2. Fortasse *Abeadh* in Constantina provincia. — 3. Sc. esse; flagitiosam, probrosam Romanis. — 4. Sc. a Decrio. — 5. Obvertit.

torquibus et hasta. Cæsar addidit civicam coronam, *quod non eam quoque Apronius jure proconsulis tribuisset*, questus magis quam offensus. Sed Tacfarinas, percussis Numidis et obsidia aspernantibus, spargit ¹ bellum, ubi instaretur, cedens, ac rursum in terga remeans. et dum ea ratio barbaro fuit, irritum ² fessumque Romanum impune ludificabatur : postquam deflexit ad maritimos locos, illigatus ³ præda stativis castris adhaerebat. missu patris Apronius Cæsianus cum equite et cohortibus auxiliariis, quos velocissimos legionum addiderat, prosperam adversum Numidas pugnam facit, pellitque in deserta.

XXII. At Romæ Lepida, cui super Æmiliorum decus L. Sulla ac Cn. Pompeius proavi erant, defertur « simulavisse partum ex P. Quirino ¹, « divite atque orbo. adjiciebantur adulteria, venena, quæsitumque per « Chaldæos in domum Cæsaris ², » defendente ream Manio Lepido fratre. Quirinus post dictum repudium adhuc infensus ³ quamvis infami ac nocenti miserationem addiderat. Haud facile quis dispexerit illa in cognitione mentem Principis : adeo vertit ac miscuit iræ et clementiæ signa. deprecatus primo senatum, *ne majestatis crimina tractarentur*, mox M. Servilium e consularibus aliosque testes illexit ad proferenda quæ velut reticere voluerat ⁴. idemque servos Lepidæ, quum militari custodia haberentur ⁵, transtulit ad consules, neque per tormenta interrogari passus est de his, quæ ad domum suam pertinerent. exemit etiam Drusum, consulem designatum ⁶, dicendæ primo loco sententiæ; quod alii civile rebantur, *ne ceteris assentiendi necessitas fieret*; quidam ad sævitiam trahebant : *neque enim cessurum nisi damnandi officio* ⁷.

XXIII. Lepida ludorum ¹ diebus, qui cognitionem intervenerant, theatrum cum claris feminis ingressa, lamentatione flebili *maiores suos* ciens, *ipsumque Pompeium*, cujus ea monumenta ² et astantes imagines visebantur, tantum misericordiæ permovit, ut effusi in lacrimas *sæva et detestanda Quirino* clamitarent ³, *cujus senectæ atque orbitati et obscurissimæ domui destinata quondam uxor L. Cæsari* ⁴ *ac divo Augusto nurus dederetur*. dein tormentis servorum patefacta sunt flagitia, itumque in sententiam ⁵ Rubellii Blandi, a quo aqua atque igni arcebatur ⁶. huic Drusus assensit, quamquam alii mitius censuissent. mox Scauro, qui filiam ex ea genuerat, datum ne bona publicarentur. tum demum aperuit Tiberius, *compertum sibi etiam ex P. Quirini servis, veneno eum a Lepidâ petutum*.

XXI. 1. Diversis locis vagando facit. — 2. Cujus aggressiones irritæ reddebantur. — 3. Impeditus, onere detentus.

XXII. 1. Marito, qui ante viginti annos eam repudiaverat. — 2. Quod astrologos jussisset inquirere in fata Cæsaris et propinquorum. — 3. Inimicitia et exacerbatio Quirini, quæ vel post repudium durabat, conciliabat hominum misericordiam Lepidæ. — 4. Quæ simulaverat se velle reticere. *Velut* simulationem indicat. — 5. Quæ ita agebatur, ut rei dextrum brachium sinistro militis adstrictum catena esset. Hac eos liberat Tiberius et consulum fidei committit. — 6. Consules designati etiam reipublicæ tempore primi sententiam dicebant. — 7. Nam primam sententiam alii non cessurum fuisse Tiberium nisi in officio *damnandi*, nisi damnandi officium in hac causa incumbere judici credidisset.

XXIII. 1. Sc. Romanorum, qui celebrabantur ab Nonis ad Idus Septembres (a quinto usque ad decimum tertium diem ejus mensis). — 2. Theatrum Pompei; v. ad XIV. 20. — 3. Imprecarentur. — 4. Lucio, Agrippæ filio, quem Augustus adoptaverat. — 5. Sc. a plurimis. *Ire in sententiam*, quia senatores ejusdem sententiæ colligebantur circa eum, qui primus eam dixerat. — 6. In exilium pellebatur.

XXIV. Illustrium domuum adversa (etenim haud multum distante tempore Calpurnii Pisonem, Æmilii Lepidam amiserant) solatio affecit D Silanus Juniae familiae redditus. casum ejus paucis repetam¹. Ut valide divo Augusto in rempublicam fortuna², ita domi improspera fuit ob impudicitiam filiae ac neptis, quas Urbe depulit adulterosque earum morte au fuga punivit. nam culpam inter viros ac feminas vulgatam gravi nomine *læsarum religionum ac violatæ majestatis* appellando clementiam majorum suasque ipse leges egrediebatur. sed aliorum exitus, simul cetera illius ætatis memorabo, si effectis in quæ tendi³, plures ad curas⁴ vitam produxero. D. Silanus, in nepti Augusti adulter, quamquam non ultra foret sævitum quam ut amicitia Cæsaris prohiberetur⁵, exsilium sibi demonstrari intellexit, nec nisi Tiberio imperitante deprecari senatum ac Principem ausus est, M. Silani fratris potentia, qui per insignem nobilitatem et eloquentiam præcellebat. sed Tiberius grates agenti Silano Patribus coram respondit, « se quoque lætari quod frater ejus e peregrinatione « longinqua revertisset; idque jure licitum, quia non senatusconsulto, « non lege pulsus foret. sibi tamen adversus eum integras parentis sui offensiones, neque reditu Silani dissoluta quæ Augustus voluisset. » fuit posthac in urbe neque honores adeptus est.

XXV. Relatum deinde de moderanda Papia Poppæa¹, quam senior Augustus post Julias rogationes² incitandis cælibum pœnis et augendo ærario³ sanxerat: nec ideo conjugia et educationes liberum frequentabantur, prævalida⁴ orbitate. ceterum multitudo periclitantium gliscebatur⁵, quum omnis domus delatorum interpretationibus⁶ subverteretur; utque antehac flagitiis, ita tunc legibus laborabatur. ea res admonet ut de principiis juris et quibus modis ad hanc multitudinem infinitam ac varietatem legum perventum sit, altius disseram.

XXVI. Vetustissimi mortalium, nulla adhuc mala libidine, sine probro, scelere, eoque sine pœna aut coercionibus agebant: neque præmiis opus erat, quum honesta suoapte ingenio peterentur; et ubi nihil contra morem cuperent, nihil per metum vetabantur. at postquam exui æqualitas, et pro modestia ac pudore ambitio et vis incedebat, provenere dominationes, multosque apud populos æternum mansere. quidam statim, aut postquam regum pertæsum, leges maluerunt. hæ primo, rudibus hominum animis, simplices erant; maximeque fama celebravit Cretensium, quas Minos, Spartanorum, quas Lycurgus; ac mox Atheniensibus quæsitiones jam et plures Solo perscripsit. nobis Romulus, ut libitum, imperitaverat; dein

XXIV. 1. Ab initio narrabo. — 2. Fortuna qua utebatur in rebus ad rempublicam spectantibus. — 3. Pro *tetendi*: iis in quæ animum intendi. — 4. Curæ sæpe dicuntur scripta studiose elaborata, ut Græcis μελέται. — 5. Qui domo sua ei interdixerat.

XXV. 1. Sc. lege, quæ Augusti jussu a. U. 762 sancita a consulibus subrogatis M. Papio Mutilo, Q. Poppæo secundo, dicta *de maritandis ordinibus*, res ad matrimonia et sanctitatem morum conjugialium spectantes saluberrime constituens. — 2. Legem Juliam item *de maritandis ordinibus* a. U. 737 latam; aliquoties renovata, ob hoc et titulorum distinctorum copiam sæpe plurali numero dicta. — 3. Vide c. 22. — 4. Ob mores dissolutos Urbis et hereditas, qui orbos omni studio colebant. — 5. Augebatur. — 6. Non delationibus simpliciter, ut in culpa non manifesta, sed *interpretationibus*, quia ex statu, conditione, consuetudinibus hominum elicienda erat culpa interpretando. Conf. c. 23.

Numa religionibus et divino jure populum devinxit, repertaque quædam a Tullo et Anco : sed præcipuus Ser. Tullius sanctorum legum fuit, quis etiam reges obtemperant.

XXVII. Pulso Tarquinio adversum patrum¹ factiones multa populus paravit, tuendæ libertatis et firmandæ concordie; creatique decemviri, et accitis quæ usquam egregia, compositæ duodecim tabulæ, finis æqui² juris. nam secutæ leges, etsi aliquando in maleficos ex delicto, sæpius tamen dissensione ordinum et apiscendi illicitos honores aut pellendi claros viros³ aliæque ob prava per vim latæ sunt. hinc Gracchi et Saturnini turbatores plebis, nec minor largitor nomine senatus Drusus⁴; corrupti spe aut illusi per intercessionem⁵ socii. ac ne bello quidem Italico, mox civili⁶, omissum quin multa et diversa sciscerentur, donec L. Sulla dictator abolitis vel conversis prioribus, quum plura addidisset, otium ejus rei⁷ haud in longum paravit, statim turbidis Lepidi rogationibus⁸, neque multo post tribunis reddita licentia, quoque vellent, populum agitando⁹. jamque non modo in commune, sed in singulos homines latæ quæstiones¹⁰; et corruptissima republica plurimæ leges.

XXVIII. Tum Cn. Pompeius tertium consul corrigendis moribus delectus¹, et gravior remediis² quam delicta erant, suarumque legum auctor idem ac subversor³, quæ armis tuebatur, armis amisit. exin continua per viginti annos⁴ discordia: non mos, non jus; deterrima quæque impune, ac multa honesta exitio fuere. sexto demum consulatu⁵ Caesar Augustus potentie securus, quæ triumviratu jusserat, abolevit, deditque jura quis pace et Principe⁶ uteremur. acriora ex eo vincla, inditi⁷ custodes, et lege Papia Poppæa præmiis inducti, ut, si a privilegiis parentum cessaretur, velut parens omnium populus vacantia teneret.⁸ sed altius penetrabant⁹, Urbemque et Italiam, et quod usquam civium, corripuerant, multorumque excisi status¹⁰: et terror omnibus intentabatur, ni Tiberius statuendo remedio quinque consularium, quinque e prætoriiis, totidem e cetero senatu sorte duxisset, apud quos exsoluti plerique legis nexus¹¹ modicum in præsens levamentum fuere.

XXVII. 1. Patriciorum. — 2. Sc. omnibus. Hoc dicit: in quibus est consummatio juris aequaliter pro omnibus ordinibus civitatis constituti et eorum consensu accepti. — 3. Sc. causa, ut modo, *tuendæ libertatis*. — 4. M. Livius Drusus tribunus plebis, qui a. U. 607, ut senatui judicia a Gracchis erepta redderet, civitatem Latinis, plebi agros promittebat: semina exitiosi belli socialis sive Italici. — 5. Sc. tribunorum plebis. — 6. Inter Marium et Sullam. — 7. Legum ferendarum. — 8. Quibus abrogare Cornelias (Sullæ) leges et acta Sullæ rescindere tentabat, Marianas partes suscitaturus. — 9. Lege tribunicia a Pompeio Magno a. U. 684 lata. — 10. *Privilegia* dicta, in XII Tabulis vetita: v. Cicero Leg. III, 19, Orat. pro domo c. 17.

XXVIII. 1. Anno U. 702, per septem menses sine collega. — 2. Cujus remedia graviora erant (civitatem magis premebant) quam ipsa delicta. — 3. In leges, quas de adipiscendis et gerendis magistratibus tulerat, ipse violenter peccavit. — 4. Hinc usque ad pugnam Actiacam a. U. 723. — 5. A. U. 726. — 6. Non sine aculeo dictum: secundum quæ in pace, sed sub Principe ageremus. — 7. Additi in legibus. *Custodes*, alibi *observatores*, honeste dicuntur accusatores et delatores. — 8. Sententia: hoc modo ex universo populo excitabantur accusatores, ut, si homines cunctarentur ineundis matrimonii capessere emolumenta destinata iis, qui liberos suscepissent, populus tanquam parens omnium in bonorum vacuum possessionem perveniret. — 9. Sc. quam lege jussi erant. — 10. Sc. civiles; eorum securæ et legibus tuta conditio. — 11. Ex quorum arbitrio quum permulta vincla severæ illius legis sive laxarentur sive plane solverentur, *modicum*, etc.

XXIX. Per idem tempus Neronem, e liberis Germanici, jam ingressum juventam commendavit Patribus, utque *munere capessendi vigintiviratus* ¹ solveretur et quinquennio maturius quam per *leges quæsituram peteret*, non sine irrisu audientium postulavit. prætendebat sibi atque fratri decreta eadem petente Augusto. sed neque tum ² fuisse dubitaverim, qui ejusmodi preces occulti illuderent: ac tamen initia fastigii Caesaribus erant, magisque in oculis vetus mos et privignis cum vitrico levior necessitudo quam avo adversum nepotem. additur pontificatus et, quo primum die forum ingressus est ³, congiarium plebi, admodum lætæ, quod Germanici stirpem jam puberem aspiciebat. auctum dehinc gaudium nuptiis Neronis et Juliæ Drusi filiæ. Utque hæc secundo rumore, ita adversis animis acceptum, quod filio Claudii socer Sejanus destinaretur. poluisse nobilitatem familiæ videbatur ⁴ suspectumque jam nimiae spei ⁵ Sejanum ultra extulisse.

XXX. Fine anni concessere vita insignes viri, L. Volusius et Sallustius Crispus. Volusio vetus familia neque tamen præturam egressa: ipse consulatum intulit, censoria etiam potestate legendis Equitum decuriis ¹ functus, opumque, quis domus illa immensum vixit, primus accumulator. Crispum equestri ortum loco C. Sallustius, rerum Romanarum florentissimus auctor, sororis nepotem in nomen ascivit. atque ille, quamquam prompto ad capessendos honores aditu, Mæcenatem æmulatus, sine dignitate senatoria multos triumphalium consulariumque potentia anteit, diversus a veterum instituto per cultum et munditias, copiaque et affluentia luxu ² propior: suberat tamen vigor animi ingentibus negotiis par, eo acrior quo somnum et inertiam magis ostentabat. igitur incolumi Mæcenate proximus, mox præcipuus cui secreta Imperatorum inniterentur, et interficiendi Postumi Agrippæ conscius, ætate profecta speciem magis in amicitia Principis quam vim tenuit. idque et Mæcenati acciderat, fato potentiae, raro sempiternæ, an ³ satias capit aut illos, quum omnia tribuerunt, aut hos, quum jam nihil reliquum est quod cupiant.

XXXI. Sequitur Tiberii quartus, Drusi secundus consulatus ¹, patris atque filii collegio insignis: nam biennio ante Germanici cum Tiberio idem honor neque patruo lætus neque natura tam connexus fuerat. Ejus anni principio Tiberius quasi firmandæ valetudini in Campaniam concessit, longam et continuam absentiam ² paullatim meditans, sive ut amoto patre Drusus munia consulatus solus impleret. ac forte parva res magnum ad certamen progressa præbuit juveni materiem apiscendi favoris. Domitius Corbulo prætura functus, de L. Sulla, nobili juvene questus est apud

XXIX. 1. Qui sub Imperatoribus primus gradus honorum; erant autem illi *vigintiviri: triumviri capitales, triumviri monetales, quattuorviri viales, decemviri litibus judicandis*. His ex muneribus unum gessisse debebat is qui quæsturam peteret.—2. Quum Augustus ea peteret.—3. *Tirocinii* die.—4. Sc. Tiberius.—5. Quod nimis alta speraret.

XXX. 1. Equites divisi erant in *turmas* triginta hominum vel trium decuriarum. Non satis liquet tamen, Volusio mandatum munus fuerit ordinem equestrem supplendi, an *judicium* decurias legendi: nam Equites judicabant.—2. Dativus, pro *luxu*.—3. Hæc particula alteram quæ cogitari potest rationem saepe indicat Tacitus.

XXXI. 1. Annus U. 774, p. Chr. 21.—2. Qua quinquennio post Tiberius Roma secessit.

senatum, quod sibi inter spectacula gladiatorum loco non decessisset. pro Corbulone ætas, patrius mos, studia seniorum erant: contra Mamercus Scaurus et L. Arruntius alique Sullæ propinqui nitebantur³. certabant orationibus, et memorabantur *exempla majorum*, qui *juventutis irreverentiam gravibus decretis notavissent*⁴, donec Drusus apta temperandis animis disseruit; et satisfactum Corbuloni per Mamercum, qui patruus simul ac vitricus Sullæ et oratorum ea ætate uberrimus erat. Idem Corbulo, *plurima per Italiam itinera fraude mancipum*⁵ et *incuria magistratuum interrupta et impervia* clamitando, executionem ejus negotii libens suscepit: quod haud perinde publice usui habitum quam exitiosum multis, quorum in pecuniam atque famam damnationibus et hasta⁶ sæviebat.

XXXII. Neque multo post, missis ad senatum litteris, Tiberius *molem rursum Africam incursu Tacfarinatis docuit, judicioque Patrum deligendum pro consule gnarum militiæ, corpore validum et bello suffecturum*. quod initium Sex. Pompeius agitando adversus M^l. Lepidum odii nactus, *ut socordem, inopem et majoribus suis dedecorum, eoque etiam Asiæ sorte*² *depellendum*, incusavit, adverso senatu, qui *Lepidum mitem magis quam ignavum; paternas*³ *ei angustias et nobilitatem sine probro actam honori*⁴ *quam ignominiae habendam ducebat*. igitur missus in Asiam, et de Africa decretum, *ut Cæsar legeret cui mandanda foret*.

XXXIII. Inter quæ Severus Cæcina censuit, *ne quem magistratum, cui provincia obvenisset, uxor comitaretur*, multum ante repetito « concor-
dem sibi conjugem et sex partus enixam, seque, quæ in publicum
« statueret, domi servavisse, cohibita¹ intra Italiam, quamquam ipse
« plures per provincias quadraginta stipendia explevisset. haud enim
« frustra placitum olim, ne feminae in socios aut gentes externas traherentur
« inesse mulierum comitatui quæ pacem luxu, bellum formidine
« morentur, et Romanum agmen ad similitudinem barbari² incessus convertant.
« non imbecillum tantum et imparem laboribus sexum, sed, si
« licentia assit, sævum, ambitiosum, potestatis avidum; incedere inter
« milites, habere ad manum centuriones; præsedisse nuper feminam³
« exercitio cohortium, decursu legionum. cogitarent ipsi, quoties repetundarum
« aliqui arguerentur, plura uxoribus objectari; his statim ad hærescere
« deterrimum quemque provincialium; ab his negotia suscipi, transigi;
« duorum egressus coli, duo esse prætoria, pervicacibus magis
« et impotentibus⁴ mulierum jussis, quæ Oppiis⁵ quondam aliisque le-

— 3. Jungendum contra-nitebantur. — 4. Rien ne maintient plus les mœurs qu'une extrême subordination des jeunes gens envers les vieillards. MONTESQUIEU. — 5. Les entrepreneurs. — 6. Publica venditione, cujus signum erat hasta in foro posita.

XXXII. 1. Manium. — 2. Asiæ et Africæ administratio ex usu duobus consularibus vetustissimis mandabatur: jam Africa alii pro dignitate committenda, ad Lepidum consularem redibat Asia. — 3. A patre ortas, non ipsius culpa contractas. — 4. Sc. potius, ut sæpe.

XXXIII. 1. Retenta (uxore). — 2. Germani, Galli, Persæ uxores secum ducebant in expeditionibus. — 3. Plancinam: v. II, 33. — 4. Sui non potentibus, immoderatis. — 5. Oppia lex lata a. U. 541, de qua re v. narrationem Livii lib. 34 initio.

« gibus constrictæ, nunc vinclis exsolutis domos, fora, jam et exercitus
« regerent. »

XXXIV. Paucorum hæc assensu audita, plures obturbabant, *neque
relatum* ¹ *de negotio neque Cæcinam dignum tantæ rei censorem.*
mox Valerius Messalinus, cui parens Messala ², ineratque imago paternæ
facundiæ, respondit « multa duritiæ ³ veterum in melius et lætius mutata :
« neque enim, ut olim, obsideri Urbem bellis aut provincias hostiles esse.
« et pauca feminarum necessitatibus concedi, quæ ne conjugum quidem
« penates ⁴, adeo socios non onerent ; cetera promiscua cum marito, nec
« ullum in eo pacis impedimentum. bella plane ⁵ accinctis obeunda : sed
« revertentibus post laborem quod honestius quam uxorium levamentum ?
« At quasdam in ambitionem aut avaritiam prolapsas. quid ? ipsorum
« magistratuum nonne plerosque variis libidinibus obnoxios ? non tamen
« ideo neminem in provinciam mitti. corruptos sæpe pravitatibus uxorum
« maritos : num ergo omnes cælibes integros ? placuisse quondam Oppias
« leges, sic temporibus reipublicæ postulantis : remissum aliquid post-
« ea ⁶ et mitigatum, quia expedierit. frustra nostram ignaviam alia ad
« vocabula transferri : nam viri in eo culpam, si femina modum excedat.
« porro ob unius aut alterius imbecillum animum male eripi maritis con-
« sortia rerum secundarum adversarumque. simul sexum natura invalidum
« deserui et exponi suo luxu, cupidinibus alienis. vix præsentī custodia
« manere illæsa conjugia : quid fore, si per plures annos in modum disci-
« dii oblitterentur ? Sic obviam irent iis quæ alibi ⁷ peccarentur, ut fla-
« gitiorum Urbis meminissent. » Addidit pauca Drusus de matrimonio
suo : « nam Principibus adeunda sæpius longinqua imperii. quoties divum
« Augustum in Occidentem atque Orientem meavisse comite Livia ? se quo-
« que in Illyricum profectum, et, si ita conducat, alias ad gentes iturum,
« haud semper æquo animo, si ab uxore carissima et tot ⁸ communium
« liberorum parente divelleretur. » Sic Cæcinæ sententia elusa.

XXXV. Et proximi senatus die Tiberius per litteras, castigatis oblique
Patribus, *quod cuncta curarum ad Principem rejicerent*, M. Lepidum
et Junium Blæsum nominavit, ex quis proconsul Africæ legeretur. tum
audita amborum verba, intentius excusante se Lepido, quum *valetudi-
nem corporis, ætatem liberum, nubilem filiam* obtenderet, intellige-
returque etiam quod silebat, avunculum esse Sejani Blæsum atque eo
prævalidum. respondit Blæsus specie recusantis, sed neque eadem asse-
vatione, et consensu adulantium haud jutus est. ¹

XXXVI. Exin promptum ¹, quod multorum intimis questibus tegebatur.
incedebat enim deterrimo cuique licentia impune probra et invidiam in
bonos excitandi, arrepta imagine Cæsaris ² ; libertique etiam ac servi
patrono vel domino quum voces, quum manus intentarent, ultro metue-

XXXIV. 1. Sc. ad senatum. — 2. De quo v. in dialogo de oratoribus. — 3. Genitivus, nisi explicare malis : multa mutata in melius et lætius quam duri mores veterum tulerint. — 4. Rem familiarem. Adeo non, nedum, multo minus. — 5. Verte : sans doute, les guerres, etc. Accincti sc. cingulo cum gladio. — 6. A. U. 889, renitente Catone, et iterum. — 7. In provinciis. — 8. Trium.

XXXV. 1. Nam si adulantium vocibus adjutus esset, vere eum et ex animi sententia recusasse patuisset.

XXXVI. 1. Prolatum est. — 2. Nam eam tenentes pro inviolabilibus habebantur.

bantur. igitur C. Cestius senator disseruit « Principes quidem instar deorum esse : sed neque a diis nisi justas supplicum preces audiri, neque quemquam in Capitolium aliave Urbis templa perferre, ut eo subsidio ad flagitia utatur. abolitas leges et funditus versas, ubi in foro, in limine curiæ, ab Annia Rufilla, quam fraudis sub iudice damnavisset³, probra sibi et minæ intendantur, neque ipse audeat jus experiri ob effigiem Imperatoris oppositam. » Haud dissimilia alii, et quidam atrociora circumstrebebant; precabanturque Drusum, *daret ultionis exemplum*, donec accitam convictamque attineri publicâ custodiâ jussit.

XXXVII. Et Considius Æquus et Cælius Cursor, Equites Romani, quod fictis majestatis criminibus Magium Cæcilianum prætorem petivissent, auctore Principe ac decreto senatus puniti. Utrumque in laudem Drusi trahebatur : « ab eo in Urbe inter cœtus et sermones hominum obversante secreta patris¹ mitigari, » neque luxus in juvene adeo displicebat : « huc potius intenderet, diem ædificationibus, noctem conviviis traheret, quam solus et nullis voluptatibus avocatus mœstam vigilantiam et malas curas exerceret. »

XXXVIII. Non enim Tiberius, non accusatores fatiscebant. Et Ancharius Priscus Cæsium Cordum, pro consule Cretæ, postulaverat repetundis, addito majestatis crimine, quod tum omnium accusationum complementum erat. Caesar Antistium Veterem, e primoribus Macedoniæ¹, absolutum adulterii, increpitis iudicibus ad dicendam majestatis causam retraxit ut turbidum et Rhescuporidis consiliis permixtum, qua tempestate Cotye fratre² interfecto bellum adversus nos voverat. igitur *aqua et igni interdictum reo, appositumque ut teneretur insula neque Macedoniæ neque Thraciæ opportuna*³. Nam Thracia, diviso imperio in Rhœmetalcen et liberos Cotyis, quis ob infantiam tutor erat Trebellienus Rufus, insolentia nostri discors agebat, neque minus Rhœmetalcem quam Trebellienum incusans, popularium injurias inultas sinere. Cœletæ Odrusæque et alii, validæ nationes, arma cepere, ducibus diversis et paribus inter se per ignobilitatem : quæ causa fuit, ne in bellum atrox coalescerent. pars turbant præsentia, alii montem Hæmum transgrediuntur, ut remotos populos concirent : plurimi ac maxime compositi regem urbemque Philippopolim a Macedone Philippo sitam⁴ circumsidunt.

XXXIX. Quæ ubi cognita P. Velleio (is proximum exercitum præsedebat), alarios¹ equites ac leves cohortium mittit in eos, qui prædabund aut assumendis auxiliis vagabantur. ipse robur peditum ad exsolvendum obsidium ducit. simulque cuncta prospere acta, cæsis populatoribus et dissensione orta apud obsidentes regisque opportuna eruptione et adventu legionis. neque aciem aut prælium dici decuerit, in quo semermi ac palantes trucidati sunt sine nostro sanguine.

XL. Eodem anno Galliarum civitates ob magnitudinem æris alieni re-

—3. Perfecisset ut ab iudice damnetur.

XXXVII. 1. Sævitiâ quam pater secreto tegeret.

XXXVIII. 1. Haud dubie civitate donatum; aut ab Romano adoptatum, ob nomen latinum. — 2. Laxius dictum, sed non adversante usu. *Fratris filius* erat; v. II, 64. —

3. In quam ex neutra terra navibus perveniri facile posset. — 4. Positam, conditam.

XXXIX. 1. Id est sociorum, oppositi legionariis equitibus.

bellionem cœptavere, cujus exstimulator acerrimus inter Treveros Julius Florus, apud Æduos Julius Sacrovir. nobilitas ambobus et majorum bona facta, eoque Romana civitas olim data, quum id rarum nec nisi virtuti pretium esset. ii secretis colloquiis ferocissimo quoque assumpto, aut quibus ob egestatem ac metum ex flagitiis maxima peccandi necessitudo, componunt ¹ Florus Belgas, Sacrovir propiores Gallos concire. igitur per conciliabula et cœtus seditiosa disserebant « de continuatione tributorum, « gravitate fœnoris ², sævitia ac superbia præsentium. et discordare mi- « litem audito Germanici exitio. egregium resumendæ libertati tempus, « si, ipsi florentes, quam inops Italia, quam imbecillis urbana plebes, « nihil validum in exercitibus nisi quod externum, cogitarent. »

XLi. Haud ferme ulla civitas intacta seminibus ejus motus fuit: sed erupere primi Andecavi ac Turonii. quorum Andecavos Acilius Aviola legatus, excita cohorte quæ Lugduni præsidium agitabat, coercuit. Turonii legionario milite, quem Visellius Varro, inferioris Germaniæ legatus, miserat, oppressi, eodem Aviola duce et quibusdam Galliarum primoribus, qui tulere auxilium, quo dissimularent defectionem magisque in tempore efferrent ¹. spectatus et Sacrovir, intacto capite pugnam pro Romanis ciens, *ostentandæ*, ut forebat, *virtutis*: sed captivi, *ne incesseretur telis*, *agnoscendum se præbuisse* arguebant. consultus super eo Tiberius aspernatus est indicium, aluitque dubitatione bellum ².

XLII. Interim Florus insistere destinatis, pellicere alam equitum, quæ conscripta e Treveris militiâ disciplinæque nostra habebatur, ut cæsis negotiatoribus Romanis bellum inciperet: paucique equitum corrupti, plures in officio mansere. Aliud vulgus obæeratorum aut clientium ¹ arma cepit; petebantque saltus quibus nomen *Arduenna*, quum legiones utroque ab exercitu, quas Visellius et C. Silius adversis itineribus objecerant, arcuerunt. præmissusque cum delecta manu Julius Indus, e civitate eadem, discors Floro et ob id navandæ operæ avidior, inconditam multitudinem adhuc disjecit. Florus incertis latebris victores frustratus, postremo, visis militibus qui effugia insederant, sua manu cecidit. isque Treverici tumultus finis.

XLIII. Apud Æduos major moles ¹ exorta, quanto civitas opulentior, et comprimendi procul præsidium ². Augustodunum, caput gentis, armatis cohortibus Sacrovir occupaverat nobilissimamque Galliarum subolem liberalibus studiis ibi operatam ³, ut eo pignore parentes propinquosque eorum adjungeret. simul arma occulte fabricata juventuti ⁴ dispersit. quadraginta milia fuere, quinta sui parte legionariis armis ⁵, ceteri cum venabulis et cultris, quæque alia venantibus tela sunt. adduntur e servitiis gladiaturæ destinati, quibus more gentico continuum ferri tegimen: *crup-pellarios* vocant, inferendis ictibus inhabiles, accipiendis impenetrabiles.

XL. 1. Inter se paciscuntur, ut... — 2. Nam ad solvenda tributa cogeantur pecuniam mutuam sumere immuni fœnore a divitibus Romanis.

XLi. 1. Opportuniore tempore palam facerent. — 2. Quod palam convicto testimoniis et oppresso Sacroviro finire poterat.

XLII. 1. Sc. Flori.

XLIII. 1. Sc. defectionis. Ob sequens *quanto* intellige *eo major*. — 2. Et quia procul erat præsidium comprimendi defectionem. — 3. Præsentis significatione, ut II, 14. —

4. Sc. Æduorum. — 5. Gladiis, hastis, scutis.

augebantur hæ copię vicinarum civitatum ut nondum aperta consensione, ita viritim promptis studiis, et certamine ducum Romanorum, quos inter ambigebatur, utroque bellum sibi poscente. mox Varro invalidus senecta vigenti Silio concessit.

XLIV. At Romæ, *non Treveros modo et Æduos, sed quattuor et sexaginta*¹ *Galliarum civitates descivisse; assumptos in societatem Germanos, dubias Hispanias*², cuncta, ut mos famæ, in majus credita. optimus quisque reipublicæ cura mœrebat : multi odio præsentium et cupidine mutationis suis quoque periculis lætabantur, increpabantque Tiberium, « quod in tanto rerum motu libellis accusatorum insumeret operam. an et Sacrovirum majestatis crimine reum in senatu fore? exstitisse tandem viros, qui cruentas epistolas armis cohiberent. miseram pacem vel³ bello bene mutari. » tanto impensius in securitatem compositus, neque loco neque vultu mutato, sed ut solitum, per illos dies egit, altitudine⁴ animi, an compererat modica esse et vulgatis leviora.

XLV. Interim Silius cum legionibus duabus incedens, præmissa auxiliari manu vastat Sequanorum pagos, qui finium extremi et Ædus contermini sociique in armis erant. mox Augustodunum petit propere agmine, certantibus inter se signiferis, fremente etiam gregario milite, *ne suetam requiem, ne spatia noctium opperiretur : viderent modo adversos et aspicerentur; id satis ad victoriam.* duodecimum apud lapidem¹ Sacrovir copięque patentibus locis apparuere. in fronte statuerat ferratos, in cornibus cohortes, a tergo semërmos. ipse inter primores equo insigni adire, memorare *veteres Gallorum glorias, quæque Romanis adversa intulissent; quam decora victoribus libertas; quanto intolerantior*² *servitus iterum victis.*

XLVI. Non diu hæc, nec apud lætos : etenim propinquabat legionum acies, inconditque ac militiæ nescii oppidani neque oculis neque auribus satis competebant¹. contra Silius, etsi præsumpta spes hortandi causas exemerat, clamitabat tamen « pudendum ipsis, quod Germaniarum victores adversum Gallos tamquam in hostem ducerentur. una nuper cohors « rebellem Turonium, una ala Treverum, paucae hujus ipsius exercitus « turmæ profligavere Sequanos. quanto pecunia dites et voluptatibus opulenti, tanto magis imbelles Æduos evincite et fugientibus consufite.² » Ingens ad ea clamor, et circumfudit eques, frontemque pedites invasere : nec cunctatum apud latera. paululum moræ attulere ferrati restantibus³ laninis adversum pila et gladios : sed miles correptis securibus et dolabris, ut si murum perrumperet, cedere tegmina et corpora; quidam trudibus aut furcis inertem molem prosternere; jacentesque, nullo ad resurgendum nisu, quasi exanimes linquebantur. Sacrovir primo Augu-

XLIV. 1. Id est omnes, ut videtur : certe Lugdunensi aræ Augusti inscriptum erat LX GENTIUM. — 2. Sc. creditum est : quod cum sententia generali junctum additur. — 3. Intensivum : *même par...* — 4. Profunditate quæ penetrari non possit, ut de mari; impenetrabili dissimulatione. Supple *utrum*.

XLV. 1. Sc. miliarum, mille passus viæ indicantem. — 2. Passive, intolerabilior.

XLVI. 1. Compotes erant, constabant : neque oculorum satis compotes erant, ut intrepide aspicerent legiones, neque aurium, ut læti exciperent ducum suorum adhortationes. — 2. Prorsus vincite, debellate, sed fugientibus parcite. Sic Hist. III, 82 : *Exasperatus non populo, non senatui, ne templis quidem consuleret.* — 3. Resistentibus.

stodunum, dein metu deditiois in villam propinquam cum fidissimis pergit. illic sua manu, reliqui mutuis ictibus occidere. incensa supèr villa omnes cremavit.

XLVII. Tum demum Tiberius ortum patratumque bellum senatui scripsit; neque dempsit aut addidit vero, sed *fide ac virtute legatos, se consiliis superfuisse* ¹. simul causas, cur non ipse, non Drusus profecti ad id bellum forent, adjunxit, *magnitudinem imperii extollens, neque decorum Principibus, si una alterave civitas turbet* ², *omissa Urbe, unde in omnia regimen: nunc, quia non metu ducatur, iturum, ut præsencia spectaret componeretque*. Decrevere Patres vota pro reditu ejus supplicationesque et alia decora. solus Dolabella Cornelius, dum anteire ceteros parat, absurdam in adulationem progressus, censuit *ut ovans e Campania urbem introiret*. igitur secutæ Caesaris litteræ, quibus *se non tam vacuum gloria prædicabat, ut post ferocissimas gentes perdomitas, tot receptos in juvenia aut spretos triumphos, jam senior peregrinationis suburbancæ inane præmium peteret*.

XLVIII. Sub idem tempus, *ut mors Sulpicii Quirini publicis exsequiis frequentaretur*, petivit a senatu. nihil ad veterem et patriciam Sulpiciorum familiam Quirinus pertinuit, ortus apud municipium Lanuvium: sed impiger militiæ et acribus ministeriis, consulatum ¹ sub divo Augusto, mox expugnatis per Ciliciam Homonadensium castellis insignia triumphi adeptus; datusque rector C. Cæsari Armeniam obtinenti, Tiberium quoque Rhodi agentem coluerat. quod tunc patefecit in senatu, laudatis in se officiis et incusato M. Lollio ², quem *auctorem C. Cæsari pravitatis et discordiarum* arguebat. sed ceteris haud læta memoria Quirini erat ob intentā, ut memoravi ³, Lepidæ pericula sordidamque et præpotentem senectam.

XLIX. Fine anni C. Lutorium Priscum, equitem Romanum, post celebre carmen, quo Germanici suprema defleverat, pecunia donatum a Cæsare, corripuit delator, objectans *ægro* ¹ *Druso composuisse quod, si extinctus foret, majore præmio vulgaretur*. id C. Lutorius in domo P. Petronii, socru ejus Vitellia coram multisque illustribus feminis, per vaniloquentiam legerat. ut delator exstitit, ceteris ad dicendum testimonium exterritis ², sola Vitellia *nihil se audivisse* asseveravit. sed arguentibus ad perniciem plus fidei fuit, sententiaque Haterii Agrippæ, consulis designati, indictum reo ultimum supplicium.

L. Contra M. Lepidus in hunc modum exorsus est: « Si, Patres conscripti, unum id spectamus, quam nefaria voce C. Lutorius Priscus mentem suam et aures hominum polluerit, neque carcer neque laqueus, ne serviles quidem cruciatus in eum suffecerint. sin flagitia et facinora sine modo sunt, suppliciis ac remediis ¹ Principis moderatio majorumque et vestra exempla temperant, et vana a scelestis, dicta a maleficiis diffe-

XLVII. 1. Superasse. — 2. Supple, *co ire, ex sequenti iturum*.

XLVIII. 1. Anni U. 742. — 2. Qui ante Sulp. Quirinum rector Caii Cæsaris fuerat, in Armenia veneno mortuus. — 3. Cap. 22.

XLIX. 1. Ægrotante Druso, Tiberii filio, composuisse aliud carmen. — 2. Terrore adactis ut testimonium dicerent.

L. 1. Sc. peccatorum. Si repetendum ad *temperant et differunt*.

« runt; est locus sententiæ, per quam neque huic delictum impune sit, et
 « nos clementiæ simul ac severitatis non pœniteat. sæpe audi vi Principem
 « nostrum conquerentem ², si quis sumpta morte misericordiam ejus præ-
 « venisset. vita Lutorii in integro est, qui neque servatus in periculum
 « reipublicæ, neque interfectus in exemplum ibit. studia illi ut plena ve-
 « cordiæ, ita inania et fluxa sunt; nec quidquam grave ac serium ex eo
 « metuas, qui suorum ipse flagitiorum proditor, non virorum animis, sed
 « muliercularum arrepsit. cedat tamen Urbe et bonis amissis aqua et igni
 « arceatur. quod perinde censeo, ac si lege majestatis teneretur ³. »

LI. Solus Lepido Rubellius Blandus e consularibus assensit: ceteri sen-
 tentiam Agrippæ secuti, ductusque in carcerem Priscus, ac statim exani-
 matus. id Tiberius solitis sibi ambagibus apud senatum incusavit, quum
 extolleret pietatem quamvis modicas Principis ¹ injurias acriter ulci-
 scentium, deprecaretur tam præcipites verborum pœnas; laudaret Le-
 pidum, neque Agrippam argueret. igitur factum senatusconsultum: ne
 decreta Patrum ante diem decimum ad ærarium ² deferrentur, idque
 vitæ spatium damnatis prorogaretur. sed non senatui libertas ad pœ-
 nitendum erat, neque Tiberius interjectu temporis mitigabatur.

LII. C. Sulpicius, D. Haterius Coss. ¹ sequuntur: inturbidus externis
 rebus annus, domi suspecta severitate adversum luxum, qui immensum
 proruperat ad cuncta quis pecunia prodigitur. sed alia sumptuum, quam-
 vis graviora, dissimulatis plerumque pretiis occultabantur: ventris et ga-
 næ paratus ² assiduis sermonibus vulgati fecerant curam ³, ne Princeps
 antiquæ parcimoniæ ⁴ durius adverteret. nam incipiente C. Bibulo ceteri
 quoque ædiles disseruerant, sperni sumptuariam legem ⁵, vetitaque
 utensilium pretia augeri in dies, nec mediocribus remediis sisti
 posse. et consulti Patres integrum id negotium ad Principem distulerant.
 sed Tiberius, sæpe apud se pensitato an coerceri tam profusæ cupidi-
 nes possent? num coercitio plus damni in rempublicam ferret? quam
 indecorum attrectare quod non obtineret, vel retentum ⁶ ignominiam
 et infamiam virorum illustrium posceret: postremo litteras ad senatum
 composuit, quarum sententia in hunc modum fuit:

LIII. « Ceteris forsitan in rebus, Patres conscripti, magis expediat me
 « coram interrogari et dicere quid e republica censeam: in hac relatione
 « subtrahi oculos meos melius fuit, ne denotantibus ¹ vobis ora ac me-
 « tum singulorum, qui pudendi luxus arguerentur, ipse etiam viderem
 « eos ac velut deprenderem. Quodsi mecum ante viri strenui, ædiles,
 « consilium habuissent, nescio an suasurus fuerim omittere potius præva-
 « lida et adulta vitia, quam hoc assequi, ut palam fieret quibus flagitiis ²
 « impares essemus. sed illi quidem officio functi sunt, ut ceteros quoque
 « magistratus sua munia implere velim: mihi autem neque honestum si-

— 2. Ut II, 51. — 3. Ac si pœna legis de læsa majestate ei infligeretur.

LI. Passive, in Principem. — 2. Ubi asservabantur. Neque facultas erat exsequendi decreta nondum ibi deposita.

LII. 1. Anni U. 775, p. Chr. 22. — 2. Apparatus. — 3. Sollicitudinem injecerant. — 4. Sc. homo. Advertere sæpe pro animadvertere, punire. — 5. Juliam, a Cæsare latam, renovatam ab Augusto, qua diurnis sumptibus certus modus ponebatur. — 6. Obtentum, s. obtinuisset.

LIII. 1. Sc. nutu vel oculis in hunc illumve defixis. — 2. Sc. coercendis.

« lere , neque proloqui expeditum , quia non ædilis aut prætoris aut con-
 « sulis partes sustineo. majus aliquid et excelsius a Principe postulatur ;
 « et quum recte factorum sibi quisque gratiam trahant , unius invidiâ ab
 « omnibus peccatur. Quid enim primum prohibere et priscum ad morem
 « recidere ³ aggrediar ? villarum infinita spatia ? familiarum ⁴ numerum
 « et nationes ? argenti et auri pondus ? æris ⁵ tabularumque miracula ?
 « promiscuas viris et feminis vestes ⁶ ? atque illa feminarum propria, quis
 « lapidum causa pecuniæ nostræ ad externas aut hostiles gentes transfe-
 « runtur ?

LIV. « Nec ignoro in conviviis et circulis incusari ista et modum posci :
 « sed si quis legem sanciat, pœnas indicat, iidem illi civitatem verti, splen-
 « dissimo cuique exitium parari, neminem criminis expertem clamitabunt.
 « atqui ne corporis quidem morbos veteres et diu auctos nisi per dura et
 « aspera coerceas : corruptus simul et corruptor, æger et flagrans animus
 « haud levioribus remediis restinguendus est quam libidinibus ¹ ardescit.
 « tot a majoribus repertæ leges, tot quas divus Augustus tulit, illæ obli-
 « vione, hæc, quod flagitiosius est, contemptu abolitæ securiorem luxum
 « fecere. nam si velis quod nondum vetitum est, timeas ne vetere ² : at si
 « prohibita impune transceuderis, neque metus ultra neque pudor est. cur
 « ergo olim parcimonia pollebat ? quia sibi quisque moderabatur, quia
 « unius urbis cives eramus : ne irritamenta quidem eadem intra Italiam
 « dominantibus. externis victoriis aliena, civilibus etiam nostra consu-
 « mere didicimus. Quantulum istud est, de quo ædiles admonent ! quam ,
 « si cetera respicias, in levi habendum ! at Hercule nemo refert ³ quod
 « Italia externæ opis indiget, quod vita ⁴ populi Romani per incerta maris
 « et tempestatum quotidie volvitur, ac nisi provinciarum copię et dominis
 « et servitiis et agris subvenerint, nostra nos scilicet nemora nostræque
 « villæ tuebuntur ⁵. Hanc, Patres conscripti, curam sustinet Princeps ;
 « hæc ommissa funditus rempublicam trahet. reliquis intra animum me-
 « dendum est : nos pudor, pauperes necessitas, divites satias in melius
 « mutet. aut si quis ex magistratibus tantam industriam ac severitatem
 « pollicetur, ut ire obviam queat, hunc et laudo et exonerari ⁶ laborum meo-
 « rum partem fateor : sin accusare vitia volunt, dein, quum gloriam ejus
 « rei adepti sunt, simultates faciunt ⁷ ac mihi relinquunt ; credite, Patres
 « conscripti, me quoque non esse offensionum avidum : quas quum graves
 « et plerumque iniquas pro republica suscipiam, inanes et irritas neque
 « mihi aut vobis usui futuras jure deprecor. »

LV. Auditis Cæsaris litteris remissa ¹ ædilibus talis cura ; luxusque
 mensæ, a fine Actiaci belli ad ea arma quis Ser. Galba rerum adeptus ² est,
 per annos centum profusis sumptibus exerciti, paullatim exolvere. Cau-
 sas ejus mutationis quærere libet. dites olim familiæ nobilium aut claritu-
 dine insignes studio magnificentię prolabeantur. nam etiam tum plebem,

—3. Resecare.—4. Servorum. *Nationes*, unde illi oriundi. — 5. Vasa Corinthia. — 6. Seric-
 cas, Coas, bombycinas stupendæ subtilitatis, quibus jam viri quoque utebantur.

LIV. 1. Quam sunt libidines quibus ardescit. — 2. *Vetor* est vetatur ne quid agam. —

3. Sc. ad senatum, ut de ea re consultetur. — 4. Victus. — 5. Sustentabunt alimentis.

— 6. Amoveri. — 7. Iras excitant eorum qui coercendi sunt.

LV. 1. Demptra. — 2. Potitus. Sic VI, 45, *dominationis adipisceretur*. Ab a. U. 722 ad

socios, regna colere ³ et coli licitum; ut quisque opibus, domo, paratu speciosus, per nomen et clientelas illustrior habebatur. postquam cædibus sævitum et magnitudo famæ exitio erat, ceteri ad sapientiora convertere. simul novi homines, e municipiis et coloniis atque etiam provinciis in senatum crebro assumpti, domesticam parcimoniam intulerunt; et quamquam fortuna vel industria plerique pecuniosam ad senectam pervenirent, mansit tamen prior animus. sed præcipuus astricti ⁴ moris auctor Vespasianus fuit, antiquo ipse cultu victuque. obsequium inde in Principem et æmulandi amor validior quam poena ex legibus et metus : nisi forte rebus cunctis inest quidam velut orbis, ut quemadmodum temporum vices, ita morum vertantur : nec omnia apud priores meliora, sed nostra quoque ætas multa laudis et artium ⁵ imitanda posteris tulit. verum hæc nobis major res, certamina ex honesto maneat ⁶.

LVI. Tiberius, fama moderationis parta, quod ingruentes accusatores represserat, mittit litteras ad senatum, quis *potestatem tribuniciam* Druso petebat. id summi fastigii vocabulum Augustus repperit, ne *regis* aut *dictatoris* nomen assumeret ac tamen appellatione aliqua cetera imperia præmineret. ¹ M. deinde Agrippam socium ejus potestatis, quo defuncto Tiberium Neronem deligit, ne successor in incerto foret. sic cohiberi pravas aliorum spes rebatur; simul modestiæ Neronis et suæ magnitudini fidebat. quo tunc exemplo Tiberius Drusum summæ rei admovet, quum, incolumi Germanico, integrum inter duos judicium tenuisset. sed principio litterarum veneratus ² deos, *ut consilia sua rei-publicæ prosperarent*, modica de moribus adolescentis neque in falsum aucta retulit : « esse illi conjugem et tres liberos, eamque ætatem, qua « ipse quondam a divo Augusto ad capessendum hoc munus vocatus sit. « neque nunc propere, sed per octo annos capto experimento, compressis « seditionibus, compositis bellis, triumphalem et bis consulem noti laboris « participem sumi. »

LVII. Præceperant ¹ animis orationem Patres; quo quæsitior adulatio fuit. nec tamen repertum nisi *ut effigies Principum, aras deum, templa et arcus* aliaque solita censerent : nisi quod M. Silanus ex contumelia consulatus honorem Principibus petivit, dixitque pro sententia, *ut publicis privatisve monumentis* ² *ad memoriam temporum non consulum nomina præscriberentur, sed eorum qui tribuniciam potestatem gererent*. At Q. Haterius, quum *ejus diei senatus consulta aureis litteris figenda in curia* censuisset, deridiculo fuit, senex fœdissimæ adulationis tantum infamia ³ usus.

LVIII. Inter quæ provincia Africa Junio Blæso prorogata, Servius Ma-

822. — 3. Demereri, sibi conciliare per officia vel beneficia. — 4. Parci. Oppos. *dissolutus*. — 5. Multa in rebus laudandis et artibus. — 6. Hæc res majoris momenti et exoptabilior nobis esse debet quam laudanda illa nostrorum hominum, ut certamina, quorum materies ex honesto et virtute petitur, perpetua sint : hæc vires acuunt, hæc ducunt ad altiora.

LVI. 1. Nam *tribuni plebis* sacrosancti erant et per invictum *veto* suum in civitate potentissimi. — 2. Precatus.

LVII. 1. Ante conceperant. — 2. Tam scriptis (*actis, fœderibus*, etc.) quam structis. — 3. Ob senectutem non alium fructum adulationis suæ quam infamiam nactus.

luginensis, flamen Dialis, ut Asiam sorte haberet¹, postulavit, « frustra « vulgatum » dictitans « non licere Dialibus egredi Italia. neque aliud jus « suum quam Martialium Quirinaliumque flaminum : porro si hi duxissent² « provincias, cur Dialibus id vetitum? nulla de eo populi scita, non in « libris caerimoniarum reperiri. sæpe pontifices Dialia sacra fecisse, si « flamen valetudine aut munere publico impediretur; duobus et septua- « ginta annis post Cornelii Merulae caedem neminem suffectum³, neque « tamen cessavisse religiones. quodsi per tot annos possit non creari nullo « sacrorum damno, quanto facilius absfuturum ad unius anni proconsulare « imperium? Privatis olim simultatibus effectum ut a pontificibus maxi- « mis ire in provincias prohiberentur : nunc deum munere summum pon- « tificum etiam summum hominum esse, non æmulationi, non odio aut « privatis affectionibus obnoxium. »

LIX. Adversus quæ quum augur Lentulus alique varie dissererent, eo decursum est, ut pontificis maximi sententiam opperirentur. Tiberius, dilata notione¹ de jure flaminis, decretas ob tribuniciam Drusi potestatem caerimonias temperavit, nominatim arguens insolentiam sententiæ² aureasque litteras contra patrium morem. Recitatae et Drusi epistolæ, quamquam ad modestiam flexæ, pro superbissimis accipiuntur : « huc « decidisse cuncta, ut ne juvenis quidem, tanto honore accepto, adiret « Urbis deos, ingrederetur senatum, auspicia saltem gentile apud solum³ « inciperet. bellum scilicet⁴, aut diverso terrarum distineri, littora et « lacus Campaniæ quum maxime peragrantem. sic imbui rectorem generis « humani; id primum e paternis consiliis discere. sane gravaretur aspe- « ctum civium senex Imperator, fessamque ætatem et actos labores præten- « deret : Druso quod nisi ex arrogantia impedimentum? »

LX. Sed Tiberius, vim principatus sibi firmans, imaginem antiqui- tatis senatui præbebat postulata provinciarum ad disquisitionem Patrum mittendo. crebrescebat enim Græcas per urbes licentia atque impu- nitas asyla statuendi; complebantur templa pessimis servitiorum; eodem subsidio obærat adversum creditores, suspectique capitalium criminum receptabantur. nec ullum satis validum imperium erat coercendis seditio- nibus populi flagitia hominum ut caerimonias deum protegentis. Igitur placitum ut mitterent civitates jura¹ atque legatos. et quædam, quod falso usurpaverant, sponte omisere; multæ vetustis superstitionibus aut meritis in populum Romanum fidebant. magnaue ejus diei species fuit, quo senatus majorum beneficia, sociorum pacta, regum etiam, qui ante vim Romanam valuerant, decreta, ipsorumque numinum religiones in- trospectit, libero², ut quondam, quid firmaret mutaretve.

LXI. Primi omnium Ephesii adiere, memorantes, « non, ut vulgus

LVIII. 1. Magis proprie dixisset, ut Asiæ sortem haberet, ut c. 52, ubi v. notam. — 2. Sc. sorte; sortiti essent. — 3. Merula a. U. 667 ad aram Jovis, cujus flamen erat (Dialis), mortem sibi conscivit ob facinora Cinnæ: nec successorem habuit, præter Julium Cæsarem puerum in quattuor annos, usque ad a. U. 744, quo Augustus flaminium Diale instauravit.

LIX. 1. Cognitione. — 2. Silani. — 3. Romæ. Ritum describit Livius XXII, 1. — 4. Sup- ple esse. Scilicet ironiam indicat.

LX. 1. Jura sive privilegia, quæ singuli haberent asylorum statuendorum. — 2. Ablat. absol. quum liberum ei esset.

« crederet, Dianam atque Apollinem Delo genitos : esse apud se Cenchrium amnem, lucum Ortygiam¹, ubi Latonam partu gravidam et oleæ, quæ tum etiam maneat, annisam edidisse ea numina ; deorumque monitu sacratum nemus. atque ipsum illic Apollinem post interfectos Cyclopas Jovis iram vitavisse², mox Liberum patrem, bello victorem, supplicibus Amazonum, quæ aram insederant, ignovisse³. auctam hinc concessu Herculis, quum Lydia poteretur, cærimoniam templo ; neque Persarum ditione deminutum jus. post Macedonas, dein nos servavisset. »

LXII. Proximi Magnetes¹ L. Scipionis² et L. Sullæ constitutis nitebantur, quorum ille Antiocho, hic Mithridate pulsus fidem atque virtutem Magnetum decoravere, uti *Dianæ Leucophryenæ³ perfugium inviolabile foret*. Aphrodisienses posthac et Stratonicensis dictatoris Cæsaris ob vestusta in partes⁴ merita et recens divi Augusti decretum attulere. laudati quod Parthorum⁵ irruptionem nihil mutata in populum Romanum constantia pertulissent. sed Aphrodisiensium civitas Veneris, Stratonicensium Jovis et Triviæ⁶ religionem tuebantur. Altius Hierocæsarienses exposuere, *Persicam apud se Dianam⁷, delubrum rege Cyro dictum*. et memorabantur *Perpernæ⁸, Isaurici⁹* multaque alia imperatorum nomina, qui non modo templo, sed duobus millibus passuum eandem sanctitatem tribuerant. Exin Cyprii tribus delubris, quorum vetustissimum Paphiæ Veneri auctor Aerias¹⁰, post filius ejus Amathus Veneri Amathusiæ, et Jovi Salaminio Teucer, Telamonis patris ira profugus, posuissent.

LXIII. Audite aliarum quoque civitatum legationes. Quorum¹ copia fessi Patres, et quia studiis certabatur, consulibus permisere *ut perspecto jure, et si qua iniquitas involveretur, rem integram rursus ad senatum referrent*. consules super eas civitates, quas memoravi, *apud Pergamum Æsculapii compertum asylum* retulerunt ; « ceteros obscuris ob vetustatem initiis niti. nam Smyrnæos oraculum Apollinis, cujus imperio Stratonicipidi² Veneri templum dicaverint, Tenios ejusdem carmen³ referre, quo sacrare Neptuni effigiem ædemque jussi sint. propiora Sardianos : Alexandri victoris id donum. neque minus Milesios Dario rege niti. sed cultus numinum utrisque, Dianam aut Apollinem venerandi. petere⁴ et Cretenses simulacro divi Augusti. » Factaque senatusconsulta, quis multo cum honore modus tamen præscribebatur, jussique *ipsis in templis figere cæra⁵, sacrandam ad memoriam, neu specie religionis in ambitionem delaberentur*.

LXI. 1. Prope Ephesum. Sed vulgatæ fabulæ ferebant in parva insula prope Delum, quæ item Ortygia dicta, natam esse Dianam. — 2. Quod vulgo in Thessalia factum ferebant servitute apud Admetum regem inita. — 3. Hinc igitur jus asyli apud se derivant.

LXII. 1. Ad Mæandrum. — 2. Asiatici. — 3. Ab urbe in planitie Mæandri ita dictæ. — 4. Sc. ejus. — 5. Ab Labieno ductorum a. U. 713, a Ventidio, Antonii legatorum, delectorum. — 6. Sive Hecates. — 7. *Anaitin* dictam. — 8. Victoris Aristonici, a. U. 624. — 9. *P. Servilii Is.*, qui piratas Cilices vicerat, Lyciam et Isauriam (e regione Rhodi) subegerat, a. U. 676. — 10. De his v. Hist. II, 2 et 3.

LXIII. 1. Legatorum. — 2. Dictam putant a Stratonice, avia Seleuci Callinici Syriæ regis, ut in dynastiis illis reginæ deabus assimilabantur. Sed obstare videntur verba *ob vetustatem*. — 3. Oraculum. — 4. Sc. asylum. — 5. Hæc ipsa senatusconsulta æri incisa.

LXIV. Sub idem tempus Juliæ Augustæ valetudo atrox necessitudinem Principi fecit festinati in Urbem reditus, sincera adhuc inter matrem filiumque concordia, sive occultis odiis. neque enim multo ante, quum haud procul theatro Marcelli¹ effigiem divo Augusto Julia dicaret, Tiberii nomen suo postscripserat; idque ille credebatur, ut inferius majestate Principis, gravi et dissimulata offensione abdidisse. sed tum *supplicia diis ludique magni*² ab senatu decernuntur, *quos pontifices et augures et quindecimviri septemviris simul*³ et *sodalibus Augustalibus ederent*. censerat L. Apronius, *ut feciales*⁴ quoque *iis ludis præsiderent*. contraxit Cæsar distincto sacerdotiorum jure et repetitis exemplis: *neque enim unquam fecialibus hoc majestatis fuisse. ideo Augustales adjectos, quia proprium ejus domus sacerdotium esset, pro qua vota persolverentur*.

LXV. Exsequi sententias¹ haud institui, nisi insignes, per honestum, aut notabili dedecore: quod præcipuum munus annalium reor, ne virtutes sileantur, utque pravis dictis factisque ex posteritate et infamia metus sit. ceterum tempora illa adeo infecta et adulatione sordida fuere, ut non modo primores civitatis, quibus claritudo sua obsequiis protegenda erat, sed omnes consulares, magna pars eorum qui prætura functi, multique etiam peditarii senatores² certatim exsurgerent fœdaque et nimia censerent. memoriæ proditur Tiberium, quoties curia egrederetur, Græcis verbis in hunc modum eloqui solitum, *O homines ad servitutem paratos!* scilicet etiam illum, qui libertatem publicam nollet, tam projectæ servitium patientiæ tædebat.

LXVI. Paullatim dehinc ab indecoris ad infesta transgrediebantur. C. Silanum, proconsulem Asiæ, repetundarum a sociis postulatum, Mamercus Scaurus e consularibus, Junius Otho prætor, Brutidius Niger ædilis simul corripiunt, objectantque *violatum Augusti numen, spretam Tiberii majestatem*, Mamercus antiqua exempla jaciens, *L. Cottam a Scipione Africano*¹, *Ser. Galbam a Catone censorio*², *P. Rutilium a M. Scauro accusatos*³. videlicet Scipio et Cato talia ulciscabantur, aut ille Scaurus, quem proavum suum opprobrium majorum Mamercus infami opera dehonestabat. Junio Othoni litterarium ludum exercere vetus ars fuit: mox Sejani potentia senator, obscura initia impudentibus ausis propellebat⁴. Brutidium artibus honestis copiosum et, si rectum iter perageret, ad clarissima quæque iturum festinatio exstimulabat, dum æquales, dein superiores, postremo suasmet ipse spes antire parat: quod multos

LXIV. 1. Ab Augusto exstructo. — 2. Sive Romani, qui *magnis diis* (Jovi, Junoni, Minervæ) mense Septembri celebrabantur, tum in honorem Augusti decreti. — 3. Una cum septemviris. Pontifices, augures, quindecimviri sacris faciundis et septemviri epulones (qui sacris epulis et partim disciplinæ festorum præerant) vocabantur *summorum collegiorum sacerdotes*; quibus sodales Augustales accessisse vidimus I, 84. — 4. Vingtī sacerdotes, qui ex antiquissimis temporibus juri et quasi cærimoniis bellorum præerant.

LXV. 1. De rebus in senatu relatis. — 2. Ita vocati esse videntur senatores illi, qui censere non poterant nisi post senatores functos magistratibus curulibus: his nihil plerumque relinquebatur quam ut *pedibus* in aliorum sententiam irent.

LXVI. 1. Altero, a. U. 622. — 2. A. U. 604, ob Lusitanos perfide occisos. — 3. *Ambitos*, a. U. 638. — 4. Provehebat, *poussait*.

etiam bonos pessum dedit, qui spretis quæ tarda cum securitate, præmatu-
ra vel cum exitio properant.

LXVII. Auxere numerum accusatorum Gellius Publicola et M. Paconius, ille quæstor Silani, hic legatus. nec dubium habebatur sævitiae captarum-
que pecuniarum teneri reum: sed multa aggerebantur etiam insontibus
periculosa, quum, super tot senatores adversos facundissimis totius Asiæ
eoque ad accusandum delectis responderet solus et orandi nescius, proprio
in metu, qui exercitum quoque eloquentiam debilitat, non temperante¹
Tiberio quin premeret voce, vultu, eo quod ipse creberrime interrogabat:
neque refellere aut eludere dabatur, ac sæpe etiam confitendum erat, ne
frustra quæsisisset. servos quoque Silani, ut tormentis interrogarentur,
actor publicus mancipio acceperat². et ne quis necessarium juvaret peri-
clitantem, majestatis crimina subdebantur, vinculum et necessitas silendi.
Igitur petito paucorum dierum interjectu, defensionem sui deseruit, ausis
ad Cæsarem codicillis³, quibus invidiam et preces miscuerat.

LXVIII. Tiberius, quæ in Silanum parabat, quo excusatius sub exemplo
acciperentur, libellos divi Augusti de Voleso Messala, ejusdem Asiæ pro-
consule¹, factumque in eum senatusconsultum recitari jubet. tum L. Pi-
sonem sententiam rogat. ille multum de *clementia Principis* præfatus,
aqua atque igni Silano interdicens censuit, *ipsumque in insulam*
Gyarum relegandum. eadem ceteri, nisi quod Cn. Lentulus *separanda*
Silani materna bona, quippe *alia parente geniti*², *reddendaque filio*
dixit, annuente Tiberio.

LXIX. At Cornelius Dolabella, dum adulationem longius sequitur, in-
crepitis C. Silani moribus, addidit, « ne quis vita probrosus et opertus
« infamia provinciam sortiretur, idque Princeps dijudicaret. nam a legibus
« delicta puniri: quanto fore mitius in ipsos¹, melius in socios, provideri
« ne peccaretur? » Adversum quæ disservit Cæsar: « non quidem sibi
« ignara quæ de Silano vulgabantur, sed non ex rumore statuendum. mul-
« tos in provinciis contra, quam spes aut metus de illis fuerint, egisse.
« excitari quosdam ad meliora magnitudine rerum, hebescere alios. neque
« posse Principem sua scientia cuncta complecti, neque expedire² ut
« ambitione aliena trahatur. ideo leges in facta constitui, quia futura in
« incerto sint. sic a majoribus institutum, ut, si antissent delicta, pœnæ
« sequerentur. ne verterent sapienter reperta et semper placita. satis one-
« rum Principibus, satis etiam potentiæ. minui jura, quoties gliscat po-
« testas, nec utendum imperio, ubi legibus agi possit. » Quanto rarius
apud Tiberium popularitas, tanto latiores animis accepta. atque ille
prudens moderandi, si propria ira non impelleretur, addidit « insulam
« Gyarum immitem et sine cultu hominum esse³: darent Juniae familiæ
« et viro quondam ordinis ejusdem, ut Cythnum potius concederet. id

LXVII. 1. Sc. sibi. — 2. V. ad II, 50. — 3. Codicillos mittere ausus.

LXVIII. 1. Post a. U. 757. Is uno die trecentos homines cædi jusserat et de hoc facto
ut regio insolescebat. — 2. Ut *materna* de noverca sit intelligendum. Alii explicant
parente *alia*, meliore quam ipse erat: ut senator honestæ matris bona non polluenda
esse censeret possessione filii improbi. Silanus per matrem Juliæ familiæ erat copulatus.

LXIX. 1. Sc. præsidēs provinciarum. — 2. Utile esse. — 3. Narrabatur a muribus olim
incolas fuisse expulsos.

« sororem quoque Silani Torquatam, priscae sanctimoniae virginem, ex-
« petere ». in hanc sententiam facta discessio.

LXX. Post auditi Cyrenenses ¹, et accusante Anchario Prisco Cæsius Cordus repetundarum damnatur. L. Ennius, equitem Romanum, majestatis postulatum, *quod effigiem Principis promiscuum ad usum argenti vertisset* ², recipi Cæsar inter reos vetuit, palam aspernante Ateio Capitone, quasi per libertatem: *non enim debere eripi Patribus vim statuendi, neque tantum maleficium impune habendum. sane lentus in suo dolore esset: reipublice injurias ne largiretur.* intellexit hæc Tiberius, ut erant magis quam ut dicebantur, perstititque intercedere. Capito insignitior infamia fuit, quod humani divinique juris sciens egregium publicum et bonas domi artes ³ debonestavisset.

LXXI. Incessit dein religio ¹, quonam in templo locandum foret donum, quod pro valetudine Augustæ Equites Romani voverant *equestri Fortune*: nam etsi delubra ejus deæ multa in Urbe, nullum tamen tali cognomento erat ². repertum est ædem esse apud Antium, quæ sic nuncuparetur, *cunctasque ceremonias Italicis in oppidis templaque et numinum effigies juris atque imperii Romani esse.* ita donum apud Antium statuitur. Et quando de religionibus tractabatur, dilatum nuper ³ responsum adversus Ser. Maluginensem, flaminem Dialem, prompsit Cæsar, recitavitque decretum pontificum, « quoties valetudo adversa flaminem Dialem « incessisset, aut pontificis maximi arbitrio, plus quam binotium abesset, « dum ne diebus publici sacrificii, neu sæpius quam bis eundem in annum.» quæ Principe Augusto constituta satis ostendebant annuam absentiam et provinciarum administrationem Dialibus non concedi. memorabaturque L. Metelli, pontificis maximi, exemplum, qui A. Postumium flaminem attinisset ⁴. Ita sors Asiæ in eum, qui consularium Maluginensi proximus erat, collata.

LXXII. Iisdem diebus Lepidus ab senatu petivit, *ut basilicam Paulli, Æmilia monumenta* ¹, *propria pecunia firmaret ornaretque.* erat etiam tum in more publica munificentia; nec Augustus arcuerat Taurum, Philippum, Balbum ², hostiles exuvias aut exundantes opes ornatum ad Urbis et posterum gloriam conferre. quo tum exemplo Lepidus, quamquam pecunie modicus, avitum decus recoluit. At *Pompeii theatrum* ³ igne fortuito haustum Cæsar *exstructurum* pollicitus est, *eo quod nemo e familia restaurando sufficeret, manente tamen nomine Pompeii.* simul laudibus Sejanum extulit, *tanquam labore vigilantiaque ejus tanta vis*

LXX. 1. Cyrene Cretæ provinciæ adjuncta erat. Conf. c. 38. — 2. Fortasse creditoribus dederat. — 3. Quæ publice fecerat egregia et virtutes privatas.

LXXI. 1. Scrupulus in re divina. — 2. Ergo tum perierat templum *Equestris Fortune* quod a. U. 579 Q. Fulvius Flaccus dedicaverat. Nisi tamen tempore Tiberii mutatum erat nomen ejus, quum quinto sæculo p. Chr. exstitisse illud templum perhibeatur. — 3. Cap. 33 seq. — 4. Retinisset in Siciliam profecturum, quum consul esset bello Punico primo, a. U. 512.

LXXII. 1. L. Æmilius Paullus post a. U. 700 magnificentissimam basilicam in medio foro struere cepit; ob civilia bella intermissum opus perfecit Paullus Æmilius Lepidus sub Augusto. Eandem incendio absumptam refecit viginti annis post alius Æmilius. Ita basilica illa plurali dici poterat *monumenta Æmilia.* — 2. Struxerant Statilius Taurus amphitheatrum in Campo Martio, Marcius Philippus templum Herculis Musagetæ, Cornelius Balbus theatrum. — 3. Conditum a. U. 699, cujus etiamnum rudera manent, a

unum intra damnum⁴ stetisset. et censuere Patres effigiem Sejano, quæ apud theatrum Pompeii locaretur. neque multo post Cæsar, quum Junium Blæsum, proconsulem Africæ, triumphî insignibus attolleret, dare id se dixit honori Sejani, cujus ille avunculus erat.

LXXIII. At tamen res Blæsi dignæ decore tali fuere. nam Tacfarinas, quamquam sæpius depulsus, reparatis per intima Africæ auxiliis huc arrogantia venerat, ut legatos ad Tiberium mitteret *sedemque* ultro *sibi atque exercitui suo* postularet, aut *bellum inexplicabile*¹ minitaretur. non alia magis sua populique Romani contumelia indoluisse Cæsarem ferunt, quam « quod desertor et prædo hostium more ageret. ne Spartaco quidem, « post tot consularium exercituum clades inultam Italiam urenti, quam- « quam Sertorii atque Mithridatis ingentibus bellis labaret respublica, da- « tum ut pacto in fidem acciperetur : nedum pucherrimo populi Romani « fastigio latro Tacfarinas pace et concessione agrorum redimeretur. » Dat negotium Blæso, « ceteros quidem ad spem proliceret arma sine noxa « ponendi, ipsius autem ducis quoquo modo poteretur. »

LXXIV. Et recepti ea venia plerique. mox adversum artes Tacfarinatis haud dissimili modo belligeratum. nam quia ille, robore exercitus impar, furandi¹ melior, plures per globos incursaret eluderetque, et insidias simul tentaret, tres incessus, totidem agmina parantur. ex quis Cornelius Scipio legatus præfuit qua prædatio in Leptitanos et suffugia Garamantum : alio latere, ne Cirtensium pagi impune traherentur, propriam manum Blæsus filius duxit : medio cum delectis, castella et munitiones idoneis locis imponens, dux ipse arcta et infensa hostibus cuncta fecerat, quia, quoquo inclinarent, pars aliqua militis Romani in ore, in latere et sæpe a tergo erat ; multique eo modo cæsi aut circumventi. tunc tripertitum exercitum plures in manus dispergit, præponitque centuriones virtutis expertæ : nec, ut mos fuerat, acta æstate retrahit copias, aut in hibernaculis veteris provinciæ componit, sed ut in limine³ belli, dispositis castellis, per expeditos et solitudinum gnaros mutantem mapalia Tacfarinatem proturbat, donec fratre ejus capto regressus est, properantius tamen quam ex utilitate sociorum, relictis per quos resurgeret bellum. Sed Tiberius pro confecto interpretatus id quoque Blæso tribuit, ut *imperator* a legionibus salutaretur, prisco erga duces honore, qui bene gesta república gaudio et impetu victoris exercitus conclamabantur : erantque plures simul imperatores nec super ceterorum æqualitatem⁴. concessit quibusdam et Augustus id vocabulum, ac tunc Tiberius Blæso postremum.

LXXV. Obiere eo anno viri illustres, Asinius Saloninus, M. Agrippa et Pollione Asinio avis, fratre Druso¹ insignis, Cæsarique progener² destinatus, et Capito Ateius, de quo memoravi³, principem in civitate locum studiis civilibus assecutus, sed avo centurione Sullano, patre prætorio.

Tiberio et Claudio refecti, a Nerone exornati. — 4. Vis incendiî intra damnum sive detrimentum unius ædificiî.

LXXIII. 1. Quasi insolubile. Metaphora a vinculis aut laqueis.

LXXIV. 1. Furtim et cum fraudibus agendi. — 2. Quasi dicas proximitate. — 3. Respicit ad novam significationem vocis *imperator*, de Principe.


LXXV. 1. Filius Asinii Galli et Vipsaniæ Agrippinæ, matris Drusi ex Tiberio. — 2. Ex fillabus Germanici unam ducturus. — 3. Cap. 70.

consulatum ⁴ ei acceleraverat Augustus, ut Labeonem Antistium, iisdem artibus præcellentem, dignatione ejus magistratus antiret ⁵ : namque illa ætas duo pacis decora simul tulit. sed Labeo incorrupta libertate et ob id fama celebratior : Capitonis obsequium dominantibus magis probabatur. illi, quod præturam intra stetit, commendatio ex injuria ; huic, quod consulatum adeptus est, odium ex invidia oriebatur.

LXXVI. Et Junia sexagesimo quarto post Philippensem aciem ¹ anno supremum diem explevit, Catone avunculo ² genita, C. Cassii uxor, M. Bruti soror. testamentum ejus multo apud vulgum rumore fuit, quia in magnis opibus, quum ferme cunctos procures cum honore nominavisset, Cæsarem omisit. quod civiliter acceptum, neque prohibuit quominus laudatione pro rostris ceterisque solennibus funus cohonestaretur. viginti clarissimarum familiarum imagines antelatae sunt, Manlii, Quinctii aliaque ejusdem nobilitatis nomina : sed præfulgebant Cassius atque Brutus, eo ipso quod effigies eorum non visebantur ³.

— 1. Quem gessit anno U. 739. — 2. Sed Labeo oblatum consulatum non accepit. Conf. Sueton. Aug. c. 84.

LXXVI. 1. Qua anno U. 712 Brutus et Cassius ceciderunt. — 2. Ex sorore Catonis Uticensis Servilia. — 3. Nam *negatus honor gloriam intendit*, ut Tacitus mox c. 26.



LIBER QUARTUS.

ARGUMENTUM.

Cap. I. Tiberius sævit. causa penes Ælium Sejanum, ejus ingenium et mores. — 2. is dominationem aspirat, quo ut perveniat, Romæ in castra præforia militem conducit. — 3. Druso Tiberii filio insidiatur per uxorem ejus, adulterio pollutam. — 4. Drusus Germanici togam virilem sumit. Status publicus, numerus legionum, — 5. earum et cohortium et classium loca exponuntur. — 6. civilis administratio qualis hactenus. — 7. Sejanus potentiam auget, — 8. sublato per venenum Druso. Tiberius animum obfirmat, senatum erigit, eique filios Germanici duos commendat ut imperii heredes. — 9. finus Druso illustre. — 10 et 11. falsa de Drusi ab incauto patre necati fama. — 12. populi favor filiis Germanici noxius. Iis et Agrippinæ Sejanus insidias struit.

13. Tiberius legationes et accusationes civitatum et provinciarum audit. — 14. de asyulis actum; histriones Italia pulsi. — 15. Alter ex Drusi liberis obit. item Lucellius Longus, Principis amicus. Capito damnatus. — 16. Lex lata de flamine Dialis. Vestalibus habitus honos.

17. Solennia vota pro Principe. Iis inserti Nero et Drusus. hinc odium Tiberii, quem Sejanus stimulat. — 18. hic Germanici amicos aggreditur. — 19. Silius damnatur. — 20. uxor ejus Sosia in exilium pellitur. M. Lepidi moderatio. — 21. Piso accusatus obit. Cassius Severus in saxum Seriphium relegatur. — 22. Plautius Silvanus perit.

23. Tacfarinatem bella rursus moventem — 24. Dolabella opprimit — 25. et cædit. — 26. triumphalia non impetrat. Ptolemæus munera accipit. — 27. Servilis motus semina per Italiam oppressa.

28. Q. Vibius Serenus a filio accusatus, — 29 et 30. Amorgum deportatur. præmia delatoribus statuta. — 31. P. Sullius deportatur, Firmius senatu movetur. — 32 et 33. judicium de his annalibus.

34. Crematius Cordus, historiæ scriptor, ob Bruti et Cassii laudes accusatus libere se defendit et — 35. vitam abstinentia finit. libri ejus cremati. — 36. Cyzicenis adempta libertas. — 37 et 38. Templi honorem ab Hispanis oblatum Tiberius spernit. — 39. Sejanus, nimia fortuna socors, Liviam sibi uxorem a Principe petit, qui — 40. modeste negat et Sejani rationes refellit. — 41. hic, augendæ potentiæ, Tiberio secessum ab Urbe suadet. — 42. auditis in causa Volieni Montani contumeliis persuadet.

43. Romæ legationes Græcorum auditæ de jure asylosum. — 44. Mors Lentuli, Domitii, Antonii. — 45. L. Piso prætor a quodam agreste interficitur. — 46. Thraces montani rebellantes — 47 ad 51. a Sabino pelluntur, caduntur, obsidentur, frustra eruptione facta se dedunt.

52. Claudia Pulchra Romæ adulterii accusata damnatur. — 53. Agrippina maritum petit nec impetrat. ei — 54. Sejanus insidias struit. — 55. Undecim urbes Asiæ de templo Tiberio struendo certant. — 56. prælati Smyrnæ. — 57 et 58. Tiberius dubia de causa in Campaniam abscedit, arcto comitatu. — 59. in spelunca repentino lapidum lapsu periclitatus a Sejano servatur. hinc major ejus fides. Neronem Germanici aggreditur et — 60. calumniis subvertit. — 61. Mors Asinii Agrippæ et Q. Haterii.

62 et 63. Amphitheatri casu Fidenis multa hominum millia debilitata vel obruta. — 64 et 65. Romæ incendium deurit Cælium montem. — 66. Varus accusatur. — 67. Princeps Capreas in insulam se abdit. — 68 ad 70. Titius Sabinus turpi fraude circumventus damnatur ipsis anni Kalendis. — 71. Tiberius mentem suam recludi indignatur. Julia neptis Augusti obit. — 72. Frisios, quod avare habiti, rebellantes, — 73. L. Apronius repressum it, parum feliciter. — 74. Turpis adulatio senatus, Sejani arrogantia. — 75. Cn. Domitius Agrippinam, Germanici filiam, uxorem accipit.

Hæc sexennio fere gesta, p. Chr. 23 — 28.

I. C. Asinio, C. Antistio Coss.¹ nonus Tiberio annus erat compositæ² reipublicæ, florentis domus (nam Germanici mortem inter prospera ducebat), quum repente turbare fortuna cœpit, sævire ipse aut sævientibus vires præbere. initium et causa penes Ælium Sejanum, cohortibus prætoriis præfectum, cujus de potentia supra memoravi³. nunc originem, mores et quo facinore dominationem raptum ierit, expediam. Genitus Vulsiniis patre Seio Strabone, equite Romano, et prima juvenia C. Cæsarem divi Augusti nepotem⁴ sectatus, non sine rumore Apicio diviti et prodigo se veno⁵ dedisse, mox Tiberium variis artibus devinxit adeo, ut obscurum⁶ adversum alios sibi uni incautum intectumque efficeret, non tam sollertia (quippe iisdem artibus victus est) quam deum ira in rem Romanam, cujus pari exitio vignet ceciditque⁷. corpus illi laborum tolerans, animus audax; sui obtegens, in alios criminator; juxta adulatio et superbia; palam compositus pudor, intus summa apiscendi libido, ejusque causa modo largitio et luxus, sæpius industria ac vigilantia, haud minus noxiæ, quoties parando regno finguntur.

II. Vim præfecturæ, modicam antea, intendit dispersas per Urbem cohortes una in castra¹ conducendo, ut simul imperia acciperent, numeroque et robore et visu inter se fiducia ipsis, in ceteros metus crearetur. prætendebat *lascivire militem diductum; si quid subito ingruat, majore auxilio pariter subveniri; et severius acturos, si vallum statuatur procul Urbis illecebris*. Ut perfecta sunt castra, irrepere paulatim militares animos² adeundo, appellando; simul centuriones ac tribunos ipse deligere. neque senatorio ambitu abstinebat clientes suos honoribus aut provinciis ornandi, facili Tiberio atque ita prono, ut *socium laborum* non modo in sermonibus, sed apud Patres et populum celebraret, colique per theatra et fora effigies ejus interque principia³ legionum sineret.

III. Ceterum plena Cæsarem domus, juvenis filius, nepotes adulti moram cupitis afferebant: et quia vi tot simul corripere intutum, dolus intervalla scelerum poscebat. placuit tamen occultior via et a Druso incipere, in quem recenti ira ferebatur. nam Drusus, impatiens æmuli et animo commotior, orto forte jurgio, intenderat Sejano manus et contratendentis os verberaverat. Igitur cuncta tentanti promptissimum visum ad uxorem ejus Liviam¹ convertere: quæ soror Germanici, formæ initio ætatis indecoræ, mox pulchritudine præcellebat. hanc, ut amore incensus, adulterio² pellexit; et quia femina, amissa pudicitia, alia non abnuerit, ad conjugii spem, consortium regni et necem mariti impulit. atque illa, cui avunculus³ Augustus, socer Tiberius, ex Druso liberi, seque ac majores et posteros municipali⁴ adultero fœdabat, ut pro honestis et præsentibus flagitiosa et incerta expectaret. sumitur in conscientiam Endemus, amicus ac medicus Liviae, specie artis frequens secretis. pellit domo

I. 1. Anno U. 776, p. Chr. 23. — 2. Pacatæ. — 3. I, 24; III, 29 et 72. — 4. Ex Julia et Agrippa. — 5. Dativus, pro (ad vel in) *venum*. — 6. Tectum, arcanum. — 7. Nam etiam alios multos secum in ruinam traxit.

II. 1. Munita prope portam Nomentanam. — 2. Se insinuabat in militum gratiam. — 3. In *principiis* castrorum (v. ad I, 61, not. 5) collocabantur aquilæ et signa legionum.

III. 1. Aliis *Livilla* dicta, deminutiva forma. — 2. Dativus, ad adulterium. — 3. Maternus, ab Octavia sorore Augusti, matre Antoniae matris Livillæ. — 4. In municipio

Sejanus uxorem Apicatam, ex qua tres liberos genuerat, ne pellici ⁵ suspectaretur. sed magnitudo facinoris metum, prolationes, diversa interdum consilia afferebat.

IV. Interim anni principio Drusus ex Germanici liberis togam virilem sumpsit; quæque fratri ejus Neroni decreverat senatus ¹, repetita. addidit orationem Cæsar multa cum laude filii sui, *quod patria benevolentia in patris liberos foret*. nam Drusus, quamquam arduum sit eodem loci potentiam et concordiam esse, æquus adolescentibus aut certe non adversus habebatur. Exin vetus et sæpe ² simulatum proficiscendi in provincias consilium refertur. *multitudinem veteranorum* prætexebat Imperator, et « delectibus supplendos exercitus. nam voluntarium militem deesse, ac « si suppeditet ³, non eadem virtute ac modestia agere, quia plerumque « inopes ac vagi sponte militiam sumant : » percensuitque cursim numerum legionum et quas provincias tutarentur. Quod mihi quoque exsequendum reor, quæ tum Romana copia in armis, qui socii reges, quanto sit angustius ⁴ imperitatum.

V. Italiam utroque mari ¹ duæ classes Misenum apud et Ravennam, proximumque Calliæ littus rostratæ naves præsidebant, quas Actiaca victoria captas Augustus in oppidum Foro Juliense miserat valido cum remige. sed præcipuum robur Rhenum juxta, commune in Germanos Gallosque subsidium, octo legiones erant. Hispaniæ recens perdomitæ tribus habebantur. Mauros ² Juba rex acceperat donum populi Romani. cetera Africæ per duas legiones, parique numero Ægyptus, dehinc initio ab Syria usque ad flumen Euphraten quantum ingenti terrarum sinu ambitur, quattuor legionibus coercita, accolis Ibero Albanoque et aliis regibus, qui magnitudine nostra proteguntur adversum externa imperia. et Thraciam Rhæmetalces ac liberi Cotyis, ripamque Danubii legionum duæ in Pannonia, duæ in Mæsia attinebant, totidem apud Dalmatiam locatis, quæ positu regionis a tergo illis, ac si repentinum auxilium Italia posceret, haud procul accirentur, quamquam insideret Urbem proprius miles, tres urbanae, novem prætoriae cohortes, Etruriâ ferme Umbriâque delectæ aut veteri Latio et coloniis antiquitus Romanis ³. at apud idonea provinciarum sociæ triremes alæque ⁴ et auxilia cohortium, neque multo secus in iis virium; sed persequi incertum fuit, quum ex usu temporis huc illuc mearent, gliscerent numero et aliquando minuerentur.

VI. Congruens crediderim recensere ceteras quoque reipublicæ partes, quibus modis ad eam diem habitæ sint, quando Tiberio mutati in deterius principatus initium ille annus attulit. Jam primum publica negotia et privatorum maxima apud Patres tractabantur, dabaturque primoribus disserere, et in adulationem lapsos cohibebat ipse; mandabatque honores, nobilitatem majorum, claritudinem militiæ, illustres domi artes spectando, ut satis constaret non alios potiores fuisse. sua consulibus, sua prætori-

(Vulsiniis) nato. — 8. Liviæ.

IV. 1. V. III, 29. — 2. V. I, 47; III, 51 et 47. — 3. Suppetat. — 4. Sc. quam nunc sub Trajano.

V. 1. Infero sive Tyrrheno, supero sive Adriatico. — 2. Mauretaniam utramque, Cæsariensem et Tingitanam, partem occidentalem hodiernæ Barbariæ. — 3. Quæ opponuntur militaribus coloniis Cæsaris et Augusti. — 4. Equites. Sociæ, apud socios collocatæ.

bus species ¹; minorum quoque magistratuum exercita potestas; legesque, si majestatis quaestio eximeretur, bono in usu. at frumenta ² et pecuniae vectigales, cetera publicorum fructuum, societatibus Equitum Romanorum agitabantur. res suas Cæsar spectatissimo cuique, quibusdam ignotis ex fama mandabat, semelque assumpti tenebantur prorsus sine modo, quum plerique iisdem negotiis insenescerent. plebes acri quidem annona fatigabatur, sed nulla in eo culpa ex Principe: quin infecunditati terrarum aut asperis maris obviam iit, quantum impendio diligentiaque poterat. et ne provinciae novis oneribus turbarentur, utque vetera sine avaritia aut crudelitatis magistratuum tolerarent, providebat. corporum verbera, ademptiones bonorum aberant.

VII. Rari per Italiam Cæsaris agri, modesta servitia, intra paucos libertos domus: ac si quando cum privatis disceptaret, forum et ius. Quæ cuncta, non quidem comi via, sed horridus ac plerumque formidatus, retinebat tamen, donec morte Drusi verterentur: nam dum superfuit, mansere, quia Sejanus, incipiente adhuc potentia, bonis consiliis notescere volebat, et ultor ¹ metuebatur non occultus odii, et crebro querens, « in-
« columi filio, adiutorem imperii alium vocari: et quantum superesse ut
« collega dicatur? Primas dominandi spes in arduo: ubi sis ingressus,
« adesse studia et ministros. exstructa jam sponte præfecti castra, datos
« in manum milites; cerni effigiem ejus in monumentis Cn. Pompeii ²;
« communes illi cum familia Drusorum fore nepotes ³. precandam post
« hæc modestiam ⁴, ut contentus esset. » neque raro neque apud paucos Italia jaciebat: et secreta quoque ejus, corrupta uxore, probebantur.

VIII. Igitur Sejanus, maturandum ratus, deligit venenum, quo paulatim irrepente fortuitus morbus assimilaretur. id Druso datum per Lygdum spadonem, ut octo post annos cognitum est. ceterum Tiberius per omnes valetudinis ¹ ejus dies, nullo metu, an ut firmitudinem animi ostentaret, etiam defuncto necdum sepulto, curiam ingressus est. consulesque, sede vulgari ² per speciem mœstitiæ sedentes, honoris locique admonuit; et effusum in lacrimas senatum victo gemitu, simul oratione continua erexit: « non quidem sibi ignarum posse argui ³, quod tam re-
« centi dolore subierit oculos senatus: vix propinquorum alloquia tole-
« rari, vix diem aspicere a plerisque lugentium. neque illos imbecillitatis
« damnandos: se tamen fortiora solatia e complexu reipublicæ petivisse. » miseratusque Augustæ extremam senectam, rudem adhuc nepotem et vergentem ætatem suam, ut *Germanici liberi, unica præsentium malorum levamenta, inducerentur*, petivit. egressi consules firmatos alloquio adolescentulos deductosque ante Cæsarem statuunt. quibus apprensis, « Patres conscripti, hos, » inquit, « orbatos parente tradidi patruo ipso-
« rum, precatusque sum, quamquam esset illi propria suboles, ne secus
« quam suum sanguinem foveret ac tolleretur ⁴, sibi et posteris confor-

VI. 1. Splendor, dignitas. — 2. Sc. vectigalia.

VII. 1. Drusus. — 2. V. III, 72. — 3. Claudii filius parvulus, Drusus, Sejani filia de- sponsatus fuerat. — 4. Quasi deam.

VIII. 1. Sc. labentis, morbi. — 2. Non in sella curuli. — 3. Reprehendi. — 4. Ex Romanorum more, quo pater filium recens natum *tollebat*, humo levabat, eoque modo agnoscebat suum quem aleret educaretque.

« maret. erepto Druso preces ad vos converto, diisque et patriâ coram
 « obtestor, Augusti pronepotes, clarissimis majoribus genitos, suscipite,
 « regite, vestram meamque vicem explete. hi vobis, Nero et Druse, pa-
 « rentum loco. ita nati estis, ut bona malaque vestra ad rempublicam
 « pertineant. »

IX. Magno ea fletu et mox precationibus faustis audita; ac si modum orationi posuisset, misericordia sui gloriaque animos audientium impleverat: ad vana et toties irrita revolutus, *de reddenda republica, utque consules, seu quis alius, regimen susciperent*, vero quoque et honesto fidem dempsit. Memoriae Drusi eadem, quæ in Germanicum¹, decernuntur, plerisque additis, ut ferme amat posterior adulatio. funus imaginum pompa maxime illustre fuit, quum origo Juliae gentis Aeneas omnesque Albanorum reges et conditor Urbis Romulus, post Sabina nobilitas, Attus Clausus² ceteræque Claudiorum effigies longo ordine spectarentur.

X. In tradenda morte Drusi, quæ plurimis maximeque fidis auctoribus memorata sunt, retuli: sed non omiserim eorundem temporum rumorem, validum adeo, ut nondum exolescat. « corrupta ad scelus Livia, Sejanum
 « Lygdi quoque spadonis animum infami seductione vinxisse, quod is
 « ætate atque forma carus domino interque primores ministros erat; de-
 « inde, inter conscios ubi locus beneficii tempusque composita sint, eo
 « audaciæ provectum, ut verteret¹ et, occulto² indicio Drusum veneni
 « in patrem arguens, moneret Tiberium vitandam potionem, quæ prima
 « ei apud filium epulanti offerretur. ea fraude tum senem, postquam con-
 « vivium inierat, exceptum poculum Druso tradidisse; atque illo ignaro
 « juveniliter hauriente, auctam suspicionem, tamquam metu et pudore
 « sibimet irrogaret mortem, quam patri struxerat. »

XI. Hæc vulgo jactata, super id quod nullo auctore certo firmantur, prompte refutaveris. quis enim mediocri prudentia, nedum Tiberius tantis rebus exercitus, inaudito filio exitium offerret, idque sua manu et nullo ad ponitendum regressu, quin¹ potius ministrum veneni excruciet, auctorem exquireret, insita denique etiam in extraneos cunctatione et mora adversum unicum et nullius ante flagitii compertum uteretur? Sed quia Sejanus facinorum omnium² repertor habebatur, ex nimia caritate in eum Cæsaris et ceterorum in utrumque odio quamvis fabulosa et immania credebantur, atrocior semper fama erga dominantium exitus. ordo alioqui sceleris, per Apicatam Sejani proditus, tormentis Eudemi ac Lygdi patefactus est. neque quisquam scriptor tam infensus exstitit, ut Tiberio objectaret, quum omnia alia conquirerent intenderentque. mihi tradendi arguendique rumor causa fuit, ut claro sub exemplo falsas audiciones depellerem, peteremque ab iis, quorum in manus cura nostra venerit, ne divulgata atque incredibilia avide accepta veris neque in miraculum corruptis antehabeant.

XII. Ceterum laudante filium pro rostris Tiberio senatus populusque habitum ac voces dolentum simulatione magis quam libens inducibat, do-

IX. 1. V. II, 85. — 2. Ex Sabinis, Romæ *Appius Claudius* dictus, auctor gentis *Claudiae*.

X. 1. Sc. rem aut consilium. — 2. Ambiguo, rem non aperte significante.

XI. 1. Adeo ut non potius; neque potius *min.* etc. — 2. Omnis generis.

numque Germanici revirescere occulti lætabantur. quod principium favoris et mater Agrippina spem male tegens perniciem acceleravere. nam Sejanus, ubi videt mortem Drusi inultam interfectoribus, sine mœrore publico esse, ferox scelerum, et quia prima provenerant ¹, volutare secum quonam modo Germanici liberos perverteret, quorum non dubia successio. neque spargi venenum in tres poterat, egregia custodum fide et pudicitia Agrippinæ impenetrabili. igitur contumaciam ejus insectari, vetus Augustæ odium, recentem Livinæ conscientiam exagitare, ut *superbam fecunditate, subnixam popularibus studiis inhiare dominationi apud Caesarem arguerent*. atque hæc ² callidis criminatibus, inter quos delegerat Julium Postumum, per adulterium Mutiliæ Priscæ inter intimos aviæ, et consiliis suis peridoneum, quia Prisca in animo Augustæ valida aam, suapte natura potentiae anxiam, insociabilem nurui efficiebat. Agrippinæ quoque proximi illiciebantur pravis sermonibus tumidos spiritus perstimulare.

XIII. At Tiberius, nihil intermissa rerum cura, negotia pro solatiis accipiens, jus civium, preces sociorum tractabat; factaque auctore eo senatusconsulta, *ut civitati Cibyriticæ apud Asiam, Ægiensi apud Achaiam, motu terræ labefactis, subveniretur remissione tributi in triennium*. Et Vibius Serenus, pro consule ulterioris Hispaniæ, de vi publica ¹ damnatus, ob atrocitatem temporum ² in insulam Amorgum deportatur. Carsidius Sacerdos reus, tamquam frumento hostem Tacfarinatum juvisset, absolvitur, ejusdemque criminis C. Gracchus. hunc comitem exsili, admodum infantem, pater Sempronius in insulam Cercinam tulerat. ³ illic adultus inter extorres et liberalium artium nescios, mox per Africam ac Siciliam mutando sordidas ⁴ merces sustentabatur: neque tamen effugit magnæ fortunæ pericula. ac ni Ælius Lamia et L. Apronius, qui Africam obtinuerant, insontem protexissent, claritudine infausti generis et paternis adversis foret abstractus ⁵.

XIV. Is quoque annus legationes Græcarum civitatum habuit, Samiis Junonis, Cois Æsculapii delubro vetustum asyli jus ut firmaretur petentibus. Samii decreto Amphictyonum ¹ nitebantur, quis præcipuum fuit rerum omnium judicium, qua tempestate Græci conditis per Asiam urbibus ora maris potiebantur. neque dispar apud Coos antiquitas, et accedebat meritum ex loco: nam cives Romanos templo Æsculapii induxerant, quum jussu Mithridatis apud cunctas Asiæ insulas et urbes trucidarentur ². Variis dehinc et sæpius irritis prætorum questibus, postremo Cæsar de immodestia histrionum retulit: *multa ab iis in publicum seditiose, fæda per domos tentari; Oscum quondam ludicrum* ³, levis-

XII. 1. Successerant. — 2. Sc. perfecti.

XIII. 1. Paulus Ictus Sentent. conc. V, 16: *Lege Julia de vi publica* (ab Augusto fere a. U. 746 lata) *damnatur qui, aliqua potestate præditus, civem Romanum ad Imperatorem appellanti necarit necarive jusserit, torserit, verberaverit, condemnaverit, inve publica vincula duci jusserit*. — 2. Violentiam in alienos commissam minus quam decebat castigantium. Alii corrigunt, *ob atrocitatem morum*. — 3. V. I, 85. — 4. Viles. Cicero: *Mercatura, si tenuis est, sordida putanda est*. — 5. In perniciem tractus.

XIV. 1. Erat antiquissimum concilium duodecim civitatum Græciæ, bis quotannis, vere Delphis, autumno Thermopylis habitum. — 2. Anno U. 666. — 3. *Atellanæ* dictum ob Osca urbe Atella, Romæ etiam partim Osca lingua actum. Vide Livium VII, 2.

simæ apud vulgum oblectationis, eo flagitiorum et virium venisse, ut auctoritate Patrum coercendum sit. pulsi tum-histriones Italia.

XV. Idem annus alio quoque luctu Cæsarem afficit alterum ex geminis Drusi liberis exstinguendo, neque minus morte amici. is fuit Lucilius Longus, omnium illi tristium lætorumque socius, unusque e senatoribus Rhodii secessus comes. ita quamquam novo ¹ homini censorium funus ², effigiem apud forum Augusti ³ publica pecunia Patres decrevere: apud quos etiam tum cuncta tractabantur, adeo ut procurator ⁴ Asiæ Lucilius Capito, accusante provincia, causam dixerit, magna cum asseveratione Principis, « non se jus nisi in servitia et pecunias familiares dedisse; » quodsi vim prætoris usurpasset manibusque militum usus foret, spreta « in eo mandata sua: audirent socios. » ita reus cognito negotio damnatur. Ob quam ultionem, et quia priore anno in C. Silanum vindicatum erat, decrevere Asiæ urbes *templum Tiberio matrique ejus ac senatui*. et permissum statuere; egitque Nero grates ⁵ ea causa Patribus atque avo, latas inter audientium affectiones, qui recenti memoria Germanici illum aspici, illum audiri rebantur: aderantque juveni modestia ac forma principe viro digna, notis in eum Sejani odiis ob periculum gratiora.

XVI. Sub idem tempus *de flamine Diali in locum Servii Maluginensis defuncti legendo, simul roganda nova lege* disseruit Cæsar. « nam patricios confarreatis parentibus ¹ genitos tres simul nominari, ex quis « unus legeretur, vetusto more; neque adesse, ut olim, eam copiam, « omissa confarreandi assuetudine aut inter paucos retenta. » plures ejus rei causas afferebat, « potissimam penes incuriam virorum feminarum- « que: accedere ipsius cærimoniarum difficultates, quæ consulto vitarentur, « et quod exiret e jure patrio qui id flaminium apisceretur ², quæque in « manum flaminis conveniret. ita medendum senatus decreto aut lege, « sicut Augustus quædam ex horrida illa antiquitate ad præsentem usum « flexisset. » Igitur tractatis religionibus, placitum *instituto flaminum nihil demutari*: sed lata lex, qua *flaminica Dialis sacrorum causa in potestate viri, cetera promiscuo feminarum* ³ jure ageret. et filius Maluginensis patri suffectus. Utque glisceret dignatio sacerdotum atque ipsis promptior animus foret ad capessendas cærimonias, decretum *Corneliæ virgini* ⁴, quæ in locum Scantiae ⁵ capiebatur, *sestertium vici-*

XV. 1. Honoribus curulibus non functo. — 2. Splendidissimum: nam censor, qui singulis quinquenniis creari soliti, in magistratu defunctus multo splendidius aliis magistratibus sepeliebatur. — 3. Ubi statuae omnium veterum ducum ab Augusto collocatæ — 4. Fiscus redditus per provincias exigens. — 5. Urbium nomine. Nero, Germanici filius.

XVI. 1. Qui per *confarreationem*, ceremoniam religiosissimam, matrimonium inierant testibus decem præsentibus, solemniter coram pontifice maximo et flamine Diali sacrificio facto, in quo panis farreus adhibebatur. — 2. Ceteri omnes per vitam patris sub ejus potestate vel in jure patrio manebant, præter flaminem Dialem, qui, ut hic videmus, cum cærimonis inde exibat. Ritus nuptiales, quibus flamen *flaminicam* item farreatione ducebat, describuntur a Servio ad Virg. *Æneid.* IV, 374. Manus vocatur potestas mariti, plena in flamine qui e patria potestate exierat: ceteræ uxores, quarum socer vivebat, erant in manu mariti, in potestate soceri vel patris ejus. — 3. Quæ sunt vel in potestate patris, vel, avo et patre mortuis, sui juris. At in rebus ad sacra pertinentibus flaminica erat in potestate viri. — 4. Sc. Vestali. — 5. Mortuæ, ut videtur. *CAPIT* virgo propterea dici videtur, quia pontificis manu prehensa, ab eo patre, in cujus potestate, veluti bello capta abducitur (A. Gellius I, 12), quo ritu patria potestas in

*es*⁶; et quoties Augusta theatrum introisset, ut sedes inter Vestalium⁷ consideret.

XVII. Cornelio Cethego, Visellio Varrone Coss.¹ pontifices eorumque exemplo ceteri sacerdotes quum pro incolumitate Principis vota susceperent², Neronem quoque et Drusum iisdem diis commendavere, non tam caritate juvenum, quam adulatione: quæ moribus corruptis perinde anceps, si nulla, et ubi nimia est. nam Tiberius, haud unquam domui Germanici mitis, tum vero æquari adolescentes senectæ suæ impatienter indoluit; accitosque pontifices percunctatus est, *num id precibus Agrippinæ aut minis tribuissent*. et illi quidem, quamquam abnuerent, modice perstricti (etenim pars magna e propinquis ipsius aut primores civitatis erant): ceterum in senatu oratione monuit in posterum, *ne quis mobiles adolescentium animos præmaturis honoribus ad superbiam extolleret*. Instabat quippe Sejanus, incusabatque « diductam civitatem ut civili bello; » « esse qui se partium Agrippinæ vocent, ac ni resistatur, fore plures; » neque aliud gliscentis discordiæ remedium quam si unus alterve maxime « prompti subverterentur. »

XVIII. Qua causa C. Silium et Titium Sabinum aggreditur. amicitia Germanici perniciose utrique, Silio et quod ingentis exercitus septem per annos moderator partisque apud Germaniam triumphalibus¹ Sacroviriani belli victor, quanto majore mole procideret, plus formidinis in alios dispergebatur. credebant plerique auctam offensionem ipsius intemperantia, immodice jactantis « suum militem in obsequio duravisse, quum alii ad » seditiones prolaberentur²; neque mansurum Tiberio imperium, si iis « quoque legionibus cupido novandi fuisset. » destrui³ per hæc fortunam suam Cæsar imparemque tanto merito rebatur. nam beneficia eo usque læta sunt, dum videntur exsolvi posse: ubi multum antevenere, pro gratia odium redditur.

XIX. Erat uxor Silio Sosia Galla, caritate Agrippinæ invisæ Principi. Hos corripere, dilato ad tempus Sabino, placitum; immissusque Varro consul, qui paternas inimicitias obtendens, odiis Sejani per dedecus suum gratificabatur. precante reo brevem moram, dum accusator consulatu abiret, adversatus est Cæsar: *solitum quippe magistratibus diem privatis dicere; nec infringendum consulis jus, cujus vigilis niteretur ne quod respublica detrimentum caperet*. proprium id Tiberio fuit, scelera nuper reperta priscis verbis oblegere. Igitur multa asseveratione, quasi aut legibus cum Silio ageretur, aut Varro consul, aut illud respublica esset¹, coguntur Patres. silente reo, vel, si defensionem cœptaret, non occultante cujus irâ premeretur, *conscientia belli Sacrovir diu dissimulatus*², *victoria per avaritiam fœdata, et uxor Sosia arguebantur*.

eam dissolvitur. — 6. Ferme 400,000 fr. — 7. Quæ erant contra prætoris tribunal.

XVII. 1. A. U. 777, p. Chr. 24. — 2. Quod fiebat tertio die Januarii. Ea vota tabulis et numis memoriæ consecrabantur.

XVIII. 1. Sc. insignibus. De re v. III, 43 seqq. — 2. V. I, 31 et 72. — 3. Extenuari in existimatione hominum.

XIX. 1. Quasi Varro consulis munera, qualia in republica erant, exsequeretur, aut ille rerum status esset respublica. — 2. Consiliorum belli ab Sacroviro agitatorum, conscium fuisse Silium eaque diu per dissimulationem texisse.

tur. nec dubie repetundarum criminibus hærebant : sed cuncta quæstione majestatis exercita, et Silius imminentem damnationem voluntario fine prævertit.

XX. Sævitur tamen in bona, non ut stipendiariis¹ pecuniæ redderentur quorum nemo repetebat : sed liberalitas Augusti² avulsa, computatis singillatim quæ fisco petebantur. ea prima Tiberio erga pecuniam alienam diligentia fuit. Sosia in exilium pellitur Asinii Galli sententia, qui *partem bonorum publicandam, pars ut liberis relinqueretur*, censuerat. contra M. Lepidus *quartam accusatoribus*³ *secundum necessitudinem legis, cetera liberis concessit*. Hunc ego Lepidum temporibus illis gravem et sapientem virum fuisse comperio. nam pleraque ab sævis adulationibus aliorum in melius flexit : neque tamen temperamenti egebat, quum æquabili auctoritate⁴ et gratia apud Tiberium vigerit. unde dubitare cogor, fato et sorte nascendi, ut cetera, ita⁵ Principum inclinatio in hos, offensio in illos, an sit aliquid in nostris consiliis, liceatque inter abruptam contumaciam et deforme obsequium pergere iter ambitione ac periculis vacuum. At Messalinus Cotta, haud minus claris majoribus, sed animo diversus, censuit *cavendum senatusconsulto, ut quamquam insones magistratus et culpæ alienæ nescii, provincialibus uxorum criminibus perinde quam suis plecterentur*.

XXI. Actum dehinc de Calpurnio Pisone, nobili ac feroci viro. is namque, ut retuli¹, *cessurum se Urbe ob factiones accusatorum* in senatu clamitaverat, et spreta potentia Augustæ trahere in jus Urgulanium domoque Principis excire ausus erat. quæ in præsens Tiberius civiliter habuit : sed in animo revolvente iras, etiamsi impetus offensionis languerat, memoria valebat. Pisonem Q. Granius secreti sermonis incusavit adversum majestatem habiti, adjecitque *in domo ejus venenum esse eumque gladio accinctum introire curiam*. quod, ut atrocius vero, tramissum : ceterorum, quæ multa cumulabantur, receptus est reus; neque peractus ob mortem opportunam. Relatum et de Cassio Severo exsule, qui sordidæ originis, maleficæ vitæ, sed orandi validus, per immodicas inimicitias, ut judicio jurati senatus Cretam amoveretur², effecerat; atque illic eadem actitando recentia veteraque odia advertit, bonisque exutus, interdicto igni atque aqua, saxo Seriphio³ consenuit.

XXII. Per idem tempus Plautius Silvanus prætor incertis causis Aproniam conjugem in præceps jecit; tractusque ad Cæsarem ab L. Apronio socero, turbata mente respondit, tanquam *ipse somno gravis atque eo ignarus, et uxor sponte mortem sumpsisset*. non cunctanter Tiberius pergit in domum, visit cubiculum : in quo reluctantis et impulsæ vestigia cernebantur. refert ad senatum, datisque judicibus, Urgulania Silvani avia pugionem nepoti misit. quod perinde creditum quasi Principis mo-

XX. 1. Sc. provinciarum quæ certam quotannis pecuniarum summam solvebant, non decumas aut vectigalia majora minorave secundum frugum et commerciorum proventum. — 2. Dona ab Augusto accepta. — 3. Qui hinc *quadruplicatores* dicebantur. *Legis*, de majestate. — 4. Sc. in civitate sive apud senatum. — 5. Sc. oriator.

XXI. 1. II, 34. — 2. Sub Augusto. — 3. Serphi parvæ et saxosæ insulæ, h. *Serpho*, ubi vicesimo quinto anno exilii in summa inopia moritur.

nitū, ob amicitiam Augustæ cum Urgulania ¹. reus, frustra tentato ferro, venas præbuit exsolvendas. mox Numantina, prior uxor ejus, accusata *injecisse carminibus et veneficiis vecordiam marito*, insons judicatur.

XXIII. Is deinū annus populum Romanum longo ¹ adversum Numidam Tacfarinatem bello absolvit. nam priores duces, ubi impetrando triumphaliū insigni sufficere res suas crediderant, hostem omittebant: jamque tres laureatæ in Urbe statuæ ², et adhuc raptabat Africam Tacfarinas, auctus Maurorum auxiliis, qui Ptolemæo, Jubæ filio, juvena in-curioso, libertos regios et servilia imperia ³ bello mutaverant. erat illi prædarum receptor ac socius populandi rex Garamantum, non ut cum exercitu incederet, sed missis levibus copiis, quæ ex longinquo in majus audiebantur; ipsaque e provincia ⁴, ut quis fortunæ inops, moribus turbidus, promptius ruebant, quia Cæsar post res a Blæso gestas, quasi nullis jam in Africa hostibus, reportari nonam legionem jusserat: nec proconsul ejus anni, P. Dolabella, retinere ausus erat, jussa Principis magis quam incerta belli metuens.

XXIV. Igitur Tacfarinas, disperso rumore « rem Romanam ¹ aliis quoque « ab nationibus lacerari, eoque paullatim Africa decedere, ac posse reli- « quos circumveniri, si cuncti, quibus libertas servitio potior, incubuis- « sent ² », auget vires, positisque castris Thubuscum oppidum circumsidet. at Dolabella, contracto quod erat militum, terrore nominis Romani, et quia Numidæ peditum aciem ferre nequeunt, primo sui incensu solvit ob-sidium, locorumque opportuna permunivit, simul principes Musulamorum defectionem cœptantes securi percutit. dein, quia pluribus adversum Tacfarinatem expeditionibus cognitum non gravi nec uno incursu consecan-dum hostem vagum, excito cum popularibus rege Ptolemæo, quattuor agmina parat, quæ legatis aut tribunis data; et prædatorias manus delecti Maurorum duxere: ipse consultor aderat omnibus.

XXV. Nec multo post affertur « Numidas apud castellum semirutum, « ab ipsis quondam incensum, cui nomen Auzea, positis mapalibus con- « sedisse, fisis loco, quia vastis circum saltibus claudabatur. » tum ex-peditæ cohortes alæque, quam in partem ducerentur ignaræ, cito agmine rapiuntur. simulque cœptus dies, et concentu tubarum ac truci clamore aderant semisomnos in barbaros, præpeditis Numidarum equis ⁴, aut di-versos pastus pererrantibus. ab Romanis confertus pedes, dispositæ turmæ, cuncta prælio provisa: hostibus contrà omnium nesciis non arma, non ordo, non consilium, sed pecorum modo trahi, occidi, capi. infensus miles memoria laborum et adversum eludentes optatæ toties pugnæ, se quisque ultione et sanguine explebant. differtur per manipulos, *Tacfarinatem omnes, notum tot præliis, consecentur; non nisi duce interfecto requiem belli fore.* at ille, dejectis circum stipatoribus, vinctoque

XXII. 1. Ne dedecori esset nepos publico supplicio affectus.

XXIII. 1. Cœperat a. 770: v. II, 82. — 2. Furii Camilli (II, 82), Junii Blæsi (III, 72), et, ut videtur, L. Apronii (III, 21). — 3. Nam libertis, qui olim servi, potestatem regiam permiserat Ptolemæus. — 4. Africa dicta, pars septentrionalis deleta Carthagine in provincia formam redacta.

XXIV. 1. Imperium Romanum. — 2. Irruissent in Romanos.

XXV. 1. Nam pedibus vincti erant illorum equi, dum pabulabantur.

jam filio et effusis undique Romanis, ruendo in tela captivitatem haud inulta morte effugit. isque finis armis impositus.

XXVI. Dolabellæ petenti abnuuit triumphalia Tiberius, Sejano tribuens, ne Blæsi, avunculi ejus, laus obsolesceret. sed neque Blæsus ideo illustrior, et huic negatus honor gloriam intendit. quippe minore exercitu insignes captivos, cædem ducis bellicque confecti famam deportarat. Sequebantur et Garamantum legati, raro in Urbe visi, quos Tacfarinate cæso percussa gens et culpæ nescia ad satisfaciendum populo Romano miserat. cognitis dehinc Ptolemæi per id bellum studiis, repetitus ex vetusto mos missusque e senatoribus qui scipionem eburnum, togam pictam¹, antiqua Patrum munera, daret, *regemque et socium atque amicum* appellaret.

XXVII. Eadem æstate mota per Italiam servilis belli semina fors oppressit. auctor tumultus T. Curtisius, quondam prætoris cohortis miles, primo cœtibus clandestinis apud Brundisium et circumjecta oppida, mox positis propalam libellis ad libertatem vocabat agrestia per longinquos¹ saltus et ferocia servitia, quum velut munere deum tres biremes appulere ad usus commeantium illo mari. et erat iisdem regionibus Curtius Lupus quæstor, cui provincia vetere ex more Calles² evererant. is disposita classiariorum copia cœptantem quummaxime conjurationem disjecit. missusque a Cæsare propere Staius tribunus cum valida manu, ducem ipsum et proximos audaciæ in Urbem traxit, jam trepidam ob multitudinem familiarum³ quæ gliscebant immensum, minore in dies plebe ingenua.

XXVIII. Iisdem consulibus miseriarum ac sævitie exemplum atrox, reus pater, accusator filius (nomen utrique Vibius Serenus) in senatum inducti sunt: ab exilio¹ retractus illuvieque ac squalore obsitus et tum catena vinctus pater, orante filio; præparatus adolescens multis munditiis, alacri vultu: *structas Principi insidias, missos in Galliam concitores belli* index idem et testis dicebat, annectebatque, *Cæcilium Cornutum prætorium ministravisse pecuniam*: qui tædio curarum, et quia periculum pro exitio habebatur, mortem in se festinavit. at contra reus, nihil infracto animo, obversus in filium quaterere vincula, vocare ultores deos, *ut sibi quidem redderent exsilium, ubi procul tali more ageret, filium autem quandoque supplicia sequerentur*. asseverabatque *innocentem Cornutum et falsa exterritum*²; *idque facile intellectu, ni proderentur alii*³: *non enim se cædem Principis et res novas, uno socio, cogitasse*⁴.

XXIX. Tum accusator *Cn. Lentulum et Seium Tuberonem* nominat, magno pudore Cæsaris, quum primores civitatis, intimi ipsius amici,

XXVI. 1. Sc. acu, aureis et versicoloribus filis intertextam, quo triumphantes orabantur. Omitit Tacitus *eburneam sellam*.

XXVII. 1. Longi latique ambitus. — 2. *Calles Italiae* vocabantur regiones silvestres a tergo Campaniæ versus mare superum s. Adriaticum, illæ ipsæ in quibus tumultus ortus. His ob reditus ex pascuis et pecoribus quæstor præerat, quæ *callium provincia* dicta. Nam *calles* proprie sunt semitæ pecorum vestigiis præduratæ. — 3. Servitiorum.

XXVIII. 1. De quo c. 13. — 2. Falsa extimuisse; græca constructio, ἐπλήττεσθαι τι, accusativus cum verbo passivo animi affectum exprimente, ut cum neutris Latini, *horreere aliquid, stupere aliquid*. — 3. Sc. aursorum socii. — 4. Cogitaturum fuisse.

Lentulus senectutis extremæ, Tubero defecto corpore, tumultus hostilis et turbandæ reipublicæ accerserentur. sed hi quidem statim exempti : in patrem ex servis quæsitum, et quæstio adversa accusatori fuit. qui scelere vecors, simul vulgi rumore territus, *robur*¹ et *saxum aut parricidarum pœnas*² minitantium, cessit Urbe. ac retractus Ravenna exsequi accusationem adigitur, non occultante Tiberio vetus odium adversus exsulem Serenum. nam post damnatum Libonem missis ad Cæsarem litteris exprobraverat *suum tantum studium sine fructu fuisse*³, addideratque quædam contumacius quam tutum apud aures superbas et offensioni propiores. ea Cæsar octo post annos retulit, medium tempus varie arguens, etiamsi tormenta pervicacia servorum contrà evenissent.

XXX. Dictis dein sententiis, *ut Serenus more majorum puniretur*¹, quo molliret invidiam, intercessit. Gallus Asinius Gyaro aut Donusa claudendum quum censeret, id quoque aspernatus est, *egenam aquæ utramque insulam* referens, *dandosque vitæ usus, cui vita concederetur.* ita Serenus Amorgum reportatur. Et quia Cornutus sua manu ceciderat, actum *de præmiis accusatorum*² abolendis, *si quis majestatis postulatus ante perfectum iudicium se ipse vita privavisset.* ibaturque in eam sententiam, ni durius contraque morem suum, palam pro accusatoribus, Cæsar *irritas leges, rempublicam in præcipiti*³ conquestus esset : *subverterent potius jura quam custodes eorum amoverent.* sic delatores, genus hominum publico exitio repertum et pœnis quidem⁴ nunquam satis coercitum, per præmia eliciebantur.

XXXI. His tam assiduis tamque mœstis modica lætitia interjicitur, quod C. Cominium, equitem Romanum, probrosi in se carminis convictum, Cæsar precibus fratris, qui senator erat, concessit. quo magis mirum habebatur, gnarum meliorum et quæ fama clementiam sequeretur, tristiora malle. neque enim socordia peccabat; nec occultum est quando ex veritate, quando adumbrata lætitia facta Imperatorum celebrantur. quin ipse, compositus¹ alias et velut eluctantium verborum, solutius promptiusque eloquebatur, quoties subveniret². At P. Suilium, quæstorem quondam Germanici, quum Italia arceretur³ convictus pecuniam ob rem iudicandam cepisse, *amovendum in insulam* censuit, tanta contentione animi, ut et jurando obstringeret⁴ *e republica id esse.* quod aspere acceptum ad præsens, mox in laudem vertit, regresso Suilio : quem vidit sequens ætas præpotentem, venalem, et Claudii principis amicitia diu prospere, nunquam bene usum. Eadem pœna in Catum Firmium senatorem statuitur, *tanquam falsis majestatis criminibus sororem petivisset.* Catus, ut retuli⁵, Libonem illexerat insidiis, deinde indicio perculerat.

XXIX. 1. Sc. Tullianum, quod descripsit Sallustius Catil. c. 35; carcer subterraneus in clivo Capitolino e regione fori, in quo condemnati percutiebantur; hodiernum exstat sub ecclesia dicta *San Pietro in carcere*. *Saxum*, sc. Tarpeium. — 2. *Qui parentem necassit, caput obnubito, culcoque insutus in profluentem mergitor*, Lex XII tabul. — 5. De his v. II, 50.

XXX. 1. V. ad II, 32 fin. — 2. Quartam partem bonorum publicatorum accipiebant. Conf. c. 20, not. 3. — 5. Sc. esse, versari. — 4. Sc. falsi indicii.

XXXI. 1. Cum arte et simulatione loquens. — 2. Sc. accusato. — 3. Sc. senatusconsulto. — 4. Affirmaret. — 5. II, 27 seqq.

ejus operæ memor Tiberius, sed alia prætendens, exsilium deprecatus est : quominus senatu pelleretur, non obstitit.

XXXII. Pleraque eorum quæ retuli, quæque referam, parva forsitan et levia memoratu videri non nescius sum : sed nemo annales nostros cum scriptura eorum contenderit, qui veteres populi Romani res composuere. ingentia illi bella, expugnationes urbium, fusos captosque reges, aut si quando ad interna præverterent, discordias consulum adversum tribunos, agrarias frumentariasque leges, plebis et optimatum certamina libero egressu memorabant. nobis in arcto et inglorius labor. immota quippe aut modice lacessita pax, mœstæ Urbis res, et Princeps proferendi imperii incuriosus erat. non tamen sine usu fuerit introspicere illa primo aspectu levia, ex quib. magnarum sæpe rerum motus ¹ oriuntur.

XXXIII. Nam cunctas nationes et urbes populus aut primores aut singuli regunt : delecta ex iis et consociata reipublicæ forma ¹ laudari facilius quam evenire, vel si evenit, haud diuturna esse potest. igitur ut olim plebe valida, vel quum Patres pollerent, noscenda vulgi natura et quibus modis temperanter haberetur ², senatusque et optimatum ingenia qui maxime perdidicerant, callidi temporum et sapientes credebantur; sic converso statu, neque alia re Romana quam si unus imperitet, hæc conquiri tradique in rem fuerit, quia pauci prudentia honesta ab deterioribus, utilia ob noxiis discernunt, plures aliorum eventis docentur. ceterum ut profutura, ita minimum oblectationis afferunt. nam situs gentium, varietates præliorum, clari ducum exitus retinent ac redintegrant legentium animum : nos sæva jussa, continuas accusationes, fallaces amicitias, perniciem innocentium et easdem exitu ³ causas conjungimus, obvia ⁴ rerum similitudine et satietate. tum quod antiquis scriptoribus rarus obtrektor, neque refert cujusquam, Punicas Romanasve acies lætius extuleris : at multorum, qui Tiberio regente pœnam vel infamias subiere, posterii manent : utque familiæ ipsæ jam extinctæ sint, reperies qui ob similitudinem morum aliena malefacta sibi objectari putent. etiam gloria ac virtus infensos habet ⁵, ut nimis ex propinquo diversa arguens. sed ad cœpta redeo.

XXXIV. Cornelio Cosso, Asinio Agrippa Coss. ¹ Cremutius Cordus postulatur novo ac tunc primum audito crimine, *quod editis annalibus laudatoque M. Bruto, C. Cassium Romanorum ultimum dixisset* ². accusabant Satrius Secundus et Pinarius Natta, Sejani clientes : id perniciosabile reo, et Cæsar truci vultu defensionem accipiens; quam Cremutius relinquendæ vitæ certus in hunc modum exorsus est : « Verba mea, Patres conscripti, arguuntur : adeo factorum innocens sum. sed neque hæc in Principem aut Principis parentem, quos lex majestatis amplectitur : Brutum et Cassium laudavisse dicor, quorum res gestas quum

XXXII. 1. Momenta, ut Livius: *Ex parvis sæpe magnarum momenta rerum pendent*.

XXXIII. 1. Quæ describitur et commendatur a Cicerone De republ. I, 43. — 2. Hinc variatur structura, ac si scriptum esset, *qui cognoverant vulgi naturam et quibus... haberetur*. — 3. Eundem semper exitum habentes, nimirum condemnationem. — 4. Scilicet lectoribus. — 5. Offendit, quasi virtutibus nimis propinquis et ejusdem ætatis notentur vitia quæ obtinent contraria.

XXXIV. 1. Anno U. 778, p. Chr. 23. — 2. Scilicet in illis annalibus. Ita autem Brutus ipse

« plurimi composuerint, nemo sine honore memoravit. Titus Livius, « eloquentiæ ac fidei præclarus in primis, Cn. Pompeium tantis laudibus « tulit, ut Pompeianum eum Augustus appellaret: neque id amicitiae « eorum offecit. Scipionem ³, Afranium, hunc ipsum Cassium, hunc « Brutum nusquam *latrones et parricidas*, quæ nunc vocabula imponun- « tur, sæpe ut insignes viros nominat. Asinii Pollionis scripta egregiam « eorundem memoriam tradunt; Messala Corvinus imperatorem suum « Cassium prædicabat: et uterque opibusque atque honoribus ⁴ perviguere. « Marci Ciceronis libro, quo Catonem cælo æquavit, quid aliud dictator « Caesar quam rescripta oratione ⁵ velut apud iudices respondit? Antonii « epistolæ, Bruti conciones falsa quidem in Augustum probra, sed multa « cum acerbitate habent; carmina Bibaculi et Catulli referta contumeliis « Caesarum leguntur: sed ipse divus Julius, ipse divus Augustus et tulere « ista et reliquere, haud facile dixerim, moderatione magis an sapientia. « namque spreta exolescunt; si irascere, agnita videntur.

XXXV. « Non attingo Græcos, quorum non modo libertas, etiam libido « impunita: aut si quis advertit, dictis dicta ultus est. sed maxime solu- « tum ¹ et sine obtrectatore fuit prodere ² de iis, quos mors odio aut gra- « tiæ exemisset. num cum armatis Cassio et Bruto ac Philippenses campos « obtinentibus belli civilis causa populum per conciones incendio? an illi « quidem septuagesimum ante annum perempti, quomodo imaginibus suis « noscuntur, quas ne victor quidem abolevit, sic partem memoriæ apud « scriptores retinent? Suum cuique decus posteritas rependit; nec deerunt, « si damnatio ingruit, qui non modo Cassii et Bruti, sed etiam mei memi- « nerint.» Egressus dein senatu vitam abstinentia finivit ³. libros per ædiles cremendos censuere Patres; sed manserunt occultati et editi ⁴. quo magis socordiam eorum irridere libet, qui præsentī potentia credunt ex- « stinguī posse etiam sequentis ævi memoriam. nam contra punitis inge- « niis gliscit auctoritas; neque aliud externi reges, aut qui eadem sævitia « uti sunt, nisi dedecus sibi atque illis gloriam peperere.

XXXVI. Ceterum postulandis reis tam continuus annus fuit, ut feria- « rum Latinarum ¹ diebus præfectum Urbis Drusum, auspicandi gratia tri- « bunal ingressum, adierit Calpurnius Salvianus in Sex. Marium ², quod a « Cæsare palam increpitum, causa exsilii Salviano fuit. Objecta publice « Cyzicenis ³ *incuria cærimoniarum divi Augusti*, additis *violentiae cri- « minibus adversum cives Romanos*. et amisere libertatem quam bello « Mithridatis meruerant, circumsessi nec minus sua constantia quam præ- « sidio Luculli pulso rege. At Fonteius Capito, qui proconsul Asiam curave-

Cassium appellaverat. — 3. Scipionem Metellum, qui extincto Pompeio M. reliquas earum partium cum Catone, Afranio et aliis in Africa collegerat: unde *bellum Africanum* Cæsaris. — 4. Et opibus et honoribus. Messala scripserat de bellis civilibus. — 5. *Anticatonem* suo.

XXXV. 1. Liberum. — 2. Scribere. — 3. Singula de exitu ejus narrat Seneca Consolatione ad Marciam c. 22. — 4. *Editi* a Marcia, filia Cremutii, auctoritate Caligulae.

XXXVI. 1. Quibus Latii populi 47 oppidorum in Albano monte conveniebant ad sacrificium et festum Jovi Latiari per quattuor dies agendum. Aderant magistratus omnes populi Romani: Urbem tenebat *præfectus urbi feriarum Latinarum causa*, ex juvenibus nobilibus nondum senatoriæ ætatis creatus. — 2. Ad Marium accusandum. — 3. *Pu-*

rat, absolvitur, comperto ficta⁴ in eum crimina per Vibium Serenum. neque tamen id Sereno noxæ fuit, quem odium publicum tutiorem faciebat. nam ut quis districtior⁵ accusator, velut sacrosanctus erat: leves, ignobiles pœnis afficiebantur.

XXXVII. Per idem tempus Hispania ulterior, missis ad senatum legatis, oravit, *ut exemplo Asiæ*¹ *delubrum Tiberio matrique ejus exstrueret.* qua occasione Cæsar, validus alioqui spernendis honoribus, et respondendum ratus iis quorum rumore arguebatur *in ambitionem flexisse*, hujusmodi orationem cœpit. « Scio, Patres conscripti, constantiam meam
« a plerisque desideratam, quod Asiæ civitatibus, nuper idem istud pe-
« tentibus, non sim adversatus. ergo et prioris silentii defensionem, et
« quid in futurum statuerim, simul aperiā. quum divus Augustus sibi
« atque urbi Romæ templum apud Pergamum sisti non prohibuisset, qui
« omnia facta dictaque ejus vice legis observem, placitum jam exemplum
« promptius secutus sum, quia cultui meo veneratio senatus adjungeba-
« tur. ceterum ut semel recepisse veniam habuerit, ita per omnes provin-
« cias effigie numinum sacrari ambitiosum, superbum: et vanescet Augusti
« honor, si promiscuis adulationibus vulgatur.

XXXVIII. « Ego me, Patres conscripti, mortalem esse et hominum offi-
« cia fungi, satisque habere si locum principem impleam, et vos testor
« et meminisse posteros volo: qui satis superque memoriæ meæ tribuent¹,
« ut majoribus meis dignum, rerum vestrarum providum, constantem in
« periculis, offensionum pro utilitate publica non pavidum credant. hæc
« mihi in animis vestris templa, hæ pulcherrimæ effigies et mansuræ.
« nam quæ saxo struuntur, si judicium posterorum in odium vertit, pro
« sepulcris spernuntur². proinde socios, cives et deos ipsos precor, hos
« ut mihi ad finem usque vitæ quietam et intelligentem humani divinique
« juris mentem duint³, illos ut, quandoque concessero, cum laude et
« bonis recordationibus facta atque famam nominis mei prosequantur. »
Perstititque posthac secretis etiam sermonibus aspernari talem sui cultum.
quod alii *modestiam*, multi, *quia diffideret*, quidam *ut degeneris ani-*
mi interpretabantur: « optimos quippe mortalium altissima cupere; sic
« Herculem et Liberum⁴ apud Græcos, Quirinum apud nos deū numero
« additos. melius Augustum, qui speraverit. cetera⁵ Principibus statim
« adesse: unum insatiabiliter parandum, prosperam sui memoriam. nam
« contemptu famæ contemni virtutes. »

XXXIX. At Sejanus, nimia fortuna socors et muliebri insuper cupidine incensus, promissum matrimonium flagitante Livia, componit ad Cæsarem codicillos: moris quippe tum erat, quamquam præsentem, scripto adire. ejus talis forma fuit: « Benevolentia patris Augusti et mox plurimis
« Tiberii judiciis ita insuevisse, ut spes votaue sua non prius ad deos

blice Cyzicenis pro, civitati Cyzicenorum. — 4. Sc. fuisse. — 5. Alacrior, promptior, imagine a *districto gladio* petita.

XXXVII. 1. V. supra cap. 18.

XXXVIII. 1. Sc. hoc tribuendo *ut...* — 2. *Pro sepulcris* sunt sive accipiuntur et *sper-*
nuntur. — 3. Dent. — 4. Bacchum. Cum his confer Horat. Od. III, 5. — 5. *Cetera*, atque
adeo apotheosin.

« quam ad Principum aures conferret. neque fulgorem honorum unquam
 « precatum : excubias ac labores, ut unum e militibus, pro incolumitate
 « Imperatoris malle. attamen, quod pulcherrimum, adeptum, ut con-
 « junctione Cæsaris dignus ¹ crederetur. hinc initium spei. et quoniam
 « audiverit Augustum in collocanda filia nonnihil etiam de Equitibus Ro-
 « manis consultavisse ², ita, si maritus Liviae quaereretur, haberet in animo
 « amicum, sola necessitudinis gloria usurum. non enim exuere imposita
 « munia; satis aestimare firmari domum adversum iniquas Agrippinae of-
 « fensiones, idque liberorum causa : nam sibi multum superque vitae fore,
 « quod tali cum Principe explevisset. »

XL. Ad ea Tiberius, laudata pietate Sejani suisque in eum beneficiis
 modice percursis, quum tempus tanquam ad integram consultationem
 petivisset, adjunxit, « ceteris mortalibus in eo stare consilia, quid sibi
 « conducere putent; Principum diversam esse sortem, quibus præcipua
 « rerum ad famam dirigenda. ideo se non illuc decurrere, quod promptum
 « rescriptum : posse ipsam Liviam statuere, nubendum post Drusum, an in
 « penetibus iisdem tolerandum haberet ¹; esse illi matrem et aviam, pro-
 « piora consilia. simplicius acturum. de inimicitiiis primum Agrippinae,
 « quas longe acrius arsuras, si matrimonium Liviae velut in partes domum
 » Cæsarum distraxisset. sic quoque ² erumpere æmulationem feminarum,
 « eaque discordia nepotes suos convelli : quid, si intendatur certamen
 « tali conjugio? Falleris enim, Sejane, si te mansurum in eodem ordine ³
 « putas, et Liviam, quæ C. Cæsari, mox Druso nupta fuerit, ea mente
 « acturam, ut cum Equite Romano senescat. ego ut sinam, credisne pas-
 « suros qui fratrem ejus ⁴, qui patrem majoresque nostros in summis
 « imperiis videre? Vis tu quidem istum intra locum sistere : sed illi ma-
 « gistratus et primores, qui te invito perrumpunt ⁵ omnibusque de rebus
 « consulunt, excessisse jam pridem equestre fastigium ⁶ longeque antisse
 « patris mei amicitias ⁷ non occulti ferunt, perque invidiam tui me
 « quoque incusant. At enim Augustus filiam suam Equiti Romano tradere
 « meditatus est. mirum Hercule, si, quum in omnes curas distraheretur,
 « immensumque attolli provideret quem conjunctione tali super alios
 « extulisset, C. Proculcium ⁸ et quosdam in sermonibus habuit insigni
 « tranquillitate vitae, nullis reipublicæ negotiis permixtos. sed si dubita-
 « tione Augusti movemur, quanto validius est, quod M. Agrippæ, mox
 « mihi collocavit ⁹? Atque ego hæc pro amicitia non occultavi; ceterum
 « neque tuis neque Liviae destinatis adversabor. ipse quid intra animum
 « volutaverim, quibus adhuc necessitudinibus immiscere te mihi parem,
 « omittam ad præsens referre : id tantum aperiā, nihil esse tam excel-
 « sum, quod non virtutes istæ tuusque in me animus mereantur; datoque
 « tempore vel in senatu vel concione non reticebo. »

XXXIX. 1. V. cap. 7, not. 2.—2. Narrat. Sueton. Oct. c. 65.

XL. 1. Sibi esset. — 2. Etiam sine hoc matrimonio. — 3. In eadem conditione. Refer-
 tur ad illa verba Sejani, non exuere imposita munia.—4. Germanicum. — 5. Fines a te
 positos excedunt.—6. Præfecturam prætorii demandatam, quæ proprie equestris ordinis,
 sed a Sejano multum amplificata erat. — 7. Ea quæ amicis tribuebat Augustus; nisi ami-
 citiæ pro ipsis amicis positum. — 8. Familiarem Augusti candidissimum, laudatum
 Horatio Od. II, 2, 3 seqq. — 9. Sc. filiam.

XLI. Rursum Sejanus non jam de matrimonio, sed altius metuens, *tacita suspicionum, vulgi rumorem, ingruentem invidiam* deprecatur. ac ne assiduos in domum cœtus arcendo infringeret potentiam, aut receptando facultatem criminantibus præberet, huc flexit, ut Tiberium ad vitam procul Roma amœnis locis degendam impelleret. multa quippe providebat, sua in manu aditus ¹ litterarumque magna ex parte se arbitrum fore, quum per milites commearent; mox Cæsarem, vergente jam senecta secretoque loci mollitum, munia imperii facilius tramissurum; et minui sibi invidiam adempta salutantum turba, sublatisque inanibus vera potentiae augere ². igitur paulatim negotia Urbis, populi accursus, multitudinem affluentium increpat, extollens laudibus quietem et solitudinem, *quis abesse tœdia et offensiones, ac præcipua rerum maxime agitari.*

XLII. Ac forte habita per illos dies de Votieno Montano, celebris ingenii viro, cognitio cunctantem ¹ jam Tiberium perpulit, ut vitandos crederet Patrum cœtus vocesque, quæ plerumque veræ et graves coram ingerebantur. nam postulato Votieno *ob contumelias in Cæsarem dictas*, testis Æmilius e militaribus viris, dum studio probandi cuncta refert et, quamquam inter obstrepentes, magna asseveratione nititur, audit. Tiberius probra quis per occultum lacerabatur, adeoque percussus est, ut *se vel statim, vel in cognitione* ² *purgaturum* clamitaret, precibusque proximorum, adulatione omnium, ægre componeret animum. et Votienus quidem majestatis pœnis affectus est ³: Cæsar, objectam sibi adversus reos inclementiam eo pervicacius amplexus, Aquiliam adulterii delatam cum Vario Ligure, quamquam Lentulus Gætulicus, consul designatus, lege Julia damnasset ⁴, exsilio punivit, Apidiumque Merulam, *quod in acta divi Augusti non juraverat*, albo senatorio ⁵ erasit.

XLIII. Auditæ dehinc Lacedæmoniorum et Messeniorum legationes de jure templi Dianæ Limnatidis ¹, quod *suis a majoribus suaque in terra dicatum* Lacedæmonii firmabant annalium memoria vatumque carminibus: *sed Macedonis Philippi* ², *cum quo bellassent, armis ademptum, ac post C. Cæsaris et M. Antonii sententia redditum.* contra Messenii veterem inter *Herculis posteros divisionem Peloponnesi* ³ protulere, « suoque regi Dentheliathen agrum ⁴ in quo id delubrum, cessisse, monumentaque ejus rei sculpta saxis et ære prisco manere. quodsi vatum, « annalium ad testimonia vocentur, plures sibi ac locupletiores esse. « neque Philiodum potentia, sed ex vero statuisset. idem regis Antigoni ⁵,

XLII. 1. Sc. ad Tiberium. — 2. Intransitive, ut sæpe *vertere, mutare*.

XLIII. 1. Dubitantem, deliberantem. — 2. Sc. proprie de hac re instituenda. — 3. In Baleares insulas relegatus est. — 4. Ex qua dotis dimidio, bonorum parte tertia multabatur et in insulam relegabatur. Relegatione gravius erat exsilium, jus civitatis auferens. — 5. Tabula albata, in quo senatorum nomina quotannis inscribebantur, instituto Augusti a. U. 746.

XLIII. 1. In confinibus Laconiae et Messeniae ad vicum *Λίμναι* (Paludes) cultæ. — 2. Sc. alterius, non Alexandri patris. — 3. In Argivum, Lacedæmonium et Messenium regna, inter Heraclidæ Temenum, Aristodemum, Cresphontem, 80 annos post captam Trojam. — 4. Qui alibi non memoratur, nisi quod urbis, de cujus possessione Lacedæmonii et Messenii certabant, nomen servatum est a Stephano Byzantino in Lexico geographico *Δελφάνιοι*, quod ob seriem alphabeticam scribendum *Δενθάνιοι*. — 5. Sc.

« idem imperatoris Mummii⁶ iudicium. sic Milesios, permissio publice
« arbitrio, postremo Atidium Geminum, prætorem Achaïæ, decrevisse. »
ita secundum Messenios datum⁷. Et Segestani *cedem Veneris, montem
apud Erycum, vetustate dilapsam restaurari* postulavere, nota memoran-
tantes de origine ejus et læta Tiberio⁸. suscepit curam libens ut consanguini-
neus. Tunc tractatæ Massiliensium preces, probatumque P. Rutilii exem-
plum. namque eum legibus pulsum⁹ civem sibi Smyrnæi addiderant. quo
jure Vulcatius Moschus exsul in Massilienses receptus, bona sua reipu-
blicæ eorum, ut patriæ, reliquerat.

XLIV. Obiere eo anno viri nobiles Cn. Lentulus et L. Domitius. Len-
tulo, super consulatum¹ et triumphalia de Gætulis gloriæ fuerat bene to-
lerata paupertas, dein magnæ opes innocenter paratæ et modeste habitæ.
Domitium decoravit pater civili bello maris potens, donec Antonii parti-
bus, mox Cæsaris misceretur. avus Pharsalica acie pro optimatibus cecidi-
derat; ipse delectus cui minor Antonia², Octaviâ genita, in matrimonium
daretur. post exercitu flumen Albim transcendit, longius penetrata Germa-
nia quam quisquam priorum³; easque ob res insignia triumphi adeptus
est. Obiit et L. Antonius, multa claritudine generis, sed improspere.
nam patre ejus Iulo Antonio ob adulterium Juliæ morte punito⁴, hunc admo-
dum adolescentulum, sororis nepotem⁵, seposuit Augustus in civitatem
Massiliensem, ubi specie studiorum nomen exsilii tegeretur. habitus tamen
supremis⁶ honor, ossaque tumulo Octavio illata per decretum senatus.

XLV. Iisdem consulibus facinus atrox in citeriore Hispania admissum
a quodam agresti nationis Terrestinæ. is prætorem provinciæ L. Pisonem,
pace incuriosum, ex improvise in itinere adortus, uno vulnere in
mortem affecit: ac pernecitate equi profugus, postquam saltuosos locos
attigerat, dimisso equo, per derupta et avia sequentes frustratus est, neque
diu fefellit. nam prehenso ductoque per proximos pagos equo, cujus foret
cognitum; et repertus quum tormentis edere conscios adigeretur, voce
magna sermone patrio *frustra se interrogari* clamitavit: *assisteren-*
socii ac spectarent; nullam vim tantam doloris fore, ut veritatem
eliceret. idemque quum postero¹ ad quæstionem retraheretur, eo nisu
proripuit se custodibus saxoque caput afflixit, ut statim exanimaretur
sed Piso Terrestinorum dolo cæsus habetur: qui pecunias e publico
interceptas² acrius, quam ut tolerarent barbari, cogeat.

XLVI. Lentulo Gætulico, C. Calvisio Coss.¹ decreta triumphi insignia
Poppæo Sabino contusis Thracum gentibus, qui montium editis inculti

cundi, cognomine *Soteris*, qui Spartam expugnavit. — 6. A quo diruta Corinthus, a.
U. 608. — 7. Sc. jus templi. *Secundum* in talibus significat in commodum alicujus, *en*
faveur. — 8. Nam templum conditum ferebatur a Veneris filio Ænea; ab hujus filio Iulo
Julii derivabantur, in quos adoptati Augustus et Tiberius. Adoptio autem genuinæ ge-
nerationi prorsus par habebatur. — 9. A. U. 662, injuste quidem, per publicanos (Equites)
accusatos simul ab eo et iudices. Erat autem ille, ut loquitur Velleius II, 13, *vir non*
sæculi sui, sed omnis ævi optimus.

XLIV. 1. Consul erat a. U. 753. — 2. Una trium filiarum Antonii triumviri ex sorore
Augusti. — 3. Sc. penetraverat, pro a quoquam priorum. Est quasi attractio verbi
transcendit. — 4. Cf. I, 10, not. 7. — 5. Octaviæ filia erat Marcella, uxor Iuli Antonii. —
6. Exsequiis.

XLV. 1. Sc. die. — 2. Pecunias, quæ ad publicos redditus pertinebant, retentas a de-
bitoribus, non solutas.

XLVI. 1. A. U. 779, p. Chr. 96.

atque eo ferocius agitabant. causa motus, super hominum ingenium, quod pati delectus et validissimum quemque militiæ nostræ dare aspernabantur, ne regibus quidem parere nisi ex libidine soliti, aut si mitterent auxilia, suos ductores præficere nec nisi adversum accolas belligerare. ac tum rumor inceserat fore ut disjecti aliisque nationibus permixti diversas in terras traherentur. Sed antequam arma inciperent, misere legatos *amicitiam obsequiumque* memoraturos, *et mansura hæc, si nullo novo onere tentarentur: sin ut victis servitium indiceretur, esse sibi ferrum et juventutem et promptum libertati aut ad mortem animum.* simul castella rupibus indita collatosque illuc parentes et conjuges ostentabant, *bellumque impeditum, arduum, cruentum* minitabantur.

XLVII. At Sabinus, donec exercitus in unum conduceret, datis mitibus responsis, postquam Pomponius Labeo e Mæsia cum legione, rex Rhæmetales cum auxiliis popularium, qui fidem non mutaverant, venere, addita præsentī copia ad hostem pergit, compositum jam per angustias saltuum. quidam audentius apertis in collibus visebantur: quos dux Romanus acie suggestus haud ægre pepulit, sanguine barbarorum modico ob propinqua suffugia. mox castris in loco communitis, valida manu montem occupat, angustum et æquali dorso continuum, usque ad proximum castellum, quod magna vis armata aut incondita tuebatur: simul in ferocissimos, qui ante vallum more gentis cum carminibus et tripudiis persultabant, mittit delectos sagittariorum. ii dum eminus grassabantur, crebra et inulta vulnera fecere: propius incedentes, eruptione subita turbati sunt, receptique subsidio Sugambræ cohortis¹, quam Romanus promptam ad pericula nec minus cantuum et armorum tumultu trucem haud procul instruxerat.

XLVIII. Translata dehinc castra hostem propter, relictis apud priora munimenta Thracibus quos nobis affuisse memoravi. iisque permissum *vastare, urere, trahere prædas, dum populatio lucem intra sistebatur*¹ *noctemque in castris tutam et vigilem capesserent.* id primo servatum: mox versi in luxum et raptis opulenti, omittere stationes, lascivia epularum aut somno et vino procumbere. igitur hostes, incuria eorum comperta, duo agmina parant, quorum altero populatores invaderentur, alii castra Romana appugnarent, non spe capiendi, sed ut clamore, telis, suo quisque periculo intentus sonorem alterius prælii non acciperet. tenebræ insuper delectæ augendam ad formidinem. sed qui vallum legionum tentabant, facile pelluntur: Thracum auxilia repentino incursu territa, quum pars munitionibus adjacerent, plures extra palarentur, tanto infensius cæsi, quanto *per fugæ et proditores ferre arma ad suum patriæque servitium* incusabantur.

XLIX. Postera die Sabinus exercitum æquo loco ostendit, si barbari successu noctis alacres prælium auderent. et postquam castello aut conjunctis tumulis non degrediebantur, obsidium cœpit per præsidia, quæ opportune jam¹ muniebat; dein fossam loricamque contexens² quattuor

XLVII. 1. Sugambri a Tiberio a. U. 746 victi et in sinistram ripam Rheni translati.

XLVIII. 1. Dummodo populatio intra diem cobiberetur, non produceretur in noctem.

XLIX. 1. Nunc, dum barbari non accedebant. — 2. Fossam ducens et loricam contexens ex cratibus: significatur quod dicimus *une tranchée*.

millia passuum ambitu amplexus est; tum paullatim, ut aquam pabulumque eriperet, contrahere claustra artaque circumdare: et struebatur agger, unde saxa, ignes propinquum jam in hostem jacerentur. sed nihil æque quam sitis fatigabat, quum ingens multitudo bellatorum, imbellium, uno reliquo fonte uterentur. simul equæ, armenta, ut mos barbaris, juxtà clausa, egestate pabuli exanimari; adjacere corpora hominum, quos vulnera, quos sitis peremerat, pollui cuncta sanie, odore, contactu. rebusque turbatis, malum extremum discordia accessit, his deditionem, aliis mortem et mutuos inter se ictus parantibus. et erant qui *non inultum exitium, sed eruptionem* suaderent, neque ignobiles, quamvis diversi sententiis.

L. Verum e ducibus Dinis, propectus senecta (et longo usu vim atque clementiam Romanam edoctus, *ponenda arma, unum afflictis id remedium* disserebat. primusque se cum conjuge et liberis victori permisit: secuti ætate aut sexu imbecilli, et quibus major vitæ quam gloriæ cupido. At juvenus Tarsam inter et Turesini distrahebatur. utrique destinatum cum libertate occidere: sed Tarsa, *properum finem, abrumpendas pariter spes ac metus* clamitans, dedit exemplum demisso in pectus ferro. nec defuere qui eodem modo oppeterent. Turesis sua cum manu noctem opperitur, haud nescio duce nostro. igitur firmatæ stationes densioribus globis. et ingruebat nox nimbo atrox, hostisque clamore turbido, modo per vastum silentium incertos obsessores effecerat, quum Sabinus circumire, hortari, *ne ad ambigua sonitus aut simulationem quietis casum insidiantibus aperirent, sed sua quisque munia servarent immoti telisque non in falsum jactis.*

LII. Interea barbari catervis decurrentes nunc in vallum manualia saxa, præustas sudas, decisa robora jacere, nunc virgultis et cratibus et corporibus exanimis complere fossas; quidam pontes et scalas ante fabricati inferre propugnaculis, eaque prensare, detrahare et adversus resistentes cominus niti; miles contra deturbare telis, pellere umbonibus, muralia pila¹, congestas lapidum moles provolvere. his partæ victoriæ spes et, si cedant, insignitius flagitium, illis extrema jam salus² et assistentes plerisque matres et conjuges earumque lamenta addunt animos. nox aliis in audaciam, aliis ad formidinem opportuna, incerti ictus, vulnera improvisa, suorum atque hostium ignoratio, et montis anfractu repercussæ velut a tergo voces adeo cuncta miscuerant, ut quædam munimenta Romani quasi perrupta omiserint. neque tamen pervasere hostes nisi admodum pauci: ceteros, deleto promptissimo quoque aut saucio, appetente jam luce trusere in summa castelli, ubi tandem coacta deditio, et proxima sponte incolarum recepta. reliquis, quominus vi aut obsidio subigerentur, præmatura montis Hæmi et sæva hiems subvenit.

LIII. At Romæ commota Principis domo, ut series futuri in Agrippinam exitii inciperet, Claudia pulchra, sobrina ejus, postulatur, accusante Domitio Afro. is recens prætura, modicus dignationis et quoquo facinore properus clarescere, *crimen impuditiæ, adulterum Furnium, vene-*

LI. 1. Majora quam illa quibus in acie utebantur. — 2. Quod hæc erat extrema via salutis.

cia in Principem et devotiones ¹ objectabat. Agrippina semper atrox ², tum et periculo propinquæ accensa, pergit ad Tiberium ac forte sacrificantem patri repperit. quo initio invidiæ ³, « non ejusdem » ait « mactare divo » Augusto victimas et posteros ejus insectari. non in effigies mutas divinum spiritum transfusum, sed imaginem veram, cælesti sanguine ortam. « Intelligere discrimen ⁴, suscipere sordes ⁵. frustra Pulchram præscribi ⁶, « cui sola exitii causa sit quod Agrippinam stulte prorsus ad cultum de- » legerit, oblita Sosiæ ob eadem afflictæ ⁷. » audita hæc raram occulti pectoris vocem elicere; correptamque Græco versu admonuit *non ideo lædi, quia non regnaret* ⁸. Pulchra et Furnius damnantur. Afer primoribus oratorum additus, divulgato ingenio ⁹ et secuta asseveratione Cæsaris, qua *suo jure disertum* eum appellavit. mox capessendis accusationibus, aut reos tutando, prosperiore eloquentiæ quam morum fama fuit, nisi quod ætas extrema multum etiam eloquentiæ dempsit, dum fessa mente retinet silentii impatientiam.

LIII. At Agrippina, pervicax iræ et morbo corporis implicata, quum viseret eam Cæsar, profusis diu ac per silentium lacrimis, mox invidiam et preces orditur: « subveniret solitudini, daret maritum; habilem adhuc » juvenem sibi, neque aliud probis quam ex matrimonio solatium: esse « in civitate *qui* ¹ Germanici conjugem ac liberos ejus recipere dignarentur. » sed Cæsar, non ignarus quantum ex republica peteretur ², ne tamen offensionis aut metus manifestus foret, sine responso, quamquam instantem, reliquit. Id ego a scriptoribus annalium non traditum reperi in commentariis Agrippinæ filiæ, quæ, Neronis Principis mater, vitam suam et casus suorum posteris memoravit.

LIV. Ceterum Sejanus mœrentem et improvidam altius perculit, immis- sis qui per speciem amicitiae monerent, *paratum ei venenum, vitandas soceri epulas*. atque illa, simulationum nescia, quum propter discerneret, non vultu aut sermone ¹ flecti, nullos attingere cibos, donec advertit Tiberius, forte, an quia audiverat. idque quo acrius experiretur, poma, ut erant apposita, laudans nurui sua manu tradidit. aucta ex eo suspicio Agrippinæ, et intacta ore servis tramisit. nec tamen Tiberii vox coram secuta, sed obversus ad matrem, *non mirum*, ait, *si quid severius in eam statuisset, a qua beneficii insimularetur*. Inde rumor, *parari exitium, neque id Imperatorem palam audere; secretum ad perpetrandum quæri*.

LV. Sed Cæsar, quo famam averteret, adesse frequens senatui, legatos- que Asiæ, ambigentes *quam in civitate templum statueretur* ¹, plures per dies audit. undecim urbes certabant pari ambitione, viribus diversæ.

LII. 1. Mortis imprecationes. — 2. Minax. Conf. I, 53; II, 72. — 3. Sc. Tiberio faciendæ; hinc initium et occasionem invidiæ in eum concitandæ capiens. — 4. Periculum Pulchræ. — 5. Vestes sordidas, habitum lugentium et supplicum. V. ad II, 29. — 6. Obtendi, prætexi consilio se perdendi. — 7. De qua c. 19, 20. — 8. Apud Suetonium c. 33: *Si non dominaris, filiola, injuriam te accipere existimas*. — 9. Sc. ejus in accusatione Pulchræ. Domitii Afri eloquentiam Quintilianus quoque, optimus iudex, admiratur.

LIII. 1. *Qui* additum. Plurium litterarum lacuna est in manuscripto. — 2. Quam magnum esset quod peteretur, ex reipublicæ rationibus judicatum.

LIV. 1. Sc. convivantium: nemo aut vultus aut sermonis comitate eam movere potuit.

LV. 1. Conf. c. 18 et 37.

neque multum distantia inter se memorabant, *de vetustate generis, studio in populum Romanum per bella Persi*² *et Aristonici aliorumque regum.* verum Hypæpeni Trallianique Laodicens ac Magnetibus simul tramissi ut parum validi. ne Ilienses quidem, quum *parentem urbis Romæ Trojam* referrent, nisi antiquitatis gloria pollebant. paullum addubitatum, quod Halicarnassii *mille et ducentos per annos nullo motu terræ nutavisse sedes suas, vivoque*³ *in saxo fundamenta templi asseveraverant.* Pergamēnos (eo ipso⁴ nitebantur) æde Augusto ibi sita satis adeptos creditum. Ephesii Milesiique, hi Apollinis⁵, illi Dianæ cæremonia occupavisse civitates visi. ita Sardianos inter Smyrnæosque deliberatum. Sardiani decretum Etruriæ recitare ut consanguinei. nam « Tyrrhenum « Lydumque, Atye rege genitos, ob multitudinem divisisse gentem; Ly- « dum patriis in terris resedissee, Tyrrheno datum novas ut conderet sedes; « et ducum e nominibus indita vocabula, illis per Asiam, his in Italia⁶; « auctamque adhuc Lydorum opulentiam missis in Græciam populis, cui « mox a Pelope nomen.⁷ » simul *litteras imperatorum et icta nobiscum fœdera bello Macedonum, ubertatemque fluminum suorum*⁸, *temperiem cæli ac dites circum terras* memorabant.

LVI. At Smyrnæi, repetita vetustate, seu *Tantalus Jove ortus illos, sive Theseus divina et ipse stirpe*¹, *sive una Amazonum*² *condidisset, transcendere ad ea, quis maxime fidebant in populum Romanum officiis, missa navali copia non modo externa ad bella*³, sed quæ in Italia tolerabantur; « seque primos templum urbis Romæ statuisse, M. Porcio⁴ consule, magnis quidem jam populi Romani rebus, nondum tamen ad summum elatis, stante adhuc Punica urbe et validis per Asiam regibus. » simul « L. Sullam testem » afferebant, « gravissimo in discrimine exercitus ob asperitatem hiemis et penuriam vestis, quum id Smyrnam in « concionem nuntiatum foret, omnes qui astabant, detraxisse corpori « tegmina nostrisque legionibus misisse. » Ita rogati sententiam Patres Smyrnæos prætulere. censuitque Vibius Marsus, *ut M.² Lepido, cui ea provincia obvenerat, super numerum*⁵ *legaretur qui templi curam susciperet.* et quia Lepidus ipse deligere per modestiam abnuebat, Valerius Naso e prætoriiis sorte missus est.

LVII. Inter quæ, diu meditato prolatoque sæpius consilio, tandem Cæsar in Campaniam¹, specie dedicandi templa apud Capuam Jovi, apud Nolam Augusto, sed certus procul Urbe degere. Causam abscessus quam-

— 2. Pro *Persæi*, vulgo *Persis*. Perses, ultimus rex Macedonum, captus a. U. 586. Aristonicus, qui Asiam provinciam occupaverat, ab Attalo Romanis legatam, victus a. U. 624. — 3. Nativo. Deinde supple, *futura esse*. — 4. Ad sequentia refer: *eo ipso* quod jam ædes Augusti apud se posita esset. Quo argumento in diversum utuntur senatores. — 5. Qui Mileti inprimis colebatur. Inde acciri Clarii Apollinis sacerdotes narratum supra II, 54. — 6. Vana narratio, orta ex Pelasgorum Asiæ oram tenentium cognomine *Tyrrheni*, quod græcum nomen Etruscorum est. — 7. *Peloponnesus*. Pelops, Tantalii filius, ab aliis Phryx, ab aliis Lydus dicitur. — 8. Hermi et Pactoli aurum in arena volentis.

LVI. 1. Neptuno ortum nonnulli narrant. — 2. Smyrna dicta. — 3. Adversus Antiochum Syriæ regem. — 4. Catone Censorino, a. U. 559. — 5. Sc. legatorum qui adjuutores dari solebant proconsulibus et prætoribus. *Legaretur*, legatus destinaretur a Lepido: nam sic capiendus, datus *Lepido*.

LVII. 1. *Abit, profectus est*, vel tale quid addendum, quod fortasse excidit. — 2. Con-

quam secutus plurimos auctorum ad Sejani artes retuli, quia tamen, cæde ejus patrata, sex postea annos pari secreto conjunxit², plerumque permoveor³ num ad ipsum referri verius sit, sævitiam ac libidinem, quum factis promeret, locis occultantem. erant qui crederent in senectute corporis quoque habitum pudori fuisse: quippe illi prægracilis et incurva proceritas, nudus capillo vertex, ulcerosa facies ac plerumque medicaminibus interstincta⁴. et Rhodi secreto vitare cœtus, recondere voluptates insuêrat. traditur etiam matris impotentia⁵ extrusum, quam dominationis sociam aspernabatur, neque depellere poterat, quum dominationem ipsam donum ejus accepisset. nam dubitaverat⁶ Augustus Germanicum, sororis nepotem et cunctis laudatum, rei Romanæ imponere: sed precibus uxoris evictus Tiberio Germanicum, sibi Tiberium ascivit. idque Augusta exprobrabat, reposcebat.

LVIII. Profectio arto comitatu fuit: unus senator consulatu functus Cocceius Nerva, cui legum peritia; Eques Romanus præter Sejanum ex illustribus¹ Curtius Atticus; ceteri liberalibus studiis præditi, ferme Græci, quorum sermonibus levaretur. Ferebant periti cælestium, *uis motibus siderum excessisse Roma Tiberium, ut reditus illi negaretur*. unde exitii causa multis fuit properum finem vitæ conjectantibus vulgantibusque. neque enim tam incredibilem casum providebant, ut undecim per annos libens patria careret. mox patuit breve confinium artis et falsi, veraque quam obscuris tegerentur. nam *in Urbem non regressurum* haud forte² dictum; ceterum nescii egere³, quum propinquo rure aut littore, et sæpe mœnia Urbis assidens, extremam senectam compleverit.

LIX. Ac forte illis diebus oblatum Cæsari anceps periculum auxit vana rumoris, præbuitque ipsi materiem cur amicitiae constantiaeque Sejani magis fideret. vescebantur in villa, cui vocabulum *Speluncæ*¹, mare Amulclanum inter Fundanosque montes, nativo in specu. ejus os lapsis repente saxis obruit quosdam ministros: hinc metus in omnes, et fuga eorum qui convivium celebrabant. Sejanus genu vultuque et manibus super Cæsarem suspensus opposuit sese incidentibus², atque habitu tali repertus est a militibus, qui subsidio venerant. Major ex eo³; et quamquam éxitiosa suaderet, ut non sui anxius, cum fide audiebatur. assimulabatque indicis partes⁴ adversus Germanici stirpem, subditis qui accusatorum nomina sustinerent maximeque insectarentur Neronem, proximum successioni et, quamquam modesta juventa, plerumque tamen, quid impræsentiarum conduceret, oblitum, dum a libertis et clientibus, apiscendæ potentiae properis, exstimulatur *ut erectum et fidentem animi*⁵ ostenderet: *velle id populum Romanum, cupere exercitus, neque ausurum contra Sejanum, qui nunc patientiam senis et segnitiam juvenis juxta insultet*.

LX. Hæc atque talia audienti nihil quidem pravæ cogitationis: sed interdum voces procedebant contumaces et inconsultæ, quas appositi

tinuos egit. — 3. Sc. ut cogitem, dubitem. — 4. Pluribus describit sed junioris formam Suetonius c. 68. — 5. Liviae regnandi cupidine. Conf. I, 4. — 6. Ambiguus cogitaverat.

LVIII. 1. V. ad II, 59. — 2. Non temere, sed vere. — 3. Vixerunt, fuerunt.

LIX. 1. Hodie *Spertonga*. — 2. Sc. saxis. Cogitandi sunt in lecto mensæ accumbentes. — 3. Sc. sit apud Principem. — 4. Quippe non verus index, crimina non explorans, sed fingens per accusatores subornatos. — 5. Sc. se.

custodes exceptas auctasque quum deferrent, neque Neroni defendere ¹ daretur, diversæ insuper sollicitudinum formæ oriebantur. nam alius occursum ejus vitare; quidam salutatione reddita statim averti; plerique inceptum sermonem abrumpere, insistentibus contra irridentibusque qui Sejano fautores aderant. enimvero Tiberius torvus, aut falsum renidens vultu: seu loqueretur seu taceret juvenis, crimen ex silentio, ex voce. ne nox quidem secuta, quum uxor ² vigilias, somnos, suspiria matri Liviae atque illa Sejano patefaceret: qui fratrem quoque Neronis Drusum traxit in partes, spe objecta principis loci, si priorem ætate et jam labefactum demovisset. atrox Drusi ingenium super cupidinem potentiae et solita fratribus odia ³ accendebatur invidia, quod mater Agrippina promptior Neroni ⁴ erat. neque tamen Sejanus ita Drusum fovebat, ut non in eum quoque semina futuri exitii meditaretur, gnarus præferocem et insidiis magis opportunum.

LXI. Fine anni excessere insignes viri Asinius Agrippa, claris majoribus ¹ quam vetustis vitæque non degener, et Q. Haterius familia senatoria, eloquentiæ, quoad vixit, celebratæ: monumenta ingenii ejus haud perinde ² refinentur. scilicet impetu magis quam cura vigeat; utque aliorum meditatio et labor in posterum valet, sic Haterii canorum illud et profluens cum ipso simul exstinctum est.

LXII. M. Licinio, L. Calpurnio Coss. ¹ ingentium bellorum cladem æquavit malum improvisum. ejus initium simul et finis exstitit. nam cœpto apud Fidenam amphitheatro Atilius quidam libertini generis, quo spectaculum gladiatorum celebraret, neque fundamenta per solidum ² subdidit neque firmis nexibus ligneam compagem superstruxit, ut qui non abundantia pecuniæ nec municipali ambitione ³, sed in sordidam mercedem id negotium quæsivisset. affluxere avidi talium, imperitante Tiberio ⁴ procul voluptatibus habiti, virile ac muliebre secus ⁵, omnis ætas, ob propinquitatem loci effusius: unde gravior pestis fuit, conferta mole, dein convulsa, dum ruit intus, aut in exteriora effunditur, immensamque vim mortalium, spectaculo intentos aut qui circum astabant, præceps trahit atque operit. et illi quidem quos principium stragis in mortem affligerat, ut tali sorte, cruciatum effugere. miserandi magis quos abrupta parte corporis nondum vita deseruerat: qui per diem visu, per noctem ululatibus et gemitu conjuges aut liberos ⁶ noscebant. jam ceteri fama exciti hic fratrem, propinquum ille, alius parentes lamentari. etiam quorum diversa de causa amici aut necessarii aberant, pavere tamen; nequedum comperto quos illa vis perculisset, latior ex incerto metus.

LXIII. Ut cœpere dimoveri obruta, concursus ad examinos contentium, osculantium; et sæpe certamen, si confusior facies, sed par

LX. 1. Ab se remove, aut se purgare. — 2. Neronis, Julia, Drusi et Livillæ filia. — 3. Qualia fratrum esse solent qui se oderunt, acriora quam inter alienos. — 4. Pronior in Neronem.

LXI. 1. Sc. magis. — 2. Sc. ac vivente ipso.

LXII. 1. A. U. 780, p. Chr. 27. — 2. In solido loco. Cum *subdidit* jungo dativum *amphitheatro*. — 3. Ut gratiam municipalium suorum conciliaret, honores eorum ambiret. — 4. Qui spectacula fugiebat. V. I, 34. — 5. Neutro genere, substantivum antiquum pro *sexus*. — 6. Eadem strage comprehensos.

forma, aut ætas errorem agnoscentibus fecerat. quinquaginta hominum millia eo casu debilitata vel obtrita sunt; cautumque in posterum senatus-consulto, *ne quis gladiatorum munus ederet, cui minor quadringentorum millium*¹ *res, neve amphitheatrum imponeretur nisi solo firmitatis spectatæ*. Atilius in exsilium actus est. ceterum sub recentem cladem patuere procerum domus, fomenta et medici² passim præbiti; fuitque Urbs per illos dies, quamquam mœsta facie, veterum instituti³ similis, qui magna post prælia saucios largitione et cura sustentabant.

LXIV. Nondum ea clades exoleverat, quum ignis violentia Urbem ultra solitum affectit deusto monte Cælio; *feralemque annum ferebant, et omnibus adversis susceptum Principi consilium absentiae*, qui mos vulgo, fortuita ad culpam trahentes; ¹ *ni* Cæsar obviam isset tribuendo pecunias ex modo detrimenti. actæque ei grates apud senatum ab illustribus, famaque apud populum, quia sine ambitione aut proximorum precibus ignotos etiam et ultro accitos munificentia juverat. adduntur sententiæ, ut mons Cælius in posterum *Augustus* appellaretur, quando, cunctis circum flagrantibus, sola Tiberii effigies, sita in domo Junii senatoris, inviolata mansisset: « evenisse id olim Claudiae Quintæ, ejusque « statuam vim ignium bis elapsam² majores apud ædem Matris Deum « consecravisse. sanctos acceptosque numinibus Claudios, et augen- « dam cærimoniam loco, in quo tantum in Principem honorem dii osten- « derent. ».

LXV. Haud fuerit absurdum tradere montem eum antiquitus *Querquetulanum* cognomento fuisse, quod talis silvæ frequens secundusque erat, mox *Cælium* appellatum a Cæle Vibenna, qui dux gentis Etruscie, quum auxilium appellatum ...tavisset¹, sedem eam acceperat a Tarquinio Prisco, seu quis alius regum dedit: nam scriptores in eo dissentiunt. cetera non ambigua sunt, magnas eas copias per plana etiam ac foro propinqua habitasse, unde *Tuscum vicum* e vocabulo advenarum dictum.

LXVI. Sed ut studia procerum et largitio Principis adversum casus solatium tulerant, ita accusatorum major in dies et infestior vis sine levamento grassabatur; corripueratque Varum Quinctilium divitem et Cæsari propinquum Domitius Afer, Claudiae Pulchræ, matris ejus, condemnator; nullo mirante, quod diu egens et parto nuper præmio male usus plura ad flagitia accingeretur; Publium Dolabellam socium delationis exstitisse miraculo erat, quia claris majoribus et Varo connexus suam ipse nobilitatem, suum sanguinem perditum ibat. restitit tamen senatus et *opperiendum Imperatorem* censuit: quod unum urgentium malorum suffugium in tempus erat.

LXVII. At Cæsar, dedicatis per Campaniam templis, quamquam edicto monuisset *ne quis quietem ejus irrumperet*, concursusque oppidanorum

LXIII. 1. 77, 954 fr., quod de redditibus annuis intellige. — 2. Quos divites quique inter servos suos habebant. — 3. De quo conf. Livium II, 47 fine.

LXIV. 1. Sc. quod tum fecissent, *ni*... — 2. Annis U. 643 et 786. Claudia illa navem, quæ Matrem Deum Pessinunte advectam portabat, in Tiberi immotam hærentem sola cingulo traxit: quod pulchre describit Ovidius Fastor. IV, 295 sqq. Valer. Max. I, 8, 11.

LXV. 1. Verba manca in codice. Lipsius: *quum auxilium tulisset*. Nam appellatum ex superioribus male repetitum videtur.

disposito milite prohiberentur, perosus tamen municipia et colonias omniaque in continenti sita, Capreas se in insulam abdidit, trium millium freto ab extremis Surrentini promontorii diunctam. solitudinem ejus placuisse maxime crediderim, quoniam importuosum circà mare, et vix modicis navigiis pauca subsidia: neque appulerit quisquam nisi guaro custode. cæli temperies hieme mitis objectu montis, quo sæva ventorum arcentur; æstas in Favonium obversa ¹ et aperto circum pelago peraræna: prospectabatque pulcherrimum sinum, antequam Vesuvius mons ardescens ² faciem loci verteret. Græcos ea tenuisse Capreasque Telebois habitatas fama tradit. sed tum Tiberius duodecim villarum nominibus et molibus insederat ³, quanto ⁴ intentus olîm publicas ad curas, tanto occultior in luxus et malum otium resolutus. manebat quippe suspicionum et credendi temeritas, quam Sejanus augere etiam in Urbe suetus, acrius turbabat, non jam occultis adversum Agrippinam et Neronem insidiis. quis additus miles nuntios, introitus, aperta, secreta, velut in annales referebat; ultroque struebantur ⁵ qui monerent perfugere ad Germaniæ exercitus, vel celeberrimo fori ⁶ effigiem divi Augusti amplecti, populumque ac senatum auxilio vocare. eaque spreta ab illis, velut pararent, obiciebantur.

LXVIII. Junio Silano et Silio Nerva Coss. ¹ fœdum anni principium incessit tracto in carcerem ² illustri equite Romano Titio Sabino ob amicitiam Germanici: neque enim omiserat conjugem liberosque ejus percolere, sectator domi, comes in publico, post tot clientes unus, eoque apud bonos laudatus et gravis iniquis. hunc Latinius Latiaris, Porcius Cato, Petiti Rufus, M. Opsi prætura functi aggrediuntur, cupidine consulatus, ad quem non nisi per Sejanum aditus; neque Sejanus voluntas ³ nisi scelere quærebatur. Compositum inter ipsos ut Latiaris, qui modico usu Sabinum contingebat, strueret dolum, ceteri testes adessent, deinde accusationem inciperent. Igitur Latiaris jacere fortuitos primum sermones; mox laudare constantiam, *quod non, ut ceteri, florentis domus amicus afflictam deseruisset*: simul honora de Germanico, Agrippinam miserans, disserebat. et postquam Sabinus, ut sunt molles in calamitate mortalium animi, effudit lacrimas, junxit questus, audentius jam onerat Sejanum, sævitiam, superbiam, spes ejus. ne in Tiberium quidem convivio abstinet. iique sermones, tanquam vetita misceissent ⁴, speciem artæ amicitiae facere. ac jam ultro Sabinus quærere Latiarem, ventitare domum, dolores suos quasi ad fidissimum deferre.

LXIX. Consultant quos memoravi, quonam modo ea plurium auditu

LXVII. 1. Per ætatem ob situm suum Zephyris perflatur. — 2. Eruptio anni U. 832, p. Chr. 79, sub Tito, qua Pompeii et Herculani subversa. Vide Plinium, Epist. VI, 16 et 20. — 3. Impleverat insulam positis 12 villis, secundum quas omnes regiones ejus nominabantur, deletis, ut apparere videtur, nominibus veteribus. Quum una dicta fuerit *Jovis villa*, duodecim magnorum deorum nominibus præditæ fuisse creduntur. Ceterum ipsius possessio erat illa insula, quam Augustus ab Neapolitanis pretio comparaverat. — 4. Sc. magis, ex sequenti *occultior*. — 5. Subornabantur. — 6. Vel in parte fori maxime frequentata hominibus; vel eo tempore quo forum esset frequentatissimum. Conf. ad III, 9.

LXVIII. 1. A. U. 781, p. Chr. 28. — 2. In quo occisus. Adde supra c. 18. — 3. Benevolentia — 4. Inter se agitavissent.

acciperentur. nam loco, in quem coibatur, servanda solitudinis facies; et si pone fores assisterent, metus¹ visus, sonitus aut forte ortæ suspicionis erant. tectum inter et laquearia² tres senatores haud minus turpi latebra quam detestanda fraude sese abstrudunt; foraminibus et rimis aurem admovent. interea Latiaris repertum in publico Sabinum, velus recens cognita narraturus, domum et in cubiculum trahit; præteritaque et instantia, quorum affatim copia, ac novos terrores cumulat. eadem ille et diutius, quanto mœsta, ubi semel prorupere, difficilius reticentur. properata inde accusatio, missisque ad Cæsarem litteris ordinem fraudis suumque ipsi dedecus narravere. Non alias magis anxia et pavens civitas egit, etiam³ adversum proximos. congressus, colloquia, notæ ignotæque aures vitari; etiam muta atque inanima, tectum et parietes circumspectabantur.

LXX. Sed Cæsar, solennia incipientis anni Kalendis Januariis epistola precatus¹, vertit in Sabinum, *corruptos quosdam libertorum et petitem se* arguens, ultionemque haud obscure poscebat. nec mora quin decerneretur: et trahebatur damnatus, quantum obducta² veste et astrictis faucibus uti poterat, clamitans *sic inchoari annum, has Sejano victimas cadere*. quo intendisset oculos, quo verba acciderent, fuga, vastitas; deserui itinera, fora: et quidam regrediebantur ostentabantque se rursum, id ipsum paventes, quod timuissent. « quem enim diem vacuum « pœna, ubi inter sacra et vota, quo tempore verbis etiam profanis abstineri mos esset, vincla et laqueus inducantur? Non prudentem « Tiberium tantam invidiam adiisse? quæsitum meditatumque³ ne quid « impedire credatur quominus novi magistratus, quo modo delubra et altaria, sic carcerem recludant. » Secutæ insuper litteræ grates agentis, quod hominem infensum reipublicæ punivissent, adjecto *trepidam sibi vitam, suspectas inimicorum insidias*, nullo nominatim compellato: neque tamen dubitabatur in Neronem et Agrippinam intendi.

LXXI. Ni mihi destinatum foret suum quæque in annum referre, aveau animus antire statimque memorare exitus, quos Latinius atque Opsius ceterique flagitii ejus repertores habuere, non modo postquam C. Cæsar¹ rerum potitus est, sed incolumi Tiberio: qui scelerum ministros ut perverti ab aliis nolebat, ita plerumque satiat, et oblatis in eandem operam recentibus, veteres et prægraves afflixit. verum has atque alias sontium pœnas in tempore trademus². Tum censuit Asinius Gallus, ejus liberorum Agrippina matertera erat³, *petendum a Principe, ut metus suos senatui fateretur, amoverique sineret*. nullam æque Tiberius, ut rebatur, ex virtutibus suis quam dissimulationem diligebat. eo ægrius accepit recludi quæ premeret. sed mitigavit Sejanus, non Galli amore, verum ut cunctationes⁴ Principis aperirentur, gnarus lentum in meditando, ubi prorupisset, tristibus dictis atrocia facta conjungere. Per idem tempus Julia mortem obiit, quam neptem Augustus convictam adulterii damna-

LXIX. 1. Plurali. — 2. *Plafond à compartiments*, inter quæ erant mox dicenda *foramina* et *rimæ*, non fortuita, opinor, sed ex arte sculpti operis. — 3. *Codex egeus*.

LXX. 1. Quum preces edidisset solitas solennibus illis. *Precari solennia* dicitur ut *certare Olympia*. — 2. Sc. ori. — 3. Passive.

LXXI. 1. Caligula. — 2. De Latinio VI, 4. Locus de Opsio periit. — 3. Duxerat Gallus Agrippinæ sororem ex patre, Vipsaniam Agrippinam. — 4. Meditationes animo retentas.

verat projeceratque in insulam Trimerum haud procul Apulis littoribus. illic viginti annis exsilium toleravit, Augustæ ope sustentata; quæ florentes privignos⁵ quum per occultum subvertisset, misericordiam erga afflictos palam ostentabat.

LXXII. Eodem anno Frisii, transrhenanus populus, pacem exuere, nostra magis avaritia quam obsequii impatientes. tributum iis Drusus jusserat modicum pro angustia rerum, *ut in usus militares coria boum penderent*, non intenta cujusquam cura quæ firmitudo, quæ mensura, donec Olennius e primipilaribus, regendis Frisiis impositus, *terga uorum*¹ delegit quorum ad formam acciperentur. id aliis quoque nationibus arduum, apud Germanos difficilius tolerabatur, quis ingentium belluarum feraces saltus, modica domi armenta sunt. ac primo boves ipsos, mox agros, postremo corpora conjugum aut liberorum servitio tradebant. hinc ira et questus, et postquam non subveniebat², remedium ex bello: rapti, qui tributo³ aderant, milites et patibulo affixi. Olennius infensos fuga prævenit, receptus castello cui nomen *Flevum*⁴: et haud spernenda illic civium sociorumque manus littora Oceani præsidebat.

LXXIII. Quod ubi L. Apronio, inferioris Germaniæ proprætori, cognitum, vexilla legionum e superiore provincia peditumque et equitum auxilium delectos accivit, ac simul utrumque exercitum Rheno devectum Frisiis intulit, soluto jam castelli obsidio et ad sua tutanda digressis rebellibus. Igitur proxima æstuaria aggeribus et pontibus traducendo graviori agmini firmat. atque interim repertis vadis, alam Canninefatem⁴, et quod peditum Germanorum inter nostros merebat, circumgredi terga hostium jubet: qui jam acie compositi pellunt vi turmas sociales equitesque legionum subsidio missos. tum tres leves cohortes ac rursum duæ, dein tempore interjecto alarius² eques inmissus. satis validi, si simul incubuissent, per intervallum adventantes neque constantiam addiderant turbatis et pavore fugientium auferebantur. Cethego Labeoni, legato quintæ legionis, quod reliquum auxiliorum, tradit: atque ille dubia suorum re in anceps tractus, missis nuntiis, vim legionum implorabat. prorumpunt quintani ante alios, et acri pugna hoste pulso, recipiunt cohortes alasque fessas vulneribus. neque dux Romanus ultum iit aut corpora humavit, quamquam multi tribunorum præfectorumque et insignes³ centuriones cecidissent. Mox compertum a transfugis nongentos Romanorum apud lucum, quem *Baduhennæ*⁴ vocant, pugna in posterum extracta confectos; et aliam quadringentorum manum, occupata Cruptoricis quondam stipendiarii⁵ villa, postquam proditio metuebatur, mutuis ictibus procubuisse.

LXXIV. Clarum inde inter Germanos Frisium nomen, dissimulante

— 3. Liberos ex Julia, Augusti filia ex Scribonia nata ante matrimonium cum Livia, Caium, Lucium, Agrippam Postumum, Agrippinam, Juliam.

LXXII. 1. Sunt boves feri prægrandes, quod genus non amplius exstare videtur. —

2. Sc. Olennius, ad quem querelæ deferebantur. — 3. Sc. exigendo, cogendo. *Milites* sc. Romani a Frisiis *affixi* etc. — 4. Fortasse ad Rheni ostium ejusdem nominis.


LXXIII. 1. In gente Canninefatum morantem. — 2. Auxiliaris, ut III, 59. — 3. *Primipilares* sive primorum ordinum (hastatorum). — 4. *Badu* theotisce est bellum. — 5. Qui olim stipendia Romana merebat.

Tiberio damna, ne cui bellum permitteret. neque senatus in eo cura, an imperii extrema dehonestarentur : pavor internus occupaverat animos, cui remedium adulatione quærebatur. ita, quamquam diversis super rebus consulerentur, *aram Clementiæ, aram Amicitiae effigiesque circum Cæsaris ac Sejani* censuere ; crebrisque precibus efflagitabant, *visendi sui copiam facerent*. Non illi tamen in Urbem aut propinqua Urbi digressi sunt : satis visum omittere insulam et in proximo Campaniæ aspici. eo venire Patres, Eques, magna pars plebis, anxii erga Sejanum. cujus durior¹ congressus, atque eo per ambitum² et societate consiliorum³ parabatur. Satis constabat auctam ei arrogantiam, fœdum illud in propatulo servitium spectant⁴. quippe Romæ sueti discursus, et magnitudine Urbis incertum quod quisque ad negotium pergat : ibi campo aut littore jacentes, nullo discrimine, noctem ac diem juxta gratiam aut fastus janitorum⁵ perpetiebantur, donec id quoque vetitum. et revertere in Urbem trepidi, quos non sermone, non visu dignatus erat ; quidam male alacres, quibus infaustæ amicitiae gravis exitus imminebat.

LXXV. Ceterum Tiberius neptem Agrippinam, Germanico ortam, quum coram Cn. Domitio tradidisset, in Urbe celebrari nuptias jussit¹. in Domitio, super vestutatem generis, propinquum Cæsaribus sanguinem delegerat : nam is aviam Octaviam² et per eam Augustum avunculum præferebat³.

LXXIV. 1. Difficilior. — 2. Sc. apud homines gratia Sejani florentes. — 3. Sc. Sejani ; eo quod socios se præberent ejus consiliis. — 4. Sc. Sejani.

LXXV. 1. Ex quibus Nero ortus. — 2. Cujus filia uxor patris ejus, de quo narratum supra c. 44. — 3. Præ se ferebat, ut sæpe.



LIBER QUINTUS.

ARGUMENTUM.

Cap. 1. Liviae Augustae mors et elogium. — 2. Tiberius etiam mortuae iniquus. — 3. Sejani potentia crescit. Agrippina et Nero a Principe accusantur. — 4. in eos populi favor. — 5. irato Tiberio. [*Triennii propemodum acta desunt.*] — 6. Sejanus detecta cupidine imperii pervertitur — 7-9. cum magna amicorum strage. — 10. Pseudo-Drusum persequitur Poppaeus Sabinus. — 11. Discordia consulum. — 12. Hae gesta annis p. Chr. 29 ineunte et 31 exeunte.

I. Rubellio et Fufio Coss.¹, quorum utrique Geminus cognomentum erat, Julia Augusta² mortem obiit ætate extrema, nobilitatis per Claudiam familiam³ et adoptione Liviorum⁴ Juliorumque clarissimæ. primum ei matrimonium et liberi fuere cum Tib. Nerone, qui bello Perusino⁵ profugus pace inter Sex. Pompeium ac triumviros pacta in Urbem rediit. exin Cæsar⁶ cupidine formæ aufert marito, incertum an invitam, adeo properus ut ne spatio quidem ad enitendum dato penatibus suis gravidam indaxerit. nullam posthac subolem edidit⁷: sed sanguini Augusti per conjunctionem Agrippinæ et Germanici annexa communes pronepotes habuit⁸. sanctitate domus priscum ad morem, comis ultra quam antiquis feminis probatum, mater impotens⁹, uxor facilis, et cum artibus mariti, simulatione filii bene composita¹⁰. Funus ejus modicum, testamentum diu irritum fuit¹¹. laudata est pro rostris a C. Cæsare pronepote, qui mox rerum potitus est.

II. At Tiberius, quod supremis in matrem officiis defuisset, nihil mutata amœnitate vitæ, *magnitudinem negotiorum* per litteras excusavit; honoresque memoriæ ejus ab senatu large decretos quasi per modestiam imminuit, paucis admodum receptis, et addito, *ne cælestis religio decerneretur: sic ipsam maluisse*. quin et parte ejusdem epistolæ increpuit *amicitias muliebres*, Fufium consulem oblique perstringens. is gratia

I. 1. A. U. 792, p. Chr. 29. — 2. Livia; vide I, 8. — 3. Pater erat Appius Claudius Pulcher, maritus prior Tib. Claudius Nero. — 4. Pater ejus in Liviam familiam adoptatus nomen gessit M. Livii Drusi Claudiani. — 5. Contra L. Antonium, triumviri fratrem, a. U. 714. — 6. Augustus. — 7. Præter Tiberium et Drusum, quem in domo Augusti peperit. — 8. Agrippina, uxor Germanici, Liviae neptis erat ex Druso; Germanicus Augusti nepos ex Julia: sic nati ex hoc matrimonio *communes pronepotes* erant Augusto et Liviae. — 9. Affectibus suis non temperans in filiis. Conf. dicta IV, 37. — 10. Metaphora de gladiatorum paribus ducta, quæ pro vi aut dexteritate *componuntur*. Erat Livia qualem esse oportebat cum marito artium et machinarum habili, et cum filio abstrusæ simulationis. ut potens esset apud utrumque. Caligula eam appellabat *Ulyssem stolatum*. — 11. Suetonius c. 31: Tiberius *testamentum ejus pro irritato habuit, omnesque amicitias et familiaritates, etiam quibus ea funeris curam moriens demandarat, intra breve tempus afflixit*. Caligula demum legata ejus persolvit.

Augustæ floruerat, aptus alliciendis feminarum animis, dicax idem et Tiberium acerbis faciliis irridere solitus, quarum apud præpotentes in longum memoria est.

III. Ceterum ex eo prærupta¹ jam et urgens dominatio. nam incolumi Augusta erat adhuc perfugium, quia Tiberio inveteratum erga matrem obsequium, neque Sejanus audebat auctoritati parentis anteire. tunc velut frenis exsoluti proruperunt, missæque in Agrippinam ac Neronem litteræ, quas pridem allatas et cohibitas ab Augusta credidit vulgus; hand enim multum post mortem ejus recitatae sunt. verba inerant quasita asperitate: sed non arma, non rerum novarum studium, *turpissimam impudicitiam* nepoti objectabat. in nulum ne id quidem contingere ausus, *arrogantiam oris et contumacem animum* inculpavit, magno senatus pavore ac silentio, donec pauci, quis nulla ex honesto spes (et publica mala singulis in occasionem gratiæ trahuntur), *ut referretur* postulare, promptissimo² Cotta Messalino, cum atroci sententia³. sed aliis a primoribus maximeque a magistratibus trepidabatur: quippe Tiberius, etsi infense invecus, cetera ambigua reliquerat.

IV. Fuit in senatu Junius Rusticus, componendis Patrum actis¹ delectus a Cæsare, eoque meditationes ejus introspicere creditus. is fatali quodam motu (neque enim antè specimen constantiæ dederat), seu prava sollertia, dum imminens oblitus incerta pavet, inserere se dubitantibus, ac monere consules *ne relationem inciperent*; disserebatque *brevibus momentis summa verti posse, quandoque Germanici exitum pœnitentiæ seni*². simul populus, effigies Agrippinæ ac Neronis gerens, circumssistit curiam, infestisque in Cæsarem omnibus *falsas litteras et Principe invito exitium domui ejus intendi* clamitat. ita nihil triste illo die patratum. ferebantur etiam sub nominibus consularium fictæ in Sejanum sententiæ, exercentibus plerisque per occultum, atque eo procacius, libidinem ingeniorum. unde illi ira violentior et materies criminandi: « spre-
tum dolorem Principis ab senatu, descivisse populum: audiri jam et
« legi novas³ conciones, nova Patrum consulta; quid reliquum visi ut
« caperent ferrum et, quorum imagines pro vexillis secuti forent, duces
« imperatoresque deligerent? »

V. Igitur Cæsar, repetitis adversum nepotem et nulum probris, increpitaque per edictum plebe, questus apud Patres *quod fraude unius senatoris imperatoria majestas elusa publice foret*, integra tamen sibi¹ cuncta postulavit. nec ultra deliberatum, quominus non quidem extrema decernerent (id enim vetitum), sed² *paratos ad ultionem vi Principis impediri* testarentur.

VI. ***¹ Quattuor et quadraginta orationes super ea re habitæ. ex quib

III. 1. Præceps, ἀπότομος. — 2. Sc. ad postulandam relationem. — 3. Quam postulationi suæ addebant.

IV. 1. Conf. ad III, 3. Sed secreta habebantur ab Augusto et Tiberio, qui insuper significabat componenti quæ vellet addi aut omitti. — 2. Simul atque Tiberium pœnitentia cepit interitus familiæ Germanici. — 3. Ad res novas spectantes, seditiosas.

V. 1. Unice ad ipsius arbitrium relata. — 2. Sc. ut.

VI. 1. Exciderunt hic gesta usque ad finem hujus anni 782, gesta anni 783, et decem vel undecim mensium anni 784. Neque constat ad quemnam referenda sint frustula hujus

ob metum paucae, plures assuetudine ** 2« mihi pudorem aut Sejano in-
« vidiam allaturum censui. ** versa est fortuna, et ille quidem, qui col-
« legam et generum asciverat 3, sibi ignoscit; ceteri, quem per dedecora:
« fovere, cum scelere insectantur. ** miserius sit ob amicitiam accusari:
« an amicum accusare, haud discreverim. ** non crudelitatem, non cle-
« mentiam cujusquam experiar, sed liber et mihi ipsi probatus antibo
« periculum. vos obtestor ne memoriam nostri per mœrorem 4 quam læti
« retineatis, adjiciendo me quoque iis qui fine egregio publica mala effu-
« gerunt. »

VII. Tunc singulos, ut cuique assistere, alloqui animus erat, retinens
aut dimittens 1 partem diei absumpsit, multoque adhuc cœtu et cunctis
intrepidum vultum ejus spectantibus. quum superesse tempus novissimis
crederent, gladio, quem sinu abdiderat, incubuit. neque Cæsar ullis
criminibus aut probris defunctum insectatus est, quum in Blæsum multa
fœdaque incusavisset.

VIII. Relatum inde de P. Vitellio 1 et Pomponio Secundo 2. illum indi-
ces arguebant *claustra cerarii, cui præfectus erat, et militarem pecu-
niam rebus novis obtulisse*; huic a Considio, prætura funeto, objectaba-
tur *Ælii Galli 3 amicitia, qui punito Sejano in hortos Pomponii, quasi
fidissimum ad subsidium, perfugisset*. neque aliud periclitantibus
auxilii quam in fratrurn constantia fuit, qui vades exstiteret 4. mox crebris
prolationibus, spem ac metum juxtâ gravatus Vitellius, petito per speciem
studiorum scalpro 5, levem ictum venis intulit, vitamque ægritudine
animi finivit. at Pomponius, multa morum elegantia et ingenio illustri,
dum adversam fortunam æquus tolerat, Tiberio superstes fuit.

IX. Placitum posthac, *ut in reliquis Sejani liberos adverteretur*,
vanescente quamquam plebis ira, ac plerisque per priora supplicia lenitis.
igitur portantur in carcerem, filius imminentium intelligens, puella adeo
nescia, ut crebro interrogaret *quod ob delictum et quo traheretur? ne-
que facturam ultra, et posse se puerili verbere moneri*. obliis faucibus
id ætatis corpora in Gemonias abjecta.

X. Per idem tempus Asia atque Achaia exferritæ sunt acri magis quam
diuturno rumore, *Drusum, Germanici filium 1, apud Cycladas insulas
mox in continenti visum*. et erat juvenis haud dispari ætate, quibusdam
Cæsaris libertis velut agnitus, per dolumque 2 comitantibus. alliciebantu
ignari fama nominis et promptis Græcorum animis ad nova et mira:
*quippe elapsum custodiæ pergere ad paternos exercitus, Ægyptum
aut Syriam invasurum* fingeant simul credebantque. jam juventutis
concursu, jam publicis studiis frequentabatur, lætus præsentibus et ina-

Capitis. Dicta sunt inter amicos, non in senatu, a quodam, ut videtur, Blæsi familiari.
— 2. Assentatoriæ sive serviles erant; ejusmodi aliquid additum fuisse videtur. — 3. Ti-
berius, cui Sejanus collega imperii et progener destinatus in nepte Julia, Drusi filla. —
4. Sc. potius.

VII. 1. Sc. eos quibus non erat animus assistere.

VIII. 1. Legato Germanici, quem ultus fuerat in Pisone, III, 13. — 2. Poeta, de quo
XII, 28. — 3. Celeberrimi jurisconsulti. — 4. Rei in custodiam dati fratribus, qui eos domi
sue tenebant. — 5. Quo calami acuebantur.

XI. Qui in ima parte palatii tum custodiebatur. — 2. Sc. ut corripere eum, quando

nium spe, quum auditum id Poppæo Sabino. is Macedoniae tum intentus³ Achaïam quoque curabat. igitur, quo vera seu falsa⁴ antiret, Toronæum Thermæumque sinum præfestinans⁵, mox Eubœam Ægæi maris insulam, et Piræeum Atticæ oræ⁶, dein Corinthiense littus angustiasque Isthmi evadit⁷; marique alio Nicopolim Romanam coloniam ingressus, ibi demum cognoscit, sollertius interrogatum, *quisnam foret*, dixisse *M. Silano genitum*; et multis sectatorum dilapsis ascendisse navem, tamquam Italiam peteret. scripsitque hæc Tiberio: neque nos originem finemve ejus rei ultra comperimus⁸.

XI. Exitu anni diu aucta discordia consulum¹ erupit. nam Trio, facilis capessendis inimiciis et foro² exercitus, *ut segnem Regulum ad opprimendos Sejani ministros* oblique perstrinxerat. ille, nisi lacesseretur, modestiæ retinens, non modo retudit collegam, sed *ut noxium*³ *conjuratiōis* ad disquisitionem trahebat. multisque Patrum orantibus, ponerent odia in perniciem itura, mansere infensi ac minitantes, donec magistratu abirent.

opportunum videretur. — 3. Præfectus. — 4. Verus sit an falsus ille Drusus. — 5. Præterfestinans. — 6. Sc. portum. — 7. Sc. terrâ; deinde in sinu Corinthio naves repetit et Ionium mare intrat. — 8. Comperit Dio Cassius, qui (LVIII, 23) Pseudo-Drusum tradit a. 787 ab aliquo arreptum et ad Tiberium missum esse.

XI. 1. Sc. subrogatorum L. Fulcinii Trionis, P. Memmii Reguli. — 2. Judiciis. — 3. Reum.



LIBER SEXTUS.

ARGUMENTUM.

Cap. 1. Tiberii libidines. — 2. In Sejani et Liviae memoriam sævitur. Togonii adulationem Princeps irridet, — 3. Gallionis increpat et punit Paconianus. — 4. Latiaris. Dissidium consulum sedat Maximus. — 5. Cotta Messalinus accusatus. — 6. Tiberii confessio. tyrannorum occulta supplicia. — 7. Cæcilianus, Servæus, Therminus damnati. delationes crebræ. — 8. M. Terentius, ob Sejani amicitiam accusatus, egregie et libere se defendit. — 9. et absolvitur. Vestilius se interimit, plures gregatim accusati.

10. L. Pisonis mors et funus. — 11. præfecturæ Urbis origo et progressus. — 12. De Sibyllinis carminibus consultatio. — 13. Seditio Romæ ob gravitatem annonæ coercita. — 14. Equites Romani conjurationis crimine cadunt.

15. Germanici filia L. Cassio et M. Vinicio locata. — 16. Feneratores accusati. repressæ usuræ. — 17. liberalitate Cæsaris fides refecta. — 18. Iterum accusationes majestatis, — 19. et omnes societatis cum Sejano rei necati.

20. C. Cæsar Claudiam ducit. Tiberii præsagium de Ser. Galba. — 21. ars Chaldæa. Thrasyllus. — 22. de fato dubitatio. — 23. Asinius Gallus obit. Mors Drusi miseranda. — 24. in eum atrox Tiberii animus. — 25. Agrippina perit inedia. — 26. Cocceius Nerva sponte vita decessit. — 27. mors Ælii Lamia, Flacci Pomponii, M. Lepidi.

28. Phoenix in Ægypto visa. super ea narrationes et judicia. — 29. Labeo sponte moritur, invidiam amoliente Tiberio. Scaurus damnationem anteit. — 30. varii cives Urbe exacti. Gætulicus mira fiducia evadit.

31. Parthis Artabanum amoturis et petentibus regem Tiberius dat Phrahatem — 32. et, hoc mortuo, Tiridatem destinat. Orienti Vitellium præficit. — 33-33. Parthos Armenii invadunt; hos Albani Iberique Thessalis orti juvant. — 36. Artabano in Scythiam profugo — 37. Tiridates sufficitur. — 38. Romæ Tiberius sævire pergit. — 39. Poppæus Sabinus obit.

40. Mors Vibuleni Agrippæ, Tigranis, Æmilie Lepidæ. — 41. Clitas Cappadoces, regi suo rebelles, reprimit Trebellius. — 42. Tiridates insigne regium accipit, — 43. mox procerum dissidio pellitur, — 44. Artabano restituto.

45. Grave incendium Romæ Tiberius liberalitate mitigat. — 46. Macro Caligulam captat. Tiberius de successore deliberat. ejus præsagium de Caligula. morbum dissimulat. — 47. Acutia damnatur. Albucilla impietatis in Principem defertur. — 48. Arruntius tædio temporum venas resolvit. — 49. Papinius se præcipitat. — 50. Tiberius defectionem suam tegit, Chariclis medici astu compertam. finit oppressus. — 51. ejus varii casus et mors.

Gesta hæc annis sex, a 32 ad 37 p. Chr.

I. Cn. Domitius et Camillus Scribonianus consulatum inierant ¹, quum Cæsar, transmisso quod Capreas et Surrentum interluit freto, Campaniam prælegebat ², ambiguus an Urbem intraret, seu, quia contra destinaverat, speciem venturi simulans. et sæpe in propinqua ³ digressus, aditis juxta Tiberim hortis, saxa rursum et solitudinem maris repetiit, pudore scelerum et libidinum, quibus plane indomitis exarserat.

I. 1. Anni U. 785, p. Chr. 32. — 2. Campaniæ oram *legebat* (præternavigabat). — 3. Sc. Urbi loca.

II. At Romæ principio anni, quasi recens cognitis Liviae ¹ flagitiis ac non pridem etiam punitis, atroces sententiæ dicebantur, in effigies quoque ac memoriam ejus, et *bona Sejani ablata ærario, ut in fiscum cogerentur*, tamquam referret ². Scipiones hæc et Silani et Cassii, iisdem ferme aut paullum immutatis verbis, asseveratione multa censebant, quum repente Togonius Gallus, dum ignobilitatem suam magnis nominibus inserit, per deridiculum auditur. nam Principem orabat *deligere senatores, ex quis viginti sorte ducti et ferro accincti, quoties curiam inisset, salutem ejus defenderent*. crediderat nimirum epistolæ subsidio sibi alterum ex consulibus poscentis, *ut tutus a Capreis Urbem peteret*. Tiberius tamen, ludibria seriis permiscere solitus, egit grates benevolentiae Patrum: « sed quos omitti posse, quos deligi? semperne eosdem, an « subinde alios? et honoribus perfunctos, an juvenes ³? privatos, an e « magistratibus? quam deinde speciem fore sumentium in limine curiæ « gladios? neque sibi vitam tanti, si armis tegenda foret. » hæc adversus Togonium, verbis moderans: neque ultra abolitionem sententiæ suadere.

III. At Junium Gallionem, qui censuerat *ut prætoriani, actis stipendiis, jus apiscerentur in quattuordecim ordinibus* ¹ sedendi, violenter increpuit, velut coram rogitans « quid illi cum militibus? quos neque « dicta imperatoris ² neque præmia nisi ab Imperatore accipere par esset. « reperisse prorsus quod divus Augustus non providerit ³. an potius « discordiam et seditionem a satellite Sejani quæsitam, qua rudes animos « nomine honoris ad corrumpendum militiæ morem propelleret? » Hoc pretium Gallio meditatæ adulationis tulit, statim curia, deinde Italia exactus: et quia incusabatur facile toleraturus exsilium delecta Lesbo, insula nobili et amœna, retrahitur in Urbem custoditurque domibus magistratuorum ⁴. Iisdem litteris Cæsar Sextium Paconianum prætorium perculit, magno Patrum gaudio, audacem, malehunc, omnium secreta rimantem, delectumque a Sejano cujus ope dolus C. Cæsari pararetur. quod postquam patefactum, prorupere concepta pridem odia; et summum supplicium decernebatur, ni professus indicium foret ⁵.

IV. Ut vero Latinium Latiarem ingressus est ¹, accusator ac reus juxta invisi gratissimum spectaculum præbebantur ². Latiaris, ut retuli ³, præcipuus olim circumveniendi Titii Sabini, et tunc luendæ pœnæ primus fuit. Inter quæ Haterius Agrippa consules anni prioris invasit, « cur mutua « accusatione intenta nunc silerent? metum prorsus et noxiam ⁴ conscientiæ pro fœdere haberi; at non Patribus reticenda quæ audivissent. » Regulus *manere tempus ultionis, seque coram Principe executurum*;

II. 1. Alibi *Livillæ*, quæ Drusi uxor, scelerum Sejani socia. — 2. Aliquid interesset. Nam non fisci solum qui proprius Imperatori, sed ærarii quoque publici pecuniæ in Imperatoris potestate erant. — 3. Senatorum filios, quibus curiæ interesse Augustus permiserat, protinus virili toga, lato clavo indutis.

III. 1. Sc. subsellorum in theatris, post senatorum subsellia positis. Illi autem *quattuordecim* erant Equitum, antiquo usu Roscia lege a. U. 686 restituto. — 2. Jussa imperatoria, imperia. — 3. Augustus secreverat tantum sedes militum in theatris a populo, non honestiores reddiderat. — 4. Quæ vocabatur *custodia libera*. — 5. Nisi se noxios alios indicaturum professus esset.

IV. 1. Accusare incept Paconianus. — 2. Se præbebant. — 3. IV, 68. — 4. Culpam.

Trio *emulationem inter collegas, et si qua discordes jecissent* ¹, *melius oblitteri* respondit. urgente Agrippa, Sanquinius Maximus e consularibus oravit senatum, *ne curas Imperatoris conquisitis insuper acerbitatibus augerent; sufficere ipsum statuendis remediis*. sic Regulo salus et Trioni dilatio exitii quæsitæ. Haterius invidior fuit, quia somno aut probrosis vigiliis marcidus, et ob segnitiam quamvis crudelem Principem non metuens, illustribus viris perniciem inter ganeam ac libidines meditabatur.

V. Exin Cotta Messalinus, sævissimæ cujusque sententiæ auctor eoque inveteratâ invidiâ, ubi primum facultas data, arguitur pleraque ¹: C. Cæsarem quasi incestæ virilitatis ², et quum die natali Augustæ inter sacerdotes epularetur, *novendialem eam cœnam* ³ dixisse, querensque de potentia M. Lepidi ac L. Arruntii ⁴, cum quibus ob rem pecuniariam disceptabat, addidisse, *illos quidem senatus, me autem tuebitur Tiberiolus meus*: neque cuncta a primoribus civitatis revincebatur ⁵; iisque instantibus, ad Imperatorem provocavit. nec multo post litteræ afferuntur, quibus in modum defensionis, repetito « inter se atque Cottam amici-
tiae principio, crebrisque ejus officiis » commemoratis, « ne verba prave
« detorta neu convivalium fabularum ⁶ simplicitas in crimen duceretur »
postulavit.

VI. Insigne visum et carum Cæsaris litterarum initium: nam his verbis exorsus est: « Quid ¹ scribam vobis, Patres conscripti, aut quomodo scribam, aut quid omnino non scribam hoc tempore, dii me deæque pejus
« perdant quam perire me quotidie sentio, si scio. » adeo facinora atque flagitia sua ipsi quoque in supplicium verterant. neque frustra præstantissimus sapientiæ ² firmare solitus est, si recludantur tyrannorum mentes, posse aspicere laniatus et ictus, quando, ut corpora verberibus, ita sævitia, libidine, malis consultis animus dilaceretur. quippe Tiberium non fortuna, non solitudines protegebant, quin tormenta pectoris suasque ipse poenas fateretur.

VII. Tum facta Patribus potestate statuendi de *Cæciliano senatore, qui plurima adversum Cottam prompserat*, placitum eandem poenam irrogari quam in *Aruseium et Sanquinium, accusatores L. Arruntii* ¹: quo non aliud honorificentius Cottæ evenit, qui nobilis quidem, sed egens ob luxum, per flagitia infamis, sanctissimis Arruntii artibus dignitate

Conscientiæ datus: menti eorum qui consilii essent fœderis locum tenere. — s. Verbis fudissent.

V. 1. Græca structura, ἐλέγχεται πολλά. — 2. Sc. dixisse, quod sequitur: de C. Cæsare (Caligula) locutum esse quasi incesti noxium. — 3. Id est feralem cœnam sive *sili-cernium*, quo mortuis nono die parentabatur. Vel mortua Livia hoc dictum, vel in ejus decrepita senectutem. — 4. De quibus conf. I, 15. — 5. Non omnium convincebatur ut modo dictum *arguitur pleraque*. — 6. Confabulationum.

VI. 1. Huc refer ex fine, *si scio quid*, etc. — 2. Sapientum, Socrates, apud Platonem in Gorgia p. 524, E, cujus hæc verba sunt: Πολλάκις (Rhadamanthus), τοῦ μεγάλου βασιλέως ἐπιλαθόμενος ἢ ἄλλου ὁπουοῦν βασιλέως ἢ δυνάστου, κατεῖδεν οὐδὲν ὑγιὲς ὄν τῆς ψυχῆς, ἀλλὰ διαμεμαστιγωμένην καὶ οὐλῶν μεστήν, ὑπὸ ἐπι-ορκιῶν καὶ ἀδικίας, ἃ ἐκάστω ἢ πράξις αὐτοῦ ἐνωμόρξατο εἰς τὴν ψυχὴν. Similia in libro De republica IX, p. 579, D. *Firmare*, affirmare.

VII. 1. De quibus in perditis partibus libri quinti dictum erat.

ultionis æquabatur. Q. Servæus posthac et Minucius Thermus inducti, Servæus prætura functus et quondam Germanici comes, Minucius equestri loco, modeste habita Sejani amicitia: unde illis major miseratio. contra Tiberius *præcipuos ad scelera* increpans, admonuit C. Cestium patrem *dicere senatui quæ sibi scripsisset*; suscepitque Cestius accusationem. quod maxime exitiabile tulere illa tempora, quum primores senatus infimas etiam delationes exercerent, alii propalam, multi per occultum; neque discerneres alienos a conjunctis, amicos ab ignotis, quid repens² aut vetustate obscurum; perinde in foro, in convivio, quaque de re locuti incusabantur, ut quis prævenire et reum destinare properat, pars ad subsidium sui, plures infecti quasi valetudine et contactu. Sed Minucius et Servæus damnati indicibus accessere³. tractique sunt in casum eundem Julius Africanus e Santonis, Gallica civitate, Seius Quadratus: originem⁴ non reperi. Neque sum ignarus a plerisque scriptoribus omissa multorum pericula et pœnas, dum copia fatiscunt aut, quæ ipsis nimia et mœsta fuerant, ne⁵ pari tædio lecturos afficerent verentur. nobis pleraque digna cognitu obvenire, quamquam ab aliis incelebrata.

VIII. Nam ea tempestate, qua Sejani amicitiam ceteri falso exuerant, ausus est eques Romanus M. Terentius, ob id reus, amplecti ad hunc modum apud senatum ordiendo: « Fortunæ quidem meæ fortasse minus
« expediat agnoscere crimen quam abnuere. sed utcunque casura res est,
« fatebor et fuisse me Sejano amicum, et ut essem expetisse, et, postquam
« adeptus eram, lætatum. videram collegam patris regendis prætoriiis co-
« hortibus, mox Urbis et militiæ munia simul obeuntem. illius propinqui
« et affines honoribus augebantur; ut quisque Sejano intimus, ita ad Cæ-
« saris amicitiam validus; contra, quibus infensus esset, metu ac sordi-
« bus¹ conflictabantur. nec quemquam exemplo assumo: cunctos, qui
« novissimi consilii² expertes fuimus, meo unius discrimine defendam.
« non enim Sejanum Vulsiniensem³, sed Claudię et Julię domus partem,
« quas aflinitate⁴ occupaverat, tuum, Cæsar, generum, tui consulatus
« socium⁵, tua officia in republica capessentem colebamus. non est no-
« strum æstimare quem supra ceteros et quibus de causis extollas. tibi
« summum rerum iudicium dii dedere: nobis obsequii gloria relicta est.
« spectamus porro quæ coram habentur, cui ex te opes, honores, quis
« plurima juvandi nocendive potentia: quæ Sejano fuisse nemo negave-
« rit. abditos Principis sensus, et si quid occultius parat, exquirere illi-
« citum, anceps: nec ideo assequare. Ne, Patres conscripti, ultimum
« Sejani diem, sed sedecim annos cogitaveritis. etiam Satrium⁶ atque
« Pomponium⁷ venerabamur; libertis quoque ac janitoribus ejus note-
« scere pro magnifico accipiebatur. Quid ergo? indistincta hæc defensio et
« promiscua dabitur? imo justis terminis dividatur. insidiæ in rempubli-
« cam, consilia cædis adversum Imperatorem puniantur: de amicitia et
« officiis idem finis et te, Cæsar, et nos absolverit. »

--2. Repentinum, subito et nuper ortum. — 3. Delatoribus se junxerunt, eoque servati, ut Paconianus c. 3. — 4. Sc. Quadrati. — 5. Se. his referendis.

VIII. 1. Vide ad XII, 39. — 2. Sejani de interficiendo Tiberio, revelati ab Antonia, Germanici matre. — 3. V. IV. 1. — 4. Sed promissa tantum: filia Sejani destinata Claudii filio, Tiberii neptis Julia Sejano. Deinde *gener* est progener. — 5. A. U. 784. Absentem Tiberium alloquitur. — 6. De quo IV, 54. Postea Sejanum amicum detulit. — 7. De quo c. 13.

IX. Constantia orationis, et quia repertus erat qui efferret ¹ quæ omnes animo agitabant, eo usque potuere ², ut accusatores ejus, additis quæ ante deliquerant, exsilio aut morte multarentur. Secutæ dehinc Tiberii litteræ in Sex. Vestilium prætorium, quem Druso fratri percarum in cohortem suam ³ transtulerat. causa offensionis Vestilio fuit, seu composuerat quædam in C. Cæsarem ut impudicum, sive ficto habita fides. atque ob id convictu Principis prohibitus, quum senili manu ferrum tentavisset, obligavit venas ⁴; precatusque per codicillos, immiti rescripto, venas resolvit. Acervatim ex eo Annius Pollio, Appius Silanus, Scauro Mamerco simul ac Sabino Calvisio, majestatis postulantur, et Vinicianus Pollioni patri adjiciebatur, clari genus, et quidam summis honoribus. contremuerantque Patres (nam quotus quisque affinitatis aut amicitiae tot illustrium virorum expers erat?), ni Celsus, urbanæ cohortis tribunus, tum inter indices, Appium et Calvisium discrimini exemisset. Cæsar Pollionis ac Viniciani Scaurique causam, ut ipse cum senatu nosceret, distulit, datis quibusdam in Scaurum tristibus notis.

X. Ne feminæ quidem exsortes periculi. qua ¹ occupandæ reipublicæ argui non poterant, ob lacrimas incusabantur; necataque est anus Vitia, Fufii Gemini mater, quod filii necem flevisset. Hæc apud senatum. nec secus apud Principem Vesularius Atticus ac Julius Marinus ad mortem aguntur, e vetustissimis familiarium, Rhodum secuti et apud Capreas individui: Vesularius insidiarum in Libonem internuntius: Marino partice Sejanus Curtium Atticum ² oppresserat. quo lætius acceptum sua exempla in consultores recidissee. Per idem tempus L. Piso pontifex, raram in tanta claritudine, fato ³ obiit, nullius servilis sententiæ sponte auctor, et quoties necessitas ingrueret, sapienter moderans. patrem ei censorium fuisse memoravi ⁴; ætas ad octogesimum annum processit; decus triumphale in Thracia ⁵ meruerat. sed præcipua ex eo gloria, quod præfectus Urbi recens continuam ⁶ potestatem et insolentia parendi graviolem mire temperavit.

XI. Namque antea profectis domo regibus ac mox magistratibus, ne Urbs sine imperio foret, in tempus deligebatur qui jus redderet ac subitis mederetur. feruntque ab Romulo Dentrem Romulum, post ab Tullo Hostilio Numam Marcium, et ab Tarquinio Superbo Spurium Lucretium impositos. dein consules mandabant ¹; duratque simulacrum, quoties ob ferias Latinas præficitur qui consulare munus usurpet ². ceterum Augustus bellis civilibus Cilnium Mæcenatem, equestris ordinis, cunctis apud Romam atque Italiam præposuit. mox rerum potitus ob magnitudinem populi ac tarda legum auxilia sumpsit e consularibus qui coerceret servitia et quod civium audaciâ turbidum, nisi vim metuat. primusque Messala Corvinus eam potestatem, et paucos intra dies finem, accepit, quasi nescius exercendi ³. tum Taurus Statilius, quamquam propecta ætate,

IX. 1. Palam faceret. — 2. Valuere. — 3. Amicorum suorum, qui per gradus divisi, amici primæ, secundæ, tertiæ admissionis. — 4. Sc. sectas.

X. 1. Quatenus, ubi. — 2. De quo supra IV, 58. — 3. Naturali morte. — 4. In deperditis. Consul erat a. U. 695, censor cum Appio Claudio a. 704. — 5. Quo ab Augusto missus fuerat. — 6. Quæ ab Augusto recenti memoria continua et perpetua facta erat, quum ante eum præfectura Urbis in tempus gereretur. V. cap. seq.

XI. 1. Sc. hoc munus præfecturæ Urbis. — 2. V. ad IV, 36. — 3. Alii M. Agrippam re

egregie toleravit. dein Piso, viginti ⁴ per annos pariter probatus, publico funere ex decreto senatus celebratus est.

XII. Relatum inde ad Patres a Quintiliano tribuno plebei *de libro Sibyllæ, quem* Caninius Gallus quindecimvirum ¹ *recipi inter ceteros ejusdem vatis et ea de re senatusconsultum* postulaverat: quo per discessionem ² facto, misit litteras Cæsar, modice tribunum increpans *ignarum antiqui moris ob juventam*. Gallo exprobrabat, « quod scientiæ cærimoniarumque vetus ³ incerto auctore, ante sententiam collegii ⁴, non, ut assolet, lecto per magistros ⁵ æstimatoque carmine, apud infrequentem senatum ⁶ egisset.» simul commonefecit, quia multa vana sub nomine celebri vulgabantur, *sanxisse Augustum quem intra diem ad prætorem urbanum deferrentur neque habere privatim liceret* ⁷. quod a majoribus quoque decretum erat post exustum sociali bello ⁸ Capitolium, quæsitis Samo, Ilio, Erythris, per Africam etiam ac Siciliam et Italicas colonias carminibus Sibyllæ, una seu plures fuere, datoque sacerdotibus negotio, quantum humana ope potuissent, vera discernere. igitur tunc quoque notioni quindecimvirum is liber subjicitur.

XIII. Iisdem consulibus gravitate annonæ juxta ¹ seditionem ventum; multaque et plures per dies in theatro licentius efflagitata quam solitum adversum Imperatorem. quis commotus incusavit magistratus Patresque, *quod non publica auctoritate populum coercuissent*; addiditque *quibus e provinciis et quanto majorem, quam Augustus, rei frumentariæ copiam advectaret*. ita castigandæ plebi compositum senatusconsultum prisca severitate; neque segnius consules edixere: silentium ipsius non civile, ut crediderat, sed in superbiam ² accipiebatur.

XIV. Fine anni Geminius, Celsus, Pompeius, Equites Romani, cecidere conjurationis crimine. ex quis Geminius prodigientia opum ac mollitia vitæ amicus Sejano, nihil ad serius ¹. et Julius Celsus tribunus, in vinclis laxatam catenam et circumdatam in diversum tendens, suam ipse cervicem perfregit. at Rubrio Fabato, tamquam, desperatis rebus Romanis, Parthorum ad misericordiam fugeret, custodes additi. sane is repertus apud fretum Siciliæ, retractusque per centurionem nullas probabiles causas longinquæ peregrinationis afferebat. mansit tamen incolumis oblivione magis quam clementiâ.

XV. Ser. Galba, L. Sulla Coss. ¹, diu quæsito quos neptibus suis maritos

ferunt primum præfectum Urbi, ab a. U. 755 ad 758, quo Taurus eum exceperit.— 4. *Decem* potius, ut ex aliorum scriptorum indiciiis apparere videtur.

XII. 1. Ex quindecimviris sacrorum sive sacris faciundis, quibus solis, senatu jubente, *adire* licebat libros Sibyllæ in difficili tempore rei Romanæ. — 2. V. ad III, 25. — 3. Ac proinde sciens. — 4. Quindecimvirosum. — 5. *Magistri* in collegiis sacerdotalibus vocabantur qui primum in iis locum tenebant. — 6. Non præsentem legitimo numero senatorum, quadringentis. — 7. Sic factum ut Augustus *fatidicorum librorum Græci Latiniqve generis, qui nullis vel parum idoneis auctoribus ferebantur, supra duo millia, contracta undique, cremarit*, Sueton. c. 81. — 8. Immo *civili*, ut Tacitus ipse Hist. III, 72, inter Marium et Sullam, a. U. 671. Ceterum eodem tempore adversus Sullam acerrime pugnabatur a Samnitibus et aliis Italiæ populis, ut bellum illud etiam *socialis* nomine indicari potuerit. Cum Capitolio tum absumpti libri Sibyllini in eo depositi.

XIII. 1. Prope, ferme ad. — 2. Pro superbia.

XIV. 1. Ad nullam rem seriam, gravem.

XV. 1. A. U. 786, p. Chr. 55.

destinaret Cæsar, postquam instabat virginum ætas, L. Cassium, M. Vinicium legit. Vinicio² oppidanum genus: Calibus ortus, patre atque avo consularibus, cetera equestri familia erat, mitis ingenio et cemptæ facundiae. Cassius plebei Romæ generis, verum antiqui honoratique, et severa patris disciplina eductus, facilitate³ sæpius quam industria commendabatur. huic Drusillam, Vinicio Juliam Germanico genitas conjungit; superque ea re senatui scripsit levi cum honore juvenum. dein redditis absentiae causis admodum vagis, flexit ad graviora et offensiones ob rempublicam cœptas⁴, *utque Macro præfectus⁵ tribunorumque et centurionum pauci secum introirent, quoties curiam ingrederetur, petivit*; factoque large et sine præscriptione generis aut numeri⁶ senatusconsulto, ne tecta quidem Urbis, adeo publicum consilium nunquam⁷ adiit, deviis plerumque itineribus ambigans⁸ patriam et declinans.

XVI. Interea magna vis accusatorum in eos irrupit, qui pecunias fœnore auctitabant adversum legem dictatoris Cæsaris, qua *de modo credendi possidendique intra Italiam¹* cavetur, omissam olim, quia privato usui bonum publicum postponitur. sane vetus Urbi fœnebre malum et seditionum discordiarumque creberrima causa; eoque cohibebatur antiquis quoque² et minus corruptis moribus. nam primo duodecim tabulis sanctum *ne quis unciario fœnore³ amplius exerceret*, quum antea ex libidine locupletium agigaretur; dein rogatione tribunicia ad semuncias redacta, postremo vetita versura⁴. multisque plebis scitis obviam itum fraudibus, quæ toties repressæ, miras per artes rursum oriebantur. Sed tum Gracchus prætor, cui ea quæstio evenerat, multitudo periclitantium subactus retulit ad senatum; trepidique Patres (neque enim quisquam tali culpa vacuus) veniam a Principe petivere; et concedente, annus in posterum sexque menses dati, quis secundum jussa legis⁵ rationes familiares quisque componerent.

XVII. Hinc inopia rei nummariae, commoto simul omnium ære alieno, et quia tot damnatis bonisque eorum divenditis, signatum argentum fisco vel ærario attinebatur. ad hoc senatus præscripserat, *duas quisque fœnoris¹ partes in agris per Italiam collocaret*. sed creditores in soli-

— 2. Quartino cognomine. Consul fuerat a. 783, eique inscripsit historiam suam Velleius Paterculus. — 3. Comitæte. — 4. Recens ortas, novas. — 5. Sc. prætorii. — 6. Sc. custodum a Tiberio postulatum. — 7. V. ad III, 54, not. 9. — 8. Circa patriam *agens* (viam faciens), circumiens, plane Græcum περιάγων.

XVI. 1. Ut certa tantum pars pecuniæ in fœnore poneretur, reliqua in agris prædiisque *Italicis* collocaretur. — 2. Etiam tum quum antiqui mores essent. — 3. *Uncia* proprie est duodecima pars *assis*; sed usus invaluit ut *as* de quovis toto, *uncia* de duodecima ejus parte diceretur. Est autem (secundum probabilissimam sententiam in re controversa) *fœnus unciarium* duodecima pars sortis vel capitis (*du capital*), quæ est ex hodierno modo dicendi $\frac{1}{12}$ *pour cent*. Ea ratio quum antiquis temporibus in annum decem mensium statuta esse potuerit, in annum vulgarem efficiantur $\frac{10}{100}$ *pour cent*, et rogatione tribunorum plebis a. U. 408 ad *semuncias redacta*, $\frac{1}{2}$ *pour cent*. — 4. *Versura* proprie significat: sortem certo die solvendam in novam sortem *vertere* eamque majorem, adjectis usuris residuis; deinde usurpabatur etiam de eo qui debitum solvebat novo debito contracto, quo sensu exponitur *mutatio creditoris*. Secundum Livium VII, 42, hic omnis feneratio intelligenda foret, ex lege tribun. pl. L. Genucii, a. U. 412 lata, *ne liceret fœnerare*. — 5. Julæ, de qua initio.

XVII. 1. Pecuniæ sub fœnore locandæ. Plenius apud Suetonium c. 48: *Quum per senatusconsultum sanxisset* (Tiberius) *ut fœneratores duas patrimonii partes in solo*

dum² appellabant; nec decorum appellatis minuire fidem³: ita primo concursatio et preces; dein strepere⁴ prætoris tribunal; eaque quæ remedio quæsita, venditio et emptio, in contrarium mutari, quia feneratorum omnem pecuniam mercandis agris condiderant⁵. copiam vendendi secuta vilitate, quanto quis obæratior⁶, ægrius distrahebant, multique fortunis provolvebantur: eversio rei familiaris dignitatem ac famam præceps⁷ dabat, donec tulit opem Cæsar disposito par mensas⁸ millies sestertio, factaque mutuandi copia sine usuris per triennium, si debitor populo in duplum prædiis cavisset. sic refecta fides, et paullatim privati quoque creditores reperti. neque emptio agrorum exercita ad formam senatus-consulti, acribus, ut ferme talia⁹, initiis, incurioso fine.

XVIII. Dein redeunt priores metus, postulato majestatis Considio Proculo: qui nullo pavore diem natalem celebrans, raptus in curiam, pariterque damnatus interfectusque. et sorori ejus Sanciæ aqua atque igni interdictum, accusante Q. Pomponio. is moribus inquires, hæc et hujusmodi a se factitari prætendebat, ut *parta apud Principem gratia periculis Pomponii Secundi fratris mederetur*. Etiam in Pompeiam Macrinam exsilium statuitur, cujus maritum Argolicum, socerum Laconem, e primoribus Achæorum, Cæsar afflixerat. pater quoque illustris eques Romanus¹ ac frater prætorius², quum damnatio instaret, se ipsi interfecere. datum erat crimini, « quod Theophanem Mytilenæum proavum eorum Cn. ³ Magnus inter intimos habuisset, quodque defuncto Theophani cælestes honores Græca adulatio tribuerat⁴. »

XIX. Post quos Sex. Marius, Hispaniarum dilissimus, deferitur incesti, et saxo Tarpeio dejecitur. ac ne dubium haberetur magnitudinem pecuniæ malo vertisse aurariasque ejus, ¹ quamquam publicarentur, sibimet Tiberius seposuit. Irritatusque² suppliciis, cunctos, qui carcere attinebantur accusati societatis cum Sejano, necari jubet. jacuit immensa strages, omnis sexus, omnis ætas, illustres, ignobiles, dispersi, aut aggregati. neque propinquis aut amicis assistere, illacrimare, ne visere quidem diutius dabatur; sed circumjecti custodes et in mœrorem cujusque intenti, corpora putrefacta assectabantur, dum in Tiberim traherentur, ubi flui-

(i. e. prædiis) collocarent, debitores totidem æris alieni statim solverent, qua postrema constitutione priorem exsequi posse iis dabatur. — 2. In totum, ut totum, non duas modo partes (2/5) solverent. *Appellare* debitorem proprium verbum est de postulando credito. Hinc mox *appellatis* de debitoribus. — 3. *Leur crédit*. — 4. Sc. debita in jure repetentibus. — 5. Sc. arcæ, apud se retinebant. Nec enim debitoribus pecuniam ad solvendum mutuo dabant creditores, quibus agri erant emendi; neque bona eorum statim emebant, viliori pretio coemendi occasione exspectantes: at debitoribus ob legem vis erant vendendi: quare evenit *vilitas* bonorum ex *copia*. — 6. Ac proinde plura vendere cogebatur, eo *ægrius*, etc. — 7. Pro *in præceps*, usurpatum Tacito tanquam adverbium, ut supra IV, 62, *præceps trahit*. — 8. Nobis, *dans des banques publiques*, quibus senatorii ordinis viros præfecerat. Sumpserat ex ærario illos 19,433,360 fr. — 9. Sc. sunt, aguntur.

XVIII. 1. Pomponius Macer, ab Augusto bibliothecis ordinandis præfectus, deinde procurator Asiæ. — 2. De quo I, 72. — 3. Pompeius. — 4. Nimirum Theophanes a Pompeio, cujus res gestas versibus perscripserat, patriæ Lesbi libertatem impetraverat, amissam quia Lesbii Mithridatis partes amplexi fuerant. Hinc honores illi ab Lesbiis decreti.

XIX. 1. *Supple has*. Sed legendum videtur, *vertisse, aurarias ejus, quamquam*, etc., sine *que*. — 2. Iracundior et crudelior factus.

tantia aut ripis appulsa non cremare quisquam, non contingere. intercederat sortis humanæ commercium vi metus; quantumque sævitia glisceret, miseratio arcebat.

XX. Sub idem tempus C. Cæsar, discedenti Capreas avo comes, Claudiam, M. Silani filiam, conjugio accepit, immanem animum subdola modestia tegens, non damnatione matris, non exsilio fratrum rupta voce; qualem diem Tiberius induisset¹, pari habitu, haud multum distantibus verbis. unde mox scitum Passieni oratoris dictum² percubuit, *neque meliorem unquam servum neque deteriozem dominum fuisse*. Non omiserim præsagium Tiberii de Ser. Galba, tum consule: quem accitum et diversis sermonibus pertentatum, postremo Græcis verbis in hanc sententiam allocutus, *Et tu, Galba, quandoque degustabis imperium*³, seram ac brevem potentiam significans, scientia Chaldæorum artis, cujus apiscendæ otium apud Rhodum, magistrum Thrasyllum habuit, peritiam ejus hoc modo expertus.

XXI. Quoties super tali negotio consultaret, edita domus parte ac liberti unius conscientia utebatur. is litterarum ignarus, corpore valido, per avia ac derupta (nam saxis domus imminet) præibat eum, cujus artem experiri Tiberius statuisset, et regredientem, si vanitatis aut fraudum suspicio incesserat, in subjectum mare præcipitabat, ne index arcani exsisteret. igitur Thrasyllus iisdem rupibus inductus, postquam percunctantem commoverat, *imperium ipsi et futura sollerter patefaciens*, interrogatur *an suam quoque genitalem horam comperisset; quem tum annum, qualem diem¹ haberet?* Ille, positus siderum ac spatia dimensus, hæreere primo, dein pavescere, et quantum introspiceret, magis ac magis trepidus admirationis et metus, postremo exclamat, *ambiguum sibi ac prope ultimum discrimen instare*. tum complexus eum Tiberius, *præscium periculorum et incolumem fore gratatur*; quæque dixerat, oraculi vice accipiens inter intimos amicorum tenet.

XXII. Sed mihi hæc ac talia audienti in incerto iudicium est, fatone res mortalium et necessitate immutabili, an forte volvantur. quippe sapientissimos veterum, quique sectam eorum¹ æmulantur, diversos reperias, ac multis insitam opinionem², *non initia nostri, non finem, non denique homines diis curæ; ideo creberrima et tristia in bonos et læta apud deteriores esse*. contra alii³ *fatum quidem congruere rebus putant, sed non e vagis stellis, verum apud principia et nexus naturalium causarum: ac tamen electionem vitæ nobis relinquunt, quam ubi elegeris, certum imminetium ordinem. neque mala vel bona⁴, quæ vulgus putet: multos, qui conflictari adversis videantur, beatos, ac plerosque, quamquam magnas per opes, miserrimos, si illi gravem fortunam constanter tolerant, hi prospera inconsulte utantur*. cete-

XX. 1. Qualemcunque diei colorem aut formam in se assumpsisset, i. e. qualemcunque quoquo die se exhiberet Tiberius, lætum aut tristem, lenem aut trucem. — 2. De Caligula. — 3. Καὶ σὺ, τέχνον, τῆς ἀρχῆς ἡμῶν παρατρώσῃ.

XXI. 1. Faustum, an miserum ipsi finem ostendentem. Nam ex genitali hora horoscopus regebatur, unde tota illa scientia *genesis* et *genitura* appellata.

XXII. 1. Sectam cujusque eorum. — 2. Epicureis præsertim. — 3. Stoici. — 4. Sc. esse

rum plurimis mortalium non eximitur ⁵ quin *primo cuiusque ortu ventura destinatur; sed quædam secus quam dicta sint cadere, fallacis ignara dicentium* ⁶ : *ita corrumpi fidem artis* ⁷ , *cujus clara documenta et antiqua ætas et nostra tulerit.* quippe a filio ejusdem Thrasylli prædictum Neronis imperium in tempore memorabitur ⁹ , ne nunc incepto longius abierim.

XXIII. Iisdem consulibus Asinii Galli ¹ mors vulgatur, quem egestate cibi peremptum haud dubium : sponte vel necessitate, incertum habebatur. consultusque Cæsar *an sepeliri sineret*, non erubuit permittere, ultroque incusare *casus, qui reum abstulissent, antequam coram convinceretur.* scilicet medio ² triennio defuerat tempus subeundi iudicium consulari seni, tot consularium parenti. Drusus deinde exstinguitur, quum se miserandis alimentis, mandendo e cubili tomento, nonum ad diem detinuisset. tradidere quidam præscriptum fuisse Mæroni, si arma ab Sejano tentarentur, extractum custodia juvenem (nam in palatio attinebatur) ducem populo imponere. mox, quia rumor incedebat *fore ut nuru* ³ *ac nepoti conciliaretur Cæsar*, sævitiam quam pœnitentiam maluit.

XXIV. Quin et invectus in defunctum, *probra corporis, exiliabilem in suos, insensum reipublicæ animum* objecit, *recitarique factorum dictorumque ejus descripta* ¹ *per dies jussit.* quo non aliud atrocius visum : astitisse tot per annos qui vultum, gemitus, occultum etiam murmur exciperent, et potuisse avum audire, legere, in publicum promere, vix fides, nisi quod ² Actii centurionis et Didymi liberti epistolæ servorum nomina præferebant, ut quis egredientem cubiculo Drusum pulsaverat, exteruerat. etiam sua verba centurio sævitiae plena, tamquam egregium, vocesque deficientis adjecerat, quis primo alienationem mentis simulans, quasi per dementiam funesta Tiberio, mox, ubi expes vitæ fuit, meditata compositasque diras imprecabatur, *ut quemadmodum nurum filiumque fratris et nepotes* ³ *domumque omnem cædibus complerisset, ita pœnas nomini generique majorum et posteris exsolveret.* obturbabant quidem Patres specie detestandi : sed penetrabat pavor et admiratio, callidum olim et tegendis sceleribus obscurum huc confidentiæ venisse, ut tanquam dimotis parietibus ostenderet nepotem sub verbere centurionis, inter servorum ictus, extrema vitæ alimenta frustra orantem.

XXV. Nondum is dolor exoleverat, quum de Agrippina auditum, quam, interfecto Sejano, spe sustentatam provixisse reor, et postquam nihil de sævitia remittebatur, voluntate extinctam, nisi si negatis alimentis assimulatus est finis qui videretur sponte sumptus. enimvero Tiberius foedis-
simis criminationibus exarsit, *impudicitiam arguens et Asinium Gallum adulterum, ejusque morte ad tædium vitæ compulsam.* sed Agrippina

ea. — 8. Sc. ex animo : firmiter sibi hoc persuaserunt ut ... — 6. Dicentium quæ ipsi ignota sunt. — 7. Chaldæorum. — 8. In libris nunc perditis.

XXIII. 1. Qui tum in custodia apud magistratus dure habebatur. — 2. Inter tempus accusationis (a. U. 783) et mortem. — 3. Pro nuru.

XXIV. 1. Substantive, quasi *scriptionem diurnam*, quæ dierum ordinem sequebatur. — 2. Sed, ut πλῆγν Græcis. — 3. Sc. interfecisset, quod ex sequentibus intelligitur.

æqui¹ impatiens, dominandi avida, virilibus curis feminarum vitia exuerat. *eodem die defunctam quo biennio ante Sejanus pœnas luisset, memoriæque id prodendum*, addidit Cæsar; jactavitque *quod non laqueo strangulata neque in Gemonias projecta foret*. actæ ob id grates, decretumque ut *quintumdecimum Kal. Novembris*² *utriusque necis die, per omnes annos donum Jovi sacraretur*.

XXVI. Haud multo post Cocceius Nerva, continuus¹ Principis, omnis divini humanique juris sciens, integro statu, corpore illeso, moriendi consilium cepit. quod ut Tiberio cognitum, assidere, causas requirere, addere preces, fateri postremo *grave conscientiae, grave famæ suæ, si proximus amicorum nullis moriendi rationibus vitam fugeret*. aversatus sermonem Nerva abstinentiam cibi conjunxit². ferebant gnari cogitationum ejus, quanto propius³ mala reipublice viseret, ira et metu, dum integer, dum intentatus⁴, honestum finem voluisse. Ceterum Agrippinæ perniciēs, quod vix credibile, Plancinam traxit. nupta olim Cn. Pisoni et palam læta morte Germanici, quum Piso caderet, precibus Augustæ nec minus inimicitiis Agrippinæ defensa erat⁵: ut odium et gratia desiere, jus valuit; petitaque criminibus haud ignotis, sua manu sera magis quam immerita supplicia persolvit.

XXVII. Tot luctibus funesta civitate pars mœroris fuit, quod Julia Drusi filia, quondam Neronis uxor, denupsit in domum Rubellii Blandi, cujus avum Tiburtem, equitem Romanum, plerique meminerant. Extremo anni mors Ælii Lamiae funere censorio¹ celebrata, qui, administrandæ Syriæ imagine² tandem exsolutus, Urbi præfuerat³. genus illi decorum, vivida senectus; et non permissa provincia dignationem addiderat. Exin Flacco Pomponio, Syriæ proprætore, defuncto, recitantur Cæsaris litteræ, quis incusabat, *egregium quemque et regendis exercitibus idoneum abnuere id munus, seque ea necessitudine ad preces cogi, per quas consularium aliqui capessere provincias adigerentur, oblitus Arruntium*, ne in Hispaniam pergeret, decimum jam annum attineri. Obiit eodem anno et M. Lepidus, de cujus moderatione atque sapientia in prioribus libris satis collocavi⁴ neque nobilitas diutius demonstranda est: quippe Æmiliū genus secundum bonorum civium, et qui eadem familia corruptis moribus, illustri tamen fortuna egere⁵.

XXVIII. Paulo Fabio, L. Vitellio Coss.¹ post longum sæculorum ambitum avix phœnix in Ægyptum venit præbuitque materiem doctissimis indigenarum et Græcorum multa super eo miraculo disserendi. de quibus congruunt, et plura ambigua, sed cognitu non absurda, promere libet. sacrum Soli id animal et ore ac distinctu pinnarum a ceteris avibus diversum², consentiunt qui formam ejus definire. de numero annorum varia

XXV. 1. Æquæ, mediæ conditionis. — 2. Decimo nono die octobris.

XXVI. 1. Substantive: qui semper cum Principe erat. — 2. Continuavit, sc. per plures dies. — 3. Quia multo propius quam ceteri. — 4. Nondum vexatus accusationibus. — 5. V. III, 17.

XXVII. 1. V. ad IV, 15. — 2. Nam ex iis erat quibus *ut mandaverit provincias Tiberius, egredi Urbe non erat passurus* (I, 80). — 3. Successor L. Pisonis mortui, supra c. 10. — 4. Conf. IV, 20. — 5. Intelligit M. Lepidum, qui mortuo Sylla Marianas partes aliquantum suscitaverat, et Lepidum triumvirum.

XXVIII. 1. A. U. 787, p. Chr. 54. — 2. Plinius X, 2: *Aquilæ narratur magnitudine, auri fulgore circa colla, cetera purpureus, cæruleam roseis caudam pennis distin-*

traduntur. maxime vulgatum quingentorum spatium : sunt qui asseverent mille quadringentos sexaginta unum interjici, prioresque alites Sesoside ³ primum, post Amaside dominantibus, dein Ptolemæo qui ex Macedonibus tertius regnavit ⁴, in civitatem cui Heliopolis ⁵ nomen, advolavisse, multo ceterarum volucrum comitatu novam faciem mirantium. sed antiquitas quidem obscura : inter Ptolemæum ac Tiberium minus ducenti quinquaginta anni fuerunt. unde nonnulli falsum hunc phœnicem neque Arabum e terris credidere, nihilque usurpavisse ex his quæ vetus memoria firmavit. confecto quippe annorum numero, ubi mors propinquet, suis in terris ⁶ struere nidum, in eoque fetum oriri; et primam adulto curam sepeliendi patris; neque id temere, sed sublato murrhæ pondere tentatoque per longum iter, ubi par oneri, par meatui sit, subire patrium corpus, inque Solis aram perferre atque adolere. hæc incerta et fabulosis aucta : ceterum aspici aliquando in Ægypto eam volucrem non ambigitur.

XXIX. At Romæ, eade continua, Pomponius Labeo, quem præfuisse Mœsiæ retuli ¹, per abruptas venas sanguinem effudit; amulataque est conjux Paxæa. nam promptas ejusmodi mortes metus carnificis faciebat, et quia damnati, publicatis bonis, sepultura prohibebantur, eorum qui de se statuebant, humabantur corpora, manebant testamenta, pretium festinandi. sed Cæsar, missis ad senatum litteris, disseruit « morem fuisse majoribus, « quoties dirimerent amicitias, interdicere domo, eumque finem gratiæ ponere : id se repetivisse in Labeone; atque illum, quia male administratæ « provinciæ aliorumque criminum urgebatur ², culpam invidia velavisse, « frustra conferrita uxore, quam etsi nocentem, periculi tamen expertem « fuisse. » Mamercus dein Scaurus rursum postulatur ³, insignis nobilitate et orandis causis, vita probrosus. nihil hunc amicitia Sejani, sed labe fecit haud minus validum ad exitia Macronis odium, qui easdem artes occultius exercebat; detuleratque argumentum tragiæ ⁴ a Scauro scriptæ, additis versibus qui in Tiberium flecterentur. verum ab Servilio et Cornelio accusatoribus *adulterium Livie, magorum sacra* objectabantur. Scaurus, ut dignum veteribus Æmiliis, damnationem anteit, hortante Sextia uxore, quæ incitamentum mortis et particeps fuit.

XXX. Ac tamen accusatores, si facultas incideret, pœnis afficiebantur, ut Servilius Corneliusque, perduto Scauro famosi, quia pecuniam a Vario Ligure omittendæ delationis ceperant, in insulas, interdicto igni atque aqua, demoti sunt. et Abudius Ruso, functus ædilitate, dum Lentulo Gætulico, sub quo legioni præfuerat, periculum facessit, *quod is Sejani filium generum destinasset*, ultro damnatur atque Urbe exigitur. Gætulicus ea tempestate superioris Germaniæ legiones curabat, mirumque amorem assecutus erat, effusæ clementiæ, modicus severitate, et proximo quoque exercitui per L. Apronium socerum non ingratus. unde fama constans ausum mittere ad Cæsarem litteras, « affinitatem sibi cum Se-

quentibus, cristis fauces, caputque plumeo apice cohonestante. — 3. Qui vulgo *Sesostris*. — 4. Evergetes cognomine, mortuus a. 221 a. Chr., trecentis viginti annis post Amasidem. — 5. In S. Scriptura et hodie *On* dicta. — 6. In Arabia thurifera.

XXIX. 1. IV, 47. — 2. Valide accusabatur, arguebatur. — 3. Sc. majestatis. — 4. Atræus erat. Versus in Tiberium detorti ex hoc Euripideo expressi erant, *Phæn.* 393 : τὰς τῶν κρατούντων ἀμαβίας φέρειν χρεῶν.

« jano haud sponte, sed consilio Tiberii cœptam; perinde se quam Tiberium falli potuisse, neque errorem eundem illi sine fraude, aliis exitio habendum. sibi fidem integram et, si nullis insidiis peteretur, mansuram: successorem non aliter quam indicium mortis accepturum. firmarent velut fœdus, quo Princeps ceterarum rerum poteretur, ipse provinciam retineret. » hæc, mira quamquam, fidem ex eo trahebant, quod unus omnium Sejani affinium incolumis multaque gratia mansit, reputante Tiberio publicum sibi odium, extremam ætatem, magisque fama quam vi stare res suas.

XXXI. C. Cestio, M. Servilio Coss. ¹ nobiles Parthi in urbem venere, ignaro rege Artabano. is metu Germanici fidus Romanis ², æquabilis in suos, mox superbiam in nos, sævitiam in populares sumpsit, fretus bellis quæ secunda adversum circumjectas nationes exercuerat, et senectutem Tiberii ut inermem despiciens, avidusque Armeniæ: cui, defuncto rege Artaxia, Arsacen liberorum suorum veterrimum imposuit ³, addita contumelia et missis qui *gazam a Vonone* ⁴ *relictam in Syria Ciliciaque reposcerent*; simul *veteres Persarum ac Macedonum terminos*, seque *invasurum possessa Cyro, et post Alexandro*, per vaniloquentiam ac minas jaciebat. Sed Parthis mittendi secretos nuntios validissimus auctor fuit Sinnaces, insigni familia ac perinde opibus, et proximus huic Abdus, eunuchus: non despectum id ⁵ apud barbaros, ultroque potentiam habet. ii ascitis et aliis primoribus, quia neminem gentis Arsacidarum summæ rei imponere poterant, interfectis ab Artabano plerisque, aut nondum adultis, Phrahaten, regis Phrahatis filium ⁶, Roma poscebant: *nomine tantum et auctore opus* ⁷, *ut sponte Cæsaris, ut genus Arsacis ripam apud Euphratis cerneretur* ⁸.

XXXII. Cupitum id Tiberio. ornat Phrahaten accingitque paternum ad fastigium, destinata retinens, consiliis et astu res externas moliri, arma procul habere. Interea, cognitis insidiis, Artabanus tardari metu, modo cupidine vindictæ inardescere. et barbaris cunctatio servilis, statim exequi regium videtur. valuit tamen utilitas, ut Abdum, specie amicitiae vocatum ad epulas, lento veneno illigaret, Sinnacen dissimulatione ac donis, simul per negotia moraretur. et Phrahates apud Syriam, dum omisso cultu Romano, cui per tot annos insueverat, instituta Parthorum insumit ¹, patriis moribus impar, morbo absumptus est. Sed non Tiberius omisit incepta. Tiridaten, sanguinis ejusdem, æmulum Artabano, recipiendæque Armeniæ Iberum Mithridatem deligit, conciliatque fratri Pharasmani, qui gentile imperium obtinebat; et cunctis, quæ apud Orientem parabantur, L. Vitellium ² præfecit. eo de homine haud sum ignarus sinistram in Urbe famam, pleraque fœda memorari: ceterum regendis provinciis prisca virtute egit. unde regressus, et formidine C. Cæsaris, familiaritate Claudii turpe in servitium mutatus, exemplar apud

XXXI. 1. A. U. 783, p. Chr. 55. — 2. V. II, 5, 86, 88. — 3. V. ibidem. — 4. De quo occiso II, 68. — 5. Sc. eunuchum esse. — 6. Quem pater cum aliis liberis et nepotibus Romam miserat; v. II, 1. — 7. Sc. esse. — 8. Cetera feliciter successura. *Sponte* refertur ad *auctore*, genus *Arsac.* ad *nomine*.

XXXII. 1. In se recipit, suscipit. De his institutis v. supra II, 2.—2. Patrem Imperatoris.

posteror adulatorii dedecoris habetur, cesseruntque prima postremis, et bona juventæ senectus flagitiosa oblitteravit.

XXXIII. At ex regulis prior Mithridates Pharasmanen perpulit dolo et vi conatus suos juvare; repertique corruptores ministros Arsacis multo auro ad scelus cogunt, simul Iberi magnis copiis Armeniam irrumpunt et urbe Artaxata¹ potiuntur. quæ postquam Artabano cognita, filium Oroden ultorem parat, dat Parthorum copias, mittit qui auxilia mercede facerent. contra Pharasmanes adjungere Albanos, accipere Sarmatas, quorum sceptuchi², utrinque donis acceptis, more gentico diversa induere. sed Iberi, locorum potentes, Caspia via³ Sarmatam in Armenios raptim effundunt. at qui⁴ Parthis adventabant, facile arcebantur, quum alios incessus hostis clausisset, unum reliquum, mare inter et extremos Albanorum montes, æstas impediret, quia flatibus Etesiarum⁵ implentur vada; hibernus auster revolvit fluctus, pulsoque introrsus freto brevia littorum nudantur.

XXXIV. Interim Oroden, sociorum inopem, auctus auxilio Pharasmanes vocare ad pugnam et detrectantem incessere, adequitare castris, infensare pabula; ac sæpe in modum obsidii stationibus cingebat, donec Parthi, contumeliarum insolentes¹, circumstiterent regem, poscerent prælium. atque illis sola in equite vis: Pharasmanes et pedite valebat. nam Iberi Albanique, saltuosos locos incolentes, duritiæ patientiæque magis insuevere. feruntque *se Thessalis ortos, qua tempestate Iaso² post avectam Medeam genitosque ex ea liberos inanem³ mox regium Eetæ vacuosque⁴ Colchos repetivit.* multaue de nomine ejus, et oraculum Phrixi⁵ celebrant; nec quisquam ariete sacrificaverit, credito⁶ vexisse Phrixum, sive id animal seu navis insigne fuit. Ceterum, directa utrimque acie, Parthus imperium Orientis, claritudinem Arsacidarum, contraque ignobilem Iberum, mercenario milite, disserebat; Pharasmanes integros semet a Parthico dominatu, quanto majora peterent, plus decoris victores, aut, si terga darent, flagitii atque periculi laturos. simul horridam suorum aciem, picta auro Medorum⁷ agmina, hinc viros, inde prædam ostendere.

XXXV. Enimvero apud Sarmatas non una vox ducis, se quisque stimulant, *ne pugnam per sagittas inirent; impetu et cominus prævenendum.* Variæ hinc bellantium species, quum Parthus, sequi vel fugere pari arte suetus, distraheret turmas, spatium ictibus¹ quæreretur, Sarmatæ omisso arcu, quo brevius² valent, contis gladiisque ruerent; modo

XXXIII. 1. V. II, sc. — 2. Σκηπτούχοι, *sceptra tenentes*, quasi satrapæ regum Sarmatarum. — 3. Per portas Caucasias, inter Caspium mare et Pontum Euxinum. — 4. Sc. sceptuchorum. — 5. Venti æstivi, de Nord-Est. Hibernus auster, de Sud-Ouest. Eundem locum describit Curtius VI, 4.

XXXIV. 1. Non insueti contumeliis. — 2. Dux Argonautarum. — 3. Sc. liberis: nam fratrem mactaverat Medea profuga. — 4. Qui sine rege erant. — 5. Athamantis filii. qui cum Helle sorore ariete aurei velleris per aerem vectus in illas regiones venisse narratur. Helle in mare delapsa Hellesponto fertur nomen dedisse — 6. Nemo ibi ariete mactato sacrum fecerit, quia creditus est aries *vexisse*, etc. — 7. In quorum vestibis et armis aurum fulgebat.

XXXV. 1. Sc. sagittarum ab arcubus magnis, quos gestabant. — 2. In brevius spatium.

equestris prœlii more frontis et tergi vices ³, aliquando ut conserta acies corporibus et pulsu ⁴ armorum pellerent, pellerentur. Jamque et Albani Iberique prensare, detrudere, ancipitem pugnam hostibus facere, quos super ⁵ eques, et a ⁶ propioribus vulneribus pedites afflictabant. Inter quæ Pharasmanes Orodesque, dum strenuis adsunt, aut dubitantibus subveniunt, conspicui eoque gnari, clamore, telis, equis concurrunt, instantius Pharasmanes; nam vulnus per galeam adegit; nec iterare valuit, prælatus ⁷ equo, et fortissimis satellitum protegentibus saucium. fama tamen occisi falso credita exterruit Parthos, victoriamque concessere.

XXXVI. Mox Artabanus tota mole regni ultum iit. peritiâ locorum ab Iberis melius pugnatum. nec ideo abscedebat, ni contractis legionibus Vitellius, et subdito rumore tanquam Mesopotamiam invasurus, metum Romani belli fecisset. tum omissa Armenia, versæque Artabani res, illiciente Vitellio, *deserere regem sævum in pace et adversis præliorum exitiosum*. Igitur Sinnaces, quem antea infensum memoravi ¹, patrem Abdagesen aliosque occultos consilii et tunc continuis cladibus promptiores ad defectionem trahit, affluentibus paulatim qui, metu magis quam benevolentia subjecti, repertis auctoribus sustulerant animum. nec jam aliud Artabano reliquum quam si qui ² externorum corpori custodes aderant, suis quisque sedibus extorres, quis neque boni intellectus neque mali cura, sed mercede aluntur, ministri sceleribus. his assumptis in longinqua et contermina Scythiæ fugam maturavit, spe auxilii, quia Hyrcanis Carmaniisque per affinitatem innexus erat: atque ³ interim posse Parthos, absentium æquos, præsentibus mobiles, ad pœnitentiam mutari.

XXXVII. At Vitellius, profugo Artabano et flexis ad novum regem popularium animis, hortatus Tiridaten *parata capessere* ¹, robur legionum sociorumque ripam ad Euphratis ducit. sacrificantibus, quum hic more Romano suovetaurilia ² daret, ille equum placando amni adornasset, nuntiavere accolæ, *Euphraten nulla imbrum vi sponte et immensum attolli, simul alventibus spumis in modum diadematis sinuare orbes, auspiciu prosperi transgressus*. quidam callidius interpretabantur, *initia conatus secunda neque diuturna, quia eorum, quæ terra cœlo portenderentur, certior fides, fluminum instabilis natura simul ostenderet omina raperetque*. Sed ponte navibus effecto tramissoque exercitu, primus Ornospadès multis equitum millibus in castra venit, exsul quondam et Tiberio, quum Dalmaticum bellum conficeret ³, haud inglorius auxiliator, eoque civitate Romana donatus, mox repetita amicitia regis multo apud eum honore, præfectus campis qui Euphrate et Tigre, inclutis annibus, circumflui Mesopotamiæ nomen acceperunt.

Sarmatarum arcus parvi erant.—3. Sc. sustinerent: modo aggredierentur, modo cederent. Hoc et sequens *pellerent, pellerentur* de utraque acie dictum.—4. Impulsu, collisu.—5. insuper.—6. *Ab* hoc loco significat modum et rationem aliquid faciendi, ut Ovidius: *nulla factus ab arte decor*.—7. *Emporté par*.

XXXVI. 1. Supra c. 31 seq. — 2. *Quam si qui* dicit pro *quam qui*, quia hoc quoque auxilium incertum erat. — 3. Repetendum *spe*, sperans.

XXXVII. 1. Imperium Parthicum sibi jam paratum occupare. — 2. Sacrificium suis, ovis et tauri. *Hic*, Vitellius; *ille*, Tiridates. — 3. A. U. 762.

neque multo post Sinnaces auget copias, et columnen partium Abdageses gazam et paratus regio adiecit. Vitellius, ostentasse Romana satis ratus, monet Tiridaten primoresque, hunc, *Phrahat's avi et altoris Caesaris, quæ utrobique pulchra, meminerit, illos, obsequium in regem, reverentiam in nos, decus quisque suum et fidem retinerent.* exin cum legionibus in Syriam remeavit.

XXXVIII. Quæ duabus æstatibus gesta conjunxi, quo requiesceret animus a domesticis malis. non enim Tiberium, quamquam triennio post eadem Sejani, quæ ceteros molliere solent, tempus, preces, satias mitigabant, quin incerta vel abolita pro gravissimis et recentibus puniret. Eo metu Fulcinus Trio, ingruentes accusatores haud perpersus, supremis tabulis ¹ multa et atrocia in Macronem ac præcipuos libertorum Cæsaris composuit, ipsi *fluxam senio mentem et continuo abscessu velut exsiliu* objectando. quæ ab heredibus occultata recitari Tiberius jussit, patientiam libertatis alienæ ostentans et contemptor suæ infamiæ, an scelerum Sejani diu nescius, mox quoquo modo dicta vulgari malebat, veritatisque, cui adulatio officit, per probra saltem guarus fieri. Iisdem diebus Granus Martianus senator a C. Graccho majestatis postulatus, vim vitæ suæ attulit; Tattiusque Gratianus, prætura functus, lege eadem extremum ad supplicium damnatus.

XXXIX. Nec dispare Trebellieni Rufi ¹ et Sextii Paconiani ² exitus. nam Trebellienus sua manu cecidit, Paconianus in carcere ob carmina illic in principem factitata strangulatus est. Hæc Tiberius non mari, ut olim, divisus, neque per longinquos nuntios accipiebat, sed Urbem juxta ³, eodem ut die vel noctis interjectu litteris consulum rescriberet, quasi aspiciens undantem per domos sanguinem aut manus carnificum. Fine anni Poppæus Sabinus concessit vita, modicus originis, principum amicitia consulatum ac triumphale decus adeptus, maximisque provinciis ⁴ per quattuor et viginti annos impositus, nullam ob eximiam artem, sed quod par negotiis neque supra erat.

XL. Q. Plautius, Sex. Papinius Coss. sequuntur. eo anno ^{1**} neque quod L. Aruseius morte affecti forent, assuetudine malorum ut atrox advertebatur: sed exterruit, quod Vibulenus Agrippa, eques Romanus, quum perorassent accusatores, in ipsa curia depromptum sinu venenum hausit, prolapsusque ac moribundus festinatis lictorum manibus in carcerem raptus est, faucesque jam exanimis laqueo vexatæ. Ne Tigranes ² quidem, Armenia quondam potitus ac tunc reus, nomine regio supplicia civium effugit. At C. Galba consularis ³ et duo Blæsi voluntario exitu cecidere, Galba tristibus Cæsaris litteris provinciam sortiri prohibitus: Blæsis sacerdotia, integrâ eorum domo destinata, convulsâ distulerat, tunc ut vacua contulit in alios. quod signum mortis intellexere, et executi sunt. Et Æmilia Lepida, quam juveni Druso nuptam retuli ⁴, crebris criminibus

XXXVIII. 1. In testamento.

XXXIX. 1. De quo II, 67; III, 38. — 2. V. supra c. 3 seq. — 3. Habitabat modo Tusculi, modo Albæ. — 4. Mæsiæ, Macedoniæ et Achaïæ.

XL. 1. U. 789, p. Chr. 36. Deinde unum vel plura nomina et fortasse criminis designatio exciderunt. — 2. Herodis nepos. — 3. Frater Imperatoris. — 4. Libri V parte deperdita. Deinde *intestabilis* pro detestabilis, etiam alibi ap. Tacitum.

maritum insecuta, quamquam intestabilis, tamen impunita agebat, dum superfuit pater Lepidus; post a delatoribus corripitur ob servum adulterum: nec dubitabatur de flagitio. ergo omissa defensione, finem vitæ sibi posuit.

XLI. Per idem tempus Clitarum natio Cappadoci Archelao¹ subjecta, quia nostrum in modum deferre census, pati tributa adigebatur, in juga Tauri montis abscessit, locorumque ingenio sese contra imbelles regis copias tutabatur, donec M. Trebellius legatus, a Vitellio, præside Syriæ, cum quattuor millibus legionariorum et delectis auxiliis missus, duos colles, quos barbari insederant (minori *Cadra*, alteri *Davara* nomen est), operibus² circumdedit, et erumpere ausos ferro, ceteros siti ad deditionem coegit. At Tiridates, volentibus Parthis, Nicephorium et Anthemusiada ceterasque urbes quæ Macedonibus sitæ³ Græca vocabula usurpant, Halumque et Artemitam, Parthica oppida, recepit, certantibus gaudio qui Artabanum Scythas inter eductum ob sævitiam exsecrati, come Tiridatis ingenium Romanas per artes sperabant.

XLII. Plurimum adulationis Seleucenses induere, civitas potens, septa muris, neque in barbarum corrupta, sed conditoris Seleuci¹ retinens. trecenti opibus aut sapientia delecti ut senatus; sua populo vis: et quoties concordæ agunt, spernitur Parthus; ubi dissensere, dum sibi quisque contra æmulus subsidium vocant, accitus in partem adversum omnes valet. id nuper acciderat Artabano regnante, qui plebem primoribus tradidit ex suo usu: nam populi imperium juxta libertatem, paucorum dominiatio regie libidini prior est. tum adventantem Tiridaten extollunt veterum regum honoribus, et quos recens atas largius invenit; simul probra in Artabanum fundebant, *materna origine Arsaciden, cetera degenerem*. Tiridates rem Seleucensem populo permittit. Mox consultans *quonam die solennia² regni capesseret*, litteras Phrabatis et Hieronis, qui validissimas præfecturas obtinebant, accipit, *brevem moram precantium*. placitumque *opperiri viros præpollentes*, atque interim Ctesiphon sedes imperii petita. sed ubi diem ex die prolatabant, multis coram et approbantibus, Surena³ patrio more Tiridaten insigni regio evinxit.

XLIII. Ac si statim interiora ceterasque nationes petivisset, oppressa cunctantium dubitatio¹ et omnes in unum cedebant: assidendo castellum, in quod pecuniam et pellices Artabanus contulerat, dedit spatium exuendi pacta. nam Phrahates et Hiero, et si qui alii delectum capiendi diademati diem haud concelebraverant, pars metu, quidam invidia in Abdagesen, qui tum aula et novo rege potiebatur, ad Artabanum vertere. isque in Hyrcanis repertus est, illuvie obsitus et alimenta arcu expediens². ac primo, tanquam dolus pararetur, territus; ubi data fides *reddendæ dominationi venisse*, allevatur animum, et *quæ repentina mutatio³* exquirat. tum Hiero *pueritiam Tiridatis* increpat; *neque penes Arsaciden*

XLI. 1. Filio Archelai postremi regis Cappadociæ, eo mortuo in provinciæ formam redactæ. — 2. Fossis et vallibus. — 3. A Mac. conditæ.

XLII. 1. Nicatoris, primi regis Syriæ ex Græcis. — 2. Insignia. — 3. Unus ex familia Surenarum, magnatum imperii Parthorum.

XLIII. 1. Sc. erat. — 2. Venatu sibi parans.

imperium, sed inane nomen apud imbellem externâ mollitiâ, vim in Abdagesis domo.

XLIV. Sensit vetus regnandi falsos in amore odia non fingere.¹ nec ultra moratus quam dum Scytharum auxilia conciret, pergit properus, et præveniens inimicorum astus, amicorum pœnitentiam; neque exuerat pædorem, ut vulgum miseratione adverteret. non fraus, non preces, nihil omisum, quo ambiguos illiceret, prompti firmarentur. Jamque multa manu propinqua Seleuciæ adventabant, quum Tiridates simul fama atque ipso Artabano percussus, distrahi consiliis, iret contra, an bellum cunctatione tractaret². quibus prælium et festinati casus placebant, *disiectos et longinquitate itineris fessos ne animo quidem satis ad obsequium coaluisse* disserunt, *proditores nuper hostesque ejus quem rursum foveant.* verum Abdageses *regrediendum in Mesopotamiam* censebat, *ut amne objecto, Armeniis interim Elymæisque et ceteris a tergo excitis, aucti copiis socialibus et quas dux Romanus misisset, fortunam tentarent.* ea sententia valuit, quia plurima auctoritas penes Abdagesen et Tiridates ignavus ad pericula erat. sed fugæ specie discessum; ac principio a gente Arabum facto, ceteri domos abeunt vel in castra Artabani, donec Tiridates cum paucis in Syriam revectus, pudore proditionis omnes exsolvit.

XLV. Idem annus gravi igne Urbem afficit, deusta parte Circi quæ Aventino contigua, ipsoque Aventino. quod damnum Cæsar ad gloriam vertit exsolutis domuum et insularum¹ pretiis. millies sestertiū² ea munificentia collocatum, tanto acceptius in vulgum, quanto modicus³ privatis adificationibus. ne publice quidem nisi duo opera struxit, templum Augusto et scenam Pompeiani theatri⁴: eaque perfecta, contemptu ambitionis, an per senectutem, haud dedicavit⁵ sed æstimando cujusque detrimento quattuor progeneri Cæsaris, Cn. Domitius, Cassius Longinus, M. Vinicius, Rubellius Blandus delecti, additusque nominatione consulum P. Petronius. et pro ingenio cujusque quæsitū decretique in Principem honores. quos omiserit receperitve, in incerto fuit ob propinquum vitæ finem. Neque enim multo post supremi Tiberio consules⁶ Cn. Acerronius, C. Pontius, magistratum occepere, nimia jam potentia Macronis, qui gratiam C. Cæsaris, nunquam sibi neglectam, acrius in dies fovebat, impuleratque post mortem Claudiae, quam nuptam ei retuli⁷, uxorem suam Enniam imitando amore juvenem illicere, pactoque matrimonii vincere, nihil abnuentem, dum dominationis apiceretur. nam etsi commotus⁸ ingenio, simulationum tamen falsa in sinu avi perdidicerat.

XLVI. Gnarum hoc Principi, eoque dubitavit de tradenda republica

XLIV. 1. Sensit Artabanus, regnum longo usu expertus, in amore quidem falsos esse amicos, quem fingant, sed odia non fingere eaque esse vera. — 2. Traheret.

XLV. 1. *Insula* dicitur quando plures habitationes in unum junctæ sunt, Græcis *συνοικία*. Videntur esse domus quarum singula tabulata (*étages*) sive possidentur a singulis dominis (quod hodieque obtinet in Italia) sive elocantur singulis familiis. — 2. 19. 425, 320 fr. — 3. Sc. erat Tiberius. — 4. Conf. III, 72. — 5. Quæ erat cærimonia triumphalibus honoribus æquiparata. — 6. Anni U. 790, p. Chr. 37. — 7. Cap. 20. — 8. Concitatus vehemens, de Caio, i. e. Caligula.

primum inter nepotes : quorum Druso genitus ¹ sanguine et caritate propior, sed nondum pubertatem ingressus ; Germanici filio ² robur juventæ, vulgi studia, eaque apud avum odii causa. etiam de Claudio agitant, quod is composita ætate ³, bonarum artium cupiens erat, imminuta mens ⁴ ejus obstitit. sin extra domum successor quæreretur, ne memoria Augusti, ne nomen Cæsarum in ludibria et contumelias verterent, metuebat : quippe illi non perinde curæ gratia præsentium ⁵ quam in posteros ambitio. mox incertus animi, fesso corpore, consilium, cui impar erat, fato permisit, jactis tamen vocibus per quas intelligeretur providus futurorum. namque Macroni, non abdita ambage, *occidentem ab eo deseri, orientem spectari* ⁶ exprobravit. et C. Cæsar, forte orto sermone L. Sullam irridenti, *omnia Sullæ vitia et nullam ejusdem virtutem habiturum* prædixit. simul crebris cum lacrimis minorem ex nepotibus ⁷ complexus, truci alterius vultu, *Occides hunc tu*, inquit, *et te alius*. Sed gravescente valetudine nihil e libidinibus omittebat, in patientia ⁸ firmitudinem simulans, solitusque eludere medicorum artes atque eos, qui post tricesimum ætatis annum ad internoscenda corpori suo utilia vel noxia alieni consilii indigerent.

XLVII. Interim Romæ futuris etiam post Tiberium cædibus semina jaciebantur. Lælius Balbus Acutiam, P. Vitellii quondam uxorem, majestatis postulaverat ; qua damnata quum præmium accusatori decerneretur, Junius Otho, tribunus plebei, intercessit. unde illis odia, mox Othoni exsilium. dein perditis moribus famosa Albucilla, cui matrimonium cum Satrio Secundo, conjurationis ¹ indice, fuerat, defertur impietatis in Principem ; connectebantur ut conscii et adulteri ejus Cn. Domitius, Vibius Marsus, L. Arruntius. de claritudine Domitii supra memoravi ² : Marsus quoque vetustis honoribus et illustris studiis erat. sed *testium interrogationi, tormentis servorum Macronem præsedisse* commentarii ad senatum missi ferebant, nullæque in eos Imperatoris litteræ suspicionem dabant, invalido ac fortasse ignaro ³ ficta pleraque ob inimicitias Macronis notas in Arruntium ⁴.

XLVIII. Igitur Domitius defensionem meditans, Marsus, tanquam in ediam destinavisset, produxere vitam : Arruntius cunctationem et moras suadentibus amicis, « non eadem omnibus decora » respondit : « sibi satis ætatis, neque aliud pœnitendum quam quod inter ludibria et pericula » anxiam senectam toleravisset, diu Sejano, nunc Macroni, semper alicui « potentium invisus, non culpa, sed ut flagitiorum impatiens. sane » paucos et supremos Principis dies posse vitari : quemadmodum evasurum imminenti juventam ? an, quum Tiberius post tantam rerum experientiam vi dominationis convulsus et mutatus sit, C. Cæsarem vix « finita pueritia, ignarum omnium aut pessimis innutritum, meliora

XLVI. 1. Tiberius. — 2. Caio, s. Caligulæ. — 3. Non amplius juvenilibus motibus obnoxia, Græcis καθεστῆχυια ἡλικία. — 4. Mentis imbecillitas, qua inter ludibria aulæ erat. — 5. Neutro genere : approbatio eorum quæ tum præsentia erant, præsentium temporum. — 6. Comparandum Pompeii juvenis de Sulla dictum : *Plures orientem quam occidentem solem adorant*. — 7. Tiberium ; quem revera Caligula primo regni anno occidit. — 8. In ægitudine, morbo.

XLVII. 1. Sejani. — 2. IV, 78. — 3. Sc. Imperatore. — 4. De quo conf. I, 13 ; VI, 7.

« capessiturum Macrone duce? qui ut deterior ad opprimendum Sejanum
 « delectus, plura per scelera rempublicam conflictavisset. prospectare
 « jam se acrius servitium, eoque fugere simul acta et instantia. » Hæc
 vatis in modum dictitans, venas resolvit. documento sequentia erunt, bene
 Arruntium morte usum. Albucilla, irrita ictu a semet vulnerata, jussu
 senatus in carcerem fertur. impudiciæ ejus ministri, *Carsidius Sa-*
cerdos prætorius ut in insulam deportaretur, Pontius Fregellanus
amitteret ordinem senatorium, et eadem pænæ in Lælium Balbum
decernuntur. id quidem a lætantibus, quia Balbus truci eloquentia habe-
batur, promptus adversum insontes.

XLIX. Iisdem diebus Sex. Papinius, consulari familia, repentinum et
 nformem exitum delegit, jacto in præceps corpore. causa ad matrem
 referebatur, quæ pridem repudiata assentionibus atque luxu perpulisset
 uvenem ad ea, quorum effugium non nisi morte inveniret. igitur accusata
 n senatu, quamquam genua Patrum advolveretur ¹, *luctumque commu-*
tem et magis imbecillum tali super casu feminarum animum aliæque
 n eundem dolorem mœsta et miseranda diu ferret ², Urbe tamen in de-
 cem annos prohibita est, donec minor filius lubricum juventæ exiret.

L. Jam Tiberium corpus, jam vires, nondum dissimulatio deserebat.
 dem animo rigor: sermone ac vultu intentus, quæsitæ interdum comitate
 quamvis manifestam defectionem tegerat; mutatisque sæpius locis, tan-
 tem apud promontorium Miseni consedit in villa cui L. Lucullus quon-
 'am dominus ¹. illic eum appropinquare supremis tali modo compertum.
 rat medicus arte insignis, nomine Charicles, non quidem regere valetu-
 lines Principis solitus, consilii tamen copiam præbere. is velut propria ad
 egotia digrediens, et per speciem officii manum complexus, pulsus
 enarum attigit. neque fefellit ²: nam Tiberius, incertum an offensus
 antoque magis iram premens, *instaurari epulas* jubet, discumbitque
 ultra solitum, quasi honori abeuntis amici tribueret. Charicles tamen
abi spiritum, nec ultra biduum duraturum Macroni firmavit. inde
 amicta colloquis inter præsentis, nuntiis apud legatos et exercitus festi-
 rabantur. XVII Kal. Aprilis ³ interclusa anima creditus est mortalitatem
 xplevisse. et multo gratantum concursu ad capiendâ imperii primordia
 L. Cæsar egrediebatur, quum repente affertur *redire Tiberio vocem ac*
visus, vocarique qui recreandæ defectioni cibum afferrent. pavor hinc
 n omnes; et ceteri passim dispergi, se quisque mœstum aut nescium fin-
 gere; Cæsar in silentium fixus, a summa spe novissima ⁴ exspectabat:
 Macro intrepidus *opprimi senem injectis multæ vestis* jubet, *discedique*
ib limine. Sic Tiberius finivit octavo et septuagesimo ætatis anno

LI. Pater ei Nero et utrimque origo gentis Claudiæ, quamquam mater
 n Liviam et mox Juliam familiam adoptionibus transierit ¹. casus prima
 b infantia ancipites. nam proscriptum patrem ² exsul secutus, ubi do-
 num Augusti privignus introiit, multis æmulis conflictatus est, dum


XLIX. 1. V. ad I, 15. — 2. Afferret, jactaret.

L. 1. Et ante Lucullum Marius. — 2. Sc. Tiberium. — 3. Die 16 m. Martii. — 4. Statim
 ost. spem summarum rerum extrema, perniciem.

LI. 1. Vide ad V, 1. — 2. Tiberium Claudium Neronem, a. U. 714.

Marcellus et Agrippa, mox Caius Luciusque Cæsares vignerent. etiam frater ejus Drusus prosperiore civium amore erat. sed maxime in lubrico egit accepta in matrimonium Julia, impudicitiam uxoris tolerans aut declinans³. deinde Rhodo regressus, vacuos⁴ Principis penates duodecim annis, mox rei Romanæ arbitrium tribus ferme et viginti obtinuit. Morum quoque tempora illi diversa: egregium vita famaque, quoad privatus vel in imperiis sub Augusto fuit; occultum ac subdolum fingendis virtutibus, donec Germanicus ac Drusus superfuere. idem inter bona malaque mixtus incolumi matre; intestabilis sævitia, sed obtectis libidinibus, dum Sejanum dilexit timuitve: postremo in scelera simul ac dedecora prorupit, postquam remoto pudore et metu suo tantum ingenio utebatur⁵.

— 5. Secessu in Rhodum. — 4. Mortuis Marcello, Agrippa, Caio et Lucio —. s. Hinc perierunt libri quattuor et magna pars quinti, in quibus narratum imperium Caligulae ac pæne sex anni imperatoris Claudii.



LIBER UNDECIMUS.

ARGUMENTUM.

Cap. I—5. Valerius Asiaticus a Suiio et Sosibio accusatus fraude Messalinæ et Vitellii evertitur, et hilaris moritur. — 4. somnium sævitæ causa. — 5. in perfidiam advocatorum lex Cincia flagitatur. — 6. 7. præmiis pro patrocinio modus ponitur a Principe. — 8. Parthi discordant. Gotarzes pulsus vires reparat. — 9. pacem init cum Vardane. — 10. hic victor a suis cæditur.

11. Ludi sæculares. Domitius Nero destinatur imperio. — 12. Messalina Silium deperit. — 13. Claudius aliud agit. leges fert. novas litterarum formas vulgat. — 14. de litterarum inventoribus. — 15. Claudius haruspices firmat.

16. Italicus rex Cheruseis petentibus datur. — 17. mox de eo discordia gentis et bellum. — 18. Rebellantes Chaucos Corbulo reprimit. is severe agit in milites. — 19. Frisios componit. Gannasum cædit. — 20. ardor ejus a Claudio repressus. fossam inter Mosam et Rhenum ducit. insignia triumphii ei indulta. — 21. sic et Curtio Rufo. — 22. Nonius perit. De spectaculo gladiatorum et quæstoribus.

23. Galli civitatem plenam affectant — 24. et Principe patrocinate — 25. impetrant, et primo quidem Ædui. Patrii suppleti. lustrum conditum.

26. Messalina amore vecors — 27. Silio palam nubit. — 28. turbantur aulici. — 29. 30. Narcissus per pellices rem defert. — 31. Claudius trepidat. Messalina bacchatur; — 32. preces per Vestalem parat. — 33. Narcissus Principem nutantem incitat, — 34. preces amolitur, — 35. 36. sontium, in his Mæsteris, supplicium urget. — 37. 38. Messalinam, languente Principe, dein ignaro, cædi curat.

Hæc gesta annis fere duobus, p. Chr. 47 et 48.

I. *** nam ¹ Valerium Asiaticum, bis consulem, fuisse quondam adulterum ejus ² credidit; pariterque hortis inhians, quos ille a Lucullo coëptos insigni magnificentia extollebat ³, Suiium accusandis utrisque immittit. Adjungitur Sosibius, Britannici ⁴ educator, qui per speciem benevolentiae moneret Claudium « cavere vim atque opes Principibus infensas; præcipuum auctorem Asiaticum interficiendi Cæsaris ⁵ non « extimuisse in concione populi Romani fateri gloriamque facinoris ultro « petere; clarum ex eo in Urbe, didita per provincias fama, parare iter « ad Germanicos exercitus, quando genitus Viennæ, multisque et validis « propinquitatibus subnixus, turbare gentiles nationes promptum haberet. » At Claudius, nihil ultra scrutatus, citis ⁶ cum militibus, tamquam opprimendo bello, Crispinum prætorii præfectum misit: a quo repertus est apud Baias, vinclisque inditis in Urbem raptus.

II. Neque data senatus copia: intra cubiculum auditur, Messalina

I. 1. A. U. 800, p. Chr. 47, Tib. Claudio Cæsare quartum et L. Vitellio tertium consulibus. De Messalina narratur, famosa conjuge Claudii. — 2. Poppææ Sabinæ, uxoris Cornelii Scipionis. — 3. Augebat, insigniores reddebat. De Suiio vide supra IV, 31. — 4. Claudii filii. — 5. Caligulæ. — 6. Properantibus.

coram, et Suilio *corruptionem militum, quos pecunia et libidinibus in omni flagitio* ¹ *obstrictos* argnebat, exin *adulterium Poppææ*, ac postremum turpissima quæque objectante. ad quod victo silentio ² prorupit reus, ingressusque defensionem, commoto majorem in modum Claudio, Messalinæ quoque lacrimas excivit. quibus abluendis cubiculo egrediens, monet Vitellium ne elabi reum sineret. ipsa ad perniciem Poppææ festinat, subditis qui terrore carceris ad voluntariam mortem propellerent, adeo ignaro Cæsare, ut paucos post dies epulantem apud se maritum ejus Scipionem percunctaretur *cur sine uxore discubisset*, atque ille *functam fato* responderet.

III. Sed consultant ¹ super absoluteione Asiatici flens Vitellius, commemorata *vetustate amicitiae*, utque *Antoniam, Principis matrem, pariter observavissent*, dein percursis Asiatici in rempublicam officiis recentique adversus Britanniam militia, quæque alia conciliandæ misericordiæ videbantur, *liberum ei mortis arbitrium* permisit ²: et secuta sunt Claudii verba in eandem clementiam. hortantibus dehinc quibusdam inediam et lenem exitum, *remittere* ³ *beneficium* Asiaticus ait: et usurpatis quibus insueverat exercitationibus, laeto corpore, hilare epulatus, quum se *honestius calliditate Tiberii vel impetu Caii Caesaris periturum* ⁴ dixisset *quam quod fraude muliebri et impudico Vitellii ore caderet*, venas exsolvit, viso tamen ante rogo jussoque transferri *partem in aliam, ne opacitas arborum vapore ignis minueretur*. tantum illi securitatis novissime fuit.

IV. Vocantur post hæc Patres, pergitque Suilius addere reos Equites Romanos illustres, quibus Petra cognomentum. ac causa necis ex eo, quod domum suam Mnesteris ¹ et Poppææ congressibus præbuissent; verum *nocturnæ quietis species* ² *alteri objecta, tamquam vidisset Claudium spicea corona evinctum, spicis retro conversis, eaque imagine gravitatem annonæ dixisset* ³. quidam *pampineam coronam alben- tibus foliis visam atque ita interpretatum tradidere, vergente autumno mortem Principis ostendi*. illud haud ambigitur, qualicunque insomnio ipsi fratrique perniciem allatam. Sestertiū quindecies ⁴ et insignia præturæ Crispino decreta. adjecit Vitellius sestertiū decies Sosibio, *quod Britannicum præceptis, Claudium consiliis juvaret*. Rogatus sententiam et Scipio, *quum idem*, inquit, *de admissis Poppææ assentiam quod omnes, putate me idem dicere quod omnes*, eleganti temperamento inter conjugalem amorem et senatoriam necessitatem.

V. Continuus inde et sævus accusandis reis Suilius, multique audaciæ ejus æmuli. nam cuncta legum et magistratuum munia in se trahens Princeps materiam prædandi patefecerat; nec quicquam publicæ mercis tam venale fuit quam advocatorum ¹ perfidia, adeo ut Samius, insignis eques Romanus, quadringentis nummorum ² millibus Suilio datis et cognita prævari-

II. 1. Sc. Asiatici. — 2. Quod sibi proposuerat Asiaticus.

III. 1. *Consultanti*, quasi secuturo verbo *respondit*: sed structura, post incisa, aliter exit. — 2. Permittendum censuit (Vitellius). — 3. Non accipere se. — 4. Sc. fuisse.

IV. 1. Pantomimi. — 2. Somnium. — 3. Et ob id visum de caritate annonæ, fortasse ut per Claudium eventura, locutus esset. — 4. 292,250 fr.

V. 1. Patronorum in causis. — 2. Sestertiorum, prope 80,000 fr. — 3. Ferrum nitendo

catione, ferro in domo ejus incubuerit³. Igitur incipiente C. Silio, consule designato, cujus de potentia et exitio in tempore memorabo⁴, consurgunt Patres, legemque Cinciam⁵ flagitant, qua cavetur antiquitus *ne quis ob causam orandam pecuniam donumve accipiat*.

VI. Deinde obstrepentibus his quibus ea contumelia parabatur, discors Suilio Silius acriter incubuit¹, *veterum oratorum exempla* referens, « qui famam et posteros² præmia eloquentiæ cogitavissent pulcherrima. « alioquin et bonarum artium principem³ sordidis ministeriis fœdari. ne « fidem quidem integram manere, ubi magnitudo quæstuum spectetur. « quodsi in nullius mercedem negotia eant, pauciora fore: nunc inimici- « tias, accusationes, odia et injurias foveri, ut, quomodo vis morborum « pretia medentibus, sic fori tabes pecuniam advocatis ferat. meminis- « sent C. Asinii, Messalæ⁴, ac recentiorum Arruntii⁵ et Æsernini⁶: ad « summa provectos incorrupta vita et facundia. » Talia dicente consule designato, consentientibus aliis, parabatur sententia qua *lege repetundarum tenerentur*⁷, quum Suilius et Cossutianus⁸ et ceteri, qui non iudicium (quippe in manifestos), sed pœnam statui videbant, circumsi- stunt Cæsarem, antè acta deprecantes.

VII. Et postquam annuit, agere incipiunt: « quem illum tanta super- « bia esse, ut æternitatem famæ spe præsumat? Usui et rebus subsidium « præparari, ne quis inopia advocatorum potentibus obnoxius sit. neque « tamen eloquentiam gratuito contingere; omitti curas familiares, ut quis « se alienis negotiis intendat. multos militia, quosdam exercendo¹ agros « tolerare vitam. nihil a quoquam expeti, nisi cujus fructus ante provi- « derit. facile Asinium et Messalam inter Antonium et Augustum bellorum « præmiis refertos, aut ditium familiarum heredes Æserninos et Arruntios « magnum animum induisse: prompta sibi exempla, quantis mercedibus « P. Clodius aut C. Curio² concionari soliti sint. se modicos senatores, « qui et a republica nulla nisi pacis emolumenta peterent. cogitaret plebem, « quæ togâ entesceret³; sublatis studiorum pretiis etiam studia peri- « tura. » Ut minus decora hæc, ita haud frustra dicta Princeps ratus, capiendis pecuniis posuit modum usque ad dena sestertia⁵, quem egressi repetundarum tenerentur.

VIII. Sub idem tempus Mithridates, quem imperitasse Armeniis¹ [et ad præscriptum Caii] Cæsaris victum memoravi, monente Claudio in regnum remeavit, fisis Pharasmanis opibus. is rex Iberis, idemque Mithridatis frater, nuntiabat *discordare Parthos summaque imperii ambigua, minora sine cura haberi*. nam inter Gotarzis² pleraque sæva (qui necem

in corpus adegerit. — 4. Infra c. 12 et 33. — 5. Tribuni pl. M. Cincii Alimentis a. U. 349 latam, ab Augusto relatum.

VI. 1. Contra nisus est. — 2. Ipsorum virtutem celebrantes. — 3. Eloquentiam dicit. — 4. De C. Asinio Pollione, M. Valerio Messalla Corvino v. in Dialogo. — 5. Cujus mors narrata VI, 43. — 6. Marcellus Æserninus, nepos Asinii Pollionis. — 7. Ut oratores illi punirentur secundum legem de iis, qui in provincia pecuniam extorsissent. — 8. Qui etiam repetundarum damnatur, accusantibus Cilicibus, infra XIII, 35.

VII. 1. Colendo. — 2. Julii Cæsaris tempore. — 3. Convertit se ad Cæsarem: meminisset plebeios, qui unice illis pacis artibus in foro (hæ sunt *toga*) ad honores emergere possent. — 4. Prope 2,000 fr.

VIII. 1. Conf. VI, 52 et 55. Sequentia verba quattuor non sunt in manuscripto, quod lacunam habet. Caligula eum Romam arcessitum in vincula conjecerat. — 2. Filii Artax-

fratri Artabano conjugique ac filio ejus praeparaverat, unde metus ejus in ceteros) accivere Vardanem. ille, ut erat magnis ausis promptus, biduo tria millia stadiorum ³ invadit, ignarumque et exterritum Gotarzen perturbat; neque cunctatur quin proximas praefecturas corripit, solis Seleucensibus ⁴ dominationem ejus abnuentibus. in quos, ut patris sui quoque defectores, ira magis quam ex usu praesenti accensus, implicatur obsidione urbis validae et munimentis objecti annis muroque et com meatibus firmatae. interim Gotarzes Daharum Hyrcanorumque opibus auctus, bellum renovat; coactusque Vardanes omittere Seleuciam, Bactrianos apud campos castra contulit.

IX. Tunc, distractis Orientis viribus et quonam inclinarent incertis, casus Mithridati datus est occupandi Armeniam vi militis Romani¹ ad excidenda castellorum ardua, simul Ibero exercitu campos persultante. nec enim resistere Armenii, fuso, qui praelium ausus erat, Démonacte praefecto. paullulum cunctationis attulit rex minoris Armeniae Cotys, versis illuc quibusdam procerum; dein litteris Caesaris coercitus, et cuncta in Mithridaten fluxere, atrociorum quam novo regno conduceret. At Parthi imperatores, quum pugnam pararent, foedus repente jaciunt ², cognitis popularium insidiis, quas Gotarzes fratri patefecit; congressique primo cunctanter, deinde complexi dextras apud altaria deum pepigere *fraudem inimicorum ulcisci, atque ipsi inter se concedere*. potiorque Vardanes visus retinendo regno: at Gotarzes, ne quid aemulationis existeret, penitus in Hyrcaniam abiit. regressoque Vardani deditur Seleucia, septimo post defectionem anno, non sine dedecore Parthorum, quos una civitas tam diu eluserat.

X. Exin validissimas praefecturas invisit. et recipere Armeniam avebat, ni a Vibio Marso, Syriae legato, bellum minitante cohibitus foret. Atque interim Gotarzes, poenitentia concessi regni et revocante nobilitate, cui in pace durius servitium est, contrahit copias. et huic contra itum ad amnem Erinden: in cujus transgressu multum certato, pervicit Vardanes, prosperisque praeliis medias nationes subegit ad flumen Sindem, quod Dahas Ariosque disternit. ibi modus rebus secundis positus: nam Parthi, quamquam victores, longinquam militiam aspernabantur. Igitur exstructis monumentis, quibus opes suas ¹ testabatur nec cuiquam ante Arsacidarum tributa illis de gentibus parta, regreditur, ingens gloria, atque eo ferocior et subjectis intolerantior: qui, dolo ante composito, incautum venationique intentum interfecere primam intra juventam, sed claritudine ² paucos inter senum regum, si perinde amorem inter populares quam metum apud hostes quaesivisset. Nece Vardanis turbatae Parthorum res. inter ambiguos, quis in regnum acciperetur, multi ad Gotarzen inclinabant, quidam ad Meherdaten prolem ³ Phrahatis, obsidio nobis datum. dein praevaluit Gotarzes. potitusque regiam, per saevitiem ac

bani III, fratris Vardanis. — 3. Spatium 73 leucarum ex minore stadio; ex olympico prope duplum. — 4. V. narrata VI, 42. *Praefectura, σατραπεία*.

IX. 1. Sc. adhibita. — 2. Sermones spargunt de foedere.

X. Potentiam victoria partam. — 2. Sc. numerandus; paucis vel senum regum Orientis eo gloriae evectis. — 3. Nepotem. De Phrahate et obsidibus v. II, 1.

luxum adegit Parthos mittere ad Principem Romanum occultas preces, quis *permitti Meherdaten patrium ad fastigium* orabant.

XI. Iisdem consulibus ludi sæculares octingentesimo post Romam conditam, quarto et sexagesimo quam Augustus ediderat, spectati sunt ¹. utriusque Principis rationes prætermitto, satis narratas libris quibus res imperatoris Domitiani composui ². nam is quoque edidit ludos sæculares, iisque intentius affui sacerdotio quindecimvirali præditus ac tunc prætor. quod non jactantia refero, sed quia collegio quindecimvirum ³ antiquitus ea cura, et magistratus potissimum exsequebantur officia cærimoniarum. Sedente Claudio circensibus ludis, quum pueri nobiles equis ludicrum Trojæ ⁴ inirent interque eos Britannicus Imperatore genitus, et L. Domitius adoptione mox in imperium et cognomentum Neronis ascitus, favor plebis acrior in Domitium loco præsagii acceptus est. vulgabaturque *affuisse infantie ejus dracones in modum custodum*, fabulosa et externis miraculis assimilata: nam ipse, haudquaquam sui detractor, *unam omnino anquem in cubiculo visam* narrare solitus est.

XII. Verum inclinatio populi supererat ex memoria Germanici, cujus illa reliqua suboles virilis ¹; et matri Agrippinæ miseratio augebatur ob sævitiam Messalinæ: quæ semper infesta, et tunc commotior, quominus ² strueret crimina et accusatores, novo furore distinebatur. nam in C. Silium, juventutis Romanæ pulcherrimum, ita exarserat, ut Juniam Silanam, nobilem feminam, matrimonio ejus exturbaret vacuoque adultero potestetur. neque Silius flagitii aut periculi nescius erat: sed certo, si abnueret, exitio et nonnulla fallendi spe, simul magnis præmiis, opperiri futura et presentibus frui pro solatio habebat. illa non furtim, sed multo comitatu ventitare domum, egressibus ³ adhaerescere, largiri opes, honores: postremo, velut translata jam fortuna, servi, liberti, paratus Principis ⁴ apud adulterum visebantur.

XIII. At Claudius, matrimonii sui ¹ ignarus et munia censoria usurpans ², *theatralem populi lasciviam* severis edictis increpuit, *quod in P. Pomponium consularem* (is carmina ³ scenæ dabat) *inque feminas illustres probra jecerat*. Et lege lata sævitiam creditorum coercuit, *ne in mortem parentum* ⁴ *pecunias filiis familiarum fœnori darent*. Fontesque aqua-

XI. 1. Ludi sæculares ex præscripto librorum Sibyllinorum in Campo Martio ad aram Ditis et Proserpinæ in terra occultatam per tres dies et tres noctes celebrabantur quovis fere anno centesimo et decimo, tempore reipublicæ; cujus postremi ludi sæc. erant a. U. 603. Deinde Augustus, alias rationes secutus, eosdem egit a. 737, post Claudium Domitianus a. 841, Septimius Severus a. 937, postremos Philippus Arabs a. 1000. — 2. Qui periere. — 3. Conf. ad III, 64. — 4. Descriptum a Virgilio *Æneid.* V, 345 seqq. — 5. Qui variis nominibus sacri habebantur in antiquis religionibus, adeo ut genii hominum et locorum effigie eorum pingerentur. In numo Ægyptiaco Neronis serpens cusus est cum inscriptione *νῆος ἀγαθοδαίμων*.

XII. 1. Conf. IV, 73. — 2. Nimis commota quam ut... — 3. Sc. ejus; ei in publicum egredienti. — 4. Apparatus imperatoris dignitatis.

XIII. 1. Uxoris suæ, i. e. eorum quæ uxor ageret. — 2. Postremi censores munus suum egerant a. U. 751. Deinde Augustus censoriam potestatem in quinquennium recepit a. 733 et 742 cum Tiberio censuram egit. Ab eo tempore intermissa *munia censoria* restituit Claudius. — 3. Tragedias: nam non est Pomponius Bononiensis, Atellanarum scriptor. — 4. Quæ in morte demum parentum redderentur. *In* habet accusativum destinati

rum Simbruinis⁵ collibus deductos Urbi intulit. Ac novas litterarum formas addidit vulgavitque, comperto Græcam quoque litteraturam⁶ non simul cœptam absolutamque.

XIV. Primi per figuras animalium Ægyptii sensus mentis effingebant: ea antiquissima monumenta memoriæ humanæ impressa saxis cernuntur: et litterarum semet inventores perhibent; inde Phœnicas, quia mari præpollebant, intulisse Græcæ gloriæ adeptos, tanquam repererint quæ acceperant. quippe fama est Cadmum classe Phœnicum vectum rudibus adhuc Græcorum populis artis ejus auctorem fuisse. quidam Cecropem Atheniensem, vel Linum Thebanum¹, et temporibus Trojanis Palamedem Argivum memorant sedecim litterarum formas², mox alios ac præcipuum Simonidem ceteras reperisse. at in Italia Etrusci ab Corinthio Demarato³, Aborigines⁴ Arcade ab Evandro didicerunt: et forma litteris Latinis, quæ veterrimis Græcorum. sed nobis quoque paucæ primum fuere; deinde additæ sunt⁵. quo exemplo Claudius litteras adjecit, quæ usui⁶ imperitante eo, post oblitteratæ, aspi-ciuntur etiam nunc in ære publicandis plebi senatusconsultis per fora ac templa fixo.

XV. Retulit deinde ad senatum super collegio haruspicum, « ne vetustissima Italiæ disciplina per desidiâ exolesceret; sæpe adversis reipublicæ temporibus accitos¹, quorum monitu redintegratas cærimonias et in posterum rectius habitas; primoresque Etruriæ, sponte aut Patrum Romanorum impulsu, retinuisse scientiam et in familiis propagasse: quod nunc segnius fieri publica circa bonas artes socordia, et quia externe superstitiones² valescant. et læta quidem in præsens omnia; sed benignitati deum gratiam referendam, ne ritus sacrorum inter ambigua³ culti per prospera oblitterarentur. » factum ex eo senatusconsultum, *viderent pontifices quæ retinenda firmandaque haruspicum.*

XVI. Eodem anno Cheruscorum gens regem Roma petivit, amissis per interna bella nobilibus et uno reliquo stirpis regie, qui apud Urbem habebatur, nomine *Italicus*. paternum huic genus e Flavio fratre Arminii¹, mater ex Catumero principe Chattorum erat; ipse forma decorus et armis equisque in patrium nostrumque morem exercitus. igitur Cæsar, auctum

temporis. — 5. In oriente agri Romani, inter Monasterium sacri specus (*del sacro speco*) et oppidum *Subiaco*. Est hæc magnifica illa *aqua Claudia*, descripta a Plinio XXXVI, 13, 24. — 6. *L'alphabet*. Cicero: *Litteratura constat ex notis litterarum et ex eo, in quo imprimuntur ille notæ.*

XIV. 1. Vatem. — 2. Plurimi ad Cadmum referunt sedecim litteras, Palamedi tribuunt $\theta \xi \varphi \chi$, Simonidi $\zeta \eta \psi \omega$. — 3. Optimate ex clara familia Bacchiadarum, qui Tarquinius in Etruria venerit et artifices Græcos secum advexit. Conf. Plin. XXXV, 43. — 4. Antiquissimi incolæ Latii sic vocantur. — 5. Litteræ *g*, *x*, *y*, *z*, quæ apud Latinos ceteris recentiores sunt; de quatuor aliis litteris res non constat. — 6. Sc. erant. Sunt autem *digamma*, φ pro *V* consonanti: nam veteres U quoque scribebant *V*, quod proinde signum et consonæ et vocalis erat; *antisigma* $\sigma\varsigma$ pro græco ψ , i. e. *bs*, et *ps*, ut Latini jam habebant *X* pro *cs*; tertia *F* pro *i* in iis vocabulis quæ pronunciantur mixto ex *i* et *u* sono, velut superlativi modo *maximus* modo *maxumus* scripti.

XV. 1. Sc. ex Etruria, ubi haruspicina inprimis exulta. — 2. Ut *Isiacæ*, *Serapidis*, *sabbatismus*. — 3. In ambiguo et periculoso rerum publicarum statu. Paulo ante *gratiam* pro *hanc gratiam*.

XVI. 1. Vide II, 9. Deinde ms. *ex Actumero*.

pecunia, additis stipatoribus, hortatur *gentile decus magno animo capessere: illum primum Romæ ortum, nec obsidem, sed civem, ire externum ad imperium.* Ac primo letus Germanis adventus, atque eo, quod nullis discordiis imbutus pari in omnes studio ageret, celebrari, coli, modo comitatem et temperantiam nulli invisa, sæpius vinolentiam ac libidines², grata barbaris, usurpans. jamque apud proximos, jam longius clarescere, quum potentiam ejus suspectantes, qui factionibus floruerant, discedunt ad conterminos populos, ac testificantur « adimi
« veterem Germaniæ libertatem et Romanas opes insurgere: adeo nemi-
« nem iisdem in terris ortum, qui principem locum impleat, nisi explo-
« ratoris Flavii progenies supra cunctos attollatur? Frustra Arminium præ-
« scribi³: cujus si filius hostili in solo adultus⁴ in regnum venisset,
« posse extimesci, infectum alimonio, servitio, cultu, omnibus externis:
« at si paterna Italico mens esset, non alium infensius arma contra pa-
« triam ac deos penates quam parentem ejus exercuisse. »

XVII. His atque talibus magnas copias coegere. nec pauciores Italicum sequebantur: « non enim irrupisse ad invitos, sed accitum » memora-
« bant. « quando nobilitate ceteros auteiret, virtatem experirentur, an
« dignum se patruo Arminio, avo Catumero præberet. nec patrem ru-
« bori, quod fidem adversus Romanos, volentibus Germanis sumptam,
« nunquam omississet. falso libertatis vocabulum obtendi ab iis, qui priva-
« tim degeneres, in publicum exitiosi, nihil spei nisi per discordias ha-
« beant. » Astrepebat hinc alacre vulgus; et magno inter barbaros¹
prælio victor rex; dein secunda fortuna ad superbiam prolapsus pul-
susque. ac rursus Langobardorum opibus reffectus, per læta, per adversa,
res Cheruscas afflictabat.

XVIII. Per idem tempus Chauci, nulla dissensione domi, et morte Sanquinii¹ alacres, dum Corbulo adventat, inferiorem Germaniam incursavere, duce Gannasco: qui natione Canninelas, auxiliare æs² diu meritis, post transfuga, levibus navigiis prædabundus Gallorum³ maxime oram vastabat, non ignarus dites et imbelles esse. At Corbulo provinciam ingressus magna cum cura, et mox gloria, cui principium illa militia fuit, triremes alveo Rheni, ceteras navium, ut quæque habiles, per æstuarium et fossas adegit; lintribusque hostium depressis et exturbato Gannasco, ubi præsentia satis composita sunt, legiones operum et laboris ignavas, populationibus lætantes, veterem ad morem reduxit, ne quis agmine decederet nec pugnam nisi jussus iniret. stationes, vigiliæ, diurna nocturnaque munia in armis agitabantur. feruntque *militem, qui vallum non accinctus, atque alium, quia pugione tantum⁴ accinctus foderet, morte punitos.* quæ nimia, et incertum an falso jacta, originem tamen e severitate ducis traxere; intentumque et magnis delictis inexorabilem scias, cui tantum asperitatis etiam adversus levia credebatur.

XIX. Ceterum is terror milites hostesque in diversum affecit. nos vir-

—2. Petulantiam, ferociiores affectus. — 3. Prætendi, prætextui sumi ut patruum. — 4. V. I, 33.

XVII. 1. Pro, ut inter barbaros, ut sunt res barbarorum.

XVIII. 1. Præfecti tum inferioris Germaniæ. — 2. Stipendia inter auxiliares. — 3. Belgiæ. — 4. Non etiam gladio: nam *milites gladio cincti fossam aperiunt*, Vegetius.

tutem auximus, barbari ferociam infregere. Et natio Frisiorum, post rebellionem clade L. Apronii ceptam ¹ infensa aut male fida, datis obsidibus consedit apud agros a Corbulone descriptos. idem senatus ², magistratus, leges imposuit. ac ne jussa exuerent, praesidium immunivit, missis qui majores Chaucos ad deditionem pellicerent, simul Cannasum dolo aggredierentur. nec irritae aut degeneres insidiae fuere adversus transfugam et violatorem fidei. Sed eade ejus motie Chaucorum mentes, et Corbulo semina rebellionis praebebat, ut leta apud plerosque, ita apud quosdam sinistra fama: « cur hostem conciret? adversa in rempublicam casura; » « sin prospere egisset, formidolosum ³ paci virum insignem, et ignavo « Principi praegravem. » Igitur Claudius adeo novam in Germanias vim prohibuit, ut *referri praesidia eis Rhenum* juberet.

XX. Jam castra in hostili solo molienti Corbuloni hae litterae redduntur. ille re subita, quamquam multa simul offunderentur, metus ex Imperatore, contemptio ex barbaris, ludibrium apud socios, nihil aliud prolocutus quam *beatos quondam* ¹ *duces Romanos*, signum receptui dedit. ut tamen miles otium exueret, inter Mosam Rhenumque trium et viginti millium ² spatio fossam perduxit, qua incerta Oceani ³ vetarentur. insignia tamen triumphi indulsit Caesar, quamvis bellum negavisset. Nec multo post Curtius Rufus eundem honorem adipiscitur, qui in agro Mattiaco recluserat specus querendis venis argenti; unde tenuis fructus nec in longum fuit; at legionibus cum damno labor, et fodere rivos ⁴, quaeque in aperto gravia, humum infra moliri. quis subactus miles, et quia plures per provincias similia tolerabantur, componit occultas litteras nomine exercituum precantium Imperatorem *ut, quibus permissurus esset exercitus, triumphalia* ⁵ *ante tribueret.*

XXI. De origine Curtii Rufi, quem gladiatore genitum quidam prodidere, neque falsa prompserim, et vera exsequi pudet. postquam adolevit, sectator quaestoris cui Africa obtigerat, dum in oppido Adrumeto vacuis per medium diei porticibus secretus agitaret, oblata ei species muliebris ultra modum humanum et audita est vox: *Tu es, Rufe, qui in hanc provinciam pro consule venies.* tali omine in spem sublatus digressusque in Urbem, et largitione ¹ amicorum, simul acri ingenio, quaesturam, et mox nobiles inter candidatos praeturae Principis suffragio assequitur, quum hisce verbis Tiberius dedecus natalium ejus velavisset, *Curtius Rufus videtur mihi ex se natus.* ² longa post haec senecta et adversus superiores tristi adulatione, arrogans minoribus, inter pares difficilis, consulare imperium, triumphii insignia ac postremo Africam obtinuit; atque ibi defunctus fatale praesagium implevit ³.

XIX. 1. Vid. IV, 72, 73. — 2. Sc. in singulis pagis aut regionibus. — 3. Formidandum, ut alibi ap. Tacitum.

XX. 1. Reipublicae tempore. — 2. Sc. passuum. — 3. Fluxus irruentes incerto tempore, incerta altitudine. *Vetari* pro arceri. — 4. Hoc de canali Corbulonis, sequentia de metallis Rufi: labores vel in aperto solo graves sub terra agitare. — 5. Quae tum per militum summas molestias quaerebantur. Honestius addebant (ap. Sueton. c. 24), *ne causam belli quoquo modo quaerere.*

XXI. 1. Larga voluntate, favore et commendatione. — 2. Non majoribus, sed sibi soli res suas debens. — 3. Nam hoc quoque illa species dixerat, eum *ibi moriturum.*

XXII. Interea Romæ, nullis palam neque cognitis mox causis, Cn. Nonius, eques Romanus, ferro accinctus reperitur ¹ in cœtu salutantium Principem. nam postquam tormentis dilaniabatur, de se non infitatus, consocios non edidit, incertum an occultans. Iisdem consulibus P. Dolabella censuit *spectaculum gladiatorum per omnes annos celebrandum pecunia eorum, qui quæsturam adipiscerentur*. apud majores virtutis id præmium fuerat cunctisque civium, si bonis artibus fiderent, licitum petere magistratus; ac ne ætas quidem distinguebatur ², quin prima juvenia consulatum et dictaturas inirent. sed quæstores regibus etiam tum imperantibus instituti sunt: quod lex curiata ³ ostendit ab L. Bruto repetita. mansitque consulibus potestas deligendi, donec eum quoque honorem populus mandaret. creatique primum Valerius Potitus et Æmilius Mamercus, tertio et sexagesimo anno post Tarquinius exactos ⁴, ut rem militarem comitarentur. dein gliscentibus negotiis duo additi ⁵, qui Romæ curarent. mox ⁶ duplicatus numerus, stipendiaria jam Italiâ et accedentibus provinciarum vertigalibus. post lege Sullæ viginti creati supplendo senatui, cui judicia tradiderat ⁷. et quamquam Equites judicia recuperavissent ⁸, quæstura tamen ex dignitate candidatorum aut facilitate tribuentium gratuito concedebatur, donec sententia Dolabellæ velut venundaretur.

XXIII. A. Vitellio, L. Vipstano Coss. ¹, quum de supplendo senatu ageretur, primoresque Galliæ quæ *Comata* appellatur, fœdera et civitatem Romanam pridem assecuti, jus adipiscendorum in Urbe honorum expeterent, nullus ea super re variusque rumor. et studiis diversis apud Principem certabatur, asseverantium « non adeo ægram Italiam, ut senatum » suppeditare Urbi suæ nequiret. suffecisse olim indigenas, consanguineis » populis ², nec penitere veteris reipublicæ ³: quin adhuc memorari exempli, quæ, priscis moribus, ad virtutem et gloriam Romana indoles » prodiderit. an parum, quod Veneti et Insubres curiam irruperint, nisi » cœtus alienigenarum, velut captivitas ⁴, inferatur? quem ultra honorem » residuis nobilium, aut si quis pauper e Latio senator foret? Oppleturos » omnia divites illos, quorum avi proavique, hostilium nationum duces, » exercitus nostros ferro vique ceciderint, divum Julium apud Alesiam » obsederint ⁵. recentia hæc. quid si memoria veterum inoreretur, ut pro » Capitolio et arce Romana in manus Senonum pretia pensastis ⁶?

XXII. 1. A «scrutatoribus, quos (Claudius) salutatoribus semper apposuit, et quidem omnibus et acerbissimos,» Sueton. c. 53. — 2. Distinguebatur quidem, præsertim post *legem annalem* anni U. 573, sed non ita ut excluderentur ob ætatem homines manifesto eminentes. — 3. Lex a curiis, quæ non viritum, sed secundum gentes suffragia ferebant, lata. His legibus imperium regibus deferebatur, et in republica senatusconsulta imperium deferentia sanciebantur. — 4. A. U. 508. — 5. A. 554, *quæstores urbani* sive *ararii*. Conf. Livium IV, 45. — 6. Circa a. 490. — 7. A. U. 672. — 8. A. U. 685.

XXIII. 1. A. U. 801, p. Chr. 48. — 2. Quum populi antiquissimæ reipublicæ (Latini) consanguinei essent Romanis, ac proinde non inapte potuissent ad magistratus in Urbe admitti. — 3. Atque minime *penitendam*, i. e. contemnendam et parvam ideo fuisse veterem reipublicam. — 4. Captivi; nam armis illi populi subjecti Romanis erant. — 5. De periculosissima obsidione illa v. narrantem Cæsarem ipsum Bell. Gall. VII, 68 usque ad fin. — 6. Ut quum Capitolium et arx Romana a Senonibus Gallis Brenno duce capta esset, iis pretia appendistis illa redempturi. Dabia hæc: in manuscripto depravate *qui capitolio et arx Romana manibus eorundem persto satis*.

« Fruerentur sane vocabulo civitatis, at insignia Patrum, decora magi-
« stratum ne vulgarent. »

XXIV. His atque talibus haud permotus Princeps, et statim contra dis-
seruit et vocato senatu ita exorsus est ¹: « Majores mei, quorum antiquis-
« simus Clausus origine Sabina ² simul in civitatem Romanam et in
« familias patriciorum ascitus est, hortantur uti paribus consiliis rempu-
« blicam capessam, transferendo huc quod usquam egregium fuerit. ne-
« que enim ignoro Julios Alba, Coruncanios Camerio ³, Porcios Tusculo,
« et ne vetera scrutemur, Etruria Lucaniaque et omni Italia in senatum
« accitos, postremo ipsam ⁴ ad Alpes promotam, ut non modo singuli
« viritim, sed terræ, gentes, in nomen nostrum coalescerent. tunc solida
« domi quies, et adversus externa floruimus, quum Transpadani in civi-
« tatem recepti, quum specie ⁵ deductarum per orbem terræ legionum,
« additis provincialium validissimis ⁶, fesso imperio subventum est. num
« penitet Balbos ex Hispania, nec minus insignes viros e Gallia Narbo-
« nensi transivisse? manent posteri eorum, nec amore in hanc patriam
« nobis concedunt. quid aliud exitio Lacedæmoniis et Atheniensibus fuit,
« quamquam armis pollerent, nisi quod victos pro alienigenis arcebant?
« at conditor noster Romulus tantum sapientia valuit, ut plerosque popu-
« los eodem die hostes, dein cives habuerit. advenæ ⁷ in nos regnaverunt:
« libertinorum filiis magistratus mandari non, ut plerique falluntur ⁸, re-
« pens, sed priori populo facilitatum est ⁹. At cum Senonibus pugnavimus.
« scilicet Volsci et Equi nunquam adversam nobis aciem instruxere! Capti
« a Gallis sumus. sed e Tuscis ¹⁰ obsides dedimus et Samnitium jugum
« subivimus ¹¹. Attamen si cuncta bella recenseas, nullum breviori spatio
« quam adversus Gallos confectum. continua inde ac fida pax: jam mori-
« bus, artibus, affinitatibus nostris mixti, aurum et opes suas inferant
« potius quam separati habeant. Omnia, Patres conscripti, quæ nunc
« vetustissima creduntur, nova fuere: plebei magistratus post patricios,
« Latini post plebeios, ceterarum Italiæ gentium post Latinos. inveterascet
« hoc quoque; et quod hodie exemplis tuemur, inter exempla erit. »

XXV. Orationem Principis secuto Patrum consulto, primi Adui sena-
torum in Urbe jus adepti sunt. datum id federi antiquo, et quia soli Gal-
lorum fraternitatis nomen cum populo Romano usurpant. Iisdem diebus
in numerum patriciorum ascivit Cæsar vetustissimum quemque e senatu,
aut quibus clari parentes fuerant, paucis jam reliquis familiarum quas
Romulus *majorum* et L. Brutus *minorum gentium* appellaverant ¹,
exhaustis etiam quas dictator Cæsar lege Cassia et Princeps Augustus lege

XXIV. 1 Superest hæc oratio Claudii in tabulis aeneis Lugduni repertis a. 1320. Ex quo monumento apparet qua fide mentem oratorum exprimat Tacitus, quamquam suæ eloquentiæ gravitatem ipsis largitus. — 2. V. IV, 9 in fine. — 3. Latii oppido in finibus Sabi-
norum. Alii hanc familiam Tusculanam dicunt. — 4. Sc. Italiam, civitatis jure Galliæ
cisalpinæ concesso per triumviratum alterum, Octavianum, Antonium, Lepidum.
— 5. Aspectu, splendore. — 6. Qui cives fiebant, quando legionibus ascribebantur.
— 7. Numa, Ancus Marcius, Tarquinii. — 8. Falsi (errantes) dicunt. *Repens*, modo, nuper
factum. — 9. Primum in censura Appii Claudii a. U. 445 in senatum admissi, sub Cæsare
frequentius magistratu ornati. — 10. Sub Porsenna rege, a. U. 246. — 11. Ad furculas
Claudii a. 455.

XXV. 1. Compara Livii locos I, 8 et 33; II, 1. — 2. Sc. in patricios, partim in senatum.

Senia sublegere². lætaque hæc in rempublicam munia multo gaudio censoris³ inibantur. famosos probris quonam modo senatu depelleret anxius, mitem et recens⁴ repertam, quam ex severitate prisca, rationem adhibuit, monendo, «secum quisque de se consultaret, peteretque jus exeundi⁵ ordinis. facilem ejus rei veniam: et motos senatu excusatosque simul propositurum, ut judicium censorum ac pudor sponte cedentium permixti ignominiam mollirent.» Ob ea Vipstanus consul retulit, *patrem senatus appellandum esse Claudium: quippe promiscuum⁶ patris patrice cognomentum; nova in rempublicam merita non usitatis vocabulis honoranda.* sed ipse cohibuit consulem ut nimium assentantem. condiditque lustrum, quo censa sunt civium LVIII. LXXXIII. LXXII⁷. isque illi finis inscitæ erga domum suam fuit: haud multo post flagitia uxoris noscere ac punire adactus, ut deinde ardesceret in nuptias incestas.

XXVI. Jam Messalina ad nova flagitia profluebat, quum *abrumpi dissimulationem* etiam Silius, sive fatali vecordia, an imminentium periculorum remedium ipsa pericula ratus, urgebat: «quippe non eo ventum, «ut senectam Principis opperiretur¹. insontibus innoxia consilia, flagitiis manifestis subsidium ab audacia petendum: adesse conscios paria metuentes. se calibem, orbem, nuptiis et adoptando Britannico paratum: «mansaram eandem Messalinæ potentiam addita securitate, si prævenirent Claudium, ut insidiis incautum, ita iræ properum.» Segniter hæc voces acceptæ, non amore in maritum, sed ne Silius summa adeptus sperneret adulteram, scelusque inter ancipitia probatum, veris mox pretiis aestimaret. nomen tamen matrimonii concupivit ob magnitudinem infamiae, cujus apud prodigos² novissima voluptas est. nec ultra expectato quam dum sacrificii gratia Claudius³ Ostiam proficisceretur, cuncta nuptiarum solennia celebrat.

XXVII. Haud sum ignarus fabulosum visum iri tantum ullis mortalium securitatis fuisse in civitate omnium gnara et nihil reticente, nedum consulem designatum cum uxore Principis, prædicta die, adhibitis qui obsignerent, velut suscipiendorum liberorum causa⁴, convenisse, atque illam audisse⁵ auspicum verba, subisse⁶, sacrificasse apud deos; discubitum inteo convivas; licentiam conjugalem. Sed nihil compositum miraculi causa⁷, verum audita scriptaque senioribus tradam.

XXVIII. Igitur domus Principis inhorruerat; maximeque quos penes potentia et, si res verterent, formido, non jam secretis colloquiis, sed

— 5. Conf. c. 15. — 4. Ab Augusto. Deinde supple *potius*. — 5. Tacitus *exire* cum accusativo struit. — 6. Cum aliis Imperatoribus, et reipublicæ quibusdam. — 7. Id est, *quinquagies novies* (centena) *octoginta quattuor millia, septuaginta duo*, 5,984,072.

XXVI. 1. Ut mortem Principis ex decrepita senectute expectare posset aut vellet. Claudius tunc agebat annum 65. — 2. In omnem infamiam effusus. ἀσώτους. — 3. Ut pontifex maximus.

XXVII. 1. Formula qua Romani legitimum matrimonium, legitimam *conventionem in manum* significabant. — 2. *Auspices nuptiarum* aderant, quanquam jam Ciceronis tempore, *re omissa* (auspicia non facientes) *nomen tantum tenebant*. — 3. Sc. tectum mariti: sed vocabulum aliquid excidisse videtur. — 4. Non addit Tacitus quod rem credibilem reddere potest: fingebantur ostenta quædam mortem marito *Messalinæ* portendere: huc Claudius consensit. novis nuptiis uxoris suæ atque adeo ipse tabulas dotales obsignavit, sero res actum iri ignarus.

aperte fremere : « dum histrio ¹ cubiculum Principis exsultaverit ², dede-
 « cus quidem illatum, sed discidium procul abfuisse : nunc juvenem
 « nobilem, dignitate formæ, vi mentis ac propinquo consulatu, majorem
 « ad spem accingi : nec enim occultum quid post tale matrimonium supe-
 « resset. » Subibat sine dubio metus reputantes *hebetem Claudium et*
uxori devinctum, multasque mortes jussu Messalinæ patratas. rursus
ipsa facilitas Imperatoris fiduciam dabat, si atrocitate ³ criminis præ-
valuissent, posse opprimi damnatam antè quam ream. sed in eo discrimen
verti, si defensio audiretur, utque clausæ aures etiam confitente ⁴
forent.

XXIX. Ac primo Callistus, jam mihi circa necem Caii Cæsaris narratus, et Appianæ cædis ¹ molitor Narcissus, flagrantissimaque ² eo in tempore gratia Pallas agitavere, *num Messalinam secretis minis depellerent amore Sili, cuncta alia dissimulantes* : deinde metu, ne ad perniciem ultro traherentur, desistunt, Pallas per ignaviam, Callistus prioris quoque regiae peritus, et ³ potentiam cautis quam acribus consiliis tutius haberi. Perstitit Narcissus, ut solum id immutans, ne quo sermone præsciam criminis et accusatoris faceret, ipse ad occasiones intentus, longa apud Ostiam Cæsaris mora, duas pellices largitione ac promissis, et uxore dejecta plus potentiae ostentando, perpulit ⁴ delationem subire.

XXX. Exin Calpurnia (id pellici nomen), ubi datum secretum, Cæsaris genibus provoluta *nupsisse Messalinam Silio* exclamat. simul Cleopatram, quæ idem opperiens astabat, *an comperisset?* interrogat, atque illa annuente *cieri Narcissum* postulat. is veniam in præteritum petens, « quod « Titios, Vettios, Plautios dissimulavisset ¹, nec nunc adulteria objectu-
 « rum » ait, « ne ² domum, servitia et ceteros fortunæ paratus ³ repo-
 « sceret. frueretur imo his : et redderet uxorem, rumperetque tabulas
 « nuptiales. an discidium, » inquit, « tuum nosti? nam matrimonium
 « Sili vidit populus et senatus et miles : ac ni propere agis, tenet Urbem
 « maritus. »

XXXI. Tum potissimum amicorum vocat, primumque rei frumentariæ præfectum Turranium, post Lusium Getam prætorianis impositum percunctatur. quis fatentibus, certatim ceteri circumstrepunt, *iret in castra, firmaret prætorias cohortes, securitati ante quam vindictæ consulere-*
ret. satis constat eo pavore offusum Claudium, ut identidem interrogaret *an ipse imperii potens? an Silius privatus esset?* At Messalina, non alias solutior luxu, adulto auctumno simulacrum vindemiæ per domum celebrabat. urgeri prela, fluere lacus; et feminæ pellibus accinctæ assul-
 tabant ut sacrificantes vel insanientes Bacchæ; ipsa crine fluxo thyrsum

XXVIII. 1. Mnester pantomimus. — 2. Infamaverit, cum imitatione, ut videtur, græci verbi ἐξοργεῖσθαι positum. — 3. Ob atrocitatem. — 4. Sc. Messalina : fieri posse ut per eam defensionem ocludantur Imperatoris aures accusantibus, vel confitente rea.

XXIX. 1. Narrata a Suetonio c. 29 et 57. Apud Tacitum excidit. — 2. Vividissima, florentissima (apud Claudium). — 3. Sc. sciens, ex præcedente peritus. Prioris regiae, scil. Caligulae. — 4. Debebat *perpelleret* dicere, ob ut præcedens, sed ob interjecta Tacitus mutavit constructionem.

XXX. 1. Ei non indicasset; conf. infra c. 55, 56. — 2. Ne pro nedum, tantum abesse ut. — 3. Silio a Messalina datos.

quatiens, juxtaque Silius hedera vinctus, gerere cothurnos¹, jacere caput, strepente circum procaci choro. Ferunt Vettium Valentem, lascivia in præaltam arborem connisum², interrogantibus *quid aspiceret?* respondisse *tempestatem ab Ostia atrocem*, sive cœperat³ ea species, seu forte lapsa vox in præsagium vertit.

XXXII. Non rumor interea, sed undique nuntii incedunt, qui *gnara Claudio cuncta, et venire promptum ultioni* afferrent. igitur Messalina Lucullianos in hortos¹, Silius dissimulando metu ad munia fori digrediuntur. ceteris passim dilabentibus affuere centuriones, inditaque sunt vincula, ut quis reperiebatur in publico aut per latebras. Messalina tamen, quamquam res adversæ consilium eximerent, ire obviam et aspici a marito, quod sæpe subsidium habuerat, haud sequiter intendit², missique³, *ut Britannicus et Octavia in complem patris pergerent. et Vibidiam, virginum Vestalium vetustissimam, oravit pontificis maximi aures adire, clementiam expetere.* atque interim tribus omnino comitantibus (id repente solitudinis erat), spatium Urbis pedibus emensa, vehiculo, quo purgamenta hortorum eripiuntur⁴, Ostiensem viam intrat, nulla cujusquam misericordia, quia flagitiorum deformitas prævalebat.

XXXIII. Trepidabatur nihilominus a Cæsare: quippe Getæ, prætorii præfecto, haud satis fidebat, ad honesta seu prava juxta levi. ergo Narcissus, assumptis quibus idem metus, *non aliam spem incolumitatis Cæsaris* affirmat, *quam si jus militum*¹ uno illo die in aliquem libertorum transferret; seque offert suscepturum. ac ne, dum in Urbem vehitur², ad penitentiam a L. Vitellio et P. Largo Cæcina mutaretur, in eodem gestamine sedem poscit sumitque.

XXXIV. Crebra post hæc fama fuit, inter diversas Principis voces, quum modo incusaret flagitia uxoris, aliquando ad memoriam conjugii et infantiam liberorum revolveretur, non aliud prolocutum Vitellium quam *o facinus! o scelus!* Instabat quidem Narcissus *aperire ambages et veri copiam facere*: sed non ideo pervicit, quin suspensa et quo ducerentur inclinatura¹ responderet, exemploque ejus Largus Cæcina uteretur. et jam erat in aspectu Messalina, clamitabatque, *audiret Octaviæ et Britannici matrem*, quum obstreperet accusator, *Silium et nuptias* referens: simul codicillos libidinum indices tradidit, quis visus Cæsaris averteret². nec multo post Urbem ingredienti offerebantur communes liberi, nisi Narcissus *amoveri eos* jussisset. Vibidiam depellere nequivit, quin multa cum invidia³ flagitaret, *ne indefensa conjux exitio daretur.* igitur *auditurum Principem et fore diluendi criminis facultatem* respondit: *iret interim virgo et sacra capesseret.*

XXXV. Mirum inter hæc silentium Claudii; Vitellius ignaro propior: omnia liberto obediebant. *patefieri domum adulteri atque illuc deduci*

XXXI. 1. Ut Bacchus. — 2. Fortasse ut Pentheum assimilaret. — 3. Orta erat.

XXXII. 1. V. c. 1. — 2. Machinata est. — 3. Sc. servi qui dicerent, juberent. — 4. Hortis erepta avehuntur.

XXXIII. 1. Sc. prætorianorum; eorum imperium. — 2. Claudius.

XXXIV. 1. Verba dubia, quæ a colloquente in eam quam vellet partem trahi possent. — 2. Sc. ab uxore. — 3. Verbis multum invidiæ et odii minantibus, nisi obtemperaret.

Imperatorem jubet. ac primum in vestibulo effigiem patris Silii ¹ consulto senatus abolitam demonstrat, tum, quicquid avitum Neronibus et Drusis, in pretium probri cecidisse ². incensumque et ad minas erumpentem castris infert, parata concione militum; apud quos, præmonente Narcisso, pauca verba fecit: nam, etsi justum, dolorem pudor impediēbat. continuus dehinc cohortium clamor *nomina reorum et pœnas* flagitantium; admotusque Silius tribunali non defensionem, non moras tentavit, precatus *ut mors acceleraretur*. eadem constantia et illustres Equites Romanos cupidos maturæ necis fecit. et Titium Proculam, custodem a Silio Messalinæ datum, et indicium offerentem Vettium Valentem, confesum, et Pompeium Urbicum ac Saufellum Trogum ex consciis *tradi ad supplicium* jubet. Decrius quoque Calpurnianus, vigilum præfectus, Sulpicius Rufus, ludi ³ procurator, Juncus Virgilianus, senator, eadem pœna affecti.

XXXVI. Solus Mnester cunctationem attulit, dilaniata veste clamitans, « aspiceret verberum notas, reminisceretur vocis qua se obnoxium jussis « Messalinæ dedisset ¹. aliis largitione aut spei magnitudine, sibi ex necessitate culpam; nec cuiquam ante ² pereundum fuisse, si Silius rerum poteretur. » commotum his et pronum ad misericordiam Cæsarem perpulere liberti, *ne tot illustribus viris interfectis histrioni consulere-
retur; sponte an coactus tam magna peccavisset, nihil referre*. Ne Trauli quidem Montani, equitis Romani, defensio recepta est. is modesta juventa, sed corpore insigni, accitus ultro a Messalina, mox proturbatus erat. Suillio Cæsonino et Plautio Laterano mors remittitur, huic ob patri egregium meritum ³; Cæsoninus vitiis contrariis protectus est.

XXXVII. Interim Messalina Lucullianis in hortis prolatæ vitam, componere preces, nonnulla spe et aliquando ira: tantum inter extrema superbia egebat ¹. ac ni cædem ejus Narcissus properavisset, verterat perniciēs in accusatorem. nam Claudius domum regressus et tempestivis ² epulis delinitus, ubi vino incaluit, *iri jubet nuntiarique miseræ* (hoc enim verbo usum ferunt), *dicendam ad causam postera die adesset*. quod ubi auditum et languescere ira, redire amor, ac si cunctarentur, propinqua nox et uxorii cubiculi memoria timebantur, prorumpit Narcissus, denuntiatque centurionibus et tribuno, qui aderant, *exsequi cædem; ita Imperatorem jubere*. custos et exactor e libertis Euodus datus. isque raptim in hortos prægressus, repperit fusam humi, assidente matre Lepida ³, quæ, florenti filiæ haud concors, supremis ejus necessitatibus ad miserationem evicta erat, suadebatque, *ne percussorem opperiretur: transisse vitam, neque aliud quam morti decus quærendum*. sed animo per libidines corrupto nihil honestum inerat; lacrimæque et questus irriti ducebantur ⁴, quum impetu venientium pulsæ fores, astititque

XXXV. 1. De cujus morte narratum IV, 18 et 19. — 2. V. c. 12 infūne. — 3. Haud dubie gladiatorii.

XXXVI. 1. Claudius, dolo Messalinæ lusus, dixerat aliquando Mnesteri, *ut in omnibus uxori suæ obediret*. — 2. Quam sibi. — 3. Fortasse ejusdem de quo dictum in Agric. 11.

XXXVII. 1. Adeo abjecerat superbiam. — 2. Sic dicuntur quæ ante horam nonam diei sumebantur. — 3. Domitia Lepida, Valerii Messalæ uxor, proneptis Antonii et Octaviæ sororis Augusti. — 4. Producebantur, in longum extrahebantur.

tribunus per silentium, at libertus increpans multis ac serviliis probris.

XXXVIII. Tunc primum fortunam suam introspectit, ferrumque accepit, quod frustra jugulo aut pectori per trepidationem admovens, ictu tribuni transfigitur. corpus matri concessum. nuntiatumque Claudio epulanti *perisse Messalinam*, non distincto sua an aliena manu. nec ille quæsivit, poposcitque poculum et solita convivio celebravit. ne secutis quidem diebus odii, gaudii, iræ, tristitiæ, ullius denique humani affectus signa dedit, non quum lætantes accusatores aspiceret, non quum filios mærentes. jovitque oblivionem ejus senatus censendo *nomen et effigies privatis ac publicis locis demovendas*. decreta Narcisso *questoria insignia*, levissimum fastidii ejus ¹, quum super Pallantem et Callistum ageret ². Honesta quidem ³, sed ex quibus deterrima orerentur, tristitiis mutatis ⁴.

XXXVIII. 1. Levissimum eorum quæ *fastidium*, i. e. fastus et arrogantia, ejus expectaverat præmia. — 2. Quum revera potentior esset Pallante. — 3. Sc. erant hæc acta, vindicta Messalinæ. — 4. Ita ut tristitia alia priorum in locum succederent. Sed valde dubia hæc; in manuscripto est *multis*.

LIBER DUODECIMUS.

ARGUMENTUM.

Cap. 1 et 2. Claudius de matrimonio cum libertis deliberat. — 3. Agrippina, Germanici fratris ejus filia, aliis praelata, L. Silano, cui desponsa Octavia, insidias struit, — 4. administro Vitellio, — 5—7. ejus artibus inducti senatus populusque infames nuptias probant. — 8. Silanus mortem sibi consciscit. Seneca ab exilio redux studii Neronis præest, — 9. cui despondetur Octavia.

10. Parthi regem Roma petunt Meherdatein, — 11. quem missum a Claudio Cassius in regnum ducere conatur. — 12. obstat fraus Achari — 13. et Izatis. — 14. victus Meherdates Gotarzi traditur. hoc mortuo regnum in Vononem, dein Vologesen transfertur. — 15. Mithridati, regnum Ponti recuperare niso, Romani resistunt et Cotys et Eunones. — 16. Uspe urbe capta, — 17. Zorsines deserit Mithridatem, qui — 18. supplex Eunoni — 19—21. per eum a Principe veniam impetrat Romamque perducitur.

22. Agrippinae artibus Lollia cedere Italia jubetur, Calpurnia pervertitur. — 23. Salutis augurium. pomerium Urbis prolatum, — 24. et qui olim protulerint. — 25. Nero Domitius a Claudio adoptatur auctoritate Pallantis. — 26. Britannicus depressus. — 27 et 28. Colonia in Ubios deducta. Chatti latrocinia agitantés vincuntur. — 29 et 30. Vannius Suevorum rex a suis pulsus.

31. In Britannia turbantes reprimunt Ostorius Icenos, — 32. Cangos, Brigantes. — 33—35. Silurum regem Caractacum vincit. — 36. is Romam perductus — 37. mascole Cæsarem alloquitur et veniam impetrat. — 38 et 39. Britanni vires reparant. Ostorius obtentis triumphis insignibus obit. — 40. ei Didius successit. bellum intestinum Venutii et Carismanduæ.

41. Neroni virilis toga maturatur, posthabito Britannico. — 42. Burrus prætorio præfectus. Agrippinae arrogantia. Vitellio favet. — 43. Prodigia Romæ. caritas annonæ.

44—47. Bellum Armenios inter et Iberos. Rhadamistus Pharasmanis filius Iberus specie fœderis Mithridatem invadit, vinchis onerat, interimit. — 48. Quadratus Syriæ præses de ultione deliberat. — 49. Pelignus Rhadamistum tenere regium insigne sumere hortatur. — 50. Parthi Armeniam invadunt. — 51. Rhadamistus a suis pellitur. Zenobia conjux ab eo vulnerata ægre servatur.

52. Furios Scribonianus relegatus. SC. de mathematicis. — 53. SC. Claudianum de feminis qui servis jungerentur. Adulatio in Pallantem. — 54. Felix et Ventidius turbant Judæam. Quadratus quietem reddit. — 55. motus in Cilicia sedat rex Antiochus.

56. Lacus Fucinus emissus et in eo navale spectaculum — 57. et convivium cum periculo. — 58. Nero ducit Octaviam. — 59. Statilius Taurus eversus. — 60. procuratorum in provinciis auctoritas aucta. — 61. Cois concessa immunitas. — 62 et 63. Byzantiis tributum ad tempus remissum. ejus urbis situs.

64. Prodigia Claudianæ necis. — 65. Lepidæ mors indicta. Narcissi liberæ voces. — 66 et 67. Claudium Agrippina veneno tollit. — 68. Nero primordia imperii capit. — 69. Funus et consecratio Claudii.

Gesta hæc annis sex, p. Chr. 49—54.

I. Cæde Messalinæ convulsa Principis domus, orto apud libertos certamine quis deligeret uxorem Claudio, cælibis vitæ intoleranti et conjugum imperiis obnoxio. nec minore ambitu feminæ exarserant : suam quæque nobilitatem, formam, opes contendere ¹ ac dignam ² tanto matrimonio ostentare. sed maxime ambigebatur inter Lolliam Paullinam, M. Lollii consularis [filiam], et Juliam Agrippinam Germanico genitam : huic Pallas, illi Callistus fautores aderant. at Ælia Petina, e familia Tuberorum, Narcisso fovebatur ³. ipse modo huc modo illuc, ut quemque suadentium

1. Comparando extollere. — 2. Sc. se. — 3. Narcissi favorem habebat.

audierat, promptus, discordantes in consilium vocat ac *promere sententiam et adicere rationes* jubet.

II. Narcissus *velus matrimonium*¹, *familiam communem* (nam Antonia ex Petina erat), *nihil in penatibus ejus novum* disserebat, *si sueta conjux rediret, haudquaquam novercalibus odiis visura Britannicum et Octaviam, proxima suis pignora*. Callistus, *improbam longo discidio, ac si rursus assumeretur, eo ipso superbam; longeque rectius Lolliam induci, quando nullos liberos genuisset*², *vacuam emulatione et privignis parentis loco futuram*. at Pallas id maxime in Agrippina laudare, *quod Germanici nepotem*³ *secum traheret, dignum prorsus imperatoria fortuna; stirpem nobilem*⁴, *et familiae Claudice quæ posteros conjungeret, ne femina expertæ fecunditatis, integrâ juventâ, claritudinem Caesarum*⁵ *aliâ in domum ferret*.

III. Prævaluere hæc, adjuncta Agrippinæ illecebris, quæ ad eum per speciem necessitudinis¹ crebro ventitando pellicit patrum, ut prælata ceteris et nondum uxor, potentia uxoria jam uteretur. nam ubi sui matrimonii certa fuit, struere majora nuptiasque Domitii, quem ex Cn. Aenobarbo genuerat², et Octaviæ, Cæsaris filiae, moliri: quod sine scelere perpetrari non poterat, quia L. Silano desponderat Octaviam Cæsar, juvenemque et alia³ clarum insigni triumphalium et gladiatorii muneris magnificentia protulerat ad studia vulgi. sed nihil arduum videbatur in animo Principis, cui non iudicium, non odium erat nisi indita et jussa.

IV. Igitur Vitellius, nomine censoris serviles fallacias obtegens ingruentiumque dominationum provisor, quo gratiam Agrippinæ pararet, consiliis ejus implicari, ferre crimina in Silanum, cui sane decora et procax soror, Junia Calvina, haud multum ante Vitellii nurus fuerat. hinc initium accusationis; fratrumque¹ non incestum, sed incustoditum amorem ad infamiam traxit. et præbebat Cæsar aures, accipiendis adversum generum suspicionibus caritate filiae promptior. at Silanus insidiarum nescius, ac forte eo anno prætor, repente per edictum Vitellii ordine senatorio movetur, quamquam lecto pridem² senatu lastroque condito. simul affinitatem Claudius diremit, adactusque Silanus ejurare³ magistratum, et reliquus præturæ dies⁴ in Eprium Marcellum collatus est.

V. C. Pompeio, Q. Veranio Coss.¹ pactum inter Claudium et Agrippinam matrimonium jam fama, jam amore illicito firmabatur: necdum celebrare solennia nuptiarum audebant, nullo exemplo deductæ in domum² patris fratris filiae. quin et incestum, ac, si sperneretur³, ne in malum publicum erumperet, metuebatur. nec ante omisa cunctatio quam Vitellius suis artibus id perpetrandum sumpsit. percunctatusque Cæsarem, *an jussis populi, an auctoritati senatus cederet?* ubi ille *unum*

II. 1. Petina fuerat secunda uxor Claudii. *Familiam* dicit amplificando in generali commendatione, nisi Antonia jam bis nuptæ familiam una comprehendit. — 2. Ex Caligula, cui nupta fuerat. — 3. Neronem. — 4. Sc. esse Agrippinæ, eamque aptam esse *quæ conjungeret posteros familiae Claudiae*, sine hoc matrimonio divisos futuros. — 5. Agrippina erat proneptis Augusti.

III. 1. Et fratris filia. — 2. V. IV, 73. — 3. Aliis rebus.

IV. 1. Fratris et sororis. — 2. V. XI, 23. — 3. Abdicare. — 4. Alii biduum narrant.

V. 1. A. U. 802, p. Chr. 49. — 2. Nuptiarum die læta pompa deducebatur sponsa in domum sponsi. — 3. Pro levis momenti re haberetur.

se civium, et consensui imparem respondit, opperiri intra palatium jubet. ipse curiam ingreditur, summamque rem publicam agi obtestans, veniam dicendi ante alios exposcit, orditurque « gravissimos Principis « labores, quis orbem terræ capessat, egere adminiculis, ut domestica « cura vacuus in commune consulat. quod porro honestius censoriæ ⁴ « mentis levamen quam assumere conjugem, prosperis dubiisque sociam. « cui cogitationes intimas, cui parvos liberos tradat, non luxu aut voluptatibus assuefactus, sed qui prima ab juvenia legibus obtemperavisset. »

VI. Postquam hæc favorabili oratione prænlisit, multaque Patrum assentatio sequebatur, capto rursus initio, « quando maritandum Principem « cuncti suaderent, deligi oportere feminam nobilitate, puerperiis, sanctimonia insignem. nec diu anquirendum, quin Agrippina claritudine « generis antiret : datum ab ea fecunditatis experimentum, et congruere « artes honestas. id vero egregium, quod provisu deum vidua jungeretur « Principi sua tantum matrimonia experto ¹. audivisse a parentibus, « vidisse ipsos arripi conjuges ad libita Caesarum : procul id a præsentia « modestia. statueretur imo documentum, quo uxorem Imperator acciperet. At enim nova nobis in fratrum filias conjugia. Sed aliis gentibus ² « solennia, nec lege ulla prohibita : et sobrinarum diu ignorata tempore « addito ³ percrebuisse. morem accommodari, prout conducatur, et fore « hoc quoque in his quæ mox usurpentur. »

VII. Haud defuere qui certatim, si cunctaretur Cæsar, vi acturos testificantes, erumperent curia. conglobatur promiscua multitudo, populumque Romanum eadem orare clamitat. nec Claudius ultra exspectato, obvium apud forum præbet se gratantibus : senatumque ingressus, decretum postulat, quo justæ inter patruos fratrumque filias nuptiæ etiam in posterum statuerentur. neque tamen repertus est nisi unus talis matrimonii cupitor, T. Alledius Severus, eques Romanus, quem plerique Agrippinæ gratia impulsum ferebant. Versa ex eo civitas, et cuncta feminæ obediebant, non per lasciviam, ut Messalina, rebus Romanis illudenti. adductum ¹ et quasi virile servitium : palam severitas, ac sæpius superbia ; nihil domi impudicum, nisi dominationi expediret. cupido auri immensa obtentum habebat, quasi subsidium regno pararetur.

VIII. Die nuptiarum Silanus sibi mortem conscivit, sive eo usque spem vitæ produserat, seu delecto die augendam ad invidiam. Calvina, soror ejus, Italia pulsa est. addidit Claudius, *sacra ex legibus Tulli requisita* ¹ *piaculaque apud lucum Dianæ per pontifices danda*, irridentibus cunctis, quod pænæ procurationesque incesti ² id temporis exquirentur. At Agrippina, ne malis tantum facinoribus notesceret, veniam exsilii pro-

— 4. Censore dignæ ob gravitatem et sanctitatem.

VI. 1. Qui non uxores divortio sejunctas duxerit, ut Augustus et Caligula, ad quos sequentia referuntur. — 2. Ut Atheniensibus. — 3. Temporis processu. *Sobrini* proprie sunt filii consobrinorum (consororinorum), natorum ex sororibus.

VII. 1. Rigidum, severum, ab habenis equorum adductis.

VIII. 1. Quæ hodie ignotæ sunt. Et erat Claudius antiquitatum in Etruscis libris scrutator. Non videntur certe hæc referri ad sacra et piacula, quibus Tullus in Horatio sororiam cædem expiandam curavit. — 2. Ut dicuntur *procurari prodigia*, quando cæri-

Annæo Seneca ³, simul præturam impetrat, lætum in publicum rata ob claritudinem studiorum ejus, utque Domitii pueritia tali magistro adolesceret, et consiliis ejusdem ad spem dominationis uterentur ⁴, quia Seneca fidus in Agrippinam memoria beneficii, et infensus Claudio dolore injuriæ credebatur.

IX. Placitum dehinc non ultra cunctari, sed designatum consulem Memmii Pollionem ingentibus promissis inducunt sententiam expromere, qua oraretur Claudius *despondere Octaviam Domitio*: quod ætati utriusque non absurdum et majora patefacturum erat. Pollio haud disparibus verbis ac nuper Vitellius censet; despondeturque Octavia, ac, super priorem necessitudinem, sponsus jam et gener Domitius æquari Britannico studiis matris, arte eorum, quis ob accusatam Messalinam ultio ex filio timebatur.

X. Per idem tempus legati Parthorum ad expetendum, ut retuli ¹, Meherdaten missi senatum ingrediuntur, mandataque in hunc modum incipiunt: « non se fœderis ignaros nec defectione a familia Arsacidarum venire; sed filium Vononis, nepotem Phrahatis, accedere ² adversus dominationem Gotarzis, nobilitati plebique juxta intolerandam. jam fratres, jam propinquos, jam longius sitos cœdibus exhaustos; adjici conjuges gravidas, liberos parvos, dum socors domi, bellis infaustus ignaviam sævitia tegat. veterem sibi ac publice cœptam nobiscum amicitiam, et subveniendum sociis, virium æmulis cedentibusque per reverentiam. ideo regum obsides liberos dari ³, ut si domestici imperii tædeat, sit regressus ad Principem Patresque, quorum moribus assuefactus rex melior ascisceretur. »

XI. Ubi hæc atque talia dissertavere, incipit orationem Cæsar *de fastigio Romano Parthorumque obsequiis*; seque divo Augusto adæquabat, *petitum ab eo regem* referens, omissa Tiberii memoria, quamquam is quoque miserat ¹. addidit præcepta (etenim aderat Meherdates), *ut non dominationem et servos, sed rectorem et cives cogitaret, clementiamque ac justitiam, quanto ignara barbaris, tanto toleratiora capesseret*. hinc versus ad legatos, extollit laudibus *alumnum Urbis, spectatæ ad id ² modestiæ: ac tamen ferenda regum ingenia, neque usui ³ crebras mutationes. rem Romanam huc satietate gloriæ proVectam, ut externis quoque gentibus quietem velit*. Datum post hæc C. Cassio, qui Syriæ præerat, deducere juvenem ripam ad Euphratis.

XII. Ea tempestate Cassius ceteros præminebat peritia legum: nam militares artes per otium ignotæ, industriosque aut ignavos pax in æquo tenet. attamen quantum sine bello dabatur, revocare priscum morem, exercitare legiones, cura, provisu perinde agere ac si hostis ingrueret, ita dignum majoribus suis et familia Cassia (ratus), per illas quoque gentes

monis curatur ne mala, quæ portenduntur, eveniant. — 3. Philosopho, a Claudio in Corsicam relegato. — 4. Mater et filius.

X. 1. XI, 10 in fine. — 2. Convenire velle, ad eum se convertere. Vonon erat Arsacida. — 3. Regum liberos dari obsides Romanis.

XI. 1. Tres quidem, Vononem, Phrahatem, Tiridaten: v. II, 1; VI, 30 seq. — 2. Præterea. Nisi potius est, usque ad illud tempus. — 3. Sc. esse utiles.

celebrata¹. Igitur excitis quorum de sententia petitus rex, positisque castris apud Zeugma, unde maxime pervius annis, postquam illustres Parthi rexque Arabum² Acbarus advenerat, monet Meherdaten, *barbarorum impetus acres, cunctatione languescere aut in perfidiam mutari; itaque urgeret caepa*. quod spretum fraude Acbari, qui juvenem ignarum et summam fortunam in luxu ratum multos per dies attinuit apud oppidum Edessam. et vocante Carene³ *promptasque res ostentate, si citi advenissent*, non cominus Mesopotamiam, sed flexu Armeniam petunt, id temporis importunam, quia hiems occipiebat.

XIII. Exin nivibus et montibus fessi, postquam campos propinquabant⁴ copiis Carrhenis adiunguntur. transissoque anne Tigri, permeant Adiabennos, quorum rex Izates societatem Meherdatis palam induerat, in Gotarzen per occulta et magis fida inclinabat. sed capta in transitu urbs Ninos², vetustissima sedes Assyriæ, [et Arbela,] castellum insigne fama, quod postremo inter Darium atque Alexandrum prælio Persarum illic opes conducerant. Interea Gotarzes apud montem cui nomen *Sambulos*, vota diis loci suscipiebat, præcipua religione Herculi; qui tempore stato per quietem monet sacerdotes, *ut templum juxta³ equos venatui adornatos sistant*. equi ubi pharetras telis onustas accipere, par saltus vagi nocte demum vacuis pharetris multo cum anhelitu redeunt. rursus deus, qua silvas pererraverit, nocturno visu³ demonstrat, reperiunturque fusæ passim feræ.

XIV. Ceterum Gotarzes, nondum satis aucto exercitu, flumine Corma pro munimento uti, et quamquam per insectationes et nuntios ad prælium vocaretur, necere moras, locos mutare, et missis corruptoribus exuendam ad fidem hostes emergari. ex quis Izates Adiabennus, mox Acbarus Arabum cum exercitu abscedunt, levitate gentili, et quia experimentis cognitum est barbaros malle Roma petere reges, quam habere. At Meherdates, validis auxiliis nudatus, ceterorum proditione suspecta, quod unum reliquum, rem in casum dare prælioque experiri statuit. nec detrectavit pugnam Gotarzes, deminutis hostibus ferox. concursumque magna cæde et ambiguo eventu, donec Carenem, profligatis obversis¹ longius evectum, integer a tergo globus circumveniret. Tum omni spe perditâ, Meherdates, promissa Parrhiacis, paterni clientis, secutus, dolo ejus vincitur, traditurque victori. atque ille *non propinquum neque Arsacis de gente, sed alienigenam et Romanum* increpans, auribus decisis vivere jubet, ostentui clementiæ suæ et in nos debonestamento. Dein Gotarzes morbo obiit, accitusque in regnum Vonones, Medos tum præsidens. nulla huic prospera aut adversa, quis memoraretur: brevi et inglorio imperio perfunctus est, resque Parthorum in filium ejus Vologesen translatae.

XII. 1. C. Cassius (postea occisor Caesaris), Crasso, cujus quæstor erat, a Parthis cæso a. U. 700, Syriam contra Parthos prospere tuitus erat. — 2. Tum in parte australi Mesopotamiæ habitantium, ubi Edessa, apud Syros *Erech*. — 3. Parthorum duce.

XIII. 1. Sic Sallustius: *Bithyni propinquant jam amnem*. — 2. Sive *Ninive*. Sed secundum nonnullos hæc Niave Adiabennæ alia est nec confundenda, ut fecit Tacitus, cum antiquo capite Assyriæ. — 3. Juxta templum. — 4. Sacerdotibus, ut videtur, oblato.

XIV. 1. Hic manuscripti *obusis, ebusis*, in quo fortasse gentis nomen latet, ut *Odrusis*.

XV. At Mithridates Bosporanus ¹, amissis opibus vagus, posteaquam Didium, ducem Romanum, roburque exercitus abisse cognoverat, relictos in novo regno Cotyn, juvenia rudem, et paucas cohortium cum Julio Aquila Equite Romano, spretis utrisque concire nationes, illicere perfugas; postremo exercitu coacto regem Dandaridarum exturbat imperioque ejus potitur. quæ ubi cognita et jam jamque Bosporum invasurus habebatur, diffusi propriis viribus Aquila et Cotys, quia Zorsines, Siracorum rex, hostilia resumpserat, externas et ipsi gratias quæsivere missis legatis ad Eunonen, qui Ahorsorum genti præcellebat. nec fuit in arduo societas, potentiam Romanam adversus rebellem Mithridatem ostendantibus. igitur pepigere, *equestribus præliis Eunones certaret, obsidia urbium Romani capessere*.

XVI. Tum composito agmine incedunt: cujus frontem et terga Aheresi, media cohortes et Bosporani tutabantur nostris in armis. sic pulsus hostis, ventumque Sozam, oppidum Dandaricæ, quod, desertum a Mithridate ob ambiguos popularium animos, obtineri relicto ibi præsidio visum. Exin in Siracos pergunt, et transgressi annem Pandam circumveniunt urbem Uspen, editam loco et mœnibus ac fossis munitam; nisi quod incenia non saxo, sed cratibus et vimentis ac media ¹ humo adversum irumpentes invalida erant; eductæque altius turres ² facilis atque hastis turbabant obsessos. ac ni prælium nox diremisset, cœpta patrataque expugnatione eundem intra diem foret.

XVII. Postero misere legatos *veniam liberis corporibus orantes*; *servitii decem millia* offerebant. quod aspernati sunt victores, quia trucidare deditos sævum, tantam multitudinem custodia cingere arduum: ¹ ut belli potius jure caderent. datumque militibus, qui scalis evaserant ², signum cædis. Excidio Uspensium metus ceteris injectus, nihil tutum ratis, quum arma, munimenta, impediti vel eminentes loci annesque et urbes juxta perumperentur. igitur Zorsines, diu pensitato, Mithridatisne rebus extremis, an patrio regno consuleret, postquam prævaluit gentilis utilitas, datis obsidibus apud effigiem Cæsaris procubuit ³, magna gloria exercitus Romani, quem incruentum et victorem tridui itinere afuisse ab anne Tanai constitit. Sed in regressu dispar fortuna fuit, quia navium quasdam, quæ mari remeabant, in littora Taurorum delatas circumvenere barbari, præfecto cohortis et plerisque auxiliarium interfectis.

XVIII. Interea Mithridates, nullo in armis subsidio, consultat cujus misericordiam experiretur. frater Cotys, proditor olim, deinde hostis, metuebatur: Romanorum nemo id auctoritatis ¹ aderat, ut promissa ejus magni penderentur. ad Eunonen convertit, propriis odiis non infensum et recens conjuncta nobiscum amicitia validum. igitur cultu vultuque quam maxime ad præsentem fortunam comparato, regiam ingreditur, genibusque ejus provolutus, *Mithridates, inquit, terra marique Romanis per tot*

XV. 1. Huic Mithridati, qui genus a magno Mithridate ducebat, Claudius Bosporum regnum tradiderat; postea rebellem A. Didius ejecerat, fratri ejus Cotyi regno dato.

XVI. 1. Interjecta cratibus. — 2. Obsidionales; notæ ex Cæsare.

XVII. 1. Sc. certi, decernentes. — 2. In muros escenderant. — 3. Ad adorandum. Effigies Cæsaris erat inter signa militaria.

XVIII. 1. Ea auctoritate, ut in locutionibus *homo id ætatis, venit ad me id temporis*.

*annos quæsitus, sponte assum. utere, ut voles, prole magni Achæmenis*², *quod mihi solum hostes non abstulerunt.*

XIX. At Eunones, claritudine viri, mutatione rerum et prece laud degenerare permotus, allevat supplicem, laudatque *quod gentem Ahorsorum, quod suam dexteram*¹ *petendæ veniæ delegerit.* simul legatos litterasque ad Cæsarem in hunc modum mittit, « populi Romani imperatoribus magnarumque nationum regibus primam ex similitudine fortunæ « amicitiam, sibi et Claudio etiam communionem victoriæ esse. bellorum « egregios fines, quoties ignoscendo transigatur. sic Zorsini victo nihil eripsum. pro Mithridate, quando gravius mereretur, non potentiam neque « regnum precari, sed ne triumpharetur² neve pœnas capite expenderet. »

XX. At Claudius, quamquam nobilitatibus externis mitis, dubitavit tamen, accipere captivum pacto salutis, an repetere armis rectius foret. hinc dolor injuriarum et libido vindictæ adigebat. sed disserebatur contra, « suscipi bellum avio itinere, importuoso mari; ad hoc reges feroces, vagos populos, solum frugum egens; tum tædium ex mora, pericula ex « properantia, modicam victoribus laudem, ac multum infamiæ, si perlerentur. quin arriperet oblata et servaret exulem: cui inopi quanto « longiorem vitam, tanto plus supplicii fore. » His permotus scripsit Eunoni, « meritum quidem novissima exempla¹ Mithridaten, nec sibi vim « ad exsequendum deesse: verum ita majoribus placitum, quanta pervincacia in hostem, tanta beneficentia adversus supplices utendum. nam « triumphos de populis regnisque integris acquiri. »

XXI. Traditus post hæc Mithridates, vectusque Romam per Junium Cilonem, procuratorem Ponti, ferocius quam pro fortuna disseruisse apud Cæsarem ferebatur. elataque vox ejus in vulgum hisce verbis: *non sum remissus ad te, sed reversus: vel si non credis, dimitte et quere.* vultu quoque interrito permansit, quum rostra juxta custodibus circumdatus visui populo præberetur. consularia insignia Ciloni, Aquilæ prætoria decernuntur.

XXII. Iisdem consulibus atrox odii Agrippina ac Lolliae infensa, quod secum de matrimonio Principis certavisset¹, molitur crimina et accusatorem, qui objiceret *Chaldaeos, magos, interrogatumque Apollinis Clarii*² *simulacrum super nuptiis Imperatoris.* exin Claudius, inaudita rea, multa de claritudine ejus apud senatum præfatus, *sorore L. Volusii*³ *genitam, majorem ei patrum Cottam Messalinum*⁴ *esse, Memmio quondam Regulo nuptam* (nam de C. Cæsaris nuptiis consulto reticebat), addidit *perniciosa in rempublicam consilia, et materiem sceleri detrahendam: proin publicatis bonis, cederet Italia.* ita quinquagies sesteritium⁵ ex opibus immensis exsuli relictum. Et Calpurnia, illustris femina,

— 2. Qui primus Persarum rex, avus Cambysis patris Cyri magni; ab Artabazo, Darii Hystaspis filio, genus derivabat Mithridates.

XIX. 1. Fidem, cujus symbolum est dextra. — 2. In triumphum duceretur. Sic Cleopatra, anguem sibi immittens, dicebat: *Non triumphabor.*

XX. 1. Ut extremæ severitatis exempla in eo ederentur.

XXII. 1. V. c. 1, 2. — 2. V. ad II, 34. — 3. De quo III, 50. — 4. Memoratum II, 32. — 5. 974,180 fr. De immensis opibus Lolliae narrat Plinius *Hist. nat.* IX, 53.

pervertitur, quia formam ejus laudaverat Princeps, nulla libidine, sed fortuito sermone: unde ira Agrippinæ citra ultima stetit⁶. In Lolliam mittitur tribunus, a quo ad mortem adigeretur. Damnatu et lege repetundarum Cadius Rufus, accusantibus Bithynis.

XXIII. Galliæ Narbonensi ob egregiam in Patres reverentiam datum *ut senatoribus ejus provinciæ, non exquisita Principis sententia, jure, quo Sicilia haberetur*¹, *res suas invisere liceret*. Ituræique et Judæi, defunctis regibus Sohemio atque Agrippa², provinciæ Syriæ additi. Salutis augurium³, quinque et viginti annis omissum, repeti ac deinde continuari placitum. Et pomerium⁴ auxit Cæsar more prisco, quo iis, qui protulere imperium, etiam terminos Urbis propagare datur. nec tamen duces Romani, quamquam magnis nationibus subactis, usurpaverant nisi L. Sulla et divus Augustus.

XXIV. Regum in eo ambitio vel gloria varie vulgata¹. sed initium condendi, et quod pomerium Romulus posuerit, noscere haud absurdum reor. igitur a foro boario², ubi æreum tauri simulacrum aspicimus, quia id genus animalium aratro subditur, sulcus designandi oppidi³ ceptus, ut magnam Herculis aram⁴ amplecteretur. inde certis spatiis interjecti lapides per ima montis Palatini ad aram Consi⁶, mox curias veteres⁷, tum ad sacellum Larum⁸: forumque Romanum et Capitolium non a Romulo, sed a T. Tatius additum Urbi credidere. mox pro fortuna pomerium auctum. et quos tum Claudius terminos posuerit, facile cognitu et publicis actis perscriptum.

XXV. C. Antistius, M. Sullio Coss.¹ adoptio in² Domitium auctoritate Pallantis festinatur, qui, obstrictus Agrippinæ ut conciliator nuptiarum, et mox adulter, stimulabat Claudium, « consuleret reipublicæ, Britannici « pueritiam robore circumdaret. sic apud divum Augustum, quamquam « nepotibus subnixum, viguisse privignos; a Tiberio super propriam stirpem Germanicum assumptum: se quoque accingeret juvene partem curarum capessituro. » His evictus, biennio³ majorem natu Domitium

6. Non progressa est ad ultimum supplicium.

XXIII. 1. Nimirum Sicilia excepta erat illa lege qua senatores Italia excedere vetabantur sine senatus et Principis permissu. Jam etiam Narbonenses senatores in patriam abire poterant libere. — 2. Sohemus Ituræorum, alter Judæorum rex erat; uterque a Caligula regnum obtinuerant. — 3. Divinationis genus, quæ tum capiebatur, quando per integrum annum respublica neque exercitum conscripserrat neque ab hoste ullo erat turbata. Captum erat hoc augurium annis U. 691, 723, 741, ex quo tempore fortasse repetitum a. 777 aut 778, deinde intermissum. — 4. Pomerium (postmærium) erat locus vacuus et sacer definitus intra et extra murum Romæ, per totius urbis circuitum, locus qui facit finem auspicii urbani, intra cujus finem auspicia captantur (A. Gellius XIII, 14). Eum locum amplianda Urbe proferendi jus habebant qui imperium agro ab hostibus capto auxerant. Claudius Aventinum montem primus pomerio inclusit, ob triumphos e Britannis.

XXIV. 1. Quomodo reges Urbem sensim auxerint, vide apud Livium I, 7, 8, 29, 33, 38, 44. — 2. Hodie Campo Vaccino, inter Aventinum et Palatinum montes. — 3. Ex Etrusco ritu ambitus urbium sulco aratri designabatur, sublatis et portatis in iis locis, ubi portam facere volebant. — 4. Aram maximam, quæ in honorem Herculis post occisum prædatorem Cacus condita esse fertur ab Evandro, in undecima regione Urbis. — 5. Cippi. — 6. Neptuni equestris, ut refertur. Est prisicum nomen, cujus festum Consualia, postea in Circenses mutatum. — 7. Sacella curiarum triginta a Romulo institutarum; quibus oppositæ septem novæ curiæ. Varro: Curiæ veteres, ubi curarent sacerdotes res divinas. — 8. Sc. publicorum.

XXV. 1. A. U. 805, p. Chr. 50. — 2. Verte pour. Conf. c. 9. — 3. Non satis recte: nam

filio anteponit, habita apud senatum oratione in eundem, quem a liberto acceperat, modum. annotabant periti, nullam antehac adoptionem inter patricos ⁴ Claudios reperiri, eosque ab Atto Clauso ⁵ continuos duravisse.

XXVI. Ceterum actæ Principi grates, quæsitore in Domitium adulatione; rogataque lex, qua in familiam Claudiam et nomen Neronis transiret. augetur et Agrippina cognomento Augustæ. quibus patratis, nemo adeo expers misericordiæ fuit, quem non Britannici fortunæ mœror afficeret. desolatus paullatim etiam servilibus ministeriis, perintempestiva novercæ officia in ludibria vertebat, intelligens falsi. neque enim segnem ei fuisse indolem ferunt, sive verum ¹, seu periculis commendatus ² retinuit famam sine experimento.

XXVII. Sed Agrippina, quo vim suam sociis quoque nationibus ostendat, in oppidum Ubiorum, in quo genita erat, veteranos coloniamque deduci impetrat; cui nomen inditum ex vocabulo ipsius ¹. ac forte acciderat ut eam gentem, Rheno transgressam ², avus Agrippa in fidem acciperet. Iisdem temporibus in superiore Germania trepidatum adventu Chattorum latrocinia agitantium. mittit ³ L. Pomponius legatus auxiliares Vangionas ac Nemetas ⁴, addito equite alario, monitos ut anteirent populos, vel dilapsis improvisi circumfunderentur. et secuta consilium ducis industria militum, divisique in duo agmina, qui lævum iter petiverant, recens reversos prædaque per luxum usos et somno graves circumvenere. aucta lætitia, quod quosdam e clade Variana quadragesimum post annum servitio exemerant.

XXVIII. At qui dextris et propioribus compendiis ¹ ierant, obvio hosti et aciem auso plus cladis faciunt, et præda famaue onusti ad montem Taunum revertuntur, ubi Pomponius cum legionibus opperiebatur, si Chatti cupidine ulciscendi casum pugnae præberent. illi metu, ne hinc Romanus, inde Cherusci, cum quibus æternum discordant, circumgrederentur, legatos in Urbem et obsides misere; decretusque Pomponio triumphalis honos, modica pars famæ ejus apud posteros, in quibus carminum gloria præcellit ².

XXIX. Per idem tempus Vannius, Suevis ¹ a Druso Cæsare impositus, pellitur regno, prima imperii ætate clarus acceptusque popularibus, mox diuturnitate in superbiam mutans, et odio accolarum, simul domesticis discordiis circumventus. auctores fuere Vibillius Hermundurorum rex et Vangio ac Sido ², sorore Vannii geniti. nec Claudius, quamquam sæpe oratus, arma certantibus barbaris interposuit, tutum Vannio perfugium promittens, si pelleretur; scripsitque P. Atellio Histro, qui Pannoniam

inter natales Neronis et Britannici (qui proprie vocabatur Claudius Tiberius Germanicus) triennium cum duobus mensibus intererat. Tacitus fortasse scripserat *triennio*, coll. XIII, 6 et 14. — 4. Nam erat etiam plebeia gens Claudia. Ex patricia Tiberius in Juliam adoptabatur: sed hoc dicit Tacitus, neminem adoptione intrasse in Claudiam patriam. — 5. V. ad IV, 9.

XXVI. 1. Sc. ferunt, dicunt. — 2. Favorem hominum adeptus.

XXVII. 1. Colonia Agrippinensis, unde hodiernum nomen Cologne. — 2. Ubii in Galliam ex Germania traducti ab Agrippa, amico Augusti, a. U. 716. — 3. Mss. *dein* s. *deinde*. — 4. Item Germanos in Gallicam ripam Rheni traductos.

XXVIII. 1. Sc. viarum. — 2. Conf. ad XI, 15.

XXIX. 1. Parti tantum Suevorum, *Quadis*. Conf. cum his II, 65. — 2. De quo *Hist.* III, 8.

præsidebat, *legionem ipsâque e provincia lecta auxilia pro ripa* ³ *componere,* ⁴ *subsidio victis, et terrorem adversus victores, ne fortuna elati nostram quoque pacem turbarent.* nam vis innumera, Lygii aliaque gentes, adventabant, fama ditis regni, quod Vannius triginta per annos prædationibus et vectigalibus auxerat. ipsi manus propria pedites, eques e Sarmatis Iazygibus erat, impar multitudini hostium; eoque castellis sese defensare bellumque ducere statuerat.

XXX. Sed Iazyges, obsidionis impatientes et proximos per campos vagi, necessitudinem pugnae attulere, quia Lygius Hermundurisque illic ingruerant. igitur digressus castellis Vannius funditur prælio, quamquam rebus adversis, laudatus *quod et pugnam manu capessit et corpore adverso vulnera excepit.* ceterum ad classem in Danubio opperientem perfugit. secuti mox clientes, et acceptis agris in Pannonia locati sunt. regnum Vangio ac Sido inter se partivere, egregia adversus nos fide, subjectis ¹, suone an servitii ingenio ², dum adipiscerentur dominationes, multa caritate, et majore odio, postquam adepti sunt.

XXXI. At in Britannia P. Ostorium, ¹ pro prætore, turbidæ res excipere, effusis in agrum sociorum hostibus eo violentius, quod novum duce exercitu ignoto et cœpta hieme iturum obviam non rebantur. Ille gnarus primis eventibus metum aut fiduciam gigni, citas cohortes rapit, et cæsis qui restiterunt, disiectos consecratus, ne rursus conglobarentur infensaque et infida pax non duci, non militi, requiem permetteret, detrahare arma suspectis, cunctaque castris Autonam [inter] et Sabrinam fluvios cohibere ² parat. Quod primi Icenii abnuere, valida gens, nec præliis confusi, quia societatem nostram volentes accesserant. hisque auctoribus circumjectæ nationes locum pugnae delegere septum agresti aggere et aditu angusto, ne pervius equiti foret. ea munimenta dux Romanus, quamquam sine robore legionum sociales copias ducebat, perrumpere aggreditur, et distributis cohortibus, turmas quoque peditum ad munia ³ accingit. tunc dato signo, perfringunt aggerem suisque claustris impeditos turbant. atque illi conscientia rebellionis, et obseptis effugiis, multa et clara facinora fecere. qua pugna filius legati, M. Ostorius, servati civis decus meruit.

XXXII. Ceterum clade Icenorum compositi ¹ qui bellum inter et pacem dubitabant; et ductus inde [in] Cangos ² exercitus. vastati agri, prædæ passim actæ, non ausis aciem hostibus, vel si ex occulto carpere agmen tentarent, punito dolo. Jamque ventum haud procul mari quod Hiberniam insulam aspectat, quum ortæ apud Brigantas discordiæ retraxere ducem, destinationis certum, ne nova moliretur nisi prioribus firmatis. et Brigantes quidem, paucis qui arma cœptabant interfectis, in reliquos data venia, resedere: Silurum gens non atrocitate, non clementia mutabatur, quin bellum exerceret castrisque legionum premenda foret. id quo prom-

— 1. Danubii. — 4. Sc. ut esset. *Terrorem* appositio est præcedentibus.

XXX. 1. Dativus jungendus cum *caritate*: cari subjectis. — 2. Vel principum illorum ingenio, vel quia hæc est natura servitutis, imperii in quo servitur, non obeditur, regibus.

XXXI. 1. Sc. qui erat. — 2. Claudere, ne possent trajici, quod facere debebant qui boreales partes peterent. — 3. Strue: *turmas* equitum *ad munia peditum*.

XXXII. 1. Pacati sunt. — 2. Omissam præpositionem defendunt Virgiliano (*Ecl.* I 63)

ptius veniret, colonia Camulodunum validâ veteranorum manu deducitur in agros captivos, subsidium adversus rebelles, et imbuendis³ sociis ad officia legum.

XXXIII. Itum inde in Siluras, super propriam ferociam Caractaci viribus confisos, quem multa ambigua, multa prospera extulerant, ut ceteros Britannorum imperatores præmineret. sed tum astu, locorum fraude prior¹, vi militum inferior, transfert bellum in Ordovicas, additisque qui pacem nostram² metuebant, novissimum casum experitur, sumpto ad prælium loco, ut aditus, abscessus, cuncta nobis importuna, et suis in melius essent, tunc montibus arduis³, et si qua clementer⁴ accedi poterant, in modum valli saxa præstruit: et præfluebat amnis vado incerto, catervaque armatorum pro munimentis⁵ constiterant,

XXXIV. Ad hoc gentium ductores circumire, hortari, firmare animos minuendo metu, accendenda spe, aliisque belli incitamentis. enimvero Caractacus huc illuc volitans, *illum diem, illam aciem testabatur aut recipiendæ libertatis, aut servitutis æternæ initium fore*; vocabatque nomina majorum, qui dictatorem Cæsarem pepulissent; quorum virtute vacui a securibus et tributis, intemerata conjugum et liberorum corpora retinerent. hæc atque talia dicenti astrepere vulgus; gentili quisque religione¹ obstringi, *non telis, non vulneribus cessuros*.

XXXV. Obstupefecit ea alacritas ducem Romanum: simul objectus amnis, additum vallum, imminetia juga, nihil nisi atrox et propugnatoribus frequens, terrebat. sed miles prælium poscere, *cuncta virtute expugnabilia* clamitare; præfectique ac tribuni paria disserentes ardorem exercitus intendebant. tum Ostorius, circumspectis quæ impenetrabilia quæque pervia, ducit infensos, amnemque haud difficulter evadit¹. ubi ventum ad aggerem, dum missilibus certabatur, plus vulnerum in nos et pleræque cædes oriebantur. posteaquam, facta testudine², rudes et informes saxorum compages distractæ, parque cominus acies, decedere³ barbari in juga montium. sed eo quoque irrupere ferentarius⁴ gravisque miles, illi telis assultantes, hi conferto gradu, turbatis contra Britannorum ordinibus, apud quos nulla loricarum galearumve tegmina; et si auxiliariis resisterent, gladiis ac pilis legionariorum; si huc verterent, spathis et hastis auxiliarium sternebantur. Clara ea victoria fuit, captaque uxore et filia Caractaci, fratres quoque in deditionem accepti.

XXXVI. Ipse, ut ferme intuta sunt adversa, quum fidem Cartimanduxæ, reginæ Brigantum, petivisset, vinctus ac victoribus traditus est, nono¹

Sitientes ibimus Afros. — 3. Instituendis, ut secundum leges vivendi consuetudinem assumerent.

XXXIII. 1. Superior Romanis peritia locorum, qua ad fraudes uteretur. *Astu* juncum transfert. — 2. Pacem qualis ab Romano populo dabatur, tributis onerata. — 3. Additurus erat Tacitus *insedit*, copias locat, sed sequentia ad alia eum perduxerunt. — 4. Leniter, de locis modice acclivibus. — 5. V. ad II, 81.

XXXIV. 1. Diis patriis per jusjurandum.

XXXV. 1. Pervadit, superat. — 2. Tecto coriaceo vel ex alia materia, sub quo milites impedimenta amolientes tuti essent. — 3. Sc. de loco suo, inde evadentes *in juga*. — 4. Levis armaturæ; quia instructi fundis et telis quæ *feruntur* (per aerem jaciuntur), non tenentur, ut gladius et scutum.

XXXVI. 1. *Nono* dubium: conf. Dionem Cass. LX, 19, et infra *Hist.* III, 45. — 2. Scil.

post anno quam bellum in Britannia coëptum. unde fama ejus evecta, insulas et proximas provincias pervagata, per Italiam quoque celebrabatur; auebantque visere quis ille² tot per annos opes nostras sprevisset. Ne Romæ quidem ignobile Caractaci nomen erat; et Cæsar, dum suum decus extollit, addidit gloriam victo. vocatus quippe ut ad insigne spectaculum populus: stetere in armis prætoriae cohortes campo qui castra³ præjacet. tunc incedentibus regiis clientelis, phaleræ torquesque, quæque externis bellis quæsiverat⁴, traducta: mox fratres et conjux et filia, postremo ipse ostentatus. ceterorum preces degeneres fuere ex metu: at non Caractacus aut vultu demisso aut verbis misericordiam requirens.

XXXVII. Ubi tribunali astitit, in hunc modum locutus est: « Si, quanta nobilitas et fortuna mihi fuit, tanta rerum prosperarum moderatio fuisset, amicus potius in hanc Urbem quam captus venissem, neque de dignatus esses claris majoribus ortum, pluribus gentibus imperitantem, fœdere pacis accipere. præsens sors mea, ut mihi informis, sic tibi magnifica est. habui equos, viros, arma, opes. quid mirum, si hæc invitum amisi? nam, si vos omnibus imperitare vultis, sequitur ut omnes servitutem accipiant? ¹ si statim deditus traderer, neque mea fortuna neque tua gloria inclaruisset; et supplicium mei oblivio sequeretur: at si incolumem servaveris, æternum exemplar clementiæ ero. » ad ea Cæsar veniam ipsique et conjugi et fratribus tribuit. Atque illi vinclis exsoluti, Agrippinam quoque, haud procul alio suggestu conspicuam, iisdem quibus Principem laudibus gratibusque venerati sunt. novum sane et moribus veterum insolitum, feminam signis Romanis præsidere: ipsa semet parti a majoribus suis imperii sociam ferebat.

XXXVIII. Vocati posthac Patres multa et magnifica super captivitate Caractaci discernere, *neque minus id clarum quam quod Syphacem*¹ *P. Scipio, Persen L. Paullus, et si quæ alii victos reges populo Romano ostendere.* censentur Ostorio triumphî insignia, prosperis ad id² rebus ejus, mox ambiguî, sive quod amoto Caractaco, quasi debellatum foret, minus intenta apud nos militia fuit, sive hostes miseratione tanti regis acrius ad ultionem exarsere. Præfectum castrorum et legionarias cohortes, exstruendis apud Siluras præsidiis relictas, circumfundunt: ac ni cito nuntiis et castellis proximis subventum foret, copiae tum occidione occubuissent. præfectus tamen et octo centuriones ac promptissimus quisque manipulus cedere. nec multo post pabulantes nos ipsos³ missasque ad subsidium turmas profligant.

XXXIX. Tum Ostorius cohortes expeditas opposuit; nec ideo fugam sistebat, ni legiones prælium exceperant. earum robore æquata pugna, dein nobis pro meliore fuit. effugere hostes tenui damno, quia inclinabat dies. Crebra hinc prælia et sæpius in modum latrocinii per saltus, per paludes, ut cuique sors aut virtus; temere, proviso; ob iram, ob prædam; jussu, et aliquando ignaris ducibus. ac præcipua Silurum pervicacia, quos accendebat vulgata imperatoris Romani vox, *ut quondam Sugambri*

ὧν: quis esset ille qui... — 3. Sc. prætoria, de quibus v. IV, 2. — 4. Acquisiverat.

XXXVII. 1. An sequitur inde, omnes patienter velle servitutem accipere?

XXXVIII. 1. Regem Numidarum. — 2. Usque ad hoc tempus. — 3. Nos ipsos vocat legonarios ex castris stativis, et opponit turmis sociorum.

excisi et in Gallias trajecti forent ¹, *ita Silurum nomen penitus extinguendum*. igitur duas auxiliares cohortes, avaritia præfectorum incautius populantes, interceptere; spoliaque et captivos largiendo ceteras quoque nationes ad defectionem trahebant, quum tædio curarum fessus Ostorius concessit vita, lætis hostibus, tamquam ducem haud spernendum, etsi non prælium, at certe bellum absumpsisset.

XL. At Cæsar, cognita morte legati, ne provincia sine rectore foret, A. Didium suffecit. is propere vectus, non tamen integras res invenit, adversa interim legionis pugna, cui Manlius Valens præerat. auctaque et apud hostes ejus rei fama, quo venientem ducem exterrerent, atque illo augente audita, ut major laus compositi ¹ vel, si duravissent ², venia justior tribueretur. Silures id quoque damnum intulerant; lateque persultabant, donec accursu Didii pellerentur. Sed post captum Caractacum præcipuus scientia rei militaris Venutius, e Jugantum civitate ³, ut supra memoravi ⁴, fidusque diu et Romanis armis defensus, quum Cartimandua reginam ⁵ matrimonio teneret, mox orto discidio et statim bello, etiam adversus nos hostilia induerat. sed primo tantum inter ipsos certabatur, callidisque Cartimandua artibus fratrem ac propinquos Venutii interceptit. inde accensi hostes, stimulante ignominia, ne feminae imperio subderentur ⁶. valida et lecta armis juvenus regnum ejus invadunt. quod nobis prævisum; et missæ auxilio cohortes acre prælium fecere, cujus initio ambiguo finis lætior fuit. neque dispari eventu pugnatum a legione, cui Cæsius Nasica præerat. nam Didius senectute gravis, et multa copia honorum, per ministros agere et arcere hostem satis habebat. Hæc, quamquam a duobus, Ostorio Didioque, proprætoribus plures per annos gesta, conjunxi, ne divisa haud perinde ad memoriam sui valerent. ad temporum ordinem redeo.

XLI. Tib. Claudio quintum, Ser. Cornelio Orfito Coss. ¹ virilis toga Neroni maturata ², quo capessendæ reipublicæ habilis videretur. et Cæsar adulationibus senatus libens cessit, « ut vicesimo ætatis anno consulatum « Nero iniret ³, atque interim designatus proconsulare imperium extra « Urbem haberet ac *princeps juventutis* appellaretur. » additum nomine ejus donativum militi, congiarium plebi. et ludicro Circensium, quod acquirendis vulgi studiis edebatur, Britannicus in prætexta ⁴, Nero triumphalium veste transvecti sunt: spectaret populus hunc decore imperatorio, illum puerili habitu, ac perinde fortunam utriusque præsumeret. simul, qui centurionum tribunorumque sortem Britannici miserabantur, remoti fictis causis, et alii per speciem honoris. etiam libertorum si quis incorrupta fide, depellitur, tali occasione. obvii inter se Nero *Britannicum* nomine, ille *Domitium* salutavere. quod ut discordiæ initium

XXXIX. 1. A Tiberio.

XL. 1. Sc. hostes esset: ut compositio (pacificatio) hostium majori laudi esset.—2. Obstinassent, pacem repudiantes.—3. Hodie ignota. Corrigitur *e Brigantum civitate*, ex *Hist.* III, 43.—4. In libris perditis.—5. V. c. 36.—6. Post tantum ducem a femina circumventum: nam per se reginas admittebant Britanni.

XLI. 1. A. U. 801, p. Chr. 51.—2. Nam exacto anno quattuordecimo ætatis dari solita, incunte datur Neroni.—3. Lex annalis quadraginta trium annorum ætatem præcepit. Iniit Nero anno decimo septimo, jam Princeps.—4. Toga pucrorum. *Triumphalium* sc.

Agrippina multo questu ad maritum desert : *sperni quippe adoptionem, quæque censuerint Patres, jusserit populus*¹, *intra penates abrogari; ac nisi pravitas tam infensa docentium arceatur, eruptura in publicam perniciem.* commotus is quasi criminibus, optimum quemque educatorem filii exsilio ac morte afficit, datosque a noverca custodiæ ejus imponit.

XLII. Nondum tamen summa moliri Agrippina audebat, ni prætoriarum cohortium cura exsolverentur Lusius Geta et Rufius Crispinus, quos Messalinæ memores et liberis ejus devinctos credebat. igitur *distrahi cohortes ambitu duorum, et si ab uno regerentur, intentiorem fore disciplinam* asseverante uxore, transfertur regimen cohortium ad Burrum Afranium, egregiæ militaris famæ, quarum tamen cujus sponte præficeretur. Suum quoque fastigium Agrippina extollere altius : carpento Capitolium ingredi, qui mos sacerdotibus et sacris¹ antiquitus concessus venerationem augebat feminae, quam imperatore² genitam, sororem ejus qui rerum potitus sit, et conjugem et matrem fuisse³, unicum ad hunc diem exemplum est. Inter quæ præcipuus propugnator ejus Vitellius, validissima gratia, ætate extrema (adeo incertæ sunt potentium res) accusatione corripitur, deferente Junio Lupo senatore. is crimina majestatis et cupidinem imperii objectabat. præbuissetque aures Cæsar, nisi Agrippinæ minis magis quam precibus mutatus esset, ut accusatori aqua atque igne interdiceret. hæcenus⁴ Vitellius voluerat.

XLIII. Multa eo anno prodigia evenere. incessum diris avibus Capitolium, crebris terræ motibus prorutæ domus, ac dum latius metuitur, trepidatione vulgi invalidus quisque obtriti : frugum quoque egestas et orta ex eo fames in prodigium accipiebatur. nec occulti tantum questus¹, sed jura reddentem Claudium circumvasere clamoribus turbidis, pulsumque in extremam fori partem vi urgebant, donec militum globo infensos perripit. quindecim dierum alimenta Urbi, non amplius superfuisse constitit; magnæque deum benignitate et modestia hiemis² rebus extremis subventum. at Hercule olim Italia legionibus longinquas in provincias commeatus portabat; nec nunc infecunditate laboratur³ : sed Africam potius et Egyptum exercemus⁴, navibusque et casibus vita populi Romani permissa est.

XLIV. Eodem anno bellum inter Armenios Iberosque exortum Parthis quoque ac Romanis gravissimorum inter se motuum causa fuit. genti Parthorum Vologeses imperitabat, materna origine ex pellice Græca, concessu fratrum regnum adeptus¹; Iberos Pharasmanes vetusta possessione, Armenos frater ejus Mithridates obtinebat opibus nostris. erat Pharasmani filius nonine Rhadamistus, decora proceritate, vi corporis insignis et

virorum, triumphantium — 3. Qui lege curiata confirmabat senatusconsulta.

XLII. 1. Et festis quidem diebus, quando sacra fiebant. Agrippinæ numis carpentum incusum cernitur. — 2. Germanico : v. I, 39. — 3. Caligulae soror, Claudii uxor, Neronis mater, qui omnes Imperatores. — 4. Nec ultra, non graviorem penam.

XLIII. 1. Sc. erant. — 2. Qua permissum est ut navibus frumenta possent advehi. — 3. Sed deerant agricolæ, et agri plurimi in hortos immensos divitum mutati. — 4. Colimus.

XLIV. Vid. c. 14. De sequentibus v. VI, 52

patrias artes edoctus, claraque inter accolae fama. is *modicum Iberiae regnum senecta patris detineri* ferocius crebriusque jactabat quam ut cupidinem occultaret. igitur Pharasmanes juvenem potentiae promptae et studio popularium accinctum, vergentibus jam annis suis, metuens aliam ad spem trahere et Armeniam ostentare, *pulsis Parthis, datam Mithridati a semet memorando* : sed *vim differendam, et potiore dolum, quo incautum opprimerent*. ita Rhadamistus, simulata adversus patrem discordia, tamquam novercae odiis impar pergīt ad patruum; multaque ab eo comitate in speciem liberum² cultus, primores Armeniorum ad res novas illicit, ignaro et ornante insuper Mithridate.

† XLV. Reconciliationis specie assumpta, regressus ad patrem, *quae fraude confici potuerint, prompta nuntiat, cetera armis exsequenda*. Interim Pharasmanes belli causas confingit: *praelianti sibi adversus regem Albanorum et Romanos auxilio vocanti fratrem adversatum, eamque injuriam excidio ipsius ultum iturum*. simul magnas copias filio tradidit. ille irruptione subita territum exutumque campis Mithridatem compulit in castellum Gorneas, tutum loco ac praesidio militum, quis Caelius Pollio praefectus, centurio Casperius praerat. nihil tam ignarum barbaris quam machinamenta et astus oppugnationum: [at nobis ea pars militiae maxime gnara est.]¹ ita Rhadamistus, frustra vel cum damno tentatis munitionibus, obsidium incipit; et quum vis negligetur², avaritiam praefecti emeretur, obtestante Casperio, *ne socius rex, ne Armenia, donum populi Romani, scelere et pecunia verterentur*³. postremo, quia multitudinem hostium Pollio, jussa patris Rhadamistus ostendebant, pactus inducias abscedit, ut, nisi Pharasmanen bello absterruisset, T. Ummidium Quadratum, praesidem Syriae, doceret quo in statu Armeniae forent.

XLVI. Digressu centurionis velut custode exsolutus praefectus hortari Mithridaten ad sanciendum foedus, « conjunctionem fratrum ac priorem » aetate Pharasmanen et cetera necessitudinum nomina » referens, « quod » filiam ejus in matrimonio haberet, quod ipse Rhadamisto socer esset. « non abnuere pacem Iberos, quamquam in tempore validiores; et satis » cognitam Armeniorum perfidiam, nec aliud subsidii quam castellum » commeatu egenum. ne dubitaret armis¹ incruentas condiciones malle. » cunctante ad ea Mithridate et suspectis praefecti consiliis, quod in omnem libidinem venalis habebatur, Casperius interim ad Pharasmanen pervadit, *utque Iberi obsidio decedant* expostulat. ille propalam incerta et saepius molliora respondens, secretis nuntiis monet Rhadamistum, *oppugnationem quoquo modo celerare*. augetur flagitii merces, et Pollio occulta corruptione impellit milites, ut *pacem* flagitarent, *seque praesidium omissuros* minitarentur. qua necessitate Mithridates diem locumque foederi accepit, castelloque egreditur.

XLVII. Ac primo Rhadamistus, in amplexus ejus effusus, simulare ob-

— 2. Comitate quae similis erat ei qua filii tractantur.

XLV. 1. Haec verba haud dubie ab interpolatore assuta sunt. - 2. Sperneretur. - 3. Everterentur. perderentur.

XLVI. 1. Quam arma, a *mallet* pendens.

sequium, *socerum* ac *parentem* appellare. adjicit *jusjurandum*, *non ferro, non veneno vim allaturum*; simul in lucum propinquum trahit, *provisum illic sacrificium imperatum*¹ dictitans, *ut diis testibus pax firmaretur*. mos est regibus, quoties in societatem coeant, implicare dextras pollicesque inter se vincire nodoque praestringere; mox ubi sanguis in artus extremos suffuderit², levi ictu cruorem eliciunt atque invicem lambunt. id foedus arcanum habetur, quasi mutuo cruore sacratum. sed tunc, qui ea vincula admovebat, decidisse³ simulans, genua Mithridatis invadit ipsumque prosternit; simulque concursu plurium injiciuntur catenae, ac compede (quod dedecorum barbaris) trahebatur; moxque vulgus duro imperio habitum probra ac verbera intentabat. et erant contra qui tantam fortunae commutationem miserarentur. secutaque cum parvis liberis conjux cuncta lamentatione complebat. diversis et contextis vehiculis abduuntur, dum Pharasmanis jussa exquirentur. illi cupido regni fratre et filia⁴ potior animusque sceleribus paratus. visui tamen consuluit, ne coram interficerentur. et Rhadamistus, quasi jurisjurandi memor, non ferrum, non venenum in sororem et patruum expromit, sed projectos in humum et veste multa gravique opertos necat. filii quoque Mithridatis, quod caedibus parentum illacrimaverant, trucidati sunt.

XLVIII. At Quadratus, cognoscens proditum Mithridaten et regnum ab interfectoribus obtineri, vocat concilium, docet acta, et an ulcisceretur consultat. paucis decus publicum curae; plures tuta disserunt: « omne « scelus externum cum laetitia habendum; semina etiam odiorum jacienda, « ut saepe Principes Romani eandem Armeniam specie largitionis turbant. « dis barbarorum animis praebuerint. potiretur Rhadamistus male partis, « dum invisus, infamis, quando id magis ex usu quam si cum gloria « adeptus foret. » in hanc sententiam itum. ne tamen annuisse facinori viderentur et diversa Caesar praeciperet, missi ad Pharasmanen nuntii, *ut abscederet a finibus Armeniis filiumque abstraheret*.

XLIX. Erat Cappadociae procurator Julius Pelignus, ignavi animi et deridiculo corporis juxta despiciendus, sed Claudio perquam familiaris, cui privatus olim conversatione scurrarum iners otium oblectaret. is Pelignus, auxiliis provincialium contractis, tamquam recuperaturus Armeniam, dum socios magis quam hostes praedatur, abscessu suorum et incursantibus barbaris, praesidii egens, ad Rhadamistum venit; donisque ejus evictus, ultro *regium insigne sumere* cohortatur, sumentique adest auctor et satelles. Quod ubi turpi fama divulgatum, ne ceteri quoque ex Peligno conjectarentur¹, Helvidius Priscus legatus cum legione mittitur, rebus turbidis pro tempore ut consuleret. igitur propere montem Taurum transgressus, moderatione plura quam vi composuerat, quum *redire in Syriam* jubetur, *ne initium belli adversus Parthos existeret*.

L. Nam Vologeses casum invadendae Armeniae obvenisse ratus, quam a majoribus suis possessam externus rex flagitio obtineret, contrahit copias, fratremque Tiridaten deducere in regnum parat, ne qua pars domus sine

XLVII. 1. Sc. ministris qui curarent. — 2. Neutraliter. — 3. Sc. vincula. — 4. Affectu in fratrem et filiam.

XLIX. 1. Aestimarentur per conjecturam. De Helvidio conf. *Histor.* IV, 5.

imperio ageret. incesu Parthorum sine acie pulsi Iberi, urbesque Armeniorum Artaxata et Tigranocerta jugum accepere. deinde atrox hiems seu parum provisi commeatus et orta ex utroque tabes perpellunt Vologesen omittere praesentia. vacuumque rursus Armeniam Rhadamistus invasit, truculentior quam antea, tamquam adversus defectores et in tempore¹ rebellaturos. atque illi, quamvis servitio sueti, patientiam abruptunt armisque regiam circumveniunt.

LI. Nec aliud Rhadamisto subsidium fuit quam pernicitas equorum, quis seque et conjugem abstulit. sed conjux gravida primam utcumque fugam ob metum hostilem et mariti caritatem toleravit; post festinatione continua, ubi viscera vibrantur, orare *ut morte honesta contumeliis captivitatis eximeretur*. ille primo amplecti, allevare, adhortari, modo virtutem admirans, modo timore aeger, ne quis relicta poteretur. postremo violentia amoris et facinorum non rudis, destringit acinacem, vulnera tanque ripam ad Araxis trahit, flumini tradit, ne corpus etiam auferretur. ipse praiceps Iberos ad patrium regnum pervadit. interim Zenobiam (id mulieri nomen) placida illuvie spirantem ac vitae manifestam advertere pastores, et dignitate formae haud degenerem reputantes, obligant vulnus, agrestia medicamina adhibent, cognitoque nomine et casu, in urbem Artaxata ferunt. unde publica cura deducta ad Tiridaten, comiterque excepta cultu regio habita est.

LII. Fausto Sulla, Salvio Othone Coss.¹ Furius Scribonianus in exilium agitur, quasi *finem Principis per Chaldaeos scrutaretur*. annectebatur crimini *Junia mater ejus*, ut *casus prioris* (nam relegata erat) *impatiens*. pater Scriboniani Camillus arma per Dalmatiam moverat²; idque ad clementiam trahebat Cæsar, qui stirpem hostilem iterum³ conservaret. neque tamen exsuli longa posthac vita fuit; morte fortuita, an per venenum exstinctus esset, ut quisque credidit, vulgare. de *mathematicis*⁴ *Italia pellendis* factum senatusconsultum atrox et irritum. Laudati dehinc oratione Principis *qui ob angustias familiares ordine senatorio sponte cederent*, motique *qui remanendo impudentiam paupertati adjicerent*⁵.

LIII. Inter quæ refertur ad Patres *de pœna feminarum quæ servis conjungerentur*; statuiturque *ut ignaro domino ad id prolapsæ, in servitute; sin consensisset, pro libertis haberentur*¹. Pallanti, quem reproborem ejus relationis ediderat Cæsar, *prætoria insignia et centies quinquagies sestertium*² censuit consul designatus Barea Soranus: additum a Scipione Cornelio, *grates publice agendas, quod regibus Arcadiæ ortus*³ *veterrimam nobilitatem usui publico postponeret seque inter ministros Principis haberi sineret*. asseveravit Claudius *contentum honore Pallantem intra priorem paupertatem subsistere*. et

L. 1. Commodo tempore, ἐν καιρῷ.

LII. 1. A. U. 808, p. Chr. 32 — 2. Legionibus in Dalmatia auctor defectionis fuerat, a. U. 793. — 3. Quum jam ante patris crimen in filio punire potuisset. — 4. Vid. ad II, 32. — 5. Conf. I, 78.

LIII. 1. Pluribus exponitur hoc senatusconsultum a Gaio Institutt. I, 34, 86, 91, et Paulo Sentent. recept. II, 21. — 2. Sc. largiendum. 2, 922, 300 fr. — 3. Fictum haud du-

fixum est ære publico³ senatusconsultum, quo libertinus sesterlii ter millies possessor antiquæ parcimonie laudibus cumulabatur.

LIV. At non frater ejus cognomento *Felix*¹ pari moderatione agebat, jam pridem Judææ impositus et cuncta malefacta sibi impune ratus tanta potentia subnixo. sane præbuerant Judæi speciem motus, orta seditione **² Postquam cognita cæde Caii haud obtemperatum esset, manebat metus ne quis Principum eadem imperitaret. atque interim Felix intempestivis remediis delicta accendebat, æmulo ad deterrima Ventidio Cumanus, cui pars provincie habebatur, ita divisus³, ut huic Galilæorum natio, Felici Samaritæ parerent, discordes olim et tum contemptu regentium minus coercitis odiis. igitur raptare inter se, immittere latronum globos, componere insidias, et aliquando præliis congredi spoliaque et prædas ad procuratores referre. hique primo lætari; mox gliscente perniciæ, quum arma militum interjecissent, cæsi milites. arsissetque bello provincia, ni Quadratus, Syriæ rector, subvenisset. nec diu adversus Judæos, qui in necem militum proruperant, dubitatum, quin capite pœnas luerent: Cumanus et Felix cunctationem afferebant, quia Claudius, causis rebellionis auditis, jus statuendi etiam de procurationibus dederat. sed Quadratus Felicem inter judices ostentavit, receptum in tribunal, quo studia accusantium deterrentur; damnatusque flagitiorum, quæ duo deliquerant, Cumanus⁴, et quies provincie reddita.

LV. Nec multo post agrestium Cilicum nationes, quibus *Clitarum* cognomentum, sæpe et alias commotæ, tunc Troxobore duce montes asperos castris cepere; atque inde decursu in littora aut urbes vim cultoribus et oppidanis ac plerumque in mercatores et navicularios audebant. obsessaque civitas Anemuriensis, et missi e Syria in subsidium equites cum præfecto Curtio Severo turbantur, quod duri circum loci peditibusque ad pugnam idonei equestre prælium haud patiebantur. dein rex ejus oræ Antiochus¹ blandimentis adversus plebem, fraude in ducem, quum barbarorum copias dissociasset, Troxobore paucisque primoribus interfectis, ceteros clementia composuit.

LVI. Sub idem tempus inter lacum Fucinum amnemque Lirin perrupto monte, quo magnificentia operis¹ a pluribus viseretur, lacu in ipso navale prælium adornatur, ut quondam² Augustus structo cis Tiberim stagno, sed levibus navigiis et minore copia, ediderat. Claudius triremes quadriremesque et undeviginti hominum millia armavit, cincto ratibus³ ambitu, ne vaga effugia forent; ac tamen spatium amplexus⁴ ad vim remigii, gubernantium artes, impetus navium et prælio solita. in ratibus prætoriarum cohortium manipuli turmæque astiterant, antepositis propugnaculis, ex quibus catapultæ ballistæque tenderentur. reliqua lacus classarii tectis⁵

bie ob cognominem regem Arcadiæ, proavum Evandri. — 4. Publica auctoritate sculpto. Legas de hoc senatusconsulto item indignantis Plinii Epistolam 6 libri VIII, add. VII, 29.

LIV. 1. De quo in Actis Apostol. XXI, 38; et XXIV. — 2. Causa seditionis excidisse videtur, quam Tacitus narrat *Histor.* V, 99. — 3. Sc. provincialibus, Judæis. — 4. Qui in exsilium agebatur.

LV. 1. Erat Commagenes et maritimarum Ciliciæ regionum rex.

LVI. 1. De quo narrant Plinius *Hist. nat.* XXXVI, 13, 24, Sueton. c. 20. — 2. A. U. 732. — 3. Verte *radeaux*. — 4. Sc. sufficiens. — 5. Ad pugnam comparatis.

navibus obtinebant. ripas et colles ac montium edita in modum theatri multitudo innumera complevit proximis e municipiis, et alii Urbe ex ipsa, visendi cupidine aut officio in Principem. ipse insigni paludamento neque procul Agrippina chlamyde aurata⁶ præsedere. pugnatum, quamquam inter sones⁷, fortium virorum animo; ac post multum vulnere occidioni exempti sunt.

LVII. Sed perfecto spectaculo apertum aquarum iter. et incuria operis manifesta fuit, haud satis depressi ad lacus ima vel media¹; eoque, tempore interjecto, altius effossi specus, et contrahendæ rursus multitudini gladiatorum spectaculum editur, inditis pontibus pedestrem ad pugnam. quin et convivium² effluvio lacus appositum magna formidine cunctos affecit, quia vis aquarum prorumpens proxima trahebat, convulsis ulterioribus, aut fragore et sonitu exterritis³. simul Agrippina, trepidatione Principis usa, ministrum operis Narcissum incusat *cupidinis ac prædæ*. nec ille reticet, *impotentiam muliebrem nimiasque spes ejus* arguens.

LVIII. D. Junio, Q. Haterio Coss. ¹ sedecim annos natus Nero Octaviam, Cæsaris filiam, in matrimonium accepit. utque studiis honestis et eloquentiæ gloria nitesceret, causa Iliensium suscepta, *Romanum Troja demissum et Julice stirpis auctorem Æneam* aliaque haud procul fabulis vetera facunde exsecutus, perpetrat *ut Ilienses omni publico munere solverentur*. eodem oratore Bononiensi coloniæ, igni haustæ, subventum centies sestertii² largitione. redditur Rhodiis libertas³, adempta sæpe aut firmata, prout bellis externis meruerant, aut domi seditione deliquerant. tributumque Apamensibus terræ motu convulsis in quinquennium remissum.

LIX. At Claudius sævissima quæque promere adigebatur ejusdem Agrippinæ artibus, quæ Statilium Taurum, opibus illustrem, hortis ejus inhians, pervertit¹, accusante Tarquitio Prisco. legatus is Tauri Africam imperio proconsulari regentis, postquam reverent, pauca *repetundarum crimina*, ceterum *magicas superstitiones* objectabat. nec ille diutius falsum accusatorem, indignas sordes¹ perpersus, vim vitæ suæ attulit ante sententiam senatus. Tarquitiu tamen curia exactus est: quod Patres odio delatoris contra ambitum Agrippinæ pervicere.

LX. Eodem anno sæpius audita vox Principis, *parem vim rerum habendam a procuratoribus suis*¹ *judicatarum ac si ipse statuisset*. ac ne fortuito prolapsus² videretur, senatus quoque consulto cautum plenius, quam antea, et uberius. nam divus Augustus *apud equestres, qui Ægypto præsiderent*³, *lege agi*⁴ *decretaque eorum perinde haberi* jusserat ac

— 6. Quam Plinius dicit *paludamentum auro textili sine alia materia*. — 7. Omnes illi 19000 pugnatore capitis damnati erant.

LVII. 1. Ut pares essent profunditati lacus, si non toti, certe mediæ, quæ per maximam partem lacus obtineret. — 2. Apparatus convivii. — 3. Sc. hominibus ibi positis.

LVIII. 1. A. U. 806, p. Chr. 53. — 2. 1,948,200 fr. — 3. Adempta ab ipso Claudio a. U. 797, quia cives Romanos cruci suffixerant.

LIX. 1. Perdidit. — 2. Indignam ipso conditionem rei, quos *sordidatos* dictos a sordida et neglecta veste supra vidimus.

LX. 1. Procuratoribus fisci, non procuratoribus *vice præsidis*, qui multas provincias præfectorum loco tenebant. — 2. Sc. in talem sententiam. — 3. V. II, 39, fine. — 4. Jus

si magistratus Romani constituissent : mox alias per provincias et in Urbe pleraque concessa ⁵ sunt, quæ olim a prætoribus noscebantur. Claudius omne jus tradidit, de quo toties seditione aut armis certatum, quum Sempronii rogationibus equester ordo in possessione iudiciorum locaretur, aut rursum Serviliæ leges senatui judicia redderent, Mariusque et Sulla olim de eo vel præcipue bellarent ⁶. sed tunc ordinum diversa studia, et quæ vicerant, publice ⁷ valebant. C. Oppius et Cornelius Balbus primi Cæsaris opibus ⁸ potuere conditiones pacis et arbitria belli tractare. Matius ⁹ posthac et Vedios ¹⁰ et cetera Equitum Romanorum prævalida nomina referre nihil attinuerit, quum Claudius libertos, quos rei familiari præfecerat ¹¹, sibi et legibus adæquaverit.

LXI. Retulit dein *de immunitate Cois tribuenda*, multaque *super antiquitate eorum* memoravit : « Argivos vel Cæum ¹ Latonæ parentem vetustissimos insulæ cultores; mox adventu Æsculapii artem medendi « illatam, maximeque inter posteros ejus celebrem fuisse, » nomina singulorum referens, et quibus quisque ætatibus viguissent. quin etiam dixit « Xenophontem ², cujus scientia ipse uteretur, eadem familia ortum; precipue ejus dandum, ut omni tributo vacui in posterum Coi sacram et tantum « dei ministram insulam colerent. » neque dubium haberetur multa eorundem in populum Romanum merita sociasque victorias potuisse tradi, sed Claudius facilitate solita, quod uni concesserat, nullis extrinsecus adjumentis velavit.

LXII. At Byzantiis datâ dicendi copiâ, quum *magnitudinem onerum* apud senatum deprecarentur, cuncta repetivere, orsi « a fœdere quod « nobiscum icerant, qua tempestate bellavimus adversus regem Macedonum, cui ut degeneri ¹ Pseudophilippi vocabulum impositum. missas » posthac ² « copias in Antiochum, Persen, Aristonicum, et piratico bello « adjutum Antonium³ » memorabant « quæque Sullæ aut Lucullo aut Pompeio obtulissent, » mox « recentia in Cæsares merita, quando ea loca « insiderent, quæ transmeantibus terra marique ducibus exercitibusque, « simul vehendo commeatu opportuna forent. »

LXIII. Namque artissimo inter Europam Asiamque divortio Byzantium in extrema Europa posuere Græci, quibus Pythium Apollinem consulentibus *ubi conderent urbem?* redditum oraculum est, *quærerent sedem cæcorum terris adversam.* ea ambage Chalcedonii monstrabantur, quod priores illuc advecti, prævisâ ¹ locorum utilitate, pejora legissent : quippe Byzantium fertili solo, fecundo mari, quia vis piscium immensa, Pon-

dici. — 8. Sc. viris equestribus, ut Mæcenati, cui data jurisdictio Urbis. — 6. De his singulis v. Haubold, *tables chronologiques pour l'histoire du droit romain.* — 7. Tanquam publica auctoritate. — 8. Per Julii Cæsaris potentiam, quamquam neque magistratus erant, neque senatum populumque consulebant. — 9. Cn. Matius, amicus Augusti. — 10. De Vedio v. I, 10. — 11. Nam tales proprie fuerant ad illum diem *procuratores fisci.*

LXI. 1. Unum ex Titanibus. — 2. Medicum : v. c. 67.

LXII. 1. Non ex nobili genere oriundo. Andriscus vocabatur. — 2. *Posthac ad memorabant* refertur : nam ipsa res ante bellum contra Pseudophilippum facta. — 3. Patrem triumviri, qui male gessit illud bellum ante Pompeium.

LXIII. 1. Visâ ante Byzantios, qui septendecim annis post eos in illa loca venerant. Chalcedonii adversam Byzantiis oram Asiaticam tenent.

tum erumpens², et obliquis subter undas saxis exterrita, omisso alterius³ littoris flexu, hos ad portus deferitur. unde primo quæstuosi et opulenti; post magnitudine onerum urgente, *finem aut modum* orabant, annitente Principe, qui *Thracio Bosporanoque bello*⁴ recens fessos juvandosque refulit. ita tributa in quinquennium remissa.

LXIV. M. Asinio, M'. Acilio Coss. ¹ mutationem rerum in deterius portendi cognitum est crebris prodigiis. signa ac tentoria militum igne cælesti arserunt: fastigio Capitolii examen apium inedit: biformes hominum partus, et suis fetum editum cui accipitrum ungues inessent. numerabatur inter ostenta deminutus omnium magistratuum numerus, quæstore, ædili, tribuno ac prætore et consule paucos intra menses defunctis. Sed in præcipuo pavore Agrippina, vocem Claudii, quam temulentus jecerat, *fatale sibi ut conjugum flagitia ferret, deum puniret*, metuens, agere et celebrare statuit, perdita prius Domitia Lepida, muliebribus causis, quia Lepida, minore Antonia genita, avunculo Augusto, Agrippinæ sobrina prior² ac Gnæi, mariti ejus, soror, parem sibi claritudinem credebatur. nec forma, ætas, opes multum distabant; et utraque impudica, infamis, violenta, haud minus vitiis æmulabantur quam si qua ex fortuna prospera acceptant. enimvero certamen accerrimum, amita potius an mater apud Neronem prævaleret: nam Lepida blandimentis et largitionibus juvenilem animum devinciebat, truci contra ac minaci Agrippina, quæ filio dare imperium³, tolerare imperitantem nequibat.

LXV. Ceterum objecta sunt *quod conjugem Principis devotionibus petivisset*¹, *quodque parum coercitis per Calabriam servorum agminibus pacem Italiæ turbaret*. Ob hæc mors indicta, multum adversante Narcisso, qui Agrippinam magis magisque suspectans, prompsisse inter proximos ferebatur, « certam sibi perniciem, seu Britannicus rerum seu « Nero poteretur. verum ita de se meritum Cæsarem, ut vitam usui ejus « impenderet. convictam² Messalinam et Silium. pares iterum accusandi³ « causas esse: novercæ insidiis domum omnem convelli, majore flagitio « quam si impudicitiam prioris conjugis retinuisset. quamquam ne impu- « dicitiam quidem nunc abesse, Pallante adultero, ne quis ambigat, decus, « pudorem, cuncta regno viliora habere⁴. » Hæc atque talia dictitans amplecti Britannicum, *robur ætatis quam maturrimum* precari, modo ad deos, modo ad ipsum tendere manus, *adolescere, patris inimicos depelleret, matris etiam interfectores ulcisceretur*.

LXVI. In tanta mole curarum valetudine adversa corripitur¹, refoven-

2. Ponto catervatim egrediens, ut supra I, 30 et alibi *egredi* est cum accusativo. Thunni et pelamides stupenda copia vere in Pontum congregantur, deinde bene alti in palude Maotide autumnno exeunt et capiuntur. — 3. Asiatici. Ceterum illa tanta diversitas littorum in proventu piscino hodie non cernitur. — 4. De his bellis v. IV, 46 sqq.; hujus libri c. 13-21.

LXIV. 1. A. U. 807, p. Chr. 54. — 2. Proprior Augusto: nam Lepida erat ex Octavia (sorore Augusti) et matre Antonia minore; Agrippina ex Octavia, majore Antonia avia, ejus filio Germanico patre. — 3. Supple *quibat*, ex sequenti opposito.

LXV. 1. Incantationibus magicis et imprecationibus insectata esset. — 2. Sc. se accusante, XI, 50-58. — 3. Sc. alteram quoque uxorem, Agrippinam, quæ deinde noverca vocatur. Post esse delevi verba quæ interpolatoris esse agnovit Ritterus: *si Nero imperitaret, Britannico successore, nullum Principi meritum a vel ac.* — 4. Sc. Agrippinam.

LXVI. 1. Sc. Narcissus. In editionibus omnibus legitur *Claudius*, ad quem hæc male

disque viribus mollitia cæli et salubritate aquarum Sinuessam pergit. tum Agrippina, sceleris olim certa ² et oblatæ occasionis propera, nec ministrorum egens, de genere veneni consultavit, ³ *ne repentino et præcipiti facinus proderetur; si lentum et tabidum delegisset, ne admotus supremis Claudius et dolo intellecto, ad amorem filii rediret.* exquisitum aliquid placebat, quod turbaret mentem et mortem differet. deligitur artifex talium vocabulo *Locusta*, nuper veneficii damnata et diu inter instrumenta regni habita. ejus mulieris ingenio paratum virus, cujus minister e spadonibus fuit Halotus, inferre epulas et explorare gustu solitus ⁴.

LXVII. Adeoque cuncta mox pernotuere, ut temporum illorum scriptores prodiderint *infusum delectabili* ¹ *cibo boletorum venenum, nec vim medicaminis statim intellectam, socordiane* ², *an Claudii vi an vinolentia*; simul soluta alvus subvenisse videbatur. igitur exterrita Agrippina, et quando ultima timebantur, spreta præsentium ³ invidia, provisam jam sibi Xenophontis medici conscientiam adhibet. ille, tamquam nisus evomentis adjuvaret, pinnam rapido veneno illitam faucibus ejus demisisse creditur, haud ignarus summa scelera incipi cum periculo, peragi cum præmio.

LXVIII. Vocabatur interim senatus, vota que *pro incolumitate Principis* consules et sacerdotes nuncupabant, quum jam exanimis vestibus et fomentis obtegeretur, dum quæ res forent firmando Neronis imperio componuntur. jam primum Agrippina, velut dolore victa et solatia conquirens, tenere amplexu Britannicum, *veram paterni oris effigiem* appellare ac variis artibus demorari, ne cubiculo egrederetur. Antoniam quoque et Octaviam, sorores ejus, attinuit, et cunctos aditus custodiis clauserat, crebroque vulgabat *ire in melius valetudinem Principis*, quo miles bona in spe ageret, tempusque prosperum ex monitis Chaldæorum ¹ adventaret.

LXIX. Tunc medio diei, tertium ante idus Octobres ¹, foribus palatii repente diductis, comitante Burro Nero egreditur ad cohortem, quæ more militiæ excubiis adest. ibi, monente præfecto, festis vocibus exceptus inditur lecticæ. dubitavisse quosdam ferunt, respectantes rogitanterque *ubi Britannicus esset* ² mox, nullo in diversum auctore, quæ offerebantur, secuti sunt. illatusque castris Nero et congruentia temporis præfatus, promisso donativo ad exemplum paternæ largitionis ², *imperator* consalutatur. sententiam militum secuta Patrum consulta. nec dubitatum est apud provincias. *cælestesque honores Claudio* decernuntur, et funeris solenne perinde ac divo Augusto celebratur, æmulante Agrippina præavia Liviae magnificentiam. testamentum tamen haud recitatum, ne antepositus filio privignus injuria et invidia animos vulgi turbaret.

referuntur: unus Burnouffus verum vidit et manuscriptis suffragantibus Claudii nomen delevit. — 2. Cui jam olim certum (constitutum) erat scelus committere. — 3. Sc. metuens. — 4. Fungebatur munere *præquestatoris*.

LXVII. 1. Quo Claudius delectabatur. — 2. Sc. convivarum. — 3. Neutro genere, ut *gratia præsentium* VI, 46.

LXVIII. 1. Conf. VI, 22.

LXIX. 1. Die 14 octobri. — 2. De qua Suetonius *Claud.* c. 10.

LIBER TERTIUSDECIMUS.

ARGUMENTUM.

Cap. 1. Silanus proconsul Asiae veneno necatus Agrippinae fraude. Narcissus ad mortem actus. — 2. laus Burri et Senecae. — 3. Claudius censorio funere elatus laudatur a Principe. — 4. Bona Neronis initia. multa senatus arbitrio constituta. — 5. Agrippinae viriles curae. — 6. Parthi Armeniam affectant. de Nerone varia judicia vulgi. — 7. Is curam belli suscipit. Parthi amittunt Armeniam, — 8. cui praepositus Corbulo. — 9. Volongeses dat obsides. Nero dissidium ducum componit.

10. Nero civiliter agit — 11. et clementiam ostendit. — 12. Acten amat, — 13. matre fremente, mox frustra blandiente: cujus hinc fracta potentia. — 14. Pallas libertus cura rerum demotus. Agrippina ad minas ruit. — 15—17. Britannicum Nero praecipiti veneno tollit et ejus funus festinat. — 18. matrem indignatam custodibus privat, domum separat. — 19—22. derelicta, rerum novarum incusata se purgat. accusatores ejus puniti. — 23. Pallas et Burrus delati. — 24. theatris major species libertatis data. Urbs lustrata.

25. Neronis nocturna lascivia. Montanus cum Principe per tenebras congressus mori adactus. histriones Italia pulsi. — 26 et 27. actum de libertis ingratum in servitutem revocandis, sed non peractum. — 28. tribunorum et aedilium cohibita potestas. — 29. aerarii cura varie habita. — 30 et 31. illustrium aliquot damnationes. L. Velusius futo concedit amphitheatrum Neronis. praesides ludos edere prohibiti. — 32. vitae dominorum consulum. Pomponia Graecina, superstitionis externae rea, insons nuntiatur. — 33. rei P. Celer, Cossutianus Capito, Eprius Marcellus.

34. Messala consul. Neronis liberalitas. — 35. Cum Parthis rursus discordia de Armenia. Corbulonis disciplina, virtus, severitas. — 36. Pactius Orphitus contra imperium pugnavit fusque extra vallum tendere jussus. — 37. Tiridates bello infensat Armeniam, legatos ad Corbulonem mittit. — 38. qui fraudem sibi per colloquium paratam eludit — 39—41. et Armeniae castella capit, Artaxata aggreditur et decedente hoste capit, igne delet. ob haec Neroni et diis honores. — 42. P. Suilius reus in Senecam invehitur, — 43. deportatur. — 44. Octavius Sagitta amore vecors Pontiam tergiversantem ferro transverberat. liberti mira fides.

45. Poppaeam Sabinam amare Nero occipit. istius genus, forma, opes, mores, matrimonium, adulter. — 46. ejus maritus Otho, ut amoveatur, Lusitaniae praeficitur. — 47. Cornelius Sulla, Principi suspectus, Massiliam mittitur. — 48. Puteolis concordia restituta. — 49. De numero gladiatorum Syracusis edendorum disceptatio. Thraxae Parti opinio. — 50. Vectigalia contra Neronis impetum retenta. — 51. publicanorum iniquitas temperata. — 52. proconsules rei absoluti.

53. L. Vetus ope Mosellae et Araris Rhenum cum Oceano jungere parat. obstat Aelii Gracilis invidia. — 54. Frisii juxta Rhenum sedes figere frustra conantur. — 55. eosdem agros Ampsivarii occupant futo eodem. — 56. Boiocali constantia. Ampsivarii deleti. — 57. Chatti ab Hermunduris fere ad exitium gentis caesi. ignes terra editi vix oppressi. — 58. Ficus Ruminalis.

Gesta haec annis quattuor, a. 84 exeunte ad a. 88. p. Chr.

1. Prima novo principatu mors Junii Silani, proconsulis Asiae, ignaro Nerone, per dolum Agrippinae paratur, non quia ingenii violentia exitum irritaverat¹, segnis et dominationibus aliis fastiditus, adeo ut C. Caesar *pecudem auream* eum appellare solitus sit: verum Agrippina fratri ejus

1. 1. Incitaverat ad necem moliendam. — 2. Addita haec sunt, quia Tacitus sub Tra-

L. Silano necem molita ultorem metuebat, crebra vulgi fama, *anteponendum esse vixdum pueritiam egresso Neroni et imperium per scelus adepto virum ætate composita, insontem, nobilem et, quod tunc spectaretur, e Cæsarum posteris* : quippe et Silanus divi Augusti abnepos erat². hæc causa necis. ministri fuere P. Celer, eques Romanus, et Helius libertus, rei familiari Principis in Asia impositi³. ab his proconsuli venenum inter epulas datum est apertius quam ut fallerent. Nec minus prope-rato Narcissus, Claudii libertus, de cujus jurgiis adversus Agrippinam retuli, aspera custodia et necessitate extrema⁴ ad mortem agitur, invito Principe, cujus abditis adhuc vitiis per avaritiam ac prodigientiam mire congruebat.

II. Ibaturque in cædes, nisi Afranius Burrus et Annæus Seneca obviam issent. hi rectores imperatoriæ juventæ et (rarum in societate potentiæ) concordēs, diversa arte ex æquo pollebant, Burrus militaribus curis et severitate morum, Seneca præceptis eloquentiæ et comitate honesta, juvantes invicem, quo facilius lubricam Principis ætatem, si virtutem aspernaretur, voluptatibus concessis retinerent. Certamen utrique unum erat contra ferociam Agrippinæ, quæ cunctis malæ dominationis cupidinibus flagrans, habebat in partibus Pallantem, quo auctore Claudius nuptiis incestis et adoptione exitiosa semet pervererat. sed neque Neroni infra servos¹ ingenium; et Pallas, tristi arrogantia modum liberti egressus, tædium sui moverat. propalam tamen omnes in eam honores cumulabantur, signumque more militiæ petenti tribuno dedit *optimæ matris*. decreti et a senatu duo lictores, *flaminium Claudiale*², simul *Claudio censorium funus*, et mox *consecratio*.

III. Die funeris laudationem ejus Princeps exorsus est. dum *antiquitatem generis*³, *consulatus ac triumphos majorum*⁴ enumerabat, intentus ipse et ceteri, *liberalium quoque artium commemoratio*, et *nihil regente eo reipublicæ triste ab externis accidisse*, pronis animis audita : postquam ad *providentiam sapientiamque flexit*, nemo risui temperare, quamquam oratio a Seneca composita multum cultus præferret, ut fuit illi viro ingenium amœnum et temporis ejus auribus accommodatum. Annotabant seniores, quibus otiosum est vetera et præsentia contendere, *primum ex iis, qui rerum potiti essent, Neronem alienæ facundiæ eguisse*. nam dictator Cæsar summis oratoribus æmulus; et Augusto prompta ac profluens, quæ deceret Principem, eloquentia fuit. Tiberius artem quoque callebat, qua verba expenderet, tum validus sensibus, aut consulto ambiguus. etiam C. Cæsar's turbata mens vim dicendi non corripuit. nec in Claudio, quoties meditata dissererentur, elegantiam requireres. Nero puerilibus statim annis vividum animum in alia detorsit : cælare, pingere, cantus aut regimen æquorum exercere; et aliquando carminibus pangendis inesse sibi elementa doctrinæ ostendebat.

jano scripsit suis meritis ad imperium evecto, emortua familia Cæsarum. — 2. Ita : Ex Augusto Julia; ex hac et Marco Agrippa Julia, uxor L. Æmilii Pauli; ex his Æmilia Lepida, uxor Appii Junii Silani; ex his M. et L. Silani, de quibus hic. — 3. Procuratores fisci. — 4. Imperato supplicio.

II. 1. Servorum libertorumve potentiæ subjectum. — 2. Ut olim Livia uno lictore et flaminio Augustali ornata. — III. 3. V. XII, 25; IV, 9. — 4. *Duodetriginta consulatus, dictaturas quinque, censuras septem, triumphos septem, duas ovationes* Sueton.

IV. Ceterum peractis tristitiæ imitamentis curiam ingressus, et de *de auctoritate Patrum et consensu militum* præfatus, *consilia sibi*¹ *et exempla capessendi egregie imperii* memoravit, *nec juventam armis civilibus aut domesticis discordiis imbutam*²; *nulla odia, nullas injurias, nec cupidinem ullionis afferre.* Tum *formam futuri principatus* præscripsit, ea maxime declinans, quorum recens flagrabat invidia. « non enim se negotiorum omnium judicem fore, ut clausis unam intra domum accusatoribus et reis paucorum potentia grassaretur. nihil in penatibus suis venale aut ambitioni pervium; discretam domum et rempublicam. teneret antiqua munia senatus; consulum tribunalibus Italia et publicæ³ provincie assisterent. illi Patrum aditum præberent⁴; se mandatis exercitibus consulturum. »

V. Nec defuit fides, multaque arbitrio senatus constituta sunt: *ne quis ad causam orandam mercede aut donis emeretur*¹; *ne designatis quæstoribus edendi gladiatores necessitas esset*². quod quidem, adversante Agrippina, *tamquam acta Claudii subverterentur*, obtinuerunt Patres: qui in palatium ob id vocabantur, ut astaret abditis a tergo³ foribus velo discreta, quod visum arceret, auditus non adimeret. Quin et legatis Armeniorum, causam gentis apud Neronem orantibus, escendere suggestum Imperatoris et præsidere simul parabat, nisi, ceteris pavore defixis, Seneca admonuisset, *venienti matri occurreret.* ita specie pietatis obviam itum dedecori.

VI. Fine anni turbidis rumoribus *prorupisse rursum Parthos et rapi Armeniam* allatum est, *pulso Rhadamisto*, qui sæpe¹ regni ejus potitus, dein profugus, tum quoque bellum deseruerat. igitur in Urbe sermonum avida, « quemadmodum Princeps vix septemdecim annos egressus susci- pere eam molem aut propulsare posset? quod subsidium in eo qui a femina regeretur? num prælia quoque et oppugnationes urbium et cetera belli per magistros administrari possent, » anquirebant. Contra alii « melius evenisse » disserunt, « quam si invalidus senecta et ignavia Claudius militiæ ad labores vocaretur, servilibus jussis obtemperaturus. Burrum tamen et Senecam multarum rerum experientia cognitos; et Imperatori quantum ad robur deesse, quum octavodecimo ætatis anno Cn. Pompeius, nonodecimo Cæsar Octavianus civilia bella sustinuerint? Pleraque in summa fortuna auspiciis et consiliis² quam telis et manibus geri. daturum plane documentum, honestis, an secus, amicis uteretur, si ducem amota invidia egregium, quam si pecuniosum et gratia subnixum per ambitum deligeret. »

VII. Hæc atque talia vulgantibus, Nero et juventutem, proximas per provincias quæsitam, supplendis Orientis legionibus admovere, legionesque ipsas propius Armeniam collocari jubet, duosque veteres reges, Agrippam¹ et Antiochum², expedire copias, quis Parthorum fines ultro

IV. 1. Sc. esse, Burri et Senecæ; in *exemplis* præcipue Augustum jactabat. — 2. Ut sub Augusto post bella civilia et in jurgiis Agrippinæ cum Augusta: v. IV, 12 et 40. — 3. Senatoriæ vel populi, oppositæ Cæsareis. — 4. Sc. provincialibus.

V. 1. Conf. XI, 7. — 2. Olim imposita a Claudio; v. XI, 7. — 3. Sc. senatorum.

VI. 1. Post ea quæ narrata sunt XII, 50, anni U. 804. — 2. Sc. magis.

VII. 1. Minorem, filium ejus, de quo mentio facta XII, 25. Claudius ei partem regni Herodis et Cælesyriæ concesserat — 2. De quo XII, 53; Ciliciæ partem et Commagenam.

intrarent; simul pontes per amnem Euphratem jungi. et minorem Armeniam Aristobulo³, regionem Sophenen Sohemo cum insignibus regis mandat, exortusque in tempore æmulus Vologeso filius Vardanes; et abscessere Armenia Parthi, tamquam differrent bellum.

VIII. Sed apud senatum omnia in majus celebrata sunt sentiis eorum, qui *supplicationes et diebus supplicationum vestem Principi triumphalem, utque ovans Urbem iniret, effigiesque ejus pari magnitudine ac Martis Ultoris¹ eodem in templo censuere*, præter suetam adulationem latti, quod Domitium Corbulonem² retinendæ Armeniæ præposuerat, videbaturque locus virtutibus patefactus. Copiæ Orientis ita dividuntur, ut pars auxiliarium cum duabus legionibus apud provinciam Syriam et legatum ejus Quadratum Ummidium³ remaneret, par civium sociorumque numerus Corbuloni esset, additis cohortibus aliis quæque⁴ Cappadocia hiemabant: socii reges, prout bello conduceret, parere jussit. sed studia eorum in Corbulonem promptiora erant. qui ut famæ inserviret, quæ in novis cœptis validissima est, itinere propere confecto apud Ægeas, civitatem Ciliciæ⁵, obvium Quadratum habuit, illuc progressum, ne, si ad accipiendas copias Syriam intravisset Corbulo, omnium ora in se verteret, corpore ingens, verbis magnificis, et super experientiam sapientiamque etiam specie inanum validus.

IX. Ceterum uterque ad Vologesen regem¹ nuntiis monebant, *pacem quam bellum mallet, datisque obsidibus solitam prioribus reverentiam in populum Romanum continuaret*. et Vologeses, quo bellum ex commodo pararet, an ut amulationis suspectos per nomen obsidum amoveret, tradit nobilissimos ex familia Arsacidarum. accepitque eos centurio Insteius, ab Ummidio missus forte prior, ea de causa adito rege. quod postquam Corbuloni cognitum est, *ire præfectum cohortis Arrium Varum et recipere obsides* jubet. hinc ortum inter præfectum et centurionem jurgium ne diutius externis spectaculo esset, arbitrium rei obsidibus legatisque, qui eos ducebant, permissum. atque illi ob recentem gloriam, et inclinatione quadam etiam hostium, Corbulonem prætulere. unde discordia inter duces, querente Ummidio *præcepta quæ suis consiliis patravisset*, testante contra Corbulone *non prius conversum regem ad offerendos obsides, quam ipse dux bello delectus spes ejus ad metum mutaret*. Nero, quo componeret diversos, sic evulgari jussit: *ob res a Quadrato et Corbulone prospere gestas laurum fascibus imperatoriis² addidi*. Quæ in alios consules egressa conjunxi.

X. Eodem anno Cæsar *effigiem Cn. Domitio patri¹, et consularia insignia Asconio Lubeoni*, quo tutore usus erat, petivit a senatu; sibique *statuas argento vel auro solidas* adversus offerentes prohibuit. Et quamquam censuissent Patres *ut principum anni inciperet mense decembri*,

tenebat. *Veteres* dicti sunt oppositione novorum regum, quos mox memorat. — 3. Herodis filio, regis Chalcidis Syriæ.

VIII. 1. V. ad II, 64. — 2. De quo v. XI, 18 et 20. — 3. De quo XII, 48 et 84. — 4. Et his quæ in Capp. — 5. Maritimam, fortasse ubi hodie portus *Ayas*.

IX. 1. Sc. missis, quod inest in *nuntiis*. — 2. Ex senatusconsulto a. U. 735 imperatoribus duodecim fasces præferebantur.

X. 1. Homini abominando, de quo narrat Sueton. Ner. c. 5.

quo ortus erat Nero, veterem religionem Kalendarum Januariarum inchoando anno refinuit. Neque recepti sunt inter reos Carinas Celer senator, servo accusante, aut Julius Densus equester², cui favor in Britannicum crimini dabatur.

XI. Claudio Nerone, L. Antistio Coss.¹ quum in acta Principum jura-
rent magistratus, *in sua acta collegam Antistium jurare* prohibuit, magnis Patrum laudibus, ut juvenilis animus, levium quoque rerum gloria sublatus, majores continuaret². Secutaque lenitas in Plautium Lateranum³, quem ob adulterium Messalinæ ordine remotum reddidit senatui, *clementiam suam* obstringens⁴ crebris orationibus, quas Seneca, testificando quam honesta præciperet, vel jactandi ingenii, voce Principis vulgabat.

XII. Ceterum infracta paullatim potentia matris, delapso Nerone in amorem libertæ, qui vocabulum *Acte* fuit, simul assumptis in conscientiam Othone et Claudio Senecione, adolescentulis decoris (quorum Otho familia consulari¹, Senecio liberto Cæsaris patre genitus, ignara matre, dein frustra obnitente, penitus irrepererat per luxum et ambigua secreta), ne senioribus quidem Principis amicis adversantibus, muliercula nemini injuriam afferente, quando uxore ab Octavia, nubili quidem et probitatis spectatæ, fato quodam, an quia prævalent illicita, abhorrebat²; metuebaturque ne in feminas illustres peccaret, si illâ prohiberetur.

XIII. Sed Agrippina *libertam æmulam, nurum ancillam*¹ aliaque eundem in modum muliebriter fremere. neque pœnitentiam filii aut satietatem opperiri: quantoque fœdiora exprobrabat, acrius accendere, donec vi amoris subactus, exueret obsequium in matrem, seque Senecæ permitteret. ex cujus familiaribus Annaeus Serenus² simulatione amoris adversus eandem libertam primas adolescentis cupidines velaverat præbueratque nomen, ut, quæ³ Princeps furtim mulierculæ tribuebat, ille palam largiretur. Tum Agrippina, versis artibus, per blandimenta juvenem aggredi, *suum potius sinum offerre contegendis quæ prima ætas et summa fortuna expeterent*. quin et fatebatur *intempestivam severitatem*, et suarum opum, quæ haud procul imperatoriis aberant, copias tradebat, ut nimia nuper coercendo filio, ita rursum intemperanter demissa. quæ mutatio neque Neronem fefellit, et proximi amicorum metuebant orabantque *cavere insidias mulieris semper atrocis, tum et falsæ*. Forte illis diebus Cæsar, inspecto ornatu quo Principum conjuges ac parentes effulserant, deligit vestem et gemmas, misitque donum matri, nulla parcimonia, quum præcipua et cupita aliis prior deferret. sed Agrippina *non his instrui cultus suos, sed ceteris arceri* proclamat, *et dividere filium quæ cuncta ex ipsa haberet*. nec defuere qui in deterius referrent.

XIV. Et Nero, infensus iis quibus superbia muliebris innitebatur, de-

— 2. Equestris ordinis homo.

XI. 1. A. U. 802. p. Chr. 135. — 2. Gallice, *faire suivre*. — 3. De quo XI, 36. — 4. Affirmans, ut I, 14.

XII. 1. Sc. erat. — 2. Nero.

XIII. 1. Nam ferunt Neronem eam in matrimonium ducere voluisse. — 2. Præfectus vigilum. — 3. Sc. munera, dona.

movet Pallantem curâ rerum, quis a Claudio impositus velut arbitrium regni agebat; ferebaturque, degrediente eo magna prosequentium multitudine, non absurde ¹ dixisse ire Pallantem ut ejuraret ². sane pepigerat Pallas ne cujus facti in præteritum interrogaretur³, paresque rationes cum republica haberet ⁴. Præceps post hæc Agrippina ruere ad terrorem et minas, neque Principis auribus abstinere, quominus testaretur « adultum jam esse Britannicum, veram dignamque stirpem suscipiendo patris imperio, quod insitus et adoptivus per injurias matris « exerceret. non abnuere se quin cuncta infelicis domus mala patefierent, « suæ in primis nuptiæ, suum veneficium. id solum diis et sibi provisum, « quod viveret privignus. ituram cum illo in castra. audiretur hinc Germanici filia, inde vilis rursus Burrus et exsul Seneca ⁵, trunca scilicet « manu et professoria lingua generis humani regimen expostulantes. » simul intendere manus, aggerere probra, consecratum Claudium, infernos Silanorum manes invocare, et tot irrita facinora ⁶.

XV. Turbatus his Nero, et propinquo die, quo quartumdecimum ætatis annum Britannicus explebat, volutare secum modo matris violentiam, modo ipsius indolem, uno quidem experimento nuper cognitam, quo tamen favorem late quævisset. festis Saturno diebus inter alia æqualium ludicra regnum lusu sortientium evenerat ea sors Neroni. igitur ceteris diversa nec ruborem allatura ¹; ubi Britannico jussit, exsurgeret progressusque in medium cantum aliquem inciperet, irrisum ex eo sperans pueri sobrios quoque convictus, nedum temulentos ignorantis, ille constanter exorsus est carmen ², quo evolutum cum sede patria rebusque summis significabatur. unde orta miseratio manifestior, quia dissimulationem nox et lascivia exemerat. Nero, intellecta invidia ³, odium intendit; urgentibusque Agrippinæ minis, quia nullum crimen neque jubere cædem fratris palam audebat, occulta molitur, pararique venenum jubet, ministro Pollione Julio, prætoris cohortis tribuno, cujus cura attinebatur damnata veneficii nomine Locusta, multa scelerum fama. nam ut proximus quisque Britannico neque fas neque fidem pensi haberet, olim provisum erat. Primum venenum ab ipsis educatoribus accepit, transmisitque exsoluta alvo parum validum, sive temperamentum inerat ne statim sæviret. sed Nero, lenti sceleris impatiens, minitari tribuno, jubere supplicium veneficæ, quod, dum rumorem respiciunt, dum parant defensiones, securitatem morarentur. promittentibus dein tam præcipitem necem quam si ferro urgeretur, cubiculum Cæsaris juxta decoquitur virus, cognitis ⁴ antea venenis, rapidum.

XVI. Mos habebatur Principum liberos cum ceteris idem ætatis nobili-

XIV. 1. Id est, facete. — 2. Ejurare dicitur de iis qui magistratu se abdicant; etiam de accusatis qui ejurant judicem vel forum, i. e. jurejurando interposito judicem ut iniquum recusant. Quo spectant sequentia. Pepigerat sc. cum Claudio. — 3. Accusaretur. — 4. Ut nihil ab eo reipublicæ nomine repeti posset. — 5. V. XII, s. Trunca manus ad Burrum refertur. — 6. Sc. queri, ex verbo invocare. Irrita, quod, quamquam scelestæ. potentiam ei non firmabant.

XV. 1. Sc. jussit Nero, quod sequitur seriei implicitum. Taciti tempore jubere etiam structuram verbi imperare assumebat. — 2. Ennii, ut videtur, ex Andromacha, cujus particula est apud Ciceronem Tuscul. III, 19. — 3. Sc. ipsa hinc parata. — 4. Exploratis in hædo et porco.

bus sedentes¹ vesci in aspectu propinquorum, propria et parcior mensa. illic epulante Britannico, quia cibus potusque ejus delecti ex ministris gustu explorabatur, ne omitteretur institutum aut utriusque morte proderetur scelus, talis dolus repertus est. innoxia adhuc ac præcalida et libata gustu potio traditur Britannico; dein, postquam fervore aspernabatur, frigida in aqua affunditur venenum, quod ita cunctos ejus artus pervasit, ut vox pariter et spiritus raperentur. trepidatur a circumsedentibus; diffugiunt imprudentes: at quibus altior intellectus, resistunt defixi et Neronem intuentes. ille, ut erat reclinis et nescio similis, *solitum ita ait per comitalem morbum, quo primum ab infantia affligeretur Britannicus, et redituros paullatim visus sensusque*. at Agrippinæ is pavor, ea consternatio mentis, quamvis vultu premeretur, emicuit, ut perinde ignaram fuisse ac Octaviam sororem Britannici constiterit: quippe sibi supremum auxilium ereptum et parricidii exemplum intelligebat. Octavia quoque, quamvis rudibus annis, dolorem, caritatem, omnes affectus abscondere didicerat. ita post breve silentium repetita convivii lætitia.

XVII. Nox eadem necem Britannici et rogi conjunxit, proviso ante funebri paratu, qui modicus fuit. in campo tamen Martis sepultus est, adeo turbidis imbribus, ut vulgus iram deum portendi crediderit adversus facinus, cui plerique etiam hominum ignoscebant, antiquas fratrum discordias et insociabile regnum æstimantes. Tradunt plerique eorum temporum scriptores, *crebris ante exitum diebus illum isse pueritiæ Britannici Neronem*, ut jam non præmatura neque sæva mors videri queat, quamvis inter sacra mensæ¹, ne tempore quidem ad complexum sororum² dato, ante oculos inimici properata sit in illum supremum Claudiorum sanguinem. Festinationem exsequiarum edicto Cæsar defendit, id a majoribus institutum referens, « subtrahere oculis acerba³ funera, neque « laudationibus aut pompa detinere. ceterum et sibi, amisso fratris auxilio, reliquas spes in republica sitas, et tanto magis fovendum Patribus « populoque Principem, qui unus superesset e familia summum ad fastigium genita. »

XVIII. Exin largitione potissimos amicorum auxit. nec defuere qui arguerent viros gravitatem asseverantes¹, *quod domos, villas id temporis quasi prædam divisissent*. alii necessitatem adhibitam credebant a Principe sceleris sibi conscio et veniam sperante, si largitionibus validissimum quemque obstrinxisset. At matris ira nulla munificentia leniri, sed amplecti Octaviam, crebra cum amicis secreta habere, super ingentem avaritiam undique pecunias quasi in subsidium corripiciens; tribunos et centuriones comiter excipere; nomina et virtutes nobilium, qui etiam tum supererant, in honore habere, quasi quæreret ducem et partes. Cognitum id Neroni, *excubiasque militares*, quæ, ut conjugii Imperatoris solitum, ut matri servabantur, *et Germanos*² super eundem honorem custodes

XVI. 1. Sic solebant liberi: viri, jam feminae quoque *discumbebant*.

XVII. 1. Nam a discubitoris preces et libationes diis fiebant. — 2. Octaviae et Antoniae. — 3. Præmatura, metaphora a fructibus nondum maturis petita.

XVIII. 1. Constanter affectantes. Dicit Burrum et Senecam. — 2. Quos Tiberius custodes habuerat: v. I, 24.

additos, *degreddi* jubet, ac ne cœtu salutantium frequentaretur, separat domum, matremque transfert in eam quæ Antoniae fuerat, quoties ipse illuc ventitaret, septus turba centurionum et post breve osculum digrediens.

XIX. Nihil rerum mortalium tam instabile ac fluxum est quam fama potentiae non sua vi nixa. statim relictum Agrippinae limen. nemo solari, nemo adire præter paucas feminas, amore an odio, incertum. ex quibus erat Junia Silana, quam matrimonio C. Sili a Messalina depulsam supra retuli¹, insignis genere, forma, et Agrippinae diu percara, mox occultis inter eas offensionibus, quia Sextium Africanum, nobilem juvenem, a nuptiis Silanae deterruerat Agrippina *impudicam et vergentem annis* dictitans, non ut Africanum sibi seponeret, sed ne opibus et orbitate Silanae maritus potiretur. illa, spe ultionis oblata, parat accusatores ex clientibus suis Iturium et Calvisium, non vetera et sapius jam audita differens, *quod Britannici mortem lugeret, aut Octaviae injurias evulgaret*, sed *destinavisse eam Rubellium Plautum, per maternam originem pari ac Nero gradu a divo Augusto*², *ad res novas extollere, conjugioque ejus et jam imperio rempublicam rursus invadere.* Hæc Iturius et Calvisius Atimeto, Domitiae Neronis amitæ liberto, aperiunt. qui lætus oblati (quippe inter Agrippinam et Domitiam infensa æmulatio exercebatur), Paridem histrionem, libertum et ipsum Domitiae, impulit *ire proptere crimenque atrociter*³ *deferre.*

XX. Profecta nox erat et Neroni per vinolentiam trahebatur, quum ingreditur Paris, solitus alioquin id temporis luxus Principis intendere¹, sed tunc compositus ad mæstitiam, expositoque indicii ordine ita audientem exterret, ut non tantum matrem Plautumque interficere, sed Burrum etiam demovere præfectura destinaret, tamquam Agrippinae gratia pro-
fectum et vicem reddentem. Fabius Rusticus auctor est, *scriptos esse ad Cæcinam Tuscum*² *codicillos, mandata ei prætoriarum cohortium cura; sed ope Senecæ dignationem Burro retentam.* Plinius et Cluvius nihil dubitatum de fide præfecti referunt. sane Fabius inclinat ad laudes Senecæ, cujus amicitia floruit. nos consensum auctorum secuti, quæ diversa prodiderint, sub nominibus ipsorum trademus. Nero trepidus et interficiendæ matris avidus non prius differri³ potuit quam Burrus necem ejus promitteret, si facinoris coargueretur: *sed cuicumque, nedum parenti, defensionem tribuendam; nec accusatores adesse, sed vocem unius ex inimica domo afferri: refutare*⁴ *tenebras et vigilatam convivio noctem, omniaque lemeritati et inscitiae propiora.*

XXI. Sic, lenito Principis metu, et luce orta, itur ad Agrippinam, ut nosceret objecta dissolveretque, vel pœnas lueret. Burrus iis mandatis Seneca coram fungebatur. aderant et ex libertis arbitri sermonis. deinde a Burro, postquam crimina et auctores exposuit, minaciter actum. Et

XIX. 1. V. XI, 2. — 2. Per Tiberium ab Augusto adoptatum, cujus filius Drusus, hujus filia Julia mater Rubellii. — 3. In speciem atrocem, intendendo periculum.

XX. 1. *Animer* vertit Burnouf. — 2. Filium nutricis Neronis. *Codicilli* dicuntur epistolæ imperatoriae, quibus munus vel jussum defertur. — 3. Neronis voluntas in aliud tempus rejici. — 4. Sc. consilium Neronis; sequentia sunt accusativi subjecti: consilium illud coargui tempore intempestivo, quo sit conceptum.

Agrippina, ferociæ memor, « Non miror, » inquit, « Silanam, nunquam
 « edito partu, matrum affectus ignotos habere. neque enim perinde a
 « parentibus liberi, quam ab impudica adulteri mutantur¹. nec, si Iturius
 « et Calvisius, ades omnibus fortunis, novissimam suscipiendæ accusa-
 « tionis operam anni² rependunt, ideo aut mihi infamia parricidii aut
 « Cæsari conscientia subeunda est. nam Domitiæ inimicitii gratias age-
 « rem, si benevolentia mecum in Neronem meum certaret: nunc per li-
 « bertum Atimetum et histrionem Paridem quasi scenæ³ fabulas componit.
 « Bajarum suarum piscinas extollebat⁴, quum meis consiliis adoptio et
 « proconsulare jus et designatio consulatus et cetera apiscendo imperio
 « præpararentur. aut exsistat qui cohortes in Urbe tentatas, qui provin-
 « ciarum fidem labefactatam, denique servos vel liberos ad scelus cor-
 « ruptos arguat. vivere ego, Britannico potiente rerum, poteram? ac si
 « Plautus aut quis alius rempublicam iudicaturus⁵ obtinuerit, desunt
 « scilicet mihi accusatores, qui non verba impatientiâ caritatis aliquando
 « incauta, sed ea crimina objiciant, quibus nisi a filio absolvi non possim. »
 Commotis qui aderant, utroque spiritus ejus mitigantibus, *colloquium*
filii exposcit: ubi nihil pro innocentia, quasi diffideret, nec beneficiis,
 quasi exprobraret, disseruit, sed ultionem in delatores et præmia ami-
 cis obtinuit.

XXII. Præfectura annonæ Fenio Rufo, cura ludorum, qui a Cæsare
 parabantur, Arruntio Stellæ, Ægyptus C. Balbillo permittuntur. Syria P.
 Anteio destinata: et variis mox artibus elusus, ad postremum in Urbe
 retentus est. at Silana in exsilium acta. Calvisius quoque et Iturius rele-
 gantur. de Atimeto supplicium sumptum, validiore apud libidines Principis
 Paride quam ut pœna afficeretur. Plautus ad præsens silentio transmis-
 sus est.

XXIII. Deferuntur dehinc *consensus Pallas ac Burrus, ut Corne-
 lius Sulla claritudine generis et affinitate Claudii*, cui per nuptias
 Antoniae¹ gener erat, *ad imperium vocaretur*. ejus accusationis auctor
 exstitit Pætus quidam, exercendis apud ærarium sectionibus² famosu
 et tum vanitatis³ manifestus. nec tam grata Pallantis innocentia qua
 gravis superbia fuit: quippe nominatis libertis ejus, quos conscios ha-
 beret, respondit: *nihil unquam se domi nisi nutu aut manu signifi-
 casse, vel si plura demonstranda essent, scripto usum, ne vocem
 consociaret*. Burrus, quamvis reus, inter iudices sententiam dixit. exsi-
 liumque accusatori irrogatum, et tabulæ exustæ sunt, quibus oblitterata
 ærarii nomina retrahebat⁴.

XXI. 1. *Mutantur* in priore membro intelligendum de affectu ergo liberos transfe-
 rendo in alios. — 2. Silanæ, *vergenti annis*, ut c. 19 dictum. — 3. Dativus. — 4. Ex-
 struebat Silana, dum Agrippina Neroni regnum parabat. *Piscinas* per contemptum no-
 minat villas in molibus mari injectis exstructas, ob suavitatem temperati aeris, de quibus
 villis Horatius canit Odar. II, 27, 20; III, I, 33 sqq. — 5. Sc. me.

XXIII. 1. Filia Claudii ex Ælia Petina. — 2. *Sectio* est venditio bonorum ad hastam, a
secundo, quia tota empti a *sectoribus* dividebantur. Neque tamen sectores vende-
 bant tantum bona publicata: indicabant etiam quæcumque ærario aut fisco ob-
 noxia et debita essent; quare æque ac delatores erant famosi. — 3. Fraudum. —
 4. Per quas Pætus in lucem retrahebat nomina debitorum ærarii dudum deleta, quia debita
 exsolverant.

XXIV. Fine anni statio cohortis assidere ludis solita demovetur, quo major species libertatis esset, utque miles, theatri licentiæ non permixtus, incorruptior ageret, et plebes daret experimentum, an amotis custodibus modestiam retineret. Urbem Princeps lustravit ¹ e responso haruspicum, quod Jovis ac Minervæ ædes de cælo tactæ erant.

XXV. Q. Volusio, P. Scipione Coss. ¹ otium foris, fæda domi lascivia, qua Nero itinera Urbis et lupanaria et deverticula, veste servili in dissimulationem sui compositus, perrerabat, comitantibus qui raperent venditioni exposita et obviis vulnera inferrent, adversus ignaros adeo, ut ipse quoque exciperet ictus et ore præferret. deinde, ubi *Cæsarem esse qui grassaretur* pernotuit, augebanturque injuriæ adversus viros feminasque insignes, et quidam, permissa semel licentia, sub nomine Neronis inulti propriis cum globis eadem exercebant, et in modum captivitatis nox agebatur. Julius quidem Montanus, senatorii ordinis, sed qui nondum honorem capessisset, congressus forte per tenebras cum Principe, quia vi attentantem acriter repulerat, deinde agnitum oraverat, quasi exprobrasset, mori adactus est. Nero autem, metuentior in posterum, milites sibi et plerosque gladiatores circumdedit, qui rixarum initia modica et quasi privata sinerent; si a læsis validius ageretur, arma inferebant. Ludicram² quoque licentiam et fautores histrionum velut in prælia convertit impunitate et præmiis, atque ipse occultus et plerumque coram prospectans, donec discordi populo et gravioris motus terrore non aliud remedium repertum est, quam ut histriones Italia pellerentur, milesque theatro rursum assideret.

XXVI. Per idem tempus actum in senatu *de fraudibus libertorum*, efflagitatumque *ut adversus male meritos revocandæ libertatis jus patronis daretur*. nec deerant qui censerent. sed consules, relationem incipere non ausi ignaro Principe, perscribere tamen consensum senatus, *ille an auctor constitutionis fieret*, ut inter paucos et sententiæ diversos; quibusdam « coalitam libertate irreverentiam eo prorupisse » frementibus, « ut vine an æquo cum patronis jure agerent, sententiam eorum ² consularent, ac verberibus ³ manus ultro intenderent, impune vel poenam suam dissuadentes ⁴. quid enim aliud læso patrono concessum quam ut « vicesimum ultra lapidem ⁵, in oram Campaniæ libertum releget? Ceteras actiones ⁶ promiscuas et pares esse.tribuendum aliquod telum, « quod sperni nequeat. nec grave manumissis, per idem obsequium retinendi ⁷ libertatem, per quod assecuti sint. at criminum manifestos me-

XXIV. 1. Quod fiebat suovetaurili (de quo v. ad VI, 37) et amburbalibus (circa Urbem et terminos ductis) hostiis.

XXV. 1. A. U. 809, p. Chr. 56. — 2. Ludiorum vel histrionum.

XXVI. 1. Sc. interrogantis *an* etc. — 2. Ipsorum patronorum. — 3. Ad verbera (patrono inferenda). — 4. Atrocitate facinoris poenam legibus constitutam (cujus lenitas jam adjicitur) dissuadentes, patronos ab ea irroganda dehortantes, ut qui indignis modis affecti quam ridicule vindicati videri mallent. Sed totus locus corruptus est aut mancus. — 5. Sc. ab Urbe. Quæ fortasse Augusti lex erat. Libertus autem sic habitare poterat amenissima Campaniæ loca, urbanis obsequiis et officiis erga patronum liberatus. — 6. Sc. legis: in ceteris coram tribunali eandem esse conditionem patroni et liberti. — 7. Pro *retinere*, ac si præcessisset substantivum: nec ullam molestiam esse *retinendi*, etc. Conf. dicta ad XV, 5.

« rito ad servitutem retrahi, ut metu coerceantur quos beneficia non « mutavissent. »

XXVII. Disserebatur contra, « paucorum culpam ipsis exitiosam esse « debere, nihil universorum juri derogandum. quippe late fustum id cor- « pus. hinc ¹ plerumque tribus ², decurias ³, ministeria magistratibus et « sacerdotibus, cohortes etiam in Urbe conscriptas; et plurimis Equitum, « plerisque senatoribus non aliunde originem trahi. si separarentur liber- « tini, manifestam fore penuriam ingenuorum. non frustra majores, quum « dignitatem ordinum dividerent, libertatem in communi posuisse. quin « et manumittendi duas species institutas ⁴, ut relinqueretur pœnitentiæ « aut novo beneficio locus. quos vindicta patronus non liberaverit, velut « vinculo servitutis attineri. dispiceret quisque merita, tardeque concedere- « ret quod datum non adimeretur. » Hæc sententia valuit, scripsitque Cæsar senatui, *privatim* ⁵ *expendere causam libertorum, quoties a patronis arguerentur: in commune nihil derogent.* Nec multo post ereptus amitæ liber:us Paris quasi jure civili, non sine infamia Principis, *cujus jussu perpetratum ingenuitatis judicium erat* ⁶.

XXVIII. Manebat nihilominus quædam imago reipublicæ. nam inter Vibullium prætorem et plebei tribunum Antistium ortum certamen, q u immodestos fautores histrionum et a prætore in vincula ductos tribunus *omitti* ¹ jussisset. comprobavere Patres, *incusata Antistii licentia.* Simul prohibiti tribuni, *jus prætorum et consulum præripere, aut vocare ex Italia cum quibus lege agi posset* ². addidit L. Piso, designatus consul, *ne quid intra domum* ³ *pro potestate adverterent, neve multam ab iis dictam quæstores ærarii in publicas tabulas ante quattuor menses referrent; medio temporis contra dicere liceret, deque eo consules statuerent.* Cohibita arctius et ædilium potestas, statutumque *quantum curules, quantum plebei pignoris caperent* ⁴ *vel pœnæ irrogarent.* eo Helvidius Priscus, tribunus plebis, adversus Obultronium Sabinum, ærarii quæstorem, contentiones proprias exercuit, *tanquam jus*

XXVII. 1. Ex libertinis (constare). — 2. Sc. urbanas, in quibus capite censi et libertini erant; quanquam tum multi etiam in *rusticis tribubus* nobilioribus censebantur. — 3. Collegia scribarum, lictorum, viatorum, præconum, accensorum, etc., quæ partim iterum significantur sequentibus *ministeria*, etc. — 4. Olim plures: de quibus v. *Ducaurroy, Institutes expliquées*, § 72-77. Tacitus loquitur de *vindicta*, qua servus civili jure possessus coram prætore solennibus verbis in libertatem vindicabatur; ea sola tum *justam* et plenam *libertatem* præbebat. Ceteri præter *vindictam* modi manumissionis (velut *inter amicos* testes verbis data, *per epistolam*, *per mensam*, *per emptionem*) revocari poterant, ita ut manumissus maneret quidem per vitam liber, sed moreretur ut servus, bonis et liberis ad heri heredumve ejus possessionem redeuntibus: sic mox dicuntur *hi velut vinculo servitutis attineri*. Tales autem liberti obsequiis impetrare studebant a patronis, ut per vindictam assererentur in justam libertatem: quam spem patroni vel explere poterant *novo beneficio*, vel repellere, sic *pœnitentiæ* locum sibi concessum habentes. — 5. Separatim cujusque. — 6. Nimirum Paris *pretio dato* manumissus fuerat a Domitia: jam Principe auctore, pretium illud repetiit a patrona pro tribunali, iudicibus eum *ingenuum natum* esse et injuria pro servo habitum fuisse censentibus.

XXVIII. 1. Non amplius custodiri. — 2. Citare ad judicem reos ex Italia: nam potestas tribunorum Urbis terminis circumscripta erat. Sed olim in Urbe quidem *vocare* poterant, quod tum licuisse iis videtur. — 3. Sed publice et pro tribunali. — 4. *Pignora* (multæ solvendæ) capiebantur in domibus civium qui citati ad magistratus non *parerent*, etiam senatorum qui vocati sine *causa sentica* in curiam non *venirent*. *Ædilium*

hastæ ⁵ *adversus inopes inclementer augeret*. Dein Princeps curam tabularum publicarum ⁶ a quæstoribus ad præfectos ⁷ transtulit.

XXIX. Varie habita ac sæpe immutata ejus rei forma. nam Augustus senatui deligere permisit præfectos; deinde, ambitu suffragiorum suspecto, sorte ducebantur ex numero prætorum qui præessent ¹. neque id diu mansit, quia sors deerrabat ad parum idoneos. tunc Claudius quæstores rursum ² imposuit, iisque, ne metu offensionum segnius consularent, extra ordinem honores permisit ³. sed deerat robor ætatis eum primum magistratum capessentibus ⁴. igitur Nero prætura perfunctos et experientia probatos delegit.

XXX. Damnatus iisdem consulibus Vipsanius Lænas *ob Sardiniam provinciam avare habitam*. Absolutus Cestius Proculus repetundarum, cedentibus accusatoribus. Clodius Quirinalis, *quod præfectus remigum, qui Ravennæ haberentur, velut infimam nationum Italiam luxuria scævitiæque afflictaisset*, veneno damnationem anteit. C. Aninius Rebius, ex primoribus peritia legum et pecuniæ magnitudine, cruciatus ægræ senectæ misso ¹ per venas sanguine effugit, haud creditus sufficere ad constantiam sumendæ mortis ob libidines muliebriter infamis. At L. Volusius egregia fama concessit: cui tres et nonaginta anni spatium vivendi, præcipuæque opes bonis artibus ², inoffensa tot Imperatorum malitia fuit ³.

XXXI. Nerone secundum, L. Pisone Coss ¹. pauca memoria digna evenere, nisi cui libeat laudandis fundamentis et trabibus, quis molem amphitheatri ² apud campum Martis Cæsar extruxerat, volumina implere, quum ex dignitate populi Romani repertum sit res illustres annalibus, talia diurnis Urbis actis mandare. Ceterum colonie Capua atque Nuceria additis veteranis firmatae sunt ³; plebei que congiarium quadringeni nummi ⁴ viritum dati, et sesterium quadringentes ⁵ arario illatum est. Ad retinendam populi fidem ⁶, vectigal quoque quintæ et vicesimæ ⁷ venalium Mancipiorum remissum, specie magis quam vi, quia, quum venditor pendere juberetur, in partem pretii ⁸ emptoribus accrescebat. Edixit Cæsar, *ne quis magistratus aut procurator, qui provinciam obtineret, spectaculum gladiatorum aut ferarum aut quod aliud ludicrum ederet*. nam ante non minus tali largitione quam corripiendis pecuniis subjectos affligebant, dum, quæ libidine deliquerant, ambitu propugnant ⁹.

munera aliquatenus respondent iis quæ hodie sunt *de la police*. — 3. Publicæ venditionis. — 6. In quibus scripta erant nomina debitorum ararii. — 7. infra c. 29 fine, *prætura functos* dicit. Sont *præfecti ararii*.

XXIX. 1. Hinc *prætores ararii* supra I, 73. — 2. Ut in republica, cujus per tempora primum consules, deinde ædiles plebis, aliquamdiu censores, ceteris diutius quæstores arario præpositi fuerant. — 3. Præturam dedit acta quæstura, *extra ordinem*, quia quæstori per ædilitatem ad præturam ibatur. — 4. Nam quæstura erat « primus gradus honorum. »

XXX. 1. Emisso. — 2. Sc. paratæ. — 3. In quo tot Imperatores mali non offendentur.

XXXI. 1. A. U. 810. p. Chr. 57. — 2. Lignei. — 3. Verte *renforcees*. — 4. 75 1/2 fr. — 5. 7,332,400 fr. — 6. *Crédit*. — 7. Augustus *quingagesimam* (partem pretii) servorum qui vendebantur instituerat: quod vectigal quo tempore duplicatum fuerit, nescimus. — 8. Tanquam pars pretii. — 9. Dum ea, quæ affectibus suis et avaritiæ indulgentes peccaverant, defendunt et contra repetundarum accusationem muniunt provincialibus placendi et favorem eorum cantandi studio (*ambitu*).

XXXII. Factum et senatusconsultum ¹ ultioni juxta et securitati, *ut si quis a suis servis interfectus esset, ii quoque, qui testamento manumissi sub eodem tecto mansissent, inter servos supplicia penderent.* Redditur ordini Lurii Varii consularis, avaritiæ criminibus olim percussus. Et Pomponia Græcina, insignis femina, Plautio, qui ovans se de Britannis rettulit ², nupta ac *superstitionis externæ* ³ rea, mariti judicio permissa. isque prisco instituto propinquis coram de capite famaue conjugis cognovit, et insontem nuntiavit ⁴. longa hinc Pomponiæ ætas et continua tristitia fuit: nam post Juliam, Drusi filiam ⁵, dolo Messalinæ interfectam per quadraginta annos non cultu nisi lugubri, non animo nisi mæsto egit. idque illi imperitante Claudio inaspere, mox ad gloriam vertit.

XXXIII. Idem annus plures reos habuit. quorum P. Celerem, accusante Asia, quia absolvere nequibat Cæsar, traxit ¹, senecta donec mortem obiret. nam Celer, interfecto, ut memoravi ², Silano proconsule, magnitudine sceleris cetera flagitia obtegebat. Cossutianum Capitonem Cilices detulerant *maculosum fœdumque, et idem jus audaciæ in provincia* ³ *raturum, quod in Urbe exercuerat*: sed pervicaci accusatione conflictatus, postremo defensionem omisit ac lege repetundarum damnatus est. Pro Eprio Marcello, a quo Lycii res repetebant, eo usque ambitus prævaluit, ut quidam accusatorum ejus exsilio multarentur, *tamquam insonti periculum fecissent.*

XXXIV. Nerone tertium consule simul iniiit consulatum ¹ Valerius Messala, cujus proavum, oratorem Corvinum, divo Augusto, abavo Neronis, collegam in eo magistratu fuisse ² pauci jam senum meminerant. sed nobili familiæ honor auctus est oblati in singulos annos quingenis sestertiis ³, quibus Messala paupertatem innoxiam sustentaret. Aurelio quoque Cottæ et Haterio. Antonio ⁴ annuam pecuniam statuit Princeps, quamvis per luxum avitas opes dissipassent. Ejus anni principio mollibus adhuc initiis prolaturum inter Parthos Romanosque de obtinenda Armenia bellum ⁵ acriter sumitur, quia nec Vologeses sinebat fratrem Tiridaten dati a se regni expertem esse, aut alienæ id potentiæ donum habere ⁶, et Corbulo dignum magnitudine populi Romani rebatur parta olim a Lucullo Pompeioque recipere. ad hæc Armenii ambigua fide utraque arma invitabant, situ terrarum, similitudine morum Parthis propiores connubiisque permixti, ac, libertate ignota, illuc ⁷ magis ad servitium inclinantes.

XXXV. Sed Corbuloni plus molis adversus ignaviam militum quam contra perfidiam hostium erat. quippe Syria transmotæ legiones, pace

XXXII. 1. Sive potius auctum senatusconsultum Silanianum a. U. 765 editum. Vide de utroque Paulum *Sentent. recept.* III, 5. — 2. *Se rettulit*, reversus est. — 3. Fortasse Christiana religio intelligenda, quam eo tempore Paulus apostolus Romæ prædicare cœpit. — 4. Sc. senatui. — 5. Neptem Pomponiæ ex Vipsanio Agrippa, propinquam Pomponiæ Græcinæ, quæ soror aut filia erat Pomponii Græcini, ad quem scripsit Ovidius epistolas de Ponto I, 6; II, 6; IV, 9.

XXXIII. 1. Condemnationem ejus usque procrastinavit. — 2. Cap. 1. — 3. Sc. sibi esse. De eo dictum jam XI, 6.

XXXIV. 1. Anni U. 811, p. Ch. 58. — 2. A. U. 725. — 3. 94,910 fr. — 4. De quibus II, 52, et XI, 58. — 5. Conf. cap. 7. — 6. V. c. 9. — 7. Ad Parthos.

longa segnes, munia Romanorum ¹ ægerrime tolerabant. satis constitit fuisse in eo exercitu veteranos, qui non stationem, non vigilas inissent, vallum fossamque quasi nova et mirâ viderent, sine galeis, sine loriceis, nitidi et quæstuosi ², militiâ per oppida expletâ. igitur dimissis quibus senectus aut valetudo adversa erat, supplementum petivit. et habitus per Galatiam ac Cappadociam delectus, adjectaque ex Germania legio cum equitibus alariis et peditatu cohortium. retentusque omnis exercitus sub pellibus ³, quamvis hieme sæva, adeo ut obducta glacie, nisi effossa, humus tentoriis locum non præberet. ambusti ⁴ multorum artus vi frigoris et quidam inter excubias exanimati sunt. annotatusque miles, qui fascem lignorum gestabat, ita præriguisse manus, ut oneri adherentes truncis brachiis deciderent. ipse ⁵ cultu levi, capite intecto ⁶, in agmine, in laboribus frequens adesse; laudem strenuis, solatium invalidis, exemplum omnibus ostendere. Dehinc, quia duritiam cœli militiæque multi abnuebant deserébantque, remedium severitate quæsitum est. nec enim, ut in aliis exercitibus, primum alterumque delictum venia prosequébatur, sed qui signa reliquerat, statim capite pœnas luebat. idque usu salubre et misericordia melius apparuit: quippe pauciores illa castra deseruere quam ea in quibus ignoscebatur.

XXXVI. Interim Corbulo, legionibus intra castra habitis donec ver adolesceret, dispositisque per idoneos locos cohortibus auxiliariis, ne pugnam priores adirent prædicit. curam præsidiorum Pactio Orphito, primipili honore perfuncto, mandat. is quamquam incautos barbaros et bene gerendæ rei casum offerri scripserat, *tenere se munimentis et majores copias opperiri* jubetur. sed rupto imperio, postquam paucæ e proximis castellis turmæ advenerant pugnamque imperitiâ poscebant, congressus cum hoste funditur. et damno ejus exterriti, qui subsidium ferre debuerant, sua quisque in castra trepida fuga rediere. quod graviter Corbulo accepit, increpitumque Pactium et præfectos militesque *tendere omnes extra vallum* jussit ¹. inque ea contumelia detenti, nec nisi precibus universi exercitus exsoluti sunt.

XXXVII. At Tiridates, super proprias clientelas opẽ Vologesi fratris adjutus, non furtim jam, sed palam bello infensare Armeniam, quosque fidos nobis rebatur, depopulari, et si copiæ contra ducerentur, eludere, huc quoque et illuc volitans plura fama quam pugna exterrere. Igitur Corbulo, quæsito diu prælio, frustra habitus ¹ et exemplo hostium circumferre bellum coactus, dispertit vires, ut legati præfectique diversos locos pariter invaderent. simul regem ² Antiochum monet *proximas sibi præfecturas petere*. nam Pharasmanes, interfecto filio Rhadamisto quasi proditore ³, quo fidem in nos testaretur, vetus adversus Armenios odium promptius exercebat. tuncque primum illecti Insechi, gens ante alias ⁴ socia Romanis, avia Armeniæ incursavit. Ita consilia Tiridati in contrarium vertebant, mittebatque oratores qui suo Parthorumque nomine ex-

XXXV. 1. Romanæ militiæ, valde asperæ. — 2. Negotiationem exercentes. — 3. Tentoriis hibernis, quæ pellibus contexta erant. — 4. *Uri* etiam de frigoris effectu dicitur. — 5. Corbulo. *Cultu*, vestitu. — 6. Non tecto.

XXXVI. 1. Pœnæ militaris genus antiquum.

XXXVII. 1. Frustratus, elusus. — 2. Commagenæ: v. c. 7. — 3. V. XII, 47. — 4. Præ aliis.

postularent, « cur datis nuper obsidibus redintegrataque amicitia, quæ
 « novis quoque beneficiis locum aperiret, vetere Armeniæ possessione de-
 « pelleretur? ideo nondum ipsum Vologesen commotum, quia causa quam
 « vi agere mallet⁵. sin perstaretur in bello, non defore Arsacidis virtu-
 « tem fortunamque, sæpius jam clade Romana expertam. » Ad ea Corbulo,
 satis comperto Vologesen defectione Hyrcaniæ attineri, suadet Tiridati,
precibus Cæsarem aggredi : posse illi regnum stabile et res incruentas
contingere, si omissa spe longinqua et sera præsentem potiolemque
sequeretur.

XXXVIII. Placitum dehinc, quia commeantibus invicem nuntiis nihil
 in summam pacis proficiebatur, colloquio ipsorum tempus locumque
 destinari. mille equitum præsidium Tiridates affore sibi dicebat;
 quantum Corbuloni cujusque generis militum assisteret, non statuere,
 dum positis loriceis et galeis in faciem¹ pacis veniretur. cuicumque
 mortalium, nedum veteri et provido duci, barbaræ astutiæ patuissent,
 ideo arctum inde² numerum finire et hinc majorem afferri, ut dolus pa-
 raretur: nam equiti sagittarum usu exercito si detecta corpora objiceren-
 tur, nihil profuturam multitudinem. dissimulato tamen intellectu, *rectius*
de his, quæ in publicum consulerentur, totis exercitibus coram dis-
sertaturos respondit. locumque delegit cujus pars altera colles erant
 clementer assurgentes, accipiendis peditum ordinibus, pars in planitiem
 porrigebatur, ad explicandas equitum turmas. dieque pacto prior Corbulo
 socias cohortes et auxilia regum pro cornibus, medio sextam legionem
 constituit, cui accita per noctem aliis ex castris tria millia tertianorum
 permiscuerat, una cum aquila, quasi eadem legio spectaretur. Tiridates,
 vergente jam die, procul astitit, unde videri magis quam audiri posset.
 Ita sine congressu dux Romanus abscedere militem sua quemque in ca-
 stra jubet.

XXXIX. Rex, sive fraudem suspectans, quia plura simul in loca ibatur,
 sive ut commeatus nostros Pontico mari ac Trapezunte oppido adventan-
 tes interciperet, propere discedit. Sed neque commeatibus vim facere po-
 tuit, quia per montes ducebantur præsidiis nostris insessos: et Corbulo,
 ne irritum bellum traheretur, utque Armenios ad sua defendenda cogeret,
 excindere parat castella, sibique, quod validissimum in ea præfectura,
 cognomento *Volandam*, sumit; minora Cornelio Flacco legato et Insteio
 Capitoni, castrorum præfecto, mandat. Tum circumspectis munimentis
 et quæ expugnationi idonea provisus, hortatur milites *ut hostem vagum*
neque paci aut prælio paratum, sed perfidiam et ignaviam fuga con-
fitentem, exuerent sedibus gloriæque pariter et prædæ consulerent.
 tum quadripartito exercitu hos, in testudinem conglobatos, subruendo
 vallo inducit, alios scalas mœnibus admove, multos tormentis facies et
 hastas incutere jubet. libratoribus¹ funditoribusque attributus locus unde
 eminus glandes torquerent, ne qua pars subsidium laborantibus ferret,
 pari undique metu. tantus inde ardor certantis exercitus fuit, ut intra

- 5. Tiridates et Vologeses.

XXXVIII. 1. Speciem. — 2. A Tiridate; hinc, ab Romana parte.

XXXIX. 1. Vide ad II, 20. — 2. Propria phrasis de captivis vendendis, quibus olim

tertiam diei partem nudati propugnatoribus muri, obices portarum subversi, capta ascensu munimenta omnesque puberes trucidati sint, nullo milite amisso, paucis admodum vulneratis. et inbelle vulgus sub corona venundatum²; reliqua praeda victoribus cessit. Pari fortuna legatus ac praefectus usi sunt, tribusque una die castellis expugnatis, cetera terrore et alia sponte incolarum in deditiōem veniebant. unde orta fiducia caput gentis Artaxata aggrediendi. nec tamen proximo itinere ductae legiones, quae si annem Araxen, qui mœnia alluit, ponte transgrederentur, sub ictum dabantur: procul et latioribus vadis transiere.

XL. At Tiridates, pudore et metu, ne, si concessisset obsidioni, nihil opis in ipso videretur; si prohiberet, impeditis locis seque et equestres copias illigaret, statuit postremo ostendere aciem et dato die¹ praelium incipere, vel simulatione fugae locum fraudi parare. Igitur repente agmen Romanum circumfundit, non ignaro duce nostro, qui viae pariter et pugnae composuerat exercitum. latere dextro tertia legio, sinistro sexta incedebat, mediis decumanorum delectis²; recepta inter ordines impedimenta, et tergum mille equites tuebantur, quibus jusserat *ut instantibus cominus resisterent, refugos non sequerentur*. in cornibus pedes, sagittarius et cetera manus equitum ibat, productione cornuum sinistro per ima collium, ut, si hostis intravisset, fronte simul et sinu exciperetur. assultare ex diverso Tiridates, non usque ad jactum teli, sed tum minitans, tum specie trepidantis, si³ laxare ordines et diversos consecrari posset. ubi nihil temeritate solutum, nec amplius quam decurio equitum, audentius progressus et sagittis confixus, ceteros ad obsequium exemplo firmaverat, propinquis jam tenebris abscessit.

XLI. Et Corbulo, castra in loco metatus, an expeditis legionibus nocte Artaxata pergeret obsidioque circumdaret, agitavit, concessisse illuc Tiridaten ratus. dein, postquam exploratores attulere *longinquum regis iter, et Medi, an Albani peterentur, incertum*, lucem opperitur; praemissaque levis armatura, quae muros interim ambiret, oppugnationemque eminus inciperet. sed oppidani, portis sponte patefactis, se suaque Romanis permisere. quod salutem ipsis tulit. Artaxatis ignis immissus, delataque et solo aequata sunt, quia nec teneri sine valido praesidio ob magnitudinem mœnium¹, nec id nobis virium erat quod firmando praesidio et capessendo bello divideretur: vel si integra et incustodita relinquerentur, nulla in eo utilitas aut gloria, quod capta essent. adjicitur miraculum velut numine oblatum: nam cuncta extra tectis tenus sole illustria fuere; quod mœnibus cingebatur, repente ita atra nube coopertum fulguribusque discretum est, ut quasi infensantibus deis exitio tradi crederetur. Ob hæc consalutatus *imperator Nero*, ex senatusconsulto *supplicationes* habitæ; *et arcus et continui consulatus Principi*, utque inter festos referretur dies quo patrata victoria, quo nuntiata, quo relatum de ea esset, aliaque in eandem formam decernuntur, adeo modum egressa,

corona imponebatur venum euntibus.

XL. 1. Sc. opportuno. — 2. Quum medi essent ex decima legione delecti. — 3. Sc. forte; ea spe, fortasse futurum esse ut.

XLI. 1. Supple poterant, ex sententia sequentium

ut C. Cassius, de ceteris honoribus assensus, *si pro benignitate fortunæ diis grates agerentur, ne totum quidem annum supplicationibus sufficere* disseruit, *eoque oportere dividi sacros et negotiosos dies, quibus divina colerent et humana non impedirent.*

XLII. Variis deinde casibus jactatus et multorum odia meritis reus, haud tamen sine invidia Senecæ, damnatur. is fuit P. Suilius ¹, imperitante Claudio terribilis ac venalis, et mutatione temporum non quantum inimici cuperent demissus, quique se nocentem videri quam supplicem mallet. ejus opprimendi gratia repetitum credebatur senatusconsultum pœnaque Cinciae legis adversus eos qui pretio causas oravissent ². nec Suilius quæstu aut exprobratione abstinebat, præter ferociam animi extremâ senectâ liber ³ et Senecam increpans « infensum amicis Claudii, sub
« quo justissimum exsilium pertulisset ⁴. simul studiis inertibus et juvenum imperitiæ suetum vivere ⁵ his, qui vividam et incorruptam eloquentiam tuendis civibus exercerent. se quæstorem Germanici, illum domus
« ejus adulterum fuisse ⁶. an gravius æstimandum sponte litigatoris præmium honestæ operæ assequi, quam corrumpere principes feminas?
« qua sapientia, quibus philosophorum præceptis intra quadriennium regiae amicitiae ter millies sestertiū ⁷ paravisset? Romæ testamenta et
« orbos velut indagine ejus capi ⁸, Italiam et provincias immenso fœnore
« hauriri ⁹. at sibi labore quæsitam et modicam pecuniam esse: crimen ¹⁰,
« periculum, omnia potius toleraturum quam veterem ac domi ¹¹ partam
« dignationem subitæ felicitati summitteret. »

XLIII. Nec deerant qui hæc iisdem verbis aut versa in deterius Senecæ deferrent. repertique accusatores *direptos socios, quum Suilius provinciam Asiam regeret, ac publicæ pecuniæ peculatum* detulere. mox, quia inquisitionem annuam impetraverant, brevius visum suburbana ¹ crimina incipi, quorum obvii testes erant. ii « acerbitate accusationis Q. Pomponium ad necessitatem belli civilis ² detrusum, Juliam, Drusi
« filiam ³, Sabinamque Poppæam ad mortem actas, et Valerium Asiaticum ⁴, Lusium Saturninum, Cornelium Lupum circumventos; jam
« equitum Romanorum agmina damnata ⁵ omnemque Claudii sævitiam » Suilio objectabant. ille *nihil ex his sponte susceptum, sed Principi paruisse* defendebat ⁶, donec eam orationem Cæsar cohibuit, *compertum sibi referens ex commentariis patris sui, nullam cujusquam accusationem ab eo coactam. tum jussa Messalinæ* prætendi et labare defensio: *cur enim neminem alium delectum, qui sævienti, impudicæ vocem præberet? puniendos rerum atrocium ministros, ubi pretia scelerum*

XLII. 1. V. IV, 31. — 2. V. XI, 8 et XIII, 3. — 3. Liberi oris. — 4. V. ad XII, 8. — 5. Invidere. — 6. Accusabatur Seneca Juliæ, filiæ Germanici, adulteria adjuvasse; hæc causa exsilii ejus in Corsica. — 7. 33,145,000 fr. — 8. Hereditarum, quod genus hominum tum velut pestis grassabatur, artes pinxerunt Horatius *Satir.* II, 3, Juvenalis *Sat.* II, 98 sqq., Lucianus *Dialogis mortuorum* V-X. — 9. Ferebatur Britannicum bellum, paullo post narratum, ob iniquitatem fœnoris ortum, quo Seneca Britannos pressisset. — 10. Criminationes. — 11. Pacis artibus; nam *veterem* referri potest ad eam, quam quæstor Germanici in bello paraverat.

XLIII. 1. Ex propinquo allata. — 2. Rebellionem, ut videtur, Camilli Scriboniani in Dalmatia. a. U. 795. De Pomponio conf. VI, 18; XI, 13. — 3. De qua c. 32. — 4. De his XI, 1-4. — 5. De his narrat Sueton. *Claudio* c. 29. — 6. In defensionem sui memorabat.

adepti, scelera ipsa aliis delegent. Igitur adempta bonorum parte ⁷ (nam filio et nepti pars concedebatur, eximebanturque etiam quæ testamento matris aut aviæ acceperant), in insulas Baleares pellitur, non in ipso discrimine, non post damnationem fractus animo; ferebaturque copiosa et molli vita secretum illud toleravisse. filium ejus Nerulinum aggressis accusatoribus per invidiam patris et crimina repetundarum, intercessit Princeps, tanquam satis expleta ultione.

XLIV. Per idem tempus Octavius Sagitta, plebei tribunus, Pontiae mulieris nuptæ amore vecors, ingentibus donis adulterium, et mox, ut omitteret maritum, emercatur ¹, suum matrimonium promittens ac nuptias ejus pactus. sed ubi mulier vacua fuit, nectere moras, *adversam patris voluntatem* causari, repertaque spe ditioris conjugis, premissa exuere. Octavius contra modo conqueri, modo minitari, *famam perditam, pecuniam exhaustam* obtestans, denique salutem, quæ sola reliqua esset, arbitrio ejus permittens. ac postquam spernebatur, *resperam unam ad solatium* poscit; *modum in posterum adhibiturum.* statuitur, et Pontia consciae ancillæ custodiam mandat. ille uno cum liberto ferrum veste occultum infert. tum, ut assolet in amore et ira, jurgia, preces, exprobratio, satisfactio ². At tenebris obortis, ille nihil metuentem ferro transverberat et accurrentem ancillam vulnere absterret, domoque prorumpit. postera die manifesta cædes, haud ambiguus percussor: quippe mansitasse una convincebatur. sed libertus *suum illud facinus* profiteri, *se patroni injurias ultum esse.* commoveratque quosdam magnitudine exempli, donec ancilla ex vulnere resecta verum aperuit. postulatusque ³ apud consules a patre interfectæ, postquam tribunatu abierat ⁴, sententia Patrum et lege ⁵ de sicariis condemnatur.

XLV. Non minus insignis eo anno impudicitia magnorum reipublicæ malorum initium fecit. erat in civitate Sabina Poppa, T. Ollio patre genita, sed nomen avi materni sumpserat, illustri memoria Poppæ Sabini, consulari et triumphali decore præfulgentis ¹: nam Ollium, honoribus ² nondum functum, amicitia Seiani pervertit. huic mulieri cuncta alia fuere præter honestum animum. quippe mater ejus, ætatis suæ feminas pulehritudine supergressa, gloriam pariter et formam dederat: opes claritudini generis sufficebant: sermo comis nec absurdum ingenium: modestiam præferre et lascivia uti: rarus in publicum egressus, idque velata parte oris, ne satiaret aspectum, vel quia sic decebat. famæ nunquam pepercit, neque affectui suo aut alieno obnoxia: unde utilitas ostendebatur, illuc libidinem transferebat. Igitur agentem eam in matrimonio Rufii Crispini, equitis Romani, ex quo filium genuerat, Otho pellexit juvena ac luxu, et quia flagrantissimus ³ in amicitia Neronis habebatur. nec mora quin adulterio matrimonium jungeretur.

— 7. Sc. dimidia: nam sic in tali re *pars... pars* intelligitur.

XLIV. 1. Pretio dato efficit ut Pontia a marito suo discederet. — 2. Purgatio. — 3. Octavius. — 4. Nam in *magistratum* lege agi non poterat, minime omnium in tribunum cujus persona sacrosancta. — 5. Cornelia (Sullana) anni U. 673, ex qua sicarii deportabantur in insulam, bonis publicatis. Reditus Octavii indicatur *Histor.* IV, 44.

XLV. 1. V. IV, 46. — 2. Sc. majoribus; nam inceperat fungi honoribus per quæsturam. — 3. Florentissimus.

XLVI. Otho, sive amore incautus, laudare *formam elegantiamque uxoris* apud Principem, sive ut accenderet. sæpe auditus est consurgens e convivio Cæsaris, *se ire ad illam, sibi concessam dictitans nobilitatem, pulchritudinem, vota omnium.* his atque talibus irritamentis non longa cunctatio interponitur: sed accepto aditu ¹, Poppæa primum per blandimenta et artes valescere, *se forma Neronis captam* simulans; mox, acri jam Principis amore, ad superbiam vertens, *nuptam esse se dictitans. nec posse matrimonium amittere, devinctam Othoni per genus vitæ, quod nemo adæquaret. illum animo et cultu magnificum; ibi se summa fortuna digna visere. at Neronem assuetudine Actes ancillæ devinctum, nihil e contubernio servili nisi abjectum et sordidum traxisse.* Dejicitur familiaritate sueta, post congressu et comitatu Otho; et ad postremum, ne in Urbe æmulatus ageret, provinciæ Lusitaniæ præficitur: ubi usque ad civilia arma ² non ex priore infamia, sed integre sancteque egit, procax otii ³ et potestatis temperantior.

XLVII. Hactenus Nero flagitiis et sceleribus velamenta quæsit. suspectabat maxime Cornelium Sullam ¹, socors ingenium ejus in contrarium trahens, callidumque et simulatorem interpretando. quem metum Graptus, ex libertis Cæsaris, usu et senecta Tiberio abusque ² domum Principum edoctus, tali mendacio intendit. Pons Mulvius ³ in eo tempore celebris luxu erat; ventitabatque illuc Nero, quo solutius Urbem extra lasciviret. igitur *regredienti per viam Flammiam compositas insidias faloque evitatas, quoniam diverso itinere Sallustianos in hortos remeaverit, auctoremque ejus doli Sullam* ementitur, quia forte, redemptibus ministris Principis, quidam per juvenilem licentiam, quæ tunc passim exercebatur, inanem metum facerant. neque servorum quisquam neque clientium Sullæ agnitus; maximeque despecta et nullius ausi capax natura ejus a crimine abhorrebat: perinde tamen quasi convictus esset, cedere patria et Massiliensium mœnibus coerceri jubetur.

XLVIII. Iisdem consulibus auditæ Puteolanorum legationes, quas diversas ordo ¹ plebsque ad senatum miserant, illi *vim multitudinis, hi magistratuum et primi cujusque avaritiam* increpantes. quinque seditio ad saxa et minas ignium progressa necem et arma perliceret ², C. Cassius adhibendo remedio delectus. quia severitatem ejus non tolerabant, precante ipso, ad Scribonios fratres ³ ea cura transfertur, data cohorte prætoriam, cujus terrore et paucorum supplicio rediit oppidanis concordia.

XLIX. Non referrem vulgatissimum senatusconsultum, quo *civitati Syracusanorum egredi numerum edendis gladiatoribus finitum* ¹ *permittebatur*, nisi Pætus Thræsea contra dixisset, præbuissetque materiem obtrectatoribus arguendæ sententiæ: « cur enim, si rempublicam egere

XLVI. 1. Ad Neronem. — 2. Post Neronem extinctum sumpta, quibus fit Imperator. — 3. In otio agendo.

XLVII. 1. De quo c. 23. — 2. A Tiberio usque. — 3. Plus tribus millibus pass. ab Urbe distans. prepe locum ubi nunc est *Torretta*.

XLVIII. 1. Sc. senatorius municipii, *decuriones*. — 2. Provocaret. — 3. Rufum et Proculum, de quibus *Histor. IV. 41*.

XLIX. 1. Edicto Augusti a. U. 752, quo bis per annum et 120 gladiatorum, non plu-

« libertate senatoria crederet, tam levia consecraretur? quin² de bello aut
 « pace, de vectigalibus et legibus, quibusque aliis Romana continentur,
 « suadere dissuadereve? Licere Patribus, quoties jus dicendæ sententiæ
 « accepissent, quæ vellent, expromere³, relationemque in ea postulare.
 « an solum emendatione dignum, ne Syracusis spectacula largius edoren-
 « tur? cetera per omnes imperii partes perinde egregia quam si non Nero,
 « sed Thræsea regimen eorum teneret? quodsi summa dissimulatione
 « transmitterentur, quanto magis inanibus abstinendum? » Thræsea contra,
 « rationem poscentibus amicis, « non præsentium ignarum » respondebat
 « ejusmodi consulta corrigere, sed Patrum honori dare, ut manifestum
 « fieret magnarum rerum curam non dissimulatu-
 « ros, qui animum etiam
 « levissimis adverterent. »

L. Eodem anno crebris populi flagitationibus immodestiam publicano-
 rum arguentis, dubitavit Nero *an cuncta vectigalia omitti¹ juberet*,
idque pulcherrimum donum generi mortalium daret. sed impetum
 ejus, multum prius laudata *magnitudine animi*, attinuerunt senatores,
dissolutionem imperii² docendo, « si fructus, quibus respublica susti-
 « neretur, diminuerentur: quippe, sublatis portoriis³, sequens, ut tribu-
 « forum⁴ abolitio expostularetur. plerasque vectigalium societates⁵ a
 « consulis et tribunis plebis constitutas, acri etiam populi Romani tum
 « libertate; reliqua mox ita provisa, ut ratio quæstum et necessitas
 « erogationum inter se congruerent. temperandas plane publicanorum cu-
 « pidines, ne per tot annos sine querela tolerata novis acerbitatibus ad
 « invidiam verterent. ».

LL. Ergo edixit Princeps, « ut leges cujusque publici¹, occultæ ad id
 « tempus, proscriberentur²; omissas petitiones³ non ultra annum resu-
 « merent; Romæ prætor, per provincias, qui pro prætore aut consule
 « essent, jura adversus publicanos extra ordinem⁴ redderent; militibus
 « immunitas servaretur, nisi in iis quæ veno exercerent⁵; » aliaque ad-
 modum æqua, quæ brevi servata, dein frustra habita⁶ sunt. manet tamen
 abolitio quadragesimæ quinquagesimæque⁷, et quæ alia exactionibus illi-
 citis nomina publicani invenerant. Temperata apud transmarinas provin-
 cias frumenti subvectio⁸; et *ne censibus negotiatorum⁹ naves ascribe-
 rentur tributumque pro illis penderent*, constitutum.

rium, commissio fieri præcipiebatur: nisi, quod probabile est, postea aliis modis con-
 stitutum. — 2. Cur non. — 3. Quod dicebatur *egredi sententiam* v. II, 58.

L. 1. Aboleri. — 2. Sc. fore. — 3. Portoria non solum sunt vectigalia rerum portus in-
 trantium, sed omnia illa quæ hodie dicuntur *peages*. — 4. Provinciis impositorum.
 — 5. Sc. exigendorum. Respublica certo pretio Equitibus locabat vectigalia, quæ illi
 exigent, *publicani* dicti, non absimiles nostratibus olim *fermiers généraux*.

LL. 1. *Publicum*, quod est reipublicæ, quod ad rempublicam redire debet; hinc signi-
 ficat *impôt*. — 2. Publico loco scriptæ proponerentur. — 3. Sc. debiti. — 4. Id est,
 ante alia negotia quæ prius ad judicem delata essent. — 5. Quæ tractarent negotiando
 et quæstu. *Exercere* dicitur de tractanda re quæ producit aliquid, ut *exercere agrum*.
 — 6. Frustrata, elusa. — 7. *Quadragesima* (pars mercium translatarum) erat portorium;
 præterea Caligula instituerat *quadragesimam litium* (rerum de quibus ad tribunal
 ibatur); hæc intelligenda videtur, quia portorium etiam post Neronem memoratur.
Quinquagesima quæ fuerit, non constat. Ceterum quæ sequuntur dubium reddunt an
 de alterutra illarum quadragesimarum cogitari oporteat. — 8. Ex provinciis Romam
 ea autem per publicanos incommoda et gravis reddebatur. — 9. Sc. frumenti.

LII. Reos¹ ex provincia Africa, qui proconsulare imperium illic habuerant, Sulpicium Camerinum et Pomponium Silvanum absolvit Cæsar, Camerinum adversus privatos et paucos, sævitiae magis quam captarum pecuniarum crimina objicientes. Silvanum magna vis accusatorum circumsteterat, poscebatque *tempus evocandorum*² *testium*: reus illico *defendi* postulabat. valuitque pecuniosa orbitate³ et senecta, quam ultra vitam eorum produxit, quorum ambitu evaserat.

LIII. Quietæ ad id tempus res in Germania fuerant ingenio ducum, qui, pervulgatis triumphi insignibus, majus ex eo decus sperabant, si pacem continuavissent. Paullinus Pompeius et L. Vetus ea tempestate exercitui præerant. ne tamen segnem militem attinerent, ille inchoatum ante tres et sexaginta annos¹ a Druso aggerem coercendo Rheno absolvit, Vetus Mosellam atque Ararim facta inter utrumque fossa connectere parabat, ut copiae par mare, dein Rhodano et Arare subvectæ per eam fossam, mox fluvio Mosella in Rhenum, exin Oceanum decurrerent, sublatisque itineris difficultatibus navigabilia inter se Occidentis Septentrionisque littora fierent. invidit operi Ælius Gracilis, Belgicæ legatus, deterrendo Veterem *ne legiones alienæ provinciae inferret studiaque Galliarum*² *affectedrei, formidolosum id Imperatori* dictitans, quo plerumque prohibentur conatus bonesti.

LIV. Ceterum continuo exercituum otio fama incessit, *ereptum jus legatis ducendi in hostem*. eoque Frisii juventutem saltibus aut paludibus, imbellem ætatem per lacus admovere ripæ¹, agrosque vacuos et militum usui sepositos insedere, auctore Verrito et Malorige, qui nationem eam regebant, in quantum Germani regnantur. jamque fixerant domos, semina arvis intulerant, utque patrium solum exercebant, quum Dubius Avilus, accepta a Paullino provincia, minitando *vim Romanam, nisi abscederent Frisii veteres in locos aut novam sedem a Cæsare impetrarent*, perpulit Verritum et Malorigen preces suscipere. profectique Romam, dum aliis curis intentum Neronem opperiuntur, inter ea, quæ barbaris ostentantur, intravere Pompeii theatrum, quo magnitudinem populi viserent. illic per otium (neque enim ludicris ignari oblectabantur) dum *consessum caveæ, discrimina ordinum, quis Eques, ubi senatus*², percunctantur, advertere quosdam cultu externo³ in sedibus senatorum; et *quinam forent* rogitantes, postquam audiverant *earum gentium legatis id honoris datum, quæ virtute et amicitia Romana præcellerent*, « nullos mortalium armis aut fide ante Germanos esse » exclamant, degrediunturque et inter Patres considunt. quod comiter a visentibus exceptum, quasi impetûs antiqui et bona æmulatione⁴. Nero civitate Romana

LII. 1. Sc. factos post discessionem *ex prov.* Nisi potius, *reos repetundarum ex administratione Africae*.—2. Ex provincia.—3. Ob quam defensores ejus heredes scriptum iri sperabant, sed frustrati sunt longa senecta divitis.

LIII. 1. A. U. 745, ut hoc, in quo versamur, anno sint sexaginta sex anni. Sed Tacitus complectitur quæ proxime præcedentibus annis in Germania acta fuerant. Adde Histor. V, 19.—2. Gratiam apud Gallos.

LIV. 1. Sc. Rheni. Sedes Frisiorum designatæ erant ante undecim annos a Corbutione: v. XI, 19.—2. Primus ordo subselliorum in orchestra, erat senatorum; post eos, Equitum.—3. Erant Parthi et Armenii.—4. Tanquam ex *impetu antiquo* factum (i. e. ex antiqua simplicitate, qua impetum animorum liberius indulgerent, nec reprimerent secundum leges usus cultioris) et *æmulatione* inter provincias Romanis utili et probata.

ambos donavit, *Frisios decedere agris* jussit, atque illis aspernantibus, auxiliaris eques repente immissus necessitatem attulit, captis cæsisve qui pervicacius restiterant.

LV. Eisdem agros Ampsivarii occupavere, validior gens, non modo sua copia, sed adjacentium populorum miseratione, quia pulsi a Chaucis et sedis inopes tutum exsilium orabant. aderatque iis ¹ clarus per illas gentes et nobis quoque fidus, nomine Boiocalus, « vinctum se rebellione Che-
« rusca ² jussu Arminii » referens, « mox Tiberio et Germanico ducibus
« stipendia meruisse; et quinquaginta annorum obsequio id quoque ad-
« jungere, quod gentem suam ditioni nostræ subjiceret. quotam partem
« campi jacere, in quam pecora et armenta militum aliquando trans-
« mitterentur? ³ Servarent sane receptos gregibus inter hominum famam;
« modo ne vastitatem et solitudinem mallent quam amicos populos. Cha-
« mayorum quondam ea arva, mox Tubantum et post Usipiorum fuisse.
« sicuti eorum diis, ita terras generi mortalium datas; quæque vacuæ, eas
« publicas esse. » solem deinde aspiciens et cetera sidera vocans, quasi
coram interrogabat, « velintne contueri inane solum? potius mare super-
« funderent adversus terrarum ereptores. »

LVI. Et commotus his Avitus, « patienda meliorum ¹ imperia : id diis,
« quos implorarent, placitum, ut arbitrium penes Romanos maneret,
« quid darent, quid adimerent, neque alios judices quam se ipsos pate-
« rentur; » hæc in publicum Ampsivariis respondit, ipsi Boiocalo *ob memo-
riam amicitie daturum agros*. quod ille ut proditiōis pretium asper-
natus, addidit, *Deesse nobis terra, ubi vivamus, in qua moriamur,*
non potest. atque ita intensis utrimque animis discessum. Illi Bructeros,
Tencteros, ultiores etiam nationes socias bello vocabant. Avitus scripto
ad Curtium Manciam, superioris ² exercitus legatum, *ut Rhenum trans-
gressus, arma a tergo ostenderet*, ipse legiones in agrum Tencterum
induxit, *excidium* minitans, *nisi causam suam dissociarent.* igitur ab-
sistentibus his, pari metu exterriti Bructeri, et, ceteris quoque aliena pe-
ricula defendentibus ³, sola Ampsivariorum gens retro ad Usipios et Tu-
bantes concessit. quorum terris exacti, quum Chattos, dein Cheruscos
pessissent, errore longo, hospites, egeni, hostes, in alieno, quod juven-
tutis erat, caduntur; imbellis ætas in prædam divisa est.

LVII. Eadem æstate inter Hermunduros Chattosque certatum magno
prælio, dum flumen gignendo sale secundum et conterminum ¹ vi tra-
hant ², super libidinem cuncta armis agendi religione insita, « eos ma-
« xime locos propinquare cælo ³ precesque mortalium a deis nusquam

LV. 1. Eorum causam agebat, tanquam patronus, qui proprie dicuntur *adesse* iis
quos defendunt. — 2. Ex qua Variana clades. — 3. Valde parvam partem campi ipsis inu-
tilem reddi transmissis ex altera ripa Rheni in eam pecoribus militum, neque semper,
sed *aliquando*. — 4. Servarent Romani Ampsivarios *inter hominum famam*, inter
eos populos de quibus homines inter se loquuntur, inter populos qui exstant, *suum*
nomen gerunt, quamquam non daturi agros proprios, certe recipientes eos inter greges
suos, eos agros concedendo, quorum pars exigua a gregibus militum Romanorum depa-
scitur.

LVI. 1. Potentiorum. — 2. In superiore Germania positi. — 3. Ab se arcentibus.

LVII. 1. *Salam*, vel Saxoniam, vel Franconiam. — 2. Sc. ad se : sibi invicem vindi-
cant. — 3. Nam sunt montani et saltuosi.

« propius audiri. inde indulgentia numinum illo in amne illisque silvis
 « salem provenire, non, ut alias apud gentes, eluvie maris arescente unda,
 « sed super ardentem arborum struem fusa ex contrariis inter se elemen-
 « tis. igne atque aquis, concretum. » sed bellum Hermunduris prosperum,
 Chattis exitiosius fuit ⁴, quia *victores diversam aciem Marti ac Mercurio* ⁵ sacravere, quo voto equi, viri, cuncta victa occidioni dantur. Et minæ quidem hostiles in ipsos ⁶ vertebant. sed civitas Ubiorum ⁷, socia nobis, malo improvise afflictæ est. nam ignes terra editi villas, arva, vicos passim corripiebant, ferebanturque in ipsa conditæ nuper coloniæ ⁸ mœnia. neque exstingui poterant, non si imbres caderent, non si fluvialibus aquis aut quo alio humore ⁹, donec inopia remedii et ira cladis agrestes quidam eminus saxa jacere, dein residentibus flammis propius sgressi, ictu fustium aliisque verberibus ut feras absterrebant: postremo tegmina corpori derepta injiciunt, quanto magis profana et usu polluta, tanto magis oppressura ignes.

LVIII. Eodem anno Ruminalem arborem ¹ in comitio, quæ super octingentos et quadraginta ² ante annos Remi Romulique infantiam texerat, mortuis ramalibus et arescente trunco diminutam prodigii loco habitum est, donec in novos fetus reviresceret

4. Chattis exitiosum fuit (quod inest per oppositionem in præcedentibus *Hermunduris prosperum*) et *exitiosius* eo, quia etc.—5. Conf. *Germ.* c. 9.—6. Sc. hostes. quod inest in voc. *hostiles*.—7. In manuscr. *Vibonum*.—8. Agrippinæ, h. Cologne.—9. Supple *exstinguere tentarent*.

LVIII. 1. Ficum, sub qua Romulum et Remum a lupa nutritos ferebant. *Comitium* erat locus editior in foro Romano prope rostra, ubi populus consultatum coibat.—2. *Triginta* secundum scriptores hodie servatos: Tacitus ignotos nobis secutus videtur, eoque magis si optimorum manuscriptorum auctoritatem sequamur, præbentium quæ *septingentos et quadraginta*.



LIBER QUARTUS DECIMUS.

ARGUMENTUM.

Cap. 1. Nero matris cædem agitat, incitante Poppæa.—2. Agrippina incestum tentat : an Nero potius? — 3. de cæde matris deliberat Nero. Aniceti consilium. — 4. Agrippinæ cum Nerone scelus celante convivium. — 5. Mari mergenda agre evadit. Acerronia remis conficitur.—6. Agrippina dissimulat. — 7. Nero trepidat, cum Burro et Seneca deliberat. Anicetus cædem Agrippinæ suscipit — 8. et perpetrat.—9. Agrippinæ vires exsequiæ. — 10. Nero conscientia vecors adulatione erigitur.—11. Litteris ad senatum matrem etiam post fata criminatur. — 12. senatus turpiter adulatur. Thrasea Pætus virum se præstat. Nero mite ingenium affectat.

15. Urbem intrat anxius; blanditias expertus, in omnes libidines se effundit. — 14. citharædus, auriga, nobiles ad parva flagitia adigit.—13. Juvenalia. Nero in scena. Augustanos conscribit. — 16. Carmina pangit, philosophos ridet. — 17. Cædes inter Nucerinos et Pompeianos occasione gladiatorum spectaculi.—18. Blæsus damnatur. Strabo absolvitur. —19. Mors Boniti Afri, M. Servili.—20. Quinquennale ludicrum Romæ. Varia de ludis fama; eorum vituperia,—21. laudes et excusatio. Nero eloquentiæ victor.—22. Portentis commotus Rubellium Plautum in exsilium agit.

25. Corbulo Mardorum latrocinia punit —24. Percussorem vitat, Tigranocerta capit.—23. Hyrcanos in societatem recipit. — 26. Tiridaten arcet ab Armenia, quam tradit Tigrani. Syriæ præbetur.—27. Puteoli, Tarentum, Antium coloniæ.—28. Comitia prætoria. Vibius damnatus.

29. Clades Britannica. Suetonius Monan invadit,—30. incolæ domat.—31. Ierni Boudicca duce et Trinobantes rebellant,—32. Camulodunum expugnant, Petilium Cerialem cum nona legione fundunt. — 33. a Suetonio desertum Londinium et Verulamium spoliant, cives et socios Romanorum trucidant. — 34-37. Boudiccam ferocientem superat Suetonius : ipsa veneno vitam finit. Ponnus Postumus gladio se transigit.—38. Classicianus Suetonio discors res turbat. — 39. Missus Polycletus hostibus est irrisui. Suetonio Petronius Turpilianus successor datus.

40, 41. Ob falsum testamentum damnati. — 42. Pedanius Secundus Urbis præfectus a servis casus.—43, 44. In eos lege agi vult C. Cassius, et—45. contra aliorum sententiam obtinet, populum supplicio renitentem Nero increpat. — 46. Tarquiti Priscus damnatus. Census per Gallias actus.—47. Mors et laus Memmii Reguli.—48. Antistius majestatis delatus. — 49. a Thrasea defensus. — 50. Fabricius Veiento calumniæ reus Italia pellitur.

51. Burri mors, laus, successores Rufus et Tigellinus.—52-54. Criminationes discutere parat Seneca apud Cæsarem et comæatum petit : qui — 53, 56. subdole respondet. — 57-59. Rufum imminuit Tigellinus, Plauto et Sullæ periculum struit : eos opprimit.

60. Nero ducta Poppæa Octaviam amolitur, tum hanc revocat, lætante populo. Poppææ mox honores repositus; ejus doli. — 62-64. Aniceti scelere Octavia in exsilium pulsa necatur in Pandateria. Temporum infelicitas. — 65. Libertos Doryphorum et Pallantem veneno tollit Nero. Seneca incusatur. Piso Neroni insidiatur.

Gesta hæc annis circiter quattuor; p. Chr. 59-62.

I. C. Vipstano, Fonteio Coss¹. diu meditatum scelus non ultra Nero distulit, vetustate imperii coalita² audacia, et flagrantior in dies amore Poppææ, quæ, sibi matrimonium et discidium Octaviæ incolumi Agrippina haud sperans, crebris criminationibus, aliquando per facetias incu-

1. A. U. 812, p. Chr. 59. — 2. Aucta

saret Principem et *pupillum* vocaret, « qui jussis alienis obnoxius, non
 « modo imperii, sed libertatis etiam indigeret. cur enim differri nuptias
 « suas? Formam scilicet displicere et triumphales avos³. an fecunditatem
 « et verum animum timeri⁴, ne uxor saltem injurias Patrum, iram po-
 « puli adversus superbiam avaritiamque matris aperiat? Quodsi nulum
 « Agrippina non nisi filio infestam ferre posset, reddatur ipsa Othonis
 « conjugio. ituram quoquo terrarum, ubi audiret potius contumelias Im-
 « peratoris, quam viseret, periculis ejus immixta. » Hæc atque talia Iacri-
 mis et arte adulteræ penetrantia nemo prohibebat, cupientibus cunctis
 infringi matris potentiam, et credente nullo usque ad cædem ejus dura-
 tura filii odia.

II. Tradit Cluvius « ardore retinendæ Agrippinam potentiæ eo usque
 « provectam, ut medio diei¹, quum id temporis Nero per vinum et epulas
 « incalesceret, offerret se sæpius temulento comptam et incesto paratam.
 « jamque prænuntias flagitii blanditias annotantibus proximis, Senecam
 « contra muliebres illecebras subsidium a femina petivisse, immissamque
 « Acten libertam, quæ simul suo periculo et infamia Neronis anxia, deferret
 « pervulgatum esse incestum, gloriante matre, nec toleraturos milites
 « profani Principis imperium. » Fabius Rusticus, non Agrippinæ, sed
 Neroni cupitum id memorat, ejusdemque libertæ astus disjectum. sed
 quæ Cluvius, eadem ceteri quoque auctores prodidere, et fama huc in-
 clinat, seu concepit animo tantum immanitatis Agrippina, seu credibilior
 incesti meditatio visa est, in muliere, quæ spe dominationis per omnem
 vitam infanda admiserat.

III. Igitur Nero vitare secretos ejus congressus, abscedentem in hortos
 aut Tusculanum vel Antiatem in agrum laudare, quod otium lacerasset¹.
 postremo, ubicumque haberetur, prægravem ratus, interficere constituit,
 hactenus consultans, veneno, an ferro, vel qua alia vi. placuitque pri-
 mo venenum. sed inter epulas Principis si daretur, referri ad casum non
 poterat, tali jam Britannici exitio, et ministros tentare arduum videbatur
 mulieris usu scelerum adversus insidias intentæ; atque ipsa præsumendo
 remedia munierat corpus. ferrum et cædes quonam modo occultaretur,
 nemo reperiebat; et ne quis illi tanto facinori delectus jussa sperneret,
 metuebat. Obtulit ingenium² Anicetus libertus, classi apud Misenum præ-
 fectus et pueritiæ Neronis educator ac mutuis odiis Agrippinæ invisus.
 ergo navem posse componi docet, « cujus pars ipso in mari per artem
 « soluta effunderet ignaram. nihil tam capax fortuitorum quam mare, et
 « si naufragio intercepta sit, quem adeo iniquum, ut scelerei assignet quod
 « venti et fluctus deliquerint? additurum Principem defunctæ templum et
 « aras et cetera ostentandæ pietati. »

IV. Placuit sollertia, tempore etiam adjuta, quando Quinquatruum
 festos dies¹ apud Baias frequentabat. illuc matrem elicit, ferendas pa-

3. De uno avo a matre Poppæo Sabino (v. IV, 46) per exaggerationem dictum.—4. Au-
 timeat Nero fecunditatem ipsius (filium habebat ex Rufio Crispino, Octavia non peperit)
 et quæ sentiat sine ambagibus profitentem, ne per eam superbia matris innotescat.

II. 1. Quo tempore intempestivæ erant epulæ, ex moribus Romanorum.

III. 1. Experiretur, capesseret.—2. Sc. suum, machinas ab se inventas.

IV. 1. Quinque, inde a die 19 Martio celebratas Minervæ.—2. Græco βοάδεια (statio

rentum iracundias, et placandum animum dictitans, quo rumorem reconciliationis efficeret, acciperetque Agrippina, facili feminarum credulitate ad gaudia. venientem dehinc obvius in littora (nam Antio adventabat) excepit manu et complexu, ducitque Baulos: id villæ nomen ² est, quæ promontorium Misenum inter et Baianum lacum flexo mari alluitur. stabat inter alias navis ornatior, tamquam id quoque honori matris daretur: quippe sueverat triremi et classiariorum remigio vehi. ac tum invitata ad epulas erat, ut occultando facinori nox adhiberetur. satis constitit exstitisse proditorem et Agrippinam, auditis insidiis, an crederet ambiguum, gestamine sellæ Baias pervectam. ibi blandimentum sublevavit metum: comiter excepta superque ipsum collocata. nam pluribus sermonibus modo familiaritate juvenili Nero, et rursus adductus ³, quasi seria consociaret, tracto in longum convictu, prosequitur abeuntem, arctius ⁴ oculis et pectori hærens, sive explenda simulatione, seu perituræ matris supremus aspectus quamvis ferum animum retinebat.

V. Noctem sideribus illustrem et placido mari quietam quasi convincendum ad scelus dii præbuere. nec multum erat progressa navis, duobus e numero familiarium Agrippinam comitantibus, ex quibus Crepereius Gallus haud procul gubernaculis astabat, Acerronia super pedes cubitantis reclinis *pœnitentiam filii et reciperatam matris gratiam* per gaudium memorabat, quum dato signo ruere tectum loci multo plumbo grave; pressusque Crepereius et statim exanimatus est. Agrippina et Acerronia eminentibus lecti parietibus ac forte validioribus quam ut oneri cederent, protectæ sunt. nec dissolutio navigii sequebatur, turbatis omnibus, et quod plerique ignari etiam conscios impediabant. Visum dehinc remigibus *unum in latum inclinare atque ita navem submergere*. sed neque ipsis promptus in rem subitam consensus, et alii contra nitentes dedere facultatem lenioris in mare jactus. verum Acerronia imprudentiâ, dum *se Agrippinam esse atque subveniretur matri Principis* clamitat, contis et remis et, quæ fors obtulerat, navalibus telis ¹ conficitur. Agrippina silens, eoque minus agnita, unum tamen vulnus humero excepit. nando, deinde occursum le-nunculorum Lucrinum in lacum vecta, villæ suæ infertur.

VI. Illic reputans ideo se fallacibus litteris accitam et honore præcipuo habitam, quodque littus juxta, non ventis acta, non saxis impulsâ navis summa sui parte veluti terrestre machinamentum concidisset; observans etiam Acerroniæ necem, simul suum vulnus aspiciens: solum insidiarum remedium esse ¹, si non intelligerentur, misitque libertum Agerinum, qui nuntiaret filio, *benignitate deum et fortuna ejus evasisse gravem casum; orare ut quamvis periculo matris exterritus, visendi curam differret; sibi ad præsens quiete opus*. atque interim, securitate simulata, medicamina vulneri et fomenta corpori adhibet; *testamentum Acerroniæ requiri, bonaque obsignari jubet*: id tantum non per simulationem ².

VII. At Neroni, nuntios patrati facinoris opperienti, affertur *evasisse*

houm), quia Hercules ereptis bubus Geryonis ibi caulam fecerit. Olim Hortensii oratoris erat, unde hodieque locus ille dictus *peschiera d'Ortensio*. — 3. Severo, gravi vultu. —

4. Ultra modum veræ affectionis.

V. 1. Instrumentis navalibus in telorum usum conversis.

VI. 1. Sc. sensit. — 2. Sc. egit, cetera per simulationem, ut dictum, agens.

ictu levi sauciam, et hactenus ¹ *adito discrimine ne auctor dubitaretur. tum pavore exanimis, et jam jamque affore obtestans vindictæ properam, sive servilia armaret vel militem accenderet, sive ad senatum et populum pervaderet, naufragium et vulnus et interfectos amicos objiendo. quod contra subsidium sibi? nisi quid Burrus et Seneca expedirent. quos statim acciverat, incertum an et antè ignaros. igitur longum utriusque silentium, ne irriti* ² *dissuaderent, an eo descensum credebant, ut, nisi præveniretur Agrippina, pereundum Neroni esset. post Seneca, hactenus promptior* ³ *respiceret Burrum ac sciscitaretur an militi imperanda cædes esset. Ille prætorianos toti Cæsarum domui obstrictos, memoresque Germanici nihil adversus progeniem ejus atrox ausuros respondit: perpetraret Anicetus promissa. qui nihil cunctatus poscit summam sceleris* ⁴ *ad eam vocem Nero, illo sibi die dari imperium, auctoremque tanti muneris libertum profitetur: iret propere, duceretque promptissimos ad jussa. ipse, audito venisse missu Agrippinæ nuntium Agerinum, scenam* ⁵ *ultra criminis parat, gladiumque, dum mandata perfert, abjicit inter pedes ejus. tum quasi deprehenso vincla injici jubet, ut exitium Principis molitam matrem et pudore deprehensi sceleris sponte mortem sumpsisse confingeret.*

VIII. Interim vulgato Agrippinæ periculo, quasi casu evenisset, ut quisque acceperat, decurrere ad littus. hi molium objectus, hi proximas scaphas scandere; alii, quantum corpus sinebat, vadere in mare; quidam manus protendere; questibus, votis, clamore diversa rogitantium aut incerta respondentium omnis ora compleri; affluere ingens multitudo cum luminibus, atque ubi incolumem esse pernotuit, ut ad gratandum sese expedire, donec aspectu armati et minitantis agminis disjecti sunt. Anicetus villam statione circumdat, refractaque janua obvios servorum arripit, donec ad fores cubiculi veniret: cui pauci astabant, ceteris terrore irrumpentium exterritis. cubiculo modicum lumen inerat et ancillarum una, magis ac magis anxia Agrippina, quod nemo a filio ac ne Agerinus quidem: aliam fere littore faciem nunc, solitudinem ac repentinos strepitus et extremi mali indicia. abeunte dehinc ancilla, *Tu quoque me deseris*, prolocuta, respicit Anicetum trierarcho ¹ Herculeio et Obarito centurione clasario comitatum, ac, *si ad visendum venisset, refotam nuntiaret; sin facinus patraturus, nihil se de filio credere; non imperatum parricidium.* circumstant lectum percussores et prior trierarchus fusti caput ejus afflixit: nam in mortem centurioni ferrum destringenti protendens uterum, *ventrem feri* exclamavit; multisque vulneribus confecta est.

IX. Hæc consensu produntur. aspexeritne matrem exanimem Nero et formam corporis ejus laudaverit, sunt qui tradiderint, sunt qui abnuant. Cremata est nocte eadem, convivali lecto et exsequiis vilibus; neque, dum Nero rerum potiebatur, congesta aut clausa humus. mox domesticorum cura levem tumultum accepit viam Miseni propter et villam Cæsaris dictatoris,

VII. 1. In tantum; ne, ut non: ut de auctore facinoris dubitatio esse non posset. — 2. Vana et irrita futura loquentes. Sequens *an* indicat, etiam hanc rationem de conjectura Taciti positam esse. — 3. Usque eo, quod primus respondit, non ultra. — 4. Sibi totam rem mandari. — 5. Confictionem, speciem externam, ut in spectaculo.

VIII. 1. Præfecto tricensis.

quæ subjectos sinus editissima prospectat. accenso rogo libertus ejus, cognomento Mneſter, ipse se ferro tranſegit, incertum caritate in patronam an metu exitii. Hunc ſui finem multos ante annos crediderat Agrippina contempſeratque. nam conſulenti ſuper Nerone reſponderunt Chaldæi *fore ut imperaret matremque occideret*: atque illa, *Occidat, inquit, dum imperet*.

X. Sed a Cæſare, perfectæ demum ſcelere, magnitudo ejus intellecta eſt. reliquum noctis modo per ſilentium defixus, ſæpius pavore exurgens et mentis inops, lucem opperiebatur tanquam exitium allaturam. atque eum, auctore Burro, prima centurionum tribunorumque adulatio ad ſpem firmavit, preſantium manum gratantiumque *quod diſcrimen improvium et matris facinus evaſiſſet*. amici dehinc adire templa, et cœpto exemplo, proxima Campaniæ municipia victimis et legationibus lætitiâ teſtari: ipſe, diverſa ſimulatione, mœſtus et quaſi incolumitati ſuæ infeſus ac morte parentis illacrimans.

XI. Quia tamen non, ut hominum vultus, ita locorum facies mutantur, obverſabaturque maris illius et littorum gravis aspectus (et erant qui crederent ſonitum tubæ collibus circum editis planctusque tumulto matris audiri), Neapolim conceſſit, litterasque ad ſenatum miſit, quarum ſumma erat « repertum cum ferro percussoſem Agerinum, ex intimis Agrippinæ libertis, et luiſſe eam pœnam conſcientiâ¹ qua ſcelus paraviſſet. » Adjiciebat crimina longius repetita, « quod conſortium imperiî, « juraturasque in ſeminæ verba prætorias cohortes, idemque dedecus ſenatus et populi ſperaviſſet, ac poſteaquam fruſtra oblata ſit, infeſa militi Patribusque et plebi, diſſuaſiſſet donativum et congiarium², periculaque viris illuſtribus inſtruxiſſet. quanto ſuo labore perpetratum, ne « irrumperet curiam, ne gentibus externis reſponſa daret³? » Temporum quoque Claudianorum obliqua inſectatione cuncta ejus dominationis flagitia in matrem tranſtulit, *publica fortuna exſtinctum* referens: namque et naufragium narrabat⁴: quod fortuitum fuiſſe, quis adeo hebes inveniretur ut crederet? aut a muliere naufraga miſſum cum telo unum, qui cohortes et claſſes Imperatoris perfringeret⁵? Ergo non jam Nero, cujus inhumanitas omnium queſtus anteibat, ſed adverſo rumore Seneca erat, *quod oratione tali confeſſionem ſcripſiſſet*.

XII. Miro tamen certamine procerum decernuntur *ſupplicationes apud omnia pulvinaria*¹, utque *Quinquatrus*, quibus *apertæ eſſent inſidiæ*, ludis annuis celebrarentur; aureum *Minervæ ſimulacrum* in curia et juxta Principis imago ſtatuerentur; dies natalis Agrippinæ inter neſtoſus eſſet. Thraſea Pætuſ, ſilentio vel brevi aſſenſu priores adulationes tranſmittere ſolituſ, exiit tum ſenatu; ac ſibi cauſam periculi fecit, ceteris libertatis initium non præbuit. Prodigia quoque crebra et

XI. Per ſe, manibus ſibi illatiſ urgentè conſcientiâ, quoniam filio percussoſem immiſiſſet.—2. V. XII, 41.—3. Conf. XIII, 3.—4. Quod ſcilicet placido mari mirum in modum paſſa eſſet Agrippina, *Fortuna* populi Romani ita parante. *Sequentia Taciti ſunt, non ex epistoſa*.—5. Vi ſua perrumperet, penetraret.

XII. 1. Omnium deorum pulvinaria, i. e. ut ſupplicatum iret populuſ ad omnia templa, in quibus *lectiſternia* aut *ſellitſternia* fierent: ſternebantur enim lecti diis maribus, teminiſ ſellæ circum aras carniſus victimarum onerati, et imponebantur illiſ ſtatue deorum tanquam cœnaturæ.

irrita² intercessere. anguem enixa mulier; jam sol repente obscuratus, et tactæ de cœlo quattuordecim Urbes regiones: quæ adeo sine cura deum eveniebant, ut multos post annos Nero imperium et scelera continuaverit. Ceterum quo gravaret invidiam matris, eaque demota auctam lenitatem suam testificaretur, feminas illustres Juniam et Calpurniam³, præfectura functos Valerium Capitonem et Licinium Gabolum sedibus patriis reddidit, ab Agrippina olim pulsos. etiam Lollia Paullina⁴ cineres reportari sepulchrumque exstrui permisit; quosque ipse nuper relegaverat, Iturium et Calvisium⁵ poena exsolvit. nam Silana fato functa erat, longinquo ab exsilio Tarentum regressa, labante jam Agrippina, cujus inimicitia conciderat, vel tandem mitigata.

XIII. Cunctari in oppidis Campaniæ, *quonam modo Urbem ingrederetur, an obsequium senatus, an studia plebis reperiret* anxius. contra deterrimus quisque, quorum non alia regia fecundior exstitit, *invisum Agrippinae nomen et morte ejus accensum populi favorem* disserunt: *iret intrepidus et venerationem sui coram experiretur*. simul *prægredi* exposcunt. et promptiora, quam promiserant, inveniunt, obvias tribus, festo cultu senatum, conjugum ac liberorum agmina per sexum et ætatem disposita, exstructos, qua incederet, spectaculorum gradus¹, quo modo triumphii visuntur. Hinc superbus ac publici servitii victor Capitolium adiit, grates exsolvit, seque in omnes libidines effudit, quas male coercitas qualiscunque matris reverentia tardaverat.

XIV. Vetus illi cura erat curriculo¹ quadrigarum insistere, nec minus fœdum studium cithara ludicrum in modum² canere, quum cœnaret: quod *regium et antiquis ducibus factitatum*³ memorabat, *idque vatium laudibus celebre et deorum honori datum. enimvero cantus Apollini sacros, talique ornatu astare, non modo Græcis in urbibus, sed Romana apud templa numen præcipuum et præscium*. Nec jam sisti poterat, quum Senecæ ac Burro visum, ne utraque pervinceret⁴, alterum concedere. clausumque valle Vaticana spatium, in quo equos regeret, haud promiscuo spectaculo. mox ultro⁵ vocari populus Romanus, laudibusque extollere, ut est vulgus cupiens voluptatum et, si eodem Princeps trahat, lætum. Ceterum evulgatus pudor non satietatem, ut rebantur, sed incitamentum attulit. ratus dedecus molliri, si plures fœdasset, nobilium familiarum posteros egestate venales in scenam deduxit: quos fato perfunctos ne nominatim tradam, majoribus eorum tribuendum puto; et ejus flagitium est, qui pecuniam ob delicta potius dedit quam ne delinquerent. notos quoque Equites Romanos operas arenæ promittere subegit donis ingentibus, nisi quod merces ab eo, qui jubere potest, vim necessitatis affert.

XV. Ne tamen adhuc publico theatro debonestaretur, instituit ludos *juvenalium* vocabulo¹, in quos passim nomina data: non nobilitas cui-

—2. Inania. —3. V. XII, 22.—4. V. XIII, 19 et 22.

XIII. 1. Loca, ex quibus spectetur, per gradus structa. Ceterum alii scriptores maledicta quoque et convicia hominum Neronianis per illud iter oblata esse narrant.

XIV. 1. Pro *curru*. ut alibi quando de ludis agitur.—2. Ut in ludis et spectaculis fieri solet, non ut in oblectatione domestica. Sic *ludicræ artes* c. 16.—3. Ut Herculi, Achilli, principibus multis Græciæ, post cœnam inter suos.—4. Vi obtineret utrumque, et auri-gandi et canendi libidinem.—5. Quasi dicas, ulterius progrediendo.

XV. 1. Eo tempore quo barbam primum posuit; etiam privatis festi domestici occa-

quam, non ætas aut acti honores impedimento, quominus Græci Latine histrionis artem exercerent usque ad gestus modosque haud viriles. quin et feminae illustres deformia meditari; exstructaque apud nemus, quod navali stagno circumposuit Augustus², conventicula et cauponæ, et posita veno irritamenta luxui. dabanturque stipes³, quas boni necessitate, intemperantes gloria consumerent. Inde gliscere flagitia et infamia; nec ulla moribus olim corruptis plus libidinum circumdedit quam illa colluvies. vix artibus honestis pudor retinetur; nedum inter certamina vitiorum pudicitia aut modestia aut quicquam probi moris reservaretur. Postremus ipse scenam incedit, multa cura tentans citharam et præmeditans assistentibus. facies accesserat⁴, cohors militum, centuriones tribumique et mœrens Burrus ac laudans. tuncque primum conscripti sunt Equites Romani cognomento *Augustanorum*, ætate ac robore conspicui, et pars ingenio procaces, alii in spe potentia⁵. hi dies ac noctes plausibus personare formam Principis vocemque deum vocabulis appellantes⁶; quasi per virtutem clari honoratique agere⁷.

XVI. Ne tamen ludicræ tantum Imperatoris artes notescerent, carminum quoque studium affectavit, contractis quibus aliqua pangendi facultas, necdum insignis erat. hi acciti considerare simul et allatos vel ibidem repositos versus connectere atque ipsius verba quoquo modo prolata supplere. quod species ipsa carminum docet, non impetu et instinctu nec ore uno fluens. Etiam sapientiæ doctoribus tempus impartiebat post epulas, ut contraria asseverantium discordiæ eruerentur¹; nec deerant qui ore vulgusque tristi inter oblectamenta regia spectari cuperent.

XVII. Sub idem tempus levi contentione atrox cædes orta inter colonos Nucerinos Pompeianosque, gladiatorio spectaculo, quod Livineius Regulus, quem motum senatu retuli¹, edebat. quippe oppidanâ lasciviâ invicem incessentes probra, deinde saxa, postremo ferrum sumpsere, validiore Pompeianorum plebe, apud quos spectaculum edebatur. ergo deportati sunt in Urbem multi e Nucerinis trunco per vulnera corpore², ac plerique *liberorum aut parentum mortes* dellebant. cujus rei iudicium Princeps senatui, senatus consulibus permisit. et rursus re ad Patres relata prohibiti publice in decem annos ejusmodi cætu Pompeiani, collegiaque³ quæ contra leges instituerant, dissoluta; Livineius et qui alii seditionem conciverant, exsilio multati sunt.

XVIII. Motus senatu et Pedius Blæsus accusantibus Cyrenensibus *volutum ab eo thesaurum Æsculapii¹ delectumque militarem pretio et ambitione corruptum²*. Iidem Cyrenenses reum agebant Acilium Strabonem prætoria potestate usum et missum disceptatorem a Claudio agro-

sionem dedit barba rasa juvenum in viros transeuntium. — 2. V. XII, 86.—3. Sc. ad ludos; ex usu, sed olim honestiore.—4. Dum præmeditabatur Nero, loco accesserat species consentanea tali spectaculo: frequentia, attenti vultus, custodia major, etc.—5. Repete *procaces*; quia potentiam sperabant. Plura de his Augustanis Sueton. c. 20, 25.—6. Vocem *cælestem*, ipsum *Apollinem*.—7. Vivere, esse.

XVI. 1. In lucem proferrentur, apparerent.

XVII. 1. In deperdita parte Annalium.—2. Ad accusationem Pompeianorum et specimen facinoris.—3. Sodalitia.

XVIII. 1. Cujus templum celebre et donariis dives erat Cyrenæ.—2. Ita ut vacationem

rum, quos regis Apionis quondam avitos³ et populo Romano cum regno relictos proximus quisque possessor invaserant, diutinaque licentia et injuria quasi jure et æquo nitebantur. igitur adjudicatis agris orta adversus judicem invidia; et senatus *ignota sibi esse mandata Claudii et consulendum Principem* respondit. Nero, probata Strabonis sententia, *se nihilominus subvenire sociis et usurpata concedere* scripsit.

XIX. Sequuntur virorum illustrium mortes, Domitii Afri et M. Servilii, qui summis honoribus et multa eloquentia viguerant, ille orando causas, Servilius diu foro, mox tradendis rebus Romanis celebris et elegantia vitæ; quam clariorem effecit, ut par ingenio, ita morum diversus¹.

XX. Nerone quartum, Cornelio Cosso Coss.¹ quinquennale ludicrum Romæ institutum est ad morem Græci certaminis², varia fama, ut cuncta ferme nova. quippe erant qui « Cn. quoque Pompeium incusatum a senioribus » ferrent, « quod mansuram theatri sedem posuisset³: nam antea « subitariis gradibus et scena in tempus structa ludos edi solitos, vel si « vetustiora repetas, stantem populum spectavisse⁴; si consideret,⁵ theatro dies totos ignaviâ continuaret. ne spectaculorum quidem anti- « quitas servaretur, quoties prætores ederent, nulla cuiquam civium necessitate certandi⁶. ceterum abolitos paullatim patrios mores funditus « everti per accitam lasciviam, ut, quod usquam corrumpi et corrumpere « queat, in Urbe visatur, degeneretque studiis externis juvenus gymnasia « et otia et turpes amores exercendo, Principe et senatu auctoribus, qui « non modo licentiam vitiis permiserint, sed vim adhibeant; proceres Romanis, specie orationum et carminum, scenâ polluantur. quid superesse « nisi ut corpora quoque nudent et cæstus assumant, easque pugnas pro « militia et armis meditentur? an justitiam augeri et decurias Equitum⁷ « egregium judicandi munus expleturos⁸, si fractos sonos et dulcedinem « vocum perite audissent? noctes quoque dedecori adjectas, ne quod « tempus pudori relinquantur, sed cœtu promiscuo, quod perditissimus « quisque per diem concupiverit, per tenebras audeat. »

XXI. Pluribus ipsa licentia placebat, ac tamen honesta nomina prætendebant: « majores quoque non abhorruisse spectaculorum oblectamentis « pro fortuna, quæ tum erat¹, eoque a Tuscis accitos histriones², a Thuriis equorum certamina; et possessa Achaia Asiaque ludos curatius « editos; nec quemquam Romæ honesto loco ortum ad theatrales artes « degeneravisse, ducentis jam annis a L. Mummii triumpho³, qui primus

militiæ daret vel pretio vel ob auctoritatem familiarem. — 5. Qui regis essent, ab avis usque traditi. Apio, postremus Lagidarum in regno Cyrenaicæ, Romanis eam legaverat a. U. 660.

XIX. 1. Sc. a Domitio, de quo supra IV, 52: *Prosperiore eloquentiæ quam morum fama fuit.*

XX. 1. A. U. 813, p. Chr. 60. — 2. Ludorum Olympiorum, Pythiorum, etc. — 3. A. U. 689, 40,000 spectantium capacem. — 4. Conf. Valer. Max. II, 4, 2. — 5. Sc. eventum ut. — 6. Sed ut illa concedas, nunc ne ipsorum quidem spectaculorum morem antiquum servari, secundum quem, quoties prætor, ut olim, eos ederet, non, ut nunc, Imperator et senatus, nemo quisquam civium in scena certare coactus. — 7. Equites in quinque decurias descriptos, penes quos judicia. — 8. Consummate et perfecte administratos.

XXI. 1. Sc. modica: quare spectacula rudia. — 2. Vide Livium VII, 2. Idem I, 53 *equorum certamina* ab iisdem Tuscis derivat. — 3. De Achæis et Corinthiis acto a. U. 608.

« id genus spectaculi in Urbe præbuerit. sed et consultum parcimoniae, « quod perpetua sedes theatro locata sit potius quam immenso sumptu « singulos per annos consurgeret, destrueretur. nec perinde magistratus⁴ « rem familiarem exhausturos, aut populo efflagitandi Græca certamina a « magistratibus causam fore, quum eo sumptu respublica fungatur. ora- « torum ac vatum victorias incitamentum ingeniis allaturas; nec cuiquam « iudici grave aures studiis honestis et voluptatibus concessis impartire. « lætitiæ magis quam lasciviæ dari paucas totius quinquennii noctes, qui- « bus tanta luce ignium nihil illicitum occultari queat. » Sane nullo in- signi dehonestamento id spectaculum transiit. ac ne modica quidem studia plebis exarsere, quia redditus quamquam scenæ pantomimi certa- minibus sacris⁵ prohibebantur. Eloquentiæ primas nemo tulit, sed *victorem esse Cæsarem* pronuntiatum. Græci amictus, quis per eos dies ple- rique incesserant, tum exoleverant⁶.

XXII. Inter quæ et sidus cometes effulsit: de quo vulgi opinio est tam- quam mutationem regnis portendat. igitur quasi jam depulso Nerone, quisnam deligeretur, anquirebant. et omnium ore Rubellius Plautus¹ ce- lebratur, cui nobilitas per matrem ex Julia familia ipse placita majorum colebat, habitu severo, casta et secreta domo, quantoque metu occultior, tanto plus famæ adeptus. Auxit rumorem pari vanitate orta interpretatio fulguris. nam quia discumbentis Neronis apud Simbrina stagna, cui *Sub- lacum* nomen est², iclæ dapes mensaque disjecta erat, idque finibus Tiburtum acciderat, unde paterna Plauto origo, hunc illum numine deum destinari credebant, fovebantque multi, quibus nova et ancipitia præco- lere avida et plerumque fallax ambitio est. Ergo permotus iis Nero com- ponit ad Plautum litteras, *consuleret quieti Urbis seque prava diffamantibus³ subtraheret: esse illi per Asiam aridos agros, in quibus tula et inturbida iuventa frueretur.* ita illuc cum conjuge Antistia et paucis familiarium concessit. Iisdem diebus nimia luxus cupido infamiam et pe- riculum Neroni tulit, quia fontem aquæ Marcie ad Urbem deductæ⁴ nando incesserat; videbaturque potus sacros⁵ et cærimoniam loci corpore loto polluisse. secutaque anceps valetudo iram deum affirmavit.

XXIII. At Corbulo post deleta Artaxata¹ utendum recenti terrore ratus ad occupanda Tigranocerta, quibus excisis metum hostium intenderet vel, si pepercisset, clementiæ famam adipisceretur, illuc pergit, non infenso exercitu, ne spem veniæ auferret, neque tamen remissa cura, gnarus fa- cilem mutatu gentem, ut segnem ad pericula, ita infidam ad occasiones. barbari, pro ingenio quisque alii preces offerre, quidam deserere vicos et in avia digredi; ac fuere qui se speluncis et carissima secum abderent. igitur dux Romanus diversis artibus, misericordia adversus supplices,

Inde *ludi Græci* invecti in Urbem. — 4. Quibus suo sumptu ludi consueti edendi erant. — 5. — Sc. festorum publicorum. *Redditi*, ut brevi ante expulsu Italia, XIII, 25. — 6. Non amplius placebant.

XXII. 1. De quo XIII, 19. — 2. Quod a *lacubus* amœnis illius regionis derivant, de qua conf. XI, 15. Cui sc. loco. — 3. Pravam famam spargentibus. — 4. A prætore Q. Marcio Rege, a. U. 608: cujus aquæductus splendida rudera supersunt ad portam *di S. Lorenzo*. — 5. Nota sunt numina fontium, Naiades et aliis nominibus.

XXIII. 1. Vid. XIII, 41.

celeritate adversus profugos, immitis iis qui latebras insederant, ora et exitus specuum sarmentis virgultisque completos igni exurit. Atque illum fines suos prægredientem ² incursavere Mardi latrociniiis exerciti contraque irrupentem montibus defensi. quos Corbulo immissis Iberis vastavit hostilemque audaciam externo sanguine ultus est.

XXIV. Ipse exercitusque, ut nullis ex prælio damnis, ita per inopiam et labores fatiscebant, carne pecudum ¹ propulsare famem adacti. ad hæc penuria aquæ, fervida æstas, longinqua itinera sola ducis patientia mitigabantur, eodem plura quam gregario milite tolerante. Ventum dehinc in locos cultos, demessæque segetes, et ex duobus castellis, in quæ confugerant Armenii, alterum impetu captum; qui primam vim depulerant, obsidione coguntur. Unde in regionem Taurannitium transgressus improvisum periculum vitavit. nam haud procul tentorio ejus non ignobilis barbarus ² cum telo repertus ordinem insidiarum seque auctorem et socios per tormenta edidit; convictique et puniti sunt qui specie amicitiae dolum parabant. Nec multo post legati Tigranocerta missi patere mœnia afferunt, intentos populares ad jussa. simul hospitale donum, coronam auream, tradebant. accepitque cum honore; nec quicquam urbi detractum, quo promptius obsequium integri retinerent.

XXV. At præsidium regium ¹, quod ferox juvenus clauserat, non sine certamine expugnatum est: nam et prælium pro muris ausi erant, et pulsi intra munimenta aggeri ² demum et irrupentium armis cessere. Quæ facilius proveniebant, quia Parthi Hyrcano bello distinebantur. miserantque Hyrcani ad Principem Romanum societatem oratum, *attineri a se Vologesen pro pignore amicitiae* ostentantes. eos regredientes Corbulo, ne Euphraten transgressi hostium custodiis circumvenirentur, dato præsidio ad littora maris Rubri deduxit, unde vitatis Parthorum finibus patrias in sedes remeare.

XXVI. Quin et Tiridaten per Medos extrema Armeniæ intrantem, præmisso cum auxiliis Verulano legato, atque ipse legionibus citis, abire procul ac spem belli amittere subegit; quosque nobis aversos animis cognoverat, cardibus et incendiis perpopulatus, possessionem Armeniæ usurpabat, quum advenit Tigranes a Nerone ad capessendum imperium delectus, Cappadocum ex nobilitate, regis Archelai ¹ nepos, sed quod diu obses apud Urbem fuerat, usque ad servilem patientiam demissus. nec consensu acceptus, durante apud quosdam favore Arsacidarum. at plerique superbiam Parthorum perosi datum a Romanis regem malebant. additum et præsidium, mille legionarii, tres sociorum cohortes duæque equitum alæ, quo facilius novum regnum tueretur. pars Armeniæ, ut cuique finitima, Pharasmani Polemonique et Aristobulo atque Antiocho ² parere jussæ sunt. Corbulo in Syriam abscessit, morte Ummidii legati vacuam ac sibi permissam.

—2. Prætergredientem: qui frequens Tacito usus est præpositionis *præ* in compositis.

XXIV. 1. Frumento carentes.—2. Unus ex *megistanibus*, de quibus XV, 27 fine.

XXV. 1. Mss. *præsidium legerat*, in quo haud dubie proprium nomen castelli illius latet.—2. Opposito munimentis illis per oppugnatores.

XXVI. 1. De quo supra II, 42.—2. De quibus v. XII, 44; XIII 7 et 37; *Hist.* III, 47. De Ummidio XII, 45, 48, 64; XIII, 9.

XXVII. Eodem anno ex illustribus Asiæ urbibus Laodicea ¹ tremore terræ prolapsa, nullo a nobis remedio, propriis opibus revaluit. At in Italia vetus oppidum Puteoli jus coloniæ et cognomentum ² a Nerone adipiscuntur. veterani Tarentum et Antium ascripti ³ non tamen infrequentiæ locorum subvenere, dilapsis pluribus in provincias, in quibus stipendia expleverant; neque conjugii suscipiendis ⁴ neque alendis liberis sueti orbas sine posteris domos relinquebant. non enim, ut olim, universæ legiones deducebantur cum tribunis et centurionibus et suis cujusque ordinis militibus, ut consensu et caritate rempublicam efficerent, sed ignoti inter se, diversis manipulis, sine rectore, sine affectibus mutuis, quasi ex alio genere mortalium repente in unum collecti, numerus magis quam colonia.

XXVIII. Comitia prætorum arbitrio senatus haberi solita, quod acriore ambitu exarserant, Princeps composuit ¹, tres, qui supra numerum petebant, legioni præficiendo. Auxitque Patrum honorem statuendo *ut, qui a privatis iudiciis ad senatum provocavissent, ejusdem pecuniæ* ² *periculum facerent cujus ii qui Imperatorem appellavere.* nam antea vacuum id solumque pœna fuerat. Fine anni Vibius Secundus eques Romanus accusantibus Mauris repetundarum damnatur atque Italia exigitur, ne graviore pœna ³ afficeretur, Vibii Crispi fratris opibus enixus.

XXIX. Casonio Peto, Petronio Turpiliano Coss. ¹ gravis clades in Britannia accepta. In qua neque A. Didius legatus, ut memoravi ², nisi parta relinuerat, et successor Veranius modicis excursibus Siluras populatus, quin ultra bellum proferret, morte prohibitus est, magna, dum vixit, severitatis fama, supremis testamenti verbis ambitionis manifestus: quippe multa in Neronem adulatione addidit *subjecturum ei provincias fuisse, si biennio proximo visisset.* Sed tum Paullinus Suetonius obtinebat Britannos, scientia militiæ et rumore populi, qui neminem sine æmulo sinit, Corbulonis concertator, receptæque Armeniæ decus æquare domitis perduellibus cupiens. igitur Monam insulam incolis validam et receptaculum perfugarum aggredi parat navesque fabricatur plano alveo adversus breve ³ et incertum. sic pedes: equites vado secuti aut altiores inter undas adnantes equis transmisere.

XXX. Stabat pro littore diversa acies, densa armis virisque, intercurrentibus feminis in modum Furiarum, quæ veste ferali ¹, crinibus dejectis faces præferebant. Druidæque circum, preces diras sublati ad cælum manibus fundentes, novitate aspectus perculere militem, ut quasi hærentibus ² membris immobile corpus vulneribus præberent. dein cohortationibus ducis et se ipsi stimulant, ne muliebre et fanaticum agmen

XXVII. 1. Phrygiæ, h. *Ladik*. — 2. Repete *coloniæ*. Jam. a. U. 660 colonia Romana Puteolos erat deducta; Cicero *municipium* vocat; deinde Augustus coloniam eo deduxisse narratur, unde *colonia Augusta* nominati Puteoli: quod si verum, aut perditam illud jus renovavit Nero, aut de colonis in universum municipium extendit. — 3. Ut coloni in ea oppida. — 4. Quod in exercitibus lege vetitum.

XXVIII. 1. In ordinem redegit. — 2. Nimirum tertiæ partis æstimatæ litis, secundum Paullum *Recept sent.* V, 35, 7. — 3. Qualem habes supra III, 63.

XXIX. 1. A. U. 814, p. Chr. 61. — 2. XII, 40. — 3. Vadosum; adversum vadosam et incertam naturam maris in illis littoribus.

XXX. 1. *Atra. Dejectis, dependentibus, fluentibus.* — 2. *Torpentibus.*

pavescerent, inferunt signa sternuntque obvios et igni suo involvunt. præsidium posthac impositum victis excisique luci sævis superstitionibus sacri : nam cruore captivo adolere aras et hominum fibris consulere deos fas habebant. Hæc agenti Suetonio *repentina defectio provinciæ* nuntiatur.

XXXI. Rex Icenorum Prasutagus, longa opulentia clarus, Cæsarem hæredem duasque filias scripserat, tali obsequio ratus regnumque et domum suam procul injuria fore. quod contra vertit, adeo ut regnum per servos velut capta vastarentur. jam primum uxor ejus Boudicea verberibus affecta et filiæ stupro violatæ sunt. præcipui quique Icenorum, quasi cunctam regionem muneri accepissent, avitis bonis exuuntur et propinqui regis inter mancipia habebantur. Qua contumelia et metu graviorum, quando in formam provinciæ cesserant, rapiunt arma, commotis ad rebellionem Trinobantibus et qui alii nondum servitio fracti resumere libertatem occultis conjurationibus pepigerant, acerrimo in veteranos odio. quippe in coloniam Camulodunum recens deducti pellebant domibus, exturbabant agris, *captivos, servos* appellando, foventibus impotentiam ¹ veteranorum militibus similitudine vitæ et spe ejusdem licentiæ. ad hæc templum divo Claudio constitutum quasi ara ² æternæ dominationis aspiciebatur; delectique sacerdotes ³ specie religionis omnes fortunas effundebant. nec arduum videbatur excindere coloniam nullis munimentis septam : quod ducibus nostris parum provisum erat, dum amcenitati prius quam usui consulitur.

XXXII. Inter quæ nulla palam causa delapsum Camuloduni simulacrum Victorizæ ac retro conversum, quasi cederet hostibus. et feminæ in furore turbatæ ¹ *adesse exitium* canebant. externosque fremitus in curia eorum auditos, consonuisse ululatibus theatrum visamque speciem in æstuario Tamesæ subversæ coloniæ, jam Oceanum cruento aspectu, dilabente aestu humanorum corporum effigies relictas, ut Britanni ad spem, ita veterani ad metum trahebant. Sed quia procul Suetonius aberat, petivere a Cato Deciano procuratore auxilium. ille haud amplius quam ducentos sine justis armis misit; et inerat modica militum manus. tutelâ templi meti et impredientibus qui occulti rebellionis conscii consilia turbabant, neque fossam aut vallum præduxerunt, neque motis senibus et feminis juvenus sola restitit : quasi media pace incauti multitudinem barbarorum circumveniuntur. et cetera quidem impetu direpta aut incensa sunt : templum, in quo se miles conglobaverat, biduo obsessum expugnatumque. Et victor Britannus Petilio Ceriali, legato legionis novæ, in subsidium adventanti obvius fudit legionem, et quod peditum, interfecit : Cerialis cum equitibus evasit in castra et munimentis defensus est. qua clade et odiis provinciæ, quam avaritia in bellum egerat, trepidus procurator Catus in Galliam transiit.

XXXIII. At Suetonius mira constantia medios inter hostes Londinium perrexit, cognomento quidem coloniæ non insigne, sed copia negotiatorum

XXXI. 1. Potentiam modi nesciam, ut I, 4. — 2. Tanquam asylum. Sic Cicero : *Ara sociorum est lex de repetundis*. — 3. Britanni natione.

XXXII. 1. Turbata mente, dum in vaticinii furore versabantur.

et commeatum¹ maxime celebre. ibi ambiguus an illam sedem bello deligeret, circumspecta infrequentia militis satisque² magnis documentis temeritatem Petilii coercitam, unius oppidi damno servare universa statuit. neque fletu et lacrimis auxilium ejus orantium flexus est, quin³ daret protectionis signum et comitantes in partem agminis acciperet. si quos imbellis sexus aut fessa ætas vel loci dulcedo attinuerat, ab hoste oppressi sunt. Eadem clades municipio Verulamio fuit, quia barbari, omissis castellis præsiidiisque militarium, quod uberrimum spoliandi et defendentibus intutum, læti præda et aliorum segnes petebant. Ad septuaginta millia civium et sociorum iis quæ memoravi locis cecidisse constitit. neque enim capere aut venundare aliudve quod⁴ belli commercium, sed cædes, patibula, ignes, cruces tamquam reddituri supplicium ac præcepta interim ultione⁵, festinabant.

XXXIV. Jam Suetonio quartadecima legio cum vexillariis vicesimanis¹, et e proximis auxiliares, decem ferme millia armatorum erant, quum omittere cunctionem et congredi acie parat. deliquitque locum arcis faucibus et a tergo silva clausum, sa is cognito nihil hostium nisi in fronte et apertam planitiem esse, sine metu insidiarum. igitur legionarius frequens² ordinibus, levis circum armatura, conglabatus pro cornibus eques astitit. At Britannorum copie passim per catervas et turmas exultabant, quanta non alias multitudo, et animo adeo fero, ut conjuges quoque testes victoriae secum traherent plaustrisque imponerent, quæ super extremum ambitum campi posuerant.

XXXV. Boudicea curru filias præ se vehens, ut quamque nationem accesserat, « solitum quidem Britannis feminarum ductu¹ bellare » testatur : « sed tunc non, ut tantis majoribus ortam, regnum et opes, » verum ut unam e vulgo, libertatem amissam, confectum verberibus corpus, contractatam filiarum pudicitiam ulcisci. eo provocatas Romanorum cupides, ut non corpora, ne senectam quidem aut virginitatem « impollutam relinquant. adesse tamen deos justæ vindictæ cecidisse » legionem quæ prolium ausa sit; ceteros castris occultari aut fugam « circumspicere. ne strepitum quidem et clamorem tot millium², nedum » impetus et manus perlaturus. si copias armatorum, si causas belli secum « expenderent, vincendum illa acie vel cadendum esse : id mulieri destinatum : viverent viri et servirent. »

XXXVI. Ne Suetonius quidem in tanto discrimine silebat. qui quamquam confideret virtuti, tamen exhortationes et preces miscbat, « ut » spernerent sonores barbarorum et inanes minas. plus illic feminarum « quam juventutis aspicere. imbelles, inermes cessuros statim, ubi ferrum » virtutemque vincantium toties fusi agnovissent. etiam in multis legionibus paucos esse qui prælia profligarent; gloriaque eorum accessurum

XXXIII. 1. Commerciolorum; proprie significat *des allées et venues*—2. Et videns satis etc.—3. Ut non potius; quod eo redit: imo dedit potius etc.—4. Aliquod; quale est pretium sumere. quo vitæ aut bonis captorum parcas.—5. Quæ, nunc dilata, postea per belli vices eripi poterat.

XXXIV. 1. Vicesimæ legionis.—2. Densus.

XXXV. 1. Conf. *Agric.* c. 16, 51.—2. Fere 120 millibus exercitum illum fuisse testatur Dio.—3. Ut universis ipsorum copiis collectis contra hostem crudelem.

« quod modica manus ¹ universi exercitus famam adipiscerentur. » conferti « tantum et pilis emissis, post umbonibus et gladiis stragem cædemque « continuarent, prædæ immemores : parta victoria cuncta ipsis cessura. » Is ardor verba ducis sequebatur, ita se ad intorquenda pila expedierat vetus miles et multâ præliorum experientiâ, ut certus eventus Suetonius daret pugnae signum.

XXXVII. Ac primum legio gradu immota et angustias loci pro muni-mento retinens, postquam propius suggestus hostis certo jactu tela exhauserat ¹, velut cuneo erupit. idem auxiliarium impetus; et eques protentis hastis perfringit quod obvium et validum erat. ceteri terga præbuere, difficili effugio, quia circumjecta vehicula sepserant abitus. et miles ne mulierum quidem neci temperabat; confixaque telis etiam jumenta corporum cumulum auxerant. Clara et antiquis victoriis par ea die laus parta : quippe sunt qui paullo minus quam octoginta millia Britannorum cecidisse tradant, militum quadringentis ferme interfectis nec multo amplius vulneratis. Boudicea vitam veneno finivit. Et Poenius Postumus, præfectus castrorum secundæ legionis, cognitis quartadecimanorum vicesimanorumque prosperis rebus, quia pari gloria legionem suam fraudaverat abnueratque contra ritum militiæ jussa ducis, se ipsum gladio transegit.

XXXVIII. Contractus deinde omnis exercitus sub pellibus ¹ habitus est ad reliqua belli perpetranda. auxitque copias Cæsar missis e Germania duobus legionariorum millibus, octo auxiliarium cohortibus ac mille equitibus : quorum adventu nonani legionario milite suppleti sunt; cohortes alæque novis hibernaculis locatæ, quodque nationum ambiguum aut adversum fuerat, igni atque ferro vastatur. Sed nihil æque quam fames affligebat serendis frugibus ² incuriosos, et omni ætate ad bellum versa, dum nostros commeatus sibi destinant : gentesque præferoces tardius ad pacem inclinant, quia Julius Classicianus, successor Cato missus et Suetonio discors, bonum publicum privatis simultatibus impediēbat, dispereratque *novum legatum opperendum esse, sine hostili ira et superbia victoris clementer deditis consulturum.* simul in Urbem mandabat, *nullum prælio finem exspectarent nisi succederetur* ³ Suetonio, cujus adversa pravitate ipsius ⁴, prospera ad fortunam reipublicæ referebat.

XXXIX. Igitur ad spectandum Britannia statum missus est ex libertis Polyclitus, magna Neronis spe posse auctoritate ejus non modo inter legatum procuratoremque concordiam gigni, sed et rebelles barbarorum animos pace componi. nec defuit Polyclitus quominus, ingenti agmine Italiae Galliaque gravis, postquam Oceanum transmiserat, militibus quoque nostris terribilis incederet. sed hostibus irrisui fuit, apud quos flagrante etiam tum libertate nondum cognita libertinorum potentia erat; mirabanturque quod dux et exercitus tanti belli confector servitiis obedi-
rent. cuncta tamen ad Imperatorem in mollius relata; detentusque rebus gerundis Suetonius, quod post paucas naves in littore remigiumque in iis

XXXVI. 1. Quod ipsi qui non essent nisi *modica manus.*

XXXVII. 1. Postquam appropinquatio hostium tela Romanorum ita exhauserat, ut certa nec aberrantia in hostem propinquum conjecerint.

XXXVIII. 1. Tentoriis (coriaceis).—2. Ad serendas fruges.—3. Neutraliter, ut *venitur, ventum est.* Prælio, ut ali i, pro bello.—4. Sc. tribuebat, ex sequenti *referebat.*

amiserat, tanquam durante bello, *tradere exercitum Petronio Turpiliano*, qui jam consulatu abierat, jubetur. is non irritato hoste neque lacessitus honestum pacis nomen segni otio imposuit.

XL. Eodem anno Romæ insignia scelera, alterum senatoris, servili alterum audacia, admissa sunt. Domitius Balbus erat prætorius simul longa senecta, simul orbitate et pecunia insidiis obnoxius. ei propinquus Valerius Fabianus, capessendis honoribus destinatus, subdidit testamentum, ascitis Vinicio Rufino et Terentio Lentino equitibus Romanis. illi Antonium Primum et Asinium Marcellum sociaverant. Antonius audacia promptus, Marcellus Asinio Pollione proavo clarus, neque morum spernendus habebatur, nisi quod paupertatem præcipuum malorum credebat. igitur Fabianus tabulas iis quos memoravi et aliis minus illustribus obsignat¹. quod apud Patres convictum; et Fabianus Antoniusque cum Rufino et Terentio lege Cornelia damnantur². Marcellum memoria majorum et preces Caesaris pœnæ magis quam infamiæ exemere.

XLI. Perculit is dies Pompeium quoque Ælium, juvenem quæstorium tanquam flagitiorum Fabiani gnarum; eique Italiâ et Hispaniâ, in qua ortus erat, interdictum est. Pari ignominia Valerius Ponticus afficitur, quod reos, ne apud præfectum Urbis¹ arguerentur, ad prætorem² detulisset, interim specie legum, mox prævaricando ultionem elusurus. addidit senatusconsulto, *qui talem operam³ emptilasset vendidissetve, perinde pœna teneretur ac si publico judicio calumniæ condemnatus⁴*.

XLII. Haud multo post præfectum Urbis Pedanium Secundum servus ipsius interfecit, seu negata libertate, cui pretium pepigerat¹, sive amore exoleti² infensus et dominum amulum non tolerans. ceterum quum vetere ex more³ familiam omnem, quæ sub eodem tecto mansiverat, ad supplicium agi oporteret, concursu plebis, quæ tot innoxios protegebat, usque ad seditionem ventum est; senatuque in ipso erant studia nimiam severitatem aspernantium, pluribus nihil mutandum consentibus. ex quibus C. Cassius sententiæ loco in hunc modum disseruit:

XLIII. « Sapenumero, Patres conscripti, in hoc ordine interfui, quum contra
« instituta et leges majorum nova senatus decreta postularentur; neque sum
« adversatus, non quia dubitarem super omnibus negotiis melius atque re-
« ctius olim provisum et, quæ converterentur, in deterius mutari, sed ne nimio
« amore antiqui moris studium meum¹ extollere viderer. simul, quicquid
« hoc in nobis auctoritatis est, crebris contradictionibus destruendum
« non existimabam, ut maneret integrum, si quando respublica consiliis
« eguisset. quod hodie evenit consulari viro domi suæ interfecto per insi-
« dias serviles, quas nemo prohibuit aut prodidit quamvis nondum con-

XL. 1. Obsignandas curat illis testibus vel *obsignatoribus*.—2. Ordine senatorio moti, certe Antonius, de quo *Hist. II*, 86. Est *lex Cornelia* Sullæ testamentaria, lata a. U. 675, qua cautum *de falso ut noxii aut in exsilium agantur aut in insulam relegantur aut curia submoveantur*.

XLII. 1. De hujus jurisdictione vide supra VI, 11.—2. Cujus jurisdictio jam nihil nisi umbra et simulacrum erat.—3. Sc. prævaricandi.—4. Paullus Ictus: *Omnes calumniatores exsilio vel insulæ relegatione aut ordinis amissione puniri placuit*.

XLIII. 1. Sc. cum domino, ex peculio solvendum.—2. Pueri spurca libidine contaminati.—3. De quo conf. XIII, 32.

XLIII. 1. Juris scientiæ, in qua *præminebat ceteros* Cassius, ut supra dictum XII, 12.

« cusso senatusconsulto, quod supplicium toti familiæ minitabatur. de-
 « cernite hercule impunitatem, ut quem dignitas sua defendat², quum
 « præfectura Urbis non profuerit! quem numerus servorum tuebitur,
 « quum Pedanium Secundum quadringenti non protexerint? cui familia³
 « opem feret, quæ ne in metu quidem pericula nostra advertit? an, ut
 « quidam fingere non erubescunt, injurias suas ultus est intersector? quia
 « de paterna pecunia trauserat, aut avitum mancipium detrahebatur⁴?
 « pronuntiemus ultro dominum jure cæsum videri.

XLIV. « Libet argumenta conquirere in eo, quod sapientioribus¹ deli-
 « beratum est? sed et si nunc primum statuendum haberemus, creditisne
 « servum interficiendi domini animum insumpsisse², ut non vox minax
 « excideret? nihil per temeritatem proloqueretur? sane consilium occu-
 « luit, telum inter ignaros paravit: num excubias³ transiret? cubiculi
 « fores recluderet, lumen inferret, cædem patraret omnibus nesciis? multa
 « sceleris indicia præveniunt: servi si prodant, possumus singuli⁴ inter
 « plures, tuti inter anxios⁵, postremo, si pereundum sit, non inulti inter
 « nocentes agere. Suspecta majoribus nostris fuere ingenia servorum⁶,
 « etiam quum in agris aut domibus iisdem nascerentur caritatemque do-
 « minorum statim acciperent. postquam vero nationes⁷ in familiis ha-
 « bemus, quibus diversi ritus, externa sacra aut nulla sunt, colluviem
 « istam non nisi metu coercueris. At quidam insontes peribunt. nam⁸ et
 « ex fuso exercitu, quum decimus quisque fusti feritur, etiam strenui sor-
 « tiuntur. habet aliquid ex iniquo omne magnum exemplum, quod contra
 « singulos utilitate publica rependitur. »

XLV. Sententiæ Cassii, ut nemo unus contra ire ausus est, ita disso-
 næ voces respondebant *numerum aut cetatem aut sexum ac plurimo-
 rum indubiam innocentiam* miserantium. prævaluit tamen pars quæ
 supplicium decernebat. sed obtemperari¹ non poterat, conglobata multi-
 tudine et *saxa ac faces* minitante. tum Cæsar populum edicto increpuit
 atque omne iter, quo damnati ad pœnam ducebantur, militaribus præsi-
 diis sepsit. Censuerat Cingonius Varro ut liberti quoque, qui sub eodem tecto
 fuissent, Italia deportarentur. id a Principe prohibitum est, *ne mos anti-
 quus, quem misericordia non minuerat, per sevitiâ intenderetur.*

XLVI. Damnatus iisdem consulibus Tarquitius Priscus repetundarum
 Bithynis interrogantibus¹, magno Patrum gaudio, qui accusatum ab eo

—2. Ironice: *pour que l'on soit protégé par*, etc. Nam decreta impunitate et dempto
 servis metu, jam non restat nisi *dignitas* cujusque quæ tutum præstare possit: ea au-
 tem quid valeat, præfectus Urbis fortuna docuit. — 3. Servi. — 4. Hic omnia ironica:
paterna pecunia, avitum mancipium non poterat esse servo cui jus civile nec patrem
 nec familiam neque jus heredis concedebat; nec *transigebatur* nisi inter liberos et
 ejusdem status homines.

XLIV. 1. A majoribus nostris. — 2. In se sumpsisse, assumpsisse. — 3. Servos ad fores
 domini excubantes. — 4. Quamquam singuli sumus. — 5. Sc. ne quid domino obtingat;
 quum pereundum ipsis sit, si scelus ab uno in dominum committatur. — 6. Unde prover-
 bium: *quot servi, tot hostes.* — 7. Conf. III. 53. Et per nationes, unde oriundi erant, in
 domibus congregabantur. — 8. Per nam intelligitur « concedo quod dicis », addendo ra-
 tionem cur non sit res indigna. Exercitus *decimati* exemplum primus Appius Claudius
 dedit, apud Livium, II, 59.

XLV. 1. Pareri huic decreto; decretum exsequi non poterant carnifices.

XLVI. 1. Ad interrogationem in jure adigentibus; accusantibus.

Statilium Taurum proconsulem ipsius meminerant ². Census per Gallias ³ a Q. Volusio et Sextio Africano Trebellioque Maximo acti sunt, æmulis inter se per nobilitatem Volusio atque Africano: Trebellium, dum uterque dedignatur, supra ⁴ tulere.

XLVII. Eo anno mortem obiit Memmius Regulus auctoritate, constantia, fama, in quantum præumbrante Imperatoris fastigio datur, clarus, adeo ut Nero æger valetudine, et adulantibus circum qui *finem imperio adesse* dicebant, *si quid fato pateretur*, responderit *habere subsidium rempublicam*, rogantibus dehinc *in quo potissimum*, addiderit, *in Memmio Regulo*. vixit tamen post hæc Regulus, quiete defensus et quia nova generis claritudine neque invidiosis opibus erat. Gymnasium eo anno dedicatum ¹ a Nerone præbitumque oleum Equiti et senatui Græca facilitate ².

XLVIII. P. Mario, L. Asinio Coss. ¹ Antistius prætor, quem in tribunatu plebis licenter egisse memoravi ², probrosa adversus Principem crimina factitavit vulgavitque celebri convivio, dum apud Ostorium Scapulam epulatur. exin a Cossutiano Capitone, qui nuper senatorium ordinem precibus Tigellini socii sui receperat ³, majestatis delatus est. tum primum revocata ea lex; credebaturque haud perinde exitium Antistio quam Imperatori gloriam quæri, ut condemnatus a senatu intercessionem tribunicia ⁴ morti eximeretur. et quum Ostorius *nil audivisse* pro testimonio dixisset, adversis testibus creditum; censuitque Junius Marullus, consul designatus, *adimendam reo præturam necandumque more majorum* ⁵. ceteris inde assentiuntibus, Pætus Thrasea multo cum honore Cæsaris et acerrime increpito Antistio, « non quicquid nocens reus pati mereretur, « id egregio sub Principe et nulla necessitate obstricto sonatui statuendum » disseruit. « carnificem et laqueum pridem abolita; et esse pœnas legibus « constitutas, quibus sine judicium sævitia et temporum infamia supplicia « decernerentur. quin in insula, publicatis bonis, quo longius sontem « vitam traxisset, eo privatim miseriorem et publicæ clementiæ maximum « exemplum futurum. »

XLIX. Libertas Thraseæ servitium aliorum rupit ¹, et postquam discessionem ² consul permiserat, pedibus in sententiam ejus iere, paucis exemptis, in quibus adulatione promptissimus fuit A. Vitellius ³, optimum quemque jurgio lacessens et respondenti reticens, ut pavida ingenia solent. At consules perficere senatus decretum non ausi de consensu scripsere Cæsari. Ille inter pudorem et iram cunctatus postremo rescripit « nulla « injuria provocatum Antistium gravissimas in Principem contumelias « dixisse; earum ultionem a Patribus postulatam, et pro magnitudine

—2. De qua re narratum supra, XII, 39.—3. De quod ad I, 51, not. 2.—4. Sc. se; extulere.

XLVII. 1. In campo Martio, junctis thermis, quare dictum etiam *Thermæ Neronianæ*.

—2. Abjecta severitate Romana.

XLVIII. 1. A. U. 815, p. Chr. 62.—2. XII, 28.—3. De eo conf. XI, 6; XIII, 25.—4. Sc. Neronis, secundum *tribuniciam potestatem Imperatorum*. — 5. De quo v. not. 10 ad II, 32.

XLIX. 1. Ut vinculum *rumpi* dicitur, vel silentium. Post exemplum Thraseæ jam liberior statuerunt. — 2. Sc. in sententias. Conf. ad III, 23. — 3. Ille ipse postea Imperator.

« delicti pœnam statui par fuisse. ceterum se, qui severitatem decernentium impediturus fuerit, moderationem non prohibere : statuerent ut vellent; datam etiam absolvendi licentiam ». His atque talibus recitatis et offensione manifesta, non ideo aut consules mutavere relationem aut Thræsea decessit sententia, ceterive quæ probaverant deservere, pars, ne Principem objecisse invidiæ viderentur, plures numero tuti, Thræsea sueta firmitudine animi et ne gloria intercideret

L. Haud dispari crimine Fabricius Veiento¹ conflictatus est, *quod multa et probrosa in Patres et sacerdotes composuisset iis libris, quibus nomen codicillorum dederat.* adjiciebat Talius Geminus accusator *venditata ab eo munera Principis*² *et adipiscendorum honorum jus.* quæ causa Neroni fuit suscipiendi judicii, convictumque Veintonem Italia depulit et libros exuri jussit, conquisitos lectitatosque, donec cum periculo parabantur : mox licentia habendi oblivionem attulit.

LI. Sed gravescentibus in dies publicis malis subsidia minuebantur, concessitque vita Burrus, incertum valetudine an veneno. valetudo ex eo conjectabatur, quod in se¹ tumescentibus paullatim faucibus et impedito meatu spiritum finiebat². plures jussu Neronis, quasi remedium adhiberetur, illitum palatum ejus noxio medicamine asseverabant, et Burrum intellecto scelere, quum ad visendum eum Princeps venisset, aspectum ejus aversatum sciscitanti hactenus respondisse, *ego me bene habeo*³. Civitati grande desiderium ejus mansit per memoriam virtutis et successorum alterius segnem innocentiam, alterius flagrantissima flagitia et adulteria quippe Cæsar duos prætoriiis cohortibus imposuerat, Fenium Rufum⁴ ex vulgi favore, quia rem frumentarium sine quæstu tractabat, Sofonium Tigellinum⁵, veterem impudicitiam atque infamiam in eo secutus. atque illi pro cognitis moribus⁶ luere, validior Tigellinus in animo Principis et intimis libidinibus assumptus, prosperâ populi et militum famâ Rufus : quod apud Neronem adversum experiebatur.

LII. Mors Burri infregit Senecæ potentiam, quia nec bonis artibus idem virium erat altero velut duce amoto, et Nero ad deteriores¹ inclinabat. hi variis criminationibus Senecam adoriuntur, « tanquam ingentes et pri-
» vatum supra modum evectas opes adhuc augeret, quodque studia ci-
» vium in se verteret, hortorum quoque amœnitate et villarum magnifi-
» centia quasi² Principem supergrederetur. » objiciebant etiam « eloquentiæ
» laudem uni sibi asciscere et carmina crebrius factitare, postquam Ne-
» roni amor eorum venisset. nam oblectamentis Principis palam iniquum
» detractare³ vim ejus equos regentis, illudere voces, quoties caneret.
» quem ad finem⁴ nihil in republica clarum fore, quod non ab illo repe-
» riri credatur? certe finitam Neronis pueritiam et robor juventæ adesse.
» exueret magistrum satis amplis doctoribus instructus, majoribus suis. »

LIII. At Seneca criminantium non ignarus, prodentibus iis quibus aliqua

L. 1. Adulator et delator sub Domitiano famosus. — 2. Favorem apud Principem.

LI. 1. Intus. — 2. Non amplius ducere poterat. — 3. Confer quæ de simili responso Scipionis dixit Seneca *Epist.* 24. — 4. De quo XIII, 22. — 5. De quo *Hist.* I, 72. — 6. Sic ut expectari poterat ex moribus utriusque sat notis.

LII. 1. Sc. duces. — 2. Propemodum. — 3. Frequentius detrahere, sermonibus extenuare. — 4. Quousque.

honesti cura, et familiaritatem ejus magis aspernante Cæsare, tempus sermoni orat, et accepto ita incipit: « Quartusdecimus annus est, Cæsar, » ex quo spei tuæ admotus sum, octavus, ut imperium obtines: medio « temporis tantum bonorum atque opum in me cumulasti, ut nihil felici- « tati meæ desit nisi moderatio ejus. utar magnis exemplis, nec meæ for- « tunæ, sed tuæ. abavus tuus Augustus M. Agrippæ Mytilenense secretum¹, « C. Mæcenati Urbe ipsa velut peregrinum² olium permisit: quorum alter « bellorum socius, alter Romæ pluribus laboribus³ jactatus ampla quidem, « sed pro ingentibus meritis⁴ præmia acceperant. ego quid aliud munifi- « centia⁵ adhibere potui quam studia, ut sic dixerim, in umbra⁶ educata, « et quibus claritudo venit, quod juventæ tuæ rudimentis affuisse videor, « grande hujus rei pretium? at tu gratiam immensam, innumeram pecu- « niam circumdedisti, adeo ut plerumque intra me ipse volvam⁷, Egone, « equestri et provinciali loco⁸ ortus, proceribus civitatis annumeror? inter « nobiles et longa decora præferentes novitas mea⁹ enituit? ubi est ani- « mus ille modicis contentus? tales hortos exstruit, et per hæc suburbana « incedit, et tantis agrorum spatiis, tam lato fœnore¹⁰ exuberat? Una « defensio occurrit, quod muneribus tuis obniti non debui.

LIV. « Sed uterque mensuram implevimus, et tu, quantum Princeps « tribuere amico posset, et ego, quantum amicus a Principe accipere. « cetera¹ invidiam augent: quæ quidem, ut omnia mortalia, infra tuam « magnitudinem jacent; sed mihi incumbunt: mihi subveniendum est. quo- « modo in militia aut via fessus adminiculum orarem, ita in hoc itinere « vitæ, senex et levissimis quoque curis impar, quum opes meas ultra « sustinere non possim, præsidium peto. jube eas per procuratores tuos « administrari, in tuam fortunam recipi. nec me in paupertatem ipse de- « trudam; sed traditis quorum fulgore præstringor², quod temporis hor- « forum aut villarum curæ seponitur, in animam revocabo. superest tibi « robur et tot per annos nixum fastigii regimen⁴; possumus seniores « amici quietem spondere. hoc quoque in tuam gloriam cedit, eos ad « summa vexisse, qui et modica tolerarent. »

LV. Ad quæ Nero sic ferme respondit: « Quod meditatæ orationi tuæ « statim occurram, id primum tui muneris¹ habeo, qui me non tantum

LIII. 1. Secessus Mytilenen. Agrippæ, amico Augusti et *bellorum socio*, non bene convenit cum nepote Augusti Marcello: quare Imperator illum Syriæ præfecit, quo Agrippa legatus misit, ipse Mytilenæ vivens. 2. Quasi non esset Romæ.—3. In præfectura Urbis. — 4. Iis meritis respondentia, ea non superantia. — 5. *Munificentia* hoc loco insolite dictum videtur de opera præstanda, ductum a militibus *munificibus*, quorum est omnia munia militiæ obire; opponuntur *beneficiarii* milites, iis muneribus soluti.—6. Cui opponitur *lux* publicæ vitæ.—7. Sc. cogitatione. — 8. Cordubæ in Hispania, ab equestri ordinis familia Romana.—9. Ego homo novus inter homines longa honorum a majoribus gestorum serie conspicuos.—10. Reditibus ex prædiis.

LIV. 1. Uterque nostro officio cumulate perfuncti sumus; tu munificus, ut Principem decet; ego Principi obsequens: in qua re si invidia est, certe moderata esse debet; nam etiam si ultra meritum meum fuisti munificus, ego Principi *obniti non debui*. Sed *cetera*, quæ mutuum illud officium non spectant, honorum meorum, divitiarum, prædiorum magnitudo, *invidiam augent*. — 2. Animus meus præstringitur, ut oculis fulgore, et hebetatur. — 3. Animo excolendo, ut ante feci, impendam. — 4. Tot annorum serie firmatum regimen summæ rerum.

LV. Sc. rem, ðv, nam tale participium inusitatum Latinis veteribus.

« praevisa², sed subita expedire docuisti. abavus meus Augustus Agrippae
 « et Maecenati usurpare otium post labores concessit, sed in ea ipsa aetate³,
 « cujus auctoritas tueretur quicquid illud et quaecumque tribuisset : atta-
 « men neutrum datis a se praemiis exiit. bello et periculis mernerant : in
 « his enim juvena Augusti versata est. nec mihi tela et mauns tuae defuis-
 « sent in armis agenti ; sed quod praesens conditio poscebat, ratione, con-
 « silio, praeceptis pueritiam, dein juventam meam fovisti. et tua quidem
 « erga me munera, dum vita suppetet, aeterna erunt : quae a me habes,
 « horti et fons et villae, casibus obnoxia sunt. ac licet multa⁴ videantur,
 « plerique haudquaquam artibus tuis pares plura tenuerunt. pudet referre
 « libertinos, qui ditiores spectantur. unde etiam rubori mihi est, quod
 « praecipuus caritate nondum omnes fortuna antecellis.

LVI. « Verum et tibi valida aetas rebusque et fructui¹ rerum sufficiens, et
 « nos prima imperii spatia ingredimur, nisi forte aut te Vitellio ter consuli
 « aut me Claudio² postponis. sed quantum Volusio longa parcimonia quae-
 « vit³, tantum in te mea liberalitas explere non potest. quin⁴, si qua in parte
 « lubricum adolescentiae nostrae declinat, revocas, ornatumque⁵ robur sub-
 « sidio impensius regis ? non tua moderatio, si reddideris pecuniam, nec
 « quies, si reliqueris Principem, sed mea avaritia, meae crudelitatis metus in
 « ore omnium versabitur. quodsi maxime continentia tua laudetur, non ta-
 « men sapienti viro decorum fuerit, unde amico infamiam paret, inde
 « gloriam sibi recipere. » His adjicit complexum et oscula, factus natura
 et consuetudine exercitus velare odium fallacibus blanditiis. Seneca, qui
 finis omnium cum dominante sermonum, grates agit : sed instituta prioris
 potentiae commutat, prohibet coetus salutantium, vitat comitantes, rarus
 per Urbem, quasi valetudine infensa aut sapientiae studiis domi attine-
 retur.

LVII. Perculso Seneca promptum fuit Rufum Fenium imminuere *Agrip-
 pinæ amicitiam* in eo criminantibus. validiorque in dies Tigellinus, et
 malas artes, quibus solis pollebat, gratiores ratus, si Principem societate
 scelerum obstringeret, metus ejus rimatur¹; compertoque Plautum et
 Sullam maxime timeri, Plautum in Asiam, Sullam in Galliam Narbonen-
 sem nuper amotos², *nobilitatem eorum et propinquos huic Orientis, illi
 Germaniae exercitus* commemorat. « non se, ut Burrum, diversas spes³,
 « sed solam incolumitatem Neronis spectare : cui caveri utcumque ab ur-
 « banis insidiis praesenti cura; longinquos motus quoniam modo comprimi
 « posse ? erectas Gallias ad nomen dictatorium⁴, nec minus suspectos
 « Asiae populos claritudine avi Drusi⁵. Sullam inopem, unde praecipuam
 « audaciam, et simulatorem segnitiae, dum temeritati locum reperiret.
 « Plautum magnis opibus⁶ ne fingere quidem cupidinem otii, sed veterum

—2. Ex tempore sine meditatione proferenda.—3. Quum ea aetate esset.—4. Sc. esse.

LVI. 1. Quasi dicas fruitioni.—2. Qui I. Vitellium (patrem imperatoris) ter ad consu-
 latum evexit et aliis praemiis ornavit, adulatorem consummatum. — 3. Vide XIII, 30. —
 4. Cur non.—5. Sc. praeceptis, consiliis tuis.

LVII. 1. Diligenter scrutatur.—2. Vid. supra c. 22; XIII, 47.—3. Quas Tigellinus fortasse
 inde confingit, quod impetum Neronis in Agrippinam aliquatenus cohibuit Burrus.
 Conf. Neronis verba de Aniceto c. 62.—4. Sullae, qui erat ex posteris clari dictatoris. —
 5. Nam mater Plauti erat Julia filia Drusi, neptis Tiberii. *Suspectos* sc. erectum iri cla-

« Romanorum imitamenta præferre, assumpta etiam Stoicorum arrogantia sectaque⁷, quæ turbidos et negotiorum appetentes faciat. » Nec ultra mora. Sulla, sexto die pervectis Massiliam percussoribus, ante metum et rumorem interficitur, quum epulandi causa discumberet. perlatum caput ejus illudit Nero, tanquam præmatura canitie deforme.

LVIII. Plauto parari necem non perinde occultum fuit, quia pluribus salus ejus curabatur; et spatium itineris ac maris tempusque interjectum moverat famam; vulgoque fingeantur *petitum*¹ ab eo Corbulonem, magnis tum exercitibus præidentem, et, si clari atque insontes interficerentur, præcipuum ad pericula²; *quin et Asiam favore juvenis arma cepisse, nec milites ad scelus missos aut numero validos aut animo promptos, postquam jussa efficere nequiverint, ad spes novas transisse*³. Vana hæc, more famæ, credentium otio augebantur. Ceterum libertus Plauti celeritate ventorum prævenit centurionem et mandata L. Antistii soceri⁴ attulit: « effugeret segnem mortem; odium⁵, suffugium, et magni nominis miseratione reperturum bonos, consociaturum audaces. nullum interim subsidium aspernandum si sexaginta milites (tot enim adveniebant) propulisset; dum refertur nuntius Neroni, dum manus alia permeat, multa secutura quæ ad usque bellum evalescerent. denique aut salutem tali consilio quæri, aut nihil gravius audenti quam ignavo patiendum esse. »

LIX. Sed Plautum ea non movere, sive nullam opem providebat inermis atque exsul, seu tædio ambiguae spei, an amore conjugis et liberorum, quibus placabiliorem fore Principem rebatur nulla sollicitudine turbatum. Sicut qui alios a socero nuntios venisse ferant, tanquam nihil atrox immineret; doctoresque sapientiæ, Cæranum Græci, Musonium¹ Tusci generis, constantiam opperientiæ mortis pro incerta et trepida vita suasisse. repertus est certe per medium diei nudus exercitando corpori. talem eum centurio trucidavit coram Pelagone spadone, quem Nero centurioni et manipulo quasi satellitibus ministrum regium proposuerat. Caput interfecti relatum: cujus aspectu (ipsa Principis verba referam), *Cur*, inquit, *Nero*^{***2}, et posito metu nuptias Poppææ ob ejusmodi terrores dilatas maturare parat Octaviamque conjugem amoliri, quamvis modeste ageret, nomine patris et studiis populi gravem³. Sed ad senatum litteras misit de cæde Sullæ Plautique haud confessus, verum *utriusque turbidum ingenium esse et sibi incolumitatem reipublicæ magna cura haberi*⁴. decretæ eo nomine supplicationes utque Sulla et Plautus senatu moverentur, gravioribus tamen ludibriis quam malis⁵.

LX. Igitur accepto Patrum consulto, postquam cuncta scelerum suo-

ritudine etc. — 6. Sc. ὄντα, instructum. — 7. Doctrina; quæ res agere et libertatem querere jubeat.

LVIII. 1. Tentatum, sollicitatum ad res novas. De Corbulone v. cap. 26. — 2. Sc. suscipienda. — 3. Plautum — 4. De quo XVI, 10, 11. — 5. Sc. omnium in Neronem ipsi fore suff.

LIX. 1. De quo infra XV, 71, Hist. III, 81; IV, 40. Cæranus fere ignotus. — 2. Perierunt verba Neronis. Dio Cassius LXII, 14, hæc fuisse refert: Οὐκ ᾔδειν ὅτι μεγάλην ὄντα ἔχει. — 3. Claudii patris veri causa (quum Nero esset insititius) et propter favorem populi Neroni molestam et invisam. — 4. Tractari. — 5. In qua re gravius et odiosum, magis erat ludibrium quam malum ipsum.

rum pro egregiis accipi videt, exturbat Octaviam, *sterilem* dictitans. exin Poppææ conjungitur. ea diu pellex et adulteri Neronis, mox mariti potens, quendam ex ministris Octaviæ impulit *servilem ei amorem* objicere. destinaturque reus cognomento *Eucerus*, natione Alexandrina, canere tibis doctus. actæ ob id de ancillis quæstiones, et vi tormentorum victis quibusdam ut falsa annuerent, plures perstitere sanctitatem dominæ tueri. movetur ¹ tamen primo civilis discidii specie; domumque Burri et prædia Plauti, infausta dona, accipit. mox in Campaniam pulsa est addita militari custodia. inde crebri questus nec occulti per vulgum, cui minor sapientia et ex mediocritate fortunæ pauciora pericula sunt. his Nero, haudquaquam pœnitentia flagitii, conjugem revocavit Octaviam.

LXI. Exin læti Capitolium scandunt, deosque tandem¹ venerantur. effigies Poppææ proruunt, Octaviæ imagines gestant humeris, spargunt floribus, foroque ac templis statuunt. itur etiam in Principis laudes, repetitam venerentium². jamque et palatium multitudine et clamoribus complebant, quum emissi militum globi verberibus et intento ferro turbam disjecere. mutataque quæ per seditionem verterant, et Poppææ honos repositus est. Quæ semper odio, tum et metu atrox, ne aut vulgi acrior vis ingrueret aut Nero inclinatione populi mutaretur, provoluta genibus ejus, « non eo
« loci ³ res suas agi, ut de matrimonio certet, quamquam id sibi vita po-
« tius: sed vitam ipsam in extremum adductam a clientelis et servitiis
« Octaviæ, quæ plebis sibi nomen indiderint, ea in pace ausi, quæ vix
« bello evenirent. arma illa adversus Principem sumpta; ducem tantum
« defuisse, qui motis rebus facile reperiretur: omitteret modo Campaniam
« et in Urbem ipsam pergeret, ad cujus nutum absentis tumultus cieren-
« tur. quod alioquin suum uelictum? quam cujusquam offensionem? an,
« quia veram progeniem penatibus Cæsarum datura sit? mallene popu-
« lum Romanum tibicinis Ægyptii ⁴ subolem imperatorio fastigio induci?
« denique, si id rebus conducatur, libens quam coactus acciret dominam,
« vel consuleret securitati justa ultione. et modicis remediis primos mo-
« tus consedissee ⁵: at si desperent uxorem Neronis fore Octaviam, illi
« maritum daturos. »

LXII. Varius sermo et ad metum atque iram accommodatus terruit simul audientem et accendit. sed parum valebat suspicio in servo, et quæstionibus ancillarum elusa erat. ergo confessionem alicujus quæri placet, cui rerum quoque novarum crimen affingeretur. et visus idoneus maternæ necis patrator Anicetus, classi apud Misenum, ut memoravi ¹, præfectus, levi post admissum scelus gratia, dein graviore odio, quia malorum facinorum ministri quasi exprobrantes aspiciuntur. Igitur accitum eum Cæsar *operæ prioris* admonet: *solum incolumitati Principis adversus insidiantem matrem subvenisse; locum* ² *haud minoris gratiæ instare, si conjugem infensam depelleret, nec manu aut telo opus:*

LX. 1. Amovetur.

LXI. 1. Tandem de re impatienter ab omnibus expectata.—2. Eatenus Principis laudes, ut non tam ipsum venerarentur quam repetitam ab eo conjugem, revocationem conjugis.

—3. Pro vulgari *in eo*.—4. Euceri, c. 60.—5. Considerare solere, ut aoristus græcus.

LXII. 1. Cap. 3.—2. Occasionem, facultatem.

fateretur Octaviæ adulterium. occulta quidem ad præsens, sed magna ei præmia et secessus amænos promittit, vel, si negavisset, necem intentat. Ille insita vecordia et facilitate priorum flagitiorum plura etiam quam iussum erat fingit fateturque apud amicos, quos velut consilio adhibuerat Princeps. tum in Sardiniam pellitur, ubi non inops exilium toleravit et fato obiit.

LXIII. At Nero *præfectum* ¹ *in spem sociandæ classis corruptum, et incusatæ paullo ante sterilitatis oblitus, abactos partus conscientia libidinum, eaque sibi comperta edicto memorat, insulaque Pandateria Octaviam claudit.* Non alia exsul visentium oculos majore misericordia affecit. Memin- rant adhuc quidam Agrippinæ ² a Tiberio, recentior Juliæ ³ memoria obversabatur Claudio pulsæ. sed illis robur ætatis affuerat: læta aliqua viderant et præsentem sævitiam melioris olim fortunæ recordatione allevabant. huic primum nuptiarum dies loco funeris fuit, deductæ in domum in qua nihil nisi luctuosum haberet, erepto per venenum patre et statim fratre; tum ancilla ⁴ dominâ validior, et Poppæa non nisi in perniciem uxoris nupta, postremo crimen omni exitio gravius.

LXIV. Ac puella ¹ vicesimo ætatis anno inter centuriones et milites, præsagio malorum jam vitâ exemptâ, nondum tamen morte acquiescebat². paucis dehinc interjectis diebus mori iubetur, quum jam *viduam se et tantum sororem* ³ testaretur, communesque *Germanicos* ⁴ et postremo *Agrippinæ* nomen cieret, *qua incolumi infelix quidem matrimonium, sed sine exitio pertulisset.* restringitur vinculis, venæque ejus per omnes artus exsolvuntur; et quia pressus pavore sanguis tardius labeatur, præfervidi balnei vapore enecatur. additurque atrocior sævitia, quod caput amputatum latumque in Urbem Poppæa vidit. dona ob hæc templis decreta. Quod ad eum finem memoravimus, ut, quicumque casus temporum illorum nobis vel aliis auctoribus noscent, præsumptum habeant, quoties fugas et cædes jussit Princeps, toties grates deis actas, quæque rerum secundarum olim, tum publicæ cladis insignia fuisse. neque tamen silebimus, si quod senatusconsultum adulatione novum aut patientia postremum fuit.

LXV. Eodem anno libertorum potissimos veneno interfecisse creditus est, Doryphorum ¹, quasi adversatum nuptiis Poppææ, Pallantem, quod immensam pecuniam longa senecta detineret. Romanus secretis criminationibus incusaverat Senecam ut C. Pisonis socium; sed validius a Seneca eodem crimine percussus est. unde Pisoni timor et orta insidiarum in Neronem magna moles, sed improspera ².

LXIII. 1. Sc. classi Misenensi, Anicetum; eum ab Octavia corruptum esse, quæ sperasset fore ut classem suam ille ad societatem consiliorum adversus Neronem adduceret. — 2. Viduæ Germanici in eandem insulam conclusæ, a. U. 782. — 3. Filix illius, bis in insulam relegatæ, a. 792 et 796. — 4. Acte, XIII, 2.

LXIV. 1. *Puella* etiam de nuptis junioribus dicitur. — 2. Nondum tamen id a se impetrabat, ut mortis sibi consciscendæ mentem haberet. — 3. Sc. Neronis in Claudiam familiam adoptati. — 4. *Germanici* cognomento erant Drusus et Claudius; Nero erat nepos Germanici, fratriq; Claudii.

LXV. 1. Qui a *libellis* erat Neroni, a quo semel donatus 3,800,000 fr. — 2. De quibus insequenti libro c. 48 sq.

LIBER QUINTUS DECIMUS

ARGUMENTUM.

Cap. 1, 2. Vologeses rex Parthorum bellum mente volvit, instigantibus fratre Tirdate et Monobazo Adiabeno, quem Tigranes vexarat. — 3. Corbulo Syriae tuendae providet. — 4. Parthi Monese duce Tigranocerta obsident. — 5. Vologesi Corbulo inducias offert et impetrat. — 6. Cæsennii Patii Armeniæ recens præfecti vanitas, — 7, 8. ferocia, imperitia, jactantia. — 9. ab invadenda Syria Corbulo absterret Parthos, qui — 10. Armeniæ et Pato incumbunt. hic ægre Corbulonem auxilio vocat — 11. Parthis prementibus. — 12. Is in Armeniam profectus fugientes objurgat, suos hortatur. — 13. Vologesés instat Pato. — 14. Disceptatio inter Romanos et Parthos, ex qua — 15. Pati fœda compositio. — 16. Corbulo in Armeniam venit. — 17. Pato increpito Syriam repetit. — 18. Romæ inaniam de Parthis tropæa. frumentum plebis. vectigalia.

19. SC. de simulatis adoptionibus. — 20, 21. Claudius Timarchus Cretensis accusatur, quod Thrasea Pætus ad bonum publicum vertit. — 22. decretum grates præsidibus non agendas. portenta. — 23. ob filiam Neroni natam immodica gaudia et frustranea. In Thraseam Principis odium.

24. Legati Parthorum Romæ irrisores. — 25. bello Armeniaco præficitur Corbulo. Pætum Cæsar facetus insectatur. — 26. Corbulo in Armeniam ducit exercitum. — 27. legatos Parthorum audit, defectores Armenios ulciseitur. — 28 — 30. Tiridates a Corbulone pacem petit, et posito apud effigiem Cæsaris insigni regio impetrat, comiterque excipitur a Corbulone. — 31. Vologesis pro fratre sollicitudo.

32. Alpinos maritimos Nero in jus Latii transfert. Equitum Romanorum in circo locos sedilibus plebis anteponit. feminae illustres senatoresque in arena. — 33. Nero ipse Neapoli scenam incendit. — 34. Theatrum ruit. Beneventi Nero manus Vatini spectat. — 35. Torquatum Silanum mori adigit. — 36. Iter frustra meditatur in Orientem. — 37. Convivia luxu fœda celebrat, ministro Tigellino. Pythagoræ nubit. — 38. Clades Romæ ex incendio, forte an dolo Principis, qui — 39. in remedium multa popularia usurpat. — 40, 41. cladis magnitudo. novæ urbis condendæ consilium. — 42. Ex patriæ ruinis immensam domum exstruit Nero. majora frustra molitur. — 43. novæ urbis facies. — 44. petita diis piacula, frustra. incendii invidia in Christianos devoluta misere excruciatos. — 45. Italiam, socios, templa spoliât Nero; aversantem id Senecam veneno petit.

46. Gladiatorum eruptio apud Præneste. classis ad Misenum amissa. — 47. prodigia. — 48. Conjuratio Pisonis in Neronem. — 49, 50. conjuratorum nomina, mores, odiorum in Neronem causæ. his accedit Rufus præfectus prætorio. Subrii impetus. — 51. Epicharis classem tentans proditur. — 52. Conjuratorum impetus retardatus a Pisonem ob sacra mensæ. — 53. aliud conjuratorum consilium. — 54. Scævini imprudentia. Milichus servus herum deferit, qui egregie se defendit, sed muliebri astutia deprehenditur. — 55, 56. Natalis conjunctionem fatetur, Pisonem, Senecam nominat, Lucanum matrem. — 57. Epicharis tormentis dilacerata mirum fidei exemplum præstat. — 58. Nero reos audit, quos violenter urget Rufus dissimulata conscientia. — 59. Piso nequeitis amicorum monitis occiditur. ejus testamentum et uxor. — 60, 61. cædes Lateran et Senecæ. hujus defensio spreta. — 62. supremi sermones. — 63. amica contentio cum uxore. — 64. ejus mortem inhiberi Nero imperat. Senecæ cruciatus, mors, funus. — 65. ipse destinatus Imperator. — 66. Rufus proditur. — 67. Subrii Flavii. — 68. Aspri, aliorum constantes voces et exitus. Rufi mollities. — 69. Nero Vestinum quamvis insontem interimit. — 70. mox Lucanum, Senecionem, Quinctianum, Scævinum. — 71. Simulata per Urbem gaudia, indicibus præmia, suspectis militiæ vacatio, aliis exsilia. — 72. Turpiliano, Nervæ, Tigellino triumphalia, Nymphidio consularia insignia data. — 73. Nero adversum rumores se purgat. Gallionis periculum. — 74. SC. ob servatum Neronem. pugio Scævini dicatus Jovi Vindici.

Gesta hæc annis paullo amplius tribus, p. Chr. 62 — 65.

I. Interea¹ rex Parthorum Vologeses, cognitis Corbulonis rebus regem-que alienigenam Tigranem Armeniæ impositum, simul fratre Tiridate pulso spretum Arsacidarum fastigium ire ultum volens, magnitudine rursum Romana et continui fœderis² reverentia diversas ad curas trahebatur, cunctator ingenio et defectione Hyrcanorum, gentis validæ, multisque ex eo bellis illigatus. atque illum ambiguum novus insuper nuntius contumeliæ exstimulat: quippe egressus Armenia Tigranes Adiabenos, conterminam nationem, latius ac diutius quam per latrocinia³ vastaverat; idque primores gentium ægre tolerabant: eo *contemptionis descensum, ut ne duce quidem Romano incursarentur, sed temeritate obsidis tot per annos inter mancipia habiti*. accendebat dolorem eorum Monobazus, quem penes Adiabenum regimen, *quod præsidium aut unde peteret* rogitans. *jam de Armenia concessum proxima trahi; et nisi defendant Parthi, levius servitium apud Romanos deditis quam captis esse*⁴. Tiridates quoque regni profugus per silentium aut modice querendo gravior erat⁵: *non enim ignavia magna imperia contineri; virorum armorumque faciendum certamen. id in summa fortuna æquius, quod validius. et sua retinere privatæ domus, de alienis*⁶ *certare regiam laudem esse.*

II. Igitur commotus his Vologeses concilium vocat et proximum sibi Tiridaten constituit, atque ita orditur: « Hunc ego eodem mecum patre
« genitum, quum mihi per ætatem summo nomine¹ concessisset, in pos-
« sessionem Armeniæ deduxi, qui tertius potentiæ gradus habetur: nam
« Medos Pacorus ante ceperat. videbarque contra vetera fratrum odia et
« certamina familiæ nostræ penates rite composuisse. prohibent Romani
« et pacem ipsis nunquam prospere lacescitam nunc quoque in exitium
« suum abruptum. non ibo infitias: æquitate quam sanguine, causa
« quam armis retinere parta majoribus malueram. si cunctatione deliqui,
« virtute corrigam. vestra quidem vis et gloria in integro est, addita mo-
« destiæ famâ, quæ neque summis mortalium spernenda est et a diis æsti-
« matur. » Simul diademate caput Tiridatis evinxit; promptam equitum
manum, quæ regem ex more sectatur, Monesi nobili viro tradidit, ad-
jectis Adiabenorū auxiliis; mandavitque Tigranen Armenia exturbari, dum
ipse positus adversus Hyrcanos discordiis vires intimas molemque belli
ciet, provinciis Romanis minitans.

III. Quæ ubi Corbuloni certis nuntiis audita sunt, legiones duas cum Verulano Severo et Vettio Bolano subsidium Tigrani mittit, occulto præcepto, *compositius cuncta quam festinantius agerent*: quippe bellum habere quam gerere malebat. scripseratque Cæsari *proprio duce opus esse, qui Armeniam defenderet; Syriam ingruente Vologese acriore in dis-*

I. Resumuntur gesta XIV, 26 narrata.—2. Sc. cum ipsa Parthorum gente: motus hucusque narrati de Armenia concitati erant.—3. Quam latrocinii fieri solet.—4. Quibus verbis significat quid sit facturus, nisi Vologeses opem ferat. — 5. Magis commovebat fratrem Vologesen: cujus meditatio jam exponitur. — 6. Vel tutandis vel acquirendis.

II. 1. Sc. regio. *Concedere alicui aliqua re* fere idem sonat ac *cedere* alicui aliquid.

crimine esse. atque interim reliquas legiones pro ripa Euphratis locat, tumultuariam provincialium manum armat, hostiles ingressus¹ præsidiis intercipit. et quia egena aquarum regio est, castella fontibus imposita; quosdam rivos congestu arenæ abdidit.

IV. Ea dum a Corbulone tuendæ Syriæ parantur, acto raptim agmine Moneses, ut famam sui præiret, non ideo nescium aut incautum Tigranem offendit. occupaverat Tigranocerta, urbem copia defensorum et magnitudine mœnium validam. ad hoc Nicephorius amnis haud spernenda latitudine partem murorum ambit; et ducta ingens fossa, qua fluvio diffidebatur. inerantque milites et provisi antè commeatus: quorum subvectu pauci avidius progressi et repentinis¹ hostibus circumventi, ira magis quam metu ceteros accenderant. Sed Partho ad exsequendas obsidiones nulla cominus audacia: raris sagittis neque clausos exterret et semet frustratur. Adiabeni quum promovere scalas et machinamenta inciperent, facile detrusi, mox erumpentibus nostris cæduntur.

V. Corbulo tamen, quamvis secundis rebus, moderandum fortunæ ratus misit ad Vologesen qui expostularent *vim provinciæ illatam: socium amicumque regem cohortes Romanas circumscdere. omitteret potius obsidionem, aut se quoque in agro hostili castra positurum.* Casperius centurio in eam legionem delectus apud oppidum Nisibin septem et triginta millibus passuum a Tigranocerta distantem adiit regem et mandata ferociter edidit. Vologesi vetus et penitus infixum erat arma Romana vitandi¹; nec præsentia prospere fluebant. irritum obsidium; tutus manu et copiis Tigranes; fugati qui expugnationem sumpserant; missæ in Armeniam legiones, et aliæ pro Syria paratæ ultro irrumpere; sibi imbecillum equitem pabuli inopia: nam exorta vis locustarum ambederat quicquid herbidum aut frondosum. igitur metu abstruso mitiora obtendens *missurum ad Imperatorem Romanum legatos super petenda Armenia et firmanda pace respondet. Monesen omittere Tigranocerta jubet; ipse retro concedit.*

VI. Hæc plures ut *formidine regis et Corbulonis minis patrata ac magnifica* extollebant. alii *occulte pepigisse* interpretabantur « ut omisso « utrimque bello et abeunte Vologese Tigranes quoque Armenia abscederet. cur enim exercitum Romanum a Tigranocertis deductum? cur deserta per otium¹ quæ bello defenderant? an melius hibernavisse in « extrema Cappadocia, raptim erectis tuguriis, quam in sede regni modo « retenti? dilata prorsus arma, ut Vologeses cum alio quam cum Corbulone certaret, Corbulo meritæ tot per annos gloriæ non ultra periculum faceret. » nam, ut retuli², proprium ducem tuendæ Armeniæ poposcerat, et adventare Cæsennius Pætus audiebatur. jamque aderat,

III. 1. Loca per quæ ingredi in provinciam soleant aut possint Parthi.

IV. 1. Repente ingruentibus.

V. 1. Genitivus gerundii sæpe pendet ex verbis, in quibus latet notio substantivi, ut hoc loco *studium*, quasi dixeris *pour V. c'était habitude de...* Similiter c. 21, ubi gallicum usum voculæ *de* cum infinitivo comparat Burnouf. velut in his Voltarii: *Qu'importe à ma patrie d'apprendre que César a de nouveaux esclaves?*

VI. 1. Pacis tempore.—2. Cap. 3.

copiis ita divisis, ut quarta et duodecima legiones additâ quintâ, quæ recens e Mœsis excita erat, simul Pontica et Galatarum Cappadocumque auxilia Pæto obedirent, tertia et sexta et decima legiones priorque Syriæ miles apud Corbulonem manerent; cetera ex rerum usu sociarent partirentur. sed neque Corbulo æmuli patiens; et Pætus, cui satis ad gloriam erat si proximus haberetur, despiciebat gesta, *nihil cædis aut prædæ, usurpatas nomine tenus urbium expugnationes* dictitans: *se tributa ac leges et pro umbra regis Romanum jus victis impositurum.*

VII. Sub idem tempus legati Vologesis, quos ad Principem missos memoravi, revertere irriti, bellumque propalam sumptum a Parthis. nec Pætus detrectavit, sed duabus legionibus, quarum quartam Funisulanus Vettonianus eo in tempore, duodecimam Calavius Sabinus regēbant, Armeniam intrat tristi omine. nam in transgressu Euphratis, quem ponte tramittebat, nulla palam causa turbatus equus, qui consularia insignia gestabat¹, retro evasit. hostiaque, quæ muniebantur, hibernaculis² assistens, semifacta opera fugâ perrupit seque vallo extulit. et pila militum arsere³, magis insigni prodigio, quia Parthus hostis missilibus telis decertat.

VIII. Ceterum Pætus spretis ominibus, necdum satis firmatis hibernaculis, nullo rei frumentariæ provisu, rapit exercitum trans montem Taurum *reciperandis*, ut ferebat, *Tigranocertis vastandisque regionibus quas Corbulo integras omisisset.* et capta quædam castella, gloriæque et prædæ nonnihil partum¹ si aut gloriam cum modo aut prædam cum cura habuisset. longinquis itineribus percursando quæ obtineri nequibant, corrupto qui captus erat commeatu, et instante jam hieme reduxit exercitum composuitque ad Cæsarem litteras quasi confecto bello, verbis magnificis, rerum vacuas.

IX. Interim Corbulo nunquam neglectam Euphratis ripam crebrioribus præsiidiis insedit; et ne ponti injiciendo impedimentum hostiles turmæ afferrent (jam enim subjectis¹ campis magna specie² volitabant), naves magnitudine præstantes et connexas trabibus ac turribus auctas agit per amnem, catapultisque et balistis proturbat barbaros: in quos saxa et hastæ longius permeabant quam ut contrario sagittarum jactu adæquarentur. dein pons continuatus, collesque adversi per socias cohortes, post legionum castris occupantur, tanta celeritate et ostentatione virium, ut Parthi omisso paratu invadendæ Syriæ spem omnem in Armeniam verterent.

X. Ubi¹ Pætus imminentium nescius quintam legionem procul in Ponto habebat, reliquas promiscuis militum commeatibus² infirmaverat, donec adventare Vologesen magno et infenso agmine auditum. accitur legio duodecima, et unde famam aucti exercitus speraverat, prodita infrequentia:

VII. 1. Mos erat ut equus unus pluresve cum ornatu ducis dignitati respondente e publico darentur in expeditionem. Idem plane evenit equo insigni quum Crassus contra Parthos Euphratem trajiceret. — 2. Quasi dicas, munitioni hibernaculorum. — 3. Igni dicto *de Saint-Elme.*

VIII. 1. Scil. foret.

IX. 1. Flumini adjacentibus. — 2. Ita ut magna esse videretur eorum multitudo.

X. 1. Quo tempore. — 2. Commeatus est venia abundi aliquandiu ab exercitu castris-

qua tamen retineri castra et eludi Parthus tractu belli³ poterat, si Pæto aut in suis aut in alienis consiliis constantia fuisset. verum ubi a viris militaribus adversus urgentes casus firmatus erat, rursus, ne alienæ sententiæ indigens videretur, in diversa ac deteriora transibat. et tunc relictis hibernis, *non fossam neque vallum sibi, sed corpora et arma in hostem data* clamitans, duxit legiones quasi prælio certaturus. deinde amisso centurione et paucis militibus, quos visendis hostium copiis præmiserat, trepidus remeavit. et quia minus acriter Vologeses institerat, vana rursus fiducia tria millia delecti peditis proximo Tauri iugo imposuit, quo transitum regis arcerent: alares quoque Pannonios, robur equitatus, in parte campi locat. conjux ac filius castello, cui Arsamosata nomen est, abditi, data in præsidium cohorte ac disperso milite, qui in uno habitus vagum hostem promptius sustentavisset. Et ægre compulsum ferunt ut instantem⁴ Corbuloni fateretur. nec a Corbulone properatum, quo gliscentibus periculis etiam subsidii laus angeretur. *expediri tamen itineri singula millia ex tribus legionibus et alarios octingentos, parem numerum e cohortibus, jussit.*

XI. At Vologeses, quamvis *obsessa a Pæto itinera hinc peditatu inde equite* accepisset, nihil mutato consilio, sed vi ac minis alares exterruit, legionarios obrivit, uno tantum centurione Tarquitio Crescente turrim, in qua præsidium agitabat, defendere auso, factaque sapius eruptione et casis qui barbarorum propius saggrediebantur, donec ignium jactu circumveniretur¹. peditum si quis integer, longinqua et avia, vulnerati castra repetivere, *virtutem regis, sævitiam et copias gentium*, cuncta metu extollentes, facili credulitate eorum qui eadem pavebant. Ne dux quidem obniti adversis, sed cuncta militiæ munia deseruerat, missis iterum ad Corbulonem precibus, *veniret propere, signa et aquilas et nomen reliquum infelicis exercitus tueretur: se fidem interim, donec vita suppeditet, retenturos*².

XII. Ille interritus et parte copiarum apud Syriam relicta, ut munimenta Euphrati imposita retinerentur, qua proximum et com meatibus non egenum, regionem Commagenam, exin Cappadociam, inde Armenios petivit. comitabantur exercitum præter alia sueta bello magna vis camelorum onusta frumenti, ut simul hostem famemque depelleret. Primum e percussis Pactium¹ primi pili centurionem obvium habuit, dein plerosque militum; quos diversas fugæ causas obtendentes *redire ad signa et clementiam Pæti experiri* monebat: *se nisi victoribus immitem*² esse. simul suas legiones adire, hortari, priorum admonere, *novam gloriam ostendere*: « non vicos aut oppida Armeniorum, sed castra Romana
« duasque in iis legiones pretium laboris peti. si singulis manipularibus
« præcipua servati civis corona imperatoriæ manu tribueretur, quod illud
« et quantum decus, ubi par eorum numerus apisceretur, qui attulissent
« salutem et qui accepissent³? » his atque talibus in commune alacres

ve.—3. Trahendo, ducendo bello.—4. Sc. hostem.

XI. 1. Centurio ille in turri.—2. Nimirum Pætum et milites ipsius.

XII. 1. Fortasse eundem de quo XIII, 56. — 2. Victoribus solis mitem, non desertoribus.— 3. Ubi tantus esset numerus eorum qui salutem attulissent et coronandorum, ni-

(et erant quos pericula fratrum aut propinquorum propriis stimulis incenderent) continuum diu⁴ noctuque iter properabant.

XIII. Eoque intentius Vologeses premere obsessos, modo vallum legionum, modo castellum, quo imbellis aetas defendebatur, appugnare, propius incedens quam mos Parthis, si¹ ea temeritate hostem in praelium eliceret. at illi vix contuberniis² extracti nec aliud quam munimenta propugnabant, pars jussu ducis, et alii propria ignavia, aut Corbulonem opperientes, ac si vis ingrueret, provis³ exemplis Caudinae ac Numantinae cladis. *neque eandem vim Samnitibus, Italico populo⁴, aut Pœnis⁵ ac Romani imperii æmulis. validam quoque et laudatam antiquitatem⁶, quoties fortuna contra daret⁷, saluti consuluisse⁸.* qua desperatione exercitus dux subactus primas tamen litteras ad Vologesen non supplices, sed in modum querentis composuit, « quod pro Armeniis, « semper Romanae ditionis, aut subjectis regi quem Imperator delegisset, « hostilia faceret : pacem ex æquo⁹ utilem. nec praesentia tantum spectare. ipsum adversus duas legiones totis regni viribus advenisse : at Romanis orbem terrarum reliquum, quo bellum juvarent. »

XIV. Ad ea Vologeses nihil pro causa, sed opperandos sibi fratres Pacorum ac Tiridaten rescripsit; « illum locum¹ tempusque consilio « destinatum, quo de Armenia cernerent; adjecisse deos dignum Arsacidarum², simul ut de legionibus Romanis statuerent. » Missi posthac a Pæto nuntii et regis colloquium petiti, qui Vasacen praefectum equitatus ire jussit. tum Pætus Lucullos, Pompeios et si qua Cæsares obtinendae donandae Armeniae egerant, Vasaces imaginem retinendi largiendive penes nos, vim penes Parthos memoravit. et multum invicem disceptato, Monobazus Adiabenus in diem posterum testis iis quae pepigissent adhibetur. placuitque liberari subsidio legiones et decedere omnem militem finibus Armeniorum, castellaque ei commeatus Parthis tradi : quibus perpetratis copia Vologesi fieret mittendi ad Neronem legatos.

XV. Interim flumini Arsaniae (etenim is castra praefluebat) pontem imposuit, specie sibi illud iter expedientis : sed Parthi quasi documentum victoriae jusserant : namque iis usui fuit. nostri per diversum iere. addidit rumor *sub jugum missas legiones* et alia ex rebus infaustis, quorum simulacrum ab Armeniis usurpatum est. namque et munimenta ingressi

mirum numerus par retractis ab interitu, qui erant legiones duae.—4. Interdium.

XIII. 1. An forte.—2. Tentoris.—3. Amare dictum : *s'étant pourvus de...* Notae sunt clades Caudina (a. U. 453, et Numantina (a. 617), quibus magnae copiae Romanorum ab omni parte cinctae et interclusae cum ignominia Romani nominis ad deditiorem adgebantur.—4. Qui cladem ad Caudinas furculas intulit.—5. Non a Carthaginiensibus, sed ab Hispanis, nono anno post Carthaginem deletam, illata Romanis clades Numantina : nihilominus quum arctissime cohaereat Numantinum bellum cum Punicis et in Hispania diu cum Pœnis esset dimicatum, a militibus *Pœni* ab illo bello minime alieni, fortasse vulgi Romani quadam consuetudine, poterant citari. De re non absimili dictum VI, 12, not. 8. Deinde addidi *ac. Parthos* hoc loco dici *Romani imperii æmulos* satis apparet.—6. Qualis sit Romanorum.—7. In contrariam partem iret.—8. *Mit te salut avant tout*, Burn.—9. Utrique parti aequae.

XIV. 1. Sc. quo vocati sive venturi essent fratres; v. cap. seq.—2. Illi deliberationi de Armenia deos adjecisse rem Arsacidis dignam, *ut simul etiam de leg.*, etc.

sunt, antequam agmen Romanum excederet, et circumstetere vias, captiva olim mancipia aut jumenta agnoscentes abstrahentesque. raptæ etiam vestes, retenta arma, pavido milite et concedente, ne qua prælii causa exsisteret. Vologeses armis et corporibus cæsorum aggregatis, quo cladem nostram testaretur, visu fugientium abstinuit. fama moderationis quærebatur, postquam superbiam expleverat. flumen Arsaniam elephanto insidens et proximus quisque regem¹ vi equorum perrupere, quia rumor incesserat *pontem cessurum oneri dolo fabricantium*. sed qui ingredi ausi sunt, validum et fidum intellexere.

XVI. Ceterum obsessis adeo suppeditavisse rem frumentariam constitit, ut horreis iguem injicerent, contraque prodiderit Corbulo¹ *Parthos inopes copiarum et pabulo attrito relicturos oppugnationem, neque se plus tridui itinere abfuisse*. adjecit jurejurando *Pæti cautum apud signa*², *astantibus iis, quos testificando rex misisset, neminem Romanum Armeniam ingressurum, donec referrentur litteræ Neronis, an paci annueret*. quæ ut augendæ infamiæ composita, sic reliqua non in obscuro habentur: una die quadraginta millium spatium emensum esse Pætum, desertis passim sauciis, neque minus deformem illam fugientium trepidationem quam si terga in acie vertissent. Corbulo cum suis copiis apud ripam Euphratis obviis non eam speciem insignium et armorum prætulit, ut diversitatem³ exprobraret. mæsti manipuli ac vicem commilitonum miserantes ne lacrimis quidem temperare; vix præ fletu usurpata consalutatio. decesserat certamen virtutis et ambitio gloriæ, felicius hominum affectus: sola misericordia valebat, et apud minores⁴ magis.

XVII. Ducum inter se brevis sermo secutus est: hoc conquerente *irritum laborem*¹, *potuisse bellum fuga Parthorum finire*, ille *integra utrique cuncta* respondit: *converterent aquilas et juncti invaderent Armeniam abscessu Vologesis infirmatam. Non ea Imperatoris habere mandata* Corbulo²: « periculo legionum commotum e provincia egressum, « quando in incerto habeantur Parthorum conatus, Syriam repetiturum. « sic quoque optimam fortunam orandam, ut pedes confectus spatiis itin- « nerum alacrem et facilitate camporum prævenientem equitem³ assequeretur. » exin Pætus per Cappadociam hibernavit. At Vologesis ad Corbulonem missi nuntii, *detraheret castella trans Euphraten, amnemque, ut olim, medium faceret*. ille *Armeniam quoque diversis præsidiiis vacuam fieri* expostulabat. et postremo concessit rex; dirutaque quæ ultra Euphraten communierat Corbulo, et Armenii sine arbitro⁴ relictii sunt.

XVIII. At Romæ tropæa de Parthis arcusque medio Capitolini montis

XV. 1. *Prope* et comparativi superlativique inde ducti cum accusativo æque ac dativo struuntur.

XVI. 1. Sive in commentariis sive in epistolis ad Imperatorem missis.—2. Apud *principia* castrorum, de quibus v. ad I, 61. — 3. Sc. militum Pæti per splendorem suorum. Exercitus Romani quando sibi obvii fiebant, insignibus suis quique quantum possent explendescere non parcebant.—4. Inferiores. Conf. c. 20.

XVII. 1. Sc. itineris tam properati.—2. Scil. se respondit.—3. Equitatum Corbulonis.—4. Domino.

sistebantur, decreta ab senatu integro adhuc bello ¹, neque tum ommissa, dum aspectui consulitur sprete conscientia. quin et dissimulandis rerum externarum curis Nero frumentum plebis vetustate corruptum in Tiberim jecit, quo securitatem annonæ sustentaret ². cujus pretio nihil additum est, quamvis ducentas ferme naves portu ipso violentia tempestatis et centum alias Tiberi subvectas fortuitus ignis absumpsisset. Tres dein consulares, L. Pisonem, Ducennium Geminum, Pompeium Paullinum vectigalibus publicis præposuit, cum insectatione priorum Principum, *qui gravitate sumptuum justos redditus anteissent* ³: *se annum sexcenties sestertium* ⁴ *reipublicæ largiri*.

XIX. Percrebuerat ea tempestate pravissimus mos, quum propinquis comitiis aut sorte provinciarum plerique orbi fictis adoptionibus asciscerent filios¹, præturasque et provincias inter patres sortiti statim emitterent manu quos adoptaverant. magna cum invidia senatum adeunt, *jus naturæ, labores educandi, adversus fraudem et artes et brevitatem adoptionis enumerant: satis pretii esse orbis* ² *quod multa securitate, nullis oneribus, gratiam, honores, cuncta prompta et obvia haberent. sibi promissa legum diu exspectata in ludibrium verti, quando quis sine sollicitudine parens, sine luctu orbis longa patrum vota repente adæquaret.* factum ex eo senatusconsultum, *ne simulata adoptio in ulla parte muneris publici juvaret ac ne usurpandis quidem hereditatibus prodesset*.

XX. Exin Claudius Timarchus Cretensis reus agitur, ceteris criminibus, ut solent prævalidi provincialium et opibus nimis ad injurias minorum elati: una vox ejus usque ad contumeliam senatus penetraverat, quod dictitasset *in sua potestate situm an proconsulibus, qui Cretam obtinuissent, grates agerentur*. Quam occasionem Pætus Thrasea ad bonum publicum vertens, postquam de reo censuerat *provincia Creta depellendum*, hæc addidit: « Usu probatum est, Patres conscripti, leges egrias, exempla honesta apud bonos ex delictis aliorum gigni. sic oratorum licentia Cinciam rogationem ¹, candidatorum ambitus Julias leges ², magistratuum avaritia Calpurnia scita ³ pepererunt. nam culpa quam poena tempore prior, emendari quam peccare posterius est ⁴. ergo adversus novam provincialium superbiam dignum fide constantiaque Romana capiamus consilium, quo tutelæ sociorum nihil derogetur, nobis opinio decedat, qualis quisque habeatur, alibi quam in civium judicio esse.

XVIII. 1. Nondum fuso Pæto. — 2. Sic ostendens melius frumentum largiter paratum esse. — 3. Supergressi essent. — 4. Prope 1,200,000 fr.

XIX. 1. Ob legem Papiam Poppæam, de qua vide ad II, 51. — 2. Quorum hereditas omni genere illecebrarum ambibatur: vide Horat. *Satir.* II, 5, Juvenal. *Sat.* XII, cum interpretibus.

XX. 1. De qua XI, c. 5 fine. — 2. Multorum leges erant de ambitu: sed *Julia* tum maxime valuisse putanda est, ab Augusto lata, de qua Sueton. c. 40. — 3. *Plebiscita*: nam L. Calpurnius Piso tribunus plebis erat a. U. 603, quum illam legem perferret, qua provinciales repetundarum accusare poterant magistratus improbos et quæstio perpetua (*un tribunal permanent*) de ea re Romæ instituta est. — 4. Cato Censorius apud Livium XXXIV, 3: *Sicut ante morbos necesse est cognitos esse quam remedia eorum, sic cupiditates prius natæ sunt quam leges quæ iis modum facerent*, etc.

XXI. « Olim quidem non modo prætor aut consul, sed privati etiam
 « mittebantur, qui provincias viserent et, quid de cujusque obsequio vi-
 « deretur, referrent; trepidantque gentes de æstimatione singulorum. at
 « nunc colimus externos et adulamur; et quomodo ad nutum alicujus
 « grates, ita promptius accusatio decernitur. decernaturque et maneat
 « provincialibus potentiam suam tali modo ostentandi ¹, sed laus falsa et
 « precibus expressa perinde cohibeantur quam malitia, quam crudelitas.
 « plura sæpe peccantur dum demeremur quam dum offendimus. quædam
 « imo virtutes odio sunt, severitas obstinata, invictus adversum gratiam
 « animus. inde initia magistratuum nostrorum meliora ferme, et finis in-
 « clinat, dum in modum candidatorum suffragia conquirimus; quæ si
 « arceantur, æquabilius atque constantius provinciæ regentur. nam ut
 « metu repetundarum infracta ² avaritia est, ita vetita gratiarum actione
 « ambitio cohibetur. »

XXII. Magno assensu celebrata sententia, non tamen senatusconsultum
 perfici potuit, abnuentibus consulibus ea de re relatum ¹. mox auctore
 Principe sanxere *ne quis ad concilium sociorum referret* ² *agendas*
apud senatum pro prætoribus proveconsulibus ³ *grates, neu quis ea*
legatione fungeretur. Iisdem consulibus gymnasium ⁴ ictu fulminis con-
 flagravit, effigiesque in eo Neronis ad informe æs liquefacta. et motu terræ
 celebre Campaniæ oppidum Pompeii magna ex parte proruit ⁵. defuncta-
 que virgo Vestalis Lælia, in cuius locum Cornelia ex familia Cossorum
 capta est.

XXIII. Memmio Regulo et Verginio Rufo Coss. ¹ natam sibi ex Poppæa
 filiam Nero ultra mortale gaudium accepit appellavitque *Augustam*, dato
 et Poppææ eodem cognomento. locus puerperio colonia Antium fuit, ubi
 ipse generatus erat. jam senatus *uterum* ² *Poppææ* commendaverat diis
 votaque publice susceperat : quæ multiplicata exsoluitaque. et additæ *sup-*
plicationes templumque Fœcunditati, et certamen ad exemplar
Actiæ religionis ³ *decretum; utque Fortunarum* ⁴ *effigies aureæ in*
solio Capitolini Jovis locarentur; ludicrum circense, ut Juliæ genti
apud Bovillas ⁵, *ita Claudiæ Domitiæque apud Anthium ederetur.*
 quæ fluxa fuere, quartum intra mensem defuncta infante. rursusque ex-
 ortæ adulationes censentium ⁶ *honorem divæ et pulvinar ædemque et*
sacerdotem. atque ipse ut lætitiæ, ita mœroris immodicus egit. Annota-
 tum est, omni senatu Antium sub recentem partum effuso, Thræseam
 prohibitum ⁷ immoto animo prænuntiam imminentis cædis contumeliam
 excepisse. secutam dehinc vocem Cæsaris ferunt, qua *reconciliatum se*
Thræseæ apud Senecam jactaverit, ac Senecam Cæsari gratulatum. unde
 gloria egregiis viris et pericula gliscebant.

XXI. 1. Vide supra ad c. 8.—2. Fracta.

XXII. 1. Relationem : detrectabant deliberationem senatus super ea re. — 2. Ad deli-
 berandum.—3. Sive proconsulibus.—4. De quo XIV, 47.—5. Conf. Senecæ *Quæst. nat.*
 VI, 1.

XXIII. 1. A. U. 816, p. Chr. 63. — 2. Graviditatem. — 3. In memoriam pugnae Actiæ
 celebrabantur, instituti ab Augusto, ludi quinquennales musici, gymnici et equestres.
 — 4. Quæ Antii colebantur, Fortunæ Equestris et Fortunæ Prosperæ.—5. Conf. supra II,
 41.—6. Decernentium.—7. Sc. aditu ad Neronem

XXIV. Inter quæ, veris principio, legati Parthorum mandata regis Vologesis litterasque in eandem formam ¹ attulere: « se priora et toties jactata super obtinenda Armenia nunc omittere, quoniam dii, quamvis potentium populorum arbitri, possessionem Parthis non sine ignominia Romana tradidissent. nuper clausum Tigranem; post Pactum legionesque quum opprimere posset, incolumes dinisisse. satis approbatam vim; datum et lenitatis experimentum. nec recusaturum Tiridaten accipiendo diademati in Urbem venire, nisi sacerdotii religione attineretur ². iterum ad signa et effigies Principis, ubi legionibus coram regnum auspicaretur. »

XXV. Talibus Vologesis litteris, quia Pactus diversa tanquam rebus integris scribebat, interrogatus centurio, qui cum legatis advenerat, *quo in statu Armenia esset? omnes inde Romanos excessisse* respondit. tum intellecto barbarorum irrisu, qui peterent quod eripuerant, consuluit inter primores civitatis Nero, *bellum anceps an pax inhonesta placeret?* nec dubitatum de bello. et Corbulo, tot per annos militum atque hostium gnarus, gerendæ rei præficitur, ne cuius alterius inscitia rursus peccaretur, quia Pacti piguerat. igitur irriti remittuntur, cum donis tamen, unde spes fieret non frustra eadem oraturum Tiridaten, si preces ipse attulisset. Syriæque executio ¹ Cincio, copiarum militares Corbuloni permissæ; et quintadecima legio ducente Mario Celso e Pannonia adjecta est. scribitur tetrarchis ac regibus præfectisque et procuratoribus et qui prætorum finitimas provincias regebant, *jussis Corbulonis obsequi*, in tantum ferme modum aucta potestate, quem ² populus Romanus Cn. Pompeio bellum piraticum gesturo dederat. Re, ressum Pactum, quum graviora metueret, facilius insectari satis habuit Caesar, his ferme verbis, *ignoscere se statim, ne tam promptus in pavorem longiore sollicitudine cegresceret.*

XXVI. At Corbulo quarta et duodecima legionibus, quæ fortissimo quoque amisso et ceteris exterritis parum habiles prælio videbantur, in Syriam translatis, sextam inde ac tertiam legiones, integrum militem et crebris ac prosperis laboribus exercitum, in Armeniam ducit. addiditque legionem quintam, quæ per Pontum agens experta cladis fuerat, simul quintadecimanos recens adductos, et vexilla delectorum ex Illyrico et Ægypto, quodque alarum cohortiumque, et auxilia regum in unum conducta apud Melitenen, qua transmittere Euphraten parabat. tum lustratum rite ¹ exercitum ad concionem vocat oriturque magnifica *de auspiciis imperatoris rebusque a se gestis*, adversa in inscitiam Pacti declinans, multa auctoritate, quæ viro militar pro facundia erat.

XXVII. Mox iter L. Lucullo quondam penetratum ¹ apertis quæ vetustas

XXIV. 1. Ejusdem sententiæ, cujus erant mandata. — 2. Tiridates erat Magus, quibus mare sanctum habebatur: *navigare noluerat, quoniam expuere in maria aliisque mortalium necessitatibus violare eam naturam, magis fas non putant*, Plinius *Hist. nat.* XXX, 2, § 6.

XXV. 1. Administratio; Syriarum negotiorum executio. — 2. Sc. modum potestatis. De re conf. Plutarch. c. 40, Ciceronem in Oratione pro lege Manliæ.

XXVI. 1. Hæc lustratio fiebat suæ taurilibus, de quibus alibi. Livius, I, 41.

XXVII. 1. A. U. 683, in bello Mithridatico.

obseperat, pergīt. et venientes Tiridatis Vologesisque de pace legatos haud aspernatus, adiungit iis centuriones cum mandatis non immitibus : « nec enim adhuc eo ventum, ut certamine extremo opus esset. multa « Romanis secunda, quædam Parthis evenisse documento adversus su- « perbiā: proinde et Tiridati conducere intactum vastationibus regnum « dono accipere, et Vologesē melius societate Romana quam damnis « mutuis genti Parthorum consulturum. scire quantum intus discordia- « rum, quamque indomitas et præferoces nationes regeret. contra Impe- « ratori suo immotam ubique pacem et unum id bellum esse.» Simul consilio terrorem adjicere, et megistanas² Armenios, qui primi a nobis defecerant, pellit sedibus, castella eorum excindit, plana, edita, validos invalidosque pari metu complet.

XXVIII. Non infensum, nec cum hostili odio Corbulonis nomen etiam barbaris habebatur¹, eoque consilium ejus fidum credebant. ergo Vologeses neque atrox in summam, et² quibusdam præfecturis inducias petit. Tiridates locum diemque colloquio poscit. tempus propinquum, locus, in quo nuper obsessæ cum Pacto legiones erant, quum barbaris delectus esset ob memoriam lætioris sibi rei, Corbuloni non vitatus, ut dissimilitudo fortunæ gloriam augeret. neque infamiā Pacti angebatur³: quod eo maxime patuit, quia filio ejus tribuno ducere manipulos atque operire reliquias malæ pugnæ imperavit. Die pacta Tiberius Alexander, illustris eques Romanus, minister bello datus⁴, et Vinianus Annius, gener Corbulonis, nondum senatoria ætate⁵, sed pro legato quintæ legioni impositus, in castra Tiridatis venere, honori ejus, ac ne metueret insidias tali pignore. viceni dehinc equites assumpti. et viso Corbulone rex prior equo desiluit; nec cunctatus Corbulo, sed pedes uterque dexteras miscuere.

XXIX. Exin Romanus laudat juvenem *omissis præcipitibus tuta et salutaria capessentem*. ille *de nobilitate generis multum præfatus*, cetera temperanter adiungit: *iturum quippe Romam laturumque novum Cæsari decus, non adversis Parthorum rebus supplicem Arsaciden*. tum placuit Tiridaten ponere apud effigiem Cæsaris insigne regium, nec nisi manu Neronis resumere; et colloquium osculo finitum. Dein paucis diebus interjectis, magna urrimque specie, inde eques compositus per turmas et insignibus patriis, hinc agmina legionum steterē fulgentibus aquillis signisque et simulacris deūm, in modum templi. medio tribunal sedem curulem et sedes effigiem Neronis sustinebat. ad quam progressus Tiridates, cæsis ex more victimis, sublatum capite diadema imagini subjecit, magnis apud cunctos animorum motibus, quos augebat insita adhuc oculis exercituum Romanorum cædes aut obsidio: *ac nunc versos casus: iturum Tiridaten ostentui gentibus quanto minus quam captivum!*

XXX. Addidit gloriæ Corbulo comitatem epulasque; et rogitante rege

—2. Magnates, proprio gentis vocabulo *mehestân* in græci sermonis similitudinem deflexo.

XXVIII 1. Eadem locutione XII, 42: *Omne scelus externum cum lætitia habendum*.—2. Vologeses et ad summam rem decernendam (*sur le principal de l'affaire*) non erat atrox, et....—3. Corbulo —4. A Nerone datus expeditioni Corbulonis ut arbiter et adjutor consiliorum. —5. Quæ tunc fere erat vigesimus quintus ætatis annus.

causas, quoties novum aliquid adverterat, ut initia vigiliarum per centurionem¹ nuntiari, convivium buccina dimitti² et structam ante augurale³ aram subdita face accendi, cuncta in majus attollens admiratione prisca moris affectit. postero die *spatium* oravit, *quo tantum itineris aditurus fratres ante matremque viseret*: obsidem interea filiam tradit litterasque supplices ad Neronem.

XXXI. Et digressus Pacorum apud Medos, Vologesen Ecbatanis repperit, non incuriosum fratris: quippe et propriis nuntiis a Corbulone petierat, *ne quam imaginem servitii Tiridates perferret, neu ferrum traderet*¹, *aut complexu provincias obtinentium*² arceretur foribusve eorum assisteret; *tantusque ei Romæ, quantus consulibus, honor esset*. scilicet externæ superbiæ sueto non inerat notitia nostri, apud quos vis imperii valet, inania transmittuntur.

XXXII. Eodem anno Cæsar nationes Alpium maritimarum in jus Latii¹ transtulit. Equitum Romanorum locos sedilibus plebis anteposuit apud circum. namque ad eam diem indiscreti inibant, quia lex Roscia nihil nisi de quattuordecim ordinibus² sanxit. Spectacula gladiatorum idem annus habuit, pari magnificentia ac priora, sed feminarum illustrium senatorumque plures per arenam fœdati sunt³.

XXXIII. C. Lecanio, M. Licinio Coss.¹ acriore in dies cupidine adigebatur Nero promiscuas scenas frequentandi. nam adhuc per domum aut hortos cecinerat, juvenalibus ludis², quos ut parum celebres et tantæ voci angustos spernebat. non tamen Romæ incipere ausus Neapolim quasi Græcam urbem³ delegit: *inde initium fore, ut transgressus in Achaiam*⁴ *insignesque et antiquitus sacras coronas adeptus majore fama studia civium eliceret*⁵. ergo contractum oppidanorum vulgus, et quos e proximis coloniis et municipiis ejus rei fama civerat, quique Cæsarem per honorem aut varios usus sectantur, etiam militum manipuli, theatrum Neapolitanorum complent.

XXXIV. Illic, plerique ut arbitrabantur, triste, ut ipse, providum potius et secundis numinibus evenit. nam egresso, qui affuerat, populo vacuum et sine ullius noxa theatrum collapsum est. ergo per compositos cantus grates diis atque ipsam recentis casus fortunam celebrans petiturusque maris Hadriæ¹ trajectus, apud Beneventum interim consedit: ubi

XXX. 1. Cui vigiles ordine obeundi erant unius cujusque quattuor vigiliarum: ideo, ut videtur, nuntiat, si quid forte novi jussus transmittendum sit. — 2. Ut etiam initio convivii buccina canebatur. — 3. De quo vide in II, 15. *Ara* pro sacrificiis vel libamentis aræ impositis.

XXXI. 1. Quo omni tempore, vel inter epulas, accincti erant Parthi: coram Principe aut magistratu Romano deponendum erat. — 2. Proconsulum et legatorum, quorum complexu severe interdictum erat provincialibus.

XXXII. 1. Medium inter jus Italicum et jus civitatis Romanæ. Ex eo soli qui magistratibus functi erant apud suos, cives Romani fiebant. — 2. Sc. sedilium theatri, non circi. Vid. ad VI, 5. Claudius senatoribus solis discretam in circo sedem tribuerat: nunc Nero Equitibus. — 3. In quam descenderant alii sua prava libidine, alii coacti a Nerone. Vide supra XIV, 14 et Sueton. c. 12.

XXXIII. 1. A. U. 817, p. Chr. 64. — 2. De quibus XIV, 15. — 3. A Chalcidensibus ex Eubœa condita servabat Græca gymnasia, theatra, ἀγῶνας. — 4. In ipsam Græciam, ad certamina Olympica, etc. — 5. Excitaret

XXXIV. 1. Sic Græco et poetico modo pro Adriatici.

gladiatorum munus a Vatiniō celebre edebatur. Vatiniū inter fœdissima ejus aulæ ostenta fuit, sutrinæ tabernæ alumnus, corpore detorto, faciliis scurrilibus, primo in contumelias ² assumptus; deinde optimi cujusque criminatione eo usque valuit, ut gratia, pecunia, vi nocendi etiam malos præmineret.

XXXV. Ejus munus frequentanti Neroni ne inter voluptates quidem a sceleribus cessabatur. iisdem quippe illis diebus Torquatus Silanus mori adigitur, quia super Junia familiae claritudinem divum Augustum atavum ferebat. jussi accusatores objicere *prodigum largitionibus, neque aliam spem quam in novis rebus esse. quin eum nobiles* ¹ *habere, quos ab epistolis et libellis et rationibus appellet* ², *nomina summæ curæ et meditamenta* ³. tum intus quisque libertorum vineti abreptique. et quum damnatio instaret, brachiorum venas Torquatus intersecebat, secutaque Neronis oratio ex more, *quamvis sentem et defensionem merito diffisum, victurum* ⁴ *tamen fuisse, si clementiam judicis expectasset.*

XXXVI. Nec multo post, omissa in præsens Achaia ¹ (causæ in incerto fuere), Urbem revisit, provincias Orientis, maxime Egyptum, secretis imaginationibus agitans. ² dehinc edicto testificatus *non longam sui absentiam et cuncta in republica perinde immota ac prospera fore*, super ea protectione adiit Capitolium. illic veneratus deos, quum Vestæ quoque templum inisset, repente cunctos per artus tremens, seu numine exterrente seu facinororum recordatione nunquam timore vacuus, deseruit inceptum, *cunctas sibi curas amore patriæ leviores* dictitans: « vidisse civium mæstos vultus, audire secretas querimonias, quod tantum iter aditurus esset, cuius ne modicos quidem egressus tolerarent, sueti adversum fortuita aspectu Principis refoveri. ergo ut in privatis necessitudinibus proxima pignora prævalerent, ita populum Romanum vim plurimam habere, parendumque retinenti. » hæc atque talia plebi volentia ³ fuere, voluptatum cupidine, et quæ præcipua cura est, rei frumentariæ angustias, si abesset, metuenti. senatus et primores in incerto erant, procul an coram atrocior haberetur: dehinc, quæ natura magnis timoribus, deterius credebant quod evenerat.

XXXVII. Ipse, quo fidem acquireret nihil ¹ usquam perinde lætum sibi, publicis locis struere convivia totaque Urbe quasi domo uti. Et celeberrimæ luxu famaque epulæ fuere, quas a Tigellino paratas ut exemplar ² referam, ne sæpius eadem prodigientia narranda sit. igitur in stagno Agrippæ ³ fabricatus est ratem ⁴, cui superpositum convivium aliarum

—2. Ut contumeliæ esset, derideretur.

XXXV. 1. Homines qui noscerentur, homines non obscuros, non simpliciter libertos aut servos qualescumque. — 2. Explicat ipse Tacitus XVI, 8, *tangam disponeret jam imperii curas præficeretque rationibus et libellis et epistolis libertos.* — 3. Quasi pro-
lusionem, μελέτην, imperii. — 4. A vivere.

XXXVI. 1. Quo profecturus erat ad ostentandam vocem. — 2. Illuc iter meditando. — 3. Grata, jucunda. Sic Hist. III, 32: *Muciano volentia rescribere*; et Sallustius: *Volentia plebi facturus videbatur.*

XXXVII. 1. Scilicet esse. — 2. Quasi ἀρχέτυπον, in quo plena rei species representata cernatur. — 3. In hortis Agrippæ prope Pantheon et locum qui hodie dicitur *palazzo della Accademia Ecclesiastica*. — 4. Un radeau. — 5. De quibus ad XI, 27.

tractu navium moveretur. naves auro et ebore distinctæ; remigesque exoleti per ætates et scientiam libidinum componebantur. volucres et feras diversis e terris et animalia maris Oceano abusque petiverat. in crepidinibus stagni loca illustribus feminis completa: gestus motusque illiberales; et postquam tenebræ incedebant, quantum juxta memoris et circumjecta tecta consonare cantu et luminibus clarescere. Ipse per licita atque illicita fœdatus nihil flagitii reliquerat quo corruptior ageret, nisi paucos post dies uni ex illo contaminatorum (nomen *Pythagoræ* fuit) in modum solennium conjugiorum denupsisset. inditum Imperatori flammæum; visi auspices³, dos et genialis torus et faces nuptiales; cuncta denique spectata, quæ etiam in femina nox operit.

XXXVIII. Sequitur clades, forte an dolo Principis incertum¹ (nam utrumque auctores prodidere), sed omnibus, quæ huic Urbi per violentiam ignium acciderunt, gravior atque atrocior. initium in ea parte Circi ortum, quæ Palatino Cælioque montibus contigua est: ubi per tabernas², quibus id mercimonium inerat quo flamma alitur, simul cœptus ignis et statim validus ac vento citus longitudinem Circi corripuit: neque enim domus munimentis septæ vel templa muris cincta aut quid aliud moræ interjacebat. impetu pervagatum incendium plana primum, deinde in edita assurgens, et rursum inferiora populando, anteit remedia velocitate mali et obnoxia³ Urbe arctis itineribus hucque et illuc flexis atque enormibus vicis, qualis vetus Roma fuit⁴. Ad Loca lamenta paventium feminarum, fessa⁵ ac rudis pueritiæ ætas, quique sibi quique aliis consulebant, dum trahunt invalidos aut opperiuntur, pars morâ, pars festinans cuncta impediabant: et sæpe, dum in tergum respectant, lateribus aut fronte circumveniebantur; vel si in proxima evaserant, illis quoque igni correptis⁶, etiam quæ longinqua crediderant in eodem casu reperiebantur. postremo, quid vitarent, quid peterent ambigui, complere vias, sterni per agros; quidam amissis omnibus fortunis, diurni quoque victus⁷, alii caritate suorum, quos eripere nequiverant, quamvis patente effugio interiere. nec quisquam defendere audebat, crebris multorum minis restinguere prohibentium, et quia alii palam faces jaciebant atque esse sibi auctorem vociferabantur, sive ut raptus licentius exercerent, seu jussu

XXXIX. Eo in tempore Nero Antii agens non ante in Urbem regressus est, quam domui ejus, qua palatium et Mæcenatis hortos¹ continuaverat, ignis propinquaret. neque tamen sisti potuit, quin et palatium et domus et cuncta circum haurirentur. Sed solatium populo exturbato et profugo Campum Martis ac monumenta Agrippæ², hortos quin etiam suos patefe-

XXXVIII. 1. Specta moderationem Taciti! Scriptorum quos hodie legimus Dio Cassius malæ menti Neronis tribuit illud incendium, dudum animo volventis et Priamum felicem prædicantis, cui Trojæ patriæ incendium oculis cernere contigerit; Suetonius veteres aedes et tortuosas plateas Urbis displicuisse Neroni scribit, ceteroque spatium aureo suo palatio desideranti — 2. Inprimis oleariorum et thuriariorum. — 3. Sc. incendio. — 4. De qua post Gallicum incendium instauranda Livius scribit V, 33: «Festinatio curam exemit vicis dirigendi, dum omisso sui alienique discrimine in vacuo ædificent. Ea est causa ut veteres cloacæ, primo per publicum ductæ, nunc privata passim subeant tecta formaque Urbis sit occupatæ magis quam divisæ similis.» — 5. Senum. — 6. Supple: et ipsis in longinqua fugientibus. *Longinqua* sc. ab incendio. — 7. Sc. fortuna amissa.

XXXIX. 1. In Esquillis sitos, ut notum ex Horatio. — 2. Magnifica in Campo Martio;

cit, et subitaria ædificia exstruxit, quæ multitudinem inopem acciperent; subvectaque utensilia³ ab Ostia et propinquis municipiis, pretiumque frumenti minutum usque ad ternos nummos⁴. Quæ quamquam popularia in irritum cadebant, quia pervaserat rumor *ipso tempore flagrantis Urbis inisse eum domesticam scenam et cecinisse Trojanum excidium, præsentia mala vetustis cladibus assimilantem*.

XL. Sexto demum die apud imas Esquilias finis incendio factus, pruritis per immensum ædificiis, ut continuæ violentiæ campus et velut vacuum cælum occurreret. Nec diu post metus redibat haud levis: rursum grassatus ignis, patulis magis Urbis locis; eoque strages hominum minor, delubra deum et porticus amœnitati dicatæ latius procidere. plusque infamiæ id incendium habuit, quia prædiis Tigellini Æmilianis¹ proruperat. videbaturque Nero condendæ Urbis novæ et cognomento suo appellandæ gloriam quærere. quippe in regiones quattuordecim Roma dividitur, quarum quattuor integræ manebant, tres solo tenus dejectæ: septem reliquis pauca tectorum vestigia supererant, lacera et semiusta.

XLI. Domuum et insularum¹ et templorum, quæ amissa sunt, numerum inire haud promptum fuerit: sed vetustissima religione, quod Servius Tullius Lunæ², et magna ara fanumque, quæ Præsenti Herculi Arcas Evander sacraverat³, ædesque Statoris Jovis vota Romulo⁴ Numæque regia et delubrum Vestæ cum penatibus populi Romani⁵, exusta; jam opes tot victoriis quæsitæ et Græcarum artium decora, exin monumenta ingeniorum antiqua et incorrupta⁶: quamvis in tanta resurgentis Urbis pulchritudine, multa seniores meminerint, quæ reparari nequibant. Fuere qui annotarent quartodecimo kalendas Sextiles⁷ principium incendii huius ortum, quo et Senones captam Urbem inflammaverint. alii eo usque cura progressi sunt, ut totidem annos mensesque et dies inter utraque incendia numerent⁸.

XLII. Ceterum Nero usus est patriæ ruinis exstruxitque domum, in qua haud perinde gemmæ et aurum miraculo essent, solita pridem et luxu vulgata, quam arva et stagna et in modum solitudinum hinc silvæ, inde aperta spatia et prospectus, magistris et machinatoribus Severo et Celere, quibus ingenium et audacia erat, etiam quæ natura denegavisset, per artem tentare et viribus Principis illudere. namque *ab lacu Averno¹ navigabilem fossam usque ad ostia Tiberina depressuros promiserant, squalenti² littore aut per montes adversos. neque enim aliud humidum*

epulcrum, campus, porticus, thermæ, Pantheon, horti, septa, templum Neptuni, et alia. — 3. Cibaria, ut capitur etiam I, 70. — 4. In modium, paullo plus hodiernis 10 *litres* pretio ferme 33 *cent.*

XL 1. In vico Æmiliano sitis, in septima regione Urbis.

XLI. 1. De quibus v. ad VI, 45. — 2. In Aventino, in duodecima regione Urbis. In eo templo Mummius ex præda Corinthiaca consecraverat artes Græcas. — 3. Vide Liv. I, 7. — 4. Ap. Livium I, 12. — 5. De his ædibus vicinis vide Ovidium, *Trist.* III, 1, 29 sqq., *Fastor.* VI, 263 sqq., Liv. I, 20. — 6. Sc. exusta sunt: libri veterum scripti in privatorum aut publicis bibliothecis, multi apud familias auctorum. — 7. Decimo nono die Julio; eodem die anni 364 Senones Romam intrarunt, Liv. V, 41; VI, 1. — 8. Sed terminus quem illi ponebant nunc obscurus: ratio non constat in cognitis opinionibus de anno conditæ Urbis.

XLII. 1. In Campania. *Fossam* 160 millium passuum. — 2. Arido et sine proventus terræ.

gignendis aquis occurrit quam Pomptinæ paludes : cetera abrupta aut arentia ; ac si perrumpi possent, intolerandus labor, nec satis causæ. Nero tamen, ut erat incredibilium cupitor, effodere proxima Averno juga connixus est ; manentque vestigia irritæ spei.

XLIII. Ceterum Urbis quæ domui ¹ supererant, non ut post Gallica incendia, nulla distinctione nec passim erecta, sed dimensis vicorum ordinibus et latis viarum spatiis, cohibitaque ædificiorum altitudine ac patefactis aræis additisque porticibus, quæ frontem insularum protegerent. *eas porticus Nero sua pecunia exstructurum, purgatasque areas dominis traditurum* ² pollicitus est. addidit præmia pro cujusque ordine et rei familiaris copiis, finivitque tempus intra quod effectis domibus aut insulis adipiscerentur. *ruderi accipiendo Ostienses paludes destinabat, utique* ³ *naves, quæ frumentum Tiberi subvectassent, onustæ rudere decurrerent; ædificiaque ipsa certa sui parte sine trabibus, saxo Gabino Albanore solidarentur, quod is lapis ignibus impervius est. jam aqua privatorum licentiâ intercepta quo largior et pluribus locis in publicum flueret, custodes* ⁴, *et subsidia reprimendis ignibus in propatulo quisque haberet; nec communione parietum* ⁵, *sed propriis quæque muris ambirentur. ea ex utilitate accepta decorem quoque novæ urbi attulere. erant tamen qui crederent* ⁶ *veterem illam formam salubritati magis conduxisse, quoniam angustiae itinerum et altitudo tectorum non perinde solis vapore perrumperentur : at nunc patulam latitudinem et nulla umbra defensam graviore aestu ardescere.*

XLIV. Et hæc quidem humanis consiliis providebantur. mox petita a diis piacula ¹, aditque Sibyllæ libri, ex quibus supplicatum Vulcano et Cereri Proserpinæque, ac propitiata Juno per matronas, primum in Capitolio, deinde apud proximum mare, unde hausta aqua templum et simulacrum deæ prospersum est; et sellisternia ² ac pervigilia celebrare feminae, quibus mariti erant. Sed non ope humana, non largitionibus Principis aut deum placamentis decedebat infamia, quin jussum incendium crederetur. ergo abolendo rumori Nero subdidit reos, et quæsitissimis pœnis affecit, quos per flagitia ³ invisos vulgus *Christianos* appellabat. auctor nominis ejus Christus Tiberio imperitante per procuratorem Pontium Pilatum supplicio affectus erat. repressaque in præsens exitiabilis superstitio ⁴ rursus erumpebat non modo per Judæam, originem ejus mali, sed per Urbem etiam, quo cuncta undique atrocita aut pudenda confluent celebranturque. igitur primo correpti qui fatebantur, deinde indicio eorum multitudo ingens, haud perinde in crimine ⁵ incendii quam odio humani generis ⁶ convicti sunt. et pereuntibus addita ludibria, ut ferarum

XLIII. 1. Neronis. — 2. Nam « pollicitus cadaverum et rudum gratuitam egestionem, nemini ad reliquias rerum suarum adire permisit, » Sueton. c. 58. — 3. Et ut. — 4. Sc. constituerentur; qui vocabantur *aquarii, castellarii*. — 5. Pergit quasi scriptum esset *communibus parietibus*. — 6. Recte et vere, ut decursu sæculorum compertum.

XLIV. 1. Placamenta, expiationes. — 2. Quæ deabus fiebant, *lectisternia* diis : ut viri in lectis discumbentes, feminae sellis insidentes cœnabant, sic deorum dearumque statua in lectis sellisve ad aras magnificis cibis oppletas admovebantur. — 3. Quorum insimulabantur rumoribus vera ignorantium. — 4. Non exitiabilem, sed *immodicam* invenit Plinius in epistola de Christianis ad Trajanum, X, 97. — 5. Pro vulgari *criminis*, ut apud Ciceronem : *In quo me accusas*; alibi, *in hoc scelere convictus*. — 6. Cujus

tergis confecti laniatu canum interrent, aut crucibus affixi, aut flammamandi⁷, atque ubi defecisset dies, in usum nocturni luminis urerentur. hortos suos ei spectaculo Nero obtulerat, et circense ludicrum edebat habitu aurigæ permixtus plebi vel curriculo insistens. unde quamquam adversus fontes et novissima exempla meritos miseratio oriebatur, tamquam non utilitate publica, sed in sævitiam unius absumerentur.

XLV. Interea conferendis pecuniis¹ pervastata Italia, provinciæ eversæ, sociique populi et quæ civitatum liberæ vocantur. inque eam prædām etiam dii cessere, spoliatis in Urbe templis egestoque auro, quod triumphis, quod votis omnis populi Romani ætas prospere² aut in metu sacraverat. enimvero per Asiam atque Achaiam non dona tantum, sed simulacra numinum abripiebantur, missis in eas provincias Acrato ac Secundo Carinate. ille libertus cuicumque flagitio promptus; hic Græca doctrina ore tenus exercitus animum bonis artibus non induerat. Ferebatur Seneca, quo invidiam sacrilegii a semet averteret, longinqui ruris secessum oravisse, et postquam non concedebatur, ficta valetudine, quasi æger nervis, cubiculum non egressus. tradidere quidam venenum ei per libertum ipsius, cui nomen Cleonicus, paratum jussu Neronis, vitatum a Seneca proditione liberti seu propria formidine, dum persimplici victu et agrestibus pomis ac, si sitis admoneret, profluente aqua vitam tolerat.

XLVI. Per idem tempus gladiatores apud oppidum Præneste tentata eruptione præsidio militis, qui custos adesset¹, coerciti sunt, jam Spartacum et vetera mala rumoribus ferente populo, ut est novarum rerum cupiens pavidusque. Nec multo post clades rei navalis accipitur, non bello (quippe haud alias tam immota pax): sed certum ad diem in Campaniam redire classem Nero jussérat non exceptis² maris casibus. ergo gubernatores quamvis sæviante pelago a Formiis movere; et gravi Africo³, dum promontorium Miseni superare contendunt, Cumanis littoribus impacti trirremium plerasque et minora navigia passim amiserunt.

XLVII. Fine anni vulgantur prodigia, imminentium malorum nuntia. vis fulgurum non alias crebrior et sidus cometes, sanguine illustri semper¹ Neroni expiatum. bicipites hominum aliorumve animalium partus abjecti in publicum, aut in sacrificiis, quibus gravidas hostias immolare mos est², reperti. et in agro Placentino viam propter natus vitulus, cui caput in crure esset. secutaque haruspicum interpretatio, parari rerum huma-

quidem vitia pervulgata, vanitatem et exsecrandas superstitiones oderant, non humanum genus ipsum. Sed Tacitus, suis diis ex animo addictus, quomodo perspicere poterat doctrinam et vitam eorum, quos abhorre ut Isiacos et aliarum superstitionum orientialium auctores a prima pueritia didicerat? — 7. Flammis destinati. Ad quos respicit Juvenalis in his, I, 135: *Tæda lucebis in illa, qua stantes ardent qui fixo (in palo) gutture fumant.*

XLV. 1. Quibus aurea domus Neronis construeretur.—2. Rebus prospere gestis.

XLVI. 1. Subjunctivus, quia illa præsentia militum causa est coercitæ eruptionis.—2. Sc. in jussu suo; etiam turbido mari navigare jubens.—3. Nobis te sud uest.

XLVII. 1. Nam regnante Nerone aliquoties visebantur comete. Rem præsentem explicat Suetonius, c. 36: « Stella crinita, quæ summis potestatibus exitum portendere vulgo putatur, per continuas noctes oriri cœperat. Anxius ea re Nero, ut ex Babilo astrologo didicit, solere reges talia ostenta eadē aliqua illustri expiare atque a semet in capita procerum depellere, nobilissimo cuique exitium destinavit. »—2. Qualia erant

narum aliud caput, sed non fore validum neque occultum, quia in utero repressum³ aut iter juxta editum sit.

XLVIII. Ineunt deinde consulatum¹ Silius Nerva et Atticus Vestinus, coepta simul et aucta conjuratione, in quam certatim nomina dederant² senatores, Eques, miles, feminae etiam, quum odio Neronis, tum favore in C. Pisonem³. is Calpurnio genere ortus ac multas insignesque familias paterna nobilitate complexus claro apud vulgum rumore erat per virtutem aut species virtutibus similes. namque facundiam tuendis civibus exercebat, largitionem adversus⁴ amicos, et ignotis quoque comi sermone et congressu. aderant etiam fortuita, corpus procerum, decora facies. sed proeni⁵ gravitas morum aut voluptatum parcimonia: lenitati ac magnificentiae et aliquando luxu indulgebat. idque pluribus probabatur, qui in tanta vitiorum dulcedine summum imperium non restrictum nec perseverum volunt.

XLIX. Initium conjurationi non a cupidine ipsius fuit: nec tamen facile memoraverim quis primus auctor, cujus instincta conceitum sit quod tam multi sumpserunt. promptissimos Subrinum Flavium tribunum praetoriae cohortis et Sulpicium Asprum centurionem exstitisse constantia exitus¹ docuit. et Lucanus Annaeus² Plautiusque Lateranus consul designatus vivida odia intulere. Lucanum propriae causae accendebant, quod famam carminum ejus premebat Nero, prohibueratque ostentare³ vanus adsimulatione⁴: Lateranum consulem designatum nulla injuria, sed amor reipublicae sociavit. At Flavius Scaevinus et Afranius Quinctianus, uterque senatorii ordinis, contra famam sui principium tanti facinoris capessivere. nam Scaevino dissoluta luxu mens et proinde vita somno languida: Quinctianus mollitia corporis infamis et a Nerone probroso carmine diffamatus contumelias ultum ibat.

L. Ergo, dum *scelera Principis, et finem adesse imperio delendumque qui fessis rebus succurreret*, inter se aut inter amicos jaciunt, aggregavere Tullium Senecionem, Cervarium Proculum, Vulcatium Araricum, Julium Tugurinum, Munatium Gratum, Antonium Natalem, Marcium Festum, Equites Romanos; ex quibus Senecio, e praecipua familiaritate Neronis, speciem amicitiae etiam tum retinens eo pluribus periculis conflictabatur. Natalis particeps ad omne secretum Pisoni erat. ceteris spes ex novis rebus petebatur. Ascitae sunt super Subrinum et Sulpicium, de quibus retuli, militares manus, Gavius Silvanus et Statius Proximus tribuni cohortium praetoriarum, Maximus Scaurus et Venetus Paullus centuriones. sed summum robur in Fenio Rufo praefecto videbatur, quem vita famaue laudatum per saevitiam impudicitiamque Tigellinus in animo Principis anteibat fatigabatque criminationibus ac saepe in metum adduxerat quasi

ferdicalia, de quibus Ovidius, *Fastor.* IV, 629—672.—3. Retro versum, loco suo emotum.

XLVIII. 1. Anni U. 818, p. Chr. 65. — 2. Nomina dare proprie dicuntur milites magistratui delectum habenti.—3. De quo legendum carmen inscriptum *Panegyricus ad* (C. Calpurnium) *Pisonem*.—4. Erga, ut alibi ap. Tacitum.—5. Sc. erat ab eo.

XLIX. 1. Mortis.—2. Cujus *Pharsalia* superest.—3. Publice recitare. In quinquennialibus ludis et Lucanus et Nero Orpheum eccinerant; coronatus Lucanus bilem movit Imperatori.—4. Sc. studiorum; vanus dum similia consecraretur et aemulum ageret.

adulterum Agrippinæ et desiderio ejus ultioni intentum. Igitur ubi conjuratis præfectum quoque prætorii in partes descendisse crebro ipsius sermone facta fides, promptius jam de tempore ac loco cædis agitabant. et cepisse impetum Subrius Flavius ferebatur in scena canentem Neronem aggrediendi, aut quum ardente domo¹ per noctem huc illuc cursaret incustoditus. hic occasio solitudinis, ibi ipsa frequentia tanti decoris testis pulcherrimum animum exstimulaverant, nisi impunitatis cupido retinuisset, magnis semper conatibus adversa.

LI. Interim cunctantibus prolatantibusque spem ac metum Epicharis quædam, incertum quonam modo sciscitata (neque illi ante ulla rerum honestarum cura fuerat), accendere et arguere¹ conjuratos; ac postremo lenti tudinis eorum pertesa et in Campania agens primores classiariorum Misensium labefacere² et conscientia illigare connixa est tali initio. erat navarchus³ in ea classe Volusius Proculus, occidendæ matris Neronis inter ministros, non ex magnitudine sceleris proventus, ut⁴ rebatur. is mulier olim cognitus, seu recens orta amicitia, dum *merita erga Neronem sua et quam in irritum cecidissent* aperit adjicitque questus et *destinationem vindictæ, si facultas oreretur*, spem dedit posse impelli et plures conciliare; nec leve auxilium in classe, crebras occasiones, quia Nero multo apud Puteolos et Misenum maris usu lætabatur. ergo Epicharis plura; et omnia scelera Principis orditur: *neque senatui quid⁵ manere: sed provisum quonam modo pœnas everse reipublicæ daret: accingeretur modo navare operam et militum accerrimos ducere in partes, ac digna pretia exspectaret.* nomina tamen conjuratorum reticuit. unde Proculi indicium irritum fuit, quamvis ea quæ audierat ad Neronem detulisset. accita quippe Epicharis et cum indice composita nullis testibus innixum facile confutavit. sed ipsa in custodia retenta est, suspectante Nerone haud falsa esse etiam quæ vera non probabantur.

LII. Conjuratis tamen, metu prodicionis permotis, placitum maturare cædem apud Baias in villa Pisonis, cujus amœnitate captus Cæsar creber eo ventitabat, balneasque et epulas inibat omissis excubiis et fortunæ suæ mole¹. sed abnuitt Piso, *invidiam* prætendens, *si sacra mensæ dique hospitales cæde qualiscunque Principis cruentarentur: melius apud Urbem in illa invisa et spoliis civium exstructa domo vel in publico patratueros quod pro republica suscepissent.* Hæc in commune, ceterum timore occulto ne L. Silanus, eximia nobilitate disciplinaque C. Cassii, apud quem educatus erat, ad omnem claritudinem sublatus², imperium invaderet, prompte daturis operam qui a conjuratione integri essent quique miserarentur Neronem tanquam per scelus interfectum. plerique *Vestini quoque consulis acre ingenium vitavisse Pisonem crediderunt, ne ad libertatem oreretur³, vel delecto Imperatore alio sui muneris rem-*

I. 1. Aurea, quam conjurati incenderent. Sed legendum potius cum Herelio *sordente domo*, domo sua fastidita.

LI. 1. Sc. tanquam ignavos. — 2. Avertere a fide in Neronem. — 3. Alii *chiliarchus*, qui foret tribunus classiariorum. — 4. Quantum se provchendum fuisse. — 5. Nihil potentia et auctoritatis.

LII. 1. Comitatu imperatorio omisso. — 2. De patre Silani vide XIII, 1, de ipso XVI, 7 seq. Cassius est optimus ille jurisconsultus, de quo XII, 12 et alibi. — 3. Bandam civitati

publicam ⁴ *faceret*. etenim expers conjurationis erat, quamvis super eo crimine Nero vetus adversus insontem odium ⁵ expleverit.

LIII. Tandem statuere circensium ludorum die, qui Cereri celebratur ¹, exsequi destinata, quia Cæsar, rarus egressu domoque aut hortis clausus, ad ludicra Circi ventitabat, promptioresque aditus erant lætitia spectaculi. Ordinem insidiis composuerant: « ut Lateranus, quasi subsidium rei « familiari oraret, deprecabundus et genibus Principis accidens proster- « neret incautum premeretque, animi validus et corpore ingens, tum « jacentem et impeditum tribuni et centuriones et ceterorum ut quisque « audientiæ plus habuisset, accurrerent trucidarentque, » primas sibi partes expostulante Scævino, qui pugionem templo Salutis [in Etruria] ² sive, ut alii tradidere, Fortunæ Ferentino in oppido detraxerat, gestabatque velut magno operi sacrum. « interim Piso apud ædem Cereris « opperiretur, unde eum præfectus Fenius et ceteri accitum ferrent in « castra, comitante Antonia Claudii Cæsaris filia ad eliciendum vulgi « favorem: » quod C. Plinius memorat. nobis quoquo modo traditum non occultare in animo fuit, quamvis absurdum videretur aut inanem ad spem Antoniam nomen et periculum commodavisse, aut Pisonem notum amore uxoris alii matrimonio se obstrinxisse, nisi si cupido dominandi cunctis affectibus flagrantior est.

LIV. Sed mirum quam inter diversi generis, ordinis, ætatis, sexus, dites, pauperes taciturnitate omnia cohibita sint, donec proditio cœpit e domo Scævini: qui pridie insidiarum multo sermone cum Antonio Natale, dein regressus domum testamentum obsignavit, promptum vagina pugionem, de quo supra retuli, *vetustate obtusum* increpans *asperari saxo et in mucronem ardescere* ¹ jussit, eamque curam liberto Milicho mandavit. simul affluentius solito convivium initum; servorum carissimi libertate et alii pecunia donati. atque ipse mæstus et magnæ cogitationis manifestus erat, quamvis lætitiâ vagis sermonibus simularet. postremo *vulneribus ligamenta, quibusque sistitur sanguis, parare* eundem Milichum monet, sive gnarum conjurationis et illuc usque fidum, seu nescium et tunc primum arreptis suspicionibus, ut plerique tradidere de consequentibus ². nam quum secum servilis animus præmia perfidiæ reputavit, simulque immensa pecunia et potentia obversabantur, cessit fas et salus patroni et acceptæ libertatis memoria. etenim uxoris quoque consilium assumpserat muliebre ac deterius: quippe ultro metum intentabat, « multosque astitisse liberos ac servos, qui eadem viderint; nihil profutu- « rum unius silentium; at præmia penes unum fore, qui indicio prævenisset. »

LV. Igitur cœpta luce Milichus in hortos Servilianos pergit; et quum foribus arceretur, *magna et atrocia afferre* dictitans, deductusque ab janitoribus ad libertum Neronis Epaphroditum ¹, mox ab eo ad Neronem,

exsurgeret.—4. Quasi suo munere ipsi datam.—5. De quo v. infra c. 68, 69.

LIII. 1. Die 19 Aprili, ad quem in Fastis circenses Cerealici referuntur.—2. Glossa esse videtur ad *Ferentinum oppidum* sive Ferentium referenda: quanquam manuscripti *Ferentino*, de Ferento, Apuliæ oppido. Templum Salutis clarum Romæ in Quirinali monte.

LIV. 1. Ut asperatus cote mucronem sive aciem accipiat et splendescat.—2. Ex iis quæ comitabantur et sequebantur facinus, hoc colligentes.

LV. 1. 2. Qui erat Neroni *a libellis*. quasi dicas *maitre des requêtes*.

*urgens periculum, graves conjurationes, et cetera quæ audierat conjectaveratque, docet. telum quoque in necem ejus paratum ostendit accirque reum jussit. Is raptus² per milites et defensionem orsus, « ferrum, cujus ra-
« gueretur, olim religione patria cultum et in cubiculo habitum ac fraude
« liberti surreptum » respondit. « tabulas testamenti sæpius a se et incusto-
« dita dierum observati onæ signatas. pecunias et libertates servis et ante
« dono datas, sed ideo tunc largius, quia tenui jam re familiari et instanti-
« bus creditoribus testamento diffideret³. enimvero liberales semper epulas
« struxisse et vitam amœnam et duris iudicibus parum probatam. fomenta
« vulneribus nulla jussu suo, sed quia cetera palam vana objecisset, adjun-
« gere crimen, ut sese pariter indicem et testem faceret. » adjicit dictis
constantiam; incusat ultro *intestabilem et consceleratum* tanta vocis
ac vultus securitate, ut labaret indicium, nisi Milichum uxor admonuisset
*Antonium Natalem multa cum Scævino ac secreta collocutum, et esse
utrosque C. Pisonis intimos.**

LVI. Ergo accitur Natalis, et diversi interrogantur *quisnam is sermo, qua de re fuisset?* tum exorta suspicio, quia non congruentia responde-
rant; inditaque vincla. et tormentorum aspectum ac minas non tulere.
prior tamen Natalis, totius conspirationis magis gnarus, simul arguendi¹
peritior, *de Pisone* primum fatetur. deinde adjicit *Annæum Senecam*,
sive internuntius inter eum Pisonemque fuit, sive ut Neronis gratiam
pararet, qui infensus Senecæ omnes ad eum opprimendum artes conqui-
rebat. tum cognito Natalis indicio Scævino quoque pari imbecillitate, an
cuncta jam patefacta credens nec ullum silentii emolumentum, edidit
ceteros. ex quibus Lucanus Quintianusque et Senecio diu abnuere: post
promissa impunitate corrupti, quo tarditatem excusarent, Lucanus *Atti-
lam matrem suam*, Quintianus *Glitium Gallum*, Senecio *Anniūm
Pollionem*, amicorum præcipuos, nominavere.

LVII. Atque interim Nero recordatus Volusii Proculi indicio Epicharin
attineri ratusque muliebre corpus impar dolori, *tormentis dilacerari*
jubet. at illam non verbera, non ignes, non ira eo acrius torquentium,
ne a femina spernerentur, pervicere, quin objecta denegaret. Sic primus
quæstionis dies contemptus. postero quum ad eosdem cruciatus retrahere-
tur gestamine sellæ (nam dissolutis membris insistere nequibat), vinclo
fasciæ¹, quam pectori detraxerat, in modum laquei ad arcum sellæ re-
stricto indidit cervicem et corporis pondere connixa tenuem jam spiritum
expressit, clariore exemplo libertina mulier, in tanta necessitate alienos
ac prope ignotos protegendo, quum ingenui et viri et Equites Romani
senatoresque intacti tormentis carissima suorum quisque pignorum pro-
derent. non enim omittebant Lucanus quoque et Senecio et Quintianus
passim conscios edere, magis magisque pavido Nerone, quamquam mul-
tiplicatis excubiis semet sepsisset.

— 2. Celerrime adductus. — 3. Nimirum metuens ne creditores rescinderent liber-
tates testamento datas.

LVI. 1. Accusandi. Melius noverat quibus hominibus indicio suo deferendis Neroni
gratum facere posset.

LVII. 1. Quæ alibi *strophium*, ταινία.

LVIII. Quin et Urbem, per manipulos occupatis mœnibus, incesso etiam mari et amne, velut in custodiam dedit. volitabantque per fora, per domos, rura quoque et proxima municipiorum, pedites equitesque, permixti Germanis, quibus fidebat Princeps quasi externis. continua hinc et vincta agmina trahi ac foribus hortorum adjacere. atque ubi dicendam ad causam introissent, *lætatum*¹ *erga conjuratos, si fortuitus sermo et subiti occursus, si convivium, si spectaculum simul inissent*, pro crimine accipi, quum super Neronis ac Tigellini sævas percunctationes Feniis quoque Rufus violenter urgeret, nondum ab indicibus nominatus, sed quo fidem inscitiae pararet, atrox adversus socios. idem Subrio Flavio assistenti annuentique², an inter ipsam cognitionem destringeret gladium cædemque patraret, renuit infregitque impetum jam manum ad capulum referentis.

LIX. Fuere qui prodita conjuratione, dum auditur Milichus, dum dubitat Scaevinus, hortarentur Pisonem « pergere in castra aut rostra escendere studiaque militum et populi tentare. si conatibus ejus conscii aggregarentur, secuturos etiam integros; magnamque motæ rei famam, quæ plurimum in novis consiliis valeret. nihil adversum hoc Neroni » provisum. etiam fortes viros subitis terreri; nedum ille scenicus, Tigellino scilicet cum pellicibus suis comitante, arma contra cieret. multa « experiendo confieri¹, quæ segnibus ardua videantur. frustra silentium et fidem in tot consciorum animis et corporibus sperari: cruciati aut præmio cuncta pervia esse. venturos qui ipsum quoque vincirent, potestremo indigna nece afficerent. quanto laudabilius periturum, dum amplectitur rempublicam, dum auxilia libertati invocant. miles potius deesset et plebes desereret, dum² ipse majoribus, dum posteris, si vita præriperetur, mortem approbaret³. » Immotus his et paullulum in publico versatus, post domi secretus animum adversum suprema firmabat, donec manus militum adveniret, quos Nero tirones aut stipendiis recentes delegerat: nam vetus miles timebatur quamquam favore⁴ imbutus. obiit abruptis brachiorum venis. testamentum fœdis adversus Neronem adulationibus amoris uxoris dedit, quam degenerem et sola corporis forma commendatam amici matrimonio abstulerat. nomen mulieris Atria Galla, priori marito Domitius Silus: hic patientia, illa impudicitia Pisonis infamiam propagavere.

LX. Proximam necem Plautii Laterani consulis designati Nero adjungit, adeo propere ut non complecti liberos, non illud breve mortis arbitrium¹ permetteret. raptus in locum servilibus pœnis sepositum manu Statii tribuni trucidatur, plenus constantis silentii nec tribuno objiciens eandem conscientiam². Sequitur cædes Annæi Senecæ, lætissima Principi, non quia conjurationis manifestum compererat, sed ut ferro grassaretur, quando venenum non processerat.³ solus quippe Natalis et hactenus⁴ prompsit,

LVIII. 1. Sc. esse: qui infinitivus pro subjecto est verbi *accipi pro crimine*. — 2. Ntu querenti, an Nero in ipsa quæstione interficiendus esset.

LIX. 1. Confici. — 2. Dummodo. — 3. Laudandam exhiberet. — 4. Sc. Neronis, ut *Hist. II, 88*: *Legiones imbutæ favore Othonis*.

LX. 1. Tempus quo de mortis genere deliberaret. — 2. Sc. conspiracy, cujus ipse quoque Statius conscius. — 3. V. supra c. 45. — 4. Non plura.

missum se ad aegrotum Senecam, uti viseret conquerereturque cur Pisonem aditu arceret? melius fore, si amicitiam familiari congressu exercuissent; et respondisse Senecam sermones mutuos et crebra colloquia neutri conducere; ceterum salutem suam incolumitate Pisonis inniti. Hæc ferre Gavius Salvanus tribunus prætoriae cohortis, et an dicta Natalis suaeque responsa nosceret percunctari Senecam jubetur. is, forte an prudens, ad eum diem ex Campania remeaverat quartumque apud lapidem suburbano rure substiterat. illo propinqua vespera tribunus venit et villam globis militum sepsit; tum ipsi cum Pompeia Paullina uxore et amicis duobus epulanti mandata Imperatoris edidit.

LXI. Seneca « missum ad se Natalem conquestumque nomine Pisonis « quod a visendo eo prohiberetur, seque rationem valetudinis et amorem « quietis excusavisse » respondit. « cur salutem privati hominis incolumi- « tati suæ anteferet, causam non habuisse; nec sibi promptum in adula- « tiones ingenium. idque nulli magis gnarum quam Neroni, qui sæpius « libertatem Senecæ quam servitium expertus esset. ». Ubi hæc a tribuno relata sunt Poppæa et Tigellino coram, quod erat sævienti Principi intimum consiliorum, interrogat *an Seneca voluntariam mortem pararet?* tum tribunus *nulla pavoris signa, nihil triste in verbis ejus aut vultu deprehensum confirmavit!* ergo *regredi et indicere mortem jubetur.* Tradit Fabius Rusticus *non eo, quo venerat, itinere reditum* ¹, *sed flexisse ad Fenium præfectum, et expositis Caesaris jussis an obtemperaret interrogavisse, monitumque ab eo ut exsequeretur, fatali omnium ignavia.* nam et Silvanus inter conjuratos erat augebatque scelera, in quorum ultionem consenserat. Voci tamen et aspectui pepercit ², intromisitque ad Senecam unum ex centurionibus, qui *necessitatem ultimam* denuntiaret.

LXII. Ille interritus poscit *testamenti tabulas;* ac denegante centurione, conversus ad amicos, « quando meritis eorum referre gratiam « prohiberetur, quod unum jam et tamen pulcherrimum habebat, im- « ginem vitæ suæ relinquere » testatur, « *cujus si memores essent, bonarum artium famam, tum constantis amicitiae laturos.* » simul lacrimas eorum modo sermone, modo intentior in modum coercentis, ad firmitudinem revocat, rogans « *ubi præcepta sapientiæ? ubi tot per annos meditata ratio adversum imminetia? cui enim ignaram fuisse sævitiam Neronis? neque aliud superesse post matrem fratremque interfectos, quam ut educatoris præceptorisque necem adjiceret.* »

LXIII. Ubi hæc atque talia in commune disseruit, complectitur uxorem, et paullulum adversus præsentem formidinem ¹ mollitus rogat oratque, *temperaret dolori, ne æternum susciperet, sed in contemplatione vitæ per virtutem actæ desiderium mariti solatiis honestis toleraret.* illa contra sibi quoque destinatam mortem asseverat manumque percussoris exproscit. tum Seneca gloriæ ejus non adversus,

LXI. 1. Sc. esse, passive. — 2. Alloqui Senecam et aspicere ab eoque conspici vitavit.

LXIII. 1. Quasi dicas, aspectu præsentis terroris, coram circumstante necessitate dira: cujus sensum, hucusque repressum, majorem reddere debebat dilectissimæ uxoris

simul amore, ne sibi unice dilectam ad injurias relinqueret, *Vitæ, inquit, delinimenta* ² *monstraveram tibi, tu mortis decus mavis. non invidebo exemplo. sit hujus tam fortis exitus constantia penes utrosque par, claritudinis plus in tuo fine.* post quæ eodem ictu brachia ferro exsolvunt. Seneca, quoniam senile corpus et parco victu tenuatum lenta effugia sanguini præbebat, crurum quoque et poplitum venas abrumpit. sævisque cruciatibus defessus, ne dolore suo animum uxoris infringeret atque ipse visendo ejus tormenta ad impatientiam delaberetur, suadet in aliud cubiculum abscedere. et novissimo quoque momento suppeditante eloquentia, advocatis scriptoribus pleraque tradidit, quæ in vulgus edita ejus verbis invertere ³ supersedeo.

LXIV. At Nero nullo in Paullinam proprio odio, ac ne glisceret invidia crudelitatis, inhiberi mortem imperat. hortantibus militibus servi libertique obligant brachia, premunt sanguinem, incertum an ignaræ ¹. nam ut est vulgus ad deteriora promptum, non desuere qui crederent, *donec implacabilem Neronem timuerit, famam sociatæ cum marito mortis petivisse, deinde oblata mitiore spe blandimentis vitæ evictam*: cui addidit paucos postea annos, laudabili in maritum memoria, et ore ac membris in eum pallorem albidibus, ut ostentui esset multum vitalis spiritus egestum. Seneca interim, durante tractu et lentitudine mortis, Statium Annæum diu sibi amicitiae fide et arte medicinæ probatum orat *provisum pridem venenum*, quo damnati publico Atheniensium judicio exstinguerentur ², *promeret*; allatumque hausit frustra, frigidus jam artus et cluso corpore adversum vim veneni. postremo stagnum calidæ aquæ introiit respergens proximos servorum, addita voce *libare se liquorem illum Jovi liberatori* ³. exin balneo ⁴ illatus et vapore ejus exanimatus sine ullo funeris solenni crematur. ita codicillis præscripserat, quum etiam tum prædives et præpotens supremis suis consuleret.

LXV. Fama fuit Subrium Flavium cum centurionibus occulto consilio, neque tamen ignorante Seneca destinavisse *ut post occisum opera Pisonis Neronem Piso quoque interficeretur, tradereturque imperium Senecæ, quasi insontibus* ¹ *claritudine virtutum ad summum fastigium delecto.* quin et verba Flavii vulgabantur, *non referre dedecori* ², *si citharædus demoveretur et tragædus succederet*, quia ut Nero cithara, ita Piso tragico ornatu canebat ³.

LXVI. Ceterum militaris quoque conspiratio non ultra fefellit, accensis indicibus ad prodendum Fenium Rufum, quem eundem conscium et inquisitorem non tolerabant. Ergo instanti minitanti renidens Scævinius neminem ait *plura scire quam ipsum*, hortaturque ultro, *redderet tam bono Principi vicem.* non vox adversum ea Fenio, non silentium, sed verba sua præpediens et pavoris manifestus, ceterisque, ac maxime Cervario Proculo Equite, ad convincendum eum connixis, jussu Impera-

dolor.—2. Veras voluptates.—3. Aliis, nimirum meis verbis narrare.

LXIV. 1. Ut in deliquio animæ ob sanguinis effluxum.—2. Cicutam.—3. Huic Jovi decessuri ex convivio libabant ultimo poculo. Conf. infra XVI, 35. — Sicco, ut videtur, quod Laconicum dicitur.

LXV. 1. Ab insontibus crimine cædis Neroni paratæ.—2. Nihil interesse ad dedecus.—3. Vide cap. 48.

toris a Cassio milite, qui ob insigne corporis robur astabat, corripitur vinciturque.

LXVII. Mox eorundem indicio Subrius Flavius tribunus pervertitur, primo *dissimilitudinem morum* ad defensionem trahens, *neque se armatum cum inermibus et effeminatis tantum facinus consociaturum*; dein, postquam urgebatur, confessionis gloriam amplexus, interrogatusque a Nerone quibus causis ad oblivionem sacramenti processisset, *Oderam te*, inquit; *nec quisquam tibi fidelior militum fuit, dum amari meruisti. odisse cæpi, postquam parricida matris et uxoris et auriga et histrio et incendiarius exstitisti.* ipsa retuli verba, quia non, ut Senecæ, vulgata erant: nec minus nosci decebat militaris viri sensus incomptos et validos. nihil in illa conjuratione gravius auribus Neronis accidisse constitit, qui ut faciendis sceleribus promptus, ita audiendi quæ faceret insolens erat. Pœna Flavii Veiano Nigro tribuno mandatur. is proximo in agro scrobem effodi jussit, quam visam Flavius ut *humilem et angustam* increpans, circumstantibus militibus, *Ne hoc quidem*, inquit, *ex disciplina.* admonitusque fortiter protendere cervicem. *Utinam*, ait, *tu tam fortiter ferias*¹. et ille multum tremens, quum vix duobus ictibus caput amputavisset, sævitiam apud Neronem jactavit, *se squiplaga*² *interfectum à se* dicendo.

LXVIII. Proximum constantiæ exemplum Sulpicius Asper centurio præbuit, percunctanti Neroni *cur in cædem suam conspiravisset*? breviter respondens *non aliter tot flagitiis ejus subveniri potuisse*¹. tum jussam pœnam subiit. Nec ceteri centuriones in perpetuendis suppliciis degeneravere. At non Fenio Rufo par animus, sed lamentationes suas etiam in testamentum contulit. Opperiebatur Nero ut Vestinus quoque consul in crimen traheretur, violentum et infensum ratus: sed ex conjuratis consilia cum Vestino non miscuerant quidam vetustis in eum similitatibus, plures, quia præcipitem et insociabilem credebant. ceterum Neronis odium adversus Vestinum ex intima sodalitate cœperat, dum hic ignaviam Principis penitus cognitam despicit, ille ferociam amici metuît sæpe asperis facetiis illusit, quæ ubi multum ex vero traxere, acrem sui memoriam relinquunt. accesserat recens² causa, quod Vestinus Statilium Messalinam matrimonio sibi junxerat, haud nescius inter adulteros ejus et Cæsarem esse.

LXIX. Igitur non crimine, non accusatore existente, quia speciem¹ indicii induere non poterat, ad vim dominationis conversus Gerellanus tribunum cum cohorte militum immittit jubetque *prævenire conatus consulis, occupare velut arcem ejus, opprimere delectam juventutem*, quia Vestinus imminentes foro ædes decoraque servitia et pari ætate habebat. cuncta eo die munia consulis impleverat conviviumque celebrabat, nihil metuens, an dissimulando metu, quum ingressi milites *vocari eum*

LXVII. 1. Scil. quam ego fortiter cervicem protendero. — 2. Ictu uno et dimidio. Caligulæ dictum refertur: *ita feri, ut mori se sentiat.*

LXVIII. 1. Suetonius: *Aliter se illi non posse, ni morte, succurrere, dedecorato flagitiis omnibus.* Dio: *Ἀλλως σοι βοηθῆσαι οὐκ ἡδυνάμην.* — 2. Repentina, ut VI, 7, not. 2. Statilia postea Neronis uxor facta.

LXIX. 1. Sc. veritatis. — 2. Sc. a custodibus, non amplius curabantur.

a tribuno dixere. ille nihil demoratus exsurgit, et omnia simul properantur : clauditur cubiculo, præsto est medicus, abscinduntur venæ, vigens adhuc balneo infertur, calida aqua mersatur, nulla edita voce, qua semet miseraretur. circumdati interim custodiâ qui simul discubuerant, nec nisi protracta nocte omissi sunt², postquam pavorem eorum ex mensa exitium opperientium et imaginatus et irridens Nero *satis supplicii fuisse ait pro epulis consularibus*.

LXX. Exin M. Annæi Lucani cædem imperat. is profluente sanguine, ubi frigescere pedes manusque et paullatim ab extremis cedere spiritum fervido adhuc et compote mentis pectore intelligit, recordatus carmen a se compositum, quo vulneratum militem per ejusmodi mortis imaginem obiisse tradiderat, versus ipsos retulit¹, eaque illi suprema vox fuit. Senecio posthac et Quintianus et Scævinius non ex priore vitæ mollietate, mox reliqui conjuratorum periire nullo facto dictove memorendo.

LXXI. Sed compleri interim Urbs funeribus, Capitolium victimis, alius filio, fratre alius aut propinquo aut amico interfectis agere grates deis, ornare lauro domum, genua ipsius¹ advolvi et dextram osculis fatigare. atque ille gaudium id credens Antonii Natalis et Cervarii Proculi festinata indicia impunitate remuneratur; Milichus præmiis ditatus *conservatoris* sibi nomen, Græco ejus rei vocabulo², assumpsit. e tribunis Gavius Silvanus quamvis absolutus sua manu cecidit; Statius proximus veniam, quam ab Imperatore acceperat, vanitate exitus³ corrumpit. Exuti dehinc tribunatu Pompeius, Cornelius Martialis, Flavius Nepos, Statius Domitius, *quasi Principem non quidem odissent, sed tamen existimarentur*. Novio Prisco per amicitiam Senecæ et Clitio Gallo atque Annio Pollicioni infamatis magis quam convictis data exsilia. Priscum Antonia Flaccilla conjux comitata est, Gallum Egnatia Maximilla, magnis primum et integris opibus, post ademptis : quæ utraque gloriam ejus⁴ auxere. Pellitur et Rufius Crispinus occasione conjurationis, sed Neroni invisus, quod Poppeam quondam matrimonio tenuerat⁵. Verginium Flavum⁶ et Musonium Rufum⁷ claritudo nominis expulit : nam Verginius studia juvenum eloquentia, Musonius præceptis sapientiæ fovebat. Cluidieno Quietio, Julio Agrippæ, Blitio Catulino, Petronio Prisco, Julio Altino, velut in agmen et numerum, Ægæi maris insulæ permittuntur. At Cadicia uxor Scævini et Cæsonius Maximus⁸ Italia prohibentur, reos fuisse

LXX. 1. In Pharsalia, III, 633 sqq, de Lycida :

Scinditur avulsus ; nec sicut vulnere sanguis
Emieuit lentus : ruptis cadit undique venis,
Discursusque animæ diversa in membra meantis
Interceptus aquis. Nullius vita perempti
Est tanta dimissa via : pars ultima trunci
Tradidit in fetum vacuos vitalibus artus :
At tumidus qua pulmo jacet, qua viscera fervent,
Hæserunt ibi fata diu : luctataque multum
Hæc cum parte viri vix omnia membra tulerunt.

LXXI. 1. Neronis. Conf. supra ad I, 15. — 2. Σωτήρως. — 3. Morte per vanitatem et ambitionem quesita. — 4. Maximillæ. *Utraque*, amor viri, deinde infortunium ademptarum opum. — 5. Conf. XIII, 43. — 6. Rhetorem, præceptorem Persii poetæ. — 7. Philosophum Stoicum, cujus scriptorum particula supersunt. — 8. Amicus Senecæ.

se tantum poena experti. Atilla mater Annæi Lucani sine absolutione, sine supplicio dissimulata.

LXXII. Quibus perpetratis Nero et concione militum habita bina numerum millia¹ viritim manipularibus divisit additque sine pretio frumentum, quo ante ex modo annonæ² utebantur. tum quasi gesta bello expositurus vocat senatum et triumphale decus Petronio Turpiliano consulari, Cocceio Nervæ³ prætori designato, Tigellino præfecto prætorii tribuit, Tigellinum et Nervam ita extollens, ut super triumphales in foro imagines apud palatium quoque effigies earum sisteret. consularia insignia Nymphidio⁴; de quo, quia nunc primum oblatum est, pauca repetam: nam et ipse pars Romanarum cladum erit. Igitur matre libertina ortus, quæ corpus decorum inter servos liberosque Principum vulgaverat, ex C. Cæsare se genitum ferebat, quoniam forte quadam habitu procerus et torvo vultu erat, sive C. Cæsar etiam matri ejus illusit.

LXXIII. Sed Nero vocato senatu, oratione inter Patres habita, editum apud populum et collata in libros indicia confessionesque damnatorum adjunxit. etenim crebro vulgi rumore lacerabatur, *tanquam et¹ viros insontes ob invidiam aut metum exstinxisset*. ceterum coeptam adultamque et revictam² conjurationem neque tunc dubitare quibus verum noscendi cura erat, et fatentur qui post interitum Neronis in Urbem regressi sunt. At in senatu cunctis, ut³ cuique plurimum mororis, in adulationem demissis⁴, Junium Gallionem⁵, Senecæ fratris morte pavidum et pro sua incolumitate supplicem, increpuit Salienus Clemens *hostem et paricidam* vocans, donec consensu Patrum deterritus est, *ne publicis malis abuti ad occasionem privati odii videretur, neu composita aut oblitterata mansuetudine Principis novam ad sævitiam retraheret*.

LXXIV. Tum dona et grates deis decernuntur, propriusque honos Soli (cui est vetus ædes apud Circum¹, in quo facinus parabatur), *qui occulta conjurationis numine² retexisset; utque circensium Cerealiū ludicrum³ pluribus equorum cursibus celebraretur, mensisque Aprilis Neronis cognomentum acciperet; templum Salutis exstrueretur eo loci, ex quo Scævinius ferrum prompserat⁴*. ipse eum pugionem apud Capitolium sacravit, inscripsitque Jovi vindici. in præsens haud animadversum; post arma Julii Vindicis⁵ ad auspiciū et præsagium futuræ ultionis trahebatur. Reperio in commentariis senatus Cerialem Aniciū consulem designatum pro sententia dixisse, *ut templum divo Neroni⁶ quam maturrime publica pecunia poneretur*. quod quidem ille decernebat tanquam mortale fastigium egresso et venerationem hominum merito, quod ad omina olim⁷ sui exitus verteretur: nam deūm honor Principi non ante habetur quam agere inter homines desierit.

LXXII. Ferme 368 fr. — 2. Pro pretio frumenti quod quoque tempore obtinebat. — 3. Postea Imperatori. — 4. Sabino, præfecto prætorii cum Tigellino.

LXXIII. 1. Etiam. — 2. Repressam. — 3. Prout. — 4. Plane effusus; ne viderentur dolere. — 5. Hic ipse frater Senecæ putatur fuisse proconsul ille Achaïæ, ad quem S. Paulus citabatur, *Actis Apost.* XVIII, 12 sqq.

LXXIV. 1. De ea Tertullianus, *de Spectac.* c. 8. — 2. Potestate sua. — 3. Conf. cap. 35. — 4. Vide ibidem. Censuisse videntur ut veteris templi loco splendidius exstrueretur. — 5. Bellum ejus in Galliis, de quo Sueton. c. 40, 41; nam Taciti narratio periit. — 6. Ut jam facta apothecosi. — 7. Corrupte fms. *quorundam ad omina dolum*. Emendatio dubia. Sui pro ejus accipiunt, de Nerone.

LIBER SEXTUS DECIMUS.

ARGUMENTUM.

Cap. 1 —2. Illudit fortuna vanitati Neronis per Bassum, qui thesaurum in Numidia defossum jactat, — 3. quem Nero frustra querit. — 4. Iustrali certamine victoria cantus oblata Neroni et corona facundiae — 5. in eo spectaculo auditorum molestia et Vespasiani periculum. — 6. Poppæam mortuam laudat Nero apud rostra.

7—9. Pulsi Cassius et Silanus necantur. — 10, 11. L. Vetus cum Sextia socru et Pollutia filia perit. — 12. accusatoris præmia. Mensium nova nomina. — 13. Turbine ventorum vastata Campania. pestilentia Lugdunensem cladem Princeps solatur. — 14, 15. Sosiani fraude Chaldaeorum consultores, P. Anteius et Ostorius Scapula, delati mortem jussi properant. — 16. Taciti super tot cladibus querelæ. — 17. Rufius Crispinus coactus se interficit. Mella falsis litteris circumventus, similique arte Cerialis. — 18, 19. C. Petronius, erudito luxu notus. Tigellini invidia exosus, venas sibi incidit. flagitia Principi codicillis exprobrat. — 20. inde Siliæ exsilium.

21, 22. Thræseam Pætum accusant Cossutianus et Epirus. — 23. Bareum Soranum Ostorius Sabinus. — 24. ad Neronem codicillos dat Thræsea. is Patres vocari jubet. — 25, 26. consultat Thræsea an in curia defensionem tentet. — 27. Nero senatum armis obsidet. infrequentiam Patrum arguit. — 28, 29. Marcellus Epirus Thræseam, Helvidium. Agrippinum, Montanum, — 30. Ostorius Baream cum filia Servilia accusant. — 31. eorum miserabilis defensio in senatu. — 32. Egnatius pseudostoicus perfide in Soranum agit; — 33. cui Cassius Asclepiodotus egregiam fidem præstat. Thræseæ, Sorano, Serviliæ datur mortis arbitrium. Helvidius, Paconius Italia pulsi. Montanus patri concessus. accusatores remunerati. — 34. Thræsea libat Jovi liberatori.

Unius fere anni gesta, a fine a. 65 ad medium fere a. 66 p. Chr.

I. Illusit dehinc Neroni fortuna per vanitatem ipsius et promissa Cæselli Bassi, qui origine Pœnus, mente turbida¹, nocturnæ quietis imaginem² ad spem haud dubiam retraxit vectusque Romam, Principis aditum emeratus, expromit « repertum in agro suo specum altitudine immensa, quo « magna vis auri contineretur, non in formam pecuniæ, sed rudi et anti- « quo pondere. lateres quippe prægraves jacere, astantibus parte alia co- « lumnis: quæ per tantum ævi occulta augendis³ præsentibus bonis. cete- « rum, ut conjectura demonstrat, Dido Phœnissam, Tyro profugam, condita « Carthagine illas opes abdidisse, ne novus populus nimia pecunia lasci- « viret, aut reges Numidarum, et alias⁴ infensi, cupidine auri ad bellum « accenderentur. »

II. Igitur Nero, non auctoris, non ipsius negotii fide satis spectata, nec missis per quos nosceret an vera afferrentur, auct ultro rumorem, mit- titque qui velut paratam prædam advelerent. dantur triremes et delectum remigium¹ juvandæ festinationi. nec aliud per illos dies populus credulitate prodentis² diversa fama tulere. ac forte quinquennale ludicrum³ secundo

I. 1. Male sana, fuiosa. — 2. Somnium. — 3. Dativus: ad augenda etc. — 4. Etiam aliis causis.

II. 2. Manusc. *navigium*, quod collective dicitur pro nautis. — 2. Ob credulitatem ejus qui rem in publicum prodebat, Neronis. — 3. Anno 813 institutum (XIV, 20), ut hic in quo

lustrum celebratur, ab oratoribusque præcipua materia in laudem Principis assumpta est : *non enim tantum solitas fruges nec metallis confusum aurum gigni, sed nova ubertate provenire⁴ terram et obvias⁵ opes deferre deos*; quæque alia summa facundia nec minore adulatione servilia fingeant, securi de facilitate credentis.

III. Gliscebant interim luxuria spe inani, consumebanturque veteres opes quasi oblatas quas multos per annos prodigeret, quin et inde jam largiebatur; et divitiarum exspectatio inter causas paupertatis publicæ erat. nam Bassus, effosso agro suo latisque circum arvis, dum hunc vel illum locum promissi specus asseverat, sequunturque non modo milites, sed populus agrestium efficiendo operi assumptus, tandem posita vecordia, *non falsa antea somnia sua seque tunc primum elusum* admirans, pudorem et metum morte voluntaria effugit. quidam *vinctum ac mox dimissum* tradidere, *ademptis bonis in locum regie gazæ¹*.

IV. Interea senatus, propinquo jam lustrali¹ certamine, ut dedecus averteret, offert Imperatori *victoriam cantus*, adjicitque *facundie coronam*, qua ludicra deformitas velaretur. sed Nero, *nihil ambitu nec potestate senatus opus esse* dictitans, *se æquum adversus æmulos et religione judicium merita² laudem assecuturum*, primo carmen in scena recitat; mox, flagitante vulgo *ut omnia studia sua publicaret* (hæc enim verba dixere), ingreditur theatrum³, cunctis citharæ legibus obtemperans, ne fessus resideret, ne sudorem nisi ea quam indutui gerebat veste detergeret, ut nulla oris aut narium excrementa viserentur. postremo flexus genu et cœtum illum manu veneratus, sententias judicium opperiebatur ficto pavore. et plebs quidem Urbis histrionum quoque gestus juvare⁴ solita personabat certis modis plausuque composito. crederes lætari : ac fortasse lætabantur per incuriam publici flagitii.

V. Sed qui remotis e municipiis, severamque adhuc et antiqui moris¹ retinentes Italiam, quique per longas² provincias lasciviæ inexperti officio legationum aut privata utilitate advenerant, neque aspectum illum tolerare neque labori inhonesto sufficere, quum manibus nesciis fatiscerent, turbarent gnaros ac sæpe a militibus verberarentur, qui per cuneos stabant, ne quod temporis momentum impari clamori aut silentio segni præteriret. constitit plerosque Equitum, dum per angustias aditus et ingruentem multitudinem enituntur, obtritos, et alios, dum diem noctemque sedilibus³ continuant, morbo exitiabili correptos. quippe gravior inerat metus, si spectaculo defuissent, multis palam et pluribus occultis, ut nomina ac vultus, alacritatem tristitiamque coeuntium scrutarentur. unde tenuioribus statim irrogata supplicia, adversus illustres dissimulatum ad

versamur annus alterum lustrum afferat.—4. Nunc fecundam esse.—5. Sine labore, ut aureo sæculo.

III. 1. Abditarum Didonis reginæ opum, quarum spem fecerat.

IV. 1. Quinquennali.—2. Ex æquo cum ceteris judicandum. *Adversus* ut græcum πρὸς.—3. Suetonius, *Vitell.* c. 4 : « Vitellius præsidens certamini Neroneo, cupientem inter citharædos contendere, nec, quamvis flagitantibus cunctis, promittere audentem, ideoque egressum theatro, revocaverat, quasi perseverantis populi legatione suscepta, exorandumque præbuerat. »—4. Sc. plausu, acclamatione.

V. 1. Genitivi pendentes ab *Italiam*, non a participio *retinentes*.—2. Longinquas.—3. Assidendo in sedilibus : quod per substantivum solum satis intelligitur. Adde narrata

præsens et mox redditum odium. ferebantque *Vespasianum*, tamquam somno conniveret, a Phæbo liberto increpitum, ægreque meliorum precibus obtectum, mox imminentem perniciem majore fato ¹ effugisse.

VI. Post finem ludicri Poppæa mortem obiit, fortuita mariti iracundia, a quo gravida ictu calcis afflicta est. neque enim venenum crediderim, quamvis quidam scriptores tradant, odio magis quam ex fide: quippe liberorum cupiens et amoris uxoris obnoxius erat. corpus non igni abolitum, ut Romanus mos; sed regum externorum consuetudine differtum odoribus conditur ¹ tumuloque Juliorum infertur. ductæ tamen publicæ exsequiæ, laudavitque ipse apud rostra *formam ejus, et quod divinæ infantis parens fuisset*, aliæque fortunæ munera pro virtutibus.

VII. Mortem Poppææ, ut palam tristem, ita recordantibus lætam ob impudicitiam ejus sævitiamque, nova insuper invidia Nero complevit, prohibendo C. Cassium ¹ officio exsequiarum: quod primum indicium mali. neque in longum dilatum est, sed Silanus additur, nullo crimine, nisi quod Cassius opibus velustis et gravitate morum, Silanus claritudine generis et modesta juventa præcellebant. igitur missa ad senatum oratione *removendos a republica utrosque* disseruit; objectavitque Cassio « quod » inter imagines majorum etiam C. Cassii ² effigiem coluisset, ita inscrip-
tam: DUX PARTIUM: quippe semina belli civilis et defectionem a domo
« Caesarum quæsitam. ac ne memoria tantum infensi nominis ad discor-
« dias uteretur, assumpsisse L. Silanum, juvenem genere nobilem, animo
« præruptum, quem novis rebus ostentaret. »

VIII. Ipsum dehinc Silanum increpuit iisdem quibus patruum ejus Torquatum ¹, *tanquam disponderet jam imperii curas, præficeretque rationibus et libellis et epistolis libertos*, inania simul et falsa: nam Silanus intentior metu et exitio patris ad præcavendum exterritus erat. inducit posthac vocabulo indicium, qui in Lepidam Cassii uxorem, Silani amitam, *incestum cum fratris filio et diros sacrorum ritus* ² confingerent. trahebantur ut conscii Vulcatius Tullinus ac Marcellus Cornelius senatores et Calpurnius Fabatus ³ eques Romanus: qui appellato Principe instantem damnationem frustrati, mox Neronem circa summa scelera dissentium quasi minores evasere.

IX. Tunc consulto senatus *Cassio et Silano exsilia* decernuntur: *de Lepida Caesar statueret*. deportatusque in insulam Sardiniam Cassius, et senectus ejus exspectabatur. Silanus, tanquam Naxum deveheretur, Ostiam amotus; post municipio Apuliæ, cui nomen est Barium, clauditur. illic indignissimum casum sapienter tolerans a centurione ad cædem misso corripitur; suadentique *venas abrumpere, animum quidem morti de-*

Suetonio c. 25.—4. Bello in Judæa exardescente.

VI. 1. Per errorem, ut videtur, aliter narrat Plinius, qui de aromatis ad urendos defunctos adhibitis locutus addit, Hist. nat. XII, 18, 41: *Periti rerum affirmant, non ferre tantum annuo fætu Arabiam, quantum Nero Princeps novissimo Poppææ suæ die concremaverit.*

VII. 1. De hoc C. Cassio Longino, et mox memorando L. Julio Silano v. XV, 52, Sueton. c. 37.—2. Avi sui, ex percussoribus Julii Caesaris.

VIII. 1. Vide XV, 35.—2. Magicos.—3. Plinii junioris prosocer.

stinatum ait, *sed non permittere percussori gloriam ministerii*. at centurio, quamvis inermem, prævalidum tamen et iræ quam timori propiorem cernens, premi a militibus jubet. nec omisit Silanus obniti et intendere ictus, quantum manibus nudis valebat, donec a centurione vulneribus adversis tanquam in pugna caderet.

X. Haud minus prompte L. Vetus ¹ socrusque ejus Sextia et Pollutia filia necem subiere, invisi Principi, tanquam vivendo exprobrarent interfectum esse Rubellium Plautum generum Lucii Veteris. sed initium detegendæ sævitiae præbuit interversis ² patroni rebus ad accusandum transgrediens Fortunatus libertus, ascito Claudio Demiano, quem ob flagitia vinctum a Vetere Asiæ proconsule exsolvit Nero in præmium accusationis. quod ubi cognitum reo, seque et libertum pari sorte componi, Formianos in agros degreditur. illic eum milites occulta custodia circumdant. Aderat filia, super ingruens periculum longo dolore atrox, ex quo percussores Plauti mariti sui viderat: cruentamque cervicem ejus amplexa servabat sanguinem et vestes respersas, vidua implexa luctu continuo, nec ullis alimentis nisi quæ mortem arcerent. tum hortante patre Neapolin pergit. et quia aditu Neronis prohibebatur, egressus obsidens, *audiret insontem neve consulatus sui quondam collegam dederet liberto*, modo muliebri ejulatu, aliquando sexum egressa voce infensa clamitabat, donec Princeps immobilem se precibus et invidia juxta ³ ostendit.

XI. Ergo nuntiat patri *abjicere spem et uti necessitate*. simul affertur *parari cognitionem senatus et trucem sententiam*. nec defuere qui monerent magna ex parte heredem Cæsarem nuncupare atque ita nepotibus de reliquo consulere. quod aspernatus, ne vitam proxime libertatem ¹ actam novissimo servitio fœdaret, largitur in servos quantum aderat pecuniæ; et si qua asportari possent, sibi quemque deducere, tres modo lectulos ad suprema retineri jubet. tunc eodem in cubiculo, eodem ferro abscindunt venas, properique et singulis vestibus ad verecundiam velati balneis inferuntur, pater filiam, avia neptem, illa utrosque intuens, et certatim precantes labenti animæ celerem exitum, *ut relinquerent suos superstites et morituros*. servavitque ordinem fortuna; ac senior ² prius, tum cui prima ³ ætas, exstinguuntur. accusati post sepulturam, decretumque *ut more majorum punirentur*. et Nero intercessit, *mortem sine arbitro* ⁴ permittens. ea cædibus peractis ludibria adjiciebantur.

XII. P. Gallus eques Romanus, quod Fenio Rufo intimus et Veteri non alienus fuerat, aqua atque igni prohibitus est. liberto et accusatori præmium operæ oculus in theatro inter viatores tribunicios ¹ datur. Et mensis, qui Aprilem eundemque Neroneum sequebatur, Maius *Claudii*, Junius *Germanici* vocabulis mutantur ², testificante Cornelio Orfito,

X. 1. L. Antistius Vetus, consul anni 808 (XIII, 11), socer Rubellii Plauti (XIV, 38), cujus uxor Antistia dicitur XIV, 22, quæ hoc loco Pollutia: haud dubie utroque nomine erat.—2. Fraude interceptis.—3. Perinde immobilem adversus preces atque invidiam vel odium quod Pollutia ei concitabat.

XI. 1. Conf. notam ad XV, 15.—2. Sextia socrus.—3. Proxima post seniore. —4. Liberam, quæ non præscriberetur ab arbitro eam diligente.

XII. 1. Tribunis viatores erant qui lictores consulibus. Erat autem tribunis subsellium præcipuum et distinctum in theatro. —2. Nam plenum nomen Neronis erat *Nero*

qui id censuerat, ideo Junium mensum transmissum, quia duo jam Torquati ³ ob scelera interfecti infaustum nomen Junium fecissent.

XIII. Tot facinoribus sædum annum etiam dii tempestatibus et morbis insignivere. vastata Campania turbine ventorum, qui villas, arbusta, fruges passim disjecit pertulitque violentiam ad vicina Urbi: in qua omne mortalium genus vis pestilentiae depopulabatur, nulla cœli intemperie, quæ occurreret oculis. sed domus corporibus exanimis, itinera funeribus complebantur. non sexus, non ætas periculo vacua. servitia perinde et ingenua plebes raptim exstingui inter conjugum et liberorum lamenta, qui dum assident, dum deflent, sæpe eodem rogo cremabantur. Equitum senatorumque interitus quamvis promiscui minus flebiles erant, tanquam communi mortalitate sævitiam Principis prævenirent. Eodem anno delectus per Galliam Narbonensem Africamque et Asiam habiti sunt supplementis Illyrici legionibus, ex quibus ætate aut valetudine fessi sacramento solvebantur. Cladem Lugdunensem ¹ quadragies sestertio solatus est Princeps, ut amissa urbi reponerent: quam pecuniam Lugdunenses ante obtulerant turbidis casibus.

XIV. C. Suetonio, L. Telesino Coss. ¹ Antistius Sosianus, factitatis in Neronem carminibus probrosis exsilio, ut dixi ², multatus, postquam id honoris ³ indicibus tamque promptum ad cædes Principem accepit, inquires animo et occasionum haud segnis Pammenem ejusdem loci exsulem et Chaldæorum arte famosum eoque multorum amicitii innexum similitudine fortunæ sibi conciliat. ventitare ad eum nuntios et consultationes ⁴ non frustra ratus, simul annuam pecuniam a P. Anteio ministrari cognoscit. neque nescium habebat Anteium caritate Agrippinæ invisum Neroni opesque ejus præcipuas ad eliciendam cupidinem eamque causam multis exitio esse. igitur interceptis Anteii litteris, furatus etiam libellos quibus dies genitilis ejus et eventura secretis Pammenis occultabantur, simul repertis quæ de ortu vitæque Ostorii Scapulæ ⁵ composita erant, scribit ad Principem « magna se et quæ incolumitati ejus conducere al-
« laturum, si brevem exsili veniam ⁶ impetravisset; quippe Anteium et
« Ostorium imminere rebus et sua Cæsarisque fata scrutari. » exin missæ liburnicæ, advehiturque propere Sosianus. ac vulgato ejus indicio inter damnatos magis quam inter reos Anteius Ostoriusque habebantur, adeo ut testamentum Anteii nemo obsignaret, nisi Tigellinus auctor exstitisset⁷, monito prius Anteio *ne supremas tabulas moraretur*. atque ille, hausto veneno, tarditatem ejus perosus interceisis venis mortem appropinquavit.

XV. Ostorius longinquis in agris apud finem Ligurum id temporis erat. eo missus centurio, qui cædem ejus maturaret. causa festinandi ex eo oriebatur, quod Ostorius multa militari fama et civicam coronam apud

Claudius Cæsar Augustus Germanicus. — 8. Junii Silani Torquati, de quibus paullo ante et XV, 53. *Transmissum* omissum, in fastis præteritum.

XIII. 1. Lugduni (h. *Lyon*) fundati a Munatio Planco a. U. 711, centesimo anno, 811, deleti incendio diro, quod narrat et deplorat Seneca *Epistola* 91. Solatium Neronis post septimum demum annum calamitatis adhibitum, 755,240 fr.

XIV. 1. A. U. 819, p. Chr. 66.—2. XIV, 48.—2. Tantum honoris esse.—4. Sc. apud eum fieri.—5. De quo XII, 31; XIV, 48.—6. Remissionem.—7. Sc. obsignandi testibus septem ad eam rem necessariis.

Britanniam meritis ¹ ingenti corporis robore armorumque scientia metum Neroni fecerat, ne invaderet pavidum semper et reperta nuper conjuratione magis exterritum. igitur centurio, ubi effugia villæ clausit, jussa Imperatoris Ostorio aperit. is fortitudinem adversum hostes sæpe spectatam in se vertit. et quia venæ quamquam interruptæ parum sanguinis effundebant, hactenus manu servi usus, ut immotum pugionem extolleret, appressit dextram ejus juguloque occurrit ².

XVI. Etiam si bella externa et obitas pro republica mortes tanta casuum similitudine memorarem, meque ipsum satias cepisset aliorumque tædium expectarem quamvis honestos civium exitus, tristes tamen et continuos aspernantium. at nunc patientia servilis tantumque sanguinis domi perditum fatigant animum et mœstitia restringunt. neque aliam defensionem ab iis quibus ista noscentur, exegerim, quam ne oderim ¹ tam segniter per-euntes. ira illa numinum in res Romanas fuit, quam non, ut in cladibus exercituum aut captivitate urbium, semel edito ² transire licet. detur hoc illustrium virorum posteritati, ut, quomodo exsequiis a promiscua sepultura separantur, ita in traditione supremorum accipiant habeantque propriam memoriam.

XVII. Paucos quippe intra dies eodem agmine Annæus Mella, Cerialis Anicius, Rufius Crispinus ac C. Petronius cecidere. Mella et Crispinus equites Romani, dignitate senatoria ¹. nam hic quondam ² præfectus prætorii et consularibus insignibus donatus ac nuper crimine conjurationis in Sardiniam exactus ³, accepto jussæ mortis nuntio semet interfecit. Mella, quibus Gallio ⁴ et Seneca, parentibus natus petitione honorum abstinuerat per ambitionem præposteram ⁵, ut eques Romanus consularibus potentia æquaretur; simul acquirendæ pecuniæ brevius iter credebatur per procuraciones administrandis Principis negotiis. idem Annæum Lucanum genuerat, grande adjumentum claritudinis. quo interfecto dum rem familiarem ejus acriter requirit, accusatorem concivit Fabium Romanum, ex intimis Lucani amicis. *mixta inter patrem filiumque conjurationis scientia* fingitur, assimilatis ⁶ Lucani litteris. quas inspectas Nero *ferre ad eum* jussit ⁷, opibus ejus inhians. at Mella, quæ tum promptissima ⁸ mortis via, exsolvit venas, scriptis codicillis, quibus grandem pecuniam in Tigellinum generumque ejus Cossutianum Capitonem erogabat, quo cetera manerent. additur codicillis tanquam de iniquitate exitii querens ita scripsisse, *se quidem mori nullis supplicii causis, Rufium autem Crispinum et Anicium Cerialem vita frui infensos Principi*. quæ composita credebantur de Crispino, quia interfectus erat, de Ceriale, ut interficeretur. neque enim multo post vim sibi attulit, minore quam ceteri miseratione, quia proditam C. Cæsari conjurationem ⁹ ab eo meminérant.

XV. 1. Vid. XII, 51.—2. Admovit jugulum dextræ servi appressæ.

XVI. 1. Odisse videar.—2. Postquam semel de ea re proditum, narratum est.

XVII. 1. Sive *illustres*, census senatorium possidentes et lato clavo, permissu Imperatoris, utentes.—2. Sub Claudio, XI, 1.—3. XV, 71.—4. De quo vide XV, 73.—5. Inversam, ceteris contrarium faciendo. — 6. Fictis, subditis. — 7. Ad convincendum. — 8. Maxime consueta et quæ se prima offerret.—9. Putatur esse Æmilii Lepidi conjunctio in Caligulam, de qua paucis Sueton. c. 24. At alia conspiratio cum ipso nomine indicis Anicii Cerealis narratur a Zonara p. 557, ad quam hæc referenda esse, correctis erroribus manifestis Zonaræ, docuit Reimar in Dion. Cass. LIX, 23.

XVIII. De C. Petronio pauca supra ¹ repetenda sunt. nam illi dies per somnum, nox officiis et oblectamentis vitæ transigebatur; utque alios industria, ita hunc ignavia ad famam protulerat, habebaturque non a ganeo et profligator, ut plerique sua haurientium, sed erudito luxu. ac dicta factaque ejus quanto solutiora et quandam sui negligentiam præferentia, tanto gratius in speciem simplicitatis accipiebantur. proconsul tamen Bithyniæ et mox consul ² vigentem se ac parem negotiis ostendit: dein revolutus ad vitia seu vitiorum imitationem inter paucos familiarium Neroni assumptus est elegantiae arbiter, dum nihil amœnum et molle affluentiæ putat, nisi quod ei Petronius approbavisset. unde invidia Tigellini quasi adversus æmulum et scientia voluptatum potiolem. ergo crudelitatem Principis, cui ceteræ libidines cedebant, aggreditur amicitiam Scævini Petronio objectans, corrupto ad indicium servo ademptaque defensione et majore parte familiæ in vincla rapta.

XIX. Forte illis diebus Campaniam petiverat Cæsar, et Cumas usque progressus Petronius illic attinebatur. nec tulit ultra timoris aut spei moras. neque tamen præceps vitam expulit, sed incisas venas, ut libitum, obligatas, aperire rursum, et alloqui amicos, non per seria aut quibus constantiæ gloriam peteret. audiebatque referentes, nihil de immortalitate animæ et sapientium placitis, sed levia carmina et faciles versus, servorum alios largitione, quosdam verberibus affecit. iniit epulas ¹, somno indulsit, ut quamquam coacta mors fortuitæ similis esset. ne codicillis quidem (quod plerique pereuntium) Neronem aut Tigellinum aut quem alium potentium adulatus est: sed flagitia Principis sub nominibus exoletorum feminarumque et novitate cujusque ² perscripsit atque obsignata misit Neroni. fregitque annulum ⁴, ne mox usui esset ad facienda pericula.

XX. Ambigenti Neroni quonam modo noctium suarum ingenia notescerent, offertur Silia matrimonio senatoris haud ignota et ipsi ad omnem libidinem ascita ac Petronio perquam familiaris. agitur in exilium, tamquam non siluisset quæ viderat proprio odio. At Minucium Thermum prætura functum Tigellini simultatibus dedit ¹, quia libertus Thermi quædam de Tigellino criminosè detulerat, quæ cruciatibus tormentorum ipse, patronus ejus nece immerita lneret.

XXI. Trucidatis tot insignibus viris ad postremum Nero virtutem ipsam excindere concupivit interfecto Thrasea Pæto et Barea Sorano, olim utrisque infensus, et accedentibus causis in Thræeam, quod senatu egressus est quum de Agrippina referretur, ut memoravi ¹, quodque juvenalium ludicro parum expectabilem ² operam præbuerat; eaque offensio altius penetrabat, quia idem Thrasea Patavii, unde ortus erat, ludis cesticis ³ a Trojano Antenore institutis habitu tragico cecinerat. die quoque, quo prætor Antistius ob probra in Neronem composita ad mortem damnaba-

XVIII. 1. Altius, ex superioribus. Idem vocatur *Titus Petronius* apud Plinium et Plutarchum.—2. Suffectus.

XIX. 1. Mss. *iniit et vias*, ambulavit. — 2. *Avec leurs plus monstrueuses recherches*, Burn. — 3. Signatorium.

XX. 1. Plane permisit, passurum quæ suaderet ira Tigellini.

XXI. 1. XIV, 12. — 2. Non eam quæ expectabatur. — 3. *A cestu*. Sed Manuscr. *cetastis*. Ignotus hodie agon patrius Patavii trigesimo quoque anno celebratus, a conditore

tur⁴, mitiora censuit obtinuitque; et quum deum honores Poppææ decernuntur, sponte absens, funeri non interfuit. Quæ obliterari non sinebat Capito Cossutianus⁵, præter animum ad flagitia præcipitem iniquus Thræseæ, quod auctoritate ejus concidisset, juvantis Cilicum legatos, dum Capitonem repetundarum interrogant⁶.

XXII. Quin et illa objectabat, « principio anni vitare Thræseam solenne « jusjurandum¹; nuncupationibus votorum² non adesse, quamvis quin- « decimvirali³ sacerdotio præditum; nunquam pro salute Principis aut « cœlesti voce⁴ immolavisse; assiduum olim et indefessum, qui vulgari- « bus quoque Patrum consultis semet fautorem aut adversarium ostende- « ret, triennio non introiisse curiam; nuperrimeque, quum ad coercen- « dos Silanum et Veterem certatim concurreretur, privatis potius clientium « negotiis vacavisse. secessionem jam id et partes et, si idem multi au- « deant, bellum esse. Ut quondam C. Cæsarem (inquit) et M. Catonem⁵, « ita nunc te, Nero, et Thræseam avida discordiarum civitas loquitur. et « habet sectatores vel potius satellites, qui nondum contumaciam senten- « tiarum, sed habitum vultumque ejus sectantur, rigidi et tristes, quo « tibi lasciviam exprobrent. huic uni incolumitas tua, tuæ artes sine ho- « nore. prosperas Principis res spernit: etiamne luctibus et doloribus non « satiatur? ejusdem animi est, Poppæam divam non credere, cujus in « acta divi Augusti et Julii non jurare. spernit religiones, abrogat leges. « diurna⁶ populi Romani per provincias, per exercitus, curatius legun- « tur, ut noscat quid Thræsea non fecerit. aut transeamus ad illa insti- « tuta, si potiora sunt, aut nova cupientibus auferatur dux et auctor. « ista secta⁷ Tuberones et Favonios⁸, veteri quoque reipublicæ ingrata « nomina, genuit. ut imperium evertant, libertatem præferunt: si per- « verterint, libertatem ipsam aggredientur. frustra Cassium amovisti⁹, « si gliscere et vigere Brutorum æmulos passurus es. denique nihil ipse de « Thræsea scripseris; desceptatorem senatum nobis relinque. » Extollit irâ promptum Cossutiani animum Nero adjicitque Marcellum Eprium, acri eloquentia.

XXIII. At Baream Soranum jam sibi Ostorius Sabinus eques Romanus poposcerat reum ex proconsulatu Asiæ, in qua offensiones Principis auxit justitia atque industria, et quia portui Ephesiorum aperiendo curam insumpserat¹ vimque civitatis Pergamenæ, prohibentis Acratum Cæsaris libertum² statuas et picturas avehere, inultam omiserat. sed crimini dabatur *amicitia Plauti*³ et *ambitio conciliandæ provinciæ ad spes novas*.

urbis, ut ferebatur, institutus.—4. Vid. XIV, 48.—5. De quo XIII, 45.—6. Accusant, ut XIII, 44.

XXII. 1. In acta Principis. — 2. De quibus ad IV, 17. — 3. Vid. ad VI, 42. — 4. De qua XIV, 18 fine. Similis accusatio apud Philostratum, *Vit. Apollon.* V, 7: Οὐκ ἔθυσας ὑπὲρ τῆς φωνῆς ἵνα Πυθῶδε (ab Apolline Delphico) λαμπροτέρα ἔλθοι.—5. Ut olim ore ferebant Julium Cæsarem oppressorem libertatis et Catonem Uticensem ejus vindicem.—6. Sc. acta, quasi dicas *les journaux*. — 7. Disciplina Stoica. Q. Ælius Tubero, rigidus Stoicus, de quo narrat Cicero *Brut.* c. 31, *Pro Murena*, c. 36, Valer. Max. VII, 8, 1. — 8. M. Favonius, Catoni familiaris et similitudinem morum ipsius studiose sectans.—9. Cap. 7 sqq.

XXIII. 1. Conf. VI, 32, not. 1. — 2. De quo XV, 48.—3. Rubellii; v. XIV, 57 sqq. —

Tempus damnationi delectum, quo Tiridates accipiendo Armeniæ regno adventabat⁴, ut ad externa⁵ rumoribus intestinum scelus obscuraretur, an ut magnitudinem imperatoriam cæde insignium virorum quasi regio facinere ostentaret.

XXIV. Igitur omni civitate ad excipiendum Principem¹ spectandumque regem effusa, Thræsea occursum prohibitus² non demisit animum, sed codicillos ad Neronem composuit requirens *objecta et expurgaturum asseverans*, si notitiam criminum et copiam diluendi habuisset. eos codicillos Nero properanter accepit, spe exterritum Thræseam scripsisse per quæ claritudinem Principis extolleret suamque famam dehonestaret. quod ubi non evenit vultumque et spiritus et libertatem insontis ultro extimuit, *vocari Patres* jubet. Tum Thræsea inter proximos consultavit, *tentaretne defensionem an sperneret*. diversa consilia afferebantur.

XXV. Quibus intrari curiam placebat, *securos esse¹ de constantia ejus* dixerunt; « nihil dicturum nisi quo gloriam auget. segnes et pa-
« vidos supremis suis secretum circumdare. aspiceret populus virum
« morti obvium; audiret senatus voces quasi ex aliquo numine, supra
« humanas²: posse ipso miraculo etiam Neronem permoveri. sin crudeli-
« tati insisteret, distinguere certe apud posteros memoriam honesti exitus
« ab ignavia per silentium pereuntium. »

XXVI. Contra, qui opperendum domi censebant, de ipso Thræsea eadem¹, « sed ludibria et contumelias imminere; subtraheret aures con-
« viciis et probris. non solum Cossutianum aut Eprum ad scelus prom-
« ptos; superesse qui forsitan manus ictusque per immanitatem ausuri²:
« etiam bonos metu sequi. detraheret potius senatui, quem perornavisset,
« infamiam tanti flagitii; et relinqueret incertum quid viso Thræsea reo
« decreturi Patres fuerint. ut Neronem flagitiorum pudor caperet, irrita
« spe agitari; multoque magis timendum ne in conjugem, in familiam, in
« cetera pignora ejus sæviret. proinde intemeratus, impollutus, quorum ve-
« stigii et studiis viam duxerit, eorum³ gloria peteret finem. » aderat consilio Rusticus Arulenus, flagrans juvenis⁴, et cupidine laudis offerebat *se intercessurum senatusconsulto*: nam plebeis tribunus erat. cohibuit spiritus ejus Thræsea, « ne vana et reo non profutura, intercessori exitiosa
« inciperet. sibi actam ætatem, et tot per annos continuum vitæ ordinem
« non deserendum: illi initium magistratuum et integra quæ supersint.
« multum ante secum expenderet, quod tali in tempore capessendæ rei-
« publicæ iter ingrederetur. » ceterum ipse, an venire in senatum deceret, meditationi suæ reliquit.

XXVII. At postera luce duæ prætoriæ cohortes armatæ templum Genetricis Veneris¹ insedere. aditum senatus globus togatorum obsederat non occultis gladiis; dispersique per fora ac basilicas cunei militares. inter

4. Conf. XV, 29 seqq.—5. Sc. οὔσι, conversis.

XXIV. 1. Ex Campania reversum; conf. c. 19. —2. A Principe irato.

XXV. 1. Sc. se.—2. Humanis vocibus superiores.

XXVI. 1. Sc. dicebant.—2. Sc. sint. Ceterum Mss. *Augusti*.—3. Stoicorum.—4. Qui sua vita Thræseam referebat, cujus vitam scripsit. Conf. de eo *Histor.* III, 80, *Agric.* c. 2, *Plinii Epistolas* 5 et 14 libri I.

XXVII. 1. In octava regione Urbis ab Julio Cæsare conditum quo tum senatus con-

quorum aspectus et minas ingressi curiam senatores. et oratio Principis per quæstorem ejus ² audita est. nemine nominatim compellato Patres arguebat, « quod publica munia desererent, eorumque exemplo Equites « Romani ³ ad segnitiam uterentur etenim quid mirum e longinquis pro- « vinciis haud veniri ⁴, quum plerique adepti consulatum et sacerdotia « hortorum potius amenitati inservirent. » quod velut telum corripuere accusatores.

XXVIII. Et initium faciente Cossutiano, majore vi Marcellus *summam rempublicam agi* clamitabat: « contumacia inferiorum lenitatem imperi- « tantis deminui. nimium mites ad eam diem Patres, qui Thræseam de- « sciscentem, qui generum ejus Helvidium Priscum ¹ in iisdem furoribus, « simul Paconium Agrippinum ² paterni in Principes odii heredem et « Curtium Montanum ³ detestanda carmina factitantem eludere impune « sinerent. requirere ⁴ se in senatu consularem, in votis sacerdotem, in « jurejurando civem, nisi contra instituta et cerimonias majorum prodi- « torem palam et hostem Thræsea induisset. denique ageret senatorem, et « Principis obtrectatores protegere solitus veniret, censeret quid corrigi « aut mutari vellet: facilius perlaturus singula increpantem, quam nunc « silentium perferrent omnia damnantis. pacem illi per orbem terræ ⁵, an « victorias sine damno exercituum displicere? ne hominem bonis publicis « moestum, et qui fora, theatra, templa pro solitudine haberet ⁶, qui « minitaretur exilium suum, ambitionis pravæ compotem facerent. non « illi consulta hæc, non magistratus aut Romanam urbem videri. abrum- « peret vitam ab ea civitate, cujus caritatem olim, nunc et aspectum « exuisset. »

XXIX. Quum per hæc atque talia Marcellus, ut erat torvus et minax, voce, vultu, oculis ardesceret, non illa nota et celebritate periculorum sueta jam senatus moestitia, sed novus et altior pavor manus et tela mit- titum cernentibus. simul ipsius Thræseæ venerabilis species obversabatur; et erant qui *Helvidium quoque* miserarentur *innocæ affinitatis pœnas daturum*. « quid Agrippino objectum nisi tristem patris fortunam? quando « et ille perinde innocens ¹ Tiberii sævitia concidisset. enimvero Monta- « num probæ juventutæ neque famosi carminis, quia protulerit ² inge- « nium, extorrem agi. »

XXX. Atque interim Ostorius Sabinus Sorani accusator ingreditur ordi-

vocatus, non temere in templum genitricis Juliæ gentis. — 2. Recitante quæstore Augusti. Ulpianus: *Non omnes quæstores provincias sortiebantur, verum excepti erant Candidati Principis* (sive quæstores Augusti): *hi etenim solis libris principalibus in senatu legendis vacant.* — 3. Penes quos judicia. — 4. Sc. in senatum. Conf. XII, 23.

XXVIII. 1. Item Stoicum, de quo *Hist.* IV, 3, *Plin. Epist.* III, 11. — 2. Stoicum et ipsum, laudatum Epicteto. Pater ejus M. Paconius majestatis reus sub Tiberio periit. — 3. De quo paullo inferius, et *Hist.* IV, 40, 42. — 4. Desiderare; nam Thræsea munera illa, sub Nerone in turpitudinem delapsa, neglexerat. Conf. c. 22. Sed structura ita pergit ac si dictum esset: se desideratum fuisse consularem etc. (accusatum fuisse neglectum illorum munerum) *nisi* palam et factis non dubiis se hostem patriæ profiteretur Thræsea. — 5. Quæ per illud tempus obtinebat, adeo ut templum Jani clausisset Nero, quod numis hodieque superstitionibus celebratum. — 6. Ac proinde ea non adiret.

XXIX. 1. Atque filius. — 2. Sc. in lucem.

turque de amicitia Rubellii Plauti, quodque proconsulatum Asiæ Soranus pro claritate sibi potius accommodatum quam ex utilitate communi egisset alendo seditiones civitatum. vetera hæc : sed recens et quod discrimini patris filiam connectebat, quod pecuniam Magis dilargita esset¹. acciderat sane pietate Serviliæ (id enim nomen puellæ fuit), quæ caritate erga parentem, simul imprudentia ætatis, non tamen aliud consultaverat, quam de incolumitate domus, et an placabilis Nero, an cognitio senatus nihil atrox afferret. Igitur accita est in senatum, steteruntque diversi, ante tribunal consulum grandis ævo parens, contra filia, intra vicesimum ætatis annum nuper marito Annio Pollione in exsilium pulso² viduata desolataque, ac ne patrem quidem intuens, cujus onerasse pericula videbatur.

XXXI. Tum interrogante accusatore an cultus dotales, an detractum cervici monile venum dedisset, quod pecuniam faciendis magicis sacris contraheret? primum strata humi longoque fletu et silentio, post altaria et aram¹ complexa, « Nullos, » inquit. « impios deos, nullas devotiones, nec aliud infelicibus precibus invocavi, quam ut hunc optimum » patrem tu, Cæsar, et vos, Patres, servaretis incolumem. sic gemmas et « vestes et dignitatis insignia dedi, quomodo si sanguinem et vitam popo- » scissent. viderint isti, antebac mihi ignoti, quo nomine sint, quas artes « exerceant : nulla mihi Principis mentio nisi inter numina fuit. nescit ta- » men miserrimus pater ; et si crimen est, sola deliqui. »

XXXII. Loquentis adhuc verba excipit Soranus proclamatque, « non » illam in provinciam secum profectam, non Plauto per ætatem nosci » potuisse, non criminibus mariti comexam : nimis tantum pietatis » ream separarent, atque ipse quancunque sortem subiret » simul in amplexus occurrentis filiæ ruebat, nisi interjecti lictores utrisque obsti- » tissent. Mox datus testibus locus, et quantum misericordiæ sævitia ac- » cusationis permoverat, tantum iræ P. Egnatius testis concivit. cliens hic Sorani et tunc emptus ad opprimendum amicum auctoritatem Stoicæ sectæ præferebat, habitu et ore ad exprimendam imaginem honesti exercitus, ceterum animo perfidiosus, subdolus, avaritiam ac libidinem occultans. quæ postquam pecunia reclusa sunt, dedit exemplum præca- » vendi, quomodo fraudibus involutos aut flagitiis commaculatos, sic specie bonarum artium falsos et amicitiae fallaces.

XXXIII. Idem tamen dies et honestum exemplum tulit Cassii Asclepiodoti, qui magnitudine opum præcipuus inter Bithynos, quo obsequio florentem Soranum celebraverat, labentem non deseruit, exutusque omni- » bus fortunis et in exsilium actus, æquitate deum erga bona malaque » documenta¹. Thræseæ Soranoque et Serviliæ datur mortis arbitrium.

XXX. 1. Delata ab Egnatio philosopho, magistro patris, « ipsius hortatu ad magicam descendisse. » V. de eo c. 32, et *Hist.* IV, 10 et 40.—2. Vide XV, 71.

XXXI. 1. Veneris Genitricis. *Ara* proprie est ipsa structura lapidea, *altare*, ἑπιθωμῆς, pars superior, ornatior, cum sacra suppellectili.

XXXIII. 1. Nam dii bona et mala, honesta et turpia facinora æqualiter admittunt, fieri sinunt : quod et verum est nec fidei providentiæ divinæ contrarium dictu. Burnoufli interpretationem excludit vocabulum erga.

Helvidius et Paconius Italia depelluntur. Montanus patri concessus est, prædicto ne in republica haberetur. accusatoribus Eprio et Cossutiano quinquagies sestertiū² singulis, Ostorio duodecies³ et quæstoria insignia tribuuntur.

XXXIV. Tum ad Thraseam in hortis agentem quæstor consulis¹ missus vesperscente jam die. illustrium virorum feminarumque cœtus frequentes egerat, maxime intentus Demetrio, Cynicæ institutionis doctori²: cum quo, ut conjectare erat intentione vultus et auditis, si qua clarius proloquebantur, de natura animæ et dissociatione spiritus corporisque inquirebat, donec advenit Domitius Cæcilianus ex intimis amicis, et ei quid senatus censuisset exposuit. igitur flentes queritantesque qui aderant, *facessere³ propere Thrasea, neu pericula sua miscerent cum sorte damnati*, hortatur, Arriamque tentantem mariti suprema⁴ et exemplum Arriæ matris⁵ sequi, monet *retinere vitam filiaque communi subsidium unicum non adimere*

XXXV. Tum progressus in porticum, illic a quæstore reperitur lætitiæ propior, quia Helvidium generum suum Italia tantum arceri cognoverat. accepto dehinc senatusconsulto Helvidium et Demetrium in cubiculum inducit; porrectisque utriusque brachii venis, postquam cruorem effudit humum super spargens, propius vocato quæstore, *Libamus*, inquit, *Jovi liberatori¹. specta, juvenis: et omen quidem dii prohibeant; ceterum in ea tempora natus es, quibus firmare animum expedit constantibus exemplis*. post lentitudine exitus graves cruciatus afferente, obversis in Demetrium². ***

—2. 919,030 fr.—3. 220,370 fr.

XXXIV. 1. Consules inde ab anno U. 716 binos uterque quæstores comites habebant — 2. De quo Seneca: *Non præceptor veri, sed testis*. Neroni dixisse fertur: Ἀπαιλεῖς μοι θάνατον, σοὶ δὲ ἡ φύσις. Cynicæ et Stoicæ doctrinæ idem auctor fuerat Antisthenes.—3. Abire.—4. Cum marito mori cupientem — 5. Celebratam uxorem Cæcinæ Pæti dicit, quæ dixerat, *Pæte, non dolet*. V. Plinium *Epist.* III, 16; Martialis, I, 14.

XXXV. 1. Conf. ad XV, 64. — 2. *Obversis in Demetrium oculis, ejusque aspectu et verbis animatus, amicis oscula offerens, diu eluctatum spiritum reddidit: vita egregius, mortis contemptor, et adversum præsentia mala adeo firmus, ut dicere esset solitus « malle se hodie interfici quam cras relegari. »* Hæc ad finiendam phrasin ex aliis scriptoribus concinnavit Brotierius.

Periit narratio gestorum ad finem hujus anni U. 819, annorumque 820 et 821 sive 67 et 68 post Chr., cujus postremi die 11 Junio cecidit Nero et extinctus est sanguis Augusti Galba ab prætorianis et senatu Imperator creatus ex Hispania arcessitur. cujus adventum in Urbem Tacitus initium fecit *Historiarum*.

C. CORNELII TACITI HISTORIARUM

LIBER PRIMUS.

ARGUMENTUM.

Cap. 1. — Præfamen. auctoris dignitas, ætas, institutum. — 2-3. præsentis historiæ summa capita. — 4-5. status Urbis, mens exercituum, habitus provinciarum occiso Nerone. Nymphidius imperium affectans oppressus. — 6-7. Galbam crudelitas sua, ætas, corporis forma et amicorum vitia reddunt invisum. — 8-9. status Hispaniæ, Galliæ, Germanicorum exercituum, Britannæ, Illyrici. — 10. in Syria Muciani virtutes et vitia. Flavii Vespasiani, Judaicum bellum administrantis, animus in Galbam. — 11. Ægypti, Africæ, Mauretaniæ, Rætici, Norici, Thraciæ, Italiæ status Coss. Galba et Vinio.

12. Deficiente superioris Germaniæ milite Galba de adoptando Cæsare cogitat. — 13. Vinus Othoni favet, non ita Laco et Icelus. — 14. Galba transactis imperii comitiis Pisonem eligit, hominem antiqui moris et severum, cui — 15-16. adoptionis causas et imperii administrandi consilium aperit. — 17. Pisonis inter hæc moderatio. — 18. adoptio in castris nuncupata. — 19. tum in senatu, legati ad defectores missi. — 20. Neronis prodigæ donationes rescissæ.

21. Othoni spe lapsa consilium in turbido. — 22. instigantibus libertis, servis, mathematicis. — 23-24. paratis jam ante militum studiis per blanditias et largitiones, oscitante ad id præfecto. — 25-26. ergo jam legiones et auxilia pro Othone. — 27. mox consalutatus Imperator. — 28. castris prætorianis infertur.

29-30. Piso cohortem, quæ in palatio stationem agit, hortatur ad fidem. — 31. illa parat signa, reliquis copiis deficientibus. — 32-33. plebis adulatio et levitas fluctuat Galba cum amicis an occurrendum. — 34. præmittitur in castra Piso. falsus de occiso Othone rumor. — 35. populus et senatus Galbæ. — 36. castra Othoni favent. — 37-38. hic militum animos oratione sibi conciliat, Galbæ et Pisoni reddit infensos. arma militi dividit. — 39. agitat Laco de cæde Vinii. — 40. Galba fluctuat, plebs nutat. Othoniani forum irruunt. — 41. Galba desertus, occisus; — 42. sic et Vinus. — 43. Sempronius Densi fides. Piso cæsus, — 44. magna Othonis lætitia. cædium præmia poscentes jussu Vitellii postea interfecti. — 45. adulantur senatus et populus victorem Othonem, qui coercedo militum furori impar. — 46. hi vacationes sibi remitti petunt. Laco et Icelus cæsi. — 47. Pisonis et T. Vinii sepultura, — 48. elogia, testamenta. — 49. Galbæ sepultura, ætas, nobilitas, mores, honores.

50. Trepidam Urbem novus de Vitellio nuntius exterret. Vespasianum nonnulli augurantur. — 51. initia Vitelliani motus ex bello Julii Vindici et secutis inde discordiis inter legiones et Gallos. — 52-53. Vitellius suo ingenio ignavus ad res novas stimulat a Valente et Cæcina legatis. — 54-55. legiones utriusque Germaniæ fidem in Galbam exuunt. — 56. segni spectatore Hordeonio Flacco legato. — 57. Valens Vitellium Imperatorem consalutat magno militum studio: — 58. quibus poscentibus multi cæsi. — 59. Julius Civilis periculum evadit. undique viribus auctus. — 60. inter fœdas legatorum discordias. — 61. duos exercitus in Italiam mittit. — 62. torpet Vitellius; ardor et vis militum ultro ducis munia implet. — 63. subito furore correptus miles ab excidio Divoduri ægre temperat. Gallias terror invadit. — 64. Vitellio adhærent. — 65. Lugdunenses ex vetere odio milites in eversionem Viennensium impellunt; — 66. isti tamen donis placantur et precibus. Valentis avaritia et libido. — 67-68. Helvetios Vitellii imperium abnuentes Cæcina belli avidus cædit. — 69. Aventicum ægre impunitatem salutemque impetrat. — 70. in Vitellii partes transgressa Italiæ parte Cæcina Alpes superat.

71. Otho prudenter se gerit; Mario Celso ignoscit. — 72. Tigellinus infamem vitam

exitu inhonesto fœdat. — 73. Galvia Crispinilla cum mala Othonis fama periculo exempta. — 74. Principes mutuo sibi condiciones offerunt; mox rixantes flagitia invicem objectant, et — 75. insidiatores inmittunt. — 76. distractis inter utrumque exercitibus ac provinciis bello opus. — 77. Otho Imperatorem agit; honores, — 78. civitatem, jura dilargitur; de celebranda Neronis memoria agit. — 79. Sarmatæ Roxolani Mœsiam irrumpentes cæsi. — 80-82. Seditio gravis in ipsa Urbe temere orta cum magno metu atque discrimine primorum civitatis, precibus et lacrimis Othonis componitur, qui — 83-84. milites ad concordiam et modestiam hortatur. — 85. istis compositis omnia suspicionum et formidinis plena, præcipio Patrum metu. — 86. prodigia Othonis cladem præsentia. — 87. is lustrata Urbe Narbonensem Galliam aggredi statuit, et — 88. cum multis nobilibus L. Vitellium æmuli fratrem secum ducit. — 89. inde varii animorum motus. — 90. commendata Patribus republica Otho festinat ad bellum. Trachali eloquentia usus Otho, in quem studia et voces vulgi.

Gesta hæc paucis mensibus anni 69 p. Chr. n.

I. Initium mihi operis Ser. Galba iterum, T. Vinius consules ¹ erunt. nam post conditam Urbem octingentos et viginti prioris ævi annos multi auctores retulerunt, dum res populi Romani ² memorabantur, pari eloquentia ac libertate; postquam bellatum apud Actium atque omnem potentiam ad unum conferri pacis interfuit, magna illa ingenia cessere, simul veritas pluribus modis infracta, primum incertiâ reipublicæ ut alienæ ³, mox libidine assentandi, aut rursus odio adversus dominantes: ita neutris cura posteritatis, inter infensos vel obnoxios ⁴. sed ambitionem ⁵ scriptoris facile averseris, obtrectatio et livor pronis auribus accipiuntur: quippe adulationi fœdum crimen servitutis, malignitati falsa species libertatis ⁶ inest. mihi Galba, Otho, Vitellius nec beneficio nec injuria cogniti. dignitatem nostram a Vespasiano inchoatam, a Tito auctam, a Domitiano longius provectam ⁷ non abnuerin: sed incorruptam fidem professis neque amore quisquam et sine odio dicendus est. quodsi vita suppeditet, principatum divi Nervæ et imperium Trajani, uberiores securioresque materiam, senectuti seposui, rara temporum felicitate, ubi sentire quæ velis, et quæ sentias dicere licet.

II. Opus aggredior opimum casibus, atrox præliis, discors seditionibus, ipsa etiam pace ¹ sævum. quattuor Principes ferro interempti ². trina bella civilia ³, plura externa, ac plerumque permixta. prosperæ in Oriente, adversæ in Occidente res. turbatum Illyricum; Galliæ nutantes; perdomita Britannia et statim missa ⁴; coortæ in nos Sarmatarum ac Suevorum gentes; nobilitatus cladibus mutuis Dacus; mota prope etiam Parthorum arma falsi Neronis ludibrio ⁵. jam vero Italia novis cladibus vel post longam sæculorum seriem repetitis afflicta. haustæ aut obrutæ urbes fœ-

I. 1. Anni U. 822, p. Chr. 69. — 2. Nondum ex unius potentia pendentis. Post Actiacam pugnam, a. U. 723, res *Principum* potius sunt quam *populi*. — 3. Quod homines tum suam rempublicam non magis fere nossent quam alienam, rebus plurimis non, ut antea, publice, sed secreto penes Principem tractari coëptis. Lege Dionem Cass. LIII, 19. — 4. *Dependants*. — 5. Placendi Principibus studium. — 6. Sc. loquendi, liberi oris, παρρησία. — 7. Conf. *Annal.* XI, 11.

II. 1. Pacis tempore. Ad Domitiani regnum spectat delatoribus fœcundum. — 2. Galba, Otho, Vitellius, Domitianus. — 3. Othonis in Vitellium; Vitellii in Vespasianum; L. Antonii in Domitianum. — 4. Omissa, neglecta. Hæc expeditio narrata in Vita Agricolæ. — 5. Viginti annis post defunctum Neronem; conf. II, 2, Sueton. *Nerone* fin. — 6. Pompell

cundissimâ Campaniæ orâ ⁶, et Urbs incendiis vastata ⁷, consumptis antiquissimis delubris, ipso Capitolio civium manibus incenso. pollutæ cæremoniæ ⁸, magna adulteria. plenum exsiliis mare ⁹, infecti cædibus scopuli. atrocius in Urbe sævitum. nobilitas, opes, omissi gestique honores pro crimine ¹⁰, et ob virtutes certissimum exitium. nec minus præmia delatorum invisa quam scelera, quum alii sacerdotia et consulatus ut spolia adepti, procuraciones ¹¹ alii et interiorem potentiam ¹², agerent, verterent cuncta odio et terrore. corrupti in dominos servi, in patronos liberti; et quibus deerat inimicus, per amicos oppressi.

III. Non tamen adeo virtutum sterile sæculum, ut non et bona exempla prodiderit: comitatæ profugos liberos matres, secutæ maritos in exsilia conjuges; propinqui audentes, constantes generi; contumax etiam adversus tormenta servorum fides; supremæ clarorum virorum necessitates ¹, ipsa necessitas fortiter tolerata; et laudatis antiquorum mortibus pares exitus. Præter multiplices rerum humanarum casus cælo terraque prodigia et fulminum monitus et futurorum præsagia, læta, tristia; ambigua, manifesta. nec enim unquam atrocioribus populi Romani cladibus magisve justis ² indiciis approbatum est non esse curæ deis securitatem nostram ³, esse ultionem.

IV. Ceterum antequam destinata componam, repetendum videtur qualis status Urbis, quæ mens exercituum, quis habitus provinciarum, quid in toto terrarum orbe validum, quid ægrum fuerit, ut non modo casus eventusque rerum, qui plerumque fortuiti sunt, sed ratio etiam causæque noscantur. Finis Neronis ut lætus primo gaudentium impetu fuerat, ita varios motus animorum non modo in Urbe apud Patres aut populum aut urbanum militem, sed omnes legiones ducesque conciverat, evulgato imperii arcano, posse Principem alibi quam Romæ fieri ¹. sed Patres læti usurpata statim libertate ², licentius ut erga Principem novum et absentem; primores Equitum proximi gaudio Patrum; pars populi integra ³ et magnis domibus annexa, clientes libertique damnatorum et exsulum, in spem erecti: plebs sordida et circo ac theatris sueta, simul deterrimi servorum, aut qui adesitis bonis per dedecus Neronis alebantur, mœsti et rumorum avidi.

V. Miles urbanus longo Cæsarum sacramento imbutus et ad destituentem Neronem arte magis et impulsu ¹ quam suo ingenio traductus, postquam neque dari donativum sub nomine Galbæ promissum ² neque magnis

et Herculaneum, a. 79. — 7. Præter id quod narratur III, 71, vehementiore alio sub Tito Imperatore. — 8. Incestus virginum Vestalium. — 9. Nimirum insulæ, in quas noxii relegabantur, desertæ et scopulosæ; exsiliis sæpe insuper immissi interfectores, de quibus accipe verba sequentia. — 10. Sc. erant. accipiebantur. — 11. *Procuratores* (Principis) fisci redditus exigebant per provincias, quarum nonnullis erant pro præsidibus. — 12. In palatio penes Principem.

III. 1. Quibus aut virtus amittenda aut opetenda mors esset, de qua deinde *necessitas*. — 2. Verte *directes*. — 3. Per quam patienter ferimus tam indigna fieri.

IV. 1. Ut Galba in Hispania ab legionibus Princeps creatus. — 2. *Læti* erant ob libertatem, quam statim usurpabant, *licentius* quidem ut consentaneum erat *erga* etc. — 3. Incorrupta.

V. 1. *Nymphidii*, præfecti prætorio. — 2. Ab eodem Nymphidio, ingens, viritum

meritis ac præmiis eundem in pace quem in bello locum præventamque³ gratiam intelligit apud Principem a legionibus factum, pronus ad novas res, scelere insuper Nymphidii Sabini præfecti imperium sibi molientis agitur. et Nymphidius quidem in ipso conatu oppressus⁴: sed quamvis capite defectionis ablato manebat plerisque militum conscientia. nec deerant sermones *senium atque avaritiam Galbæ* increpantium. laudata olim et militari fama celebrata severitas ejus angebat aspernantes veterem disciplinam, atque ita quattuordecim annis a Nerone assuefactos, ut haud minus vitia Principum amarent quam olim virtutes verebantur⁵. accessit Galbæ vox pro republica honesta, ipsi anceps, *legi a se militem, non emi*: nec enim ad hanc formam cetera erant⁶.

VI. Invalidum senem T. Vinus et Cornelius Laco, alter deterrimus mortalium, alter ignavissimus, odio flagitiorum oneratum, contemptu inertiae¹, destruebant. Tardum Galbæ iter et cruentum interfectis Cingonio Varrone consule designato et Petronio Turpiliano consulari²: ille ut Nymphidii socius, hic ut dux Neronis³, inauditi atque indefensi tamquam innocentes⁴ perierant. Introitus in Urbem trucidatis tot millibus inermium militum⁵ infaustus omine, atque ipsis etiam qui occiderant formidolosus. inducta legione Hispana⁶, remanente ea quam e classe Nero conscripserat⁷, plena Urbs exercitu insolito. multi ad hoc numeri⁸ e Germania ac Britannia et Illyrico, quos idem Nero electos præmissosque ad claustra Caspiarum et bellum quod in Albanos parabat⁹, opprimendis Vindicis cœptis revocaverat: ingens novis rebus materia, ut non in unum aliquem prono favore¹⁰, ita audenti parata.

VII. Forte congruerat ut Clodii Macri et Fonteii Capitonis cædes nuntiarentur. Macrum in Africa¹, haud dubie turbantem Trebonius Garucianus procurator jussu Galbæ, Capitonem in Germania, quum similia cœptaret, Cornelius Aquinus et Fabius Valens legati legionum interfecerant, antequam juberentur. fuere qui crederent Capitonem ut avaritia et libidine foedum ac maculosum, ita cogitatione rerum novarum abstinuisse; sed a legatis bellum suadentibus, postquam impellere nequiverint, crimen ac dolum compositum ultro; et Galbam mobilitate ingenii, an ne altius scrutaretur, quoquo modo acta, quia mutari non poterant, comprobasse. ce-

prope 600 fr. — 3. Ab aliis occupatam. — 4. Singula narrat Plutarchus, *Galbæ* c. 8—14. — 5. Quod vulgo dicitur *reverebantur*. — 6. Cetera Galbæ non conveniebant ingenio hac voce prodito.

VI. 1. Galbam alter suorum flagitiorum odio, alter suæ inertiae contemptu oneraverant, his vitiis populari fama ex amicis in ipsum ut consentientem translatis. — 2. Consuli anni U. 814. — 3. Conf. *Annal.* XIV, 59. XV, 72. — 4. *Innocentes* habentur dum lege judicioque pronuntientur *nocentes*. Cornelia Vestalis inaudita et indefensa a Plinio (*Epist.* IV, 11) dicitur *ad supplicium, nescio an innocens, certe tanquam innocens ducta*. — 5. Classiariorum ultra septies mille, qui Galbæ ad Milvium pontem obvii poscebant ab eo confirmari Neronis decretum in *legionem* eos convertens. — 6. Sexta, paullo post, ut videtur, in Hispaniam remissa. — 7. Dicta *prima adjutrix classicorum*. — 8. I. e. cohortes, manipuli, vexilla, turmæ: quicumque non conscripti in justam legionem. — 9. De quo v. Sueton. c. 19. C. Julius Vindex, qui Galliam pro prætore regibat, superiore anno contra Neronem rebellaverat, non sibi, sed Galbæ principatum paraturus. Facile superatus ad Vesuntionem (*Besançon*) a Verginio Rufo, qui Germaniæ præerat, manum sibi intulit. — 10. Sc. *ὀὔσα*.

VII. 1. In qua legatus erat. Capito consul fuerat anni 820. De eo adde c. 88. — 2. Ex

terum utraque cædes sinistre accepta : et invisio semel Principe , seu bene seu male facta premunt. Jam afferebant venalia cuncta præpotentes liberti²; servorum manus subitis³ avidæ, et tamquam apud senem festinantes; eademque novæ aulæ mala, æque gravia, non æque excusata. Ipsa ætas Galbæ irrisui ac fastidio erat assuetis juventæ Neronis, et Imperatores forma ac decore corporis, ut est mos vulgi, comparantibus.

VIII. Et hic quidem Romæ, tanquam¹ in tanta multitudine, habitus animorum fuit. e provinciis Hispaniæ præerat Cluvius Rufus, vir facundus et pacis artibus², bellis inexpertus; Galliæ, super memoriam Vindicis³, obligatæ recenti dono Romanæ civitatis⁴ et in posterum tributii levamento. proximæ tamen Germanis exercitibus⁵ Galliarum civitates non eodem honore habitæ, quædam etiam finibus adeptis⁶ pari dolore commoda aliena ac suas injurias metiebantur. Germani exercitus, quod periculosissimum in tantis viribus, solliciti et irati: superbia recentis victoriæ, et metus tamquam alias⁷ partes fovissent. tarde a Nerone desciverant; nec statim pro Galba Verginius: an imperare voluisset dubium; delatum ei a milite imperium conveniebat⁸. Fonteium Capitonem occisum, etiam qui queri non poterant, tamen indignabantur. dux deerat, abducto Verginio per simulationem amicitiae: quem non remitti atque etiam reum esse tamquam suum crimen accipiebant.

IX. Superior¹ exercitus legatum Hordeonium Flaccum spernebat, snecta ac debilitate pedum invalidum, sine constantia, sine auctoritate, ne quieto quidem milite regimen²: adeo furentes infirmitate retinentis ultro accendebantur. inferioris Germaniæ legiones diutius sine consulari fuere, donec missu Galbæ A. Vitellius aderat, censoris Vitellii ac ter consulis filius: id satis videbatur³. in Britannico exercitu nihil irarum: non sane aliæ legiones per omnes civilium bellorum motus innocentius egerunt, seu quia procul et Oceano divisæ, seu crebris expeditionibus doctæ hostem potius odisse. quies et Illyrico, quamquam excitæ a Nerone legiones, dum in Italia cunctantur, Verginium legationibus adissent. sed longis spatiis discreti exercitus, quod saluberrimum est ad continuendam militarem fidem, nec vitiis nec viribus miscebantur.

X. Oriens adhuc immotus. Syriam et quattuor legiones obtinebat Licinius Mucianus, vir secundis adversisque juxta famosus. insignes amicitias juvenis ambitiose coluerat; mox attritis opibus lubrico statu, suspecta¹ etiam Claudii iracundia, in secretum Asiæ² repositus tam prope ab exsule fuit quam postea a Principe³. luxuria, industria, comitate, arrogantia, malis bonisque artibus mixtus. nimis voluptates, quum

Hispania Romam advenientes. — 3. Ad subita, subito et insperate allata.

VIII. 1. Utpote, ut consentaneum erat. — 2. Ablativus qualitatis. — 3. Vide not. 9 ad c. VI. — 4. Quam Galba ipsis concesserat cum remissione quartæ partis tributorum. — 5. Qui contra Vindieem feliciter pugnaverant. — 6. Finibus adempta regionis parte contractis. — 7. Diversas, hostiles Galbæ. — 8. Sc. inter eos qui has res memoriæ mandabant. De Verginio præstantissimo viro legendus Plinius, *Epist.* II, 1; VI, 10.

IX. 1. Superioris Germaniæ; v. *Ann.* I, 31. — 2. Sc. erat; regebatur. *Adco*, multo congis. — 3. Nimirum consularis filius pro consulari; majorem honorem militibus ab se alienatis tribuere nolebat Galba.

X. 1. Quum per suspicionem præsumeretur. — 2. Ut *Ann.* XIV, 33 dicitur *Mytilense secretum*. In Lyciam videtur amandatus fuisse legationis specie. — 2 De qua re multis

vacaret ; quoties expedierat ⁴, magnæ virtutes. palam ⁵ laudares ; secreta male audiebant. sed apud subjectos, apud proximos, apud collegas, variis illecebris potens ; et cui expeditius fuerit tradere imperium quam obtinere. Bellum Judaicum Flavius Vespasianus (ducem eum Nero delegerat) tribus legionibus administrabat. nec Vespasiano adversus Galbam votum aut animus : quippe Titum filium ad venerationem cultumque ejus miserat, ut suo loco memorabimus. ⁶ occulta fati et ostentis ac responsis ⁷ destinatum Vespasiano liberisque ejus imperium post fortunam credidimus.

XI. Egyptum copiasque, quibus coereretur, jam inde a divo Augusto Equites Romani obtinent loco regum : ita visum expedire, provinciam aditu difficilem, annonæ fœcundam, superstitione ac lascivia discordem et mobilem, insciam legum, ignaram magistratum ¹, domi retinere ². regebat tum Tiberius Alexander ³ ejusdem nationis. Africa [ac legiones in ea] interfecto Clodio Macro contenta qualicumque Principe post experimentum domini minoris ⁴. Duæ Mauritaniae, Rætia, Noricum, Thracia et quæ aliæ procuratoribus cohibentur, ut cuique exercitui vicinæ, ita in favorem aut odium contactu valentiorum agebantur. Inermes ⁵ provinciae atque ipsa in primis Italia, cuicumque servitio exposita, in pretium belli cessuræ erant. Hic fuit rerum Romanarum status, quum Ser. Galba iterum, T. Vinus consules inchoavere annum sibi ultimum, reipublicæ prope supremum.

XII. Paucis post kalendas Januarias diebus Pompeii Propinqui procuratoris e Belgica litteræ afferuntur, *superioris Germaniæ legiones rupta sacramenti reverentia Imperatorem alium flagitare, et senatui ac populo Romano arbitrium eligendi permittere*, quo seditio mollius acciperetur. maturavit ea res consilium Galbæ jam pridem de adoptione secum et cum proximis agitantis. non sane crebrior tota civitate sermo per illos menses fuerat, primum licentia ac libidine talia loquendi, dein fessa jam ætate Galbæ. paucis judicium aut reipublicæ amor : multi stulta spe, prout quis amicus vel cliens, hunc vel illum ambitiosis rumoribus destinabant, etiam in T. Vinii odium, qui in dies quanto potentior, eodem auctu invidior erat. quippe hiantes in magna fortuna amicorum cupiditates ipsa Galbæ facilitas intendebat, quum apud infirmum et credulum minore metu et majore præmio peccaretur.

XIII. Potentia principatus divisa in T. Vinium consulem et Cornelium Laconem prætorii præfectum. nec minor gratia Iceto Galbæ liberto, quem annulis donatum equestri nomine *Martianum* vocitabant ¹. hi discordes, et rebus minoribus sibi ² quisque tendentes, circa consilium eligendi successoris in duas factiones scindebantur. Vinus pro M. Othone : Laco atque Icetus consensu non tam unum aliquem fovebant quam alium. neque

in l. II.—4. Expeditionem suscepit.—5. Quasi τὰ ἀναπάνδη, in rebus quas palam agebat.—6. II, 1. *Occulta*, τὰ ἀπόρρητα.—7. De quibus II, 78; IV, 81.

XI. 1. Sc. Romanorum.—2. Sibi et Principibus successoribus peculiarem servare. Conf. dicta Tacito *Annal.* II, 89.—3. Filius ethnarchæ Alexandrini eodem nomine, fratris Philonis Judæi.—4. Maeri, sævi legati.—5. Sine legionibus Romanis.

XIII. 1. Eos una et intra palatium habitantes nec unquam non adherentes Principi prodeunti, *pædagogos* vulgo vocabant, Sueton. c. 11.—2. Ad sua commoda.—3.

erat Galbæ ignota Othonis ac T. Vinii amicitia; et rumoribus nihil silentio transmittentium, quia Vinio vidua filia, cælebs Otho, gener ac socer destinabantur. credo et reipublicæ curam subisse³, frustra a Nerone translata, si apud Othonom relinqueretur. namque Otho pueritiam incuriose, adolescentiam petulanter egerat, gratus Neroni æmulatione luxus. eoque jam Poppæam Sabinam, principale⁴ scortum, ut apud conscium libidinum, deposuerat, donec Octaviam uxorem amoliretur: mox suspectum in eadem Poppæa in provinciam Lusitaniam specie legationis seposuit. Otho comiter administrata provincia primus in partes transgressus, nec segnis et, donec bellum fuit, inter præsentis splendissimus, spem adoptionis statim conceptam acrius in dies rapiebat, faventibus plerisque militum, prona in eum aula Neronis, ut similem.

XIV. Sed Galba post nuntios Germanicæ seditionis, quamquam nihil adhuc de Vitellio certum, anxius quoriam exercituum vis erumperet, ne urbano quidem militi confisus, quod remedium unicum rebatur, comitia imperii¹ transigit; adhibitoque super Vinium ac Laconem Mario Celso consule designato ac Ducennio Geminio præfecto Urbis, pauca præfatus de sua senectute, *Pisonem Licinianum arcessi* jubet, seu propria electione sive, ut quidam crediderunt, Lacone instante, cui apud Rubellium Plantum² exercita cum Pisone amicitia: sed callide ut igotum fovebat, et prospera de Pisone fama consilio ejus fidem addiderat. Piso M. Crasso et Scribonia³ genitus, nobilis utrimque, vultu habituque moris antiqui, et æstimatione recta severus, deterius interpretantibus tristior habebatur. ea pars morum ejus quo suspectior sollicitis,⁴ adoptanti placebat.

XV. Igitur Galba, apprehensa Pisonis manu, in hunc modum locutus fertur: « Si te privatus lege curiata apud pontifices¹, ut moris est, adoptarem, et mihi egregium erat Cn. Pompeii et M. Crassi subolem in penates meos asciscere, et tibi insigne Sulpiciæ ac Lutatiae² decora nobilitati tuæ adjecisse. nunc me deorum hominumque consensu ad imperium vocatum præclara indoles tua et amor patriæ impulit, ut principatum, de quo majores nostri armis certabant, bello adeptus quiescenti offeram, exemplo divi Augusti, qui sororis filium Marcellum, dein generum Agrippam, mox nepotes suos, postremo Tiberium Neronem privignum in proximo sibi fastigio collocavit³. sed Augustus in domo successorem quæsivit, ego in republica, non quia propinquos aut socios belli non habeam: sed neque ipse imperium ambitione⁴ accepi, et judicii mei documentum sint non meæ tantum necessitudines, quas tibi postposui,

Sc. mentem Galbæ. — 4. Principis. Res verius, ut credi par est, narratur in Annalibus posterius scriptis, XIII, 43 sq.

XIV. 1. Locutio a prisca republica petita, qua v. c. *comitia consularia* agebantur ad eligendos consules. — 2. De quo *Ann.* XIII, 19; XIV, 22, ss. — 3. Nepte Sexti Pompeii filii Cn. P. Magni. — 4. Sc. eo magis.

XV. Antiquitas adoptiones fiebant per populi rogationem in *comitiis curiatis* (triginta curiis collectis), quibus Pontifex maximus præerat, arbitri aderant pontifices, ob sacra domestica ejusque gentis. Postea comitia curiata per triginta liectores (ut Ciceronis vocabulo utar) adumbrabantur. — 2. Ex his gentibus erat Galba, ex Lutatii per matrem. — 3. De his strictim narratum initio Annalium, ubi v. notas. — 4. Per ambi-

« sed et tuæ. est tibi frater pari nobilitate, natu major ⁵, dignus hac fortuna, nisi tu potior esses. ea ætas tua, quæ cupiditates adolescentiæ jam effugerit; ea vita, in qua nihil præteritum excusandum habeas, fortunam adhuc tantum adversam tulisti: secundæ res acrioribus stimulis animos explorant, quia miseriæ tolerantur, felicitate corrumpimur. fidem, libertatem, amicitiam, præcipua humani animi bona, tu quidem eadem constantia retinebis: sed alii per obsequium immiuent. irrumpent adlatio, blanditiæ, pessimum veri affectus venenum, sua cuique utilitas. et jam ego ac tu simplicissime inter nos hodie loquimur: ceteri libentius cum fortuna nostra quam nobiscum. nam sua: dere Principi quod oporteat, multi laboris: assentatio erga Principem quemcunque sine affectu peragitur.

XVI. « Si immensum imperii corpus stare ac librari sine rectore posset, dignus eram a quo respublica inciperet ¹: nunc eo necessitatis jam pridem ventum est, ut nec mea senectus conferre plus populo Romano posset quam bonum successorem, nec tua plus juventa quam bonum Principem. sub Tiberio et Caio et Claudio unius familiæ quasi hereditas fuimus: loco libertatis erit quod eligi cœpimus. et finita Juliorum Claudiorumque domo optimum quemque adoptio inveniet. nam generari et nasci a Principibus fortuitum, nec ultra æstimatur: adoptandi iudicium integrum; et si velis eligere, consensu monstratur ². sit ante oculos Nero, quem longa Cæsarum serie tumentem non Vindex cum inermi provincia aut ego cum una legione, sed sua immanitas, sua luxuria cervicibus publicis ³ depulerunt: neque erat adhuc damnati Principis exemplum ⁴. nos bello et ab æstimantibus ⁵ asciti, cum invidia, quamvis egregii, erimus. ne tamen territus fueris, si duæ legiones ⁶ in hoc concussi orbis motu nondum quiescunt. ne ipse quidem ad securas res accessi; et audita adoptione desinam videri senex, quod nunc mihi unum obicitur. Nero a pessimo quoque semper desiderabitur: mihi ac tibi providendum est ne etiam a bonis desideretur. monere diutius neque temporis hujus, et impletum est omne consilium, si te bene elegi. utilissimus idem ac brevissimus bonarum malarumque rerum delectus est cogitare quid aut volueris sub alio Principe aut nolueris. neque enim hic, ut gentibus quæ regnantur, certa dominorum domus et ceteri servi: sed imperaturus es hominibus, qui nec totam servitutem pati possunt nec totam libertatem.» Et Galba quidem hæc ac talia tamquam Principem faceret; ceteri tamquam cum facto loquebantur.

XVII. Pisonem ferunt statim intuentibus, et mox conjectis in eum omnium oculis, nullum turbati aut exsultantis animi motum prodidisse. sermo erga patrem Imperatoremque reverens, de se moderatus; nihil in vultu habituque mutatum, quasi imperare posset magis quam vellet.

tionem meorum, ut, qui ante Galbam Principes, ambitione suorum. — s. Scribonianus Crassus, de quo IV, 39.

XVI. 1. Conveniens erat ut a me libertas publica inciperet, voluntate Romanorum electo, non imposito.—2. Sc. eligendus.—3. Populi Romani.—4. Mente addas: et nihilominus per damnationem dejectus est. Quo magis nos egregios esse oportet.—5. Hoc de Pisone, bello de Galba legionum duce.—6. Quarta et vicesima secunda superioris Germaniæ,

consultatum inde, *pro rostris an in senatu an in castris* ¹ *adoptio nuncuparetur. iri in castra placuit: honorificum id militibus fore, quorum favorem ut largitione et ambitu male acquiri, ita per bonas artes* ² *haud spernendum.* circumsteterat interim palatium publica expectatio magni secreti impatiens; et male coercitam famam suppressantes augebant.

XVIII. Quartum idus Januarias ¹ *foedum imbribus diem tonitrua et fulgura et cœlestes minæ ultra solitum turbaverant. observatum id* ² *antiquitus comitiis dirimendis non terruit Galbam quominus in castra pergeret, contemptorem talium ut fortuitorum; seu quæ fato manent quamvis significata non vitantur* ³. apud frequentem militum concionem imperatoria brevitate adoptari a se Pisonem more divi Augusti et exemplo militari, quo vir virum legeret ⁴, pronuntiat. ac ne dissimulata seditio in majus crederetur, ultro asseverat *quartam et duodevicesimam legiones, paucis seditionis auctoribus, non ultra verba ac voces errasse, et brevi in officio fore.* nec ullum orationi aut lenocinium addit aut pretium. tribuni tamen centurionesque et proximi militum grata auditu respondent: per ceteros mœstitia ac silentium, tamquam usurpatam etiam in pace donativi necessitatem bello perdidissent. constat potuisse conciliari animos quantulacunque parci senis liberalitate: nocuit antiquus rigor et nimia severitas, cui jam pares non sumus.

XIX. Inde apud senatum non comptior Galbæ, non longior quam apud militem sermo: Pisonis comis oratio. et Patrum favor aderat: multi voluntate ¹ effusius; qui noluerant, medie; ac plurimi obvio obsequio, privata spes agitantes sine publica cura. nec aliud sequenti quadriduo, quod medium inter adoptionem et cædem fuit, dictum a Pisone in publico factumve. Crebrioribus in dies Germanicæ defectionis nuntiis et facili civitate ad accipienda credendaque omnia nova, quum tristia sunt, censuerant Patres mittendos ad Germanicum exercitum legatos. agitatum secreto num et Piso proficisceretur majore prætextu ², illi auctoritatem senatus, hic dignationem Cæsaris laturus ³. placebat et Laconem prætorii præfectum simul mitti: is consilio intercessit. legati quoque (nam senatus electionem Galbæ permiserat) fœda inconstantia nominati, excusati, substituti, ambitu remanendi aut eundi, ut quemque metus vel spes impulerat.

XX. Proxima pecuniæ cura: et cuncta scrutantibus justissimum visum est inde repeti, ubi inopiæ causa erat. bis et vices millies sestertiûm ¹ donationibus Nero effuderat. appellari singulos jussit, decuma parte liberalitatis apud quemque eorum relicta. at illis vix decumæ super portiones erant ², iisdem erga aliena sumptibus ³ quibus sua prodegerant, quum rapacissimo cuique ac perditissimo non agri aut fœnus, sed sola instru-

XVII. 1. Sc. prætorianorum, ante portas Urbis Viminalem et Esquilinam. — 2. Sc. acquisitum.

XVIII. 1. Die 10 Januario. — 2. Substantive: ea res observata, non neglecta, ad dirimenda comitia olim valens. — 3. Non solent vitari ab hominibus. — 4. Legionarii a tribunis militaribus *legebantur*. Nisi forte peculiaris usus respiciatur, cujus exempla duo apud Livium IX, 59; X, 58.

XIX. 1. Quia voluerant eam adoptionem. — 2. Specie; est græcum *προσχήματι*. 3. Eo redit quod nunc dicunt, *representaturus*.

XX. 1. 391,380,000 fr. Res in hoc capite narrata multo prius incepta erat. — 2. Supererant, per tmesin, ut in Virgiliano *Jamque adeo super unus eram*. — 3. Prodigalitate. —

menta vitiorum manerent. exactioni triginta Equites Romani præpositi ⁴, novum officii genus et ambitu ⁵ ac numero onerosum. ubique hasta et sector ⁶, et inquieta Urbs actionibus. attamen grande gaudium, quod tam pauperes forent quibus donasset Nero, quam quibus abstulisset. Exauctorati per eos dies tribuni e prætorio Antonius Taurus et Antonius Naso, ex urbanis cohortibus Æmilius Pacensis, e vigiliis Julius Fronto. nec remedium in ceteros fuit, sed metus initium, tamquam per artem et formidinem singuli pellerentur, omnibus suspectis.

XXI. Interea Othonem, cui compositis rebus nulla spes, omne in turpido consilium, multa simul exstimulabant, luxuria etiam Principi onerosa, inopia vix privato toleranda ¹, in Galbam ira, in Pisonem invidia. fingeat et metum, quo magis concupisceret. « Prægravem se Neroni fuisse, nec
« Lusitaniam rursus et alterius exsilii honorem expectandum: suspe-
« ctum semper invisumque dominantibus qui proximus destinaretur. no-
« cuisse id sibi apud senem Principem; magis nociturum apud juvenem
« ingenio trucem et longo exsilio efferatum. occidi Othonem posse. proinde
« agendum audendumque, dum Galbæ auctoritas fluxa, Pisonis nondum
« coaluisset. opportunos magnis conatibus transitus rerum; nec cuncta-
« tione opus, ubi perniciosior sit quies, quam temeritas. mortem omni-
« bus ex natura æqualem, oblivione apud posteros vel gloria distingui. ac
« si nocentem innocentemque idem exitus maneat, acrioris viri esse me-
« rito perire. »

XXII. Non erat Othonis mollis et corpori similis animus. et intimi libertorum servorumque, corruptius quam in privata domo habiti, aulam Neronis et luxus, adulteria, matrimonia ¹ ceterasque regnorum libidines avido talium, si auderet, ut sua ostentantes, quiescenti ut aliena exprobrabant, urgentibus etiam mathematicis ², dum *novos motus et clarum Othoni annum observatione siderum* affirmant, genus hominum potentibus infidum, sperantibus fallax, quod in civitate nostra et vetabitur semper et retinebitur ³. multos secreta Poppææ mathematicos, pessimum principalis matrimonii instrumentum ⁴, habuerant: e quibus Ptolemæus Othoni in Hispania comes, quum *superfuturum eum Neroni* promississet, postquam ex eventu fides, conjectura jam et rumore senium Galbæ et juventam Othonis computantium persuaserat *fore ut in imperium ascisceretur*. sed Otho tamquam peritia et monitu faterum prædicta accipiebat, cupidine ingenii humani libentius obscura credendi.

XXIII. Nec deerat Ptolemæus, jam et sceleris instinator, ad quod facillime ab ejusmodi voto transitur. sed sceleris cogitatio incertum an repens: studia militum jam pridem spe successionis aut paratu facinoris affectaverat, in itinere ¹, in agmine, in stationibus vetustissimum quem-

4. Auctore Suetonio c. 15 *quingaginta*. Sensim auctus esse videtur numerus. Conf. Plutarch. c. 16. — 5. Sc. muneris, potestate late patente. — 6. Vid. ad *Ann.* III, 31 fin.: XIII, 23.

XXI. 1. De maximo ære alieno ejus narrat Sueton. c. 5.

XXII. 1. Progressu temporis Caligula quattuor, Claudius sex uxores duxerat. — 2. Astrologis. — 3. Conf. *Ann.* II, 52, XII, 52. — 4. *Détestable ameublement d'un ménage impérial*, Burnouf.

XXXIII. 1. Ex Hispania in Urbem: — 2. Nerone olim comitantes.

que militum nomine vocans ac memoria Neroniani comitatus *contubernales* appellando; alios agnoscere, quosdam requirere et pecunia aut gratia juvare, inserendo sæpius querelas et ambiguos de Galba sermones, quæque alia turbamenta vulgi. labores itinerum, inopia commeatum, duritia imperii atrocius accipiebantur, quum Campaniæ lacus et Achaïæ urbes classibus adire soliti² Pyrenæum et Alpes et immensa viarum spatia ægre sub armis eniterentur.

XXIV. Flagrantibus jam militum animis velut faces addiderat Mævius Pudens, e proximis Tigellini. is mobilissimum quemque ingenio aut pecuniæ indigum et in novas cupiditates præcipitem alliciendo eo paullatim progressus est, ut per speciem convivii, quoties Galba apud Othonem epularetur, cohorti¹ excubias agenti viritim centenos nummos divideret: quam velut publicam largitionem Otho secretioribus apud singulos præmiis intendebat, adeo animosus corruptor, ut Cocceio Proculo speculatori² de parte finium cum vicino ambigenti universum vicini agrum sua pecunia emptum dono dederit, per socordiam præfecti³, quem nota pariter et occulta fallabant.

XXV. Sed tum e libertis Onomastum futuro sceleri præfecit, a quo Parbium Proclum, tesserarium speculatorum¹, et Veturium, optionem² eorundem, perductos, postquam vario sermone callidos audacesque cognovit, pretio et promissis onerat, data pecunia ad pertentandos plurius animos. suscepere duo manipulares imperium populi Romani transferendum³, et transtulerunt. in conscientiam facinoris pauci asciti. suspensos ceterorum animos diversis artibus stimulant, primores militum per beneficia Nymphidii⁴ ut suspectos, vulgus et ceteros ira et desperatione dilati toties donativi. erant quos memoria Neronis ac desiderium prioris licentiæ accenderet. in commune omnes⁵ metu mutandæ militiæ terrebantur.

XXVI. Infecit ea tabes legionum quoque et auxiliorum motas jam mentes, postquam vulgatum erat labare Germanici exercitus fidem. adeoque parata apud malos seditio; etiam apud integros¹ dissimulatio fuit, ut postero iduum dierum² redeuntem a cæna Othonem rapturi fuerint, ni incerta noctis et tota Urbe sparsa militum castra nec facilem inter temulentos consensum timuissent, non reipublicæ cura, quam fœdare Principis sui sanguine sobrii parabant, sed ne per tenebras, ut quisque Pannonici vel Germanici exercitus³ militibus oblatus esset, ignorantibus ple-

XXIV. 1. Mille militum.—2. *Speculatores* hi erant delecti ex prætorii cohortibus satellites Principis.—3. Sc. prætorii, Lacone, de quo c. 6 et 15.

XXV. 1. Eum inter speculatores qui tesseram (*la parole*, vel jussum aliquod) in tabella scriptam ab Imperatore (in legionibus a tribuno) accipiebat et per contubernia nuntiabat.—2. Festus: « *Optio* in re militari appellatus is quem decurio aut centurio *optat* (eligit) sibi rerum privatarum administrum, quo facilius obeat publica officia. »—3. A Galba ad Othonem.—4. Vid. c. 5. — 5. Prætoriani, quæ erat militia omnium honestissima et lucri plurimi.

XXVI. 1. Galbæ fides.—2. *Idus dies* vocantur octo illæ post Nonas. Hoc loco si capias de die Idus sequente, 14 Janv., plane insolitum dicendi genus statueris. Pro consuetudine explicandum *postero iduum* (quas dixi): nimirum *tertio, le 14 Janv.* post eum quem dixi initio cap. 18: *Quartum idus Januarias*.—3. Qui tum in Urbe

risque, pro Othone destinaretur. multa erumpentis seditionis indicia per consocios oppressa : quædam apud Galbæ aures præfectus Laco elusit ⁴, ignarus militarium animorum, consilii quoque quamvis egregii, quod non ipse afferret, inimicus, et adversus peritos pervicax.

XXVII. Octavo decimo kalendas Februarias ¹ sacrificanti pro æde ² Apollinis Galbæ haruspex Umbricius *tristia exta et instantes insidias ac domesticum hostem* prædicit, audiente Othone (nam proximus astiterat) idque ut lætum e contrario et suis cogitationibus prosperum interpretante. nec multo post libertus Onomastus nuntiat *expectari eum ab architecto et redemptoribus*; quæ significatio coeuntium jam militum et paratæ conjurationis convenerat ³. Otho, *causam digressus* requirentibus, quum *em* sibi *prædia vetustate suspecta eoque prius exploranda* finxisset, innixus liberto per Tiberianam domum ⁴ in Velabrum, inde ad milliarium aureum ⁵ sub ædem Saturni pergit. ibi tres et viginti speculatores consalutat *imperatorem*, ac paucitate salutantium trepidum et sellæ festinanter impositum strictis mucronibus rapiunt. totidem ferme milites in itinere aggregantur, alii conscientia, plerique miraculo ⁶, pars clamore et gladiis ⁷, pars silentio, animum ex eventu sumpturi.

XXVIII. Stationem in castris agebat Julius Martialis tribunus. is, magnitudine subiti sceleris, an corrupta latius castra et, si contra tenderet, exitium metuens, præbuit plerisque suspicionem conscientiae. anteposuerunt ceteri quoque tribuni centurionesque præsentia dubiis et honestis. isque habitus animorum fuit, ut pessimum facinus auderent pauci, plures vellent, omnes paterentur.

XXIX. Ignarus interim Galba et sacris intentus fatigabat alieni jam imperii deos, quum affertur rumor *rapi in castra incertum* ¹ *quem senatorem*, mox, *Othonem esse qui raperetur*; simul ex tota Urbe, ut quisque obviis fuerat, alii formidine augentes, quidam minora vero ², ne tum quidem obliti adulationis. Igitur consultantibus placuit *pertentari animum cohortis quæ in palatio stationem agebat, nec per ipsum Galbam, cujus integra auctoritas majoribus remediis servabatur*. Piso pro gradibus domus vocatos in hunc modum allocutus est : « Sextus dies « agitur, commilitones, ex quo ignarus futuri, et sive optandum hoc « nomen sive timendum erat, Cæsar ascitus sum : quo domus nostræ auf « reipublicæ fato, in vestra manu positum est. non quia meo nomine « storem casum paveam ³ (ut qui adversas res expertus cum maxime « discam ne secundas quidem minus discriminis habere) : patris et senatus « et ipsius imperii vicem doleo, si nobis aut perire hodie necesse est aut, « quod æque apud bonos miserum est, occidere. solatium proximi motus ⁴

erant; v. cap. 6.—4. *Eludere* proprie dictum de pugnantis, flexu corporis adversarii ictum declinare.

XXVII. 1. Die 18 Januario.—2. In æde.—3. Sc. Othoni cum sociis.—4. Sitam pone Palatium, ad radices Palatini montis. *Velabrum*, vicus inter forum, Tiberim et Aventinum montem.—5. Columna aurea in capite fori, sub æde Saturni ab Augusto posita, in quam omnes viæ militares imperii desinebant.—6. Quia mirabantur.—7. Sc. strictis. Plutarchus : Ἀνακαλούμενοι Καίσαρα καὶ γυμὰ τὰ ξίφη προϊσχύμενοι.

XXIX. 1. Neutro genere; *quem, τίνα*.—2. Sc. afferentes.—3. Sc. *doleo*, ex sequentibus.—4. Per quem Neroni dejecto substitutus Galba.

« habebamus incruentam Urbem et res sine discordia translatas. provi-
sum adoptione videbatur ut ne post Galbam quidem bello locus esset.

XXX. « Nihil arrogabo mihi nobilitatis aut modestiæ. neque enim relatu
« virtutum in comparatione Othonis opus est. vitia, quibus solis gloria
« tur, evertère imperium, etiam quum amicum Imperatoris ageret. habi-
« tune et incessu, an illo muliebri ornatu mereretur imperium? fallun-
« tur quibus ¹ luxuria speciem liberalitatis imponit. perdere iste sciet,
« donare nesciet. stupra nunc et comessiones et feminarum cælus volvit
« animo. hæc principatus præmia putat, quorum libido ac voluptas
« penes ipsum sit, rubor ac dedecus penes omnes. nemo enim unquam
« imperium flagitio quæsitum bonis artibus exercuit. Galbam consensus
« generis humani, me Galba consentientibus vobis Cæsarem dixit. si
« respublica et senatus et populus vacua nomina sunt, vestra, commilito-
« nes, interest ne Imperatorem pessimi faciant. legionum seditio adversum
« duces suos audita est aliquando: vestra fides famaue illæsa ad hunc
« diem mansit. et Nero quoque vos destituit, non vos Neronem. minus ²
« triginta transfugæ et desertores, quos centurionem aut tribunum sibi
« eligentes nemo ferret, imperium assignabunt? admittitis exemplum? et
« quiescendo commune crimen facitis? transcendet hæc licentia in pro-
« vincias; et ad nos scelorum exitus, bellorum ad vos pertinebunt. nec
« est plus quod pro cæde Principis quam quod innocentibus datur, sed
« periinde a nobis donativum ob fidem quam ab aliis pro facinore acci-
« pietis. »

XXXI. Dilapsis speculatoribus, cetera cohors non aspernata concionan-
tem, ut turbidis rebus evenit, forte magis et non ullo adhuc consilio
parat signa quam, quod postea creditum est, insidiis et simulatione.
missus et Celsus Marius ¹ ad electos Illyrici exercitus, Vipsania in porticu ²
tendentes. præceptum Amulio Sereno et Domitio Sabino primipilaribus *ut*
Germanicos milites e Libertatis atrio ³ *arcesserent*. legioni classicæ
diffidebatur, infestæ ob cædem commilitonum, quos primo statim introitu
trucidaverat Galba ⁴. pergunt etiam in castra prætorianorum tribuni Ce-
rius Severus, Subrius Dexter, Pompeius Longinus, si incipiens adhuc et
necdum adulta seditio melioribus consiliis flecteretur. tribunorum Subrium
et Cerium milites adorti minis, Longinum manibus coercent exarmantque,
quia non ordine militiæ ⁵, sed e Galbæ amicis, fidus Principi suo et de-
sciscitentibus suspectior erat. legio classica nihil cunctata prætorianis ad-
jungitur. Illyrici exercitus electi Celsum ⁶ infestis pilis proturbant. Ger-
manica vexilla diu nutavere, invalidis adhuc corporibus et placatis animis,
quod eos a Nerone Alexandriam ⁷ præmissos atque inde rursus longa navi-
gatione ægros impensiore cura Galba refovebat.

XXXII. Universa jam plebs palatium implebat, mixtis servitiis, et dis-
sono clamore *cædem Othonis et conjuratorum exitium* poscentium, ut

XXX. 1. Ex quorum iudicio.—2. Sc. quam; quod in numeralibus ubique omittitur.

XXXI. 1. Qui in Illyrico militaverat, *Ann.* XV, 23. — 2. In Campo Martio sita. — 3. Libertatis templum in monte Aventino. In eo prima bibliotheca publica ab Asinio Pollione posita. — 4. Vid. ad c. 6.—5. Tribuni nomine. — 6. *Festum* Ms.—7. Quo profecturus erat; v. Sucton. c. 19.

si in circo ac theatro ludicrum aliquod postularent : neque illis iudicium aut veritas ¹ quippe eodem die diversa pari certamine ² postulaturis, sed tradito more quemcunque Principem adulandi licentia acclamationum et studiis inanibus. interim Galbam duæ sententiæ distinebant. T. Vinius « manendum intra domum, opponenda servitia, firmandos aditus, non « eundem ad iratos » censebat. « daret malorum poenitentia, daret bono-
« rum consensui spatium. scelera impetu, bona consilia morâ valescere.
« denique eundi ultro, si ratio sit, eandem mox facultatem; regressis, si
« poeniteat, in aliena potestate. »

XXXIII. « Festinandum » ceteris videbatur, « antequam cresceret inva-
« lida adhuc conjunctio paucorum. trepidaturum etiam Othonem; qui
« furtim digressus, ad ignaros illatus, cunctatione nunc et segnitia teren-
« tium tempus imitari Principem discat. non expectandum ut compositis
« castris forum invadat et prospectante Galba Capitolium adeat, dum
« egregius Imperator cum fortibus amicis janua ac limine tenus domum
« cludit. obsidionem nimirum toleraturos : et præclarum in servis auxi-
« lium, si consensus tantæ multitudinis et, quæ plurimum valet, prima
« indignatio elanguescat. proinde intuta quæ indecora : vel si cadere ne-
« cesse sit, occurrendum discrimini : id Othoni invidiosius et ipsis ho-
« nestum. » repugnantem huic sententiæ Vinium Laco minaciter invasit, stimulante Icelo privati odii pertinacia in publicum exitum.

XXXIV. Nec diutius Galba cunctatus speciosiora suadentibus accessit præmissis tamen in castra Piso ut juvenis magno nomine, recenti favore, et infensus T. Vinio, seu quia erat, seu quia irati ita volebant; et facilius de odio creditur. vixdum egresso Pisone *occisum in castris Othonem* vagus primum et incertus rumor : mox, ut in magnis mendaciis, *interfuisse se* quidam *et vidisse* affirmabant, credula fama inter gaudentes et incuriosos. multi arbitrabantur compositum auctumque rumorem mixtis jam Othonianis, qui ad evocandum Galbam læta falso vulgaverint.

XXXV. Tum vero non populus tantum et imperita plebs in plausus et immodica studia, sed Equitum plerique ac senatorum, posito metu incauti, refracti palatii foribus ruere intus ¹ ac se Galbæ ostentare, *præreptam sibi ultionem* querentes. ignavissimus quisque et, ut res docuit, in periculo non ausurus, nimii verbis, linguæ feroces, nemo scire, et omnes affirmare, donec inopia veri, et consensu errantium victus, sumpto thorace Galba, irruenti turbæ neque ætate neque corpore sistens², sella levaretur. obviis in palatio Julius Atticus, speculator, cruentum gladium ostentans, *occisum a se Othonem* exclamavit; et Galba, *Commilito*, inquit, *quis jussit* ? insigni animo ad coercendam militarem licentiam, minantibus intrepidus, adversus blandientes incorruptus.

XXXVI. Haud dubiæ jam in castris omnium mentes; tantusque ardor, ut non contenti agmine et corporibus¹, in suggestu, in quo paullo ante aurea Galbæ statua fuerat², medium inter signa Othonem vexillis

XXXII. 1. Sc. animi, affectus.—2. Studio.

XXXV. 1. Intro. *Ruere* jam superius supplendum ad verba *in plausus et studia*.—2. Consistere valens; cui datus *turbæ* resistendi notioem addit.

XXXVI. 1. Agmine facto suis corporibus Othonem circumdare, quod verbum exsequentibus huc retrahendum.—2. Ut Neronis supra, *Ann.* XV. 29 — 3. Armatis bra-

circumdarent. nec tribunis aut centurionibus adeundi locus: gregarius miles *caveri* insuper *præpositos* jubebat. strepere cuncta clamoribus et tumultu et exhortatione mutua, non tamquam in populo ac plebe, variis segni adulatione vocibus, sed ut quemque affluentium mititum aspexerant, prensare manibus, complecti armis³, collocare juxta, præire sacramentum⁴, modo Imperatorem militibus, modo milites Imperatori commendare. nec deerat Otho, protendens manus, adorare vulgus, jacere oscula, et omnia serviliter pro dominatione. postquam universa classicorum legio sacramentum ejus accepit, fidens viribus, et quos adhuc singulos exstimulaverat, accendendos in commune ratus, pro vallo castrorum ita cœpit.

XXXVII. « Quis ad vos processerim, commilitones, dicere non possum, « qui nec privatum me vocare sustineo Princeps a vobis nominatus, nec « Principem alio imperante. vestrum quoque nomen in incerto erit, donec « dubitabitur Imperatorem populi Romani in castris an hostem habeatis. « auditisne ut pœna mea et supplicium vestrum simul postulentur? adeo « manifestum est neque perire nos neque salvos esse nisi una posse. et, « cujus lenitatis est Galba¹, jam fortasse promisit, ut qui nullo exposcente « tot millia innocentissimorum militum trucidaverit². horror animum « subit, quoties recorder feralem introitum et hanc solam Galbæ victo- « riam, quum in oculis Urbis decumari deditos juberet, quos deprecantes « in fidem acceperat³. his auspiciis Urbem ingressus, quam gloriam ad « principatum attulit nisi occisi Obultronii Sabini⁴ et Cornelii Marcelli⁵ « in Hispania, Betui Chilonis in Gallia, Fonteii Capitonis in Germania, « Clodii Macri in Africa, Cingonii in via, Turpiliani in Urbe, Nymphidii « in castris⁶? quæ usquam provincia, quæ in castris sunt nisi cruenta et « maculata, aut, ut ipse prædicat, emendata et correcta? nam quæ alii « scelera, hic remedia vocat, dum falsis nominibus severitatem pro sæ- « vitia, parcimoniam pro avaritia, supplicia et contumelias vestras disci- « plinam appellat. septem a Neronis fine menses sunt, et jam plus rapuit « Icelus quam quod Polycliti et Vatinii⁷ et qui alii perierunt. minore « avaritia ac licentia grassatus esset T. Vinus, si ipse imperasset: nunc « et subjectos nos habuit tamquam suos, et viles⁸ ut alienos. una illa do- « mus sufficit donativo, quod vobis nunquam datur et quotidie expro- « bratur⁹.

XXXVIII. « Ac ne qua saltem in successore Galbæ spes esset, arcessit ab « exsilio quem fristitia et avaritia sui simillimum judicabat. vidistis, « commilitones, notabili tempestate etiam deos infaustam adoptionem « aversantes. idem senatus, idem populi Romani animus est. vestra virtus « expectatur, apud quos omne honestis consiliis robur, et sine quibus

chilis, sinistra clipeum, dextra gladium vel pilum tenentibus. Conf. Virgil. *Æn.* XII, 432 sq.—4. Sacramenti formulam recitare quam alter repetat.

XXXVII. 1. Quali lenitate est, pro lenitate sua. Crudelitatem dicit. Ad *promisit* ex superioribus supplendum *pœnam meam et supplicium vestrum*.—2. V. ad c. 6.—3. Nam qui reliqui septem millibus occisis se Galbæ dederant, eos decimari jusserat.—4. Fortasse ille quæstor ærarii, *Ann.* XIII, 28.—5. De quo *Ann.* XVI, 3.—6. De his quinque v. capp. 6 et 7.—7. Liberti Neronis, *Ann.* XIV, 59; XV, 54.—8. Sc. habuit, vilipendit, non pepercit, ut alienis.—9. Debitum cum exprobratione poscitur.

« quamvis egregia invalida sunt. non ad bellum vos nec ad periculum
 « voco : omnium militum arma nobiscum sunt. nec una cohors togata ¹
 « defendit nunc Galbam, sed detinet. quum vos aspexerit, quum signum
 « meum acceperit, hoc solum erit certamen, quis mihi plurimum impu-
 « tet ². nullus cunctationis locus est in eo consilio, quod non potest
 « laudari nisi peractum. » Aperire deinde armamentarium jussit. rapta
 statim arma sine more et ordine militiæ, ³ ut prætorianus aut legionarius
 insignibus suis distingueretur, miscentur auxiliariis galeis scutisque,
 nullo tribunorum centurionumve adhortante, sibi quisque dux et insti-
 gator; et præcipuum pessimorum incitamentum, quod boni mœrebant.

XXXIX. Jam exterritus Piso fremitu crebrescentis seditionis et vo-
 cibus in Urbem usque resonantibus, egressum interim Galbam et foro
 appropinquantem assecutus erat : jam Marius Celsus haud læta retulerat,
 quum alii in *palatium redire*, alii *Capitolium petere*, plerique *rostra*
occupanda censerent, plures tantum sententiis aliorum contradicerent,
 utque evenit in consiliis infelicibus, optima viderentur quorum tempus
 effugerat. agitasse Laco ignaro Galba de occidendo T. Vinio dicitur, sive
 ut pœna ejus animos militum mulceret, seu conscium Othonis credebat,
 ad postremum vel odio. hæstationem attulit tempus ac locus, quia ini-
 to cædis orto difficilis modus. et turbavere consilium trepidi nuntii ac
 proximorum diffugia, languentibus omnium studiis, qui primo alacres
 fidem atque animum ostentaverant.

XL. Agebatur huc illuc Galba, vario turbæ fluctuantis impulsu, com-
 pletis undique basilicis ¹ ac templis, lugubri prospectu. neque populi aut
 plebis ulla vox, sed attoniti vultus et conversæ ad omnia aures. non tu-
 multus, non quies, quæle magni metus et magnæ iræ silentium est ².
 Othoni tamen *armari plebem* nuntiabatur. *ire præcipites et occupare*
pericula jubet. igitur milites Romani, quasi Vologesen aut Pacorum
 avito Arsacidarum solio depulsuri ac non Imperatorem suum inermem
 et senem trucidare pergerent, disjecta plebe, proculcato senatu, truces
 armis, rapidi equis, forum irrumpunt, nec illos Capitolii aspectus et im-
 minentium templorum religio et priores et futuri Principes terruere,
 quominus facerent scelus, cujus ultor est quisquis successit.

XLI. Viso cominus armatorum agmine, vexillarius comitatæ Galbæ ¹
 cohortis (Atilium Vergilionem fuisse tradunt) dereptam Galbæ imaginem
 solo afflixit. eo signo manifesta in Othonem omnium militum studia,
 desertum fuga populi forum, destrecta adversus dubitantes tela. juxta
 Curtii lacum ² trepidatione ferentium Galba projectus e sella ac provolu-
 tus est. extremam ejus vocem, ut cuique odium aut admiratio fuit,
 varie prodidere. alii suppliciter interrogasse *quid mali meruisset ? pau-*

XXXVIII. 1. Cohors prætoria quæ ante Palatium in Urbe excubabat, togam pro sago
 sumebat, galeas et clipeos in castris relinquebat.—2. Quis maximum debitum meæ
 computationi inferat : i. e. maxima in me beneficia conferat quæ ei referre debeam.
 —3. Sc. qui mos præcipiebat ut etc.

XL. 1. Quæ forum cingebant, amplis pleræque porticibus circumdatæ — 2. Imitatur
 hæc Xenophontis, *Agæ. c. 2* : Καὶ κραυγὴ μὲν οὐδεμία παρῆν, οὐ μὲν οὐδὲ σιγὴ
 φωνῇ δὲ τις ἦν τοιαύτη, ὅταν ὁργὴ τε καὶ μάχη παράσχοιτ' ἄν. *Burnouf.*

XLI. 1. Dativus a comitatæ pendens. — 2. Locus in medio foro; v. Liv. I, 13 · VII, 6.

cos dies exsolvendo donativo deprecatum. plures obtulisse ultro percussoribus jugulum : agerent ac ferirent, si ita e republica videretur. non interfuit occidentium quid diceret. de percussore non satis constat. quidam Terentium evocatum³, alii Lecanium; crebrior fama tradidit Camurium quintæ decimæ legionis militem impresso gladio jugulum ejus hausisse. ceteri crura brachiaque (nam pectus tegebatur⁴) fœde laniavere : pleraque vulnera feritate et sævitia trunco jam corpori adjecta.

XLII. Titum inde Vinium invasere, de quo et ipso ambigitur, consumpserintne vocem ejus instans metus, an proclamaverit *non esse ab Othone mandatum ut occideretur*. quod seu finxit formidine seu conscientia conjurationis confessus est, huc potius ejus vita famaue inclinât, ut conscius sceleris fuerit cujus causa erat¹. ante ædem divi Julii² jacuit primo ictu in poplitem, mox ab Julio Caro legionario milite in utrumque latus transverberatus.

XLIII. Insignem illa die virum Sempronium Densum ætas nostra vidit. centurio is prætoris cohortis, a Galba custodiæ Pisonis additus, stricto pugione occurrens armatis et scelus exprobrans ac modo manu, modo voce vertendo in se percussores quamquam vulnerato Pisoni effugium dedit. Piso in ædem Vestæ pervasit exceptusque misericordia publici servi¹ et contubernio ejus abditus, non religione nec caremoniis, sed latebra imminens exitium differebat, quum advenere missu Othonis, nominatim in cædem ejus ardentes, Sulpicius Florus e Britannicis cohortibus, nuper a Galba civitate donatus, et Statius Murcus speculator; a quibus protractus Piso in foribus templi trucidatur.

XLIV. Nullam cædem Otho majore lætitia excepsisse, nullum caput tam insatiabilibus oculis perlustrasse dicitur, seu tum primum levata omni sollicitudine mens vacare gaudio cœperat, seu recordatio majestatis in Galba, amicitia in T. Vinio quamvis immitem animum imagine tristi confuderat : Pisonis ut inimici et æmuli cæde lætari jus fasque credebat. præfixa contis capita gestabantur inter signa cohortium juxta aquilam legionis, certatim ostentantibus cruentas manus qui occiderant, qui interfuerant, qui vere qui falso ut pulchrum ut memorabile facinus jactabant. plures quam centum viginti libellos præmium exposcentium ob aliquam notabilem illa die operam Vitellius postea invenit, omnesque conquiri et interfici jussit, non honore Galbæ, sed tradito Principibus more, munimentum ad præsens, in posterum ultionem¹.

XLV. Alium crederes senatum, alium populum. ruere cuncti in castra, anteire proximos, certare cum præcurrentibus, increpare Galbam, lau-

—3. Vel simpliciter aliquem qui post emerita stipendia sub signis manebat, vel ex *evocatis Galbæ*, qui « delegit equestris ordinis juvenes, qui, manente aureorum annulorum usu, *evocati* appellarentur excubiasque circa cubiculum suum vice militum agerent, » Sueton. c. 10.—4. Thorace quem sumpserat Galba, c. 33.

XLII. 1. Quod expositum cap. 6.—2. In foro sitam.

XLIII. 1. Sic vocabantur qui erant in publicis vel magistratuum vel sacerdotum officis, e re publica pasti.

XLIV. 1. Accusativi usus in appositione non substantivi alicujus, sed enuntiationis totius, qualem notavimus ad *Ann.* I, 27 et alibi. Principes ita securitatem sibi parant; si aliter eventit, exemplo suo sui ultionem provocant.

dare militum iudicium, exoculari Othonis manum: quantoque magis falsa erant quæ fiebant, tanto plura facere. nec aspernabatur singulos Otho, avidum et minacem militum animum voce vultuque temperans. Marius Celsus consulem designatum et Galbæ usque in extremas res amicum fidumque ad supplicium exposculabant industriæ ejus innocentiaque quasi malis artibus infensi. Cædis et prædæ initium et optimo cuique perniciem quæri apparebat. sed Othoni nondum auctoritas inerat ad prohibendum scelus: jubere jam poterat. ita simulatione iræ *vinciri* iussu et *maiores pœnas daturum* affirmans præsentis exitio subtraxit.

XLVI. Omnia deinde arbitrio militum acta. prætorii præfectos sibi ipsi legere, Plotium Firmum e manipularibus quondam, tum vigilibus præpositum et incolumi adhuc Galba partes Othonis secutum: adjungitur Licinius Proculus intima familiaritate Othonis suspectus consilia ejus fovisse. Urbi Flavium Sabinum præfecere iudicium Neronis secuti, sub quo eandem curam obtinuerat, plerisque Vespasianum fratrem in eo respicientibus. flagitatum *ut vacationes præstari centurionibus solitæ* ¹ *remitterentur*. namque gregarius miles ut tributum annuum pendebat. quarta pars manipuli sparsa per commeatus aut in ipsis castris vagamur, ² *dum* mercedem centurioni exsolveret: neque modum oneris quisquam neque genus quæstus pensi habebat ³. per latrocinia et raptus aut servilibus ministeriis militare otium redimebant. tum locupletissimus quisque miles labore ac sævitia fatigari, donec vacationem emeret. ubi sumptibus exhaustus socordia insuper elanguerat, inops pro locuplete et iners pro strenuo in manipulum redibat; ac rursus alius atque alius, eadem egestate ac licentia corrupti, ad seditiones et discordias et ad extremum in bella civilia ruebant. sed Otho ne vulgi ⁴ largitione centurionum animos averteret, *fiscum suum vacationes annuas exsolviturum* promisit, rem haud dubie utilem et a bonis postea Principibus perpetuitate disciplinæ firmatam. Laco præfectus, tamquam in insulam seponeretur, ab evocato, quem ad cædem ejus Otho præmiserat, confossus; in Marcianum Icelum ut in libertum palam animadversum.

XLVII. Exacto per celerâ die novissimum malorum fuit lætitia. vocat senatum prætor urbanus ¹; certant adulationibus ceteri magistratus. accurrunt Patres; decernitur Othoni *tribunicia potestas et nomen Augusti et omnes Principum honores*, annitentibus cunctis abolere convicia ac probra, quæ promiscue jacta hæsisse animo ejus nemo sensit. omisisset offensas an distulisset, brevitate imperii in incerto fuit. Otho, cruento adhuc foro, per stragem jacentium in Capitolium atque inde in palatium vectus concedi corpora sepulturæ cremarique permisit. Pisonem Verania uxor ac frater Scribonianus, T. Vinium Crispina filia composuere,

XLVI. 1. Pecunia qua milites vacationes munerum a centurionibus redimere solebant, qui quidem habebant unde possent. V. supra *Ann.* I, 17 — 2. Dummodo. — 3. Neque centuriones curabant modum oneris quod ad vacationes concedendas militibus imponebant; neque milites ad obtinendas rationem quæstus, quæ proximis verbis significatur. — 4. In vulgus (gregarium militem) collatâ.

XLVII. 1. Consulum hoc munus est, sed tum cæsi erant.

quæsitis redemptisque capitibus, quæ venalia interfectores servaverant.

XLVIII. Piso unum et tricesimum ætatis annum explebat, fama meliore quam fortuna. fratres ejus Magnum Claudius, Crassum Nero interfecerant. ipse diu exsul, quadriduo Cæsar, properata adoptione ad hoc tantum majori fratri prælatus est, ut prior occideretur. T. Vinio quinquaginta septem annos variis moribus egit. pater illi prætoriam familiam, maternus avus e proscriptis¹. prima militia infamis. legatum Calvisium Sabinum habuerat, cujus uxor mala cupidine visendi situm² castrorum per noctem militari habitu ingressa, quum vigilias et cetera militiæ munia eadem lascivia temerasset, in ipsis principiis³ violata; et criminis hujus reus T. Vinio arguebatur. igitur jussu Caii Cæsaris oneratus catenis, mox mutatione temporum dimissus, cursu honorum inoffenso legioni post præturam præpositus probatusque, servili deinceps probro respersus est tamquam scyphum aureum in convivio Claudii furatus; et Claudius postera die soli omnium Vinio fictilibus ministrari jussit. sed Vinio proconsulatu Galliam Narbonensem severe integreque rexit. mox Galbæ amicitiam in abruptum tractus, audax, callidus, promptus et, prout animum intendisset, pravus aut industrius, eadem vi. testamentum T. Vinii magnitudine opum irritum; Pisonis supremam voluntatem paupertas firmavit.

XLIX. Galbæ corpus diu neglectum et licentia tenebrarum plurimis ludibriis vexatum dispensator Argius e prioribus¹ servis humili sepultura in privatis ejus hortis contextit. caput per lixas calonesque suffixum laceratumque ante Patrobii tumulum (libertus is Neronis punitus a Galba fuerat) postera demum die repertum et cremato jam corpori admixtum est. Hunc exitum habuit Servius Galba, tribus et septuaginta annis quinque Principes prospera fortuna emensus et ali quo imperio felicior quam suo. vetus in familia nobilitas, magnæ opes: ipsi medium ingenium, magis extra vitia quam cum virtutibus. famæ nec incuriosus nec vendicator. pecuniæ alienæ non appetens, suæ parcus, publicæ avarus. amicorum libertorumque, ubi in bonos incidisset, sine reprehensione² patiens, si mali forent, usque ad culpam ignarus. sed claritas natalium et metus temporum obtentui³, ut, quod segnitia erat, sapientia vocaretur. dum vigeat ætas, militari laude apud Germanias⁴ floruit. pro consule Africam moderate, jam senior citeriorem Hispaniam pari justitia continuit, major privato visus, dum privatus fuit, et omnium consensu capax imperii, nisi imperasset.

L. Trepidam Urbem ac simul atrocitatem recentis sceleris, simul veteres Othonis mores paventem novus insuper *de Vitellio* nuntius exterruit, ante cædem Galbæ suppressus, ut tantum superioris Germaniæ exercitum descivisse crederetur. tum *duos omnium mortalium impudicitia, ignavia, luxuria deterrimos velut ad perdendum imperium fa-*

XLVIII. 1. Sic proprie vocabantur ii quos triumviri proscripserant. — 2. Rationem qua disposita essent. — 3. Quæ pro sacris habita, quia ibi aquila et signa reposita, dii militares.

XLIX. 1. Quos ante principatum habuerat. — 2. Ea in re non reprehendendus. — 3. Scelerant. — 4. In Chattis, gestis anni U. 794.

*taliter electos non senatus modo et Eques, quis aliqua pars et cura reipublicæ, sed vulgus quoque palam mœrere. nec jam recentia sævæ pacis exempla, sed repetita bellorum civilium memoria captam toties suis exercitibus Urbem, vastitatem Italiæ, direptiones provinciarum, Pharsaliam, Philippos et Perusiam ac Mutinam*¹, nota publicarum cladum nomina, loquebantur. « prope eversum orbem, etiam quum « de principatu inter bonos certaretur, sed mansisse C. Julio, mansisse « Cæsare Augusto victore imperium : mansuram fuisse sub Pompeio Bruto rempublicam. nunc pro Othone an pro Vitellio in templa ituros? « utrasque impias preces, utraque detestanda vota, inter duos quorum « bello solum id scires, deteriore fore qui vicisset. » erant qui Vespasianum et arma Orientis augurarentur, et ut potior utroque Vespasianus, ita bellum aliud atque alias clades horrebant. et ambigua de Vespasiano fama, solusque omnium ante se Principum in melius mutatus est.

LI. Nunc initia causasque motus Vitelliani expediam. cæso cum omnibus copiis Julio Vindice¹ ferox prædâ gloriæque exercitus, ut cui sine labore et periculo ditissimi belli victoria evenisset, expeditionem et aciem², præmia quam stipendia malebat. diu infructuosam et asperam militiam toleraverant ingenio loci cœlique et severitate disciplinæ; quam in pace inexorabilem discordiæ civium resolvunt paratis utrimque corruptoribus et perfidia impunita. viri, arma, equi ad usum et ad decus supererant³, sed ante bellum centurias tantum suas turmasque noverant, exercitus finibus provinciarum discernebantur⁴. tum adversus Vindicem contractæ legiones seque et Gallias expertæ quærere rursus arma novasque discordias : nec socios ut olim, sed *hostes* et *victos* vocabant. nec deerat pars Galliarum, quæ Rhenum accolit, easdem partes secuta ac tum acerrima instigatrix adversus *Galbianos*⁵ : hoc enim nomen, fastidito Vindice, indiderant. igitur Sequanis Æduisque ac deinde, prout opulentia civitatibus erat, infensi expugnationes urbium, populationes agrorum, raptus penatium hauserunt animo, super avaritiam et arrogantiam, præcipua validiorum vitia, contumaciâ Gallorum irritati, qui *remissam sibi a Galba quartam tributorum partem et publice donatos*⁶, in ignominiam exercitus, jactabant. accessit callide vulgatum, temere creditum, *decumari legiones et promptissimum quemque centurionum dimitti*. undique atroces nuntii, sinistra ex Urbe fama : infensa Lugdunensis colonia et pertinaci pro Nerone fide⁷ fœcunda rumoribus. sed plurima ad fingendum credendumque materies in ipsis castris odio, metu et, ubi vires suas respexerant, securitate.

LII. Sub ipsas superioris anni kalendas Decembres Aulus Vitellius in-

L. 1. Pharsali, Cæsar in Pompeium, a. U. 706; Mutinæ, respublica in Antonium, a. 711; Philippis, Octavianus in Brutum et Cassium, a. 712; Perusiæ, in Antonium, a. 713.

LI. 1. Conf. c. 6, not. 9.—2. Additurus *cupiebat* vel simile aliquid, constructionem mutat, quasi dixisset *expeditionem quam otium*.—3. Abundabant.—4. Et superior et inferior exercitus suarum provinciarum (superioris et inferioris Germaniæ) finibus continebantur.—5. Nimirum eos Gallos quos Vindex pro Galba concitaverat.—6. Sc. civitate Romana (v. cap. 3) et agris, quos Galba Treviris et aliis eripuit.—7. Causam vide *Ann. XVI, 13*, et infra c. 63.

feriorem Germaniam ingressus hiberna legionum cum cura adierat. redditu plerisque ordines, remissa ignominia, allevatae notae, plura ambitione, quaedam judicio: in quibus sordem et avaritiam Fonteii Capitonis adimendis assignandisve militiae ordinibus integre¹ mutaverat. nec consularis legati mensura, sed in majus omnia accipiebantur. et ut Vitellius apud severos humilis, ita comitatem bonitatemque faventes vocabant, quod sine modo, sine judicio donaret sua, largiretur aliena: simul aviditate imperandi² ipsa vitia pro virtutibus interpretabantur. multi in utroque exercitu sicut modesti quietique, ita mali³ et strenui: sed profusa cupidine et insigni temeritate legati legionum Alienus Cæcina et Fabius Valens: e quibus Valens infensus Galbae tamquam detectam a se Verginii cunctationem, oppressa Capitonis consilia ingratis tulisset⁴, instigare Vitellium, *ardorem militum* ostentans: « ipsum celebri ubique fama, « nullam in Flacco Hordeonio⁵ moram, affore Britanniam, secutura Germanorum auxilia, male fidas provincias, precarium seni imperium et « brevi transiturum. panderet modo sinum et venienti Fortunae occurreret. merito dubitasse Verginium equestri familia, ignoto patre, imparem, « si recepisset imperium, tutum, si recusasset. Vitellio tres patris consularis, censuram, collegium Caesaris⁶ et imponere jam pridem Imperatoris dignationem et auferre privati securitatem. » quatiebatur his segne ingenium, ut concupisceret magis, quam ut speraret.

LIII. At in superiore Germania Cæcina decora juvenia, corpore ingens, animi immodicus, cito¹ sermone, erecto incessu studia militum illexerat. hunc juvenem Galba quaestorem in Bætica impigre in partes suas transgressum legioni proposuit: mox compertum publicam pecuniam avertisse ut peculatores flagitari jussit. Cæcina, aegre passus, miscere cuncta et privata vulnera reipublicae malis operire statuit. nec deerant in exercitu semina discordiae, quod et bello adversus Vindicem universus affuerat, nec nisi occiso Nerone translatus in Galbam atque in eo ipso sacramento vexillis inferioris Germaniae² praeventus erat. et Treveri ac Lingones, quasque alias civitates atrocibus edictis aut damno finium Galba perculerat, hibernis legionum propius miscentur. unde seditiosa colloquia et inter paganos³ corruptior miles et in Verginium favor cuicumque alii profuturus.

LIV. Miserat civitas Lingonum vetere instituto dona legionibus dextras¹, hospitii insigne. legati eorum in squalorem maestitiamque compositi per principia, per contubernia modo *suas injurias*, modo *vicinarum civitatum praemia*, et ubi promissis militum auribus accipiebantur, *ipsius exercitus pericula et contumelias* conquerentes accendebant animos. nec procul seditione aberant, quum Hordeonius Flaccus *abire legatos*,

LII. 1. Cum integritate, nullo gratiae aut quaestus respectu.—2. Nimirum illi fautores Vitellii, quibus mox opponuntur *multi*. Nam imperant etiam ii quorum dux et patronus imperat.—3. Immodesti, oppositi *modestis*.—4. Vid. c. 7 et 8.—5. Superioris exercitus legato, c. 9.—6. Claudii, cujus collega bis fuerat pater in consulatu.

LIII. 1. Alii *scito*. Alterum Ciceroni est *eloquendi celeritas*.—2. Parti tantummodo hujus exercitus, quae Vindiciano bello affuerat.—3. *Pagani* dicuntur omnes qui non sunt milites, etiam oppidorum incolae.

LIV. 1. Argento vel aere factas. Exemplum videre poteris ap. Montfaucon, *Antiq.*

utque occultior digressus esset, *nocte castris excedere jubet. inde atrox rumor affirmantibus plerisque interfectos, ac nisi ipsi consulerent, fore ut acerrimi militum et praesentia conquesti per tenebras et inscitiam ceterorum occiderentur.* Obstringuntur inter se tacito foedere legiones. asciscitur² auxiliorum miles, primo suspectus, tanquam circumdatis cohortibus alisque impetus in legiones pararetur, mox eadem acrius volvens, faciliore inter malos consensu ad bellum quam in pace ad concordiam.

LV. Inferioris tamen Germaniae legiones sollemni kalendarum Januariatum sacramento pro Galba adactae multa cunctatione et raris primorum ordinum vocibus, ceteri silentio proximi cujusque audaciam exspectantes, insita mortalibus natura propere sequi quae piget inchoare. sed ipsis legionibus inerat diversitas animorum. primani quintanique turbidi adeo, ut quidam saxa in Galbae imagines jecerint: quintadecima ac sextadecima legiones nihil ultra fremitum et minas ausae initium erumpendi circumspectabant. At in superiori exercitu quarta ac duoetvicesima legiones iisdem hibernis tendentes ipso kalendarum Januariatum die dirumpunt imagines Galbae, quarta legio promptius, duoetvicesima cunctanter, mox consensu. ac ne reverentiam imperii exuere viderentur, senatus populi que Romani oblitterata jam nomina sacramento advocabant, nullo legatorum tribunorumve pro Galba nitente, quibusdam, ut in tumultu, notabilis turbantibus. non tamen quisquam in modum concionis [aut suggestu] locutus. neque enim erat adhuc cui imputaretur.

LVI. Spectator flagitii Hordeonius Flaccus consularis legatus aderat, non compescere ruentes, non retinere dubios, non cohortari bonos ausus, sed segnis, pavidus et socordia innocens¹. quattuor centuriones duoetvicesimae legionis, Nonius Receptus, Donatius Valens, Romilius Marcellus, Calpurnius Repentinus, quum protegerent Galbae imagines, impetu militum abrepti vinctique. nec cuiquam ultra fides aut memoria prioris sacramenti², sed quod in seditionibus accidit, unde³ plures erant, omnes fuere. nocte quae kalendas Januarias secuta est, in coloniam Agrippinensem aquilifer quartae legionis epulanti Vitellio nuntiat *quartam et duoetvicesimam legiones, projectis Galbae imaginibus, in senatus et populi Romani verba jurasse.* id sacramentum inane visum. *occupari nutantem fortunam et offerri Principem* placuit. missi a Vitellio ad legiones legatosque qui descivisse a Galba superiorem exercitum nuntiarent: *proinde aut bellandum adversus desciscentes aut, si concordia et pax placeat, faciendum Imperatorem; et minore discrimine sumi Principem quam quæri.*

LVII. Proxima legionis primae hiberna erant et promptissimus e legatis Fabius Valens. is die proximo coloniam Agrippinensem cum equitibus legionis auxiliariorumque ingressus *Imperatorem* Vitellium consalutavit. secutae ingenti certamine ejusdem provinciae legiones, et superior exercitus, speciosis senatus populi que Romani nominibus relictis, tertium

exptiquée, vol. III, tab. 197.—2. Sc. in hoc foedus.

LVI. 1. Ipse seditionis expers, culpa vacuus, sed ob socordem ignaviam. — 2. Quod per Verginium Galbae praestiterant post mortem Neronis.—3. A quibus partibus.

Nonas Januarias ¹ Vitellio accessit. scires illum priore biduo non penes rempublicam ² fuisse. ardorem exercituum Agrippinenses, Treveri, Lingones æquabant, *auxilia, equos, arma, pecunias* offerentes, ut quisque corpore, opibus, ingenio ³ validus. nec principes modo coloniarum aut castrorum, quibus præsentia ex affluentia ⁴ et parta victoria magnæ spes: sed manipuli quoque et gregarius miles viatica sua et balteos phalerasque ⁵, insignia armorum argento decora loco pecuniæ tradebant, instinctu et impetu et avaritia.

LVIII. Igitur laudata militum alacritate Vitellius ministeria principatus per libertos agi solita in Equites Romanos disponit; vacationes centurionibus ex fisco numerat; sævitiam militum plerosque ad pœnam exposcentium sæpius approbat, partim simulatione vinculorum frustratur. Pompeius Propinquus procurator Belgicæ statim interfectus¹. Julium Burdonem Germanicæ classis præfectum astu subtrahit. exarserat in eum iracundia exercitus, tanquam crimen ac mox insidias Fonteio Capitoni struxisset. grata erat memoria Capitonis; et apud sævientes occidere palam, ignoscere non nisi fallendo licebat. ita in custodia habitus et post victoriam demum, stratis ² jam militum odiis, dimissus est. interim ut piaculum obicitur centurio Crispinus. sanguine Capitonis se cruentaverat; eoque et postulantibus manifestior et punienti vilior fuit.

LIX. Julius deinde Civilis periculo exemptus, præpotens inter Batavos, ne supplicio ejus ferox gens alienaretur. et erant in civitate Lingonum octo Batavorum cohortes, quartadecimæ legionis auxilia, tum discordia temporum a legione digressæ, prout inclinassent, grande momentum ⁴ sociæ aut adversæ. Nonium, Donatium, Romilium, Calpurnium centuriones, de quibus supra retulimus ², occidi jussit damnatos fidei crimine, gravissimo inter deservientes. accessere partibus Valerius Asiaticus, Belgicæ provinciæ legatus, quem mox Vitellius generum ascivit, et Junius Blæsus, Lugdunensis Galliæ rector, cum Italica legione et ala Taurina ³, Lugduni tendentibus. nec in Ræticiis copiis mora, quominus statim adjungerentur. ne in Britannia quidem dubitatum.

LX. Præerat Trebellius Maximus ¹, per avaritiam ac sordes contemptus exercitui in visusque. accendebat odium ejus Roscius Cælius legatus vicesimæ legionis ², olim discors, sed occasione civilium armorum atrocius proruperat. Trebellius *seditionem et confusum ordinem discipline* Cælio, *spoliatis et inopes legiones* Cælius Trebellio objectabat, quum interim fœdis legatorum certaminibus modestia exercitus corrupta eoque discordiæ ventum, ut auxilium quoque militum conviciis proturbatus et aggregantibus se Cælio cohortibus alisque, desertus Trebellius ad Vi-

LVII. 1. Die 3 Jan.—2. A partibus reipublicæ, libertatis.—3. Sollertia, *talens*.—4. Ut græcum ἐξ περιστοῦ, pro adjectivo, affluentia erant. — 5. Et equorum et equitum insignia de pectore pensilia.

LVIII. 1. Vide c. 12.—2. Similiter Statius: *Quid tibi constrata mansuescere profuit ira?*

LIX. Sc. futuræ iis partibus quibus sociæ aut adversæ forent.—2. Cap. 36. *Fidei* in Galbam servatæ.—3. Erant equites in Taurinis lecti.

LX. 1. De quo *Agric.* c. 16.—2. Cui successit Agricola in Britannia, *ib.* c. 7.

tellium perfugerit. quies provinciæ quamquam remoto consulari mansit: rexere legati legionum, pares jure, Cælius audendo potentior.

LXI. Adjuncto Britannico exercitu, ingens viribus opibusque Vitellius duos duces, duo itinera bello destinavit. Fabius Valens *allicere vel, si abnuerint, vastare Gallias, et Cottianis Alpibus Italiam irrumpere, Cæcina propiore transitu, Peninis æugis degredi* jussus. Valenti inferioris exercitus electi cum aquila quintæ legionis et cohortibus alisque, ad quadraginta millia armatorum data: triginta millia Cæcina e superiore Germania ducebat, quorum robur legio una, primaetvicesima, fuit. addita utrique Germanorum auxilia, e quibus Vitellius suas quoque copias supplevit, tota mole belli secuturus.

LXII. Mira inter exercitum Imperatoremque diversitas. instare miles, arma poscere, *dum Galliæ trepident, dum Hispaniæ cunctentur. non obstare hiemem neque ignavæ pacis moras. invadendam Italiam, occupandam Urbem. nihil in discordiis civilibus festinatione tutius, ubi facto magis quam consulto opus esset.* torpebat Vitellius et fortunam principatus inertī luxu ac prodigiis epulis præsumebat, medio diei temulentus et sagina gravis, quum tamen ardor et vis militum ultro ducis munia implebat, ut si ¹ adesset imperator et strenuis vel ignavis spem metumque adderet. instructi intentique *signum profectionis* exposcunt. nomine *Germanici* Vitellio statim addito, *Cæsarem* se appellari etiam victor prohibuit². lætum augurium Fabio Valenti exercituique, quem in bellum agebat, ipso profectionis die aquila leni meatu, prout agmen incederet, velut dux viæ prævolavit; longumque perspatium is gaudentium militum clamor, ea quies interruptæ alitis flit, ut haud dubium magnæ et prosperæ rei omen acciperetur.

LXIII. Et Treveros quidem ut socios securi adiere. Divoduri (Mediomatricorum id oppidum est) quamquam omni comitate exceptos subitus pavor terruit, raptis derepente armis ad cædem innoxie civitatis, non ob prædam aut spoliandi cupidinem, sed furore et rabie et causis incertis, eoque difficilioribus remediis, donec precibus ducis mitigati ab excidio civitatis temperavere ¹. cæsa tamen ad quattuor millia hominum. isque terror Gallias invasit, ut venienti mox agmini universæ civitates cum magistratibus et precibus occurrerent, stratis per vias pueris feminisque, quæque alia placamenta hostilis iræ non quidem in bello, sed pro pace tendebantur ².

LXIV. Nuntium de cæde Galbæ et imperio Othonis Fabius Valens in civitate Leucorum accepit. nec militum animus in gaudium aut formidinem permotus: bellumolvebat. Gallis cunctatio exempta, et in Othonem ac Vitellium odium par, ex Vitellio et metus. Proxima Lingonum civitas erat, fida partibus. benigne excepti modestia certavere: sed brevis lætitia fuit cohortium intemperie¹, quas a legione quartadecima, ut supra memoravimus, digressas exercitui suo Fabius Valens adjunxerat. jurgia primum, mox rixa inter Batavos et legionarios, dum his aut illis studia militum

LXII. 1. Ac si, quasi.—2. Conf. II, 62; III, 88.

LXIII. Se continuerunt. Notum Virgilii *quæ temperet a lacrimis?* — 2. Porrigebantur, ut rami olivarum cum infulis. Conf. c. 66 Cæsar. *Bell. civ.* II, 12.

LXIV. 1. Quia sibi temperare non poterant cohortes illæ Batavæ, de quibus c. 89. —

aggregantur, prope in prælium exarsere, ni Valens animadversione paucorum oblitos jam Batavos imperii admonuisset. Frustra adversus Æduos quæsitæ belli causa. jussi *pecuniam atque arma deferre* gratuitos insuper commeatus præbuere. quod Ædui formidine, Lugdunenses gaudio fecere². sed legio Italica et ala Taurina abductæ. cohortem duodevicesimam Lugduni solitis sibi hibernis relinqui placuit. Manlius Valens legatus Italicæ legionis, quamquam bene de partibus meritis, nullo apud Vitellium honore fuit. secretis eum criminationibus infamaverat Fabius ignarum et, quo incautior deciperetur, palam laudatum.

LXV. Veterem inter Lugdunenses Viennensesque discordiam proximum bellum¹ accenderat. multæ invicem clades, crebrius infestiusque quam ut tantum propter Neronem Galbamque pugnaretur. et Galba reditus Lugdunensium occasione iræ in fiscum verterat: multus contra in Viennenses honor. unde æmulatio et invidia, et uno amne discretis connexum odium. Igitur Lugdunenses extimulare singulos militum et in eversionem Viennensium impellere *obsessam ab illis coloniam suam, adjutos Vindicis conatus, conscriptas nuper legiones in præsidium Galbæ referendo*. et ubi causas odiorum prætenderant, magnitudinem prædæ ostendebant. nec jam secreta exhortatio, sed publicæ preces: « irent ultores, « excinderent sedem Gallici belli. cuncta illic externa et hostilia: se contra Ioniam Romanam² et partem exercitus et prosperarum adversarumque rerum socios. si fortuna contra daret³, iratis ne relinquerentur. »

LXVI. His et pluribus in eundem modum perpulerant, ut ne legati quidem ac duces partium restingui posse iracundiam exercitus arbitrantur, quum haud ignari discriminis sui Viennenses velamenta et infulas præferentes, ubi agmen incesserat, arma, genua, vestigia prensando flexere militum animos. addidit Valens trecenos singulis militibus sesteritios¹. tum vetustas dignitasque coloniae valuit, et verba Fabii salutem incolumitatemque Viennensium commendantis æquis auribus accepta. publice tamen armis multati², privatis et promiscuis copiis juvere militem. sed fama constans fuit *ipsum Valentem magna pecunia emptum*. is diu sordidus, repente dives, mutationem fortunæ male tegebat, accensis egestate longa cupidinibus immoderatus et inopi juvena senex prodigus. Lento deinde agmine per fines Allobrogum et Vocontiorum ductus exercitus, ipsa itinerum spatia et stativorum mutationes venditante³ duce fœdis pactionibus adversus possessores agrorum et magistratus civitatum, adeo minaciter, ut Luco (municipium id Vocontiorum est) faces admove-rit, donec pecuniâ mitigaretur. quoties pecuniæ materia deesset, stupris et adulteriis exorabatur. sic ad Alpes perventum.

LXVII. Plus prædæ ac sanguinis Cæcina hausit. irritaverant turbidum ingenium Helvetii, Gallica gens, olim armis virisque, mox memoria nominis clara, de cæde Galbæ ignari et Vitellii imperium abnuentes. initium

2. Ut Galbæ infensi; v. c. 81 et 63.

LXV. 1. Vindicis.—2. Quanquam Viennæ etiam colonia Romana erat: sed Vienna antiquum oppidum Gallicum, Lugdunum ab Romanis conditum a. U. 710.—3. Conf. Ann. XV, 13, not. 7.

LXVI. 1. Propemodum 84 fr. — 2. Armorum privatione multati. — 3. *Traſtquant*. Proinde itinerum diurnorum spatia modo longa modo brevia esse debebant.

bello fuit avaritia ac festinatio unaetvicesimæ legionis. rapuerant pecuniam missam in stipendium castelli, quod olim Helvetii suis militibus ac stipendiis tuebantur. ægre id passi Helvetii interceptis epistolis, quæ nomine Germanici exercitus ad Pannonicas legiones ferebantur, centurionem et quosdam militum in custodia retinebant. Cæcina belli avidus proximam quamque culpam, antequam pœniteret, ultum ibat. mota propere castra, vastati agri, direptus longa pace in modum municipii exstructus locus, amœno salubrium aquarum usu frequens ¹. missi ad Rætica auxilia nuntii, ut versos in legionem Helvetios a tergo aggrederentur.

LXVIII. Illi ante discrimen feroces, in periculo pavidi, quamquam primo tumultu Claudium Severum ducem legerant, non arma noscere ¹, non ordines sequi, non in unum consulere. exitiosum adversus veteranos ² prœlium, intuta obsidio dilapsis vetustate mœnibus. hinc Cæcina cum valido exercitu, inde Ræticae alæ cohortesque et ipsorum Rætorum juvenus sueta armis et more militiae exercita. undique populatio et cædes. ipsi medio vagi, abjectis armis, magna pars saucii aut palantes in montem Vocetium perfugere. ac statim immissa cohorte Thracum depulsi et consectantibus Germanis Rætisque per silvas atque in ipsis latebris trucidati. multa hominum millia cæsa, multa sub corona ³ venundata. quumque dirutis omnibus Aventicum gentis caput justo agmine peteretur, missi qui dederent civitatem: et deditio accepta. in Julium Alpinum e principibus ut concitorem belli Cæcina animadvertit: ceteros veniæ vel sævitiae Vitellii reliquit.

LXIX. Haud facile dictu est, legati Helvetiorum minus placabilem Imperatorem an militem invenerint. *civitatis excidium* poscunt, tela ac manus in ora legatorum intentant. ne Vitellius quidem minis ac verbis temperabat, quum Claudius ¹ Cossus, unus ex legatis, notæ facundiæ, sed dicendi artem apta trepidatione occultans atque eo validior, militis animum mitigavit, ut est mos vulgo, mutabilem subitis et tam primum in misericordiam quam immodicus sævitia fuerat. effusis lacrimis et meliora constantius postulando, impunitatem salutemque civitati impetrare.

LXX. Cæcina paucos in Helvetiis moratus dies, dum ¹ sententiæ Vitellii certior fieret, simul transitum Alpium parans, latum ex Italia nuntium accipit, *alam Sullanam* ² circa Padum agentem sacramento Vitellii accessisse. Proconsulem Vitellium Sullani in Africa habuerant: mox a Nerone, ut in Egyptum præmitterentur, exciti et ob bellum Vindicis revocati, ac tum in Italia maerentes instinctu decurionum, qui Othonis ignari, Vitellio obstricti robor adventantium legionum et famam Germanici exercitus attollebant, transiere in partes: et ut donum aliquod novo Prin-

LXVII. 1. Hodie que dictus *Baden* (i. e. *thermæ*), in Argovia, haud multum dissitus Turico.

LXVIII. 1. Armis uti nesciebant.—2. Veteres et exercitati milites, non *veterani* proprie dicti.—3. *Sub corona* significat: tanquam captivi; ab antiquissimo more quo captivos venum producebant coronatos.

LXIX. 1. In uno manuscripto *Cornelius*, fortasse vere, quia *Cossi* erant ex *Cornelia* gente.

LXX. 1. Donec.—2. Alii *Silianam*, deinde *Siliani*.

cipi firmissima Transpadanae regionis municipia Mediolanum ac Novariam et Eporediam ac Vercellas adjunxere. id Cæcinæ per ipsos compertum. et quia præsidio alæ unius latissima pars Italiæ defendi nequibat, præmissis Gallorum, Lusitanorum Britannorumque cohortibus et Germanorum vexillis cum ala Petrina, ipse paullulum cunctatus, num Ræticiis jugis in Noricum flecteret, adversus Petronium [urbi]³ procuratorem, qui conceitis auxiliis et interruptis fluminum pontibus fidus Othoni putabatur, sed metu, ne amitteret præmissas jam cohortes alasque, simul reputans plus gloriæ retenta Italia, et ubicunque certatum foret, Noricos in cetera victoriæ præmia cessuros, Penino subsignanum⁴ militem itinere et grave legionum agmen hibernis³ adhuc Alpibus traduxit.

LXXI. Otho interim contra spem omnium non deliciis neque desidia torpescere, dilatæ voluptates, dissimulata luxuria et cuncta ad decorem imperii composita, eoque plus formidinis afferebant falsæ virtutes et vitia reditura. Marium Celsum consulem designatum per speciem vinculorum sævitiae milium subtractum acciri in Capitolium jubet. clementiæ titulus e viro claro et partibus invisio petebatur. Celsus constanter servatæ erga Galbam fidei crimen confessus exemplum ultro imputavit¹. nec Otho quasi ignosceret, sed ne hostes metueret, conciliationes adhibens², statim inter intimos amicos habuit et mox bello inter duces delegit. mansitque Celso velut fataliter etiam pro Othone fides integra et infelix³. læta primoribus civitatis celebrata in vulgus Celsi salus, ne militibus quidem ingrata fuit, eandem virtutem admirantibus, cui irascebantur.

LXXII. Par inde exsultatio disparibus causis consecuta impetrato Tigellini exitio. Sophonius Tigellinus obscuris parentibus, fœda pueritia, impudica senectæ, præfecturam vigilum et prætorii¹ et alia præmia virtutum, quia velocius erat, vitiis adeptus, crudelitatem mox, deinde avaritiam et virilia scelera exercuit corrupto ad omne facinus Nerone, quædam ignaro ausus ac postremo ejusdem desertor ac proditor. unde non alium pertinacius ad poenam flagitavere, diverso affectu, quibus odium Neronis inerat et quibus desiderium. Apud Galbam T. Vinii potentiâ defensu prætexentis *servatam ab eo filiam*. et hand dubie servaverat non clementiâ, quippe tot interfectis, sed effugium in futurum, quia pessimus quisque diffidentia præsentium mutationem pavens adversus publicum odium privatam gratiam præparat, unde nulla innocentiae cura², sed vices impunitatis. Eo infensior populus addita ad vetus Tigellini odium recenti T. Vinii invidia: concurrere e tota Urbe in palatium ac fora, et ubi plurima vulgi licentia, in circum ac theatra effusi seditiosis vocibus obstrepere, donec Tigellinus accepto apud Sinuessanas aquas supremæ necessitatis nuntio inter concubinas et oscula et deformes moras sectis novacula faucibus infamem vitam sordavit etiam exitu sero et inhonesto.

—3. Imo *Norici*.—4. *Legionarium*.—5. *Nive* contactis.

LXXI. 1. Demonstravit fidei exemplum ab se editum gratum esse debere Othoni. Conf. simillimum locum supra c. 58, not. 2—2. Non quasi ignosceret, quod ab ejus ingenio erat alienum, sed ne essent quos metueret hostes, alienorum animos sibi conciliare studens.—3. V. infra II, 60.

LXXII. 1. Vid. *Ann.* XIV, 51, et sqq. passim. — 2. Non reputatur innocens aliquis sit an nocens.

LXXIII. Per idem tempus expostulata ad supplicium Calvia Crispinilla variis frustrationibus et adversa dissimulantis Principis fama periculo exempta est. magistra libidinum Neronis, transgressa in Africam ad instigandum in arma Clodium Maerum¹, famem populo Romano haud obscure molita, totius postea civitatis gratiam obtinuit consulari matrimonio subnixa et apud Galbam, Othonem, Vitellium illaesa. mox potens pecunia et orbitate, quæ bonis malisque temporibus juxta valent.

LXXIV. Crebræ interim et muliebribus blandimentis infectæ ab Othone ad Vitellium epistolæ offerebant *pecuniam et gratiam et quemcunque quietis locum prodigæ vitæ legisset*. paria Vitellius ostentabat, primo mollius, stulta utrimque et indecora simulatione: mox quasi rixantes adulteria et flagitia invicem objectavere, neuter falso. Otho revocatis quos Galba miserat legatis rursus alios ad utrumque Germanicum exercitum et ad legionem Italicam easque quæ Lugduni agebant copias specie senatus¹ misit. legati apud Vitellium remansere promptius quam ut retenti viderentur. prætoriani, quos per simulationem officii legatis Otho adjunxerat, remissi, antequam legionibus miscerentur. addit epistolas Fabius Valens, nomine Germanici exercitus ad prætorias et urbanas cohortes de viribus partium magnificas et concordiam offerentes. increpabat ultro, *quod tanto² ante traditum Vitellio imperium ad Othonem vertissent*.

LXXV. Ita promissis simul ac minis tentabantur, *ut bello impares, in pace nihil amissuri*. neque ideo prætorianorum fides mutata. sed insidiatores ab Othone in Germaniam, a Vitellio in Urbem missi. utrisque frustra fuit, Vitellianis impune per tantam hominum multitudinem mutua ignorantia fallentibus: Othoniani novitate vultus omnibus invicem gnaris prodebantur. Vitellius litteras ad Titianum fratrem Othonis composuit *exitium ipsi filioque ejus minitans, ni incolumes sibi mater ac liberi servarentur*. et stetit domus utraque: sub Othone incertum an metu: Vitellius victor clementiæ gloriam tulit.

LXXVI. Primus Othoni fiduciam addidit ex Illyrico nuntius *jurasse in eum Dalmatiæ ac Pannoniæ et Mæsiæ legiones*. idem ex Hispania allatum, laudatusque per edictum Cluvius Rufus: et statim cognitum est conversam ad Vitellium Hispaniam. ne Aquitania quidem, quamquam ab Julio Cordo in verba Othonis obstricta, diu mansit. nusquam fides aut amor: metu ac necessitate huc illuc mutabantur. eadem formido provinciam Narbonensem ad Vitellium vertit, facili transitu ad proximos et validiores. longinquæ provinciæ, et quicquid armorum¹ mari dirimitur, penes Othonem manebant, non partium studio, sed erat grande momentum in nomine Urbis ac prætexto senatus, et occupaverat animos prior auditis. Judaicum exercitum Vespasianus, Syriæ legiones Mucianus sacramento Othonis adegere. simul Ægyptus omnesque versæ in Orientem provinciæ nomine ejus tenebantur. idem Africæ obsequium, initio Carthagine orto. neque expectata Vipstani Aproniani proconsulis auctoritate Crescens Neronis libertus (nam et hi malis temporibus partem se reipu-

LXXIII. 1. Ut Neronis ultionem susciperet. De Calvia narrat Dio Cass. LXIII, 12.

LXXIV. 1. Prætexto nomine senatus. Conf. c. 55.—2. Sc. tempore. Erant 12 dies.

LXXVI. 1. Exercituum. Mari Mediterraneo.

blicæ faciunt) epulum plebi ob lætitiā recentis imperii obtulerat, et populus pleraque sine modo festinavit. Carthaginem ceteræ civitates secutæ.

LXXVII. Sic distractis exercitibus ac provinciis Vitellio quidem ad capeſſendam principatus fortunam bello opus erat : Othio ut in multa pace munia imperii obibat, quædam ex dignitate reipublicæ, pleraque contra decus ex præſenti uſu properando. conſul cum Titiano fratre in kalendas Martias ipſe, proximos menses Verginio deſtinat ¹ ut aliquod exercitui Germanico delenimentum jungitur Verginio Pompeius Vopiscus prætexto veteris amicitie, plerique Viennensium honori datum interpretabantur. ceteri conſulatus ex deſtinatione Neronis aut Galbæ manſere, Cadio ac Flavio Sabinis in Julias, Arrio Antonio et Mario Celſo in Septembres ² : quorum honori ne Vitellius quidem victor interceſſit. Sed Othio poſtifficatus auguratusque honoratis jam ſenibus cumulum dignitatis addidit : aut recens ab exſilio reverſos nobiles adoleſcentulos avitis ac paternis ſacerdotiis in ſolatum recoluit. Redditus Cadio Rufo, Pedio Blaſo, Sævino Pomptino ſenatorius locus. repetundarum criminibus ſub Claudio ac Nerone ceciderant : placuit ignoſcentibus verſo nomine, quod avaritia fuerat, videri majeſtatem ³, cujus tum odio etiam bonæ leges peribant.

LXXVIII. Eadem largitione civitatum quoque ac provinciarum animos aggreſſus Hiſpaliensibus et Emeritensibus familiarum ¹ adjectiones, Lingonibus ² univerſis civitatem Romanam, provinciæ Bactricæ Maureorum civitates dono dedit : nova jura Cappadociæ, nova Africa, oſtenta magis quam manſura. Inter quæ neceſſitate præſentium rerum et inſtantibus curis excuſata, ne tum quidem immemor amorum, ſtatuas Poppææ per ſenatusconſultum reſoſuit ³. creditus eſt etiam de celebranda Neronis memoria agitaviſſe ſpe vulgum alliciendi. et ſuere qui imagines Neroni proponerent : atque etiam Othioni quibusdam diebus populus et miles, tamquam nobilitatem ac decus aſtruerent, *Neroni Othioni* acclamavit. ipſe in ſuſpenſo ⁴ tenuit vetandi metum vel agnoſcendi pudorem.

LXXIX. Converſis ad civile bellum animis externa ſine cura habebantur. eo audentius Rhoxolani, Sarmatica gens, priore hieme cæſis dualibus cohortibus magna ſpe ad Mœſiam irruerant, novem millia equitum ex ferocia et ſucceſſu prædæ magis quam pugne intenta. igitur vagos et incurioſos tertia legio adjunctis auxiliis repente invaſit. apud Romanos omnia prælio apta : Sarmatæ diſperſi aut cupidine prædæ graves onere ſarcinarum et lubrico itinerum adempta equorum pernecitate velut vineti cædebantur. namque mirum dictu ut ¹ ſit omnis Sarmatarum virtus velut extra ipſos. nihil ad pedestrem pugnam tam ignavum : ubi per turmas advenere, vix ulla acies obſtiterit. ſed tum humido die et ſoluto gelu

LXXVII. 1. Nam uſus *ſuffectorum* ab Imperatoribus conſulum dudum invaluerat. Qui kalendis Januariis conſulatum inibant, *ordinarii* vocabantur et anno nona dabant.— 2. Sc. kalendas.— 3. Crimen læſæ majeſtatis. *Judicia majeſtatis* ex inhumani abuſu in ſummum odium adducta fuerant; v. *Ann.* I, 72 ſeqq.

LXXVIII. 1. Eo mittendarum ad *firmendam* coloniam, coll. *Ann.* XIII, 31; XIV, 27.— 2. Vitellio vehementer deditis. Sed recte dubitatur an non hic lateat *Hiſpanicæ* gentis alicujus nomen.— 3. *Prorutas*, *Ann.* XIV, 61.— 4. In incerto.

LXXIX. 1. *A quel point* vertit Burnouf.

neque conti neque gladii, quos prælongos utraque manu regunt, usui lapsantibus equis et cataphractorum² pondere. id principibus et nobilissimo cuique tegimen, ferreis laminis aut præduro corio consertum, ut adversus ictus impenetrabile, ita impetu hostium provolutis inhabile ad resurgendum. simul altitudine et mollitia nivis hauriebantur. Romanus miles facilis lorica et missili pilo aut lanceis assultans, ubi res posceret, levi gladio inermem Sarmatam (neque enim defendi scuto mos est) cominus fodiebat, donec pauci, qui prælio superfuerant, paludibus abderentur. ibi sævitia hiemis aut vulnere absumpti. Postquam id Romæ comperitum, M. Aponius Mœciam obtinens triumphali statua³, Fulvius Aurelius et Julianus Titius ac Numisius Lupus legati legionum consularibus ornamentis donantur, lato Othone et gloriam in se trahente, *tamquam et ipse felix bello et suis ducibus suisque exercitibus rempublicam auxisset.*

LXXX. Parvo interim initio, unde nihil timebatur, orta seditio prope Urbem exiditio fuit. septumam decumam cohortem e colonia Ostiensi in Urbem acciri Otho iusserat: armandæ ejus cura Vario Crispino tribuno e prætorianis datæ, is, quo magis vacuus quietis castris jussa exsequeretur, vellecula cohortis incipiente nocte onerari aperto armamentario jubet. tempus in suspicionem, causa in crimen, affectatio quietis in tumultum evaluit, et visa inter temulentos arma cupidinem sui movere. fremit miles et tribunos centurionesque *proditionis* arguit, *tamquam familiæ senatorum ad perniciem Othonis armarentur*: pars ignari et vino graves, pessimus quisque in occasionem prædæ¹, vulgus, ut mos est, cujuscunque motus novi cupidum. et obsequia meliorum nox abstulerat. resistentem seditio tribunum et severissimos centurionum obstruncant. rapta arma, nudati gladii, insidentes equis Urbem ac palatium petunt.

LXXXI. Erat Othoni celebre convivium primoribus feminis virisque, qui trepidi, fortuitusne militum furor an dolus Imperatoris, manere ac deprehendi, an fugere et dispergi periculosius foret, modo constantiam simulare, modo formidine detegi¹, simul Othonis vultum intueri. utque evenit inclinatis ad suspensionem mentibus, quum timeret Otho, timebatur. sed haud secus discrimine senatus quam suo territus, et præfectos prætorii ad mitigandas militum iras statim miserat et *abire propere omnes e convivio* jussit. tum vero passim magistratus projectis insignibus, vitata comitum et servorum frequentia, senes feminaeque per tenebras diversa Urbis itinera, rari domos, plurimi amicorum tecta et, ut cuique humillimus cliens, incertas latebras petivere.

LXXXII. Militum impetus ne foribus quidem palatii coercitus, quominus convivium irrumperent, *ostendi sibi Othonem* expostulantes, vulne.

—2. *Cataphracta* est tegmen linteum vel laneum, ferreis squamis consertum, quod modo pectus, modo totum hominem et totum equum munit. — 3. Laureata; v. *Annal.* IV, 25. Quum is tantum triumphare posset cujus *auspiciis* victas hostis, auspicia autem essent perpetuo Imperatoris, ducibus insignia tantum triumphalia, quasi symbola triumphii, decernebantur.

LXXX. 1. Scilicet intentus, quod expectatur; sed sequentia per aliud adjectivum aliter conformata.

LXXXI. 1. Simulatam tantummodo esse constantiam illam ostendentes.

rato Julio Martiale tribuno ¹ et Vitellio Saturnino praefecto legionis ², dum ruentibus obsistunt. undique arma et minae, modo in centuriones tribunosque, modo in senatum universum, lymphatis caeco pavore animis, et quia neminem unum destinare irae poterant, licentiam in omnes poscentibus, donec Otho contra decus imperii toro insistens precibus et lacrimis aegre cohibuit, redieruntque in castra inviti neque innocentes. Postera die velut capta Urbe clausae domus, rarus per vias populus, moesta plebs; dejecti in terram militum vultus, ac plus tristitiae quam poenitentiae. manipulatim allocuti sunt Licinius Proculus et Plotius Firmus praefecti, ex suo quisque ingenio mitius aut horridius. finis sermonis in eo ut quina millia nummum ³ singulis militibus numerarentur. tum Otho ingredi castra ausus. atque illum tribuni centurionesque circumstant, abjectis militiae insignibus *otium et salutem* flagitantes. sensit invidiam miles, et compositus in obsequium *auctores seditionis ad supplicium* ultro postulabat.

LXXXIII. Otho quamquam turbidis rebus et diversis militum animis, quum optimus quisque *remedium praesentis licentiae* posceret, vulgus et plures seditionibus et ambitioso imperio lati per turbas et raptus facilius ad civile bellum impellerentur, simul reputans non posse principatum scelere quesitum subita modestia et prisca gravitate retineri, sed discrimine Urbis et periculo senatus anxius, postremo ita dissernit: « Neque
« ut affectus vestros in amorem mei accenderem, commilitones, neque
« ut animum ad virtutem cohortarer (utraque enim egregie supersunt ¹),
« sed veni postulaturus a vobis temperamentum vestrae fortitudinis et erga
« bene modum caritatis. tumultus proximi initium non cupiditate vel odio,
« quae nullus exercitus in discordiam egere, ac ne detrectatione quidem
« aut formidine periculorum: nimia pietas vestra acrius quam considerate ²
« excitavit. nam saepe honestas rerum causas, ni iudicium adhibeas,
« perniciosi exitus consequuntur. imus ad bellum. num omnes nuntios
« palam audiri, omnia consilia cunctis praesentibus tractari ratio rerum
« aut occasionum velocitas patitur? tam nescire quaedam milites quam
« scire oportet. ita se ducum auctoritas, sic rigor disciplinae habet, ut
« multa etiam centuriones tribunosque tantum juberi ³ expediat. si, ubi
« jubeantur, quaerere singulis liceat, percunte obsequio etiam imperium
« intercidit. an et illic nocte intempesta rapiuntur arma? unus alterve per-
« ditus ac temulentus (neque enim plures consternatione ⁴ proxima insa-
« nisse crediderim) centurionis ac tribuni sanguine manus imbuet? Impe-
« ratoris sui tentorium irrumpet?

LXXXIV. « Vos quidem istud pro me ¹: sed in discursu ac tenebris et
« rerum omnium confusione patefieri occasio etiam adversus me potest. si
« Vitellio et satellitibus ejus eligendi facultas detur, quem nobis animum,

LXXXII. 1. Cohortis praetoriae, c. 28. — 2. « Qui absente legato tanquam vicarius ipsius potestatem maximam retinebat, » *Feget.* II, 9. — 3. Propemodum 1,000 fr.

LXXXIII. 1. Abundant, ut c. 31. — 2. Sic *Agric.* c. 4: *vehementius quam caute*. Vulgo duo comparativi solent poni. — 3. *Jubeor* idem est ac, mihi imperatur. — 4. Confusione rerum, tumultu.

LXXXIV. 1. Sc. fecistis.

« quas mentes imprecentur, quid aliud quam seditionem et discordiam
 « optabunt? ² ne miles centurioni, ne centurio tribuno obsequatur, hinc
 « confusi pedites equitesque in exitium ruamus? parendo potius, com-
 « miliones, quam imperia ducum sciscitando res militares continentur.
 « et fortissimus in ipso discrimine exercitus est, qui ante discrimen
 « quietissimus. vobis arma et animus sit: mihi consilium et virtutis vestrae
 « regimen relinquit. paucorum culpa fuit, duorum poena erit: ceteri
 « abolete memoriam foedissimae noctis. nec illas adversus senatum voces
 « ullus unquam exercitus audiat. caput imperii ³ et decora omnium pro-
 « vinciarum ad pœnam vocare non hercle illi, quos cum maxime Vitellius
 « in nos ciet, Germani audeant. ulline Italiae alumni et Romana vere ju-
 « ventus ad sanguinem et cædem depoposcerint ordinem, cujus splendore
 « et gloria sordes et obscuritatem Vitellianarum partium præstringimus ⁴?
 « nationes aliquas occupavit Vitellius, imaginem quandam exercitus habet:
 « senatus nobiscum est. sic fit ut hinc respublica, inde hostes reipublicae
 « constiterint. quid? vos pulcherrimam hanc Urbem domibus et tectis et
 « congestu lapidum stare creditis? muta ista et inanima intercedere ac
 « reparari promiscua sunt ⁵: æternitas rerum et pax gentium et mea
 « cum vestra salus incolumitate senatus firmatur. hunc auspicato ⁶ a pa-
 « rente et conditore Urbis nostrae institutum et a regibus usque ad Prin-
 « cipes continuum et immortalem sicut a majoribus accepimus, sic po-
 « steris tradamus. nam ut ex vobis senatores, ita ex senatoribus Principes
 « nascuntur. »

LXXXV. Et oratio ad perstringendos mulcendosque militum animos et
 severitatis modus (neque enim in plures quam in duos animadverti jus-
 serat) grate accepta, compositique ad præsens qui coerceri non poterant,
 non tamen quies Urbis redierat: strepitus telorum et facies belli, et
 militibus, ut nihil in commune turbantibus, ita sparsis per domos occulto
 habitu ¹, et maligna cura in omnes quos nobilitas aut opes aut aliqua
 insignis claritudo rumoribus objecerat. Vitellianos quoque milites ve-
 nisse in Urbem ad studia partium noscenda plerique credebant. unde
 plena omnia suspicionum, et vix secreta domuum sine formidine. sed
 plurimum trepidationis in publico, ut quemque nuntium fama attulisset,
 animum vultumque conversis, ne diffidere dubiis ac parum gaudere
 prosperis viderentur. coacto vero in curiam senatu arduus rerum omnium
 modus ², ne contumax silentium, ne suspecta libertas. et privato Othoni
 nuper atque eadem dicenti nota adulatio. igitur versare sententias et huc
 atque illuc torquere, *hostem et parricidam* Vitellium vocantes, provi-
 dentissimus quisque vulgaribus conviciis; quidam vera probra jacere, in

— 2. Adde: nonne imprecentur *ne* etc.; quæ deinde in positivam phrasin exeunt: et ut
hinc confusi etc., qualis ratio notata e. c. *Ann.* V, 3.—3. Sic appellat senatum, in quem
 etiam ex provinciis splendidi viri legebantur: quare addit *decora prov.* — 4. *Conf.*
Ann. XIV, 54. — 5. Attractio græco sermoni consueta: sine discrimine intercidunt et
 reparantur. — 6. Captis auspiciis, per quæ Romani omnem rem majoris momenti
 inchoabant, *auspicabantur*.

LXXXV. 1. Veste urbana, non militari. Modum ejusmodi delationis pingit Epictetus
 apud Arrianum, IV, 15, p. 218 meæ edit.—2. In omnibus rebus modum tenere arduum
 et difficile erat, *ne* esse videretur *cont.* etc.

clamore tamen, et ubi plurimæ voces, aut tumultu verborum sibi ipsi obstrepentes.

LXXXVI. Prodigia insuper terrebant diversis auctoribus vulgata : *in vestibulo Capitolii omissas habenas bigæ, cui Victoria institerat; erupisse cella Junonis* ¹ *majorem humana speciem; statuam divi Julii in insula Tiberini amnis sereno et immoto die* ² *ab Occidente in Orientem conversam; prolocutum in Etruria bovem; insolitos animalium partus, et plura alia, rudibus sæculis etiam in pace observata, quæ nunc tantum in metu audiuntur* ³. sed præcipuus et cum præsentī exitio etiam futuri pavor subita inundatione Tiberis, qui immenso auctu; proruto ponte sublicio ⁴, ac strage obstantis molis refusus, non modo jacentia et plana Urbis loca, sed secunda ejusmodi casuum implevit. rapti e publico plerique, plures in tabernis et cubilibus intercepti. fames in vulgus inopiâ quæstus et penuriâ alimentorum. corrupta stagnantibus aquis insularum ⁵ fundamenta, dein remeante flumine dilapsa. utque primum vacuus a periculo animus fuit, id ipsum quod paranti expeditionem Othoni campus Martius et via Flaminia, iter belli, esset obstructum a fortuitis vel naturalibus causis, in prodigium et omen imminentiū cladum vertebatur.

LXXXVII. Otho lustrata Urbe ¹ et expensis belli consiliis, quando Penninæ Cottinæque Alpes et ceteri Galliarum aditus Vitellianis exercitibus clauderentur, Narbonensem Galliam aggredi statuit classe valida et partibus fida, quod reliquos cæsorū ad pontem Milvium et sævitia Galbæ in custodiam habitos in numeros legionis composuerat ², facta et ceteris spe honoratoris in posterum militiæ. addidit classi urbanas cohortes et plerosque e prætorianis, vires et robur exercitus atque ipsis ducibus consilium et custodes. summa expeditionis Antonio Novello, Suedio Clementi principiaribus, Emilio Pacensi, cui ademptum a Galba tribunatum reddiderat, permissa. curam navium Oscus libertus retinebat, ad observandam honestiorum fidem comitatus. peditum equitumque copiis Suetonius Paullinus, Marius Celsus, Annius Gallus rectores destinati. sed plurima fides Licinio Proculo prætorii præfecto. is urbanæ militiæ impiger, bellorum insolens, auctoritatem Paullini, vigorem Celsi, maturitatem Galli, ut cuique erat, criminando, quod facillimum factu est, pravi et callidus bonos et modestos anteibat.

LXXXVIII. Sepositus per eos dies Cornelius Dolabella ¹ in coloniam Aquinatem neque arcta custodia neque obscura, nullum ob crimen, sed vetusto nomine et propinquitate Galbæ monstratus. multos e magistratibus, magnam consularium partem Otho non participes aut ministros

LXXXVI. 1. In templo Capitolino, quod idem Jovis quoque et Minervæ erat. — 2. Cælo. Unde Diespiter nomen Jovis. — 3. Conf. *Ann.* I, 28; *Liv.* XLIII, 13. — 4. Ligneo, de quo v. *Plin. Hist. nat.* XXXVI, 25. — 5. Domuum de quibus ad *Ann.* VI, 43.

LXXXVII. 1. Ob prodigia. Conf. ad *Ann.* XIII, 24. — 2. Cohortes et centurias ejus descripsit, in quas, ad explendum numerum totius legionis, postea accedentes copię recenserentur. *In custodiam habitos* breviter dictum pro *in custodiam datos* et in ea habitos.

LXXXVIII. 1. Quem quidam Galbæ successorem destinaverant. Occisus infra II, 63.

bello, sed comitum specie secum expedire jubet; in quis et L. Vitellium eodem quo ceteros cultu, nec uti Imperatoris fratrem nec ut hostis. igitur mota Urbis ² cura; nullus ordo metu aut periculo vacuus. primores senatus ætate invalidi et longa pace desides, segnis et oblita bellorum nobilitas, ignarus militiæ Eques, quanto magis occultare et abdere pavorem nitebantur, manifestius pavidi. nec deerant e contrario qui ambitione stolidi conspicua arma, insignes equos, quidam luxuriosos apparatus convivorum et irritamenta libidinum ut instrumenta belli mercarentur. sapientibus quietis et reipublicæ cura; levissimus quisque et futuri improvidus spe vana tumens; multi afflicta fide in pace ac turbatis rebus alacres et per incerta tutissimi.

LXXXIX. Sed vulgus et magnitudine nimia communium ¹ curarum expertus populus sentire paulatim belli mala conversâ in militum usum omni pecuniâ, intentis alimentorum pretiis; quæ motu Vindicis haud perinde plebem attriverant, secuta tum Urbe et provinciali bello, quod inter legiones Galliasque velut externum fuit. nam ex quo divus Augustus res Caesarum composuit, procul et in unius sollicitudinem aut decus populus Romanus bellaverat. sub Tiberio et Caio tantum pacis adversa reipublicæ ² pertinuere. Scriboniani contra Claudium incepta ³ simul audita et coercita; Nero nuntiis magis et rumoribus quam armis depulsus. tum legiones classisque et, quod raro alias, prætorianus urbanusque miles in castra deducti; Oriens Occidensque et quicquid utrimque virium est, a tergo; si ducibus aliis bellatum foret, longo bello materia. Fuere qui perniciem Othoni moras *religionemque nondum conditorum ancilium* ⁴ afferrent. aspernatus est omnem cunctationem ut Neroni quoque exstularet; et Cæcinius jam Alpes transgressus exstimulabat.

XI. Prædixit Iulius Martias ¹ commendata Patribus republica reliquias Neronianarum sectionum ² nondum in fiscum conversas revocatis ab exilio concessit, iusti simul donum et in speciem magnificum, sed festinata jam pridem exactione usu sterili. mox vocata concione, *majestatem Urbis et consensum populi ac senatus pro se* attollens, adversum Vitellianas partes modeste disseruit, *inscitiam potius legionum quam audaciam* increpans, nulla Vitellii mentione, sive ipsius ea moderatio seu scriptor orationis sibi metuens contumeliis in Vitellium abstinuit, quando, ut in consiliis militiæ Suetonio Paullino et Mario Celso, ita in rebus urbanis Galerii Trachali ³ ingenio Othonem uti credebatur. et erant qui genus ipsum orandi noscerent, crebro fori usu celebre et ad implendas populi aures latum et sonans. clamor vocesque vulgi ex more adulandi nimie et falsæ. quasi dictatorem Caesarem aut imperatorem Augustum prosequerentur, ita studiis votisque certabant; nec metu aut amore, sed

—2. Active capiendum: sollicitudo incolarum Urbis

LXXXIX. 1. Reipublicæ. 2. Sæva jussa, judicia, exilia, cædes, pro republica *pertim.*—

—3. Seditio Furi Camilli Scriboniani in Dalmatia, a. U. 793, quinto die oppressa. Sueton. *Claud.* c. 1. Conf. *Ann.* XII, 32.—4. Ex templo Martis mota a Salis sacerdotibus et tripudando circumlata necdum recondita erant, quod fiebat mense Martio. De his sacris armis et ritu v. Ovid. *Fastor.* II, 259 seqq. Adde Sueton. c. 8.

LC. 1. Die 14 Martio. —2. Auctionum; v. cap. 20.—3. De quo oratore (consule a. 821)

ex libidine servitii. ut in familiis, privata cuique stimulatio et vile jam decus publicum. profectus Otho ⁴ quietem Urbis curasque imperii Salvio Titiano fratri permisit.

v. Quintil. X, 1, § 110. Adde infra II, 60 fin.—4. Die 24 Martio, ut significat Sueton. c. 8, *die quo cultores Matris Deam lamentari et plangere incipiunt.*

LIBER SECUNDUS.

ARGUMENTUM.

Cap. I. Titus ad Galbam missus, nuntio mortis ejus accepto vertit iter.—2. Paphiæ Veneris templum adit.—3. hujus origo et deæ cultus.—4. ibi futura edoctus, aucto animo ad patrem, qui bellum Judaicum profligaverat, redit.—5. Vespasiani Mucianique ingenium ac mores diversi. hi duces positos odiis in medium consulunt. inde—6—7. civilis belli occasio, intumescunt Orientis legionibus.—8—9. Falsi Neronis ludibrium, ab Asprenate compressum.—10. In Urbe parvæ res magnis motibus actæ. Vibius Crispus Annium Faustum, delatorem fratris sui, pervertit.

11. Læta Othoni principia belli.—12. miles ejus in Alpinos sævit.—13. in Albium Intemeliū iras vertit. egregium maternæ pietatis exemplum.—14. imminet provinciæ Narbonensi Othoniana classis. Vitelliani cæsi.—15. nec Othonianis incruenta victoria.—16. Pacarium procuratorem, juvare Vitellium Corsorum viribus parantem, insulani necant.—17. Vitellianorum res secundæ in Italia.—18—19. Spurinna Placentiam munit contra Vitellianos.—20. eam Cæcina dum oppugnat,—21. amphitheatrum urbi proximum conflagrat.—22. obsidione soluta Cremonam Cæcina petit, ubi—23. Othoniani prospere pugnant. vincuntium impetum reprimunt duces, inde suspecti fiunt suis.—24. Cæcinæ insidias in ipsum vertit Suetonius Paullinus, cujus—25. cunctatione Vitelliani servantur.—26. utrimque tumultuantur milites.

27. Valens in Italiam copias ducit.—28—29. Gravis in ejus exercitu orta Batavorum seditio Alpheni Vari consilio composita.—30. junctis armis, æmulatione suppressa, Cæcina ac Valens Vitellium fovēt, Othoni prœbra objectant eorum—31. Othonisque et Vitellii comparatio. Otho consulat de ratione belli.—32. Suetonius Paullinus moram suadet.—33. Titiani fratris et Proculi consilia prævalent, Otho cum valida manu Brixellum concedit.—34. Vitelliani transitum Padi simulant;—35, 36. quem prohibentes Othoniani cædunt.—37. vanus rumor, pavore belli fastidiove utriusque Principis pacis consilia inter exercitus fuisse agitata.—38. excursus de prioribus populi Romani civilibus bellis.—39—40. Titianus et Proculus ad quartum a Bedriaco castra imperite promovent. ducibus dubiis rem in discrimen mitti Otho jubet.—41—43. Bedriacensis pugna.—44. Othonianorum fuga et adversus duces suos ira.—43. induciæ. victi cum victoribus, in lacrimas effusi, civilia bella detestantur.—46—49. Accepto cladis nuntio Otho, consilii certus, spretis amicorum militumque solatiis, seditionem compescit et in ferrum pectore incumbit. funus maturatum. ad rogum quidam militum se interficiunt.—50. Othonis atas, origo, fama.

51. Novata luctu ac dolore militum seditio.—52—54. pars senatus Othonem secuta extremum discrimen adit.—53. Romæ trepidationis nihil; spectantur ludi; audita Othonis morte Vitellio plauditur.—56. gravis Italiæ victor exercitus.—57. Vitellius nuntium de victoria sua accipit.—58. simulque de transgressa in partes suas utraque Mauretania.—59. Blasi verniles blanditis odiis pensat.—60. Othonianorum promptissimos centuriones interficit, duces absolvit.—61. Maricci, inserere sese fortunæ ausi, supplicium.—62. Vitellii gula, leges. spretum Augusti Cæsarisque præconum. pulsus mathematici. Equites arena prohibiti.—63, 64. Dolabellæ cædes. Triariæ licentia, Galerix et Sextilix modestia.—65. Cluvius absolvitur, Trebellius removetur.—66. Victæ legiones ferociunt. quartadecimanorum et Batavorum discordia.—67. prætorianorum honesta missio. sparguntur legiones.—68. luxuriam Principis æmulatur exercitus. Ticini tumultus alio tumultu sedatus. Verginii periculum.—69. cohortes Batavorum in Germaniam remissæ. amputati legionum auxiliorumque numeri, miles luxu corruptus.—70. Vitellius Bedriacenses campos lætus lustrat, propinquæ sortis ignarus.—71. Neronis libidines æmulatur. consulatus partitur.—72. Falsus Scribonianus cruci suffixus.

73. Vitellius, ob adactum in verba ejus Orientem superbus et vecors, Vespasiani ad nomen excitatur.—74. hic bellum armaque parat.—75—78. nutantem firmant Mucianus, legati alii, vatū responsa et Carmeli dei sacerdos.—79—80. Imperatorem salutant Ægyptus et Syria.—81. accedunt ad partes ejus reges Sohemus, Antiochus, Agrippa,

regina Berenice. — 82. belli consilia. Titus instat Judææ. Vespasianus claustra Ægypti obtinet. — 83—84. Mucianus cum exercitu præmissus nervum belli conquirit. — 85—86. Mæsicæ Pannonicæque legiones, in partes transgressæ, Dalmaticum militem trahunt, belli faces Antonius Primus, Cornelius Fuscus. — 87. Vitellius, contemptior in dies, gravi Urbem agmine petit, eamque — 88—89. patrata multa militum paganorumque cæde, ut captam, ingressus — 90. magnificam de semet ipso orationem promit. — 91. humani divinque juris expers, nonnulla tamen popularia usurpat. — 92. munia imperii Cæcina ac Valens obeunt. Vitellio auctoritatis nihil. — 93. militis in Urbe otium, libidines, morbi, mortes. — 94. insolentia, paucitas. Vitellii inopia, prodigientia. duces Galliarum postulati ad supplicium. militiæ ordo confusus. — 95. natalis Vitellii ingenti paratu celebratus. inferiæ Neroni factæ. Urbis miseria. — 96. defectionis Flavianæ rumores male coercet Vitellius. — 97, 98. excita tamen auxilia, sed necessitas dissimulata. — 99. irrumperentibus hostibus Cæcina ad bellum præmittitur; sed is — 100, 101. cum Lucilio Basso classicisque Ravennate Misenensique prodicionem componit, et ad partes Vespasiani transit.

Gesta hæc paucis mensibus anno eodem.

I. Struebat jam fortuna in diversa parte terrarum initia causasque imperio, quod varia sorte lætum reipublicæ aut atrox, ipsis Principibus prosperum, aut exitio fuit ¹. Titus Vespasianus e Judæa incolumi adhuc Galba missus a patre causam profectionis *officium erga Principem et maturam petendis honoribus juventam* ferebat. sed vulgus fingendi avidum disperserat *accitum in adoptionem*. materia sermonibus senium et orbitas Principis et intemperantia civitatis, donec unus eligatur, multos destinandi. augebat famam ipsius Titi ingenium, quantæcunque fortunæ capax, decor oris cum quadam majestate, prosperæ Vespasiani res, præ-sagia, responsa ², et inclinatis ad credendum animis loco omnium etiam fortuita. Ubi Corinthii Achaïæ urbe certos nuntios accepit de interitu Galbæ, et aderant qui arma Vitellii bellumque affirmarent, anxius animo, paucis amicorum adhibitis, cuncta utrinque perlustrat: « si pergeret in « Urbem, nullam officii gratiam in alterius honorem suscepti; ac se « Vitellio sive Othoni obsidem fore. sin rediret, offensam haud dubiam « victoris, sed incerta adhuc victoria et concedente in partes patre filium « excusatum. sin Vespasianus rempublicam susciperet, obliviscendum « offensarum ³ de bello agitantibus. »

II. His ac talibus inter spem metumque jactatum spes vicit. fuere qui *accensum desiderio Berenices* ¹ *reginæ vertisse iter* crederent. neque abhorrebat a Berenice juvenilis animus: sed gerendis rebus nullam ex eo impedimentum. lætam voluptatibus adolescentiam egit, suo quam patris imperio modestior. igitur oram Achaïæ et Asiæ ac læva maris ² præve-ctus, Rhodum et Cyprum insulas, inde Syriam audentionibus spatiis ³ petebat. atque illum cupido incessit adeundi visendique templum Paphiæ Veneris, inclitum per indigenas advenasque. haud fuerit longum initia

I. 1. Vespasianus et Titus boni Imperatores et felices; Domitianus ex eadem domo crudelis et malo exitio affectus. — 2. Ut vatum, oraculorum. Conf. c. 4. — 3. Non cogitandum esse de offensis, eas negligendas esse.

II. 1. Filiæ Herodis Agrippæ, Judæorum regis, nuptæ primum Herodi patruo, Chalcididis regi: deinde Polemoni, Ponti regi. Postea Titum in Urbem comitata est, qui ob populi indignationem dimisit invitam invitus. — 2. Loca Syriam mari petentibus ad lævam sita. — 3. Nimirum in mari aperto navigans, quæ audacia esse videbatur veteribus, oram

religionis, templi ritum, formam deæ (neque enim alibi sic ⁴ habetur, paucis disserere.

III. *Conditorem templi regem Aerian* vetus memoria, quidam *ipsius deæ nomen id* perhibent. fama recentior tradit a *Cinyra* ¹ *sacratum templum, deamque ipsam conceptam mari huc appulsam. sed scientiam artemque haruspicum accitam, et Cilicem Tamiram intulisse* ²; *atque ita pactum ut familiæ utriusque posteri cærimoniis præside- rent.* mox, ne honore nullo regum genus peregrinam stirpem antecelle- ret, ipsa quam intulerant scientia hospites cessere ³: tantum Cinyrades sacerdos consulitur. hostiæ, ut quisque vovit, sed mares deliguntur: certissima fides hædorum fibris. sanguinem aræ offundere vetitum: præ- cibus et igne puro altaria adolentur, nec ullis imbribus quamquam in aperto madescunt. simulacrum deæ non effigie humana ⁴, continuus orbis latiore initio tenuem in ambitum metæ modo exsurgens; et ratio in obscuro.

IV. Titus spectata opulencia donisque regum, quæque alia lætum anti- quitatibus ¹ Græcorum genus incertæ vetustati affingit, *de navigatione* primum consuluit. postquam *pandi viam et mare prosperum* accepit, de se per ambages ² interrogat cæsis compluribus hostiis. Sostratus (sa- cerdotis id nomen erat) ubi læta et congruentia exta magnisque consultis annuere deam videt, pauca in præsens et solita respondens, petito secreto futura aperit. Titus aucto animo ad patrem ³ pervectus suspensis provin- ciarum et exercituum mentibus ingens rerum fiducia accessit.

Profligaverat ⁴ bellum Judaicum Vespasianus, oppugnatione Hierosoly- morum reliqua, duro magis et arduo opere ob ingenium montis et pervi- cacious superstitionis, quam quo satis virium obsessis ad tolerandas necessitates superesset. tres, ut supra memoravimus ⁵, ipsi Vespasiano legiones erant, exercitæ bello: quattuor Mucianus obtinebat in pace; sed æmulatio et proximi exercitus gloria repulerat segnitiam, quantumque illis roboris discrimina et labor, tantum his vigoris addiderat integra quies et inexperti belli ardor. auxilia utrique cohortium alarumque, et classes regesque, ac nomen dispari fama celebre.

V. Vespasianus acer militiæ, anteire agmen, locum castris capere, noctu diuque consilio ac, si res posceret, manu hostibus obniti, cibo fortuito, veste habituque vix a gregario milite discrepans; prorsus, si avaritia abesset, antiquis ducibus par. Mucianum e contrario magnifi- centia et opes et cuncta privatum modum supergressa extollebant; aptior sermone, dispositu provisuque civilium rerum peritus ¹: egregium prin-

utplurimum legentibus.—4. Sic, tali forma efficta.

III. 1. Conditore Paphi.—2. Ab his Κινυράδαι et Ταμिरάδαι. Cicero de Divin. I, 2: «Cilices volatibus avium cantibusque ut certissimis signis declarari res futuras pu- tant.» In templo sacræ columbæ alebantur.—3. Decessere; cum Cinyradæ sacerdoti concessere Tamiradæ.—4. Adde: sed est cont. Πυραμίδι λευκῇ similem dicit Maxi- mus Tyrius. Diss. 8, p. 30 meæ edit. Conspicitur in numis Paphi.

IV. 1. Antiqua historia referenda.—2. Verbis ambiguus, ne periculum sibi nasceretur.—3. Qui tum Cæsareæ in Judæa versabatur.—4. Prope ad finem perduxerat.—5. I, 10.

V. 1. His de Muciano adde supra dicta I, 10.

cupatus temperamentum, si demptis utriusque vitiis solæ virtutes miscerentur. ceterum hic Syriæ, ille Judææ præpositus, vicinis provinciarum administrationibus, invidia discordes, exitu demum Neronis positus odiis in medium consulere, primum per amicos: dein, præcipua concordiae fides, Titus prava certamina communi utilitate aboleverat, natura atque arte compositus allciendis etiam Muciani moribus. tribuni centurionesque et vulgus militum industria, licentia, per virtutes, per voluptates, ut cuique ingenium, asciscebantur.

VI. Antequam Titus adventaret, sacramentum Othonis acceperat uterque exercitus, præcipitibus, ut assolet, nuntiis et tarda mole civilis belli, quod longa concordia quietus Oriens tunc primum parabat. namque olim validissima inter se civium arma in Italia Galliæ viribus Occidentis cœpta; et Pompeio, Cassio, Bruto, Antonio, quos omnes trans mare secutum est civile bellum, haud prosperi exitus fuerant; auditique sæpius in Syria Judæaque Cæsares quam inspecti. nulla seditio legionum; tantum adversus Parthos minæ, vario eventu. et proximo civili bello turbatis aliis ¹, inconcussa ibi pax; dein fides erga Galbam. mox, ut *Othonem ac Vitellium scelestis armis res Romanas raptum ire* vulgatum est, ne penes ceteros imperii præmia, penes ipsos tantum servitii necessitas esset, fremere miles et vires suas circumspicere. septem legiones statim et cum ingentibus auxiliis Syria Judæaque; inde continua ² Ægyptus duæque legiones, hinc Cappadocia Pontusque et quicquid castrorum Armeniis prætenditur. Asia et ceteræ provinciæ nec virorum inopes et pecuniæ opulentæ. quantum insularum mari cingitur, et parando interim bello secundum ³ tutumque ipsum mare.

VII. Non fallebat duces impetus militum: sed bellantibus aliis placuit exspectari belli exitum: « victores victosque nunquam solida fide coalescere. nec referre, Vitellium an Othonem superstitem fortuna faceret. » rebus secundis etiam egregios duces insolere: discordiam his, ignaviam, luxuriam; et suismet vitiis alterum bello, alterum victoria peritum. » igitur arma in occasionem distulere Vespasianus Mucianusque nuper, ceteri olim mixtis consiliis, optimus quisque amore reipublicæ: multos dulcedo prædarum stimulabat, alios ambiguæ domi res. ita boni malique causis diversis, studio pari, bellum omnes cupiebant.

VIII. Sub idem tempus Achaia atque Asia falso exterritæ, velut Nero adventaret, vario super exitu ejus rumore, eoque pluribus vivere eum fingentibus credentibusque. ceterorum casus conatusque in contextu operis dicemus ¹: tunc servus e Ponto sive, ut alii tradidere, libertinus ex Italia, citharæ et cantus peritus (unde illi super similitudinem oris propior ad fallendum fides), adjunctis desertoribus quos inopia vagos ingentibus promissis corruperat, mare ingreditur; ac vi tempestatum Cythnum insulam detrusus et militum quosdam ex Oriente commeantium ascivit vel abnuentes interfici jussit, et spoliatis negotiatoribus mancipiorum valentissimum quemque armavit. centurionemque Sisennam dex-

VI. 1. Sc. provinciis.—2. Contermina.—3. Opportunum.

VIII. 1. Qui periit. Præter eum de quo dictum ad I, 2, tertius etiam exoriebatur

tras, concordiae insignia, Syriaci exercitus nomine ad prætorianos ferentem ² variis artibus aggressus est, donec Sisenna clam relicta insula trepidus et vim metuens aufugeret. inde late terror, multis ad celebritatem nominis erectis rerum novarum cupidine et odio præsentium.

IX. Gliscentem in dies famam fors discussit. Galatiam ac Pamphyliam provincias Calpurnio Asprenati regendas Galba permiserat. datae e classe Misenensi duæ triremes ad prosequendum, cum quibus Cythnum insulam tenuit. nec defuere qui trierarchos nomine Neronis accirent. is in mœstiam compositus et *fidem suorum quondam militum* invocans, *ut eum in Syria aut Ægypto sisterent*, orabat. Trierarchi nutantes, seu dolo, *alloquendos sibi milites et paratis omnium animis reversuros* firmaverunt. sed Asprenati cuncta ex fide nuntiata; cujus cohortatione expugnata navis et interfectus quisquis ille erat. corpus, insigne oculis comaque et torvitate vultus, in Asiam atque inde Romam pervectum est.

X. In civitate discordi et ob crebras Principum mutationes inter libertatem ac licentiam incerta parvæ quoque res magnis motibus agebantur. Vibius Crispus pecunia, potentia, ingenio inter claros magis quam inter bonos, Anrinum Faustum equestris ordinis, qui temporibus Neronis delationes factitaverat, ad cognitionem senatus vocabat. nam recens ¹ Galbæ principatu censuerant Patres, *ut accusatorum causæ noscerentur*. id senatusconsultum varie jactatum et, prout potens vel inops reus inciderat, infirmum aut validum retinebatur. ad hoc terroris ² et propria vi Crispus incubuerat delatorem fratris sui ³ pervertere; traxeratque magnam senatus partem, *ut indefensum et inauditum dedi ad exitium* postularent. contra apud alios nihil æque reo proderat quam nimia potentia accusatoris: *dari tempus, edi crimina, quamvis invisum ac nocentem more tamen audiendum* censebant. Et valere primo dilataque in paucos dies cognitio. mox damnatus est Faustus, nequaquam eo assensu civitatis, quem pessimis moribus meruerat. quippe ipsum Crispum easdem accusationes cum præmio exercuisse meminerant, nec poena criminis, sed ultor displicebat.

XI. Læta interim Othoni principia belli, motis ad imperium ejus e Dalmatia Pannoniaque exercitibus. fuere quattuor legiones, e quibus bina millia præmissa; ipsæ modicis intervallis sequebantur, septima a Galba conscripta, veteranæ undecima ac tertiadecima et præcipui fama quartadecumani rebellione Britanniae compressa. ¹ addiderat gloriam Nero eligendo ut potissimos: unde longa illis erga Neronem fides et erecta in Othonem studia. sed quo plus virium ac roboris, e fiducia tarditas inerat: agmen legionum alæ cohortesque præveniebant. et ex ipsa Urbe haud spernenda manus, quinque prætoriae cohortes et equitum vexilla cum legione prima, ac deforme insuper auxilium, duo millia gladiatorum, sed per civilia arma etiam severis ducibus usurpatum. his copiis rector

falsus Nero in Asia, suo nomine Terentius Maximus.—2. V. supra I, 34.

X. 1. Nuper. De Vibio Crispo memorabiles versus sunt Juvenalis, *Sat.* IV, 81 seqq.—2. Præter hunc terrorem ex senatusconsulto.—3. De quo *Ann.* XIV, 28. *Incubuerat* ob sensum construitur ut. studuerat.

XI. 1. De qua *Ann.* XIV, 29 sqq., *Agric.* c. 15 sqq. Eam legionem *ut potissimos* Nero

additus Annius Gallus cum Vestricio Spurinna ad occupandas Padi ripas præmissus, quoniam prima consiliorum frustra ceciderant, transgresso jam Alpes Cæcina, quem sisti intra Gallias posse speraverat. ipsum Othonem comitabantur speculatorum lecta corpora ², cum ceteris prætoriiis cohortibus veterani e prætorio, classicorum ³ ingens numerus. nec illi segne aut corruptum luxu iter, sed lorica ferrea usus est, et ante signa pedester, horridus, incompertus famæque dissimilis.

XII. Blandiebatur cæptis fortuna, possessa per mare et naves majore Italiae parte, penitus usque ad initium maritimarum Alpium. quibus tentandis aggrediendæque provinciæ Narbonensi Suedium Clementem, Antonium Novellum, Æmilium Pacensem duces dederat ¹. sed Pacensis per licentiam militum vinctus; Antonio Novello nulla auctoritas: Suedius Clemens ambitioso imperio regebat, ut adversus modestiam disciplinæ corruptus ², ita præliorum avidus. non Italia adiri nec loca sedesque patriæ videbantur: tanquam externa littora et urbes hostium urere, vastare, rapere, eo atrocius quod nihil usquam provisum adversum metus. pleni agri, apertæ domus. occurrentes domini juxta conjuges et liberos securitate pacis et belli malo circumveniebantur. maritimas tum Alpes tenebat procurator Marius Maturus. is concita gente (nec deest juvenus) arcere provinciæ finibus Othonianos intendit. sed primo impetu cæsi disiectique montani, ut quibus temere collectis non castra, non ducem noscitantibus neque in victoria decus esset neque in fuga flagitium.

XIII. Irritatus eo prælio Othonis miles vertit iras in municipium Albium Intemelium. quippe in acie nihil prædæ: inopes agrestes et vilia arma: nec capi poterant, pernix genus et gnari locorum. sed calami tatibus insontium expleta avaritia. Auxit invidiam præclaro exemplo femina Ligus, quæ filio abdito, quum simul pecuniam occultari milites credidissent eoque per cruciatus interrogarent, *ubi filium occuleret?* utrum ostendens *latere* respondit. nec ullis deinde terroribus aut morte constantiam vocis egregiæ mutavit.

XIV. *Imminere provinciæ Narbonensi in verba Vitellii adactæ classem Othonis* trepidi nuntii Fabio Valenti attulere. aderant legati coloniarum auxilium orantes. duas Tungrorum cohortes, quattuor equitum turmas, universam Treverorum alam cum Julio Classico præfecto misit: e quibus pars in colonia Foro juliensi retenta, ne omnibus copiis in terrestre iter versis vacuo mari classis acceleraret. duodecim equitum turmæ et lecti e cohortibus adversus hostem iere, quibus adjuncta Ligurum cohors, vetus loci auxilium, et quingenti Pannonii nondum sub signis. nec mora prælio, sed acie ¹ ita instructa, ut pars classicorum mixtis paganis in colles mari propinquos exurgeret; quantum inter colles ac littus æqui loci, prætorianus miles expleret; in ipso mari ut annexa classis et pugnae parata conversa ² et minaci fronte prætende-

accessiverat contra Vindicem. — 2. De quibus ad I, 24.—3. Nondum in justam legionem conscriptorum.

XII. 1. De his supra dictum I, 87.—2. Animo in ambitionem corrupto modestam disciplinam dissolvere sinens.

XIV. 1. Othonianorum.—2. Non, ut assolebat, puppibus, sed proris et rostris littori.

retur. Vitelliani, quibus minor peditum vis, in equite robur, Alpinos proximis jugis, cohortes densis ordinibus post equitem locant. Treverorum turmae obtulere se hosti incaute, quum exciperet contra veteranus miles, simul a latere saxis urgeret apta ad jaciendum etiam paganorum manus, qui sparsi inter milites strenui ignavique in victoria idem audebant. additus percussis terror invecta in terga pugnantium classe. ita undique clausi: deletæque omnes copiae forent, ni victorem exercitum attinuisset obscurum noctis, ³ obtentui fugientibus.

XV. Nec Vitelliani quamquam victi quievire. accitis auxiliis securum hostem ac successu rerum socordius agentem invadunt. cæsi vigiles, perrupta castra, trepidatum apud naves, donec sidente paullatim metu, occupato juxta colle defensi mox irrupere. atrox ibi cædes, et Tungrarum cohortium præfecti sustentata diu acie telis obruuntur. ne Othonianis quidem incruenta victoria fuit, quorum improvide secutos conversi equites circumvenerunt. ac velut pactis induciis, ne hinc classis, inde eques subitam formidinem inferrent, Vitelliani retro Antipolim, Narbonensis Galliae municipium, Othoniani Albigaunum, interioris Liguriæ, revertere.

XVI. Corsicam ac Sardiniam ceterasque proximi maris insulas fama vittricis classis in partibus Othonis tenuit. sed Corsicam prope afflixit Decumi Pacarii procuratoris temeritas, tanta mole belli nihil in summam profutura, ipsi exitiosa. namque Othonis odio juvare Vitellium Corsorum viribus statuit, inani auxilio etiam si provenisset. vocatis principibus insulae consilium aperit, et contra dicere ausos, Claudium Pyrrhicum, triararchum Liburnicarum ibi navium, Quintium Certum equitem Romanum, interfici jubet. quorum morte exterriti qui aderant, simul ignara et alieni metus socia imperitorum turba, in verba Vitellii juravere. sed ubi delectum agere Pacarius et inconditos homines fatigare militiae muneribus coepit, laborem insolitum perosi infirmitatem suam reputabant: *insulam esse quam incolerent, et longe* ¹ *Germaniam viresque legionum; direptos vastatosque classe etiam quos cohortes alæque protegerent.* et aversi repente animi; nec tamen aperta vi ², aptum tempus insidiis legere. digressis qui Pacarium frequentabant, nudus et auxilii inops balineis interficitur; trucidati et comites. capita, ut hostium, ipsi interfectores ad Othonem tulere; neque eos aut Otho præmio affecit aut punivit Vitellius, in multa colluvie rerum majoribus flagitiis ³ permixtos.

XVII. Aperuerat jam Italiam bellumque transmiserat, ut supra ¹ memoravimus, ala Sullana, nullo apud quemquam Othonis favore, nec quia Vitellium mallent; sed longa pax ad omne servitium fregerat faciles occupantibus et melioribus incuriosos ². florentissimum Italiae latus, quantum inter Padum Alpesque camporum et urbium, armis Vitellii (namque et præmissæ a Cæcina cohortes advenerant) tenebatur. capta Pannoniorum

obversis. —5. Sc. quod erat obtentui.

XVI. 1. Longe remotam esse.—2. Sc. agentes.—5. Sc. puniendis.

XVII. 1. I, 70.—2. Ita fregerat gentes Italicas illius regionis (ad quas etiam mallent referendum), ut facile se dederent occupantibus, curam nullam impenderent meliora

cohors apud Cremonam; intercepti centum equites ac mille classici inter Placentiam Ticinumque. quo successu Vitellianus miles non jam flumine aut ripis arcebat. irritabat quin etiam Batavos Transrhenanosque ³ Padus ipse: quem repente contra Placentiam transgressi raptis quibusdam exploratoribus ita ceteros terruere, ut *adesse omnem Cæcinæ exercitum* trepidi ac falsi nuntiarent.

XVIII. Certum erat Spurrinæ (is enim Placentiam obtinebat) necdum venisse Cæcinam, et si propinquaret, ¹ coercere intra munimenta militem, nec tres prætorias cohortes et mille vexillarios cum paucis equitibus veterano exercitui objicere. sed indomitus miles et belli ignarus correptis signis vexillisque ruere, et retinenti duci tela intentare, spreto centurionibus tribunisque providentiam ducis laudantibus: quin *prodi Othonem et accitum Cæcinam* clamitabant. fit temeritatis alienæ comes Spurrinna, primo coactus, mox velle simulans, quo plus auctoritatis inesset consiliis, si seditio mitesceret.

XIX. Postquam in conspectu Padus et nox appetebat, vallari castra placuit. is labor urbano militi insolitus contundit animos. tum vetustissimus quisque castigare *credulitatem suam, metum ac discrimen* ostendere, *si cum exercitu Cæcina patentibus campis tam paucas cohortes circumfudisset.* jamque totis castris modesti sermones et inserentibus se centurionibus tribunisque laudari *providentia ducis, quod coloniam virium et opum validam robur ac sedem bello legisset.* ipse postremo Spurrinna non tam culpam exprobrans quam ratione ostendens, relictis exploratoribus, ceteros Placentiam reduxit minus turbidos et imperia accipientes. solidati muri, propugnacula addita, auctæ turres, provisa parataque non arma modo, sed obsequium et parentis amor: quod solum illis partibus defuit, quum virtutis hand pœniteret.

XX. At Cæcina, velut relicta post Alpes sævitia ac licentia, modesto agmine per Italiam incessit. ornatum ipsius municipia et coloniae in superbiam trahebant, quod versicolori sagulo, braccas, barbarum tegimen, indutus togatos alloqueretur. uxorem quoque ejus Saloninam, quamquam in nullius injuriam insignis equo ostroque veheretur; tamquam læsi gravabantur, insita mortalibus natura recentem aliorum felicitatem acerbis oculis introspicere modumque fortunæ a nullis magis exigere quam quos in æquo videre. Cæcina Padum transgressus tentata Othonianorum fide per colloquium et promissa, iisdem petitis, postquam pax et concordia speciosis et irritis nominibus jactata sunt, consilia curasque in oppugnationem Placentiæ magno terrore vertit, gnarus, ut initia belli provenissent, ¹ famam in cetera fore.

XXI. Sed primus dies impetu magis quam veterani exercitus artibus transactus: aperti incautique muros subiere, cibo vinoque prægraves. in eo certamine pulcherrimum amphitheatri opus situm extra muros conflavit, sive ab oppugnatoribus incensum, dum faces et glandes et mis-

et honestiora suadentibus.—3. Germanos.

XVIII. 1. Hic certum erat repetendum eo sensu quo est pro, statuerat.

XX. 1. Sc. talem: quales fuerint successus initio belli, tali fama hominum in rebus agendis partes suas aut adjutum aut contemptum iri.

silem ignem in obsessos jaculantur, sive ab obsessis, dum retorta ¹ ingerunt. municipale vulgus, pronum ad suspiciones, fraude illata ignis alimenta credidit a quibusdam e vicinis coloniis, invidia et æmulatione, quod nulla in Italia moles tam capax foret. quocunque casu accidit, dum atrociora metuebantur, in levi habitum, reddita securitate, tamquam nihil gravius pati potuissent, morebant. ceterum multo suorum cruore pulsus Cæcina; et nox parandis operibus absumpta. Vitelliani pluteos cratesque et vineas ² suffodiendis muris protegendisque oppugnatoribus, Othoniani sudes et immensas lapidum ac plumbi aerisque moles perfringendis obruendisque hostibus expediunt. utrimque pudor, utrimque gloria ³, et diversæ exhortationes, hinc *legionum et Germanici exercitus robur*, inde *urbane militiæ et prætoriarum cohortium decus* attollentium; illi *ut segnem ac desidem et circo ac theatris corruptum militem*, hi *peregrinum et externum* increpabant. simul Othonem ac Vitellium celebrantes culpantesve, uberioribus inter se probris quam laudibus stimulabantur.

XXII. Vixdum orto die plena propugnatoribus mœnia, fulgentes armis virisque campi, densum legionum agmen, sparsa auxiliorum manus, altiora murorum sagittis aut saxis incessere, neglecta aut ævo ¹ fluxa cominus aggredi. ingerunt desuper Othoniani pila librato magis et certo ictu adversus temere subeuntes cohortes Germanorum, cantu truci ² et more patrio nudis corporibus super humeros scuta quatientium. legionarius pluteis et cratibus tectus subruit muros, instruit aggerem, molitur ³ portas. contra prætoriani dispositos ad id ipsum molares ingenti pondere ac fragore provolvunt. pars subeuntium obruti; pars confixi et exsanguis aut laceri. quum augeret stragem trepidatio eoque acrius e mœnibus vulnerarentur, rediere infracta partium fama. et Cæcina [fama,] pudore cœptæ temere oppugnationis, ne irrisus ac vanus iisdem castris assideret, frajecto rursus Pado Cremonam petere intendit. tradidere sese abeunti Turulius Cerialis cum compluribus classicis et Julius Briganticus cum paucis equitum, hic præfectus alæ in Batavis genitus, ille primipilaris et Cæcinæ haud alienus, quod ordines in Germania duxerat.

XXIII. Spurinna, comperto itinere hostium, defensam Placentiam quæque acta, et quid Cæcina pararet, Annium Gallum per litteras docet. Gallus legionem primam in auxilium Placentiæ ducebat, diffusus paucitate ¹ cohortium, ne longius obsidium et vim Germanici exercitus parum tolerarent. ubi pulsum Cæcinam pergere Cremonam accepit, ægre coercitam legionem et pugnandi ardore usque ad seditionem progressam, Bedriaci sistit. inter Veronam Cremonamque situs est vicus, duabus jam Romanis cladibus notus infaustusque ².

XXI. 1. Tormentorum ope remissa.—2. Oppugnandarum urbium instrumenta ex Cæsare nota.—3. Gloriæ studium.

XXII. 1. Ob vetustatem. — 2. Vid. *Germ. c. 3*, Cæsar. *B. Gall. VII, 84*. — 3. Laborat ut effringat.

XXIII. 1. Ob paucitatem.—2. Iis ipsis quæ hoc et insequenti libro narrabuntur.

Iisdem diebus a Marcio Macro haud procul Cremona prospere pugnatum. namque promptus animi Marcius transvectos navibus gladiatores in adversam Padi ripam repente effundit. turbata ibi Vitellianorum auxilia, et ceteris Cremonam fugientibus cæsi qui restiterant. sed repressus vincientium impetus, ne novis subsidiis firmati hostes fortunam prælii mutarent. suspectum id Othonianis fuit omnia ducum facta prave æstimantibus. certatim, ut quisque animo ignavus, procax ore, Annium Gallum et Suetonium Paulinum et Marium Celsum [nam eos quoque Otho præfecerat] variis criminibus incessebant. acerrima seditionum ac discordiæ incitamenta interfectores Galbæ. scelere et metu vecordes miscere cuncta, modo palam turbidis vocibus, modo occultis ad Othonem litteris; qui humillimo cuique credulus, bonos metuens trepidabat, rebus prosperis incertus et inter adversa melior. igitur Titianum fratrem accitum bello præposuit.

XXIV. Interea Paulli et Celsi ductu res egregiæ gestæ. angebant Cæcinam nequicquam omnia cæpta et senescens exercitus sui fama. pulsus Placentia, cæsis nuper auxiliis, etiam per concursum exploratorum, crebra magis quam digna memoratu prælia, inferior, propinquantem Fabio Valente, ne omne belli decus illuc concederet, recuperare gloriam avidius quam consultius properabat. ad duodecimum ¹ a Cremona (locus Castorum vocatur) ferocissimos auxiliarium imminentibus viæ lucis occultos componit. equites *procedere longius jussi, et irritato* ² *prælio sponte refugi festinationem sequentium elicere, donec insidiæ coererentur.* proditum id Othonianis ducibus, et curam peditum Paulinus, equitum Celsus sumpserunt. tertiædecimæ legionis vexillum, quattuor auxiliorum cohortes et quingenti equites in sinistro locantur; aggerem viæ ³ tres prætoriæ cohortes altis ordinibus obtinuerunt; dextra fronte ⁴ prima legio incessit cum duabus auxiliariis cohortibus et quingentis equitibus. super hos e prætorio auxiliisque mille equites, cumulus prosperis aut subsidium laborantibus, ducebantur.

XXV. Antequam miscerentur acies, terga vertentibus Vitellianis, Celsus doli prudens repressit suos. Vitelliani temere exsurgentes, cedente sensim Celso, longius secuti ultro in insidias præcipitantur. nam a lateribus cohortes, legionum adversa frons; et subito discursu terga cinxerant equites. signum pugnae non statim a Suetonio Paulino pediti datum. cunctator natura, et cui cauta potius consilia cum ratione quam prospera ex casu placerent, *compleri fossas, aperiri campum* ¹, *pandi aciem* jubebat, *satis cito incipi victoriam ratus, ubi provisum foret ne vincerentur.* ea cunctatione spatium Vitellianis datum in vineas nexu traducum impeditas refugiendi. et modica silva adhærebat; unde rursus ausi ² promptissimos prætorianorum equitum interfecere. vulneratur rex Epiphanes ³ impigre pro Othone pugnam ciens.

XXVI. Tum Othonianus pedes erupit. protrita hostium acie versi in

XXIV. 1. Sc. lapidem (milliarium).—2. Irritando hostem excitato *prælio*.—3. Postumia; v. III, 21.—4. Dextro cornu.

XXV. 1. Cædendo arbores, vites.—2. Audentes facti.—3. Antiochi, regis Commagenes, filius. *Reges* vocantur etiam regum filii.

fugam etiam qui subveniebant. nam Cæcina non simul cohortes, sed singulas acciverat; quæ res in prælio trepidationem auxit, quum dispersos nec usquam validos pavor fugientium abriperet. orta et in castris seditio, quod non universi ducerentur. vincetus præfectus castrorum Julius Gratus *tamquam fratri apud Othonem militanti prodicionem ageret*, quum fratrem ejus, Julium Frontonem tribunum, Othoniani sub eodem crimine vinxissent. ceterum ea ubique formido fuit apud fugientes, occursantes, in acie, pro vallo, ut *deleri cum universo exercitu Cæcinam potuisse, ni Suetonius Paulinus receptui cecinisset*, utrisque in partibus percrebuerit. *timuisse se Paulinus ferebat tantum insuper laboris* ¹ *atque itineris, ne Vitellianus miles recens e castris fessos aggrederetur et percussis nullum retro subsidium foret.* apud paucos ea ducis ratio probata, in vulgus adverso rumore ² fuit.

XXVII. Haud perinde id damnum Vitellianos in metum compulit quam ad modestiam composuit; nec solum apud Cæcinam, qui culpam in militem conferebat *seditioni magis quam prælio paratum*; Fabii quoque Valentis copiæ (jam enim Ticinum venerat) posito hostium contemptu et recuperandi decoris cupidine reverentius et æqualius duci parebant. gravis alioquin seditio exarserat, quam altiore initio (neque enim rerum a Cæcina gestarum ordinem interrumpi oportuerat) repetam. cohortes Batavorum, quas bello Neronis a quartadecima legione digressas, quum Britanniam peterent, audito Vitellii motu in civitate Lingonum Fabio Valenti adjunctas retulimus ¹, superbe agebant, ut cujusque legionis tentoria accessissent, *coercitos a se quartadecimanos, ablutam Neroni Italiam, atque omnem belli fortunam in ipsorum manu sitam jactantes* ². contumeliosum id militibus, acerbum duci; corrupta jurgiis aut rixis disciplina; ad postremum Valens e petulantia etiam perfidiam suspectabat.

XXVIII. Igitur nuntio allato *pulsam Treverorum atam Tungrosque a classe Othonis et Narbonensem Galliam circumiri* ¹, simul cura socios tuendi et militari astu cohortes turbidas ac, si una forent, prævalidas, dispergendi, partem Batavorum *ire in subsidium* jubet. quod ubi auditum vulgatumque, mœrere socii, fremere legiones: « orbari se fortissimorum « virorum auxilio: veteres illos et tot bellorum victores, postquam in « conspectu sit hostis, velut ex acie abduci. si provincia Urbe et salute « imperii potior sit, omnes illuc sequerentur: sin victoriae sanitas ², « sustentaculum, columnen in Italia verteretur, non abrumpendos ut cor- « pori validissimos artus. »

XXIX. Hæc ferociter jactando, postquam immissis lictoribus Valens coercere seditionem cœptabat, ipsum invadunt, saxa jaciunt, fugientem sequuntur: *spolia Galliarum et Viennensium aurum* ¹ *et pretia laborum suorum occultare* clamitantes, direptis sarcinis tabernacula ducis

XXVI. 1. Timuisse se tantum laborem qui post iter duodecim millium in delendo Cæcina ipsis superfuturus fuisset, ne, hoc facto, recens exercitus Vitellii etc. — 2. Ut proditor. Conf. c. 23.

XXVII. 1. Libro I, 39 et 64.—2. Harum rerum narratio cum fine Annalium perfit.

XXVIII. 1. Quæ narrata c. 14.—2. Integritas.

XXIX. 1. V. supra I, 66.

ipsamque humum pilis et lanceis rimabantur. nam Valens servili veste apud decurionem equitum tegebatur. Tum Alphenus Varus præfectus castrorum, deflagrante paulatim seditione, addit consilium : vetitis obire vigiliis centurionibus², omisso tubæ sono, quo miles ad belli munia cietur; igitur torpere cuncti, circumspectare inter se attoniti, et id ipsum, quod nemo regeret, paventes. silentio, patientia, postremo precibus ac lacrimis veniam quærebant. ut vero deformis et flens et præter spem incolumis Valens processit, gaudium, miseratio, favor : versi in lætitiā, ut est vulgus utroque immodicum, laudantes gratantesque circumdatum aquilis signisque in tribunal ferunt. ille utili moderatione non supplicium cujusquam poposcit; ac ne dissimulans suspectior foret, paucos incusavit, gnarus civilibus bellis plus militibus quam ducibus licere.

XXX. Munientibus castra apud Ticinum de adversa Cæcinæ pugna allatum, et prope renovata seditio, *tamquam fraude et cunctationibus Valentis prælio defuissent*. nolle requiem, non exspectare ducem, anteire signa, urgere signiferos. rapido agmine Cæcinæ junguntur. improspera Valentis fama apud exercitum Cæcinæ erat : *expositos se tanto pauciores integris hostium viribus* querebantur, simul in suam excusationem, et adventantium robur per adulationem attollentes, ne ut victi et ignavi despectarentur. et quamquam plus virium, prope duplicatus legionum auxiliorumque numerus erat Valenti, studia tamen militum in Cæcinā inclinabant, super benignitatem animi, qua promptior habebatur, etiam vigore ætatis, proceritate corporis et quodam inani¹ favore. hinc æmulatio ducibus : Cæcina *ut fædum et maculosum*², ille *ut tumidum et vanum* irridebant. sed condito odio eandem utilitatem fovere, crebris epistolis, sine respectu veniæ probra Othoni objectantes, quum duces partium Othonis quamvis uberrima conviciorum in Vitellium materia abstinerent.

XXXI. Sane ante utriusque exitum, quo egregiam Otho famam, Vitellius flagitiosissimam meruere, minus Vitellii ignavæ voluptates quam Othonis flagrantissimæ libidines timebantur. addiderat huic terrorem atque odium caedes Galbæ : contra illi initium belli nemo imputabat¹. Vitellius ventre et gula sibi infestus², Otho luxu, sævitia, audacia, reipublicæ exitiosior ducebatur.

Coniunctis Cæcinæ ac Valentis copiis nulla ultra penes Vitellianos mora quin totis viribus certarent. Otho consultavit, trahi bellum an fortunam experiri placeret. tunc Suetonius Paulinus dignum fama sua ratus, qua nemo illa tempestate militaris rei callidior habebatur³, de toto genere belli censere, *festinationem hostibus, moram ipsis utilem* disseruit.

XXXII. « Exercitum Vitellii universum advenisse, nec multum virium a tergo, quoniam Galliæ tumeant, et deserere Rhēni ripam irrupturis tam infestis nationibus non conducat. Britannicum militem hoste et mari destineri; Hispanias armis non ita redundare; provinciam Narbo-

—2. Vid. ad *Annal.* XV, 30. Tubæ cantu vigiliarum quoque initia indicabantur.

XXX. 1. Ab inanibus causis orto.—2. Confer de Capitone dicta I, 7; de ipso I, 66.

XXXI. 1. Ut ignavo et a suis ad hæc coacto.—2. Ms. opt. *inhostus*.—3. Propter expeditiones claras in Britannia (*Ann.* XIV, 29 seqq.) et in Africa.

« nensem incursu classis et adverso prælio contremuisse; clausam Alpi-
 « bus et nullo maris subsidio transpadanam Italiam atque ipso transitu
 « exercitus vastam; non frumentum usquam exercitui, nec exercitum
 « sine copiis retineri posse. jam Germanos, quod genus militum apud
 « hostes atrocissimum sit, tracto in æstatem bello, fluxis corporibus,
 « mutationem soli cœlique haud toleraturos. multa bella impetu valida
 « per tædia et moras evanuisse. contra ipsis omnia opulenta et fida, Pan-
 « noniam, Mœsiam, Dalmatiam, Orientem cum integris exercitibus,
 « Italiam et caput rerum Urbem, senatumque et populum, nunquam
 « obscura nomina, etsi aliquando obumbrentur; publicas privatasque
 « opes et immensam pecuniam, inter civiles discordias ferro validiorem;
 « corpora militum aut Italiæ sueta aut æstibus. objacere flumen Padum¹,
 « tutas viris murisque urbes; e quibus nullam hosti cessuram Placentiæ
 « defensione exploratum. proinde duceret bellum. paucis diebus quar-
 « tamdecimam legionem, magna ipsam fama, cum Mœsiacis copiis af-
 « fore: tum rursus deliberaturum, et si prælium placuisset, auctis viri-
 « bus certaturos. »

XXXIII. Accedebat sententiæ Paulini Marius Celsus; *idem placere Annio Gallo*, paucos ante dies lapsu equi afflicto, missi qui consilium ejus sciscitarentur, retulerant. Otho pronus ad decertandum; frater ejus Titianus et præfectus prætorii Proculus, imperitia properantes, *fortunam et deos et numen Othonis adesse consiliis, affore conatibus* testabantur. neu quis obviam ire sententiæ auderet, in adulationem concesserant. postquam pugnari placitum, *interesse pugnae Imperatorem an seponi melius foret*, dubitavere. Paulino et Celso jam non adversantibus, ne Principem objectare periculis viderentur, iidem illi deterioris consilii auctores perpulere *ut Brixellum concederet, ac dubiis præliorum exemptus summæ rerum et imperii se ipsum reservaret*. is primus dies Othonianas partes afflixit. namque et cum ipso prætoriarum cohortium et speculatorum equitumque valida manus discessit, et remanentium fractus animus, quando suspecti duces, et Otho, ut cui uni apud militem fides, dum et ipse non nisi militibus credit, imperia ducum in incerto reliquerat.

XXXIV. Nihil eorum Vitellianos fallebat, crebris, ut in civili bello, transfugiis: et exploratores cura diversa sciscitandi sua non occultabant. quieti intentique Cæcina ac Valens, quando hostis imprudentia rueret, quod loco sapientiæ est, alienam stultitiam opperiebantur, inchoato ponte transitum Padi simulantes adversus oppositam gladiatorum manum, ac ne ipsorum miles segne otium tereret. naves pari inter se spatio, validis utrimque trabibus connexæ, adversum in flumen dirigebantur, jactis super ancoris, quæ firmitatem pontis continerent. sed ancorarum funes non extenti fluitabant, ut augescente flumine inoffensus ordo navium attolleretur. claudebat pontem imposita turris et in extremam navem

XXXII. 1. Nimirum. regressis cis Padum, quod vult Suetonius: nam nunc ipsum vergantur trans Padum, Bedriaci.

educta, unde formentis ac machinis hostes propulsarentur. Othoniani in ripa turrim struxerant, saxaque et faces jaculabantur.

XXXV. Et erat insula amne medio, in quam gladiatores navibus molientes, Germani nando praelabebantur. ac forte plures transgressos, completis Liburnicis ¹, per promptissimos gladiatorum Macer aggreditur. sed neque ea constantia gladiatoribus ad prœlia quæ militibus; nec perinde nutantes e navibus quam stabili gradu e ripa vulnera dirigebant. et quum variis trepidantium inclinationibus mixti remiges propugnatoresque turbarentur, desilire in vada ultro Germani, retentare puppes, scandere foros, aut cominus mergere. quæ cuncta in oculis utriusque exercitus quanto lætiora Vitellianis, tanto acrius Othoniani causas auctoremque cladis detestabantur.

XXXVI. Et prœlium quidem abreptis ¹ quæ supererant navibus fuga diremptum: Macer ad exitium posebatur. jamque vulneratum eminus lancea strictis gladiis invaserant, quum intere cursu tribunorum centurionumque protegitur. nec multo post Vestricius Spurius jussu Othonis, relicto Placentiæ modico præsidio, cum cohortibus subvenit. dein Flavium Sabinum ² consulem designatum Otho rectorem copiis misit, quibus Macer præfuerat, læto milite ad mutationem ducum et ducibus ob crebras seditiones tam infestam militiam asperrantibus.

XXXVII. Invenio apud quosdam auctores « pavore belli seu fastidio « utriusque Principis, quorum flagitia ac dedecus apertiore in dies fama « noscebantur, dubitasse exercitus num posito certamine vel ipsi in medium consultarent, vel senatui permitterent legere Imperatorem. atque « eo duces Othonianos spatium ac moras suasisse, præcipua spe Paulini, « quod vetustissimus consularium et militia clarus gloriam nomenque « Britannicis expeditionibus meruisset. » ego ut concesserim apud paucos facito voto quietem pro discordia, bonum et innocentem Principem pro pessimis ac flagitiosissimis expetitur, ita neque Paulinum, qua prudentia fuit, sperasse corruptissimo sæculo tantam vulgi moderationem reor, ut qui pacem belli amore turbaverant, bellum pacis caritate deponerent; neque aut exercitus linguis moribusque dissonos in hunc consensum potuisse coalescere, aut legatos ac duces, magna ex parte luxus, egestatis, scelerum sibi conscios, nisi pollutum obstrictumque meritis suis Principem passuros.

XXXVIII. Vetus ac jam pridem insita mortalibus potentiæ cupido cum imperii magnitudine adolevit erupitque. nam rebus modicis ¹ æqualitas facile habebatur: sed ubi subacto orbe et æmulis urbibus regibusve excisis securas opes concupiscere vacuum ² fuit, prima inter Patres plebenique certamina exarsere. modo turbulenti tribuni, modo consules prævalidi, et in Urbe ac foro tentamenta civilium bellorum ³. mox e plebe infima C. Marius et nobilium sævissimus L. Sulla victam armis libertatem in do-

XXXV. 1. Navium id genus, a Liburnis Illyrico populo, post Augustum usitatissimum in classibus Romanis.

XXXVI. 1. Raptim abductis.—2. Alium ac fratrem Vespasiani, præfectum Urbi, I, 46.

XXXVIII. 1. Romæ.—2. Cuique liberum; quum otium esset ab externa vi. Plane ita Sallustius in *Historiis*: *Postquam remoto metu Punico simultates exercere vacuum fuit*.—3. De seditionibus Gracchorum; conf. Vellei. Pat. II, 3.

minationem verterunt. post quos Cn. Pompeius occultior; non melior. et nunquam postea nisi de principatu quæsitum. non discessere ab armis in Pharsalia ac Philippis civium legiones: nedum Othonis ac Vitellii exercitus sponte positori bellum fuerint. eadem illos deum ira, eadem hominum rabies, eadem scelerum causæ in discordiam egere. quod singulis velut ictibus transacta sunt bella, ignavia Principum factum est. sed me veterum novorumque morum reputatio longius tulit: nunc ad rerum ordinem venio.

XXXIX. Profecto Brixellum Othone honor imperii penes Titianum fratrem, vis ac potestas penes Proculum præfectum. Celsus et Paulinus, quam prudentia eorum nemo uteretur, inani nomine ducum alienæ culpæ prætendebantur. tribuni centurionesque ambigui, quod spretis melioribus deterrimi valebant. miles alacer; qui tamen jussa ducum interpretari quam exsequi mallet. Promoveri ad quartum ¹ a Bedriaco castra placuit, adeo imperite ut quamquam verno tempore anni et tot circum annibus penuria aquæ fatigaretur. ibi de prælio ² dubitatum, Othone per litteras flagitante ut maturarent, militibus ut Imperator pugnae adesset poscentibus. plerique copias trans Padum agentes acciri postulabant. nec perinde dijudicari potest quid optimum factu fuerit, quam pessimum fuisse quod factum est.

XL. Non ut ad pugnam, sed ad bellandum profecti ¹, confluentes Padi et Adduæ fluminum, sedecim inde millium spatio distantes, petebant. Celso et Paulino abnuentibus *militem itinere fessum, sarcinis gravem obficere hosti, non admissuro quominus expeditus et vix quattuor millia passuum progressus aut incompósitos in agmine aut dispersos et vallum molientes aggredederetur*, Titianus et Proculus, ubi consiliis vincerentur, ad jus imperii transibant. aderat sane citus equo Numida ² cum atrocibus mandatis, quibus Otho increpita *ducum segnitia rem in discrimen mitti* jubebat, ager mora et spei impatiens.

XLI. Eadem die ad Cæcinam operi pontis intentum duo prætoriarum cohortium tribuni, colloquium ejus postulantes, venerunt. audire condiciones ac reddere parabat, quum præcípites exploratores adesse hostem nuntiavere. interruptus tribunorum sermo; eoque incertum fuit, insidias an prodicionem vel aliquod honestum consilium cœptaverint. Cæcina dimissis tribunis revector in castra, datum jussu Fabii Valentis pugnae signum et militem in armis invenit. dum legiones de ordine agminis sortiantur, equites prorupere; et mirum dictu, a paucioribus Othonianis quominus in vallum impingerentur ¹, Italicæ legionis virtute deterriti sunt. ea strictis mucronibus redire pulsos et pugnam resumere coegit. disposita Vitellianarum legionum acies sine trepitatione: etenim, quamquam vicino hoste, aspectus armorum densis arbustis prohibebatur. apud

XXXIX. 1. Sc. lapidem, Cremonam versus.—2. De loco pugnae potissimum.

XL. 1. Ac si ex Urbe ad bellandum proficiscerentur, longinquo hoste; nullo erant ad pugnam idoneo apparatu. nec *expediti* (sine sarcinis), ut Vitelliani c. 45.—2. *Ex servis* Othonis. Seneca Epist. 123: «Omnes jam sic peregrinantur, ut illos Numidarum præcurrat equitatus, ut agmen cursorum anteedat.»

XLI. 1. Ut Virgil. *Æn.* V, 304: *Impingeret agmina muris Trojana Achilles.*

Othonianos pavidi duces, miles ducibus infensus, mixta vehicula et lixæ, et præruptis utrimque fossis via quieto quoque agmini angusta. circum-sistere alii signa sua, quærere alii; incertus undique clamor accurrentium, volitantium; et ut cuique audacia vel formido, in primam postremamve aciem prorumpebant aut relabebantur.

XLII. Attonitas subito terrore mentes falsum gaudium in languorem vertit, repertis qui *descivisse a Vitellio exercitum* ementirentur. is rumor ab exploratoribus Vitellii dispersus, an in ipsa Othonis parte seu dolo seu forte surrexerit, parum compertum. omisso pugnæ ardore Othoniani ultro salutavere; et hostili murmure excepti, plerisque suorum ignaris quæ causa salutandi, metum prodicionis fecere. tum incubuit hostium acies integris ordinibus, robore et numero præstantior: Othoniani, quamquam dispersi, pauciores, fessi, prælium tamen acriter sumpsere. et per locos arboribus ac vineis impeditos ¹ non una pugnæ facies. cominus eminus catervis et cuneis concurrebant. in aggere viæ ² collato gradu corporibus et umbonibus niti, omisso pilorum jactu, gladiis et securibus galeas loricasque perrumpere: noscentes ³ inter se, ceteris conspici ⁴, in eventum totius belli certabant.

XLIII. Forte inter Padum viamque patenti campo duæ legiones congressæ sunt, pro Vitellio unaetvicesima, cui cognomen *Rapaci*, vetere gloria insignis; e parte Othonis prima *Adjutrix*, non ante in aciem deducta, sed ferox et novi decoris avida. primani stratis unaetvicesimanorum principiis ¹ aquilam abstulere; quo dolore accensa legio et impulit rursus primanos, interfecto Orphidio Benigno legato, et plurima signa vexillaque ex hostibus rapuit. a parte alia ² propulsa quintanorum impetu tertiadecima legio; circumventi plurium accursu quartadecimani. et ducibus Othonis jam pridem profugis, Carcina ac Valens subsidiis suos firmabant. accessit recens auxilium Varus Alphenus ³ cum Batavis, fusa gladiatorum manu, quam navibus transvectam oppositæ cohortes in ipso flumine trucidaverant. ita victores latus hostium invecti.

XLIV. Et media acie perrupta fugere passim Othoniani, Bedriacum petentes. immensum id spatium ¹; obstructæ strage corporum viæ. quo plus cædis fuit: neque enim civilibus bellis capti in prædam vertuntur. Suetonius Paulinus et Licinius Proculus diversis itineribus castra vitavere ². Vedium Aquilam, tertiadecimæ legionis legatum, iræ militum inconsultus pavor obtulit. multo adhuc die ³ vallum ingressus clamore seditiosorum et fugacium circumstrepitur; non probris, non manibus abstinens; *desertorem proditoremque* increpant, nullo proprio crimine ejus, sed more vulgi, suum quisque flagitium aliis objectantes. Titianum et Celsum nox juvit, dispositis jam excubiis compressisque militibus, quos Annius Gallus consilio, precibus, auctoritate flexerat, *ne super cladem adversa*

XLII. 1. Vid. c. 25. — 2. Postumiæ, ut c. 24. Compara Plutarchi narrationem hujus pugnæ c. 11 seqq. — 3. Sc. se: γνωρίζοντες ἀλλήλους. — 4. Utpote in aggere.

XLIII. 1. Primis ordinibus, προμάχοις apud Plutarchum. — 2. In sinistro cornu Othonianorum. — 3. Conf. c. 29 et 33.

XLIV. 1. Plutarcho 150 stadia. — 2. Militum metu, culpam in duces vertentium, addit Plutarchus. — 3. Quum multa diei pars superesset.

pugnæ suismet ipsi cædibus sævirent : sive finis bello venisset seu resumere arma mallent, unicum victis in consensu levamentum. ceteris fractus animus : prætorianus miles non virtute se, sed proditione victum fremebat : « ne Vitellianis quidem incruentam fuisse victoriam, « pulso equite, rapta legionis aquila; superesse cum ipso Othone militum « quod trans Padum fuerit; venire Mœsicas legiones; magnam exercitus « partem Bedriaci remansisse : hos certe nondum victos, et, si ita ferret, « honestius in acie perituros. » his cogitationibus truces aut pavidæ extrema desperatione, ad iram sæpius quam in formidinem stimulabantur.

XLV. At Vitellianus exercitus ad quintum a Bedriaco lapidem consedit, non ausis ducibus eadem die oppugnationem castrorum; simul voluntaria deditio sperabatur. sed expeditis et tantum ad prælium egressis¹ munimentum fuere arma et victoria. postera die, haud ambigua Othoniani exercitus voluntate, et qui ferociores fuerant, ad poenitentiam inclinantibus, missa legatio; nec apud duces Vitellianos dubitatum quominus pacem concederent. legati paulisper retenti. ea res hæsitacionem attulit ignaris adhuc an impetrassent. mox remissa legatione patuit vallum. tum victi victoresque in lacrimas effusi, sortem civilium armorum misera lætitia detestantes. iisdem tentoriis alii fratrum, alii propinquorum vulnera fovebant. spes et præmia in ambiguo, certa funera et luctus. nec quisquam adeo mali expers ut non aliquam mortem mœreret. requisitum Orphidii legati² corpus honore solito crematur; paucos necessarii ipsorum sepe vivere; ceterum vulgus super humum relictum.

XLVI. Opperiebatur Otho nuntium pugnæ nequaquam trepidus et consilii certus. mœsta primum fama, dein profugi e prælio perditas res patefaciunt. non expectavit militum ardor vocem Imperatoris. *bonum haberet animum* jubebant: *superesse adhuc novas vires, et ipsos extrema passuros ausurosque.* neque erat adulatio: ire in aciem, excitare partium fortunam furore quodam et instinctu flagrabant. qui procul astiterant, tendere manus, et proximi prensare genua, promptissimo Plotio Firmo. is prætorii præfectus identidem orabat *ne fidissimum exercitum, ne optime meritos milites desereret: majore animo tolerari adversa quam relinqui; fortes et strenuos etiam contra fortunam insistere spei, timidos et ignavos ad desperationem formidine properare.* quas inter voces ut flexerat vultum aut induraverat¹ Otho, clamor et gemitus. nec prætoriani tantum, proprius Othonis miles, sed præmissi e Mœsia eandem obstinationem adventantis exercitus, legiones Aquileiam ingressas nuntiabant; ut nemo dubitet potuisse renovari bellum atrox, lugubre, incertum victis et victoribus.

XLVII. Ipse aversus a consiliis belli, « Hunc », inquit, « animum, hanc « virtutem vestram ultra periculis objicere nimis grande vitæ meæ pretium « puto. quanto plus spei ostenditis, si vivere placeret, tanto pulchrior « mors erit. experti invicem sumus, ego ac fortuna¹, nec tempus compu-

XLV. 1. Conf. ad c. 40 init.—2. Vid. c. 45.

XLVI. 1. Ut (prout) vultu significaverat his vocibus se commoveri aut constantem manere in proposito.

XLVII. 1. Ego fortunam expertus sum, Imperator factus; fortuna me, modestum et

« taveritis : difficilius est temperare felicitati, qua te non putes diu usu-
 « rum. civile bellum a Vitellio cœpit, et ut de principatu certaremus
 « armis, initium illic² fuit : ne plus quam semel certemus, penes me
 « exemplum erit. hinc Othonem posteritas æstimet. fruetur Vitellius
 « fratre, conjuge, liberis : mihi non ultione neque solatiis opus est. aliæ
 « diutius imperium tenuerint : nemo tam fortiter reliquerit. an ego tantum
 « Romanæ pubis, tot egregios exercitus sterni rursus et reipublicæ eripi
 « patiar? eat hic mecum animus³, tamquam perituri pro me fueritis. sed
 « este superstites. nec diu moremur, ego incolumitatem vestram, vos
 « constantiam meam. plura de extremis loqui pars ignaviæ est. præci-
 « puum destinationis meæ documentum habete quod de nemine queror.
 « nam incusare deos vel homines ejus est qui vivere velit. »

XLVIII. Talia locutus, ut cuique ætas aut dignitas, comiter appellatos,
irent prope neu remanendo iram victoris asperarent, juvenes aucto-
 ritate, senes precibus movebat, placidus ore, intrepidus verbis, intem-
 pestivas suorum lacrimas coercens. *dari naves ac vehicula abeuntibus*
 jubet; libellos epistolasque studio erga se aut in Vitellium contumeliis in-
 signes abolet; pecunias distribuit parce nec ut periturus. mox Salvium
 Cocceianum, fratris filium, prima juvenia, trepidum et mœrentem ultro
 solatus est, laudando *pietatem* ejus, castigando *formidinem* : « an Vitel-
 « lium tam inmitis animi fore ut pro incolumi tota domo ne hanc quidem
 « sibi gratiam redderet? mereri se festinato exitu clementiam victoris, non
 « enim ultima desperatione, sed poscente prælium exercitu, remisisse
 « reipublicæ novissimum casum. satis sibi nominis, satis posteris suis
 « nobilitatis quæsitus. post Julios, Claudios, Servios¹ se primum in
 « familiam novam imperium intulisse. proinde erecto animo capesseret
 « vitam, neu patrum sibi Othonem fuisse aut oblivisceretur unquam aut
 « nimium meminisset². »

XLIX. Post quæ dimotis omnibus paulum requievit. atque illum supre-
 mas jam curas animo volutantem repens tumultus avertit, nuntiata con-
 sternatione ac licentia militum. namque abeuntibus exitium minitabantur,
 atrocissima in Verginium vi, quem clausa domo obsidebant. increpitis se-
 ditionis auctoribus regressus vacavit abeuntium alloquiis, donec omnes
 inviolati digrederentur. vespascente die sitim haustu gelidæ aquæ se-
 davit. tum allatis pugionibus duobus, quum utrumque pertentasset,
 alterum capiti subdidit. et explorato jam profectos amicos, noctem quie-
 tam, utque affirmatur, non insomnem egit¹. luce prima in ferrum pectore
 incubuit. ad gemitum morientis ingressi liberti servique et Plotius Firmus
 prætorii præfectus unum vulnus invenere. Funus maturatum. ambitiosis²
 id precibus petierat, *ne amputaretur caput ludibrio futurum*. tulere
 corpus prætoriae cohortes cum laudibus et lacrimis, vulnus manusque
 ejus exosculantes. quidam militum juxta rogum interfecere se, non noxa

probum Imperatorem.—2. In illo, illius partibus. — 3. Persuasio.

XLVIII. 1. Julii, Augustus, Tiberius, Caligula; Claudii, Claudius, Nero; Servii,
 Galba. Otho imperium in *Salvios* intulit.—2. *Nimum meminisse* visus est Domitiano,
 qui interfici jussit, quod patrum natalem celebraverat; Sueton. c. 10.

XLIX. 1. Ita, quantum ad mortem, cum Catone Othonem comparare potuit Martialis
 VI, epigr. 32.—2. Studiosissimis.

neque ob metum, sed æmulatione decoris et caritate Principis. ac postea promiscue Bedriaci, Placentiæ aliisque in castris celebratum id genus mortis. Othoni sepulcrum exstructum est modicum et mansurum.

L. Hunc vitæ finem habuit septimo et tricesimo ætatis anno. origo illi e municipio Ferentio, pater consularis, avus prætorius; maternum genus impar, nec tamen indecorum¹. pueritiâ ac juventa, qualem monstravimus². duobus facinoribus, altero flagitiosissimo, altero egregio, tantundem apud posteros meruit bonæ famæ quantum malæ. ut conquirere fabulosa et fictis oblectare legentium animos procul gravitate cœpti operis crediderim, ita vulgatis traditisque demere fidem non ausim. *die quo Bedriaci certabatur, avem invisitata specie apud Regium Lepidum celebri luco consedissee incolæ memorant, nec deinde cœtu hominum aut circumvolitantium alitum territam pulsamve, donec Otho se ipse interficeret; tum ablatam ex oculis; et tempora reputantibus initium finemque miraculi cum Othonis exitu competisse.*

LI. In funere ejus novata luctu ac dolore militum seditio. nec erat qui coereret. ad Verginium versi, modo *ut reciperet imperium*, nunc *ut legatione apud Cæcinam ac Valentem fungeretur*, minitantes orabant. Verginius per aversam domus partem furtim degressus irrumpentes frustratus est. Earum, quæ Brixelli egerant, cohortium preces Rubrius Gallus tulit, et venia statim impetrata concedentibus ad victorem per Flavium Sabinum iis copiis quibus præfuerat.

LII. Posito ubique bello magna pars senatus extremum discrimen adiit, profecta cum Othone ab Urbe, dein Mutinæ relicta. illuc adverso de prælio allatum. sed milites ut falsum rumorem aspernantes, quod infensum Othoni senatum arbitrabantur, custodire sermones, vultum habitumque trahere in deterius; conviciis postremo ac probris causam et initium cædis quærebant, quum alius insuper metus senatoribus instaret, ne prævalidis jam Vitellii partibus cunctanter excepsisse victoriam crederentur. ita trepidi et utrimque¹ anxii coeunt, nemo privatim expedito consilio,² inter multos societate culpæ tutior. onerabat paventium curas ordo Mutinensis³ *arma et pecuniam* offerendo, appellabatque *patres conscriptos* intempestivo honore.

LIII. Notabile jurgium fuit, quo Licinius Cæcina Marcellum Eprium¹ *ut ambigua disserentem* invasit. nec ceteri sententias aperiebant: sed invisum memoriâ delationum expositumque ad invidiam Marcelli nomen irritaverat Cæcinam, ut novus adhuc et in senatum nuper ascitus magnis inimicitis claresceret. moderatione meliorum dirempti. et rediere omnes Bononiam, rursus consiliaturi; simul medio temporis plures nuntii sperabantur. Bononiæ, divisus per itinera qui recentissimum quemque percunctarentur, interrogatus Othonis libertus, *causam digressus habere se suprema ejus mandata* respondit; *ipsum viventem quidem relictum, sed*

L. Ordinis equestris, ex Albia Terentia.—2. I, 13.

LII. 1. Et ab Othonis et a Vitellii militibus.—2. Hic, ex vocabulo *nemo*, intelligendum quisque, phrasi in positivam orationem conversa.—3. Decuriones Mutinensium.

LIII. 1. De quo *Ann.* XVI, 22, 23, 33.—2. Sola restante famæ suæ apud posteros cura

*sola posteritatis cura*² et abruptis vitæ blandimentis. hinc admiratio et plura interrogandi pudor; atque omnium animi in Vitellium inclinavere.

LIV. Intererat consiliis frater ejus L. Vitellius, seque jam adulantibus offerebat, quum repente Cœnus libertus Neronis atroci mendacio universos perculit, affirmans *superventu quartædecimæ legionis, junctis a Brixello viribus, cæsos victores, versam partium fortunam*. causa fingendi fuit ut diplomata¹ Othonis, quæ negligebantur, lætiore nuntio revalerent. et Cœnus quidem rapide in Urbem vectus paucos post dies jussu Vitellii pœnas luit. senatorum periculum auctum, credentibus Othonianis militibus vera esse quæ afferebantur. intendebat formidinem quod publici consilii facie discessum Mutina desertæque partes forent. nec ultra in commune congressi sibi quisque consulere, donec missæ a Fabio Valente epistolæ demerent metum. et mors Othonis quo laudabilior, eo velocius audita.

LV. At Romæ nihil trepidationis; Cereales ludi¹ ex more spectabantur. ut cessisse² Othonem, et a Flavio Sabino præfecto Urbis, quod erat in Urbe militum, sacramento Vitellii adactum certi auctores in theatrum attulerunt, Vitellio plausere; populus cum lauro ac floribus Galbæ imagines circum templa tulit, congestis in modum tumuli coronis juxta lacum Curtii, quem locum Galba moriens sanguine infecerat³. in senatu cuncta longis aliorum principatibus composita statim decernuntur. additæ erga Germanicos exercitus laudes gratesque, et missa legatio quæ gaudio fungeretur⁴. recitatæ Fabii Valentis epistolæ ad consules scriptæ haud immoderatæ: gratior Cæcinæ modestia fuit, quod non scripsisset⁵.

LVI. Ceterum Italia gravius atque atrocius quam bello afflictabatur. dispersi per municipia et colonias Vitelliani spoliare, rapere, vi et stupris polluere. in omne fas nefasque avidi aut venales non sacro, non profano abstinebant. et fuere qui inimicos suos specie militum interficerent. ipsique milites regionum gnari refertos agros, dites dominos in prædam aut, si repugnatum foret, ad excidium destinabant, obnoxiiis ducibus et prohibere non ausis. minus avaritiæ in Cæcina, plus ambitionis: Valens ob lucra et quæstus infamis eoque alienæ etiam culpæ dissimulator. jam pridem attritis Italiæ rebus tantum peditum equitumque, vis damnaque et injuriæ ægre tolerabantur.

LVII. Interim Vitellius victoriæ suæ nescius ut ad integrum bellam reliquas Germanici exercitus vires trahebat. pauci veterum militum in hibernis relictî, festinatis per Gallias delectibus, ut remanentium legionum nomina¹ supplerentur. Cura ripæ² Hordeonio Flacco permissa: ipse e Britannico delectu octo millia sibi adjunxit. et paucorum dierum iter

LIV. 1. Proprie chartæ duplicatæ; hic illæ quibus Otho et ejus nomine magistratus usum equorum certis locis ad publicas necessitates dispositorum suis permiserant.

LV. 1. Medio Aprilis celebrati. V. Ovid. *Fastor.* IV, 389 seqq. — 2. Concessisse, sponte obisse. — 3. Vid. I, 41. — 4. Attende aculeum locutionis. — 5. Quare, simili occasione disertius expressit Tacitus, IV, 4.

LVII. 1. Legiones quæ, militibus multis in Italiam missis jam nihil fere nisi nomina erant. — 2. Sc. Rheni.

progressus *prosperas apud Bedriacum res ac morte Othonis concidisse bellum* accepit. vocata concione virtutem militum laudibus cumulat. postulante exercitu *ut libertum suum Asiaticum equestri dignitate donaret*, inhonestam adulationem compescit. dein mobilitate ingenii, quod palam abnuerat, inter secreta convivii largitur honoravitque Asiaticum annulis³, fœdum mancipium et malis artibus ambitiosum.

LVIII. Iisdem diebus *accessisse partibus utramque Mauretaniam interfecto procuratore Albino* nuntii venere. Luceius Albinus a Nerone Mauretaniae Cæsariensi præpositus, addita per Galbam Tingitanæ provinciae administratione, haud spernendis viribus agebat. decem novem cohortes, quinque alæ, ingens Maurorum numerus aderat, per latrocinia et raptus apta bello manus. cæso Galba in Othonem pronus nec Africa contentus Hispaniæ angusto freto diremptæ imminebat. inde Cluvio Rufo metus; et *decimam legionem propinquare littori* ut transmissurus jussit. præmissi centuriones qui Maurorum animos Vitellio conciliarent. neque arduum fuit, magna per provincias Germanici exercitus fama. spargebatur insuper, *spreto procuratoris vocabulo Albinum insigne regis et Jubæ nomen usurpare*.

LIX. ita mutatis animis Asinius Pollio, alæ præfectus e fidissimis Albino, et Festus ac Scipio cohortium præfecti opprimuntur. ipse Albinus, dum e Tingitana provincia Cæsariensem Mauretaniam petit, impulsu littoris¹ trucidatus. uxor ejus, quum se percussoribus obtulisset, simul interfecta est. nihil eorum quæ fierent Vitellio anquirente, brevi auditu quamvis magna transibat, impar curis gravioribus. *exercitum itinere terrestri pergere jubet*: ipse Arare flumine devehitur, nullo principali paratu, sed vetere egestate conspicuus, donec Junius Blæsus, Lugdunensis Galliæ rector, genere illustri, largus animo et par opibus, circumdaret² Principi ministeria, comitaretur liberaliter, eo ipso ingratus, quamvis odium Vitellius vernilibus blanditiis velaret. præsto fuere Lugduni victricum victarumque partium duces. Valentem et Cæcinam pro concione laudatos curuli suæ circumposuit. mox *universum exercitum occurrere infanti filio* jubet; perlatumque et paludamento opertum sinu retinens *Germanicum* appellavit cinxitque cunctis fortunæ principalis insignibus. nimius honos inter secunda, rebus adversis in solatium cessit³.

LX. Tum interfecti centuriones promptissimi Othonianorum; unde præcipua in Vitellium alienatio per Illyricos exercitus. simul ceteræ legiones contactu et adversus Germanicos milites invidia bellum meditabantur. Suetonium Paulinum ac Licinium Proculum tristi mora squalidos tenuit¹, donec auditi necessariis magis defensionibus quam honestis uterentur. positionem ultro imputabant², *spatium longi ante prælium itineris, fatigationem Othonianorum, permixtum vehiculis agmen ac*

— 3. *Annulus* erat insigne Equitum.

LIX. 1. Appellendo ad littus, appellens littori.—2. Suls videlicet sumptibus.—3. Pro solatio habebatur quasi pensatio adversarum rerum nimis cito ingruentium; v. IV, 80. Sic Agricola *festinata mortis grande solatium tulit evasisse postrema Domitiani*.

LX. 1. Morose et superbe audiendæ defensionis tempus differens, eos detinuit reos, qui squalidi, sordidati etc. dicuntur, ut *Ann.* II, 29 et alibi vidimus.—2. Sc. Vitellio, qui

*pleraque fortuita fraudi suæ assignantes. et Vitellius credidit de perfidia et fidem*³ *absolvit. Salvius Titianus Othonis frater nullum discrimen adiit, pietate et ignavia excusatus. Mario Celso consulatus servatur. sed creditum fama*⁴ *objectumque mox in senatu Cæcilio Simplici, quod eum honorem pecunia mercari nec sine exilio Celsi voluisset. restitit Vitellius deditque postea consulatum Simplici innoxium et inemptum. Trachalum*⁵ *adversus criminantes Galeria uxor Vitellii protexit.*

LXI. Inter magnorum virorum discrimina (pudendum dictu) Mariccus quidam e plebe Boiorum inserere sese fortunæ et provocare arma Romana simulatione numinum¹ ausus est. jamque *assertor Galliarum et deus* (nam id² sibi indiderat) concitis octo millibus hominum proximos Æduorum pagos trahebat³, quum gravissima civitas electa juventute, adjectis a Vitellio cohortibus fanaticam multitudinem disjecit. captus in eo prælio Mariccus ac mox feris objectus quia non laniabatur, stolidum vulgus inviolabilem credebatur, donec spectante Vitellio interfectus est.

LXII. Nec ultra in defectores¹ aut bona cujusquam sævitum. rata fuere eorum qui acie Othoniana ceciderant testamenta, aut lex intestatis. prorsus, si luxuriæ temperaret, avaritiam non timeres. epularum fœda et inexplabilis libido: ex Urbe atque Italia irritamenta gulæ gestabantur, strepentibus ab utroque mari² itineribus; exhausti conviviorum apparatus principes civitatum; vastabantur ipsæ civitates; degenerabat a labore ac virtute miles assuetudine voluptatum et contemptu ducis. præmisit in Urbem edictum quo vocabulum *Augusti* differret, *Cæsaris* non reciperet, quum de potestate³ nihil detraheret. pulsi Italia mathematici⁴. cautum severe *ne Equites Romani ludo*⁵ *et arena polluerentur*. priores id Principes pecunia et sæpius vi perpulerant; ac pleraque municipia et coloniae amulabantur corruptissimum quemque adolescentium pretio illicere.

LXIII. Sed Vitellius adventu fratris et irrepentibus dominationis magistris superbior et atrocior occidi Dolabellam jussit, quem in coloniam Aquinatem sepositum ab Othone retulimus¹. Dolabella audita morte Othonis Urbem introierat. id ei Plancius Varus prætura functus, ex intimis Dolabellæ amicis, apud Flavium Sabinum præfectum Urbis objecit, *tanquam rupta custodia ducem se victis partibus ostentasset. addidit tentatam cohortem quæ Ostiæ ageret; nec ullis tantorum criminum probationibus*², in pœnitentiam versus seram veniam post scelus quæ-

hujus proditionis ipsis gratiam referret. V. dicta ad 4, 71, de hac locutione.—3. Sc. priorem eorum erga Othonem; eos hoc crimine absolvit.—4. Quia fama ejus rei obtinebat.—5. De quo ad I, 90.

LXI. Sc. annuentium, id volentium. 2.—Sc. nomen, quod substantivum verbo *indiderat*, in hac re proprio, satis monstratum.—3. In partes suas. *Gravis*, animi constans, non fanaticismi aut levium affectuum ludibrium.

LXII. 1. Othonianos, quippe qui a Galba defecerant.—2. Supero et infero, Adriatico et Tyrrheno. Singula de prodigiosa gulæ Vitellianæ luxuria legi possunt ap. Sueton. c. 10, 15, Dionem Cass. LXV init.—3. Quæ quidem nominibus illis inerat.—4. Qui Vitellii edicto, *intra kalendas octobres Urbe Italiaque excederent*, suum ἀντέπηξαν: *Et Chaldaeos dicere: Bonum factum, ne Vitellius Germanicus intra eundem kalendarum diem usquam esset*. Sueton. c. 14. Paululo tamen diutius vixit Vitellius.—5. Gladiatorio.

LXIII. 1. I, 83.—2. Quum probationes, documenta non essent.

rebat. cunctantem super tanta re Flavium Sabinum Triaria L. Vitellii uxor, ultra feminam ferox, terruit³ e periculo Principis famam clementiae affectare. Sabinus suoapte ingenio mitis, ubi formido incessisset, facilis mutatu et in alieno discrimine sibi pavens, ne allevasse videretur, impulit ruentem.

LXIV. Igitur Vitellius metu et odio, quod Petroniam uxorem ejus mox Dolabella in matrimonium acceperat, vocatum per epistolas *vitata Flaminiae via celebritate devertere Interamnium atque ibi interfici* jussit. longum interfectori visum: in itinere ac taberna projectum humi jugulavit magna cum invidia novi principatus, cujus hoc primum specimen noscebatur. Et Triariae licentiam modestum e proximo exemplum onerabat, Galeria Imperatoris uxor non immixta tristibus¹, et pari probitate mater Vitelliorum Sextilia, antiqui moris, dixisse quin etiam ad primas filii sui epistolas ferebatur *non Germanicum a se, sed Vitellium genitum*. nec ullis postea fortunae illecebris aut ambitu civitatis² in gaudium evicta domus suae tantum adversa sensit.

LXV. Digressum a Lugduno Vitellium M. Cluvius Rufus assequitur omissa Hispania, laetitiam et gratulationem vultu ferens, animo anxius et petatum se criminationibus guarus. Hilarius Caesaris libertus detulerat, *tanquam audito Vitellii et Othonis principatu propriam ipse potentiam et possessionem Hispaniarum tentasset, eoque diplomatibus¹ nullum Principem praescripsisset*. interpretabatur quaedam ex orationibus ejus contumeliosa in Vitellium, et pro se ipso popularia. auctoritas Cluvii praevaluit, ut puniri ultro libertum suum Vitellius juberet. Cluvius comitatus Principis adjectus, non adempta Hispania, quam rexit absens exemplo L. Arruntii. eum Tiberius Caesar ob metum², Vitellius Cluvium nulla formidine retinebat. non idem Trebellio Maximo³ honos. profugerat Britannia ob iracundiam militum: missus est in locum ejus Vettius Bolanus e praesentibus.

LXVI. Angebat Vitellium victarum legionum haudquaquam fractus animus. sparsae per Italiam et victoribus permixtae hostilia loquebantur, praecipua quae: *tadecimanorum ferocia, qui se victos abnuebant, quippe Bedriacensi acie vexillariis tantum pulsus vires legionis non affuisse*. Remitti eos in Britanniam, unde a Nerone exciti erant, placuit, atque interim Batavorum cohortes una tendere¹, ob veterem adversus quartadecimanos discordiam. nec diu in tantis armatorum odiis quies fuit. Augustae Taurinorum dum opificem quendam Batavus ut fraudatorem insectatur, legionarius ut hospitem tuetur, sui cuique commilitones aggregati a conviciis ad caedem transiere. et praelium atrox exarsisset, ni duae praetoriae cohortes causam quartadecimanorum secutae his fiduciam et metum Batavis fecissent *quos Vitellius agmini suo jungi ut fidos, legionem Grajus Alpibus traductam eo flexu itineris ire jubet, quo Viennam*

—5. Terrendo prohibuit.

LXIV. 1. Non particeps ullius facti aut consilii tristis. — 2. Effuso gratulantium et adulantium studio.

LXV. 1. De quibus dictum ad c. 54. V.—2. De qua re *Annal.* VI, 27.—3. De quo I, 60.

LXVI. 1. Degere. De mutuo odio c. 27; I, 59, 64.

vitarent. namque et Viennenses timebantur. Nocte, qua proficiscebatur legio, relictis passim ignibus pars Taurinæ Colonæ ambusta : quod damnum ut pleraque bellis mala majoribus aliarum urbium cladibus obliterratum. Quartadecimani postquam Alpibus degressi sunt, seditiosissimus quisque signa Viennam ferebant. consensu meliorum compressi et legio in Britanniam transvecta.

LXVII. Proximus Vitellio e prætoriis cohortibus metus erat. separati primum, deinde addito honestæ missionis lenimento arma ad tribunos suos deferebant, donec motum a Vespasiano bellum crebresceret : tum resumpta militia robur Flavianarum partium fuere. prima classicorum legio in Hispaniam missa, ut pace et otio mitesceret ; undecima ac septima suis hibernis redditæ ; tertiadecimani struere amphitheatra jussi. nam Cæcina Cremonæ, Valens Bononiæ spectaculum gladiatorum edere parabant, nunquam ita ad curas intento Vitellio ut voluptatum oblivisceretur.

LXVIII. Et quidem partes modeste distraxerat : apud victores orta seditio, ludicro initio, nisi numerus cæsorum invidiam bello auxisset. discubuerat ¹ Vitellius Ticini adhibito ad epulas Verginio. legati tribunique ex moribus Imperatorum severitatem æmulantur vel tempestivis ² conviviis gaudent ; perinde miles intentus aut licenter agit. apud Vitellium omnia indisposita, temulenta, pervigiis ac bacchanalibus quam disciplinæ et castris propiora. Igitur duobus militibus, altero legionis quintæ, altero e Gallis auxiliariis, per lasciviam ad certamen luctandi accensis, postquam legionarius prociderat, insultante Gallo, et iis qui ad spectandum convenerant in studia diductis, erupere legionarii in perniciem auxiliorum, ac duæ cohortes interfectæ. remedium tumultus fuit alius tumultus. pulvis procul et arma aspiciebantur : conclamatum repente quartam decimam *legionem verso itinere ad prælium venire*. sed erant agminis coactores ³ : agniti dempsere sollicitudinem. interim Verginii servus forte obviis ut *percussor Vitellii* insimulatur. et ruebat ad convivium miles *mortem Verginii* exposcens. ne Vitellius quidem, quamquam ad omnes suspensiones pavidus, de innocentia ejus dubitavit. ægre tamen cohibiti qui exitium consularis et quondam ducis sui flagitabant. nec quenquam sæpius quam Verginium omnis seditio infestavit. manebat admiratio viri et fama : sed oderant ut fastiditi ⁴.

LXIX. Postero die Vitellius, senatus legatione quam ibi opperiri jusserat audita, transgressus in castra ultro *pietatem militum* collaudavit, frementibus auxiliis *tantum impunitatis atque arrogantiae legionariis accessisse*. Batavorum cohortes ne quid truculentius auderent, in Germaniam remissæ, principium interno simul externoque bello parantibus fati ¹. reddita civitatibus Gallorum auxilia, ingens numerus et prima statim defectione inter inania ² belli assumptus. Ceterum ut largitionibus affectæ jam imperii opes sufficerent, *amputari legionum auxiliorumque numeros*

LXVIII. 1. Proprium verbum de accumbentibus ad cœnam. — 2. Ante solitam otii horam initis. — 3. Qui *cogunt*, claudunt agmen. — 4. Quippe quibus morem non gesserit imperium offerentibus.

LXIX. 1. Civilis tumultum, qui quarto libro narrabitur. — 2. Speciem magis quam vim habentia.

jubet, vetitis supplementis; et promiscuæ missiones offerebantur. exitiabile id reipublicæ, ingratum militi, cui eadem munia inter paucos, periculaque ac labor crebrius redibant. et vires luxu corrumpébantur, contra veterem disciplinam et instituta majorum, apud quos virtute quam pecunia res Romana melius stetit.

LXX. Inde Vitellius Cremonam flexit, et spectato munere ¹ Cæcinæ insistere Bedriacensibus campis ac vestigia recentis victoriæ lustrare oculis concupivit. fœdum atque atrox spectaculum. intra quadragesimum pugnae diem lacera corpora, trunci artus, putres virorum equorumque formæ, infecta tabo humus, protritit arboribus ac frugibus dira vastitas. nec minus inhumana pars viæ, quam Cremonenses lauru rosisque constraverant, exstructis altaribus cæsisque victimis regium in morem; quæ læta in præsens, mox perniciem ipsis fecere. aderant Valens et Cæcina monstrabantque pugnae locus: *hinc irrupisse legionum* ² *agmen, hinc equites coortos, inde circumfusas auxiliorum manus.* jam tribuni præfectique, sua quisque facta extollentes, falsa, vera aut majora vero miscebant. vulgus quoque militum clamore et gaudio deflectere via, spatia certaminum recognoscere, aggerem armorum, strues corporum intueri, mirari. et erant quos varia fors rerum lacrimæque et misericordia subiret. at non Vitellius flexit oculos, nec tot millia insepultorum civium exhorruit ³. lætus ultro et tam propinquæ sortis ignarus instaurabat sacrum diis loci.

LXXI. Exin Bononiæ a Fabio Valente gladiatorum spectaculum editur, advecto ex Urbe cultu. quantoque magis propinquabat, tanto corruptius iter, immixtis histrionibus et spadonum gregibus et cetero Neronianæ aulæ ingenio. namque et Neronem ipsum Vitellius admiratione celebrabat, sectari cantantem solitus, non necessitate, qua honestissimus quisque, sed luxu et saginæ mancipatus emptusque ¹. ut Valenti et Cæcinæ vacuos honoris menses aperiret, coarctati aliorum consulatus ², dissimulatus Marci Macri tamquam Othonianarum partium ducis; et Valerium Marinum destinatum a Galba consulem distulit, nulla offensa, sed mitem et injuriam segniter laturum. Pedanius Costa omittitur, ingratus Principi ut adversus Neronem ausus et Verginii exstimulator: sed alias protulit causas. actæque insuper Vitellio gratiæ consuetudine servitii.

LXXII. Non ultra paucos dies quamquam acribus initiis cœptum mendacium valuit. exstiterat quidam Scribonianum se *Camerinum* ferens, *Neronianorum temporum metu in Histria occultatum, quod illic clientelæ et agri veterum Crassorum ac nominis favor manebat.* igitur deterrimo quoque in argumentum fabulæ assumpto vulgus credulum et quidam militum errore veri seu turbarum studio certatim aggregabantur, quum pertractus ad Vitellium interrogatusque *quisnam mortalium esset,*

LXX. 1. Gladiatorio; v. 67.—2. Vitellianorum.—3. « Abhorrentes quosdam cadaverum tabem, detestabili voce confirmare ausus est: *optime olere occisum hostem, et melius civem.* Et ad leniendam odoris gravitatem plurimum meri propalam hausit, passimque divisit pari vanitate atque insolentia. » *Sueton. c. 10.*

LXXI. 1. Dicitur solet *venditus et emancipatus*; amarius est *emptus*: quem luxus et sagina lenociniis emerant et suum fecerant.—2. Relati supra I, 77.

postquam nulla dictis fides et a domino noscebatur, conditione fugitivus nomine *Geta*, sumptum de eo supplicium servilem in modum.

LXXIII. Vix credibile memoratu est quantum superbiæ socordiaeque Vitellio adoleverit, postquam speculatores e Syria Judæaque *adactum in verba ejus Orientem* nuntiavere. nam etsi vagis adhuc et incertis auctoribus, erat tamen in ore famaue Vespasianus, ac plerumque ad nomen ejus Vitellius excitabatur. tum ipse exercitusque ut nullo æmulo sævitia, libidine, raptu in externos mores proruperant.

LXXIV. At Vespasianus bellum armaque et procul vel juxtà sitas vires circumspectabat. miles ipsi adeo paratus, ut præeuntem sacramentum et fausta Vitellio omnia precantem per silentium audierint. Muciani animus nec Vespasiano alienus et in Titum pronior¹. præfectus Ægypti Tiberius Alexander consilia sociaverat². tertiam legionem, quod e Syria in Mœsiam transisset, suam numerabat. ceteræ Illyrici legiones secuturæ sperabantur; namque omnes exercitus flammaverat arrogantia venientium a Vitellio militum, quod truces corpore, horridi sermone ceteros ut impares irridebant. sed in tanta mole belli plerumque cunctatio; et Vespasianus modo in spem erectus, aliquando adversa reputabat: « quis ille « dies foret quo sexaginta ætatis annos et duos filios juvenes bello permit- « teret? esse privatis cogitationibus progressum³, et prout velint, plus « minusve sumi ex fortuna: imperium cupientibus nihil medium inter « summa aut præcipitia. »

LXXV. Versabatur ante oculos Germanici exercitus robur, notum viro militari¹: « suas legiones civili bello inexpertas, Vitellii victrices, et « apud victos plus querimoniarum quam virium. fluxam per discordias « militum fidem, et periculum ex singulis: quid enim profuturas cohætes « alasque, si unus alterque præsentī facinori paratum ex diverso præ- « mium² petat? sic Scribonianum sub Claudio interfectum; sic percus- « sorem ejus Volaginium e gregario ad summa militiæ provectum³. facilius « universos impelli quam singulos vitari. »

LXXVI. His pavoribus nutantem et alii legati amicique firmabant et Mucianus, post multos secretosque sermones jam et coram¹ ita locutus: « Omnes qui magnarum rerum consilia suscipiunt, æstimare debent an « quod inchoatur reipublicæ utile, ipsis gloriosum, aut promptum effectum, « aut certe non arduum² sit. simul ipse qui suadet considerandus est, « adjiciatne consilio periculum suum, et si fortuna cœptis affuerit, cui « summum decus acquiratur. ego te, Vespasiane, ad imperium voco tam « salutare reipublicæ quam tibi magnificum. juxta deos in tua manu po- « situm est. nec speciem adulantis expaveris. a contumelia quam a laude

LXXIV. 1. V. c. 3—7.—2. Conf. I, 11.—3. Substantivum, quod sequentibus exponitur, quasi dictum esset « progressum et, si velis, regressum. » Ob adjecta non opus erat plura dici quam *progressum*.

LXXV. 1. Suetonius c. 4, refert numerum ingentem expeditionum quibus ante hoc tempus interfuerat aut præfuerat Vespasianus. — 2. Premium quod ab adversa parte semper paratum est ei qui præsens facinus, quando postulatur, præstat.—3. De his *Ann.* XII, 62, Sueton. *Claud.* c. 15, 53.

LXXVI. 1. Palam.—2. *Arduum* « est quod est quum difficile, tum molestum et incommodum, et intractabile, quod Græci δυσχερές aut χαλεπόν appellant », *Cellius*, IV, 15.

« propius fuerit³ post Vitellium eligi. non adversus divi Augusti acer-
 « rimam mentem, nec adversus cautissimam Tiberii senectutem, ne con-
 « tra Caii quidem aut Claudii vel Neronis fundatam longo imperio do-
 « mum exurgimus. cessisti etiam Galbæ imagiibus⁴. torpere ultra, et
 « pollundam perdedamque rempublicam relinquere, sopor et ignavia
 « videretur, etiam si tibi, quam inhonesta, tam tuta servitus esset. abiit
 « jam et transvectum est tempus, quo posses videri non cupisse⁵: con-
 « fugiendum est ad imperium. an excidit⁶ trucidatus Corbulo? splendi-
 « dior origine quam nos sumus, fateor: sed et Nero nobilitate natalium
 « Vitellium anteibat. satis clarus est apud timentem quisquis timetur. et
 « posse ab exercitu Principem fieri sibi ipse Vitellius documento, nullis
 « stipendiis, nulla militari fama, Galbæ odio⁷ proventus. Nec Othonem
 « quidem ducis arte aut exercitus vi, sed præpropere ipsius desperatione
 « victum, jam desiderabilem et magnum Principem fecit, quum interim
 « spargit legiones, exarmat cohortes, nova quotidie bello semina mini-
 « strat. si quid ardoris ac ferociæ miles habuit, popinis et comissa-
 « tionibus et Principis imitatione deteritur. tibi e Judæa et Syria et
 « Ægypti novem legiones integræ, nulla acie exhaustæ, non discordia
 « corruptæ, sed firmatus usu miles et belli domitor externi; classium,
 « alarum, cohortium robor, et fidissimi reges, et tua ante omnes
 « experientia.

LXXVII. « Nobis nihil ultra arrogabo quam ne post Valentem ac Cæ-
 « cinam numeremur. ne tamen Mucianum socium spreveris, quia æmu-
 « lum non experiris. me Vitellio antepono, te mihi. tuæ domui triumphale
 « nomen¹, duo juvenes, capax jam imperii alter et primis militiæ annis
 « apud Germanicos quoque exercitus clarus². absurdum fuerit non cedere
 « imperio ei, cujus filium adoptaturus essem, si ipse imperarem. ceterum
 « inter nos non idem prosperarum adversarumque rerum ordo erit. nam
 « si vincimus, honorem quem dederis habebō: discrimen ac pericula ex
 « æquo patiemur. Imo, ut melius est, tuos exercitus³ rege, mihi bellum
 « et præliorum incerta trade. acriore hodie disciplina victi quam victores
 « agunt. hos ira, odium, ultionis cupiditas ad virtutem accendit: illi per
 « fastidium et contumaciam hebescent. aperiet et recludet confecta et
 « tumescentia victricium partium vulnera bellum ipsum⁴. nec mihi major
 « in tua vigilantia, parcimonia, sapientia, fiducia est quam in Vitellii
 « torpore, inscitia, sævitia. sed meliorem in bello causam quam in pace
 « habemus. nam qui deliberant, desciverunt. »

— 5. Magis fuerit non contumelia, quam laus. — 4. Nobilitati generis, quod unum erat meritum Galbæ.—5. Nunc, utpote non ignobilior Vitellio, necessario videberis cupisse regnum, non poteras videri, quum generosioris originis viri imperium tenerent. Hoc tempus præterit, et periculum haud dubium imminet tibi a Vitellio: unicuique ejus per fugum, imperium si capias ipse.—6. Sc. memoriā. De Corbulonis nece a Nerone impe-
 rata narrat Dio LXIII, 17. Corbulonem sero pœnituit « pepercisse tali citharædo ». —
 7. Odio militum adversus Galbam.

LXXVII. 1. A Claudio concessum ob res in Britannia gestas. — 2. Titus, septimum et vicesimum annum agens, tribunus militum in Germania et in Britannia meruerat. — 3. Tibi deditissimos.—4. Demosthenes *Philipp.* I, § 44: Εὐρήσει τὰ σαθρὰ τῶν ἐκείνου πραγμάτων αὐτὸς ὁ πόλεμος.

LXXVIII. Post Muciani orationem ceteri audentius circumsistere, hortari, *responsa vatum*¹ et *siderum motus* referre. nec erat intactus tali superstitione, ut qui mox rerum dominus Seleucum quendam mathematicum rectorem et præscium palam habuerit. recursabant animo vetera omina. cupressus arbor in agris ejus, conspicua altitudine, repente prociderat, ac postera die eodem vestigio resurgens procera et latior virebat. grande id prosperumque consensu haruspicum; et summa claritudo juveni admodum Vespasiano promissa. sed primo triumphalia et consulatus² et Judaicæ victoriæ decus implere fidem ominis videbantur: ut hæc adeptus est, portendi sibi imperium credebat. Est Judæam inter Syriamque Carmelus: ita vocant montem deumque. nec simulacrum deo aut templum: sic tradidere majores, aram tantum et reverentiam. illic sacrificanti Vespasiano, quum spes occultas versaret animo, Basilides sacerdos inspectis identidem extis, *Quicquid est*, inquit, *Vespasiane, quod paras, seu domum exstruere seu prolatare agros sive ampliare servitia, datur tibi magna sedes, ingentes termini, multum hominum*. has ambages³ et statim exceperat fama et tunc aperiebat. nec quicquam magis in ore vulgi. crebriores apud ipsum sermones, quanto sperantibus plura dicuntur.

LXXIX. Haud dubia destinatione discessere Mucianus Antiochiam, Vespasianus Cæsaream: illa Syriæ, hæc Judææ caput¹ est. Initium ferendi ad Vespasianum imperii Alexandriae cæptum, festinante Tiberio Alexandro, qui kalendis Juliis sacramento ejus legiones adegit. isque primus principatus dies in posterum celebratus, quamvis Judaicus exercitus quinto nonas Julias apud ipsum jurasset, eo ardore ut ne Titus quidem filius expectaretur, Syria remeans et consiliorum inter Mucianum ac patrem nuntius. cuncta impetu militum acta, non parata concione, non conjunctis legionibus.

LXXX. Dum quæritur tempus, locus, quodque in re tali difficillimum est, prima vox, dum animo spes, timor, ratio, casus obversantur, egressum cubiculo Vespasianum pauci milites, solito assistentes ordine ut legatum salutaturi, *Imperatorem* salutavere. tum ceteri accurrere, *Cæsarem* et *Augustum* et omnia principatus vocabula cumulare. mens¹ a metu ad fortunam transierat. in ipso nihil tumidum, arrogans aut in rebus novis novum fuit. ut primum tantæ multitudinis offusam oculis caliginem disjecit², militariter locutus læta omnia et affluentia excepit. namque id ipsum opperiens Mucianus alacrem militem in verba Vespasiani adegit. tum Antiochensium theatrum ingressus, ubi illis³ consultare mos est, concurrentes et in adulationem effusos alloquitur, satis decorus etiam Græca facundia, omniumque quæ diceret atque ageret arte quadam ostentator. nihil æque provinciam exercitumque accendit quam quod

LXXVIII. 1. Conf. I, 10; II, 4. — 2. Quem gessit « per duos novissimos anni menses » sub Claudio, Sueton. c. 4. — 3. Responsa ambigua.

LXXIX. 1. Cæsarea ita vocatur ut sedes procuratorum Romanorum. Infra V, 8, ex Judæorum ratione loquitur.

LXXX. 1. Sc. amicorum et copiarum Vespasiani. — 2. Multitudinem accurrentium, quæ quasi caligo ipsi erat; dimiserat. — 3. Ut aliis quoque Græcis.

asseverabat Mucianus *statuisse Vitellium ut Germanicas legiones in Syriam ad militiam opulentam quietamque transferret, contra Syriacis legionibus Germanica hiberna cælo ac laboribus dura mutarentur.* quippe et provinciales sueto militum contubernio gaudebant, plerique necessitudinibus et propinquitatibus mixti; et militibus vetustate stipendiorum nota et familiaria castra in modum penatium diligebantur.

LXXXI. Ante Idus Julias Syria omnis in eodem sacramento fuit. accedere cum regno Sohæmus ¹ haud spernendis viribus, Antiochus ² vetustis opibus ingens et inservientium regum ditissimus. mox per occultos suorum nuntios excitus ab Urbe Agrippa ³ ignaro adhuc Vitellio, celeri navigatione properaverat. nec minore animo regina Berenice partes juvabat, florens ætate formaque, et seni quoque Vespasiano magnificentia munerum grata. quicquid provinciarum alluiverat mari Asia atque Achaia tenus, quantumque introrsus in Pontum et Armenios patescit, juravere. sed inermes legati regebant, nondum additis Cappadociæ ⁴ legionibus. consilium de summa rerum Beryti habitum. illuc Mucianus cum legatis tribunisque et splendidissimo quoque centurionum ac militum venit, et e Judaico exercitu lecta decora. tantum simul peditum equitumque et æmulantium inter se regum paratus speciem fortunæ principalis effecerant.

LXXXII. Prima belli cura agere delectus, revocare veteranos. destinantur validæ civitates exercendis armorum officinis; apud Antiochenses aurum argentumque signatur; ea cuncta per idoneos ministros suis quæque locis festinabantur. ipse Vespasianus adire, hortari, bonos laude, segnes exemplo incitare sæpius quam coercere, vitia magis amicorum quam virtutes dissimulans. multos præfecturis et procurationibus, plerosque senatorii ordinis honore percoluit, egregios viros et mox summa adeptos; quibusdam fortuna pro virtutibus fuit. donativum militi neque Mucianus prima concione nisi modice ostenderat; ne Vespasianus quidem plus civili bello obtulit quam alii in pace, egregie firmus adversus militarem largitionem, eoque exercitu meliore. missi ad Parthum Armeniumque legati, provisumque ne versis ad civile bellum legionibus terga nudarentur. Titum instare Judææ, Vespasianum obtinere claustra Ægypti placuit. sufficere videbantur adversus Vitellium pars copiarum et dux Mucianus et Vespasiani nomen ac nihil arduum fatis. ad omnes exercitus legatosque scriptæ epistolæ, præceptumque *ut prætorianos Vitellio in-fensos recipiendæ militiæ præmio invitarent.*

LXXXIII. Mucianus cum expedita manu, socium magis imperii quam ministrum agens, non lento itinere, ne cunctari videretur, neque tamen properans, gliscere famam ipso spatio sinebat, gnarus modicas vires sibi et majora credi de absentibus. Sed legio sexta et tredecim vexillariorum millia ingenti agmine sequebantur. classem e Ponto Byzantium adigi jusserrat, ambiguus consilii num omissa Mœsia Dyrrhachium pedite atque

LXXXI. 1. De quo *Ann.* XII, 25. — 2. Rex Commagenes. — 3. Frater Berenices cum Tito Romam missus eoque pergens, quum Titus rediret, c. 1.—4. Dativus. Inde a Tiberio Cappadocia sine legionibus (*inermis*) erat, quas postea ei addidit Vespasianus.

equite, simul longis navibus versum in Italiam mare clauderet, tuta pone tergum Achaia Asiaque, quas inermes exponi Vitellio, ni praesidiis firmarentur; atque ipsum Vitellium in incerto fore quam partem Italiae protegeret, si sibi Brundisium Tarentumque et Lucaniae Calabriaeque littora infestis classibus peterentur.

LXXXIV. Igitur navium, militum, armorum paratu strepere provinciae. sed nihil aequè fatigabat quam pecuniarum conquisitio: eos esse *belli civilis nervos* dictitans Mucianus, non jus aut verum in cognitionibus¹, sed solam magnitudinem opum spectabat. passim delationes, et locupletissimus quisque in praedam correpti. quae gravia atque intoleranda, sed necessitate armorum excusata, etiam in pace mansere, ipso Vespasiano inter initia imperii ad obtinendas iniquitates² haud perinde obstinante, donec indulgentia fortunae et pravis magistris didicit aususque est. propriis quoque opibus Mucianus bellum juxit, largus privatim, quod avidius de republica sumeret. ceteri conferendarum pecuniarum exemplum secuti: rarissimus quisque eandem³ in recuperando licentiam habuerunt.

LXXXV. Accelerata interim Vespasiani coepta Illyrici¹ exercitus studio, transgressi in partes. tertia legio exemplum ceteris Moesiae legionibus praebuit. octava erat ac septima Claudiana, inbutae favore Othonis, quamvis praelio non interfuissent. Aquileiam progressae², proturbatis qui de Othone nuntiabant laceratisque vexillis nomen *Vitellii* praeferebant, rapta postremo pecunia et inter se divisa, hostiliter egerant. unde metus, et ex metu consilium: *posse imputari Vespasiano quae apud Vitellium excusanda erant*. ita tres Moesiae legiones per epistolas alliciebant Pannonicum exercitum, aut abnuenti vim parabant. in eo motu Aponius Saturninus Moesiae rector pessimum facinus audet, misso centurione ad interficiendum Tertium Julianum septimae legionis legatum, ob similitudines, quibus causam partium praetendebat. Julianus, comperto discrimine et gnaris locorum ascitis, per avia Moesiae ultra montem Haemum profugit. nec deinde civili bello interfuit, per varias moras susceptum ad Vespasianum iter trahens, et ex nuntiis cunctabundus aut properans.

LXXXVI. At in Pannonia tertia decima legio ac septima Galbiana, dolorem iramque Bedriacensis pugnae retinentes, haud cunctanter Vespasiano accessere, vi praecipua Primi Antonii. is legibus nocens et tempore Neronis¹ falsi damnatus, inter alia belli mala senatorium ordinem recuperaverat. praepositus a Galba septimae legioni scriptitasse Othoni credebatur, ducem se partibus offerens; a quo neglectus in nullo Othoniani belli usu fuit. labantibus Vitellii rebus Vespasianum secutus grande momentum addidit, strenuus manu, sermone promptus, serendae in alios invidiae artifex, discordiis et seditionibus potens, raptor, largitor, pace pessimus, bello non spernendus. Juncti inde Moesici ac Pannonici exer-

LXXXIV. 1. Judiciis fisci caussa intentis. — 2. Sententias iniquas secundum (pro) se aut fiscum. Ut dicitur, *suum jus obtinere*. De re conf. *Ann.* III, 25; Plinium *Paneg.* § 41.—5. Ac Mucianus.

LXXXV. 1. Quo comprehenditur Moesia, Pannonia Dalmatia.—2. Conf. c. 46.

LXXXVI. 1. Vid. *Ann.* XIV, 40.

citius Dalmaticum militem traxere, quamquam consularibus legatis nihil turbantibus. Titus Ampius Flavianus Pannoniam, Pompeius² Silvanus Dalmatiam tenebant, divites senes. sed procurator aderat Cornelius Fuscus, vicens ætate, claris natalibus. prima juvenia quietis cupidine senatorium ordinem exuerat. idem pro Galba dux coloniæ suæ, eaque opera procuracionem adeptus, susceptis Vespasiani partibus acerrimam bello faciem prætulit: non tam præmiis periculorum quam ipsis periculis lætus, pro certis et olim partis nova, ambigua, ancipitia malebat. igitur movere et quater, quicquid usquam ægrum foret, aggrediuntur³. scriptæ in Britanniam ad quartadecimanos, in Hispaniam ad primanos epistolæ, quod utraque legio pro Othone, adversa Vitellio fuerat. sparguntur per Gallias litteræ; momentoque temporis flagrabat ingens bellum, Illyricis exercitibus palam desciscentibus, ceteris fortunam secuturis.

LXXXVII. Dum hæc per provinciās a Vespasiano ducibusque partium geruntur, Vitellius contemptior in dies segniorque, ad omnes municipiorum villarumque amœnitates resistens, gravi Urbem agmine petebat. sexaginta millia armatorum sequebantur, licentia corrupta: calorum numerus amplior, procacissimis etiam inter servos¹ lixarum ingeniis; tot legatorum amicorumque comitatus inhabilis ad parendum, etiam si summa modestia regeretur. onerabant multitudinem obvii ex Urbe senatores Equitesque, quidam metu, multi per adulationem, ceteri ac paulatim omnes, ne aliis proficiscentibus ipsi remanerent. aggregabantur e plebe, flagitiosa per obsequia Vitellio cogniti, scurræ, histriones, aurigæ, quibus ille amicitiarum dehonestamenti mire gaudebat. nec coloniæ modo aut municipia congestu copiarum, sed ipsi cultores arvaque maturis jam frugibus ut hostile solum vastabantur.

LXXXVIII. Multæ et atroces inter se militum cædes, post seditionem Ticini cœptam¹ manente legionum auxiliorumque discordia; ubi adversus paganos² certandum foret, consensu. sed plurima strages ad septimum ab Urbe lapidem. singulis ibi militibus Vitellius paratos cibos ut gladiatoriam saginam dividebat; et effusa plebes totis se castris miscuerat. incuriosos milites (vernacula utebantur urbanitate) quidam spoliavere, abscisis furtim balteis, *an accincti forent* rogitantes. non tulit ludibrium insolens contumeliæ animus: inermem populum gladiis invasere. cæsus inter alios pater militis, quum filium comitaretur; deinde agnitus, et vulgata cæde, temperatum ab innoxiiis. in Urbe tamen trepidatum præcurrentibus passim militibus. forum maxime petebant, cupidine visendi locum in quo Galba jacuisset. nec minus sævum spectaculum erant ipsi tergis³ ferarum et ingentibus telis horrentes, quum turbam populi per incitiam parum vitarent, aut ubi lubrico viæ vel occursu alicujus procidissent, ad jurgium, mox ad manus et ferrum transirent. quin et tribuni præfectique cum terrore et armatorum catervis volitabant.

LXXXIX. Ipse Vitellius a ponte Mulvio, insigni equo, paludatus accin-

--2. Vel *Poppæus*.--3. Vespasianus et partium duces.

LXXXVII. 1. Vel si cum servorum ingeniis compares, etiam hæc procacitate superantia.

LXXXVIII. 1. Vid. c. 27, 68.--2. Vid. not. 3, ad I, 53.--3. Tergoribus.

ctusque, senatum et populum ante se agens, quominus ut captam Urbem ingrederetur, amicorum consilio deterritus, sumpta prætexta et composito agmine incessit. quattuor legionum aquilæ per frontem totidemque circa e legionibus aliis vexilla, mox duodecim alarum signa, et post peditum ordines eques; dein quattuor et triginta cohortes, ut nomina gentium aut species armorum forent, discretæ. ante aquilam præfecti castrorum tribunique et primi centurionum, candida veste; ceteri juxta suam quisque centuriam, armis donisque fulgentes. et militum phaleræ torquesque splendebant. decora facies, et non Vitellio Principe dignus exercitus. sic Capitolium ingressus, atque ibi matrem complexus Augustæ nomine honoravit.

XC. Postera die, tanquam apud alterius¹ civitatis senatum populumque, magnificam orationem de semetipso prompsit, industriam temperantiamque suam laudibus attolens, consciis flagitiorum ipsis qui aderant omnique Italia, per quam somno et luxu pudendus incesserat. vulgus tamen vacuum curis, et sine falsi verique discrimine solitas adulationes edoctum, clamore et vocibus astrepebat; abnuentique nomen *Augusti* expressere² ut assumeret, tam frustra quam recusaverat.

XCI. Apud civitatem cuncta interpretantem funesti ominis loco acceptum est, quod maximum pontificatum adeptus Vitellius de cærimoniis publicis quinto decimo kalendas Augustas edixisset, antiquitus infausto die Cremerensi Alliensique cladibus¹. adeo omnis humani divinique juris experts², pari libertorum amicorumque socordia, velut inter temulentos agebat. sed comitia consulum cum candidatis civiliter celebrans³, omnem infimæ plebis rumorem in theatro ut spectator, in circo ut fantor affectavit. quæ grata sane et popularia si a virtutibus proficiscerentur, memoria vitæ prioris indecora et vilia accipiebantur. ventitabat in senatum, etiam quum parvis de rebus Patres consulerentur. ac forte Priscus Helvidius⁴ prætor designatus contra studium ejus censuerat. commotus primo Vitellius, non tamen ultra quam *tribunos plebis in auxilium spectæ potestatis* advocavit. mox mitigantibus amicis, qui altiore iracundiam ejus verebantur, *nihil novi accidisse* respondit, *quod duo senatores⁵ in republica dissentirent*; *solum se etiam Thræseæ contradicere*. irrisere plerique impudentiam æmulationis⁶; aliis id ipsum placebat, quod neminem ex præpotentibus, sed Thræseam ad exemplar veræ gloriæ legisset.

XCII. Præposuerat prætorianis P. Sabinum a præfectura cohortis, Julium Priscum tum centurionem: Priscus Valentis, Sabinus Cæcinæ gratia pollebant. inter discordes Vitellio nihil auctoritatis. munia imperii Cæcina ac Valens obibant, olim anxii odiis, quæ bello et castris male dissimulata

XC. 1. Alius, allenæ.—2. Ab eo impetravere. Et recusatum et acceptum nomen æque frustra erat et sine eventu ullo.

XCI. 1. Fabius ad Cremeram a. U. 278, Romanis ad Alliam a Gallis a. 363 occisione cæsis die 18 Julio.—2. Ut ne infaustissimum quidem dierum et publicæ nefastum nosset.

3. Cum candidatis circumiens ut civis et prensans Patres, qui consules designabant. —

4. De quo infra IV, 4 seqq. — 5. Ficta modestia quasi ipse nihil esset nisi *princeps senatus*.—6. Sc. cum Thræsea, *virtute ipsa*, de quo Ann. XVI, 21 sqq. Thræsea in mentem tum venisse videtur, quia gener ejus erat Helvidius: quis sibi contradiceret, ut ipse olim Thræseæ.

pravitas amicorum et fœcunda gignendis inimicitii civitas auxerat, dum ambitu, comitatu et immensis salutantium agminibus contendunt comparenturque, variis in hunc aut illum Vitellii inclinationibus. nec unquam satis fida potentia, ubi nimia est. simul ipsum Vitellium, subitis offensis aut intempestivis blanditiis mutabilem, contemnebant metuebantque. nec eo segnius invaserant domos, hortos opesque imperii, quum flebilis et egens nobilium turba, quos ipsos liberosque patriæ Galba reddiderat, nulla Principis misericordia juvarentur. gratum primoribus civitatis etiam plebes approbavit, quod reversis ab exsilio jura libertorum concessisset¹, quamquam id omni modo servilia ingenia corrumpabant, abditiis pecuniis per occultos aut ambitiosos sinus², et quidam in domum Cæsaris transgressi atque ipsis dominis potentiores.

XCIII. Sed miles, plenis castris et redundante multitudine, in portibus aut delubris et Urbe tota vagus non principia¹ noscere, non servare vigilias neque labore firmari: per illecebras Urbis et inhonesta dictu corpus otio, animum libidinibus imminuebant. postremo, ne salutis quidem cura, infamibus² Vaticani locis magna pars tetendit; unde crebræ in vulgus mortes et adjacentē³ Tiberi, Germanorum Gallorumque obnoxia morbis corpora fluminis aviditas et æstus impatientia labefecit. insuper confusus pravitate vel ambitu ordo militiæ. sedecim prætoriæ, quattuor urbanæ cohortes scribebantur, quis singula millia inessent. plus in eo delectu Valens audebat, tanquam ipsum Cæcinam periculo emisisset. sane adventu ejus partes convalescerant, et sinistram lenti itineris rumorem prospero prælio verterat. omnisque inferioris Germaniæ miles Valentem assectabatur; unde primum creditur Cæcinæ fides fluitasse⁴.

XCIV. Ceterum non ita ducibus indulsit Vitellius, ut non plus militi liceret. sibi quisque militiam sumpsere: quamvis indignus, si ita mauerat, urbanæ militiæ ascriberetur; rursus bonis remanere inter legionarios aut alares volentibus permissum. nec deerant qui vellent, fessi morbis et intemperiem cœli incusantes. robora tamen legionibus alisque subtracta, convulsum castrorum decus, viginti millibus e toto exercitu permixtis magis quam electis.

Concionante Vitellio postulantur *ad supplicium Asiaticus et Flavius et Rufinus duces Galliarum, quod pro Vindice bellassent*. nec coercerat ejusmodi voces Vitellius: super insitam inertis animo ignaviam, conscius sibi instare donativum et deesse pecuniam, omnia alia militi largiebatur. liberti Principum¹ conferre pro numero mancipiorum ut tributum jussi.

XCII. 1. Bona illis reddi non poterant, partim accusatoribus secundum legem data, partim fisco, jam egenti, collata, partim a Nerone assumpta. Quare data *jura libertorum*, ut reversi jus in libertos suos haberent, quorum erat multis officiis prosequi patronum (conf. *Ann.* XIII, 26, not. 3), alere adeo ut patrem, et bonorum partem dimidiam testamento relinquere. — 2. In *sinu* togæ recondabant pecuniam. Verte *poche*. Abdebant pecunias in sinu vel occultorum et obscurorum hominum, penes quos nemo quæreret, vel potentiorum quos per ambitionem amicos sibi conciliaverant, penes quos quærere nemo auderet. Similiter Plinius M. Scaurum appellat *rapinarum provincialium sinum*.

XCIII. 1. Castra et eorum disciplinam. V. ad *Ann.* I, 61, not. 3. — 2. Ob acrem valetudini noxium. — 3. Imo *adluente*. — 4. Infirmior reddita esse.

XCIV. 1. Sc. priorum. In Vitellii partes transierant.

ipse solâ perdendi curâ stabula aurigis exstruere, circum gladiatorum ferarumque spectaculis oppleri, tamquam in summa abundantia pecuniæ illudere.

XCV. Quin et natalem Vitellii diem ¹ Cæcina ac Valens editis tota Urbe vicatim gladiatoribus celebrare, ingenti paratu et ante illum diem insolito. lætum fœdissimo cuique, apud bonos invidiæ fuit, quod exstructis in campo Martio aris inferias Neroni fecisset. cæsæ publice victimæ crematæque; facem Augustales subdidere: quod sacerdotium ut Romulus Tatio regi, ita Cæsar Tiberius Juliæ genti sacravit ². nondum quartus a victoria mensis, et libertus Vitellii Asiaticus Polyclitos, Patrobios ³ et vetera odiorum nomina æquabat ⁴. nemo in illa aula probitate aut industria certavit; unum ad potentiam iter, prodigis epulis et sumptu ganeæque satiare inexplēbiles Vitellii libidines. ipse abunde ratus si præsētibz frueretur, nec in longius consultans, novies millies sestertiū ⁴ paucissimis mensibus intervertisse creditur. magna et misera civitas, eodem anno Othonem Vitelliumque passa, inter Vinios, Fabios, Icelos, Asiaticos varia et pudenda sorte agebat, donec succedere Mucianus et Marcellus ⁵ et magis alii homines quam alii mores.

XCVI. Prima Vitellio *tertiae legionis defectio* nuntiatur, missis ab Aponio Saturnino epistolis, antequam is quoque Vespasiani partibus aggregaretur. sed neque Aponius cuncta ut trepidans re subita perscripserat, et amici adulantes mollius interpretabantur: *unius legionis eam seditionem, ceteris exercitibus constare fidem.* in hunc modum etiam Vitellius apud milites disseruit, prætorianos nuper exauctoratos insectatus, *a quibus falsos rumores dispergi, nec ullum civilis belli metum*, asseverabat, suppresso Vespasiani nomine, et vagis per Urbem militibus qui sermones populi coercent. id præcipuum alimentum famæ erat.

XCVII. Auxilia tamen e Germania Britanniaque et Hispaniis excivit, segniter et necessitatem dissimulans. perinde legati provinciæque cunctabantur, Hordeonius Flaccus ¹ suspectis jam Batavis anxius proprio bello, Vettius Bolanus nunquam satis quieta Britannia, et uterque ambigui. neque ex Hispaniis properabatur, nullo tum ibi consulari: trium legionum legati, pares jure et prosperis Vitellii rebus certaturi ad obsequium, adversam ejus fortunam ex æquo detrectabant. in Africa legio cohortesque delectæ a Clodio Macro, mox a Galba dimissæ, rursus jussu Vitellii militiam cepere. simul cetera juvenus dabat impigre nomina ². quippe integrum illie ac favorabilem proconsulatum Vitellius, famosum invisumque Vespasianus egerat: proinde ³ socii de imperio utriusque conjectabant. sed experimentum contra fuit.

XCVIII. Ac primo Valerius Festus legatus studia provincialium cum fide juit; mox nutabat, palam epistolis edictisque Vitellium, occultis nuntiis Vespasianum fovens, et hæc illave defensurus, prout invaluis-

XCV. 1. Qui erat dies 24, secundum alios dies 7 septembris. — 2. V. *Annal.* I, 34, et not. — 3. De his libertis Neronis a Galba morti datis v. *Ann.* XIV, 39; supra I, 37, *Sueton. Galb.* c. 20. — 4. Propemodum 180 millions hodiernæ monetæ. — 5. Eprius, c. 53.

XCVII. 1. Ad Rheni ripæ curam relictus, c. 37. *Vettius* Britannia præpositus, c. 65, ubi etiam de *Hispaniis*. — 2. Sc. ad delectum. — 3. Ex tali utriusque administratione. *Suetonii* relatio de Vespasiano, c. 4, specie tantum diversa est, non re.

sent. deprehensi cum litteris edictisque Vespasiani per Rætiam et Gallias militum et centurionum quidam, ad Vitellium missi necantur: plures fefellerē, fide amicorum aut suomet astu occultati. ita Vitellii paratus noscebantur, Vespasiani consiliorum pleraque ignota, primum socordia Vitellii; dein Pannonicæ Alpes præsiidiis insessæ nuntios retinebant. mare quoque etesiarum¹ flatu in Orientem navigantibus secundum, inde adversum erat.

XCIX. Tandem irruptione hostium, atrocibus undique nuntiis exterritus Cæcinam et Valentem expedire ad bellum jubet. præmissus Cæcina: Valentem e gravi corporis morbo tum primum assurgentem infirmitas tardabat. longe alia proficiscentis ex Urbe Germanici exercitus species: non vigor corporibus, non ardor animis; lentum et rarum agmen, fluxa arma, segnes equi; impatiens solis, pulveris, tempestatum, quantumque hebes ad sustinendum laborem miles, tanto ad discordias promptior. accedebat huc Cæcinæ ambitio vetus, torpor recens, nimia fortunæ indulgentia soluti in luxum: seu perfidiam meditati infringere exercitus virtutem inter artes erat. credidere plerique Flavii Sabini consiliis concussam Cæcinæ mentem, ministro sermonum Rubrio Gallo: *rata apud Vespasianum foris pacta transitionis*. simul odiorum invidiæque erga Fabium Valentem admonebatur, *ut impar apud Vitellium gratiam viresque apud novum Principem pararet*.

C. Cæcina complexu Vitellii multo cum honore digressus partem equitum ad occupandam Cremonam præmisit. mox vexilla quartæ, quintædecimæ et sextædecimæ legionum, dein quinta et duoetvicesima secutæ; postremo agmine unaetvicesima Rapax et prima et Italica incessere cum vexillariis trium Britannicarum legionum et electis auxiliis. profecto Cæcina scripsit Fabius Valens exercitui quem ipse ductaverat, *ut in itinere opperiretur: sic sibi cum Cæcina convenisse*; qui præsens eoque validior *immutatum id consilium* fluxit, *ut ingruenti bello tota mole occurreretur*. ita *accelerare* legiones *Cremonam*, pars *Hostiliam petere* iussæ: ipse Ravennam devertit prætexto classem alloquendi. mox Patavii secretum componendæ proditiōis quæsitum. namque Lucilius Bassus post præfecturam alæ Ravennati simul ac Misenensi classibus a Vitellio præpositus, quod non statim præfecturam prætorii adeptus foret, iniquam iracundiam flagitiosa perfidia ulciscabatur. nec sciri potest traxeritne Cæcinam, an (quod evenit inter malos, ut et similes sint) eadem illos pravitas impulerit.

CI. Scriptores temporum, qui potiente rerum Flavia domo monumenta belli hujusce composuerunt, *curam pacis et amorem reipublicæ* corruptas¹ in adulationem *causas* tradidere. nobis super insitam levitatem et prodito Galba vilem mox fidem, æmulatione etiam invidiæque, ne ab aliis apud Vitellium anteirentur, pervertisse ipsum videntur. Cæcina legiones assecutus centurionum militumque animos obstinatos pro Vitellio variis artibus subruebat. Basso eadem molienti minor difficultas erat, lubrica ad mutandam fidem classe ob memoriam recentis pro Othone militiæ.

XCVIII. 4. Qui a die 20 Julio per 40 dies flant. V. ad *Ann.* VI, 33. Inde sc. navigantibus.

LIBER TERTIUS.

ARGUMENTUM.

Cap. 1. Flavianis de ratione belli deliberantibus moram alii, — 2. festinationem Antonius Primus suadet. — 3. et obtinet — 4. proxima Corneli Fusci auctoritas. — 5. principes Sarmatarum Iazygum in commilitium asciti. Sido et Italicus Suevorum reges tracti in partes. — 6-7. Antonio Italiam invadenti comes est Arrius Varus, multas urbes occupant. — 8. Verona fit belli sedes, moras frustra aut sero neunt Vespasianus et Mucianus. — 9. Interim duces mutuis epistolis bellum gerunt. — 10. T. Ampius Flavianus militi suspectus ab Antonio servatur. — 11. hic alteram quoque seditionem, odio Aponii Saturnini ortam, comprimit — 12. Lucilius Bassus et — 13-14. Cæcina, a Vitellio deficientes, a militibus suis conjiciuntur in vincula. — 15. discordes Vitellianos ad Bedriacum aggredi statuit Antonius. — 16. aviditate navandæ operæ Arrius Varus rem in discrimen adducit; — 17. eam Antonius constantia et virtute restituit, — 18. et victoria potitur.

19. Vespasiani ea freti Cremonam expugnare deprecantur. — 20. inconsultum eorum ardorem frustra retinet Antonius. — 21. sed adventantis hostis terror obstructas mentes consilii ducis aperit. — 22-23. prælium atrox, anceps. Antonius egregii ducis munia implet; victoriam aufert. — 26-27. Cremona obsessa, capta, cremata, — 28. postea restituta. — 29. victæ legiones dispersæ.

30. Vitellius luxu torpet. — 31. in Urbem revectus Cæcinam condemnat; ei Rosium Regulum in unum diem consulem sufficit. — 32-39. Junius Blæsus fraude L. Vitellii veneno tollitur. — 40-41. Fabius Valens libidine et cunctatione Vitellianorum res subruit et, — 42. Flavianis Italiam occupantibus, — 43. ad Stæchadas delatus capitur. — 44. Hispaniæ, Galliæ, Britannia, cuncta ad Vespasianum opes conversa. — 45. turbat tamen Britanniam Venutius, ibi varia sorte pugnatum. — 46. turbata quoque Germania, mota et Dacorum gens, a Muciano ex Oriente reduce repressa. — 47-48. Anicetus Polemonis libertus Pontum infestans capitur. Vespasianus Alexandriam pergit, ut Urbem fame urgeat. — 49. Antonius, post Cremonam superbior, — 50. partem copiarum Veronæ relinquit, partem in Vitellianos expedit. — 51. nefarium facinus militis, ob occisum a se fratrem præmii petentis. — 52. festinationem Antonii apud Vespasianum criminatur Mucianus. — 53. is jactantius quam ad Principem litteras componit, Mucianum insectatus, inde graves duces simulates.

54. Vitellius stulta dissimulatione cladis ad Cremonam remedia malorum differt, notabilis constantia Julii Agrestis. — 55. Vitellius, ut e somno excitus Apenninum obsideri jubet, honores largitur, in castra venit. — 56. prodigia, præcipuum ipse Vitellius ostentum, ignarus militiæ, improvidus consilii, Romam revertitur percussus defectione Misennensis classis. — 57. Puteolani Vespasiano, Capua Vitellio favet. Claudius Julianus in partes Vespasiani transit, qui Tarracinam occupat. — 58. Vitellius fratrem Lucium bello per Campaniam opponit, ipse Romæ ex plebe et servitiis exercitum corradit, qui brevi dilabitur. — 59. Flaviani Apenninum transeunt; ad eos Cerialis Vitellii custodias elapsus venit, et inter duces adsumitur. — 60. pugna avidos milites ægre cohibet Antonius. — 61. jam crebra fiunt ad Vespasianum transfugia. Priscus et Alphenus castra deserunt, ad Vitellium regressi. — 62-63. cæso Valente desperabundus miles sub signis vexillisque ad Vespasianum transit, pax et salus offeruntur Vitellio, si se dedat.

64. Flavius Sabinus Urbis præfectus frustra incitatur ad arma; — 65. pacis amans de pace agit cum Vitellio — 66. cedere parato, ni sui reniterentur. — 67-68. hi pullo amictu palatio degressum et pro concione cedere se imperio testantem, eo redire cogunt — 69. interim Sabinus rempublicam suscepit, eique aderant Romani omnis ordinis, frementibus Germanicis cohortibus, modicum prælium, Vespasianis prosperum. Sabinus Capitolium occupat, quod, — 70. Cornelio Martiale frustra ad Vitellium misso, — 71. Vitelliani oppugnant, incendunt. — 72. de prioribus Capitolii fati digressio. — 73. Vitelliani cuncta sanguine ferro flammis miscent. Flavium Sabinum et Atticum consulem capiunt.

— 74. Domitianus sacricolæ habitu delitescit. Sabinus invito Vitellio trucidatur. — 75. Sabini laudes. Atticus servatur.

76-77. Tarracina a L. Vitellio obsessa et capta, Julianus jugulatur. Triariæ immodestia. — 78. Flaviani, incertum Antonii an Muciani culpa cunctantes, obsessi Capitolii fama excitî, — 79. ad Urbem properant. ibi equestre prælium Ceriali adversum. — 80-81. Vitellius legatos et Vestales virgines pro pace aut induciis mittit, nec obtinet. — 82. Flaviani tripartito agmine Urbi propinquant. varia ibi fortuna pugnatur. — 83. fœda lascivientis Urbis facies, spectatore populo et plausu diversas partes fovente. — 84. castra prætoria expugnantur. — 85. Vitellius, e pudenda latebra protractus et contumeliis affectus, ad Gemonias propellitur. — 86. vita Vitellii moresque. Domitianus Cæsar consalutatur.

Gesta eodem anno.

I. Meliore fato fideque partium Flavianarum duces consilia belli tractabant. Petovionem in hiberna tertiædecimæ legionis convenerant. illic agitavere *placere ne obstrui* ¹ *Pannoniæ Alpes, donec a tergo vires universæ consurgerent, an ire cominus et certare pro Italia constantius* ² *foret.* quibus opperiri auxilia et trahere bellum videbatur, *Germanicarum legionum vim famamque extollebant*, « et advenisse mox cum Vitellio
« Britannici exercitus robora : ipsis nec numerum parem pulsarum nuper
« legionum ; et quamquam atrociter loquerentur, minorem esse apud victos
« animum. sed incessis interim Alpibus venturum cum copiis Orientis Mu-
« cianum. superesse Vespasiano mare, classes, studia provinciarum, per
« quas velut alterius belli molem cieret. ita salubri mora novas vires affore
« et præsentibus nihil perituum. »

II. Ad ea Antonius Primus ¹ (is acerrimus belli concitator) *festinationem ipsis utilem, Vitellio exitiosam* disseruit : « plus socordiæ quam
« fiduciæ accessisse victoribus. neque enim in procinctu et castris habitos :
« per omnia Italiæ municipia desides, tantum hospitibus metuendos,
« quanto ferocius ante se egerint ², tanto cupidius insolitas voluptates hau-
« sisse. circo quoque ac theatris et amœnitate Urbis emollitos, aut valetu-
« dinibus fessos. sed addito spatio rediturum et his robur meditatione belli.
« nec procul Germaniam, unde vires ; Britanniam freto dirimi ; juxta Gal-
« lias Hispaniasque ; utrimque viros, equos, tributa ; ipsamque Italiam et
« opes Urbis ; ac si inferre arma ultro velint, duas classes vacuumque Illy-
« rici mare. quid tum claustra montium profutura ? quid tractum in æsta-
« tem aliam bellum ? unde interim pecuniam et commeatus ? quin potius
« eo ipse uterentur, quod Pannonicæ legiones deceptæ magis quam victæ
« resurgere in ultionem properent, Mœsici exercitus integras vires attule-
« rint ³. si numerus militum potius quam legionum ⁴ putetur, plus hinc
« roboris, nihil libidinum ; et profuisse disciplinæ ipsum pudorem. equites
« vero ne tum quidem victos, sed quamquam rebus adversis disjectam
« Vitellii aciem. duæ tunc Pannonicæ ac Mœsicæ alæ perrupere hostem :
« nunc sedecim alarum conjuncta signa pulsu sonituque et nube ipsa ope-
« rient ac superfundent oblitos præliorum equites equosque. nisi quis re-
« tinet, idem suasor auctorque consilii ero ⁵. vos, quibus fortuna in integro
« est ⁶, legiones continete : mihi expeditæ cohortes sufficient. jam rese-

1. 1. Etiam exercitui impenetrabiles reddi : jam enim erant *præsedibus insessæ*, II, 98.

— 2. Peragendæ rei convenientius.

II. 1. De quo II, 36. — 2. Gesserint. — 3. De his II, 32, 42, 44, etc. — 4. Quas plures numero habebat Vitellius, sed non plenas. — 5. Idem qui suasi aggrediar facere. — 6. Nondum adversam fortunam experti, ut ego : v. II, 86.

« ratam Italiam, impulsas Vitellii res audietis. juvabit sequi et vestigiis
« vincentis insistere. »

III. Hæc ac talia flagrans oculis, truci voce, quo latius audiretur (etenim se centuriones et quidam militum consilio miscuerant), ita effudit ut cautos quoque ac providos permoveret, vulgus et ceteri *unum virum ducemque sprete aliorum segnitia* laudibus ferrent. hanc sui famam ea statim concione commoverat, qua recitatis Vespasiani epistolis non ut plerique incerta disseruit, huc illuc tracturus interpretationem, prout conduxisset : aperte descendisse in causam videbatur, eoque gratior militibus erat, culpæ vel gloriæ socius.

IV. Proxima Cornelii Fusci procuratoris¹ auctoritas. is quoque inclementer in Vitellium invehi solitus nihil spei sibi inter adversa reliquerat. Titus Ampius Flavianus, natura ac senecta cunctatior², suspiciones militum irritabat, tamquam affinitatis cum Vitellio meminisset; idemque quod cœptante legionum motu profugus, dein sponte remeaverat, perfidiæ locum quæsisse credebatur. nam Flavianum omissa Pannonia ingressum Italiam et discrimini exemptum, rerum novarum cupido legati nomen resumere et misceri civilibus armis impulerat, suadente Cornelio Fusco, non quia industria Flaviani egebat, sed ut consulare nomen surgentibus cummaxime partibus honesta specie prætenderetur.

V. Ceterum ut transmittere in Italiam impune et usui foret, scriptum Aponio Saturnino, *cum exercitu Mæxico celeraret*. ac ne inermes provinciæ barbaris nationibus exponerentur, principes Sarmatarum Iazygum, penes quos civitatis regimen, in commilitum asciti. *plebem quoque et vim equitum*, qua sola valent, offerebant : remissum id munus, ne inter discordias externa¹ molirentur aut majore ex diverso² mercede jus fasque exuerent. trahuntur in partes Sido³ atque Italicus, reges Suevorum, quis vetus obsequium erga Romanos, et gens fidei commissæ patientior⁴. posita in latus auxilia, infestâ Rætiâ, cui Porcius Septiminius procurator erat, incorruptæ erga Vitellium fidei. igitur Sextilius Felix cum ala Aurlana et octo cohortibus ac Noricorum juventute ad occupandam ripam Æni fluminis, quod Rætos Noricosque interfluit, missus. nec his aut illis prælium tentantibus, fortuna partium alibi transacta.

VI. Antonio vexillarios e cohortibus et partem equitum ad invadendam Italiam rapienti comes fuit Arrius Varus, strenuus bello¹; quam gloriam et dux Corbulo et prosperæ in Armenia res addiderant. idem *secretis apud Neronem sermonibus* ferebatur *Corbulonis virtutes criminatus*; unde infami gratia primum pilum adepto² læta ad præsens male parta mox in perniciem vertère³. sed Primus ac Varus occupata Aquileia in proxima quæque et Opitergii et Altini lætis animis accipiuntur. relictum Altini præsidium adversus classem Ravennatam, nondum defectione ejus audita. inde Patavium et Ateste partibus adjungere. illic cognitum *tres Vitellianas cohortes et alam, cui Sebonianæ nomen, ad Forum Alieni*

IV. 1. De quo et de Flaviano II, 86.—2. Magis quam oportebat cunctator.

V. 1. Suas res, vel omnino alienas ab re Romana. — 2. A Vitellii partibus. — 3. De quo Ann. XII, 29.—4. Sponte tributæ magis quam vi impositæ patiens.

VI. 1. De eo Ann. XIII, 9.—2. Primipilari facto.—3. Conf. IV, 11 et 39.

ponte juncto consedisse. placuit occasio invadendi incuriosos : nam id quoque nuntiabatur. luce prima inermos plerosque oppressere. prædictum ut paucis interfectis ceteros pavore ad mutandam fidem cogerent. et fuere qui se statim dederent. plures abrupto ponte instanti hosti viam abstulerunt.

VII. Vulgata victoria, post principia belli secundum Flavianos¹, duæ legiones, septima Galbiana, tertia decima Gemina, cum Vedio Aquila legato Patavium alacres veniunt. ibi pauci dies ad requiem sumpti, et Minucius Justus, præfectus castrorum legionis septimæ, quia adductius² quam civili bello imperitabat, subtractus militum iræ ad Vespasianum missus est. desiderata diu³ res interpretatione gloriæ in majus accipitur, postquam *Galbæ imagines discordia temporum subversas in omnibus municipiis recoli jussit Antonius, decorum pro causa ratus, si placere Galbæ principatus et partes revirescere crederentur.*

VIII. Quæsitum inde *quæ sedes bello legeretur. Verona potior visa, patentibus circum campis ad pugnam equestrem, qua prævalebant : simul coloniam copiis validam auferre Vitellio in rem famamque videbatur.* Possessa¹ ipso transitu Vicetia ; quod per se parum (etenim modicæ municipio vires) magni momenti locum obtinuit reputantibus *illuc Cæcinam genitum et patriam hostium duci ereptam.* in Veronensibus pretium fuit² : exemplo opibusque partes juvere. et interjectus exercitus per Rastiam Juliasque Alpes ; ac ne pervium illâ Germanicis exercitibus foret, obseperat³. quæ ignara Vespasiano aut vetita : quippe *Aquileiæ sisti bellum exspectarique Mucianum jubebat, adjiciebatque imperio consilium, quando Ægyptus, claustra annonæ⁴, vectigalia opulentissimarum provinciarum obtinerentur, posse Vitellii exercitum egestate stipendii frumentique ad deditionem subigi.* eadem Mucianus crebris epistolis monebat, *incrumentam et sine luctu victoriam* et alia hujusmodi prætexendo, sed gloriæ avidus atque omne belli decus sibi retinens. ceterum ex distantibus terrarum spatiis consilia post res afferebantur.

IX. Igitur repentino incursu Antonius stationes hostium irrupit, tentatisque levi prælio animis ex æquo discessum. mox Cæcina inter Hostiliam vicum Veronensium et paludes Tartari fluminis castra permuniit, tutus loco, quum terga flumine, latera objectu paludis tegerentur. quodsi affluisset fides, aut opprimi universis Vitellianorum viribus duæ legiones, nondum conjuncto Mæsico exercitu, potuere, aut retro actæ deserta Italia turpem fugam conscivissent¹. sed Cæcina per varias moras prima hostibus prodidit tempora belli, dum quos armis pellere promptum erat, epistolis increpat, donec per nuntios pacta perfidiæ firmaret. interim Aponius Saturninus cum legione septima Claudiana advenit. legioni tribunus Vipstanus Messala² præerat, claris majoribus, egregius ipse, et qui solus ad id

VII. 1. Post bellum ita inceptum, ut initia Vespasiano faverent.—2. Severius. V. *Ann.* XII, 7.—3. Conf. II, 88.

VIII. 1. Occupata.—2. Conf. ad *Ann.* I, 87, not. 5.—3. Antonius.—4. Nimirum qua occupata frumenti subvectio in Urbem posset intercludi. Conf. *Ann.* II, 89.

IX. 1. Cui verbo sibi addunt priores scriptores, ut Livius V, 85 : *Exsilium ac fugam nobis conscisceremus.*—2. Is cui partes sunt in *Dialogo de claris oratoribus.*

bellum artes bonas attulisset. has ad copias nequaquam Vitellianis pares (quippe tres adhuc legiones erant) misit epistolas Cæcina *temeritatem victa arma tractantium*³ incusans. simul *virtus Germanici exercitus* laudibus attollebatur, Vitellii modica et vulgari mentione, nulla in Vespasianum contumelia: nihil prorsus quod aut corrumpere hostem aut terret. Flavianarum partium duces, ommissa prioris fortunæ defensione, pro Vespasiano magnifice, pro causa fidenter, de exercitu⁴ securi, in Vitellium ut inimici præsumpsere⁵, facta tribunis centurionibusque *retinendi quæ Vitellius indulsisset* spe. atque ipsum Cæcinam non obscure ad transitionem hortabantur. recitata pro concione epistola addidere fiduciam, quod submisit Cæcina, velut offendere Vespasianum timens, ipsorum duces contempti, tamquam insultantes Vitellio, scripsissent.

X. Adventu dein duarum legionum, e quibus tertiam Dillius Aponianus, octavam Numisius Lupus ducebant, ostentare vires et militari vallo Veronam circumdare placuit. forte Galbianæ legioni in adversa fronte valli opus cesserat, et visi procul sociorum equites vanam formidinem ut hostes fecere. rapiuntur arma, et ut proditiis ira militum¹ in T. Ampium Flavianum incubuit, nullo criminis argumento, sed jam pridem invisus, turbine quodam ad exitum poscebatur: *propinquum Vitellii, proditorem Othonis, interceptorem donativi* clamitabant. nec defensioni locus, quamquam supplices manus tenderet, humi plerumque stratus, lacera veste, pectus atque ora singultu quatens. id ipsum apud infensos incitamentum erat, tamquam nimius pavor conscientiam argueret. obturbabatur militum vocibus Aponius², quum loqui cœptaret: fremitu et clamore ceteros aspernantur. uni Antonio apertæ militum aures: namque et facundia aderat mulcendique vulgum artes et auctoritas. ubi crudescere seditio, et a conviciis ac probris ad tela et manus transibant, *injici catenas Flaviano* jubet. sensit ludibrium³ miles, disiectisque qui tribunal tuebantur, extrema vis parabatur. opposuit sinum Antonius stricto ferro *aut militum se manibus aut suis moriturum* obtestans; ut quemque notum et aliquo militari decore insignem aspexerat, ad ferendam opem nomine ciens. mox conversus ad signa et bellorum deos, *hostium potius exercitibus illum furorem, illam discordiam injicerent* orabat, donec fatisceret seditio et extremo jam die sua quisque in tentoria dilaberentur. profectus eadem nocte Flavianus obviis Vespasiani litteris discrimini exemptus est.

XI. Legiones velut tabe infectæ Aponium Saturninum, Mæsici exercitus legatum, eo atrocius aggrediuntur, quod non ut prius labore et opere fessæ, sed medio diei exarserant, vulgatis epistolis quas Saturninus ad Vitellium scripsisse credebatur¹. ut olim virtutis modestiæque, tunc

—3. Legionum Othonis, quas duxit Antonius.—4. Sc. Germanico, cujus metum injicere volebat Cæcina. — 5. Ausi sunt (scribere) antequam palam a partibus Vespasiani decerneretur.

X. 1. Militum ira quasi de proditione, proditionem in Ampio suspectantium. Sc. Cicero, *populi Romani subsidia belli*, junctis genitivis qui vocantur subjecti et objecti.—2. Saturninus, c. 9.—3. Quo jam alii erant servati; v. I, 45, 58.

XI. 1. Conf. II, 96.

procacitatis et petulantiae certamen erat, ne minus violenter Aponium quam Flavianum ad supplicium deposcerent. quippe Mœsicæ legiones *adjutam a se Pannonicorum ultionem* referentes, et Pannonici, velut² absolverentur aliorum seditione, iterare culpam gaudebant. in hortos, in quibus devertebatur Saturninus, pergunt. nec tam Primus et Aponianus et Messala, quamquam omni modo nisi, eripuerunt Saturninum, quam obscuritas latebrarum quibus occultebatur, vacantium forte balinearum fornacibus abditus. mox omissis lictoribus Patavium concessit. digressu consularium uni Antonio vis ac potestas in utrumque exercitum fuit, cedentibus collegis³ et obversis militum studiis. nec deerant qui crederent utramque seditionem fraude Antonii coeptam, ut solus bello frueretur.

XII. Ne in Vitellii quidem partibus quietæ mentes exitiosiore discordia, non suspicionibus vulgi, sed perfidia ducum, turbabantur. Lucilius Bassus classis Ravennatis præfectus ambiguos militum animos, quod magna pars Dalmatæ Pannonique erant, quæ provinciæ Vespasiano tenebantur, partibus ejus aggregaverat. nox proditio electa, ut ceteris ignaris soli in principia defectores coirent. Bassus pudore, seu metu quisnam exitus foret, in æra domum opperiebatur. trierarchi magno tumultu Vitellii imagines invadunt; et paucis resistentium obtruncatis, ceterum vulgus rerum novarum studio in Vespasianum inclinabat. tum progressus Lucilius auctorem se palam præbet. classis Cornelium Fuscum præfectum sibi destinat qui propere accucurrit¹. Bassus honorata custodia Liburnicis navibus Atriam² pervectus, a præfecto alæ Vivennio Rufino præsidium illic agitante vincitur. sed exsoluta statim vincula interventu Hormi Cæsaris liberti: is quoque inter duces habebatur³.

XIII. At Cæcina, defectione classis vulgata, primores centurionum et paucos militum, ceteris per militiæ munera dispersis, secretum castrorum¹ affectans in principia vocat. ibi *Vespasiani virtutem viresque partium* extollit: *transfugisse classem; in arcto commeatum, adversas Gallias Hispaniasque, nihil in Urbe fidum*; atque omnia de Vitellio in deterius². mox incipientibus qui conscii aderant, ceteros re nova attonitos in verba Vespasiani adigit. simul Vitellii imagines dereptæ, et missi qui Antonio nuntiarent. sed ubi totis castris in fama³ proditio, recurrens in principia miles præscriptum Vespasiani nomen, projectas Vitellii effigies aspexit, vastum primo silentium, mox cuncta⁴ simul erumpunt: « huc cecidisse Germanici exercitus gloriam, ut sine prælio, sine vulnere « vinctas manus et capta traderent arma? quas enim ex diverso legiones? « nempe victas. et abesse unicum Othoniani exercitus robur, primanos « quartadecumanosque; quos tamen iisdem illis campis fuderint strave- « rintque. ut armatorum millia velut grex venalium exsuli Antonio⁵ « donum darentur, octo nimirum legiones unius classis accessionem fore⁶.

— 2. Ac si. — 3. Vedio, Dillio, Numisio, Vipstano, de quibus paullo ante.

XII. 1. Nam non injuria milites diffidebant tam timido et ambiguo duci partium, Basso. — 2. Oppidum Etruscorum cum nobili portu, a quo Atriatium mare ante appellabatur, quod nunc Adriaticum, *Plinius*. — 3. Amare et cum dolore dictum. Conf. I, 76.

XIII. 1. Intimum et secretum concilium de re militari habendum. — 2. Sc. dicit, refert. — 3. Sc. erat. *In fama esse*, vulgatum esse. — 4. Adhuc pectoribus inclusa. — 5. Vid. II, 36; *Ann.* XIV, 40. — 6. Classarii milites, undecumque corrasii, contemnebantur ab le-

« id Basso, id Cæcinæ visum : postquam domos, hortos, opes Principi
« abstulerint, etiam militibus Principem auferre. integros incruentosque,
« Flavianis quoque partibus viles⁷, quid dicturos reposcentibus aut pro-
« spera aut adversa?⁸ »

XIV. Hæc singuli, hæc universi, ut quemque dolor impulerat, vociferantes, initio a quinta legione orto, repositis Vitellii imaginibus, vincla Cæcinæ injiciunt; Fabium Fabullum quintæ legionis legatum et Cassium Longum præfectum castrorum duces deligunt; forte oblatos trium Liburnicarum milites ignaros et insontes trucidant; relictis castris, abrupto ponte Hostiliam rursus, inde Cremonam pergunt, ut legionibus primæ Italicæ et unietvicesimæ Rapaci jungerentur, quas Cæcina ad obtinendam Cremonam cum parte equitum præmiserat.

XV. Ubi hæc comperta Antonio, discordes animis, discretos viribus hostium exercitus aggredi statuit, antequam ducibus auctoritas, militi obsequium et junctis legionibus fiducia rediret. namque Fabium Valentem profectum ab Urbe acceleraturumque cognita Cæcinæ proditione conjectabat; et fidus Vitellio Fabius, nec militiæ ignarus. simul ingens Germanorum vis per Rætiâ timebatur; et Britannia Galliaque et Hispania auxilia Vitellius acciverat, immensam belli luem¹, ni Antonius id ipsum metuens festinato prælio victoriam præcepisset. universo cum exercitu secundis a Verona castris² Bedriacum venit. postero die legionibus ad munendum retentis auxiliares cohortes in Cremonensem agrum missæ, ut specie parandarum copiarum civili præda miles imbueretur³. ipse cum quattuor millibus equitum ad octavum⁴ a Bedriaco progressus, quo licentius popularentur. exploratores (ut mos est) longius curabant⁵.

XVI. Quinta ferme hora diei erat, quum citus eques *adventare hostes, prægredi paucos, motum fremitumque late audiri* nuntiavit. dum Antonius *quidnam agendum* consultat, aviditate navande operæ Arrius Varus cum promptissimis equitum prorupit impulitque Vitellianos modicâ cæde: nam plurium accursu versa fortuna, et acerrimus quisque sequentium fugæ ultimus erat¹. nec sponte Antonii properatum, et fore quæ acciderant rebatur. hortatus suos *ut magno animo capesserent pugnam*, diductis in latera turmis vacuum medio relinquit iter, quo Varum equitesque ejus reciperet; jussæ armari legiones; datum per agros signum ut, qua cuique proximum, omissa præda prælio occurrerent. pavidus interim Varus turbæ suorum miscetur intulitque formidinem. pulsus cum sauciis integri suometipsi metu et angustiis viarum conflictabantur.

XVII. Nullum in illa trepidatione Antonius constantis ducis aut fortissimi militis officium omisit. occurrere paventibus, retinere cedentes, ubi plurimus labor, unde aliqua spes, consilio, manu, voce insignis hosti,

gionariis. Vicissim, ut in legiones conscriberentur, affectantes classarios supra vidimus.—7. Se visum iri *viles*.—8. Poscentibus ut rationem reddant aut prosperorum aut adversorum: quomodo usi sint victoria sua ad Bedriacum, aut quam adversitate eo essent detrusi, ut *accessio classis* fierent.

XV. 1. Quæ futura essent immensa perniciēs bellica terris illis. — 2. Bidui itinere. Agmen quaque vespera castra ponebat. — 3. Prædam ex civibus captam gustaret. — 4. Lapidem (milliarium).—5. Longius procedentes negotium suum exsequabantur.

XVI. 1. In fuga etiam ita resistebat, ut ultimus retro cederet.

conspicius suis. eo postremo ardoris provectus est, ut vexillarium fugientem hasta transverberaret. mox raptum vexillum in hostem vertit. quo pudore¹ haud plures quam centum equites restitere. juvit locus, arctiore illic via et fracto interfluentis rivi² ponte, qui incerto alveo et præcipitibus ripis fugam impediēbat. ea necessitas seu fortuna lapsas jam partes restituit. firmati inter se densis ordinibus excipiunt Vitellianos temere effusos. atque illi consternantur. Antonius instare percussis, sternere obvios. simul ceteri, ut cuique ingenium, spoliare, capere, arma equosque abripere. et exciti prospero clamore, qui modo per agros fuga palabantur, victoriæ se miscebant.

XVIII. Ad quartum a Cremona lapidem fulsere legionum signa Rapacis atque Italici, læto inter initia equitum suorum prælio illuc usque provecta. sed ubi fortuna contra fuit, non laxare ordines, non recipere turbatos, non obviam ire ultroque aggredi hostem tantum per spatium cursu et pugnando fessum. forte victi¹ haud perinde rebus prosperis ducem desideraverant atque in adversis deesse intelligebant. nutantem aciem victor equitatus incursat; et Vipstanus Messala tribunus cum Mœsiciis aviliariis assequitur, quos multi e legionariis³ quamquam raptim ductos æquabant. ita mixtus eques pedesque rupere legionum agmen. et propinqua Cremonensium mœnia quanto plus spei ad effugium, minorem ad resistendum animum dabant.

XIX. Nec Antonius ultra institit, memor laboris ac vulnerum, quibus iam anceps prælii fortuna quamvis prospero fine equites equosque afflictaverat. inumbrante vespera universum Flaviani exercitus robur advenit. utque cumulos super et recentia cæde vestigia incessere, quasi debellatum foret, *pergere Cremonam et victos in deditionem accipere aut expugnare* deposcunt. hæc in medio¹, pulchra dictu. illa sibi quisque, « posse coloniam plano sitam impetu capi. idem audaciæ per tenebras irrumpen- » tibus, et majorem rapiendi licentiam. quodsi lucem opperiantur, jam » pacem, jam preces et pro labore ac vulneribus clementiam et gloriam » inania² laturos; sed opes Cremonensium in sinu præfectorum legato- » rumque fore. expugnatae urbis prædam ad militem, deditæ ad duces » pertinere. » spernuntur centuriones tribunique, ac ne vox cujusquam audiatur, quatiant arma rupturi imperium, ni ducantur.

XX. Tum Antonius inserens se manipulis, ubi aspectu et auctoritate silentium fecerat, « non se decus neque pretium eripere tam bene meritis » affirmabat, « sed divisa¹ inter exercitum ducesque munia : militibus » cupidinem pugnandi convenire; duces providendo, consultando, cun- » ctatione sæpius quam temeritate prodesse. ut pro virili portione armis » ac manu victoriam juverit, ratione et consilio, propriis ducis artibus, » profuturum. neque enim ambigua² esse quæ occurrant, noctem et » ignotæ situm urbis, intus hostes et cuncta insidiis opportuna. non, si³

XVII. 1. Sc. copiis injecto.—2. *La Delmone*, ut putant, illabens fluvio l'Oglio.

XVIII. 1. Fortuna suorum tracti et inclinantes ut victi. Prosperis rebus sine duce egissent, adversis cum deesse sentiebant. Intellige de Cæcina victo.—2. Qui gravi-
bus armis instructi erant.

XIX. 1. Palam dicebantur.—2. Appositio : res inanes.

XX. 1. Sc. esse.—2. Dubia.—3. Etiam si.

« pateant portæ, nisi explorato, nisi die intrandum. an oppugnationem
 « inchoaturos adempto omni prospectu, quis æquus locus, quanta alti-
 « tudo mœnium? tormentisne et telis an operibus et vineis aggredienda
 « urbs foret? » Mox conversus ad singulos, « num secures dolabrasque
 « et cetera expugnandis urbibus secum attulissent? » rogabat. et quum
 « abnuerent, « gladiisne », inquit, « et pilis perfringere ac subruere muros
 « nullæ manus possunt? si aggerem⁴ struere, si pluteis cratibusve protegi
 « necesse fuerit, ut vulgus improvidum irriti stabimus altitudinem turrium
 « et aliena munimenta mirantes? quin potius mora noctis unius, advectis
 « tormentis machinisque, vim victoriamque nobiscum ferimus? » simul
 lixas calonesque cum recentissimis equitum Bedriacum mittit copias
 ceteraque usui allaturos.

XXI. Id vero ægre tolerante milite prope seditionem ventum, quum
 progressi equites sub ipsa mœnia vagos e Cremonensibus corripunt,
 quorum indicio noscitur, *sex Vitellianas legiones omnemque exercitum
 qui Hostiliæ egerat, eo ipso die triginta millia passuum emensum,
 comperta suorum clade in prælium accingi ac jam affore* is terror
 obstructas mentes consiliis ducis aperuit. sistere tertiam decimam legio-
 nem in ip-o viæ Postumiæ aggere jubet, cui juncta a lævo septima Gal-
 biana patenti campo stetit, dein septima Claudiana, agresti fossa¹ (ita
 locus erat) præmunita; dextro octava per apertum limitem², mox tertia
 densis arbustis intersepta. hic aquilarum signorumque ordo: milites
 mixti per tenebras, ut fors tulerat; prætorianum vexillum³ proximum
 tertianis, cohortes auxiliorum in cornibus; latera ac terga equite circum-
 data; Sido atque Italicus Suevi cum delectis popularium primori in acie
 versabantur.

XXII. At Vitellianus exercitus, cui acquiescere Cremonæ et recuperatis
 cibo somnoque viribus confectum algore atque inedia hostem postera die
 profligare ac prouere ratio fuit¹, indigus rectoris, inops consilii, tertia
 ferme noctis hora paratis jam dispositisque Flavianis impingitur. ordinem
 agminis disjecti per iram ac tenebras asseverare non ausim, quamquam
 alii tradiderint *quartam Macedonicam dextro suorum cornu², quantam
 et quintam decimam cum vexillis nonæ secundæque et vicesimæ Bri-
 tannicarum legionum mediam aciem, sextadecumanos duoetvicesi-
 manosque et primanos lævum cornu complexisse*. Rapaces atque Italici³
 omnibus se manipulis miscuerant. eques auxiliæque sibi ipsi locum legere.
 prælium tota nocte varium, anceps, atrox; his, rursum illis exitiabile.
 nihil animus aut manus, ne oculi quidem provisi juvabant. eadem utra-
 que acie arma; crebris interrogationibus notum pugnæ signum⁴; per-
 mixta vexilla, ut quisque globus capta ex hostibus huc vel illuc raptabat.
 urgebatur maxime septima legio, nuper a Galba conscripta. occisi sex
 primorum ordinum centuriones, abrepta quædam signa: ipsam aquilam

—4. Muris admovendum, cui imponerent vineas et tormenta

XXI. 1. Ad irrigandos agros a cultoribus ducta. — 2. Ejusdem viæ Postumiæ. — 3. De quo II, 82.

XXII. 1. Hoc faciendum erat, si ex ratione rerum prudenter agere vellet. — 2. Sc. stetisse — 3. Rapacis (XXI) et Italici (II) legionum milites. — 4. Tessera, la parole.—

Atilius Verus primi pili centurio ⁵ multa cum hostium strage et ad extremum moriens servaverat.

XXIII. Sustinuit labantem aciem Antonius accitis prætorianis. qui ubi excepere pugnam, pellunt hostem, dein pelluntur. namque Vitelliani tormenta in aggerem viæ contulerant, ut tela vacuo atque aperto ¹ excuterentur, dispersa primo et arbustis sine hostium noxa illisa. magnitudine eximia quintædecimæ legionis ballista ingentibus saxis hostilem aciem pronebat: lateque cladem intulisset, ni duo milites, præclarum facinus ausi, arreptis e strage scutis ² ignorati, vincla ac libramenta tormentorum abscidissent. statim confossi sunt, eoque interciderere nomina: de facto haud ambigitur. neutro inclinaverat fortuna, donec adulta nocte luna surgens ostenderet acies falleretque. sed Flavianis æquior a tergo ³: hinc majores equorum virorumque umbræ, et falso, ut in corpora, ictu tela hostium citra cadebant: Vitelliani adverso lumine collucentes velut ex occulto jaculantibus incanti offerebantur.

XXIV. Igitur Antonius ubi noscere suos noscique poterat, alios pudore et probris, multos laude et hortatu, omnes spe promissisque accendens, *cur rursim sumpsissent arma?* Pannonicas legiones interrogabat; *illos esse campos in quibus abolere labem prioris ignominie* ¹, *ubi recuperare gloriam possent.* tum ad Mœsicos conversus principes auctoresque belli ² ciebat: *frustra minis et verbis provocatos Vitellianos, si manus eorum oculosque non tolerent.* hæc, ut quosque accesserat; plura ad tertianos, veterum recentiumque admonens, ut *sub M. Antonio Parthos* ³, *sub Corbulone Armenios* ⁴, *nuper Sarmatas* ⁵ *pepulissent.* mox infensus ⁶ prætorianis, *Vos, inquit, nisi vincitis, pagani* ⁷, *quis alius Imperator, quæ castra alia excipient?* *illic* ⁸ *signa armaque vestra sunt, et mors victis: nam ignominiam consumpsistis* ⁹. undique clamor; et orientem solem (ita in Syria mos est) tertiani ¹⁰ salutavere.

XXV. Vagus inde, an consilio ducis subditus rumor, *advenisse Mucianum, exercitus in vicem salutasse.* gradum inferunt quasi recentibus auxiliis aucti, rariore jam Vitellianorum acie, ut quos nullo rectore suos quemque impetus vel pavor contraheret duceretve ¹. postquam pulsos ² sensit Antonius, denso agmine obturbabat. laxi ordines abrumpuntur; nec restitui quivere impredientibus vehiculis tormentisque. per limitem viæ sparguntur festinatione consecrandi victores. eo notabilior cædes fuit, quia filius patrem interfecit. rem nominaque auctore Vipstano Messala tradam. Julius Mansuetus ex Hispania, Rapaci legioni additus, impubem filium domi liquerat. is mox adultus, inter septimanos a Galba conscriptus, oblatum forte patrem et vulnere stratum dum semianimem

8. Primpilaris, in cujus custodia erat aquila legionis.

XXIII. 1. In campum vacuum et apertum.—2. Adversariorum.—3. Sc. surgens luna. Similis eventus in pugna Pompeii cum Mithridate, quam narrat Plutarchus c. 32.

XXIV. 1. De qua II, 39 seqq.—2. Vid. II, 83.—3. Ante 104 annos. Gloria legionis propria manebat.—4. Vid. Ann. XV, 26.—5. Supra I, 79.—6. Asperioribus verbis.—7. Confer illud *Quirites* Julii Caesaris, Ann. I, 42.—8. Apud hostem, quem monstret.—9. *Vous avez épuisé*: nulla vobis superest, qui occidistis Galbam, vinei sivistis Othonem, exauctorati estis a Vitellio.—10. Qui in Syria cum Corbulone militaverant.

XXV. 1. Sc. adversus hostem, explicatos.—2. Cedentes. Fort. *impulsos*.

scrutatur, agnitus agnoscensque et exsanguem amplexus, voce flebili precabatur *piatos*³ *patris manes; neve se ut parricidam aversarentur: publicum id facinus; et unum militem quotam civilium armorum partem?* simul attollere corpus, aperire humum, supremo erga parentem officio fungi. advertere proximi, deinde plures: hinc per omnem aciem miraculum et questus et sævissimi belli execratio. nec eo segnius propinquos, affines, fratres trucidatos spoliaut; factum esse scelus loquuntur faciuntque.

XXVI. Ut Cremonam venire, novum immensumque opus occurrit. Othoniano bello Germanicus miles mœnibus Cremonensium castra sua, castris vallum circumjecerat, eaque munimenta rursus auxerat. quorum aspectu hæserē victores, incertis ducibus quid juberent. incipere oppugnationem fesso per diem noctemque exercitu arduum et nullo juxtā subsidio anceps. sin Bedriacum redirent, intolerandus tam longi itineris labor, et victoria ad irritum revolvebatur. munire castra, id quoque propinquis hostibus formidolosum, ne dispersos et opus molientes subita eruptione turbarent. quæ super cuncta terrebat ipsorum miles periculi quam moræ patientior: quippe ingrata quæ tuta, ex temeritate spes; omnisque cædes et vulnera et sanguis aviditate prædæ pensabantur.

XXVII. Huc inclinavit Antonius, *cingique vallum*¹ *corona* jussit. primo sagittis saxisque eminus certabant, majore Flavianorum pernicie, in quos tela desuper librabantur. mox vallum portasque legionibus attribuit, ut discretus labor fortes ignavosque distingueret, atque ipsa contentione decoris accenderetur. Proxima Bedriacensi viæ tertiani septimæque sumpserē, dexteriora valli octava ac septima Claudiana; tertiadecumanos ad Brixianam portam² impetus tulit. paulum inde moræ, dum ex proximis agris ligones, dolabras, et alii falces³ scalasque convectant. tum elatis super capita sentis, densa testudine⁴ succedunt. Romanæ utrimque artes: pondera saxorum Vitelliani provolvunt, disjectam fluitantemque testudinem lanceis contisque scrutantur, donec soluta compage scutorum exsanguis aut laceros prosternerent multa cum strage.

XXVIII. Incesserat cunctatio, ni duces fesso militi et velut irritas exhortationes abnuenti Cremonam monstrassent. Hormine id ingenium¹, ut Messala tradit, an potior auctor sit C. Plinius qui Antonium incusat, haud facile discreverim, nisi quod neque Antonius neque Hormus a fama vitæ suæ quamvis pessimo flagitio degeneravere. non jam sanguis neque vulnera morabantur, quin subruerent vallum quaterentque portas, innixi humeris et super iteratam testudinem scandentes prensarent hostium tela brachiaque. integri cum sauciis, semineces cum expirantibus voluntur, varia pereuntium forma et omni imagine mortium².

XXIX. Acerrimum tertiæ septimæque legionum certamen; et dux Antonius cum delectis auxiliariis eodem incuberat. obstinatos inter se

—3. Ut essent piati et propitii. Alii *placatos*.

XXVII. 1. Vitellianorum.—2. Quæ spectabat viam Brixiam ducentem.—3. Sc. murales, ad murum subruendum.—4. Scutis formato tegmine super capitibus.

XXVIII. 1. Inventum, excogitatum ingenio.—2. Generum mortis.

quum sustinere Vitelliani nequirent, et superjacta tela testudine labe-
rentur, ipsam postremo ballistam in subeuntes propulere, quæ ut ad
præsens disjecit obruitque quos inciderat, ita pinnas ac summa valli
ruina sua traxit. simul juncta turris ictibus saxorum cessit. qua septi-
mani dum nituntur cuneis, tertianus securibus gladiisque portam per-
fregit. primum irrupisse C. Volusium tertiæ legionis militem inter omnes
auctores constat. is in vallum egressus, deturbatis qui restiterant, con-
spicius manu ac voce *capta castra* conclamavit. ceteri trepidis jam Vi-
tellianis seque e vallo præcipitantibus perrupere. completur cæde quantum
inter castra murosque vacui fuit ¹.

XXX. Ac rursus nova laborum facies, ardua urbis mœnia, saxæ
turres, ferrati portarum obices, vibrans tela miles, frequens obstrictusque
Vitellianis partibus Cremonensis populus, magna pars Italiæ stato in
eosdem dies mercatu congregata; quod defensoribus auxilium ob multi-
tudinem, oppugnantibus incitamentum ob prædam erat. *rapi ignes An-
tonius inferrique amænissimis extra urbem cædificiis* jubet, si ¹ damno
rerum suarum Cremonenses ad mutandam fidem traherentur. propinqua
muris tecta et altitudinem mœnium egressa fortissimo quoque militum
complet; illi trabibus ² tegulisque et facibus propugnatores deturbant.

XXXI. Jam legiones in testudinem glomerabantur, et alii tela saxaque
incutiebant, quum languescere paulatim Vitellianorum animi. ut quis
ordine anteibat, cedere fortunæ, ne Cremona quoque excisa nulla ultra
venia, omnisque ira victoris non in vulgus inops, sed in tribunos cen-
turiionesque, ut pretium cædis erat, reverteretur. gregarius miles futuri
socers et ignobilitate tutior perstabat. vagi per vias, in domibus abditi,
pacem ne tunc quidem orabant, quum bellum posuissent. primores castro-
rum nomen atque imagines Vitellii amoliuntur. catenas Cæcinæ (nam
etiam tum victus erat) exsolvunt orantque *ut causæ suæ deprecator
assistat*. aspernantem tumentemque lacrimis fatigant, extremum malo-
rum, tot fortissimi viri proditoris opem invocantes. mox velamenta et
infulas ¹ pro muris ostentant. quum Antonius *inhiberi tela* jussisset,
signa aquilasque extulere ²: mæstum inermium agmen, dejectis in terram
oculis, sequebatur. circumstiterant victores, et primo ingerebant probra,
intentabant ictus: mox, ut præberi ora contumeliis, et posita omni fe-
rocia cuncta victi patiebantur, subit recordatio illos esse qui nuper Be-
driaci victoriæ temperassent ³. sed ubi Cæcina prætexta lictoribusque
insignis, dimota turba, consul incessit, exarsere victores: *superbiam
sævitiamque* (adeo invisæ scelera sunt), etiam *perfidiam* objectabant.
obstitit Antonius, datisque defensoribus ad Vespasianum dimisit.

XXXII. Plebs interim Cremonensium inter armatos conflictabatur; nec
procul cæde aberant, quum precibus ducum mitigatus est miles. et vo-
calos ad concionem Antonius alloquitur, magnifice victores, victos cle-

XXIX. 1. Perisse illo prælio 30 millia hominum auctor est Dio Cassius.

XXX. 1. Num forte, ut εἰ et εἰ πῶς Græcis.—2. Avulsis et devolutis.

XXXI. 1. Supplicum ritu. Conf. I, 66. — 2. Sc. ad Antonium. Honesta deditio sub
signis fiebat, quæ his auferuntur.—3. Quod narratum II, 43.

menter, de Cremona in neutrum¹. exercitus præter insitam prædandi cupidinem vetere odio ad excidium Cremonensium incubuit. juvisse partes Vitellianas Othonis quoque bello credebantur; mox tertiadecimanos ad exstruendum amphitheatrum relictos, ut sunt procacia urbanæ plebis ingenia, petulantibus jurgiis illuserant. auxit invidiam editum illic a Cæcina gladiatorum spectaculum, eademque rursus belli sedes, et præbiti in acie Vitellianis cibi, cæsæ quædam feminae studio partium ad prælium progressæ. tempus quoque mercatus ditem alioqui coloniam majorum opum specie complebat. ceteri duces in obscuro: Antonium fortuna famaque omnium oculis exposuerat. is balineas abluendo cruori propere petit. excepta vox est, quum teporem incusaret, *statim futurum ut incallescere*. vernile² dictum omnem invidiam in eum vertit, tamquam *signum incendende Cremonæ dedisset*, quæ jam flagrabat.

XXXIII. Quadraginta armatorum millia irrupere, calorum lixarumque amplior numerus et in libidinem ac sævitiam corruptior. non dignitas, non ætas protegebat, quominus stupra cadibus, cædes stupris miscerentur. grandævos senes, exacta ætate feminas, viles ad prædam, in ludibrium trahebant. ubi adulta virgo aut quis forma conspicuus incidisset, vi manibusque rapientium divulsus, ipsos postremo direptores in mutuam perniciem agebat. dum pecuniam vel gravia auro templorum dona sibi quisque trahunt, majore aliorum vi truncabantur. quidam obvia aspernati, verberibus tormentisque dominorum abdita scrutari, defossa eruere, faces in manibus, quas, ubi prædam egresserant, in vacuas domos et inania templa per lasciviam jaculabantur; utque exercitu vario linguis, moribus, cui cives, socii, externi interessent, diversæ cupidines et aliud cuique fas nec quicquam illicitum. per quatrimum Cremona suffecit. quum omnia sacra profanaque in igne considerent, solum Mephitis¹ templum stetit ante mœnia, loco seu numine defensum.

XXXIV. Hic exitus Cremonæ, anno ducentesimo octogesimo sexto a primordio sui. condita erat Tib. Sempronio et Cornelio consulibus¹, ingruente in Italiam Hannibale, propugnaculum adversus Gallos trans Padum agentes, et si qua alia vis per Alpes rueret. igitur numero colonorum, opportunitate fluminum, ubere agri², annexu connubiisque gentium adolevit floruitque, bellis externis intacta, civilibus infelix³. Antonius pudore flagitii, crebrescente invidia, edixit *ne quis Cremonensem captivum detineret*. irritamque prædam militibus effecerat consensus Italiæ, emptionem talium mancipiorum aspernantis. occidi cœpere. quod ubi enotuit, a propinquis affinibusque occulte redemptabantur. mox rediit Cremonam reliquus populus. reposita fora templaque munificentia municipum⁴; et Vespasianus hortabatur.

XXXII. 1. In neutram partem; neque ad salutem neque ad perniciem eorum. — 2. Servi baluatoris. Fortuitæ voci tanta vis tribuebatur ut ad summum ducem prolata et re, quæ in potestate ejus esse credebatur, speciose confirmata.

XXXIII. 1. « Dea avertens molestiam odoris gravissimi, putoris qui ex corruptione aeris nascitur, » Servius ad Æn. VII, 84. Templum haud dubie versus Padum flumen situm sæpe exundans.

XXXIV. 1. A. U. 556. — 2. Poëtice dictum; v. Virg. Æn. I, 851; III, 161. — 3. Bruti et Cassii partibus addicta. Notus Virgili (Ecl. IX, 28) versus: *Mantua vix miseræ ninium vicina Cremonæ*. — 4. Qui, agros possidentes, non omnia tum perdiderant.

XXXV. Ceterum assidere sepultæ urbis¹ ruinis noxia tabo humus haud diu permisit. ad tertium lapidem progressi vagos paventesque Vitellianos sua quemque apud signa componunt. et victæ legiones ne manente adhuc civili bello ambigue agerent, per Illyricum dispersæ. in Britanniam inde et Hispanias nuntios famamque, in Galliam Julium Calenum tribunum, in Germaniam Alpinum Montanum² præfectum cohortis, quod hic Trevir, Calenus Æduus, uterque Vitelliani fuerant, ostentui³ misere. simul transitus Alpium præsidiis occupati, suspecta Germania, tamquam in auxilium Vitellii accingeretur.

XXXVI. At Vitellius profecto Cæcina, quum Fabium Valentem paucis post diebus ad bellum impulisset, curis luxum obtendebat¹. non parare arma, non alloquio exercitioque militem firmare, non in ore² vulgi agere; sed umbraculis hortorum abditus, ut ignava animalia, quibus si cibum suggeras, jacent torpentque, præterita, instantia, futura pari oblivione dimiserat. atque illum in nemore Aricino desidem et marcentem proditio Lucilii Bassi ac defectio classis Ravennatis perculit. nec multo post de Cæcina affertur mixtus gaudio dolor, et descivisse et ab exercitu vinctum. plus apud socordem animum lætitia quam cura valuit. multa cum exultatione in Urbem revector, frequenti concione *pietatem militum* laudibus cumulat. *P. Sabinum prætorii præfectum ob amicitiam Cæcinæ vinciri* jubet, substituto in locum ejus Alphenio Varo.

XXXVII. Mox senatum composita in magnificentiam oratione allocutus, exquisitis Patrum adulationibus attollitur. initium atrocis in Cæcinam sententiæ a L. Vitellio factum; dein ceteri composita indignatione *quod consul rempublicam, dux imperatorem, tantis opibus, tot honoribus cumulat* amicum prodidisset, velut pro Vitellio conquerentes, suum dolorem¹ proferebant. nulla in oratione cujusquam erga Flavianos duces obtrectatio: *errorem imprudentiamque exercituum* culpantes, Vespasiani nomen suspensi et vitabundi circumibant. nec defuit qui unum consulatus diem (is enim in locum Cæcinæ supererat) magno cum irrisu tribuentis accipientisque eblandiretur. pridie kalendas Novembres Rosius Regulus iniit ejuravitque². annotabant periti *nunquam antea non abrogato magistratu neque lege lata alium suffectum*. nam consul uno die et ante fuerat Caninius Rebilus³ C. Cæsare dictatore, quum belli civilis præmia festinarentur.

XXXVIII. Nota per eos dies Junii Blæsi¹ mors et famosa fuit; de qua sic accepimus. gravi corporis morbo æger Vitellius Servilianis hortis² turrim vicino sitam collucere per noctem crebris luminibus animadvertit.

XXXV. 1. Similiter Sulpicius ad Ciceronem (*Ep.* IV, 8), de Græciæ oppidis « quodam tempore florentissimis, nunc prostratis et dirutis » scribit: *Quum uno loco tot oppidorum cadavera projecta jaceant.* — 2. Cujus adventus et defectio infra narrabitur, IV, 31.—3. Ut in se ipsis ostenderent partium suarum statum.

XXXVI. 1. Ad abdicandas curas et ab se removendas luxui indulgebat. — 2. Conspectu.

XXXVII. 1. Ex injuriis Cæcinæ privatim et publice conceptum.—2. Abdicavit; v. ad *Ann.* XIII, 14. — 3. Anni U. 708. In eam rem multa sunt dicteria Ciceronis, *Epist. ad fam.* VII, 38, *Macrob. Saturn.* II, 3, *Plut. Cæs.* c. 88.

XXXVIII. 1. De quo II, 89.—2. In quibus Nero quoque morari solitus; *Ann.* XV, 88;

sciscitanti causam *apud Cæcinam Tuscum* ³ *epulari multos, præcipuum honore Junium Blæsum* nuntiatur. cetera in majus ⁴, de *apparatu et solutis in lasciviam animis*. nec defuere qui ipsum Tuscum et alios, sed criminosis Blæsum incusarent, *quod ægro Principe lætos dies ageret*. ubi asperatum Vitellium et posse Blæsum perverti satis patuit iis qui Principum offensas acriter speculantur, datæ L. Vitellio delationis partes. ille infensus Blæso æmulatione prava, quod eum omni dedecore maculosum egregia fama anteibat, cubiculum Imperatoris reserat, filium ejus sinu complexus et genibus accidens. causam confusionis quærenti, « non se proprio metu nec sui anxium, sed pro fratre, pro liberis fratris » preces lacrimasque attulisse. frustra Vespasianum timeri, quem tot « Germanicæ legiones, tot provinciæ virtute ac fide, tantum denique terrarum. ac maris immensis spatiiis arceat. in Urbe ac sinu cavendum » hostem Junios Antoniosque ⁵ avos jactantem, qui se stirpe imperatoria ⁶, « comem ac magnificum militibus ostendet. versas illuc omnium mentes, » dum Vitellius amicorum inimicorumque negligens fovet æmulum Principis labores ⁷ e convivio prospectantem. reddendam pro intempestiva « lætitia mæstam et funebrem noctem, qua sciat et sentiat vivere Vitellium et imperare et si quid fato accadat, filium habere. »

XXXIX. Trepidanti inter scelus metumque, ne dilata Blæsi mors maturam perniciem, palam jussa atrocem invidiam ferret, placuit veneno grassari. addidit facinori fidem nobili ¹ gaudio, Blæsum visendo. quin et audita est sævissima Vitellii vox, qua se (ipsa enim verba referam) *pavisse oculos spectata inimici morte* jactavit. Blæso super claritatem natalium et elegantiam morum fidei obstinatio fuit. integris quoque rebus a Cæcina et primoribus partium jam Vitellium aspernantibus ambitus abnuere perseveravit. sanctus, inturbidus, nullius repentini honoris, adeo non ² principatus appetens, parum effugerat ³ ne dignus crederetur.

XL. Fabius interim Valens multo ac molli concubinarum spadonumque agmine segnius quam ad bellum incedens, *proditam a Lucio Basso Ravennatem classem* pernicibus nuntiis accepit. et si ceptum iter properasset, nutantem Cæcinam prævenire aut ante discrimen pugnae assequi legiones potuisset. nec deerant qui monerent *ut cum fidissimis per occultos tramites, vitata Ravenna, Hostilium Cremonamve pergeret*. aliis placebat *accitis ex Urbe prætoriiis cohortibus valida manu perrumpere*. ipse inutili cunctatione agendi tempora consultando consumpsit: mox utrumque consilium aspernatus, quod inter ancipitia deterrimum est, dum media sequitur, nec ausus est satis nec providit.

XLI. Missis ad Vitellium litteris auxilium postulat. venere tres cohortes cum ala Britannica, neque ad fallendum ¹ aptus numerus neque ad pene-

Sueton. c. 47.—3. Memoratum *Ann.* XIII, 20.—4. Aucta nuntiantur.—5. Quorum Junius Brutus Cæsarem occidit, M. Antonius contra Augustum pugnavit. — 6. Pater ejus *imperator* salutus a militibus, *Ann.* III, 74.—7. Morbum.

XXXIX. 1. Quasi dicas *noscibili*, conspicuo. De re conf. narrata Suetonio c. 14.—2. Nedum.—3. Græce παρ' ὀλίγον ἔφυγεν. Quanquam fide sanctissima et modestissimus, his virtutibus ægre impediēbat quin palam *dignus* imperio *crederetur*; quæ res tum perniciem afferebat.

XLI. 1. Latendum.

trandum. sed Valens ne in tanto quidem discrimine infamia caruit, quominus rapere illicitas voluptates adulterisque ac stupris polluere hospitum domus crederetur. aderant vis et pecunia et ruentis fortunæ novissima libido. adventu demum peditum equitumque pravitas consilii patuit, quia nec vadere per hostes tam parva manu poterat, etiam si fidissima foret, nec integram fidem attulerant. pudor tamen et præsentis ducis reverentia morabatur, haud diuturna vincula apud avidos periculorum² et dedecoris securos³. eo metu et paucis quos adversa non mutaverant comitantibus, cohortes Ariminum præmittit, alam *tueri terga* jubet: ipse flexit in Umbriam atque inde Etruriam, ubi cognito pugnae Cremonensis eventu non ignavum, et, si provenisset⁴, atrox consilium iniiit, ut arreptis navibus in quaecunque partem Narbonensis provinciæ egressus Gallias et exercitus et Germaniæ gentes novumque bellum cieret.

XLII. Digresso Valente trepidos qui Ariminum tenebant, Cornelius Fuscus, admoto exercitu et missis per proxima littorum Liburnicis, terra marique circumvenit. occupantur plana Umbriæ et qua Picens ager Hadria¹ allatur. omnisque Italia inter Vespasianum ac Vitellium Apenninis jugis dividebatur. Fabius Valens e sinu Pisano segnitia maris² aut adversante vento portum Herculis Monœci depellitur. haud procul inde agebat Marius Maturus Alpium maritimarum procurator, fidus Vitellio, cujus sacramentum cunctis circæ hostilibus nondum exuerat. is Valentem comiter exceptum, *ne Galliam Narbonensem temere ingrederetur*, monendo teruit; simul ceterorum fides metu infracta. namque circumjectas civitates procurator³ Valerius Paulinus, strenuus militiæ et Vespasiano ante fortunam amicus, in verba ejus adegerat.

XLIII. Concitisque omnibus qui exauctoritati a Vitellio¹ bellum sponte sumebant, Foro-Juliensem coloniam, claustra maris, præsidio tuebatur, eo gravior auctor quod Paulino patria Forum Julii et honos apud prætorianos, quorum quondam tribunus fuerat. ipsique pagani favore municipali et futuræ potentiæ spe juvare partes annitebantur. quæ ubi paratu firma et aucta rumore apud varios Vitellianorum animos increbuerat, Fabius Valens cum quattuor speculatoribus et tribus amicis, totidem centurionibus, ad naves regreditur; Maturo ceterisque remanere et in verba Vespasiani adigi volentibus fuit². ceterum ut mare tutius Valenti quam littora aut urbes, ita futuri ambiguus, et magis quid vitaret quam cui fideret certus, adversa tempestate Stœchadas Massiliensium insulas affertur. ibi eum missæ a Paulino Liburnicæ oppressere.

XLIV. Capto Valente cuncta ad victoris opes conversa, initio per Hispaniam a prima Adjutrice legione orto, quæ memoriâ Othonis infensa Vitellio decimam quoque ac sextam traxit. nec Galliæ cunctabantur. et

—2. *Aventureux*.—3. Non sollicitos de dedecore proditiōis, jam in Galbam, Othonem exercitæ.—4. Ut *Ann.* I, 19, not. 4.

XLII. 1. Sc. mari. Conf. *Ann.* XV, 34. — 2. Ob tranquillitatem maris, ventis vela non implentibus, non eo quo volebat pervenit, sed in portum Herculis. Verbum *depellitur* ad ultima modo refertur; ad priora generale verbum intelligendum est. — 3. Galliæ Narbonensis, ut videtur.

XLIII. 1. Vid. II, 67.—2. Vid. ad *Annal.* I, 39.

Britanniam inclitus erga Vespasianum favor, quod illic secundæ legioni a Claudio præpositus et bello clarus egerat, non sine motu adjunxit ceterarum, in quibus plerique centuriones ac milites a Vitellio proVecti expertum jam Principem anxii mutabant.

XLV. Ea discordia et crebris belli civilis rumoribus Britanni sustulere animos, auctore Venutio, qui super insitam ferociam et Romani nominis odium propriis in Cartimanduum reginam stimulis accendebatur. Cartimandua Brigantibus imperitabat, pollens nobilitate; et auxerat potentiam, postquam capto per dolum rege Caractaco instruxisse¹ triumphum Claudii Cæsaris videbatur. inde opes et rerum secundarum luxus. spreto Venutio (is fuit maritus) armigerum ejus Vellocatum in matrimonium regnumque accepit. concussa statim flagitio domus. pro marito studia civitatis, pro adultero libido reginæ et sævitia. igitur Venutius accitis auxiliis, simul ipsorum Brigantum defectione, in extremum discrimen Cartimanduum adduxit. tum petita a Romanis præsidia. et cohortes alæque nostræ, variis præliis, exemere tamen periculo reginam. regnum Venutio, bellum nobis relictum.

XLVI. Turbata per eosdem dies Germania et socordia ducum, seditione legionum, externa vi et perfidia sociali prope afflicta Romana res. id bellum cum causis et eventibus (etenim longius proVectum est) mox memorabimus¹. mota et Dacorum gens nunquam fida, tunc sine metu abducto e Mœsia exercitu. sed prima rerum quieti speculabantur: ubi flagrare Italian bello, cuncta invicem hostilia acceperere, expugnatis cohortium alarumque hibernis utraque Danubii ripa potiebantur. jamque castra legionum excindere parabant, ni Mucianus sextam legionem opposuisset, Cremonensis victoriæ gnarus, ac ne externa moles utrimque ingrueret, si Dacus Germanusque diversi irrupissent. affuit ut sæpe alias fortuna populi Romani, quæ Mucianum viresque Orientis illuc tulit: et quod Cremonæ interim transeginus². Fonteius Agrippa ex Asia (pro consule eam provinciam annuo imperio tenuerat) Mœsiæ præpositus est, additis copiis e Vitelliano exercitu, quem spargi per provincias et externo bello illigari pars consilii pacisque erat.

XLVII. Nec ceteræ nationes silebant. subita per Pontum arma barbarum mancipium, reginæ quondam classis præfectus, moverat. is fuit Anicetus Polemonis¹ libertus, præpotens olim, et postquam regnum in formam provinciæ verterat², mutationis impatiens. igitur Vitellii nomine ascitis gentibus quæ Pontum accolunt, corrupto in spem rapinarum egentissimo quoque, haud temnendæ manus ductor, Trapezuntem, vetusta fama civitatem, a Græcis in extremo Ponticæ³ oræ conditam, subitus irrupit. cæsa ibi cohors, regiam auxilium olim; mox donati civitate Romana signa armaque in nostrum modum, desidia licentiamque Græcorum retinebant. Classi quoque⁴ faces intulit, vacuo mari eludens⁵, quia le-

XLV. 1. Ornasse. De ea re v. *Agric.* c. 13, Sueton. *Claud.* c. 17.

XLVI. 1. Infra IV, 12 seqq.—2. Rem confecimus.

XLVII. 1. Ultimi regis Ponti, qui a. p. Chr. 63 regnum suum cesserat Romanis, v. Sueton. *Ner.* c. 18.—2. Intransitive.—3. Ponti regni, non maris Euxini.—4. Navibus in portu Trapezuntio relictis a Muciano, de quo conf. II, 83.—5. Progressu in mare, ubi

ctissimas Liburnicarum omnemque militem Mucianus Byzantium adegerat. quin et barbari⁶ contemptim vagabantur, fabricatis repente navibus. *camaras* vocant,⁷ arctis lateribus, latam alvum, sine vinculo aeris aut ferri connexas; et tumido mari, prout fluctus attollitur, summa navium tabulis augent, donec in modum tecti claudantur. sic inter undas volvuntur, pari utrimque prora et mutabili remigio, quando hinc vel illinc appellere indiscretum et innoxium est.

XLVIII. Advertit ea res Vespasiani animum, ut vexillarios e legionibus ducemque Viridium Geminum, spectatæ militiæ, deligeret. ille incompositum et prædæ cupidine vagum hostem adortus coegit in naves; effectisque raptim Liburnicis assequitur Anicetum in ostio fluminis Cohibi¹, tutum sub Sedochezorum² regis auxilio, quem pecunia donisque ad societatem perpulerat. ac primo rex minis armisque supplicem tueri: postquam merces proditiōis aut bellum ostendebatur, fluxa, ut est barbaris, fide pactus Aniceti exitium perfugas³ tradidit, belloque servili finis impositus. Lætum ea victoria Vespasianum, cunctis super vota fluentibus, Cremonensis prælii nuntius in Ægypto assequitur. eo properantius Alexandriam pergit, ut fracto Vitellii exercitu Urbem quoque externæ opis indigam fame urgeret. namque et Africam, eodem latere sitam, terra marique invadere parabat, clausis annonæ subsidiis inopiam ac discordiam hosti facturus.

XLIX. Dum hac totius orbis nutatione fortuna imperii transit, Primus Antonius nequaquam pari innocentia post Cremonam agebat, satisfactum bello ratus et cetera ex facili¹, seu felicitas in tali ingenio avaritiam, superbiam ceteraque occulta mala patefecit. ut captam, Italiam persultare; ut suas, legiones colere; omnibus dictis factisque viam sibi ad potentiam struere. utque licentia militem imbueret, interfectorum centurionum ordines legionibus offerebat². eo suffragio turbidissimus quisque delecti; nec miles in arbitrio ducum, sed duces militari violentia trahebantur³. quæ seditiosa, et corrumpendæ disciplinæ, mox in prædam vertebat⁴, nihil adventantem Mucianum veritus; quod exitiosius erat quam Vespasianum sprevisse.

L. Ceterum propinqua hieme et humentibus Pado campis expeditum¹ agmen incedere. signa aquilæque victricium legionum, milites vulneribus aut ætate graves, plerique etiam integri, Veronæ relictî: sufficere cohortes alæque et e legionibus lecti profligato² jam bello videbantur. Undecima legio sese adjunxerat, initio cunctata, sed prosperis rebus anxia quod defuisset. sex millia Dalmatarum, recens delectus, comitabantur. ducebat Pompeius Silvanus³ consularis: vis consiliorum penes Annium

jam nulla classis Romana, vindictam effugiens.—6. Sc. Oræ Ponticæ.—7. De his navigiis Bosporanorum, quinque fere et viginti hominum capacibus, loquitur etiam Strabo XI, p. 498; de similibus Suionum Tacitus *Germ.* c. 44.

XLVIII. 1. Sive *Chobi*, hodie *Kemkhal*.—2. Gentis Ponticæ, a Pomponio Mela memoratæ I, c. 19.—3. Qui supplices ad eum confugerant.

XLIX. 1. Sc. esse, facilia effectum esse.—2. Nimirum ut ipsæ legiones sibi quos vellent centuriones eligerent in locum interfectorum.—3. Compellebantur ut duces fierent.—

4. Antonius, pretium exigens confirmandis novis ducibus.

L. 1. Sine impedimentis, ut c. 2.—2. Prope ad finem perducto, ut II, 4.—3. Vid II 36.—

Bassum legionis legatum. is Silvanum socordem bello et dies rerum verbis terentem specie obsequii regebat, ad omniaque quæ agenda forent quieta cum industria aderat. ad has copias e classicis Ravennatibus, legionariam militiam poscentibus, optimus quisque asciti: classem Dalmatæ supplere. exercitus ducesque ad Fanum Fortunæ iter sistunt, de summa rerum cunctantes, quod *motas ex Urbe prætorias cohortes* audierant, et teneri præsidiis Apenninum rebantur. et ipsos in regione bello attrita inopia et seditiosæ militum voces terrebant, *clavarium*⁴ (donativi nomen est) flagitantium. nec pecuniam aut frumentum providerant; et festinatio atque aviditas præpediebant, dum quæ accipi poterant, rapiuntur.

LI. Celeberrimos auctores habeo tantam victoribus adversus fas nefasque irreverentiam fuisse, ut gregarius eques occisum a se proxima acie fratrem professus, præmium a ducibus petierit. nec illis aut honorare eam cædem jus hominum aut ulcisci ratio belli permittebat. distulerant tamquam majora meritum quam quæ statim exsolverentur; nec quicquam ultra traditur. ceterum et prioribus civium bellis par scelus inciderat. nam prælio quo apud Janiculum adversus Cinnam pugnatum est, Pompeianus miles fratrem suum, dein cognito facinore se ipsum interfecit, ut Sisenna¹ memorat. tanto acrior apud majores sicut virtutibus gloria, ita flagitiis pœnitentia fuit. sed hæc aliaque ex veteri memoria petita, quoties res locusque exempla recti aut solatia mali poscet, haud absurde memorabimus.

LII. Antonio ducibusque partium *præmitti equites omnemque Umbriam explorari* placuit, si qua *Apennini juga clementius*¹ *adirentur; acciri aquilas signaque et quicquid Veronæ militum foret; Padumque et mare commeatibus compleri.* erant inter duces qui necterent moras: quippe nimius jam Antonius, et certiora ex Muciano sperabantur. namque Mucianus tam celeri victoria anxius, et ni præsens Urbe potiretur, expertem se belli gloriæque ratus, ad Primum et Varum media² scriptitabat, *instandum cæptis* aut rursus *cunctandi utilitates* edisserens, atque ita compositus ut ex eventu rerum adversa abnueret vel prospera agnosceret. Plotium Griphum nuper a Vespasiano in senatorium ordinem additum ac legioni præpositum ceterosque sibi fidos apertius monuit. iique omnes de festinatione Primi ac Vari sinistre et Muciano volentia³ rescripsere. quibus epistolis Vespasiano missis effecerat ut non pro spe Antonii consilia factaque ejus æstimarentur.

LIII. Ægre id pati Antonius, et culpam in Mucianum conferre, cujus criminationibus eviliissent¹ pericula sua. nec sermonibus temperabat, immodicus lingua et obsequii insolens. litteras ad Vespasianum composuit jactantius quam ad Principem nec sine occulta in Mucianum insectatione: « se Pannonicas legiones in arma egisse; suis stimulis excitos Mœ-

4. Quasi quo clavi caligarum soleis suffigendi emerentur.

LI. 1. Laudatus scriptor historiarum, qui *bellum civile Sullanum* composuerat. Res eadem apud Livium legebatur; v. epitomen libri LXXIX.

LII. 1. Lenius, ubi quidem colles clementer assurgentes, ut Tacitus loquitur *Ann.* XIII, 58.—2. Ambigua.—3. V. ad *Ann.* XV, 56.

LIII. 1. Vilia et nullius pretii reddita essent.

« siæ duces, sua constantia perruptas Alpes, occupatam Italiam, inter-
 « septa Germanorum Rætorumque auxilia. quod discordes dispersasque
 « Vitellii legiones equestri procella, mox peditum vi per diem noctemque
 « fudisset, id pulcherrimum et sui operis. casum Cremonæ bello impu-
 « tandum : majore damno, plurium urbium excidiis veteres civium dis-
 « cordias reipublicæ stetisse². non se nuntiis neque epistolis, sed manu
 « et armis Imperatori suo militare. neque officere³ gloriæ eorum qui
 « Asiam interim composuerint. illis Mœsiæ pacem⁴, sibi salutem securi-
 « tatemque Italiæ cordi fuisse; suis exhortationibus Gallias Hispaniasque,
 « validissimam terrarum partem⁵, ad Vespasianum conversas. sed ceci-
 « disse in irritum labores, si præmia periculorum soli assequantur qui
 « periculis non affuerint. » nec fefellere ea Mucianum : inde graves simul-
 tates, quas Antonius simplicius, Mucianus callide eoque implacabilius
 nutriebat.

LIV. At Vitellius fractis apud Cremonam rebus nuntios cladis occul-
 tans, stulta dissimulatione remedia potius malorum quam mala differebat.
 quippe confitenti consultantique supererant spes viresque; quum e con-
 trario læta omnia fingeret, falsis ingravescebat¹. mirum apud ipsum de
 bello silentium; prohibiti per civitatem sermones, eoque plures, ac, si
 liceret, vere narraturi, quia vetabantur, atrociora vulgaverant. nec duces
 hostium augendæ famæ deerant, captos Vitellii exploratores circumductos-
 que, ut robor victoris exercitus noscerent, remittendo; quos omnes
 Vitellius secreto percunctatus interfici jussit. notabili constantia centurio
 Julius Agrestis, post multos sermones quibus Vitellium ad virtutem fru-
 stra accendebat, perpulit ut ad vires hostium spectandas quæque apud
 Cremonam acta forent ipse mitteretur. nec exploratione occulta fallere
 Antonium tentavit, sed mandata Imperatoris suumque animum professus,
ut cuncta viseret, postulat. missi qui locum prælii, Cremonæ vestigia,
 captas legiones ostenderent. Agrestis ad Vitellium remeavit, abnuentique
vera esse quæ afferret, atque ultro *corruptum* arguenti : *Quandoqui-*
dem, inquit, magno documento opus est, nec alius jam tibi aut vitæ
aut mortis meæ usus, dabo cui credas. atque ita digressus voluntaria
 morte dicta firmavit. quidam *jussu Vitellii interfectum*, de *fide con-*
stantiaque eadem tradidere.

LV. Vitellius, ut e somno excitus, *Julium Priscum et Alphenum*
*Varum*¹ *cum quattuordecim prætoriiis cohortibus et omnibus equitum*
alis obsidere Apenninum jubet. secuta e classicis legio². tot millia ar-
 matorum, lecta equis virisque, si dux alius foret, inferendo quoque bello
 satis pollebant. ceteræ cohortes ad tuendam Urbem L. Vitellio fratri datæ.
 ipse nihil e solito luxu remittens et dissidentia properus festinare comitia,
 quibus consules in multos annos destinabat; fœdera sociis, Latium³ ex-
 ternis dilargiri; his tributa dimittere, alios immunitatibus juvare; deni-
 que nulla in posterum cura lacerare imperium. sed vulgus ad magnitudi-

— 2. Ut alibi *constitisse*, de pretio. Sic c. 72. — 3. Sc. se. *Asiam*, in qua nihil turbarum fuerat. — 4. De qua c. 46. — 5. Idem judicium Taciti in *Agric.* c. 12.

LIV. 1. *Ingravescere* proprie de ægris quorum morbus validior sit.

LV. 1. Præfectos prætorio, II, 92; III, 36. — 2. Conf. c. 50. — 3. Jus Latii, de quo ad

nem beneficiorum aderat; stultissimus quisque pecuniis mercabatur⁴; apud sapientes cassa habebantur, quæ neque dari neque accipi salva republica poterant. tandem flagitante exercitu, qui Mevaniam insederat, magno senatorum agmine, quorum multos ambitione⁵, plures formidine trahebat, in castra venit, incertus animi et infidis consiliis obnoxius.

LVI. Concionanti (prodigiosum dictu) tantum fœdarum volucrum supervolitavit, ut nube atra diem obtenderent. accessit dirum omen, profugus altaribus taurus disjecto sacrificii apparatu, longe¹, nec ubi feriri hostias mos est, confossus. sed præcipuum ipse Vitellius ostentum erat, ignarus militiæ, improvidus consiliis, *quis ordo agminis, quæ cura explorandi, quantus urgendo trahendove bello modus* alios rogitans, et ad omnes nuntios vultu quoque et incessu trepidus, dein temulentus. postremo tædio castrorum, et audita defectione Misenensis classis, Romanam revertit, recentissimum quodque vulnus pavens, summi discriminis incuriosus. nam quum transgredi Apenninum integro exercitus sui robore et fessos hieme atque inopia hostes aggredi in aperto² foret, dum dispergit vires, acerrimum militem et usque in extrema obstinatum trucidandum capiendumque tradidit, peritissimis centurionum dissentientibus et, si consulerentur, vera dicturis. arcuere eos intimi amicorum Vitellii, ita formati Principis auribus, ut aspera³ quæ utilia, nec quicquam nisi jucundum et læsurum acciperet.

LVII. Sed classem Misenensem (tantum civilibus discordiis etiam singulorum audacia valet) Claudius Faventinus centurio per ignominiam a Galba dimissus ad defectionem traxit, fictis Vespasiani epistolis pretium proditiōis ostentans. præerat classi Claudius Apollinaris, neque fidei constans neque strenuus in perfidia. et Apinius Tiro prætura functus ac tum forte Minturnis agens ducem se defectoribus obtulit. a quibus municipia coloniæque impulsæ, præcipuo Puteolanorum in Vespasianum studio, contra Capua Vitellio fida, municipalem æmulationem bellis civilibus miscebant. Vitellius Claudium Julianum (is nuper classem Misenensem molli imperio rexerat) permulcendis militum animis delegit. data in auxilium urbana cohors et gladiatores, quibus Julianus præerat. ut collata utrimque castra, haud magna cunctatione Juliano in partes Vespasiani transgresso, Tarracinam occupavere, mœnibus situque magis quam ipsorum¹ ingenio tutam.

LVIII. Quæ ubi Vitellio cognita, parte copiarum Narniæ cum præfectis prætorii relictæ, L. Vitellium fratrem cum sex cohortibus et quingentis equitibus ingruenti per Campaniam bello opposuit. ipse æger animi studiis militum et clamoribus populi arma poscentis refovebatur, dum vulgus ignavum et nihil ultra verba ausurum falsa specie *exercitum et legiones* appellat. hortantibus libertis (nam amicorum ejus quanto quis clarior, minus fidus) *vocari tribus*¹ jubet, dantes nomina sacramento

Ann. XV, 32.—4. Sc. immunitates et alia commoda.—5. Sc. ipsorum; non, sua.

LI. 1. Sc. ab altari. Erat hoc inter *piacularia auspicia*. — 2. Apertum, prom ptum. Sic *Agric. c. 1.*—3. Sc. ipsi essent.

LVII. 1. Juliani et Apollinaris. Vid. infra c. 76.

LVIII. 1. Id est plebem in 33 tribus descriptam. *Nomina dantes* sc. in militiam.

adigit. superfluente multitudine curam delectus in consules partitur. servorum numerum et pondus argenti senatoribus indicit. Equites Romani obtulere operam pecuniasque, etiam libertinis idem munus ultro flagitantibus. ea simulatio ² officii a metu profecta verterat in favorem; ac plerique haud perinde Vitellium quam casum locumque principatus ³ miserabantur. nec deerat ipse vultu, voce, lacrimis, misericordiam elicere ⁴, largus premissis, et quæ natura trepidantium est, immodicus. quin et *Cæsarem* se dici voluit, aspernatus antea, sed tunc superstitione nominis, et quia in metu consilia prudentium et vulgi rumor juxta audiuntur. ceterum ut omnia inconsulti impetus cœpta initiis valida spatio languescunt, dilabi paulatim senatores Equitesque, primo cunctanter et ubi ipse non aderat, mox contemptim et sine discrimine, donec Vitellius pudore irriti conatus, quæ non dabantur, remisit.

LIX. Ut terrorem Italiæ possessa Mevania ac velut renatum ex integro bellum intulerat, ita haud dubium erga Flavianas partes studium tam pavidus Vitellii discessus addidit. erectus Samnis Pelignusque, et Marsi æmulatione, quod Campania prævenisset ¹, ut in novo obsequio, ad cuncta belli mœnia acres erant. sed fœda hieme per transitum Apennini conflictatus exercitus; et vix quieto agmine nives eluctantibus patuit quantum discriminis adeundum foret, ni Vitellium retro fortuna vertisset, quæ Flavianis ducibus non minus sæpe quam ratio affuit. obvium illic Petilium Cerialem habuere, agresti cultu et notitia locorum custodias Vitellii elapsum. propinqua affinitas Ceriali cum Vespasiano, nec ipse inglorius militiæ; eoque inter duces assumptus est. Flavio quoque Sabiro ² ac Domitiano patuisse effugium multi tradidere; et missi ab Antonio nuntii per varias fallendi artes penetrabant, locum ac præsidium monstrantes. Sabinus inhabilem labori et audacia valetudinem causabatur; Domitiano aderat animus; sed custodes a Vitellio additi, quamquam se socios fugæ promitterent, tamquam insidiantes timebantur. atque ipse Vitellius, respectu suarum necessitudinum ³, nihil in Domitianum atrox parabat.

LX. Duces partium ut Carsulas venere, paucos ad requiem dies sumunt, donec aquilæ signaque legionum assequerentur. et locus ipse castrorum placebat, late prospectans ¹, tuto copiarum aggestu, florentissimis pone tergum municipiis. simul colloquia cum Vitellianis decem millium spatio distantibus et proditio sperabatur. ægre id pati miles, et victoriam malle quam pacem. ne suas quidem legiones opperiebantur, ut prædæ ² quam periculorum socias. vocatos ad concionem Antonius docuit « esse adhuc « Vitellio vires, ambiguas, si deliberarent, acres, si desperassent. initia « bellorum civilium fortunæ permittenda: victoriam a consiliis et ratione « proficisci. jam Misenensem classem et pulcherrimam Campaniæ oram « descivisse; nec plus e toto terrarum orbe reliquum Vitellio quam quod

— 2. Imitatio. — 3. Quasi dicas, principatum sine Principe. Sic apud Plautum aliquis se oculum alteri excussurum sic minatur: *Faciam ut oculi locus supersit.*—4. Pro, quin eliceret; pendens ex *deerat*.

LIX. 1. Ad Vespasianum deficiens; v. 57.—2. Vespasiani fratri.—3. Propinquorum.

LX. 1. Unde late patebat prospectus.—2. Sc. potius. Conf. ad *Ann.* I, 58.

« inter Terracinam Narniamque jaceat. satis gloriæ prælio Cremonensi
 « partum, et exitio Cremonæ nimium invidiæ. nec concupiscerent Romam
 « capere, potius quam servare. majora illis præmia, et multo maximum
 « decus, si incolumitatem senatui populoque Romano sine sanguine quæ-
 « sissent. »

LXI. His ac talibus mitigati animi. nec multo post legiones venere. et terrore famaue aucti exercitus Vitellianæ cohortes nutabant, nullo in bellum adhortante, multi ad transitionem, qui suas centurias turmasque tradere, donum victori et sibi in posterum gratiam¹, certabant. per eos cognitum est *Interamnæ proximis campis præsidio quadringentorum equitum teneri*. missus extemplo Varus cum expedita manu paucos repugnantium interfecit; plures abjectis armis veniam petivere. quidam in castra refugi cuncta formidine implebant, augendo rumoribus virtutem copiasque hostium, quo amissi præsidii dedecus lenirent. nec ulla apud Vitellianos flagitii pœna, et præmiis defectorum versa fides, ac reliquum perfidiæ certamen. crebra transfugia tribunorum centurionumque. nam gregarius miles induruerat pro Vitellio, donec Priscus et Alphenus desertis castris ad Vitellium regressi pudore proditiōis cunctos exsolverent.

LXII. Iisdem diebus Fabius Valens¹ Urbini in custodia interficitur. caput ejus Vitellianis cohortibus ostentatum, ne quam ultra spem foverent. nam *pervasisse in Germanias Valentem et veteres illic novosque exercitus cire* credebant. visa cæde in desperationem versi. et Flavianus exercitus immane quantum² animo exitium Valentis ut finem belli accepit. natus erat Valens Anagninæ, equestri familia. procax moribus, neque absurdus ingenio, famam urbanitatis per lasciviam petere. ludicro juvenalium³ sub Nerone velut ex necessitate, mox sponte mimos actitavit, scite magis quam probe. legatus legionis et fovit Verginium et infamavit. Fonteium Capitonem corruptum, seu quia corrumpere nequiverat, interfecit⁴. Galbæ proditor, Vitellio fidus et aliorum perfidia illustratus.

LXIII. Abrupta undique spe Vitellianus miles transiturus in partes, id quoque non sine decore¹, sed sub signis vexillisque in subjectos Narniæ campos descendere. Flavianus exercitus, ut ad prælium intentus ornatusque², densis circa viam ordinibus astiterat. accepti in medium Vitelliani, et circumdatos Primus Antonius clementer alloquitur. *pars Narniæ, pars Interamnæ subsistere* jussi. relictæ simul e victricibus legiones, neque quiescentibus graves et adversus contumaciam validæ. non omisere per eos dies Primus ac Varus crebris nuntiis *salutem et pecuniam et secreta Campaniæ*³ offerre Vitellio, *si positis armis se ac liberos suos Vespasiano permisisset*. in eundem modum et Mucianus composuit epistolas; quibus plerumque fidere Vitellius, ac *de numero servorum*,

LXI. 1. De hoc accusativo vide dicta ad I, 44.

LXII. 1. De quo c. 43. — 2. Id est, immanitèr, maxime, ut apud Horatium: *Vino et lucernis Medus acinaces immane quantum discrepat*. Phrasis concisa pro: immane (est) quantum (sive quantopere) acceperit, discrepet. — 3. De quibus *Ann.* XIV, 15. — 4. Vid. I, 7 et 88.

LXIII. 1. Sc. facere vel fecit. Aliter dedititiū Cremonæ, c. 31. — 2. Instructus omni apparatu militari. — 3. Recessum in Campania, ut *secretum Asiæ*, I, 10.

electione littorum ¹ loqui. tanta torpedo invaserat animum, ut si Principem eum fuisse ceteri non meminissent, ipse oblivisceretur.

LXIV. At primores civitatis Flavium Sabinum præfectum Urbis secretis sermonibus incitabant, « victoriæ famæque partem capesseret. esse illi
« proprium militem cohortium urbanarum, nec defuturas vigilum cohortes, servitia ipsorum ¹, fortunam partium, et omnia prona victoribus.
« ne Antonio Varoque de gloria concederet. paucas Vitellio cohortes, et
« mœstis undique nuntiis trepidas; populi mobilem animum, et si ducem
« se præbuisset, easdem illas adulationes pro Vespasiano fore. ipsum Vitellium ne prosperis quidem parem : adeo ² ruentibus debilitatum. gratiam patrati belli penes eum qui Urbem occupasset. id Sabino convenire, ut imperium fratri reservaret; id Vespasiano, ut ceteri post
« Sabinum haberentur. »

LXV. Haudquaquam erecto animo eas voces accipiebat, invalidus senectæ. erant qui occultis suspicionibus incesserent, tamquam *invidia et cœmulatione fortunam fratris moraretur*. namque Flavius Sabinus ætate prior privatis utriusque rebus auctoritate pecuniaque Vespasianum antebibat, et ædebatur affectam ejus fidem ¹ præjuvisse domo agrisque pignori acceptis; unde, quamquam manente in speciem concordia, offensarum operta metuebantur. melior interpretatio, *mitem virum abhorrere a sanguine et cædibus, eoque crebris cum Vitellio sermonibus de pace ponendis per conditionem armis agitare*. sæpe domi congressi, postremo in æde Apollinis, ut fama fuit, pepigere ². verba vocesque duos testes habebant, Cluvium Rufum ³ et Silium Italicum ⁴. vultus procul visentibus notabantur, Vitellii projectus et degener, Sabinus non insultans et miseranti proprior.

LXVI. Quodsi tam facile suorum mentes flexisset Vitellius quam ipse cesserat, incruentam Urbem Vespasiani exercitus intrasset. ceterum ut quisque Vitellio fidus, ita pacem et condiciones abnuebant, « discrimen
« ac dedecus » ostentantes, « et fidem in libidine victoris. nec tantam
« Vespasiano superbiam, ut privatum ¹ Vitellium pateretur : ne victos
« quidem laturos. ita periculum ex misericordia ². ipsum sane senem et
« prosperis adversisque satiatum : sed quod nomen, quem statum filio
« ejus Germanico fore? nunc pecuniam et familiam et beatos Campaniæ
« sinus promitti : sed ubi imperium Vespasianus invaserit, non ipsi, non
« amicis ejus, non denique exercitibus securitatem nisi extincto æmulatore reditionem. Fabium illis Valentem captivum et casibus dubiis
« reservatum ³ prægravem fuisse : nedum Primus ac Fuscus et specimen
« partium Mucianus ullam in Vitellium nisi occidendi licentiam habeant.
« non a Cæsare Pompeium, non ab Augusto Antonium incolumes relictos,

— 4. Sc. Campaniæ.

LXIV. 1. Eorum qui ita monent Sabinum.—2. Multo magis.

LXV. 1. *Credit*. Joverat fratrem antequam plane rueret ejus fides, sed pignore accepto.—2. Nimirum *salutem* Vitellio et *millies sestertium*, Sueton. c. 15.—3. De quo II, 63.—4. Poetam belli Punic, quod carmen exstat.

LXVI. 1. Et sibi subjectum quondam Principem.—2. Quæ a tam indigna conditione per mortem eum liberare cupiat.—3. Ut per eum, si res male caderet, veniam a Vitellio

« nisi forte Vespasianus altiores spiritus⁴ gerat, Vitellii cliens, quum Vitellius collega Claudio foret⁵. quin, ut censuram patris, ut tres consules, ut tot egregiæ domus honores deceret, desperatione saltem in audaciam accingeretur. perstare militem, superesse studia populi. denique nihil atrocium eventurum quam in quod sponte ruant. morientem dum victis, moriendum deditis: id solum referre, novissimum spiritum per ludibrium et contumelias effundant an per virtutem. »

LXVII. Surdæ ad fortia consilia Vitellio aures, obruebatur animus miseratione curaque, ne pertinacibus armis minus placabilem victorem relinqueret conjugi ac liberis. erat illi et fessa ætate parens; quæ tamen paucis ante diebus opportuna morte excidium domus prævenit. nihil principatu filii assecuta nisi luctum et bonam famam¹. Quinto decimo kalendas Januarias audita defectione legionis cohortiumque, quæ se Narniæ dediderant, pullo amictu palatio degreditur, mœsta circum familia. simul ferebatur lecticula parvulus filius, velut in funebrem pompam. voces populi blandæ et intempestivæ; miles minaci silentio.

LXVIII. Nec quisquam adeo rerum humanarum immemor quem non commoveret illa facies, Romanum Principem et generis humani paullo ante dominum, relicta fortunæ suæ sede, per populum, per Urbem exire de imperio. nihil tale viderant, nihil audierant. repentina vis dictatorem Cæsarem oppresserat, occultæ Caium insidiæ; nox et ignotum rus fugam Neronis absconderant; Piso et Galba tamquam in acie cecidere. in sua concione Vitellius, inter suos milites, prospectantibus etiam feminis, pauca et præsentī mœstitiæ congruentia locutus, *cedere se pacis et rei-publicæ causa; retinerent tantum memoriam sui, fratremque et conjugem et innoxiam liberorum ætatem miserarentur*; simul filium protendens, modo singulis, modo universis commendans, postremo fletu præpediente assistenti consuli (Cæcilius Simplex erat) exsolutum a latere pugionem, velut jus necis vitæque civium, reddebat. aspernante consule, reclamantibus qui in concione astiterant, ut in æde Concordiæ¹ positurus insignia imperii domumque fratris petiturus discessit. major hic clamor obsistentium penatibus privatis, *in palatium* vocantium interclusum aliud iter, idque solum quod in sacram viam² pergeret patebat. tum consilii inops in palatium rediit. prævenerat rumor *ejurari ab eo imperium*, scripseratque Flavius Sabinus cohortium tribunis *ut militem cohiberent*.

LXIX. Igitur tamquam omnis respublica in Vespasiani sinum cecisset, primores senatus et plerique equestris ordinis omnisque miles urbanus et vigiles domum Flavii Sabini complevere. illuc de studiis vulgi et minis Germanicarum cohortium¹ affertur. longius jam progressus erat quam ut regredi posset; et suo quisque metu, ne disiectos eoque minus validos

impetrare possent. — 4. Nobiliorem animum. Ceterum constat nec Cæsarem nec Augustum jussisse occidi adversarios, quibus tamen causa mortis erant. — 5. Pater Vitellii censor et bis consul fuerat cum Claudio.

LXVII. 1. Conf. supra II, 64, Sueton. c. 14.

LXVIII. 1. In qua senatus haberi solebat, ad clivi Capitolini radicem. — 2. Per quam a foro in palatium ibatur.

LXIX. 1. Prætorianarum, v. II, 93.

Vitelliani consecrarentur, cunctantem in arma impellebant. sed quod in ejusmodi rebus accidit, consilium ab omnibus datum est, periculum pauci sumpsere. circa lacum Fundani² descendentibus qui Sabinum comitabantur, armatis occurrunt promptissimi Vitellianorum. modicum ibi praelium improviso tumultu, sed prosperum Vitellianis fuit. Sabinus re trepida, quod tutissimum e praesentibus, arcem Capitolii insedit mixto milite et quibusdam senatorum Equitumque; quorum nomina tradere haud promptum est, quoniam victore Vespasiano multi id meritum erga partes simulavere. subierunt obsidium etiam feminae, inter quas maxime insignis Verulana Gratilla, neque liberos neque propinquos, sed bellum secuta. Vitellianus miles custodia socordi clausos circumdedit; eoque concubia nocte suos liberos Sabinus et Domitianum fratris filium in Capitolium accivit, misso per neglecta³ ad Flavianos duces nuntio, qui *circumsideri ipsos, et ni subveniretur, arctas res* nuntiaret. noctem adeo quietam egit ut degredi sine noxa potuerit: quippe miles Vitellii adversus pericula ferox, laboribus et vigiliis parum intentus erat, et hibernus imber repente fusus oculos auresque impediabat.

LXX. Luce prima Sabinus, antequam invicem hostilia ceptarent, Cornelium Martialem e primipilaribus ad Vitellium misit cum mandatis et questu « quod pacta turbarentur. simulationem prorsus et imaginem deponendi imperii fuisse ad decipiendos tot illustres viros. cur enim e rostris fratris domum, imminemtem foro et irritandis hominum oculis, quam Aventinum et penates uxoris petisset? ita privato et omnem principatus speciem vitanti convenisse. contra Vitellium in palatium, in ipsam imperii arcem regressum; inde armatum agmen emissum; stratam innocentium caedibus celeberrimam Urbis partem; ne Capitolio quidem abstineri. togatum nempe se et unum e senatoribus, dum inter Vespasianum ac Vitellium praeliis legionum, captivitatibus urbium, deditionibus cohortium judicatur, jam Hispaniis Germaniisque et Britannia descenscentibus, fratrem Vespasiani mansisse in fide, donec ultro ad conditiones vocaretur. pacem et concordiam victis utilia, victoribus tantum pulchra esse. si conventionis poeniteat, non se, quem perfidia deceperit, ferro peteret, non filium Vespasiani vix puberem: quantum occisis uno sene et uno juvene profici? iret obviam legionibus et de summa rerum illic certaret: cetera secundum eventum praelii cessura. » trepidus ad haec Vitellius pauca purgandi sui causa respondit, culpam *in militem* conferens, *cujus nimis ardor: imparem esse modestiam suam.* et monuit Martialem *ut per secretam caedum partem occulte abiret, ne militibus internuntius invisae pacis interficeretur.* ipse neque jubendi neque vetandi potens; non jam Imperator, sed tantum belli causa erat.

LXXI. Vixdum regresso in Capitolium Martiale furens miles aderat, nullo duce, sibi quisque auctor. cito agmine forum et imminemtem foro templa praetervecti erigunt aciem per adversum collem usque ad primas Capitolinae arcis fores. erant antiquitus porticus in latere clivi, dextrae

subeuntibus ; in quarum tectum egressi saxis tegulisque Vitellianos obruebant. neque illis manus nisi gladiis armatæ ; et arcessere tormenta aut missilia tela longum videbatur. faces in prominentem porticum jecere. et sequebantur ignem , ambustasque Capitolii fores penetrassent , ni Sabinus revulsas undique statuas , decora majorum , in ipso aditu vice muri objecisset. tum diversos Capitolii aditus invadunt , juxta lucum asyli ¹ et qua Tarpeia rupes ² centum gradibus aditur. improvisa utraque vis ; propior atque acrior per asylum ingruerat. nec sisti poterant scandentes per conjuncta ædificia , quæ , ut in multa pace , in altum edita solum Capitolii æquabant. hic ambigitur , ignem tectis oppugnatores iniecerint , an obsessi , quæ crebrior fama , nitentes ac progressos depulerint. inde lapsus ignis in porticus appositæ ædibus ³ ; mox sustinentes fastigium aquilæ ⁴ vetere ligno traxerunt flammam alueruntque. sic Capitolium , clausis foribus , indefensum et indireptum conflagravit.

LXXII. Id facinus post conditam Urbem luctuosissimum fœdissimumque reipublicæ populi Romani accidit , nullo externo hoste , propitiis , si per mores nostros liceret , deis , sedem Jovis optimi maximi auspicato a majoribus , pignus imperii , conditam , quam non Porsenna dedita Urbe ¹ neque Galli capta temerare potuissent , furore Principum excindi. arserat et antè Capitolium civili bello ² , sed fraude privata : nunc palam obsessum , palam incensum , quibus armorum causis , quo tantæ cladis pretio ? scilicet pro patria bellavimus ! Voverat Tarquinius Priscus rex bello Sabino , jeceratque fundamenta ³ spe magis futuræ magnitudinis , quam quo modicæ adhuc populi Romani res sufficerent. mox Servius Tullius sociorum studio ⁴ , dein Tarquinius Superbus capta Suessa Pometia hostium spoliis exstruxere ⁵ . sed gloria operis libertati reservata : pulsus regibus Horatius Pulvillus iterum consul ⁶ dedicavit , ea magnificentia quam immensæ postea populi Romani opes ornarent potius quam augerent. iisdem rursus vestigiis situm est , postquam interjecto quadringentorum quindecim ⁷ annorum spatio L. Scipione , C. Norbano Coss. flagraverat. curam victor Sulla suscepit , neque tamen dedicavit : hoc solum felicitati ejus negatum ⁸ . Lutatii Catuli nomen inter tanta Caesarum opera usque ad Vitellium mansit.

LXXIII. Ea tunc ædes cremabatur. sed plus pavoris obsessis quam obsessores intulit. quippe Vitellianus miles neque astu neque constantia inter dubia indigebat. ex diverso trepidi milites , dux segnis et velut captus

LXXI. 1. *Asylum* Romuli erat in valle inter duo capita montis Capitolini; locus appellabatur *inter duos lucos*. V. Livium I, 2. — 2. Quæ erat in parte opposita ei quæ per forum adibatur. — 3. Tribus : Jovis, Junonis, Minervæ, sub eodem tecto — 4. *Aquilæ* sunt trabes, quæ in formam triangularem redactæ efficiebant fastigium templi (ἄετρωμα) et propter similitudinem aquilæ pennas extendentis a Græcis vocabantur ἄετοί.

LXXII. 1. Secundum narrationem Plinii *Hist. nat.* XXXIV, 14, § 59. Nam aliter Livius. — 2. Sullano, a. U. 671, auctoribus ignotis. — 3. Vid. Liv. I, 58. — 4. Sed hic secundum ceteros historicos Dianæ templum in Aventino exstruxit : de opera Capitolio impensa nulla usquam mentio. — 5. Liv. I, 63. — 6. Anni U. 247. — 7. Imo CDXXV, secundum Fastos, ab a. 247—671. — 8. Ipse Sulla hoc tamen felicitati suæ defuisse confessus est, quod Capitolium non dedicavisset, Plinius *Hist. nat.* VII, 45, § 129. Dedicatum a Catulo a. 683, mortuo Sulla a. 676..

animi, non lingua, non auribus competere¹; neque alienis consiliis regi, neque sua expedire; huc illuc clamoribus hostium circumagi; quæ jusserat, vetare; quæ vetuerat, jubere. mox, quod in perditis rebus accidit, omnes præcipere, nemo exsequi. postremo abjectis armis fugam et fallendi artes circumspectabant. Irrumpunt Vitelliani et cuncta sanguine, ferro flammisque miscent. pauci militarium virorum, inter quos maxime insignes Cornelius Martialis, Æmilius Pacensis, Casperius Niger, Didius Scæva, pugnam ausi obtruncantur. Flavius Sabinum inermem neque fugam cœptantem circumsistunt, et Quintium Atticum consulem², umbra honoris et suamet vanitate monstratum, quod edicta in populum pro Vespasiano magnifica, probrosa adversus Vitellium jecerat³. ceteri per varios casus elapsi, quidam servili habitu, alii fide clientium coniecti et inter sarcinas abdit. fuere qui excepto Vitellianorum signo⁴, quo inter se noscebantur, ultro rogitantes respondentese, audaciam pro latebra haberent.

LXXIV. Domitianus prima irruptione apud ædituum occultatus, solertia liberti lineo amictu turbæ sacrificarum¹ immixtus ignoratusque, apud Cornelium Primum paternum clientem juxta Velabrum delituit. ac potiente rerum patre, disjecto æditui contubernio, modicum sacellum *Jovi conservatori* aramque posuit casus suos in marmore expressam²; mox imperium adeptus *Jovi custodi* templum ingens seque in sinu dei sacravit. Sabinus et Atticus onerati catenis et ad Vitellium ducti nequaquam infesto sermone vultuque excipiuntur, frementibus qui jus cædis et præmia enavatæ³ operæ petebant. clamore a proximis orto sordida pars plebis supplicium Sabini exposcit, minas adulationesque miscet. stantem pro gradibus palatii Vitellium et preces parantem pervicere ut absisteret. tum confossum collaceratumque et absciso capite truncum corpus Sabini in Gemonias⁴ trahunt.

LXXV. Hic exitus viri haud sane spernendi. quinque et triginta stipendia in republica fecerat, domi militiæque clarus. innocentiam justitiamque ejus non argueres; sermonis nimius erat. id unum septem annis quibus Mœsiam, duodecim quibus præfecturam Urbis obtinuit, calumniatus est¹ rumor. in fine alii sequem, multi moderatum et civium sanguinis parcum credere. quod inter omnes constiterit², ante principatum Vespasiani decus domus penes Sabinum erat. cædem ejus lætam fuisse Muciano accepimus. ferebant plerique *etiam paci consultum dirempta æmulatione inter duos, quorum alter se fratrem Imperatoris, alter consortem imperii cogitaret*. sed Vitellius consulis supplicium poscenti populo restitit, placatus ac velut vicem reddens, quod interrogantibus *quis Capi-*

LXXIII. 1. Vid. ad *Ann.* III, 46, not. 1. Sunt Sallustiana verba: *Sic vero quasi formidine attonitus neque animo neque auribus neque lingua competere*.—2. Mensium novembris et decembris; collega ejus, Cæcilius Simplex, Vitellio favebat, c. 68.—3. Sparserat; non enim palam et publice proposuit.—4. Tessera.

LXXIV. 1. Sacrificulorum. Isiaci autem intelliguntur, qui lino vestiebantur. Singula narrat Sueton. *Domit.* c. 1.—2. Oratio audacter ad græcam normam conformata, pro expressos habentem, τὰς τύχας αὐτοῦ ἐγκεχαράγμεν, ut a Valerio Flacco *Arg.* I, 491: *Casusque tuos expressa, Phalere, arma geris*.—3. Cum successu navatæ, ad optatum finem perductæ.—4. Vid. ad *Ann.* III, 14, not. 5.

LXXV. 1. Reprehendit.—2. Id est: constitit, ni fallor.

totium incendisset se reum Atticus obtulerat, eaque confessione, sive aptum tempori mendacium fuit, invidiam crimenque agnovisse et a partibus Vitellii amolitus videbatur.

LXXVI. Eisdem diebus L. Vitellius positus apud Feroniam castris excidio Terracinae imminerebat, clausis illic gladiatoribus remigibusque, qui non egredi mœnia neque periculum in aperto audebant. præerat, ut supra ¹ memoravimus, Julianus gladiatoribus, Apollinaris remigibus, lascivia socordiaque gladiatorum magis quam ducum similes. non vigilias agere, non intuta mœnium firmare: noctu dieque fluxi et amœna littorum personantes, in ministerium luxus dispersis militibus, de bello tantum inter convivia loquebantur. Paucos ante dies discesserat Apinius Tiro ², donisque ac pecuniis acerbe per municipia conquirendis plus invidiæ quam virium partibus addebat.

LXXVII. Interim ad L. Vitellium servus Verginii Capitonis perfugit, pollicitusque, *si præsidium acciperet, vacuam arcem furtim traditurum*, multa nocte cohortes expeditas summis montium jugis super caput hostium sistit. inde miles ad cædem magis quam ad pugnam decurrit. sternunt inermes aut arma capientes, et quosdam somno excitos, quum tenebris, pavore, sonitu tubarum, clamore hostili turbarentur. pauci gladiatorum resistentes neque inulti cecidere. ceteri ad naves ruebant, ubi cuncta pari formidine implicabantur, permixtis paganis, quos nullo discrimine Vitelliani trucidabant. sex Liburnicæ inter primum tumultum evasere, in quis præfectus classis Apollinaris; reliquæ in littore captæ, aut nimio ruentium onere pressas mare hausit. Julianus ad L. Vitellium perductus et verberibus fœdatus in ore ejus jugulatur. fuere qui uxorem L. Vitellii Triariam incesserent, tamquam *gladio militari cincta inter luctum cludesque expugnatæ Terracinae superbe sæveque egisset*. ipse lauream ¹ gestæ prospere rei ad fratrem misit, percunctatus *statim regredi se an perdomandæ Campaniæ insistere juberet*. quod salutare non modo partibus Vespasiani, sed reipublicæ fuit. nam si recens victoriâ miles et super insitam perviciaciam secundis ferox Romam contendisset, haud parva mole certatum nec sine exitio Urbis foret. quippe L. Vitellio quamvis infami inerat industria; nec virtutibus, ut boni, sed quo modo pessimus quisque, vitiis valebat.

LXXVIII. Dum hæc in partibus Vitellii geruntur, digressus Narnia ¹ Vespasiani exercitus festos Saturni dies Oriculi per otium agitabat. causa tam pravæ moræ, ut Mucianum opperirentur. nec defuere qui Antonium suspicionibus arguerent, tamquam *dolo cunctantem post secretas Vitellii epistolas, quibus consulatum et nubilem filiam et dotaies opes pretium prodicionis offerebat*. alii *ficta hæc et in gratiam Muciani composita*. quidam « omnium id ducum consilium fuisse, ostentare potius « Urbi bellum quam inferre, quando validissimæ cohortes a Vitellio desciscissent, et abscisis omnibus præsidiis cessurus imperio videbatur. sed

LXXVI. 1. Cap. 57. Feronia « in tertio erat milliario a Terracina. » — 2. Flaviani deditus, c. 57.

LXXVII. 1. Litteras laureatas, de quibus exponit Plinius *Hist. nat.* XV, 30, § 133.

LXXVIII. 1. Vid. c. 63.

« cuncta festinatione, deinde ignavia Sabini corrupta, qui sumptis temere
 « armis munitissimam Capitolii arcem et ne magnis quidem exercitibus
 « expugnabilem adversus tres cohortes tueri nequivisset. » haud facile
 quis uni assignaverit culpam, quæ omnium fuit. nam et Mucianus ambi-
 guis epistolis victores morabatur, et Antonius præpostero obsequio, vel
 dum regerit ² invidiam, crimen meruit; ceterique duces dum peractum
 bellum putant, finem ejus insignivere ³. ne Petilius quidem Cerialis, cum
 mille equitibus præmissus ut transversis itineribus per agrum Sabinum
 Salaria via ³ Urbem introiret, satis maturaverat, donec obsessi Capitolii
 fama cunctos simul exciret.

LXXIX. Antonius per Flaminiam ad Saxa rubra ¹ multo jam noctis se-
 rum auxilium venit. illic *interfectum Sabinum, conflagrasse Capito-
 lium, tremere Urbem*, mœsta omnia accepit; *plebem quoque et servitia
 pro Vitellio armari* nuntiabatur. et Petilio Ceriali equestre prælium ad-
 versum fuerat. namque incautum et tamquam ad victos ruentem Vitel-
 liani, interjectus equiti pedes, exceperet. pugnatum haud procul Urbe,
 inter ædificia hortosque et anfractus viarum; quæ gnara Vitellianis, in-
 comper⁴a hostibus metum fecerant. neque omnis eques concors, adjunctis
 quibusdam, qui nuper apud Narniam dediti fortunam partium speculaban-
 tur. capitur præfectus alæ Tullius Flavianus; ceteri fœda fuga consternan-
 tur, non ultra Fidenas ² secutis victoribus.

LXXX. Eo successu studia populi aucta. vulgus urbanum arma cepit.
 paucis scuta militaria; plures, raptis quod cuique obvium telis, *signum
 pugnae* exposcunt. agit grates Vitellius et *ad tuendam Urbem prorumpere*
 jubet. mox vocato senatu deliguntur legati ad exercitus, ut prætexto rei-
 publicæ concordiam pacemque suaderent. varia legatorum sors fuit. qui
 Petilio Ceriali occurrerant, extremum discrimen adiere, asperrante mi-
 lite conditiones pacis. vulneratur prætor Arulenus Rusticus ¹. auxit invi-
 diam super violatum legati prætorisque nomen propria dignatio viri. pa-
 lantur comites, occiditur proximus lictor dimovere turbam ausus, et ni
 dato a duce præsidio defensi forent, sacrum etiam in ² exterarum gentes
 legatorum jus ante ipsa patriæ mœnia civilis rabies usque in exitium te-
 merasset. æquioribus animis accepti sunt qui ad Antonium venerant, non
 quia modestior miles, sed duci plus auctoritatis.

LXXXI. Miscuerat se legis Musonius Rufus equestris ordinis ¹, stu-
 dium philosophiæ et placita Stoicorum æmulatus; cœptabatque permixtus
 manipulis, *bona pacis ac belli discrimina* disserens, armatos monere.
 id plerisque ludibrio, pluribus tædio; nec deerant qui propellerent procul-
 carentque, ni admonitu modestissimi cujusque et aliis minitantibus omi-

—2. In Mucianum retorquet. Est *invidia* conflagrati Capitolii.—3. Magno flagitio conspi-
 cuum reddidere, quod nonnulla properatione ipsorum vitari poterat.—4. Ita dicta a
satinis Sabinorum, ad quos ducebat, ceterum etiam Collina vocata; v. cap. 82.

LXXIX. 1. Nono milliari ab Urbe situm oppidulum, in via Flaminia.—2. Quinto milliari
 ab Urbe.

LXXX. 1. De quo viro eximio v. supra *Ann.* XVI, 26, *Agric.* c. 2.—2. Sic Cicero
Ferr. IV, 11: *Ordinis auctoritati, quæ nisi gravis erit APUD socios, IN exterarum
 nationes, ubi erit imperii nomen et dignitas?*

LXXXI. 1. De quo *Ann.* XIV, 89; XV, 71.

sisset intempestivam sapientiam. obviæ fuere et virgines Vestales cum epistolis Vitellii ad Antonium scriptis. *eximi supremo certamini unum diem postulabat; si moram interjecissent, facilius omnia conventura.* virgines cum honore dimissæ; Vitellio rescriptum *Sabini cæde et incendio Capitolii dirempta belli commercia* ².

LXXXII. Tentavit tamen Antonius vocatas ad concionem legiones mitigare, *ut castris juxta pontem Mulvium positis postera die Urbem ingrederentur.* ratio cunctandi, ne asperatus prælio miles non populo, non senatui, ne templis quidem ac delubris deorum consuleret. sed omnem prolationem ut inimicam victoriæ suspectabant. simul fulgentia per colles vexilla, quamquam imbellis populus sequeretur, speciem hostilis exercitus fecerant. tripartito agmine pars, ut astiterat, Flaminia via, pars juxta ripam Tiberis incessit; tertium agmen per Salariam Collinæ portæ propinquabat. plebs invectis equitibus fusa; miles Vitellianus trinis et ipse præsidiis occurrit. prælia ante Urbem multa et varia, sed Flavianis consilio ducum præstantibus sæpius prospera. ii tantum conflictati sunt, qui in partem sinistram Urbis, ad Sallustianos hortos ¹, per angusta et lubrica viarum flexerant. superstantes maceris hortorum Vitelliani ad serum usque diem saxis pilisque subeuntes arcebant, donec ab equitibus, qui porta Collina irruperant, circumvenirentur. concurrere et in campo Martio infestæ acies. pro Flavianis fortuna et parta toties victoria: Vitelliani desperatione sola ruebant; et quamquam pulsi, rursus in Urbe congregabantur.

LXXXIII. Aderat pugnantibus spectator populus, utque in ludicro certamine, hos, rursus illos clamore et plausu fovebat. quoties pars altera inclinasset, abditos in tabernis aut, si quam in domum perfugerant, *crui jugularique* expostulantes, parte majore prædæ potiebantur: nam milite ad sanguinem et cædes obverso spolia in vulgus cedebant. sæva ac deformis Urbe tota facies. alibi prælia et vulnura, alibi balineæ popinæque; simul cruor et strues corporum, juxta scorta et scortis similes; quantum in luxurioso otio libidinum, quicquid in acerbissima captivitate scelerum, prorsus ut eandem civitatem et furere crederes et lascivire. confliverant ante armati exercitus in Urbe, bis L. Sulla, semel Cinna victoribus ¹; nec tunc minus crudelitatis: nunc inhumana securitas, et ne minimo quidem temporis voluptates intermissæ. velut festis diebus id quoque gaudium ² accederet, exultabant, fruebantur, nulla partium cura, malis publicis læti.

LXXXIV. Plurimum molis in oppugnatione castrorum ¹ fuit, quæ acerrimus quisque ut novissimam spem retinebant. eo intentius victores, præcipuo veterum cohortium ² studio, cuncta validissimarum urbium excidiis reperta simul admovent, testudinem, tormenta, aggeres facesque, *quicquid tot præliis laboris ac periculi hausissent, opere illo consummari* clamitantes. *Urbem senatui ac populo Romano, templa diis reddita: proprium esse militis decus in castris. illam patriam, illos penates. ni statim recipiantur, noctem in armis agenda.* contra Vitelliani,

--2. Commercia bellantium, condiciones pacis bellive agitantium; ex Virgilio *Æn.* X, 532.

LXXXII. 1. Ad portam Collinam.

LXXXIII. 1. Lege de his invasionibus Florum III, 21.—2. Sc. spectandi pugnam, quasi ludum gladiatorium.

LXXXIV. 1. Prætorianorum.—2. Prætorianorum exauctoratorum a Vitellio, a Flavio

quamquam numero fatoque dispare, inquietare victoriam, morari pacem, domos arasque cruore fœdare,³ suprema victis solatia amplectentur. multi semianimes super tures et propugnacula mœnium expiravere. convulsis portis reliquus globus obtulit se victoribus; et cecidere omnes contrariis vulneribus, versi in hostem; ea cura etiam morientibus decori exitus fuit. Vitellius capta Urbe per aversam palatii partem Aventinum in domum uxoris sellula defertur, ut si diem latebrâ vitavisset, Terracinam ad cohortes fratremque perfugeret. dein mobilitate ingenii, et quæ natura pavoris est, quum omnia metuenti præsentia maxime displicerent, in palatium regreditur vastum desertumque, dilapsis etiam infimis servitiorum aut occursum ejus declinantibus. terret solitudo et tacentes loci; tentat clausa⁴, inhorrescit vacuis; fessusque misero errore, et pudenda latebra⁵ semet occultans, ab Julio Placido tribuno cohortis protrahitur. vinctæ pone tergum manus; laniata veste, fœdum spectaculum, ducebatur, multis increpantibus, nullo illacrimante: deformitas exitus misericordiam abstulerat. obviis e Germanicis militibus Vitellium infesto ictu, per iram, vel quo maturius ludibrio eximeret⁶, an tribunum appetierit, in incerto fuit: aurem tribuni amputavit ac statim confossus est.

LXXXV. Vitellium infestis mucronibus coactum modo erigere os et offerre contumeliis, nunc cadentes statuas suas, plerumque Rostra aut Galbæ occisi locum contueri, postremo ad Gemonias, ubi corpus Flavii Sabini jacuerat, propulere. una vox non degeneris animi excepta, quum tribuno insultanti *se tamen Imperatorem ejus fuisse* respondit. ac deinde ingestis vulneribus concidit. et vulgus eadem pravitate insectabatur interfectum, quæ foverat viventem.

LXXXVI. Patria illi Luceria. septimum et quinquagesimum ætatis annum explebat¹. consulatum, sacerdotia, nomen locumque inter primos nulla sua industria, sed cuncta patris claritudine adeptus². principatum ei detulere qui ipsum non noverant. studia exercitus raro cuiquam bonis artibus quæsita perinde affuere quam huic per ignaviam. inerat tamen simplicitas ac liberalitas; quæ, ni assit modus, in exitium vertuntur. amicitias dum magnitudine munerum, non constantia morum contineri putat, meruit³ magis, quam habuit. reipublicæ haud dubie intererat Vitellium vinci; sed imputare perfidiam non possunt qui Vitellium Vespasiano prodidere, quum a Galba descivissent. Præcipiti in occasum die, ob pavorem magistratuum senatorumque, qui dilapsi ex Urbe aut per domos clientium semet occultabant, vocari senatus non potuit. Domitianum, postquam nihil hostile metuebatur, ad duces partium progressum et *Cæsarem* consalutatum miles frequens, utque erat in armis, in paternos penates deduxit.

nis sub signa revocatorum. — 3. Sc. hæc tamquam *supr.*; illa quæ infinitivis exposita sunt. — 4. Sc. si forte amici ibi lateant. — 5. *Zona aureorum plena se circumdedit, confugitque in cellulam janitoris, religato pro foribus cane, lectoque et culcita objectis*, Sueton. c. 16. Dio Cassius de recessu loquitur in quo canes conclusi, qui Vitellium acriter momorderint. — 6. Sic Dio Cassius LXV, 21: militem vulnerato Vitellio dixisse, *Servabo te ut possum*, et se ipsum interfecisse.

LXXXVI. 1. Sic etiam Suetonius c. 18. Sed Dio Cassius refert 34 annos. — 2. De quo *conf.* dicta Tacito *Ann.* VI, 32.—3. Comparavit opera et pretio.

LIBER QUARTUS.

ARGUMENTUM.

Cap. 1. Interfecto Vitellio milites Flaviani in Urbe sæviunt.—2. Domitianus nomen sedemque Cæsaris nactus adulteris filium Principis agit. L. Vitellius interficitur.—3. Campania composita, Vespasiano senatus consulatum cum Tito filio, præturam Domitiano et consulare imperium decernit.—4. Muciani, Antonii, ceterorum honores. restituendi Capitolii consilium. libertati consulit Helvidius Priscus, cujus—5. vita et mores, —6—8. et cum Eprio Marcello acre iurgium de legatis ad Principem mittendis.—9. de impensis publicis dissensio.—10. Musonius Rufus in P. Celerem invehitur.—11. Mucianus Urbem ingressus cuncta in se trahit, Calpurnium Galerianum cædi curat, Asiaticum libertum servili supplicio tollit.

12. Germanicæ cladis fama. ejus belli causa in Batavis,—13. duce Claudio Civile.—14—16. is Batavos, Cannuefates. Frisios excitat, statim dolo, mox aperta vi Romanos superat.—17. victoriæ hujus fama motæ Germaniæ auxilia offerunt Civili, qui et Galliarum societatem affectat.—18. Hordeonii Flacci segnitia. victi Romani in Vetera castra fugiunt.—19. Batavorum et Cannuefatium cohortes, jussu Vitellii in Urbem pergentes, corruptæ Civili junguntur, et—20. Bonnensi prælio Romanorum aciem perfringunt. 21. Civilis consilii ambiguus suos in verba Vespasiani adigit, hostilia velans;—22, 23. mox Vetera obsidet, frustra.—24, 25. Hordeonius Flaccus seditione conflictatus summam rerum Voculæ permittit.—26, 27. huic additus Herennius Gallus, re male gesta, verberatur. nova seditio.—28—30. Civilis, immensis auctibus ab universa Germania elatus, obsidium Veterum urget, Ubios vexat. varia certamina.

31. Nuntiato Cremonensi prælio auxilia Gallorum a Vitellio desciscunt, suos quoque Hordeonius in Vespasiani verba adigit hasitantes.—32 ad Civilem missus Montanus, ut a bello abstinere jubeat, ab ipso tentatur.—33, 34. cum Vocula configit Civilis vario eventu, non sine utriusque ducis culpa.—35. Vocula male utitur victoria. Vetera obstatione liberat.—36. Civilis Geldubum capit. Romani milites Hordeonum necant. Vocula per tenebras evadit.—37. mox a Civile superati Voculam denuo sequuntur, quocum obsidione Magontiacum liberant. Treveri nunc fidi, mox rebelles.

38. Vespasianus cum Tito consulatum init. falsi pavores in Urbe et a L. Pisone.—39. Domitianus prætor. vis penes Mucianum. is Primi Antonii potentiam infringit.—40. restituti Galbæ honores. Barcæ Sorani Manibus P. Celere damnato satisfactum.—41. alii quoque delatores castigati.—42. in his Aquilium Regulum, a Messala fratre defensum, Montanus percellit.—43, 44. idem in Marcellum tentat Helvidius intercedente Cæsare, abolendam priorum temporum memoriam rato. itaque in paucos modo sævitum.

45. Senenses ob pulsatum senatorem puniti. Antonius Flamma lege repetundarum damnatus.—46. militaris seditio a Muciano repressa.—47. abrogati consulatus quos Vitellius dederat. funus censorium Flavio Sabino ductum.—48—50. L. Pisonis Africæ proconsulis cædes. servi ejus egregium mendacium. OBensium Leptitanorumque discordiæ compositæ. fusi Garamantes.—51. Parthorum auxilia non recipit Vespasianus.—52. hunc iratum Domitiano Titus mitigat.—53. cura restituendi Capitolii in L. Vestinum collata.

54. Audita mors Vitelli duplicaverat bellum per Gallias Germaniasque. cum incendio Capitolii finis imperio adesse creditus.—55—58. interfecto Hordeonio conspirant cum Civile et Classico Julius Tutor et Julius Sabinus. nutant reliquæ Galliæ, Romanæ quoque legiones tentantur, frustra renitente Vocula,—59, 60. quo cæso, vincisique Herennio et Numisio legatis, istas pro imperio Galliarum sacramento adigit Civilis, Tutor Agrippinenses, Classicus obsessos ad Vetera.—61. Civilis voti compos criuem deponit. tum et major auctoritas Veledæ.—62. captarum legionum mæstem silensque agmen. ala Picentina necem Voculæ vindicat.—63—65. colonia Agrippinensis, Transrhenanis gentibus invisa, in summum discrimen adducta cum Civile societatem init, Veledæ numen donis placat.—66. Civilis Betasios, Tungros, Nervios in fidem accipit.—67. fusi Lingones a Sequanis. Julius Sabinus victus latet.—68. Mucianus cum Domitiano ad bellum accingitur.—69. Remi Gallias in fide Romana conservant, exceptis Treveris atque Lingonibus.—70.

sed nec iis nec reliquis civitatibus nec ipsis ducibus satis consilii ac concordiae. Tutor ad Bingium victus.—71. Petilius Cerialis Magontiacum venit, spes Romanorum erigit. Valentinum ducem magna strage affectum capit.—72. Treveros intrat. militibus exitium urbis poscentibus resistit. victas legiones in castra recipit.—73, 74. Treveros et Lingones officii admonet.—75. Civilis et Classicus ad Cerialem litteras mittunt, ad quas ille nihil.—76. Civilis cunctandum, Tutor et Classicus statim pugnandum statuunt.—77, 78. atrox praelium, quo Cerialis initio victus, mox victor castra hostium excindit.—79. Agrippinenses a Germanis desciscunt.—80. Mucianus Vitellii filium interficit. Antonius Primus ad Vespasianum profectus non pro spe excipitur.—81. Multis miraculis caelestis in Vespasianum favor ostensus. ipse oculorum tabe notum, alium manu aegrum sanitati restituit.—82. confirmatur omine in templo Serapidis,—83, 84. cujus origo Sinopensis, templum Alexandriae magnificum, nomen.—85. Valentinus supplicio affectus.—86. Domitianus, frustra tentato Ceriali an sibi exercitum imperiumque traditurus foret, litterarum studium et amorem carminum simulat.

Gesta hæc partim eodem anno, partim sequentis initio.

I Interfecto Vitellio bellum magis desierat, quam pax cœperat. armati per Urbem victores implacabili odio victos consecrabantur. plenæ cædibus viæ, cruenta fora templaque, passim trucidatis, ut quemque fors obtulerat. ac mox augescente licentia scrutari ac protrahere abditos; si quem procerum habitu et juventa conspexerant, obtruncare¹, nullo militum aut populi discrimine. quæ sævitia recentibus odiis sanguine explebatur, dein verterat in avaritiam. nihil usquam secretum aut clausum sinebant, *Vitellianos occultari* simulantes. initium id perfringendarum domuum, vel si resisteretur, causa cædis; nec deerat egentissimus quisque e plebe, et pessimi servitiorum prodere ultro dites dominos: alii ab amicis monstrabantur. ubique lamenta, conclamationes et fortunæ² captæ urbis, adeo ut Othoniani Vitellianique militis invidiosa antea³ petulantia desideraretur. duces partium accendendo civili bello acres, temperandæ victoriæ impares: quippe in turbas et discordias pessimo cuique plurima vis; pax et quies bonis artibus indigent.

II. Nomen sedemque¹ Caesaris Domitianus acceperat: nondum ad curas intentus, sed stupris et adulteriis filium Principis agebat. præfectura prætorii penes Arrium Varum, summa potentiae in Primo Antonio. is pecuniam familiamque e Principis domo quasi Cremonensem prædam rapere. ceteri modestia vel ignobilitate ut in bello obscuri, ita præmiorum expertes². civitas pavida et servitio parata *occupari*³ *redeuntem Terracina L. Vitellium cum cohortibus exstinguique reliqua belli* postulabat. præmissi Ariciam equites; agmen legionum intra Bovillas stetit. nec cunctatus est Vitellius seque et cohortes arbitrio victoris permittere. et miles infelicia arma haud minus ira quam metu abiecit. longus deditorum ordo, septus armatis, per Urbem inessit, nemo supplicis vultu, sed tristes et truces et adversum plausus ac lasciviam insultantis vulgi immobiles. paucos erumpere ausos circumjecti pressere; ceteri in custodiam conditi. nihil quisquam locutus indignum, et quamquam inter adversa, salva vir-

I. 1. Quasi Germanicum militem, qui plerumque proceri (v. *Germ.* c. 5). — 2. Plurali pro, variæ species fortunæ, ut quæque singulis civium evenerat in capta urbe. — 3. Quæ antea odio fuerat.

II. 1. Palatium. De re conf. *Agric.* c. 7.—2. Junge dicta similia III, 32.—3. Præveniri.

tutis fama. dein L. Vitellius interficitur, par vitiis fratris, in principatu ejus vigilantior, nec perinde prosperis socius quam adversis abstractus ⁴.

III. Iisdem diebus Lucilius Bassus cum expedito equite ad componendam Campaniam mittitur, discordibus municipiorum animis magis inter semet quam contumacia adversus Principem ¹. viso milite quies; et minoribus coloniis impunitas. Capuæ legio tertia hiemandi causa locatur, et domus illustres afflictæ, quum contrà Terracinenses ² nulla ope juvarentur. tanto proclivius est injuriæ quam beneficio vicem exsolvere, quia gratia oneri, ultio in quæstu habetur. solatio fuit servus Verginii Capitonis, quem proditorem Terracinensium diximus ³, patibulo affixus in iisdem annulis, quos acceptos a Vitellio gestabat. At Romæ senatus cuncta Principibus solita ⁴ Vespasiano decernit, lætus et spei certus: quippe sumpta per Gallias Hispaniasque civilia arma, motis ad bellum Germanis, mox Illyrico, postquam Egyptum, Judæam Syriamque et omnes provincias exercitusque lustraverant, velut expiato terrarum orbe cepisse finem videbantur. addidere alacritatem Vespasiani litteræ tamquam manente bello scriptæ. ea prima specie forma: ceterum ut Princeps loquebatur, civilia ⁵ de se et reipublicæ egregia. nec senatus obsequium deerat. ipsi *consulatus cum Tito filio, prætura Domitiano et consulare imperium* ⁶ decernuntur.

IV. Miserat et Mucianus epistolas ad senatum, quæ materiam sermonibus præbuere: *si privatus esset, cur publice loqueretur? potuisse eadem paucos post dies loco sententiæ dici.* ipsa quoque insectatio in Vitellium sera et sine libertate ¹. id vero erga rempublicam superbum, erga Principem contumeliosum, quod *in manu sua fuisse imperium donatumque Vespasiano* jactabat. ceterum invidia in occulto, adulatio in aperto erant. multo cum honore verborum *Muciano triumphalia* de bello civili ² data: sed *in Sarmatas expeditio* ³ fingebatur. adduntur *Primo Antonio consularia, Cornelio Fusco et Arrio Varo prætoria insignia.* mox deos respexere; *restitui Capitolium* placuit. eaque omnia Valerius Asiaticus ⁴ consul designatus censuit: ceteri vultu manuque, pauci, quibus conspicua dignitas aut ingenium adulatione exercitum, compositis orationibus assentiebantur. ubi ad Helvidium Priscum prætorem designatum ventum, prompsit sententiam, ut honorificam in bonum Principem, ita falsa aberant ⁵, et studiis senatûs attollebatur. isque præcipuus illi dies, magnæ offensæ initium et magnæ gloriæ fuit.

Terracina sita in 39 milliario viæ Appiæ, Aricia in sextodecimo ejusdem. — 4. Adversa fortuna fratris in perniciem abreptus.

III. 1. Vid. III, 37.—2. De quorum meritis III, 76.—3. III, 77.—4. Tribuniciam potestatem, nomen Augusti, etc. Pars ejus decreti in ænea tabula scriptum superest. — 5. Modesta, quasi civis esset. — 6. Per quod perpetuo duodecim fascibus utebatur et inter consules medius sedebat.

IV. 1. Quia nullum jam ex illo periculum.—2. Amare dictum: nam non nisi de exteris gentibus devictis triumphari poterat. Jam alibi vidimus sub Imperatoribus non agi triumphos ab ducibus, sed *triumphalia (insignia)* iis decerni: laurea, trabea, sceptrum, statua, sacrificia, supplicationes, etc.—3. Ob Dacorum repulsionem, III, 46.—4. Gener Vitellii, I, 39.—5. Constructio variata, quasi dixisset: *sententiam, quæ ut honorifica erat in bonum Principem* (qualem futurum esse Vespasianum credidit Helvidius), *ita falsa* ab ea *aberrant*: non erat, ut aliorum, honorifica per adulationem.

V. Res poscere videtur, quia iterum ¹ in mentionem incidimus viri sæpius memorandi, ut vitam studiaque ejus, et quali fortuna sit usus, paucis repetam. Helvidius Priscus [regione Italiæ], Carecinæ ² municipio, Cluvio patre, qui ordinem primipili duxisset ³, ingenium illustre altioribus studiis ⁴ juvenis admodum dedit, non ut plerique, ut nomine magnifico segne otium velaret, sed quo firmior adversus fortuita rempublicam capesseret. doctores sapientium ⁵ secutus est, qui sola bona, quæ honesta, mala tantum, quæ turpia, potentiam, nobilitatem ceteraque extra animum neque bonis neque malis annumerant. quæstorius adhuc ⁶ a Pæto Thræsea gener delectus e moribus soceri nihil æque ac libertatem hausit, civis, senator, maritus, gener, amicus, cunctis vitæ officiis æquabilis, opum contemptor, recti pervicax, constans adversus metus.

VI. Erant quibus appetentior famæ videretur, quando etiam sapientibus cupido gloriæ novissima exuitur ¹. ruina soceri in exsilium pulsus ², ut Galbæ principatu rediit, Marcellum Eprium delatorem Thræseæ ³ accusare aggreditur. ea ultio, incertum major an justior, senatum in studia diduxerat: nam si caderet Marcellus, agmen reorum ⁴ sternebatur. primo minax certamen, et egregiis utriusque orationibus testatum. mox dubia voluntate Galbæ, multis senatorum deprecantibus, omisit Priscus, variis, ut sunt hominum ingenia, sermonibus moderationem laudantium aut constantiam requirentium. Ceterum eo senatus die, quo *de imperio Vespasiani* censebant, placuerat *mitti ad Principem legatos*. hinc inter Helvidium et Eprium acre jurgium. Priscus *eligi nominatim a magistratibus juratis*, Marcellus *urnam* postulabat; quæ consulis designati sententia fuerat.

VII. Sed Marcelli studium proprius rubor excitabat, ne aliis electis posthabitis crederetur. paullatimque per altercationem ad continuas et infestas orationes proveci sunt, quærente Helvidio, « quid ita Marcellus « judicium magistratuum pavesceret? esse illi pecuniam et eloquentiam, « quis multos anteiret, ni memoria flagitiorum urgeretur. sorte et urna « mores non discerni: suffragia et existimationem senatus reperta, ut in « ejusque vitam famamque penetrarent. pertinere ad utilitatem reipublicæ, pertinere ad Vespasiani honorem, occurrere illi quos innocentissimos senatus habeat, qui honestis sermonibus aures Imperatoris imbuant. fuisse Vespasiano amicitiam cum Thræsea, Sorano, Sentio ¹: « quorum accusatores etiamsi puniri non oporteat, ostentari non debere. « hoc senatus judicio velut admoneri Principem, quos probet, quos reformidet. nullum majus boni imperii instrumentum ² quam bonos amicos « esse. satis Marcello, quod Neronem in exitium tot innocentium impu-

V. 1. Post II, 91. — 2. Caricini vel Caracini memorantur ut pars Samnitium. Ipsum nomen municipii fortasse latet in verbis *regione Italiæ*, quæ non sunt hujus loci. Pejores codices *Tarracinæ*, *Tarentinæ municipio*. — 3. Centurio primipilaris fuisset. — 4. Philosophicis. — 5. Doctores ex iis philosophis qui etc. Sunt Stoici. — 6. Sub Nerone quæstor Achaïam administraverat. De Pæto *Ann.* XVI, 28.

VI. 1. Plato dixit, apud Athen. XI, p. 307. D: Ἐσχατον τὸν τῆς δόξης χιτῶνα ἐν τῷ θανάτῳ αὐτῷ ἀποδύμεθα. — 2. Apolloniæ consederat. — 3. *Ann.* XVI, 22, 28. — 4. Hominum qui ea ipsa sententia rei facti essent, Eprio olim adstipulati.

VII. 1. *Sentius* ignotus; de illis *Ann.* XVI, 21 sqq. — 2. Conf. de voc. *instrumentum* similem locum I, 22.

« lerit. frueretur præmiis et impunitate, Vespasianum melioribus relinqueret. »

VIII. Marcellus « non suam sententiam impugnari, sed consulem designatum censuisse » dicebat, « secundum vetera exempla, quæ sortem legationibus posuissent, ne ambitioni aut inimicitias locus foret. nihil evenisse cur antiquitus instituta exolescerent, aut Principis honor in cujusquam contumeliam verteretur; sufficere omnes obsequio. id magis vitandum, ne pervicacia quorundam irritaretur animus novo principatu suspensus et vultus quoque ac sermones omnium circumspectans. se meminisse temporum quibus natus sit, quam civitatis formam patres avique instituerint; ulteriora ¹ mirari, præsentia sequi; bonos Imperatores voto expetere, qualescumque tolerare. non magis sua oratione Thræseam quam iudicio senatus afflictum: sævitiam Neronis per ejusmodi imagines illulisse ², nec minus sibi anxiam talem amicitiam quam aliis exsilium. denique constantia, fortitudine, Catonibus et Brutis æquaretur Helvidius: se unum esse ex illo senatu, qui simul servierit. suadere etiam Prisco, ne supra Principem scanderet; ne Vespasianum, senem triumphalem, juvenum liberorum patrem, præceptis coerceret. quomodo pessimis Imperatoribus sine fine dominationem, ita quamvis egregiis modum libertatis placere. » hæc magnis utrimque contentionibus jactata diversis studiis accipiebantur. vicit pars, quæ sortiri legatos malebat, etiam mediis ³ Patrum annitentibus retinere morem. et splendidissimus quisque eodem inclinabat, metu invidiæ, si ipsi eligerentur.

IX. Secutum aliud certamen. prætores ærarii (nam tum a prætoribus tractabatur ærarium ¹) *publicam paupertatem* questi modum impensis postulaverant. eam curam consul designatus ob magnitudinem oneris et remedii difficultatem Principi reservabat: Helvidius *arbitrio senatus agendum* censuit. quum perrogarent sententias consules, Vulcatius Tertullinus tribunus plebis intercessit, *ne quid super tanta re Principe absente statueretur*. censuerat Helvidius *ut Capitolium publice restitueretur, adjuvaret Vespasianus*. eam sententiam modestissimus quisque silentio, deinde oblivio transmisit: fuere qui et meminissent ².

X. Tum inductus est Musonius Rufus in *Publium Celerem* ¹, a quo *Baream Soranum falso testimonio circumventum* arguebat. ea cognitione renovari odia accusationum videbantur. sed vilis et nocens reus protegi non poterat: quippe Sorani sancta memoria; Celer professus sapientiam, dein testis in Baream, proditor corruptorque amicitiae ejus ² se magistrum ferebat. proximus dies causæ destinatur. nec tam Musonius aut Publius quam Priscus et Marcellus ceterique, motis ad ultionem animis, expectabantur.

XI. Tali rerum statu, quum discordia inter Patres, ira apud victos,

VIII. 1. Quæ sint ultra Augustum.—2. Ludum egisse per imaginem aut speciem justæ quæstionis, quum revera per vim et violentiam ageret.—3. Ambiguae mentis.

IX. 1. Ut sub Augusto, quum Claudius quæstores reduxisset. V. *Ann.* XIII, 23, 29.—2. Nimirum de sententia Helvidii secundas partes datas Imperatori in re tanta.

X. 1. Egnatium, *Ann.* XVI, 32, et not. ad 30.—2. Cujus, ut aliarum virtutum, præcepta dabat.

nulla in victoribus auctoritas, non leges, non Princeps in civitate essent, Mucianus Urbem ingressus cuncta simul in se traxit. fracta Primi Antonii Varique Arrii potentia, male dissimulata in eos Muciani iracundia, quamvis vultu tegetetur. sed civitas rimandis offensis sagax verterat se transtuleratque. ille unus ambiri, coli. nec deerat ipse, stipatus armatis, domos hortosque permutans, apparatu, incessu, excubiis, vim Principis amplecti, nomen remittere. plurimum terroris intulit cædes Calpurnii Galeriani. is fuit filius C. Pisonis ¹, nihil ausus: sed nomen insigne et decora ipsi juvena rumore vulgi celebrabantur, erantque in civitate adhuc turbida et novis sermonibus læta qui principatus inanem ei famam circumdarent. jussu Muciani custodia militari cinctus, ne in ipsa Urbe conspectior mors foret, ad quadragesimum ab Urbe lapidem, via Appia, fuso per venas sanguine, exstinguitur. Julius Priscus, prætoriarum sub Vitellio cohortium præfectus, se ipse interfecit, pudore magis quam necessitate. Alphenus Varus ignaviæ infamiæque suæ superfuit. Asiaticus enim ² (is libertus) malam potentiam servili supplicio ³ expiavit.

XII. Iisdem diebus crebrescentem cladis Germanicæ famam nequaquam mœsta civitas excipiebat; *cæsos exercitus, capta legionum hiberna, descivisse Gallias*, non ut mala loquebantur. id bellum quibus causis ortum, quanto externarum sociarumque gentium motu flagraverit, altius expediam. Batavi, donec trans Rhenum agebant, pars Chattorum ¹, seditione domestica pulsati extrema Gallicæ oræ vacua cultoribus simulque insulam inter vada sitam occupavere, quam mare Oceanum a fronte, Rhenum amnis tergum ac latera circumlucit ²; nec opibus Romanis, societate validiorum attriti ³ viros tantum armaque imperio ministrant. diu Germanicis bellis exerciti, mox aucta per Britanniam gloria ⁴, transmissis illuc cohortibus, quas vetere instituto nobilissimi popularium regebant. erat et domi delectus eques, præcipuo nandi studio, arma equosque retinens integris turmis Rhenum perumpere ⁵.

XIII. Julius Paullus et Claudius Civilis ¹, regia stirpe, multo ceteros anteibant. Paullum Fonteius Capito ² falso rebellionis crimine interfecit. injectæ Civili catenæ, missusque ad Neronem et a Galba absolutus sub Vitellio rursus discrimen adiit, flagitante supplicium ejus exercitu. inde causæ irarum spesque ex malis nostris. sed Civilis ultra quam barbaris solitum ingenio sollers, et Sertorium se aut Hannibalem ferens similioris dehonestamento ³, ne ut hosti obviam iretur, si a populo Romano palam descivisset, Vespasiani amicitiam studiumque partium prætendit, missis sane ad eum Primi Antonii litteris, quibus *avertere accita Vitellio*

XI. 1. Qui contra Neronem conjuraverat, *Ann.* XV, 48 seqq.—2. De quo II, 87.—3. Per crucem.

XII. 1. Vid. *Germ.* c. 29.—2. Conf. *Annal.* II, 6. *Mare Oceanum* adjective dictum ex usu latinæ linguæ, ut *flumen Rhenum*, *nomen Tullium*. — 3. Nam tributorum erant expertes, ut expositum *Germ.* c. 29.—4. De qua *Agric.* c. 48.—5. Infinitivus, secundum græcæ linguæ usum, pendens a verbis *præcipuo nandi studio*, (ὥστε) διαπερᾶν, quod gallice exprimas, *excellents nageurs, à passer...* nando exerciti (adeo) ut ... perumprent.

XIII. 1. Frater Paulli, *Julius* Cl. dictus supra I, 89.—2. De quo I, 7.—3. Hætres duces

auxilia et tumultus Germanici specie retentare legiones jubebatur. eadem Hordeonius Flaccus ⁴ præsens monuerat, inclinato in Vespasianum animo et reipublicæ cura, cui excidium adventabat, si redintegratum bellum et tot armorum millia Italiam irrupissent.

XIV. Igitur Civilis desciscendi certus, occultato interim altiore consilio, cetera ex eventu judicaturus, novare res hoc modo cœpit. jussu Vitellii Batavorum juvenus ad delectum vocabatur ¹, quem suapte natura gravem onerabant ministri avaritia ac luxu, senes aut invalidos conquirendo, quos pretio dimitterent. rursus impubes, sed forma conspicui (et est plerisque procera pueritia) ad inhonesta ministeria trahebantur. hinc invidia; et compositæ seditionis auctores perpulere, ut delectum abnuerent. Civilis primores gentis et promptissimos vulgi, specie epularum sacrum in nemus vocatos, ubi nocte ac lætitia incaluisse videt, a laude gloriaque gentis orsus, injurias et raptus et cetera servitii mala enumerat: « neque « enim societatem, ut olim, sed tamquam mancipia haberi. quando ² « legatum, gravi quidem comitatu et superbo cum imperio, venire? tradi « se præfectis centurionibusque; quos ubi spoliis et sanguine expleverint, « mutari, exquirique novos sinus ³ et varia prædandi vocabula. instare « delectum, quo liberi a parentibus, fratres a fratribus velut supremum di- « vidantur. numquam magis afflictam rem Romanam, nec aliud in hibernis « quam prædam et senes. attollerent tantum oculos, et inania legionum « nomina ⁴ ne pavescerent. at sibi robur peditum equitumque, consanguini- « neos Germanos, Gallias idem cupientes. ne Romanis quidem ingratum « id bellum, cujus ambiguum fortunam Vespasiano imputaturos ⁵: victoriæ « rationem non reddi. »

XV. Magno cum assensu auditis, barbaro ritu et patriis execrationibus universos adigit. missi ad Canninefates qui consilia sociarent. ea gens partem insulæ colit, origine, lingua, virtute par Batavis; numero superantur. mox occultis nuntiis pellexit Britannica auxilia, Batavorum cohortes missas in Germaniam, ut supra ¹ retulimus, ac tum Magontiaci agentes. erat in Canninefatibus stolidæ audaciæ Brinno, claritate natalium insigni. pater ejus multa hostilia ausus Caianarum expeditionum ² ludibrium impune spreverat. igitur ipso rebellis familiæ nomine placuit, impositusque scuto more gentis et sustinentium humeris vibratus dux deligitur. statimque accitis Frisiis (transrhenana gens est) duarum cohortium hiberna, proxima occupatu, Oceano irrumpit ³. nec præviderant impetum hostium milites; nec, si prævidissent, satis virium ad arcendum erat. capta igitur et direpta castra. dein vagos et pacis modo effusos lixas negotiatoresque Romanos invadunt. simul excidiis castellorum imminabant; quæ a præfectis cohortium incensa sunt, quia defendi nequibant. signa vexillaque et quod militum in superiorem insulæ partem congre-

altero oculo privati erant. — 4. Legatus superioris exercitus, ad Rheni ripæ curam a Vitellio relictus.

XIV. 1. Vid. II, 97. — 2. Pro, quam raro, et fere nunquam. Batavi Germaniæ inferiori accensebantur. — 3. Vid. not. ad II, 92. — 4. Vidimus Vitellium minuisse, non explevisse legiones. — 5. Ut rem pro Vespasiano contra Vitellium susceptam.

XV. 1. II, 69. — 2. De quibus Sueton., *Calig.* c. 43—48, *Germ.* c. 37, *Agric.* c. 15. — 3. Irrumpit (in) illa hiberna per Oceanum. Ablativus viam et modum indicat.

gantur, duce Aquillio primipilari, nomen magis exercitus quam robur : quippe viribus cohortium abductis Vitellius e proximis Nerviorum Germanorumque⁴ pagis segnem numerum armis oneraverat.

XVI. Civilis dolo grassandum ratus incusavit ultro præfectos, *quod castella deseruissent : se cum cohorte, cui præerat, Canninefatem tumultum compressurum ; illi sua quisque hiberna repeterent.* subesse fraudem consilio et dispersas cohortes facilius opprimi, nec Brinnonem ducem ejus belli, sed Civilem esse patuit, erumpentibus paulatim indiciis, quæ Germani, læta bello gens, non diu occultaverant. ubi insidia parum cessere, ad vim transgressus Canninefates, Frisios, Batavos propriis cuneis componit¹. directæ ex diverso acies haud procul a flumine Rheno, et obversis in hostem navibus, quas incensis castellis illuc appulerant. nec diu certato Tungrorum cohors signa ad Civilem transtulit ; perculsi que milites improvisa proditione a sociis hostibusque cædebantur. eadem etiam navibus perfidia. pars remigum e Batavis, tanquam imperitia, officia nautarum propugnatorumque impediabant. mox contra tendere, et puppes hostili ripæ objicere. ad postremum gubernatores centurionesque, nisi eadem volentes², trucidant, donec universa quattuor et viginti navium classis transfugeret aut caperetur.

XVII. Clara ea victoria in præsens, in posterum usui ; armaque et naves, quibus indigebant, adepti magna per Germanias Galliasque fama *libertatis auctores* celebrabantur. Germaniæ statim misere legatos auxilia offerentes. Galliarum societatem Civilis arte donisque affectabat, captos cohortium præfectos suas in civitates remittendo, cohortibus, abire an manere mallet, data potestate. manentibus honorata militia, digredientibus spolia Romanorum offerebantur. simul secretis sermonibus admonebat « malorum quæ tot annis perpassi miseram servitutem falso pacem
« vocarent. Batavos, quamquam tributorum expertes, arma contra com-
« munes dominos cepisse. prima acie fustum victumque Romanum. quid si
« Galliæ jugum exuant ? quantum in Italia reliquum ? provinciarum san-
« guine provincias vinci. ne Vindicis aciem cogitarent : Batavo equite pro-
« tritos Æduos Arvernosque¹ ; fuisse inter Verginii auxilia Belgas, vereque
« reputantibus² Galliam suismet viribus concidisse. nunc easdem omnium
« partes, addito³ si quid militaris disciplinæ in castris Romanorum vi-
« guerit. esse secum veteranas cohortes, quibus nuper Othonis legiones
« procubuerint⁴. servirent Syria Asiaque et suetus regibus Oriens : multos
« adhuc in Gallia vivere ante tributa genitos⁵. nuper⁶ certe cæso Quintilio
« Varo pulsam e Germania servitutem, nec Vitellium Principem, sed Cæ-
« sarem Augustum bello provocatum. libertatem natura etiam mutis ani-
« malibus datam, virtutem proprium hominum bonum. deos fortioribus

— 4. Nimirum *Tungrorum*, vide c. 16, et *Germ.* c. 2.

XVI. 1. More patrio : v. *Germ.* c. 6. — 2. Præter illos qui eadem volebant. *Nisi exceptionem* designat.

XVII. 1. Qui erant antiquo fœdere cum Romanis sociati. — 2. Dativus : si quis rem, ut est, reputet. — 3. Sc. eo. — 4. Vid. II, 43, 66. — 5. Censum Galliarum Augustus instituerat a. U. 727. Sed Civilis intelligere videtur tributa ab Julio Cæsare primum instituta ante 190 fere annos, quos attingere potest senium felix. — 6. Nimirum ut multo post Galliam subactam, quamquam ante 60 annos.

« adesse. proinde arriperent vacui occupatos, integri fessos. dum alii Vespa-
« sianum, alii Vitellium foveant, patere locum adversus utrumque. »

XVIII. Sic in Gallias Germaniasque intentus, si destinata provenissent, validissimarum ditissimarumque nationum regno imminebat. at Flaccus Hordeonius primos Civilis conatus per dissimulationem¹ aluit. ubi *expugnata castra, deletas cohortes, pulsum Batavorum insula Romanum nomen*, trepidi nuntii afferebant, Munium Lupercum legatum (is duarum legionum hibernis præerat, *egredi adversus hostem* jubet. Lupercus legionarios e præsentibus, Ubios e proximis, Treverorum equites haud longe agentes raptim transmisit, addita Batavorum ala, quæ jam pridem corrupta fidem simulabat, ut proditis in ipsa acie Romanis majore pretio fugeret. Civilis captarum cohortium² signis circumdatus, ut suo militi recens gloria ante oculos³, et hostes memoria cladis terrentur, matrem suam sororesque, simul omnium conjuges parvosque liberos consistere a tergo jubet, hortamenta victoriæ vel pulsus pudorem. ut virorum cantu, feminarum ululatu⁴ sonuit acies, nequaquam par a legionibus cohortibusque redditur clamor. nudaverat sinistrum cornu Batavorum ala transfugiens statimque in nos versa. sed legionarius miles, quamquam rebus trepidis, arma ordinesque retinebat. Ubiorum Treverorumque auxilia, fœda fuga dispersa, totis campis palantur. illuc incubuere Germani; et fuit interim effugium legionibus in castra quibus *Veterum* nomen est. præfectus alæ Batavorum Claudius Labeo, oppidano certamine æmulus Civili, ne interfectus invidiam apud populares vel, si retineretur, semina discordiæ præberet, in Frisios avehitur.

XIX. Iisdem diebus Batavorum et Canninefatium cohortes¹, quum jussu Vitellii in Urbem pergerent, missus a Civile nuntius assequitur. intumuere statim superbia ferociaque, et *pretium itineris donativum, duplex stipendium, augeri equitum numerum*, promissa sane a Vitellio, postulabant, non ut assequerentur, sed causam seditioni. et Flaccus multa concedendo nihil aliud effecerat quam ut acrius exposcerent, quæ sciebant negaturum. spreto Flacco inferiorem Germaniam petivere, ut Civili jungerentur. Hordeonius adhibitis tribunis centurionibusque consultavit, *num obsequium abnuentes vi coerceret*. mox insita ignavia et trepidis ministris, quos ambiguus auxiliorum animus et subito delectu suppletæ legiones augebant, statuit continere intra castra militem. dein pœnitentia, et arguentibus ipsis qui suaserant tanquam secuturus scripsit Herennio Gallo, legionis primæ legato, qui Bonnam obtinebat, ut *arceret transitu Batavos: se cum exercitu tergis eorum hæsurum*. et opprimi poterant, si hinc Hordeonius, inde Gallus motis utrimque copiis medios clausissent. Flaccus omisit inceptum, aliisque litteris Gallum monuit *ne terreret abeuntes*. unde supicio sponte legatorum excitari bellum, cunctaque quæ acciderant aut metuebantur, non inertia militis neque hostium vi, sed fraude ducum evenire.

XVIII. 1. Per simulatam ignorance. — 2. De quibus c. 18. — 3. Sc. esset. — 4. Conf. Germ. c. 3.

XIX. 1. De quibus mentio I, 33; II, 27, 66; IV, 18.

XX. Batavi quum castris Bonnensibus propinquarent, præmisere qui Herennio Gallo mandata cohortium exponeret: « nullum sibi bellum ad-
« versus Romanos, pro quibus toties bellassent: longa atque irrita militia
« fessis patriæ atque otii cupidinem esse. si nemo obsisteret, innoxium iter
« fore; sin arma occurrant, ferro viam inventuros. » cunctantem legatum milites perpulerant, ¹ *fortunam prælii experiretur*. tria millia legionariorum et tumultuariæ Belgarum cohortes, simul paganorum lixarumque ignava, sed procax ante periculum, manus omnibus portis erumpunt, ut Batavos numero impares circumfundant. illi veteres militiæ ² in cuneos congregantur, densi undique et frontem tergaque ac latus tuti. sic tenuem aciem nostrorum perfringunt. cedentibus Belgis pellitur legio, et vallum portasque trepidi petebant. ibi plurimum cladis: cumulatæ corporibus fossæ, nec cæde tantum et vulneribus, sed ruina et suis plerique telis interiere. victores colonia Agrippinensium vitata, nihil cetero in itinere hostile ausi, Bonnense prælium excusabant, tamquam³ petita pace, postquam negabatur, sibimet ipsi consuluisent.

XXI. Civilis adventu veteranarum cohortium justus jam exercitus ductor, sed consilii ambiguus et vim Romanam reputans, cunctos qui aderant in verba Vespasiani adigit, mittitque legatos ad duas legiones quæ priore acie pulsæ in Vetera castra concesserant, *ut idem sacramentum acciperent*. redditur responsum, « neque proditoris neque hostium se consiliis uti: »
« esse sibi Vitellium Principem, pro quo fidem et arma usque ad supremum
« spiritum retenturos; proinde perfuga Batavus arbitrium rerum Romana-
« rum ne ageret, sed meritas sceleris pœnas expectaret. » quæ ubi relata Civili, incensus ira universam Batavorum gentem in arma rapit. junguntur Bructeri Teneterique et excita nuntiis Germania ad prædam famamque.

XXII. Adversus has concurrentis belli minas legati legionum, Munius Lupercus et Numisius Rufus, vallum murosque firmabant. subversa longæ pacis opera, haud pro: ul castris in modum municipii exstructa ¹, ne hostibus usui forent. sed parum provisum ut copiæ ² in castra conveherentur: rapi permiscere. ita paucis diebus per licentiam absumpta sunt quæ adversus necessitates in longum suffecissent. Civilis medium agmen cum robore Batavorum obtinens, utramque Rheni ripam, quo truculentior visu foret, Germanorum catervis complet, assultante per campos equite. simul naves in adversum amnem agebantur. hinc veteranarum cohortium signa, inde depromptæ silvis lucisve ferarum imagines ³, ut cuique genti inire prælium mos est, mixta belli civilis externique facie obstupefecerant obsessos. et spem oppugnantium augebat amplitudo valli, quod duabus legionibus situm ⁴ vix quinque millia armatorum Romanorum ⁵ tuebantur. sed lixarum multitudo turbata pace illuc congregata et bello ministra aderat.

XXIII. Pars castrorum in collem leniter exsurgens, pars æquo adibatur.

XX. 1. Supple, monentes, hortantes. Aliter *ut* particula abesse nequit. — 2. Conf. not. 3 ad *Ann.* 1, 20. — 3. Pro, ac si.

XXII. 1. Ædificia quæ postulante usu annecti solebant stativis castris aut hibernis legionum; lixis, mercatoribus, advenis aliis deversoria. Vocabantur hæc *procestria*. — 2. Cibaria. — 3. De his v. *Germ.* c. 7. — 4. Positum, *κειµενον*. — 5. Militum legionariorum, præter auxiliares. Sed delenda videtur vox *Romanorum*

quippe illis hibernis obsideri premique Germanias Augustus crediderat, neque umquam ¹ id malorum ut oppugnatum ultro legiones nostras venirent. inde non loco neque munimentis labor additus; vis et arma satis placebant. Batavi Transrhenanique, quo discreta virtus manifestius spectaretur, sibi ² quæque gens consistunt, eminus lacescentes. post ubi pleraque telorum turribus pinnisque mœnium irrita hærebant et desuper saxis vulnerabantur, clamore atque impetu invasere vallum, appositis plerique scalis, alii per testudinem suorum. scandebantque jam quidam, quum gladiis et armorum incussu præcipitati sudibus et pilis obruuntur, præferoces initio et rebus secundis nimii. sed tum prædæ cupidine adversa quoque tolerabant: machinas etiam, insolitum sibi, ausi. nec ulla ipsis solertia: perfugæ captivique docebant struere materias in modum pontis, mox subjectis rotis propellere, ut alii superstantes tamquam ex aggere præliarentur, pars intus occulti muros subruerent. sed excussa ballistis saxa stravere informe opus. et crates vineasque parantibus adactæ tormentis ardentes hastæ, ultroque ipsi oppugnatores ignibus petebantur, donec desperata vi verterent consilium ad moras, haud ignari paucorum dierum inesse alimenta et multum imbellis turbæ. simul ex inopia proditio et fluxa servitiorum fides ac fortuita belli sperabantur.

XXIV. Flaccus interim, cognito castrorum obsidio et missis per Gallias qui auxilia concirent, lectos e legionibus Dillio Vocolæ duoetvicesimæ legionis legato tradit, ut quam maximis per ripam itineribus celeraret, ipse navibus, invalidus corpore, invisus militibus. neque enim ambigue fremebant: « emissas a Magontiaci Batavorum cohortes, dissimulatos Civiles conatus, adsciri in societatem Germanos. non Primi Antonii neque Muciani ope Vespasianum magis adolevisse. aperta odia armaque palam depelli: fraudem et dolum obscura, eoque inevitabilia. Civilem stare contra, struere aciem: Hordeonium e cubiculo et lectulo jubere quicquid hosti conducatur. tot armatas fortissimorum virorum manus unius senis valetudine regi. quin potius interfecto traditore fortunam virtutemque suam malo omine exsolverent. » His inter se vocibus instinctos flammavere insuper allatæ a Vespasiano litteræ, quas Flaccus, quia occultari nequibant, pro concione recitavit, vinctosque, qui attulerant, ad Vitellium misit.

XXV. Sic mitigatis animis Bonnam, hiberna primæ legionis, ventum. infensor illic meils culpam cladis in Hordeonium vertebat: « ejus jussu directam adversus Batavos aciem, tamquam a Magontiaci legiones sequerentur; ejusdem proditione cæsos, nullis supervenientibus auxiliis. ignota hæc ceteris exercitibus, neque imperatori suo nuntiari, quum accursu tot provinciarum extinguere repens perfidia potuerit. » Hordeonium exemplaria omnium litterarum, quibus per Gallias Britanniamque et Hispanias auxilia orabat, exercitui recitavit, instituitque pessimum facinus, ut epistolæ aquiliferis legionum traderentur¹; a quis ante militi quam ducibus legebantur. tum e seditiosis unum vinciri jubet, magis usurpandi juris² quam quia unius culpa foret. motusque Bonna exercitus

XXXIII. 1. Sc. fore, eventurum. — 2. Pro se: quæque suo loco, separata ab aliis.

XXV. 1. Ut quæ essent ad signa, in principis recitanda. — 2. Sc. causa, ut *Ann.* II, 39, et alibi.

in coloniam Agrippinensem, affluentibus auxiliis Gallorum, qui primo rem Romanam enixe juvabant: mox valescentibus Germanis pleraque civitates adversum nos armari spe libertatis et, si exuissent servitium, cupidine imperitandi. gliscebat iracundia legionum, nec terrorem unius militis vincula indiderant. quin idem ille arguebat ultro *conscientiam ducis, tamquam nuntius inter Civilem Flaccumque falso crimine testis veri opprimeretur*. conscendit tribunal Vocula mira constantia, prehensumque militem ac vociferantem *duci ad supplicium* jussit. et dum mali pavent, optimus quisque jussis parvare. exin consensu *ducem Voculam* poscentibus, Flaccus summam rerum ei permisit.

XXVI. Sed discordes animos multa efferabant, inopia stipendii frumentique, et simul delectum tributaque Galliae aspernantes, Rhenus incognita illi cœlo siccitate vix navium patiens, arcti commeatus, dispositæ per omnem ripam stationes, quæ Germanos vado arcerent, eademque de causa minus frugum et plures qui consumerent. apud imperitos prodigii loco accipiebatur ipsa aquarum penuria, tamquam nos amnes quoque et vetera imperii munimenta desererent. quod in pace *fors seu natura, tunc fatum et ira dei* vocabatur. Ingressis Novesium tertia ¹ decima legio conjungitur. additus Voculae in partem curarum Herennius Gallus legatus ²; nec ausi ad hostem pergere, loco cui Gelduba nomen est castra fecere. ibi struenda acie, muniendo vallandoque et ceteris belli meditamentis ³ militem firmabant. utque prædâ ad virtutem accenderetur, in proximos Gugernorum pagos, qui societatem Civilis acceperant, ductus Voculae ⁴ exercitus. pars cum Herennio Gallo permansit.

XXVII. Forte navem haud procul castris frumento gravem, quum per vada hæsisset, Germani in suam ripam trahebant. non tulit Gallus, misitque subsidio cohortem. auctus et Germanorum numerus, paulatimque aggregantibus se auxiliis acie certatum. Germani multa cum strage nostrorum navem abripiunt. victi, quod tum in morem verterat, non suam ignaviam, sed perfidiam legati culpabant. protractum e tentorio, scissa veste, verberato corpore, *quo pretio, quibus conceis prodidisset exercitum* dicere jubent. redit in Hordeonium invidia. illum *auctorem sceleris*, hunc ¹ *ministrum* vocant, donec exitium minitantibus exteritis proditionem et ipse Hordeonio objecit; vinctusque adventu demum Voculae exsolvitur. is postera die auctores seditionis morte affecit. tanta illi exercitui diversitas inerat licentiæ patientiæque. haud dubie gregarius miles Vitellio fidus, splendidissimus quisque in Vespasianum proni. inde scelerum ac suppliciorum vices et mixtus obsequio furor, ut contineri non possem qui puniri poterant.

XXVIII. At Civilem immensis auctibus universa Germania extollebat, societate nobilissimis obsidum firmata. ille, ut cuique proximum, *vastari Ubios Treverosque, et aliam manum Mosam amnem transire jubet, ut Menapios et Morinos et extrema Galliarum quateret*. actæ utrobique prædæ, infestius in Ubiis, quod gens Germanicæ originis ejurata patria,

XXVI. 1. Alii *sexta*.—2. De quo c. 19.—3. Exercitii, ut III, 2. — 4. A Vocula.

XXVII. 1. Gallum: *illum*, Hordeonium.

Romanorum nomen¹, *Agrippinenses* vocarentur. cæsæ cohortes eorum in vico Marcoduro incuriosius agentes, quia procul ripa aberant. nec quiescere Ubii, quominus prædas e Germania peterent, primo impune, dein circumventi sunt, per omne id bellum meliore usi fide quam fortuna. contusis Ubiis gravior et successu rerum ferocior Civilis obsidium legionum² urgebat, intentis custodiis, ne quis occultus nuntius venientis auxilii penetraret. machinas molemque operum Batavis delegat: Transrhenanos *prælium* poscentes *ad scindendum vallum ire, detrusosque redintegrare certamen* jubet, superante multitudine et facili damno. nec finem labori nox attulit.

XXIX. Congestis circum lignis accensisque, simul epulantes¹, ut quisque vino incaluerat, ad pugnam temeritate inani ferebantur. quippe ipsorum tela per tenebras vana: Romani conspicuam barbarorum aciem, et si quis audacia aut insignibus effulgens, ad ictum destinabant. intellectum id Civili, et *restituto igne misceri cuncta tenebris et armis* jubet. tum vero strepitus dissoni, casus incerti, neque ferendi neque declinandi providentia. unde clamor acciderat,² circumagere corpora, tendere arcus. nihil prodesse virtus, fors cuncta turbare, et ignavorum sæpe telis fortissimi cadere. apud Germanos inconsulta ira: Romanus miles periculorum gnarus ferratas sudes, gravia saxa non forte jaciebat. ubi sonus molientium aut appositæ scalæ hostem in manus dederant, propellere umbone, pilo sequi; multos in mœnia egressos pugionibus fodere. sic exhausta³ nocte novam aciem dies aperuit.

XXX. Eduxerant Batavi turrim¹ duplici tabulato, quam prætoriae portæ² (is æquissimus locus) propinquantem promoti contra validi asseres et incussæ trabes perfringere, multa superstantium perniciæ. pugnatumque in percussos subita et prospera eruptione. simul a legionariis peritia et arte præstantibus plura struebantur. præcipuum pavorem intulit suspensum et nutans machinamentum, quo repente demisso præter suorum ora singuli pluresve hostium sublimē³ rapti verso pondere⁴ intra castra effundebantur. Civilis omnia oppugnandi spe rursus per otium assidebat, nuntiis et promissis fidem legionum convellens.

XXXI. Hæc in Germania ante Cremonense prælium gesta, cujus eventum litteræ Primi Antonii docuere, addito Cæcinæ¹ edicto et præfectus cohortis e victis, Alpinus Montanus², fortunam partium præsens fatebatur. diversi hinc motus animorum. auxilia e Gallia, quis nec amor neque odium in partes, militia sine affectu, hortantibus præfectis statim a Vitellio desciscunt: vetus miles cunctabatur. sed adigente Hordeonio Flacco, instantibus tribunis, dixit sacramentum, non vultu neque animo satis affirmans; et quum cetera jurisjurandi verba conciperent³, *Vespasiani* nomen hæsitantes aut levi murmure et plerumque silentio trans mittebant.

XXVIII. 1. Sic, non nomine. Strue: *vocarentur Agrippinenses*, (quod est) *Romanorum nomen*.—2. Quæ obtinebant castra Vetera.

XXIX. 1. Inter epulas, græca structura: ἀμὰ δειπνοῦντες.—2. Sc. eo, in eum locum.—3. Cum labore transacta.

XXX. 1. Sc. obsidionalem, ex Cæsare notam.—2. Vid. ad *Annal.* I. 66.—3. Adverbialiter pro, in sublime. Machina illa vocatur *tolleno*.—4. Machina ita conversa ut pondus hominum, quod effecerat ut machinæ uncis adhererent, eos jam deorsum impelleret.

XXXI. 1. Ut tum consulis.—2. De quo III, 35.—3. Pronuntiarent verba quæ præbantur

XXXII. Lectæ deinde pro concione epistolæ Antonii ad Civilem suspiciones militum irritavere, tamquam ad socium partium scriptæ, et de Germanico exercitu hostiliter. mox allatis Geldubam in castra nuntiis eadem dicta factaque, et missus cum mandatis Montanus ad Civilem, *ut absisteret bello neve externa* ¹ *armis falsis velaret: si Vespasianum juvare aggressus foret, satisfactum cæptis.* Ad ea Civilis primo callide ²: post ubi videt Montanum præferocem ingenio paratumque in res novas, orsus a questu periculisque quæ per quinque et viginti annos in castris Romanis exhausisset, « Egregium, » inquit, « pretium laborum recepi, necem « fratris et vincula mea ³ et sævissimas hujus exercitus voces, quibus ad « supplicium petitus jure gentium pœnas reposco. vos autem Treveri ce- « teræque servientium animæ, quod præmium effusi toties sanguinis « expectatis nisi ingratam militiam, immortalia tributa, virgas, secures et « dominorum ingenia? en ego præfectus unius cohortis et Canninefates « Batavique, exigua Galliarum portio, vana illa castrorum spatia excidi- « mus, vel septa ferro fameque premimus. denique ausos aut libertas se- « quetur, aut victi iidem erimus.» sic accensum, sed *molliora referre* jussum dimittit. ille ut irritus legationis redit, cetera dissimulans, quæ mox erupere.

XXXIII. Civilis parte copiarum retenta veteranas cohortes, et quod e Germanis maxime promptum, adversus Voculam exercitumque ejus mittit, Julio Maximo et Claudio Victore, sororis suæ filio, ducibus. rapiunt ¹ in transitu hiberna alæ Asciburgii sita; adeoque improvisi castra involavere, ut non alloqui, non pandere aciem Vocula potuerit. id solum, ut in tumultu, monuit, *subsignano* ² *milite media firmare.* auxilia passim circumfusa sunt. eques prorupit, exceptusque compositis hostium ordinibus terga in suos vertit ³. cædes inde, non prælium. et Nerviorum cohortes, metu seu perfidia, latera nostrorum nudavere. sic ad legiones perventum; quæ amissis signis intra vallum sternebantur, quum repente novo auxilio fortuna pugnae mutatur. Vasconum lectæ e Galba cohortes ac tum accitæ, dum castris propinquant, audito præliantium clamore intentos hostes a tergo invadunt, latioremq; quam pro numero terrorem faciunt, aliis a Novesio, aliis a Magontiaco universas copias advenisse credentibus. is error Romanis addit animos, et dum alienis viribus confidunt, suas recipere. fortissimus quisque e Batavis, quantum peditum erat, funduntur: eques evasit cum signis captivisque, quos prima acie corripuerant. caesorum eo die in partibus nostris major numerus et imbellior; e Germanis ipsa robora.

XXXIV. Dux uterque pari culpa meritis adversa, prosperis defuere. nam Civilis si majoribus copiis instruxisset aciem, circumiri a tam paucis cohortibus nequivisset, castraque ¹ perrupta excidisset. Vocula nec ² adventum hostium exploravit, eoque simul egressus victusque; dein victoriae

XXXII. 1. Hostilia; conf. ad III, 8.—2. Sc. respondit.—3. Conf. c. 15.

XXXIII. 1. Celeriter occupant.—2. Legionario, ut I, 70.—3. Fugam direxit versus suos.

XXXIV. 1. Sc. Romanorum.—2. Alterum modo membrum posuit, pro: *Vocula nec iustis copiis aciem instruxit, nec adventum etc.*

parum confisus, tritis frustra diebus castra in hostem movit, quem si statim impellere cursumque rerum sequi maturasset, solvere obsidium legionum eodem impetu potuit. tentaverat interim Civilis obsessorum animos, tamquam perditæ apud Romanos res et suis victoria provenisset. circumferebantur signa vexillaque; ostentati etiam captivi. ex quibus unus, egregium facinus ausus, clara voce gesta patefecit, confossus illico a Germanis; unde major indici fides. simul vastatione incendiisque flagrantium villarum venire victorem exercitum intelligebatur. *in conspectu castrorum constitui signa fossamque et vallum circumdari* Vocula jubet: *depositis impedimentis sarcinisque expediti certarent.* hinc in ducem clamor pugnam poscentium; et minari assueverant. ne tempore quidem ad ordinandam aciem capto, incompositi fessique prælium sumpsere. nam Civilis aderat, non minus vitiis hostium quam virtute suorum fretus. Varia apud Romanos fortuna, et seditiosissimus quisque ignavus: quidam recentis victoriæ memores retinere locum, ferire hostem, seque et proximos hortari, et redintegrata acie manus ad obsessos tendere, *ne tempori deessent.* illi, cuncta e muris cernentes, omnibus portis prorumpunt. ac forte Civilis lapsu equi prostratus, credita per utrumque exercitum fama, *vulneratum aut interfectum*, immane quantum suis pavoris et hostibus alacritatis indidit.

XXXV. Sed Vocula, omissis fugientium tergis, vallum turresque castrorum¹ augebat, tamquam rursus obsidium immineret: corrupta toties victoria non falso suspectus bellum malle. nihil æque exercitus nostros quam egestas copiarum fatigabat. impedimenta legionum cum imbelli turba Novesium missa, ut inde terrestri itinere frumentum adveherent: nam flumine hostes potiebantur. primum agmen securum incessit, nondum satis firmo Civile: qui, ubi *rursus missos Novesium frumentatores datasque in præsidium cohortes velut multa pace ingredi* accepit, rarum apud signa militem, arma in vehiculis, cunctos licentia vagos, compositus invadit, præmissis qui pontes et viarum angusta insiderent. pugnatum longo agmine et incerto Marte, donec prælium nox dirimeret. cohortes Geldubam perrexere, manentibus, ut fuerant, castris, quæ relictorum illic militum præsidio tenebantur. non erat dubium quantum in regressu discriminis adeundum foret, frumentatoribus onustis percussisque. addit exercitui suo Vocula mille delectos e quinta et quintadecima legionibus apud Vetera obsessis, indomitum militem et ducibus inferensum. plures quam Jussum erat profecti palam in agmine fremebant, *non se ultra famem, insidias legatorum toleraturos.* at qui remanserant, *desertos se abducta parte legionum* querebantur. duplex hinc seditio, aliis revocantibus Voculam, aliis redire in castra abnuentibus.

XXXVI. Interim Civilis Vetera circumsevit. Vocula Geldubam atque inde Novesium concessit. Civilis capit Geldubam; mox hand procul Novesio equestri prælio prospere certavit. sed miles secundis adversisque perinde in exitium ducum accendebatur. et adventu quintanorum quinta-

decimanorumque auctæ legiones *donativum* exposcunt, comperto pecuniam a Vitellio missam. nec diu cunctatus Hordeonius nomine Vespasiani dedit. idque præcipuum fuit seditionis alimentum. effusus in luxum et epulas et nocturnos coetus miles veterem in Hordeonium iram ¹ renovavit, nec ullo legatorum tribunorumve obsistere auso (quippe omnem pudorem nox ademerat) protractum e cubili interficiunt. eadem in Voculam parabantur, nisi servili habitu per tenebras ignoratus evasisset. ubi sedato impetu metus rediit, centuriones cum epistolis ad civitates Galliarum misere auxilia ac stipendia ² oraturos.

XXXVII. Ipsi, ut est vulgus sine rectore præceps, pavidum, socors, adventante Civile, raptis temere armis ac statim omissis, in fugam vertuntur. res adversæ discordiam peperere, iis qui e superiore exercitu erant ¹, causam suam dissociantibus. Vitellii tamen imagines in castris et per proximas Belgarum civitates repositæ, quum jam Vitellius occidisset. dein mutati in pœnitentiam primani quartanique et duoetvicesimani Voculam sequuntur; apud quem resumpto Vespasiani sacramento ad liberandum ² Magontiaci obsidium ducebantur. discesserant obsessores, mixtus ex Chattis, Usipiis, Mattiacis exercitus, satietate prædæ, nec incruenti. in via dispersos et nescios miles noster invaserat. quin et lorica ³ vallumque per fines suos Treveri struxere, magnisque invicem cladibus cum Germanis certabant, donec egregia erga populum Romanum merita mox rebelles fœdarent.

XXXVIII. Interea Vespasianus iterum ac Titus consulatum ¹ absentes inierunt, mœsta et multiplici metu suspensa civitate, quæ, super instantia mala, falsos pavores induerat, *descivisse Africam res novas moliente L. Pisone*. is præerat provinciæ, nequaquam turbidus ingenio: sed quia naves sævitia hiemis prohibebantur, vulgus alimenta in dies mercari solitum, cui una ex republica annonæ cura ², clausum littus, retineri commeatus, dum timet, credebat, augmentibus famam Vitellianis, qui studium partium nondum posuerant, nec victoribus quidem ingrato rumore, quorum cupiditates, externis quoque bellis inexplébiles, nulla unquam civilis victoria satiavit.

XXXIX. Kalendis Januariis in senatu, quem Julius Frontinus prætor urbanus vocaverat, legatis exercitibusque ac regibus ¹ *laudes gratesque* decretæ; et Tertio Juliano prætura, *tamquam transgredientem in partes Vespasiani legionem deseruisset*, ablata, ut in Plotium Griphum ² transferretur. Hormo dignitas equestris data. et mox ejurante ³ Frontino Cæsar Domitianus præturam cepit. ejus nomen epistolis edictisque præponebatur, vis penes Mucianum erat, nisi quod pleraque Domitianus, instigantibus amicis aut propria libidine, audebat. sed præcipuus Muciano metus

XXXVI. 1. De qua supra I, 9, et passim.—2. Pecuniam in stipendia militum.

XXXVII. 1. Ex legionibus quarta et duoetvicesima.—2. Solvendum.—3. Vid. ad *Annal.* IV, 49.

XXXVIII. 1. Anni U. 825, p. Chr. 70. Vespasianus consul suffectus fuerat anni 804.—2. De eodem populo Juvenalis: *Duas tantum res anxius optat, panem et Circenses.*

XXXIX. 1. De quibus II, 81.—2. De utroque II, 83; III, 82.—3. Vid. ad *Ann.* XIII, 14. Urbana prætura intelligitur, quum dignitate prætoria Domitianus jam indutus esset,

e Primo Antonio Varoque Arrio, quos recentes clarosque rerum fama ac militum studiis etiam populus fovebat, quia in neminem ultra aciem saevierant. et ferebatur Antonius Scribonianum Crassum, egregiis majoribus et fraterna⁴ imagine fulgentem, ad capessendam rempublicam hortatus, hand defutura consociorum manu, ni Scribonianus abnuisset, ne paratis quidem corrumpi facilis, adeo⁵ metuens incerta. igitur Mucianus, quia propalam opprimi Antonius nequibat, multis in senatu laudibus cumulatam secretis promissis onerat, *citeriorem Hispaniam ostentans discessu Cluvii Rufi vacuam*; simul amicis ejus tribunatus praefecturasque largitur. dein postquam inanem⁶ animum spe et cupidine impleverat, vires abolet dimissa in hiberna legione septima, cujus flagrantissimus in Antonium amor. et tertia legio, familiaris Arrio Varo miles, in Syriam remissa. pars exercitus in Germanias ducebatur. sic egesto quicquid turbidum, redit Urbi sua forma legesque et munia magistratuum.

XL. Quo die senatum ingressus est Domitianus, *de absentia patris fratrisque ac juvenia sua* pauca et modica disseruit, decorus habitu; et ignotis adhuc moribus crebra oris confusio¹ pro modestia accipiebatur. referente Caesare *de restituendis Galbae honoribus*, censuit Curtius Montanus *ut Pisonis quoque memoria celebraretur*. Patres utrumque jussere: de Pisone irritum fuit. tum sorte ducti *per quos redderentur bello rapta, quique æra legum² vetustate delapsa noscerent sigerentque, et fastos adulatione temporum fœdatos³ exonerarent, modumque publicis impensis facerent*. redditur Tertio Juliano prætura, postquam cognitus est ad Vespasianum confugisse: Gripho honor mansit. repeti inde cognitionem⁴ inter Musonium Rufum et P. Celerem placuit, damnatusque Publius et Sorani manibus satisfactum. insignis publica severitate dies ne privatim quidem laude caruit: justum indicium⁵ explesse Musonius videbatur, diversa fama Demetrio Cynicam sectam professo⁶, quod manifestum reum ambiciosius quam honestius defendisset. ipsi Publio neque animus in periculis neque oratio suppeditavit. signo ultionis in accusatores dato petit a Cæsare Junius Mauricus⁷ « ut commentariorum principalium potestatem senatui faceret, per quos nosceret quem quisque accusandum poscisset », *consulendum tali super re Principem* respondit.

XLI. Senatus inchoantibus primoribus jusjurandum concepit, quo certatim omnes magistratus, ceteri¹, ut sententiam rogabantur, *deos testes* advocabant *nihil ope sua factum, quo cujusquam salus læderetur, neque se præmium aut honorem ex calamitate civium cepisse*, trepidis et verba jurisjurandi per varias artes mutantibus, quis flagitii conscientia inerat. probabant religionem² Patres, perjurium arguebant. eaque velut censura in Sarioenum Voculam et Nonium Actianum et Cestium Severum

c. 5. Conf. Sueton. c. 1. — 4. Pisonis Liciniani, a Galba in imperium adoptati, I, 14, 18. — 5. Multo magis. — 6. Vanis honoribus inbiantem.

XL. 1. Conf. Agric. c. 43. — 2. Æneas tabulas legum. De quibus plura Sueton. Vesp. c. 3. — 3. Præsertim ludis sacrisque in pessimorum hominum honorem decretis. — 4. De qua c. 40. — 5. Partes justi probique indicis. — 6. De quo *Annal.* XVI, 54. — 7. Plinii amicus. qui de *œp.* I, 3; IV, 22.

XLI. 1. Sc. senatores. — 2. Sc. jurisjurandi servatam.

acerrime incubuit, crebris apud Neronem delationibus famosos. Sarioleum et recens crimen urgebat, quod apud Vitellium molitus eadem foret. nec destitit senatus manus intentare ³ Voculae, donec curia excederet. ad Pactium Africanum transgressi eum quoque proturbant, tanquam Neroni Scribonios fratres ⁴ concordia opibusque insignes ad exitium monstravisset. Africanus neque fateri audebat neque abnuere poterat: in Vibium Crispum, cujus interrogationibus fatigabatur, ultro conversus, miscendo ⁵ quæ defendere nequibat, societate culpæ invidiam declinavit.

XLII. Magnam eo die pietatis eloquentiæque famam Vipstanus Messala adeptus est, nondum senatoria ætate ¹, ausus pro fratre Aquilio Regulo deprecari. Regulum subversa Crassorum et Orphiti domus in summum odium extulerat. sponte senatusconsulto ² accusationem subisse juvenis admodum, nec depellendi periculi, sed in spem potentiæ videbatur. et Sulpicia Prætextata, Crassi uxor, quattuorque liberi, si cognosceret senatus, ultores aderant. igitur Messala non causam neque reum tueri, sed periculis fratris semet opponens flexerat quosdam. occurrit truci oratione Curtius Montanus, eo usque progressus, ut *post cædem Galbæ datam inter, pectori Pisonis pecuniam a Regulo appetitumque morsu Pisonis caput objectaret.* ³ « Hoc certe, inquit, Nero non coegit, nec dignitatem
« aut salutem illa sævitia redemisti. sane toleremus istorum defensiones,
« qui perdere alios quam periclitari ipsi maluerunt. te securum reliquerat
« exsul pater et divisa inter creditores bona, nondum honorum capax
« ætas, nihil quod ex te concupisceret Nero, nihil quod timeret. libidine
« sanguinis et hiatu ⁴ præmiorum ignotum adhuc ingenium et nullis de-
« fensionibus expertum cæde nobili imbuisti, quum ex funere reipublicæ
« raptis consularibus spoliis ⁵, septuagies sestertio ⁶ signatus et sacerdotio
« fulgens, innoxios pueros, illustres senes, conspicuas feminas eadem
« ruina prosterneret; quum *segnitiam Neronis incusares, quod per sin-
« gulas domos seque et delatores fatigaret: posse universum senatum
« una voce subverti.* retinete, patres conscripti, et reserve hominem
« tam expediti consilii, ut omnis ætas instructa sit, et quomodo senes
« nostri Marcellum, Crispum, juvenes Regulum imitentur ⁷. invenit
« æmulos etiam infelix nequitia: quid si floreat vigeatque? et quem adhuc
« quæstorum offendere non audemus, prætorium et consularem visuri
« sumus? an Neronem extremum dominorum putatis? idem crediderant
« qui Tiberio, qui Caio superstites fuerunt, quum interim instabilius et
« sævior exortus est. non timemus Vespasianum: ea Principis ætas, ea
« moderatio. sed diutius durant exempla quam mores ⁷. elanguimus, pa-

—3. Minari se manus illaturos, ut *Ann.* I, 27.—4. De quibus *Annal.* XIII, 48.—5. Dicendo communia sibi fuisse ea cum Crispo.

XLII. 1. Quæ erat annus vigesimus quintus. De *Aquilio Regulo*, « omnium bipedum nequissimo, » plura *Plinius Epist.* I, 3; II, 20; IV, 2; VI, 2. De *Messala* supra III, 9.—2. Quo ea accusatio decreta erat. *Subisse*, suscepisse.—3. Vehementi cupiditate.—4. Captis de consule vel consulari subverso per accusationem.—5. 1,243,000 fr. *Signatus*, insignitus, quasi stigmatè signatus. Plurimæ editiones, ex conjectura, *saginat*.—6. Imitatur Ciceronem, *In Verrem act.* II, lib. II, 31: « Retinete, retinete hominem in civitate, iudices: parcite et conservate, ut sit qui nobiscum res judicet, qui in senatu, sine ulla cupiditate, de bello et pace sententiam ferat. »—7. *Exempla* quæ edit senatus

« tres conscripti, nec jam ille senatus sumus qui occiso Nerone delatores
 « et ministros more majorum puniendos flagitabat. optimus est post
 « malum Principem dies primus. »

XLIII. Tanto cum assensu senatûs auditus est Montanus, ut spem caperet Helvidius posse etiam Marcellum prosterni. igitur a laude Cluvii Rufi orsus, qui perinde dives et eloquentia clarus nulli umquam sub Nerone periculum facessisset, crimine simul exemploque Eprium urgebat ¹, ardentibus Patrum animis. quod ubi sensit Marcellus, velut excedens curia, *Imus*, inquit, *Prisce, et relinquimus tibi senatum tuum : regna præsentè Cæsare*. sequebatur Vibius Crispus, ambo infensi vultu diverso, Marcellus minacibus oculis, Crispus renidens ², donec accursu amicorum retraherentur. quum glisceret certamen, hinc multi bonique, inde pauci et validi pertinacibus odiis tenderent, consumptus per discordiam dies.

XLIV. Proximo senatu, inchoante Cæsare *de abolendo dolore iraque et priorum temporum necessitatibus* ¹, censuit Mucianus prolixè pro accusatoribus : simul eos qui cœptam, deinde omissam actionem repeterent, monuit sermone molli et tamquam rogaret. Patres cœptatam libertatem, postquam obviam itum, omisere. Mucianus, ne sperni senatus judicium et cunctis sub Nerone admissis data impunitas videretur, Octavium Sabinum Sagittam et Antistium Sosianum senatorii ordinis ² egressos exsilium in easdem insulas redegit. Octavius Pontiam Postumiam, nuptias suas abnuentem, impotens amoris interfecerat; Sosianus pravitate morum multis exitiosus. ambo gravi senatusconsulto damnati pulsque, quamvis concesso aliis reditu, in eadem pœna retenti sunt. nec ideo lenita erga Mucianum invidia. quippe Sosianus ac Sagitta viles, etiam si reverterentur : accusatorum ingenia et opes et exercita malis artibus potentia timebantur.

XLV. Reconciliavit paulisper studia Patrum habita in senatu cognitio secundum veterem morem. Manlius Patruitus senator « pulsatum se in colonia Seniensi cœtu multitudinis et jussu magistratuum » querebatur; « nec finem injuriæ hic stetisse : planetum et lamenta et supremorum ¹ « imaginem præsentì sibi circumdata cum contumeliis et probris quæ in « senatum universum jacerentur. » vocati qui arguebantur, et cognita causa in convictos vindicatum. additumque senatusconsultum quo Seniensium plebes modestiæ admoneretur. Iisdem diebus Antonius Flamma Cyrenensibus ² damnatur lege repetundarum, et exsilio ob sævitiam.

XLVI. Inter quæ militaris seditio prope exarsit. prætorianam militiam repetebant a Vitellio dimissi, pro Vespasiano congregati; et lectus in

immortalis, *quam mores Principis vel optimi, cujus locum fieri potest ut brevi occupet malus. Burn.*

XLIII. 1. Ut delatorem Thrasæ; quam actionem Helvidius jam Galba imperante tentalaverat; v. supra cap. 6.—2. De quo Juvenalis IV, 81 :

Venit et Crispi jucunda senectus,
 Cujus erant mores qualis facundia, mite
 Ingenium.

XLIV. 1. *Contrainte*, eo rerum statu quo plurimi ex sua voluntate agere non poterant.—2. De quibus *Annal.* XIII, 44; XIV, 48.

XLV. 1. Funeris.—2. Secundum Cyrenenses, in eorum accusantium gratiam.

eandem spem e legionibus miles promissa stipendia flagitabat : ne Vitelliani quidem sine multa cæde pelli poterant. sed immensa pecunia ferebatur, qua tanta vis hominum retinenda erat. ingressus castra Mucianus, quo rectius stipendia singulorum spectaret, suis cum insignibus armisque victores constituit, modicis inter se spatiis discretos. tum Vitelliani, quos apud Bovillas in deditionem acceptos membravimus¹, ceterique per Urbem et Urbi vicina conquisiti producuntur prope intecto corpore. eos Mucianus *diduci, et Germanicum Britannicumque militem, ac si qui aliorum exercituum, separatim assistere jubet.* illos primus statim aspectus obstupescerat, quum ex diverso velut aciem telis et armis truncem, semet clausos nudosque et illuvie deformes aspicerent. ut verò huc illuc distrahi cœpere, metus per omnes et præcipua Germanici militis formido, tamquam ea separatione ad cædem destinaretur. prensare manipularium pectora, cervicibus innecti, suprema oscula petere, *ne desererentur soli, neu pari in causa disparem fortunam paterentur;* modo Mucianum, modo absentem Principem, postremum cælum ac deos obtestari, donec Mucianus *cunctos ejusdem sacramenti, ejusdem imperatoris milites* appellans, falso timori obviam iret. namque et victor exercitus clamore lacrimas eorum juvabat. isque finis illa die. Paucis post diebus alloquentem Domitianum firmati jam excepere. spernunt oblatos agros, *militiam et stipendia* orant. preces erant, sed quibus contradici non posset. igitur in prætorium accepti. dein quibus ætas et justa stipendia², dimissi cum honore, alii ob culpam, sed carptim ac singuli; quo tutissimo remedio consensus multitudinis extenuatur.

XLVII. Ceterum verane pauperie an uti videretur¹, actum in senatu *ut sexcenties sestertium² a privatis mutuum acciperetur;* præpositusque ei curæ Poppæus Silvanus. nec multo post necessitas abiit, sive omissa simulatio. abrogati inde, legem ferente Domitiano, consulatus quos Vitellius dederat, funusque censorium³ Flavio Sabino ductum, magna documenta instabilis fortunæ summaque et ima miscentis.

XLVIII. Sub idem tempus L. Piso pro consule¹ interficitur. ea de cæde quam verissime expediam, si pauca supra repetiero ab initio causisque talium facinorum non absurda. Legio in Africa auxiliaque tutandis imperii finibus sub divo Augusto Tiberioque Principibus proconsuli parebant. mox Caius Cæsar turbidus animi ac M. Silanum obtinentem Africam metuens ablatam proconsuli legionem misso in eam rem legato tradidit. æquatus inter duos beneficiorum² numerus, et mixtis utriusque mandatis discordia quæsitæ, auctaque pravo certamine. legatorum vis adolevit diuturnitate officii³, vel quia minoribus major æmulandi cura; proconsulum splendidissimus quisque securitati magis quam potentiæ consulebant.

XLVI. 1. Cap. 2. — 2. *Ætas* quinquaginta annorum, *stipendia* legitima sedecim.

XLVII. 1. An in speciem.—2. 10,600,000 *fr.*—3. Vid. ad *Annal.* IV, 48. De cæde Sabini supra narratum III, 74.

XLVIII. 1. Africam (provinciam senatoriam) regens, c. 58.—2. Promotionum ex utriusque arbitrio concedendarum.—3. Nam proconsules annui erant; legatorum tempora ex Imperatore pendebant.

XLIX. Sed tum legionem in Africa regebat Valerius Festus, sumptuosæ adolescentiæ neque modica cupiens, et affinitate Vitellii anxius. is crebris sermonibus tentaveritne Pisonem ad res novas an tentanti restiterit, incertum, quoniam secreto eorum nemo affuit, et occiso Pisone plerique ad gratiam interfectoris inclinavere. nec ambigitur provinciam et militem alienato erga Vespasianum animo fuisse; et quidam e Vitellianis Urbe profugi ostentabant Pisoni *nutantes Gallias, paratam Germaniam, pericula ipsius et pace suspecta tutius bellum*. inter quæ Claudius Sagitta, præfectus alæ Petrinæ, prospera navigatione prævenit Papirium centurionem a Muciano missum, asseveravitque « mandata interficiendi « Pisonis centurioni data; cecidisse Galerianum consobrinum ejus generumque¹. unam in audacia spem salutis, sed duo itinera audenti, seu « mallet statim arma, seu petita navibus Gallia ducem se Vitellianis exercitibus ostenderet. » nihil ad ea moto Pisone, centurio a Muciano missas ut portum Carthaginiis attigit, magna voce lata Pisoni omnia tamquam principi continuare², obvios et subitæ rei miraculo attonitos, ut eadem astreperent, hortari. vulgus credulum ruere in forum, *presentiam Pisonis* exposcere. gaudio clamoribusque cuncta miscebant, indiligentia veri³ et adulandi libidine. Piso, indicio Sagittæ vel insita modestia, non in publicum egressus est neque se studiis vulgi permisit. centurionemque percunctatus, postquam *quæsitum sibi crimen eademque comperit, animadverti in eum* jussit, haud perinde spe vitæ quam ira in percussorem, quod idem ex interfectore Clodii Macri⁴ cruentas legati sanguine manus ad cædem proconsulis retulisset. anxio deinde edicto Carthaginiensibus increpitis, ne solita quidem munia usurpabat, clausus intra domum, ne qua motus novi causa vel forte oreretur.

L. Sed ubi Festo consternatio vulgi, centurionis supplicium, veraque et falsa more famæ in majus innotuere, equites in necem Pisonis mittit. illi raptim vecti, obscuro adhuc cœptæ lucis, domum proconsulis irrumpunt dstrictis gladiis, et magna pars Pisonis ignari¹, quod Penos auxiliares Maurosque in eam cædem delegerat. haud procul cubiculo obvium forte servum, *quisnam et ubi esset Piso?* interrogavere. servus egregio mendacio *se Pisonem esse* respondit; ac statim obtruncatur. nec multo post Piso interficitur: namque aderat qui nosceret, Bebius Massa e procuratoribus Africæ, jam tunc optimo cuique exitiosus, et in causas malorum, quæ mox² tulimus, sæpius rediturus. Festus Adrumeto, ubi speculabundus substiterat, ad legionem contendit, præfectumque castrorum Cetronium Pisanum vinciri jussit, proprias ob simultates: sed *Pisonis satellitem* vocabat, militesque et centuriones quosdam punit, alios præmiis affecit, neutrum ex merito, sed ut oppressisse bellum crederetur. Mox OEensium Leptitanorumque discordias componit, quæ, raptu frugum et pecorum inter agrestes, modicis principiis, jam per arma atque acies exercebantur. nam populus OEensis multitudine inferior Garamantas exciverat, gentem indomitam et inter accolæ latrociniiis fecundam³. unde

XLIX. 1. De ea cæde supra c. 44.—2. Continuo acclamare.—3. Sc. cognoscendi.—4. De quo I, 7.

L. 1. Pisonem ignorantes.—2. Sub Domitiano.—3. Late exercentem assidua latrocinia.

arctæ Leptitanis res, lateque vastatis agris intra mœnia trepidabant, donec interventu cohortium alarumque fusi Garamantes et recepta omnis præda, nisi quam vagi per inaccessa mapalium ulterioribus vendiderant.

LI. At Vespasiano post Cremonensem pugnam et prosperos undique nuntios, *cecidisse Vitellium* multi cujusque ordinis, pari audacia fortunæ hibernum mare aggressi, nuntiavere. aderant legati regis Vologesi *quadraginta Parthorum equitum millia* offerentes. magnificum lætumque tantis sociorum auxiliis ambiri ¹, neque indigere. gratiæ Vologeso actæ, mandatumque *ut legatos ad senatum* ² *mitteret et pacem esse sciret*. Vespasianus in Italiam resque Urbis intentus adversam de Domitiano famam accipit, *tamquam terminos ætatis et concessa filio egrederetur*. igitur validissimam exercitus partem Tito tradit ad reliqua Judaici belli perpetranda.

LII. Titum, antequam digrederetur, multo apud patrem sermone orasse dicebatur, « ne criminantium nuntiis temere accenderetur, integrumque « se ac placabilem filio præstaret. non legiones, non classes perinde firma « imperii munimenta quam numerum liberorum. nam amicos tempore, « fortuna, cupidinibus aliquando aut erroribus imminui, transferri, de- « sinere: suum cuique sanguinem indiscretum ¹, sed maxime Principibus, « quorum prosperis et alii fruuntur, adversa ad junctissimos pertineant. « ne fratribus quidem mansuram concordiam, ni parens exemplum præ- « buisset. » Vespasianus haud æque Domitiano mitigatus quam Titi pietate gaudens bono esse animo jubet belloque et armis rempublicam attollere: *sibi pacem domumque curæ fore*. tum celerrimas navium frumento onustas sævo adhuc mari committit. quippe tanto discrimine Urbs nutabat, ut decem haud amplius dierum frumentum in horreis fuerit, quum a Vespasiano commeatus subvenere ².

LIII. Curam restituendi Capitolii in L. Vestinum confert, equestris ordinis virum, sed auctoritate famaue inter proceres. ab eo contracti haruspices monuere, *ut reliquæ prioris delubri in paludes* ¹ *aveherentur, templum iisdem vestigiis sisteretur: nolle deos mutari veterem formam*. undecimo kalendas Julias ² serena luce spatium omne, quod templo dicabatur, evinctum vittis coronisque. ingressi milites, quis fausta nomina ³, felicibus ramis ⁴, dein virgines Vestales, cum pueris puellisque patrimis matrimisque ⁵, aqua vivis e fontibus amnibusque hausta perluere. tum Helvidius Priscus prætor, præeunte ⁶ Plautio Aeliano pontifice, lustrata suovetaurilibus area et super cespitem redditis extis ⁷, *Jovem, Junonem, Minervam præsidesque imperii deos* precatus *uti cæpta pro-*

LI. 1. Ambio, precor ut velis, accipias. — 2. Tamquam supremum regimen imperii.

LII. 1. Inseparabilem. — 2. In subsidium advenire.

LIII. 1. Ostienses. — 2. Die 21 Junio. — 3. Usus late patens. Cicero de Divin. I, 109: « Quum imperator exercitum, censor populum lustraret, bonis nominibus qui hostias ducerent, eligebantur: quod idem in delectu consules observant, ut primus miles fiat bono nomine. » Festus: « Lacus Lucrinus in vectigalibus publicis primus locatur fruendus ominis boni gratia: ut in delectu censuve primi nominantur Valerius, Salvius, Statorius. » — 4. A felicibus arboribus decerpitis. Sunt autem felices arbores, secundum libros pontificales, quereus, æsculus, ilex, fagus, et aliæ quas recenset Macrobius Saturn. II, 16. — 5. Quorum patres matresque adhuc vivebant. — 6. Sc. verba; quod in precationibus sæpe fiebat de scripto — 7. « Reddi dicebantur exta, quum probata et

sperarent sedesque suas pietate hominum inchoatas divina ope attollerent, vittas quis ligatus lapis innexique funes erant, contigit. simul ceteri magistratus et sacerdotes et senatus et Eques et magna pars populi, studio lætitiæque connixi, saxum ingens traxere. passimque injectæ fundamentis argenti aurique stipes et metallorum primitiæ, nullis fornacibus victæ⁸, sed ut gignuntur. prædixere haruspices, ne temeraretur opus saxo aurove in aliud destinato. altitudo ædibus adjecta⁹. id solum religio annuere¹⁰ et prioris templi magnificentiæ defuisse creditum.

LIV. Audita interim per Gallias Germaniasque mors Vitellii duplicaverat bellum. nam Civilis omissa dissimulatione in populum Romanum ruere, Vitellianæ legiones vel externum servitium quam imperatorem Vespasianum malle. Galli sustulerant animos, eandem ubique exercituum nostrorum fortunam rati, vulgato rumore a *Sarmatis Dacisque Mæsis ac Pannonica hiberna circumscideri*¹. paria de Britannia fingeantur. sed nihil æque quam incendium Capitolii, ut finem imperio adesse crederent, impulerat. « captam olim a Gallis Urbem; sed integra Jovis sede mansisse imperium. fatali nunc igne signum cælestis iræ datum, et possessionem rerum humanarum Transalpinis gentibus portendi », superstitione vana Druidæ² canebant. incesseratque fama primores Galliarum ab Othone adversus Vitellium missos, antequam digrederentur, pepigisse *ne deessent libertati, si populum Romanum continua bellorum civilium series et interna mala fregissent*.

LV. Ante Flacci Hordeonii cædem¹ nihil prorupit quo conjuratio intelligeretur. interfecto Hordeonio commeavere nuntii inter Civilem Classicumque præfectum alæ Treverorum². Classicus nobilitate opibusque ante alios. regium illi genus et pace belloque clara origo. ipse e majoribus suis hostis populi Romani quam socius jactabat³. miscuere sese Julius Tutor et Julius Sabinus, hic Trevir, hic⁴ Lingonus, Tutor ripæ Rheni a Vitellio præfectus; Sabinus, super insitam vanitatem, falsæ stirpis gloria incendebatur: *proaviam suam divo Julio per Gallias bellanti corpore placuisse*. hi secretis sermonibus animos ceterorum scrutari. ubi quos idoneos rebantur, conscientia obstrinxere, in colonia Agrippinensi in domum privatam conveniunt. nam publice civitas talibus inceptis abhorrebat. attamen interfuere quidam Ubiorum Tungrorumque. sed plurima vis penes Treveros ac Lingonas. nec tulere moras consultandi. certatim proclamant « furere discordiis populum Romanum, casas legiones, vastatam Italiam, « capi cum maxime Urbem, omnes exercitus suis quemque bellis detineri. « si Alpes præsiidiis firmentur, coalita libertate dispecturas Gallias quem « virium suarum terminum velint. »

LVI. Hæc dicta pariter probataque. de reliquiis Vitelliani exercitus dubitavere. plerique *interficiendos* censebant, *turbidos, infidos, sanguine*

elixa aræ superponebantur, » *Servius*. — 3. *Victæ*, quasi superatæ coquendo, emollitæ et formate. — 9. Altiores pristinis factæ. — 10. Sc. credita est; ex sequenti.

LIV. 1. Est Dacorum tumultus a Muciano repressus, supra III, 46. — 2. De quibus Cæsar *Bell. Gall.* VI, 13, supra *Annal.* XIV, 70.

LV. 1. De qua c. 36. — 2. Memoratum II, 14. — 3. Græca structura, pro, hostem se esse quam socium. Potius ante *quam* sæpius omittit Tacitus. — 4. Vividius hoc quam *hic ... ille*. Sic etiam *Annal.* XIV, 8.

ducum pollutos. vicit ratio parcendi, « ne sublata spe veniæ pertinaciam accenderent. alliciendos potius in societatem. legatis tantum legionum interfectis, ceterum vulgus conscientia scelerum et spe impunitatis facile accessurum. » ea primi consilii forma. missique per Gallias concitatores belli. simulatum ipsis obsequium, quo incautiores Voculam opprimerent. nec defuere qui Voculæ nuntiarent. sed vires ad coercendum deerant, infrequentibus infidisque legionibus. inter ambiguos milites et occultos hostes, optimum e præsentibus ratus mutua dissimulatione et iisdem, quibus petebatur, artibus grassari, in coloniam Agrippinensem descendit. illuc Claudius Labeo, quem captum et extra conventum amandatum in Frisios diximus¹, corruptis custodibus perfugit; pollicitusque, *si præsidium daretur, iturum in Batavos et potiore civitatis partem ad societatem Romanam retracturum*, accepta peditum equitumque modica manu, nihil apud Batavos ausus, quosdam Nerviorum Betasiorumque in arma traxit, et furtim magis quam bello, Canninefates Marsacosque incursabat. Vocula Gallorum fraude illectus ad hostem² contendit.

LVII. Nec procul Veteribus aberat, quum Classicus ac Tutor per speciem explorandi prægressi cum ducibus Germanorum pacta firmavere. tumque primum discreti a legionibus proprio vallo castra sua circumdant, obtestante Vocula « non adeo turbatam civilibus armis rem Romanam, ut Treveris etiam Lingonibusque despectui sit. superesse fidas provincias, victores exercitus, fortunam imperii et ultores deos. sic olim Sacrovirum et Aednos¹, nuper Vindicem Galliasque singulis præliis concidisse. eadem rursus numina, eadem fata ruptores foederum expectarent. melius divo Julio divoque Augusto notos eorum animos : Galbam et infracta tributa hostiles spiritus induisse². nunc hostes, quia molle servitium; quum spoliati exutique fuerint, amicos fore. » hæc ferociter locutus, postquam perstare in perfidia Classicum Tutoremque videt, verso itinere Novesium concedit. Galli duum millium spatio distantibus campis consedere. illuc commeantium centurionum militumque emebantur animi, ut (flagitium incognitum) Romanus exercitus in externa verba jurarent, pignusque tanti sceleris nece aut vinculis legatorum daretur. Vocula, quamquam plerique fugam suadebant, audendum ratus, vocata concione in hunc modum disseruit :

LVIII. « Nunquam apud vos verba feci aut pro vobis sollicitior aut pro me securior. nam mihi exitium parari libens audio, mortemque in tot malis [hostium] ut finem miseriarum exspecto. Vestri me pudet miseretque, adversus quos non prælium et acies parantur; id enim fas armorum et jus hostium¹ est; bellum cum populo Romano vestris se manibus gesturum Classicus sperat, imperiumque et sacramentum Galliarum ostentat. adeo nos si fortuna in præsens virtusque deseruit, etiam vetera exempla deficiunt, quoties Romanæ legiones perire præoptave-

LVII. 1. Supra c. 48. *Conventum*, societatem Batavorum conspirantium in Romanos.—

2. Civilem, qui Vetera obsidebat.

LVII. 1. Quarto imperii Tiberii anno, *Ann.* III, 40—46. De *Vindice* supra ad I, c. fin.—

2. Indidisse; de re I, 81.

LVIII. 1. Jus inter hostes; ut dicitur *jus gentium*.

« rint, ne loco pellerentur? socii sæpe nostri excindi urbes suas seque
 « cum conjugibus ac liberis cremari pertulerunt; neque aliud pretium
 « exitus quam fides famaue. tolerant cummaxime inopiam obsidiumque
 « apud Vetera legiones, nec terrore aut promissis demoveantur. nobis,
 « super arma et viros et egregia castrorum munimenta, frumentum et
 « commeatus quamvis² longo bello pares. pecunia nuper etiam donativo
 « sufficit³; quod sive a Vespasiano sive a Vitellio datum interpretari ma-
 « vultis, ab Imperatore certe Romano accepistis. tot bellorum victores,
 « apud Geldubam, apud Vetera, fuso toties hoste, si pavetis aciem, in-
 « dignum id quidem: sed est vallum murique et trahendi⁴ artes, donec e
 « proximis provinciis auxilia exercitusque concurrant. sane ego displi-
 « ceam: sunt alii legati, tribuni, centurio denique aut miles. ne hoc pro-
 « digium toto terrarum orbe vulgetur, vobis satellitibus Civilem et Clas-
 « sicum Italiam invasuros. an, si ad mœnia Urbis Germani Gallique
 « duxerint, arma patriæ inferetis? horret animus tanti flagitii imagine.
 « Tutorin' Trevero agentur excubiæ? signum belli Batavus dabit? Germa-
 « norum catervas supplebitis? quis deinde sceleris exitus, quum Romanæ
 « legiones contra direxerint⁵? transfugæ e transfugis et proditores e pro-
 « ditoribus, inter recens et vetus sacramentum invidi deis errabitis? Te,
 « Juppiter optime maxime, quem per octingentos viginti annos⁶ tot trium-
 « phis coluimus, te, Quirine Romanæ parens Urbis, precor venerorque,
 « ut, si vobis non fuit cordi me duce hæc castra incorrupta et intemerata
 « servari, at certe pollui fœdarique a Tutore et Classico ne sinatis. militibus
 « Romanis aut innocentiam detis, aut maturam et sine noxa pœnitentiam.»

LIX. Varie excepta oratio inter spem metumque ac pudorem. digressum
 Voculam, et de supremis agitantem, liberti servique prohibere foedissi-
 mam mortem sponte prævenire. et Classicus misso Emilio Longino, deserte-
 tore primæ legionis, eadem ejus maturavit. Herennium et Numisium
 legatos vinciri satis visum. dein sumptis Romani imperii insignibus in
 castra venit. nec illi, quamquam ad omne facinus durato, verba ultra sup-
 peditavere quam ut sacramentum recitaret. juravere qui aderant *pro im-
 perio Galliarum*. interfectorem Voculæ altis ordinibus¹, ceteros, ut
 quisque flagitium navaverat, præmiis attollit. Divisæ inde inter Tutorem
 et Classicum curæ. Tutor valida manu circumdatos Agrippinenses, quan-
 tumque militum apud superiorem Rheni ripam, in eadem verba adigit,
 occisis Magontiaci tribunis, pulso castrorum præfecto, qui detrectave-
 rant. Classicus corruptissimum quemque e deditis *pergere ad obsessos*
 jubet, *veniam ostentantes, si præsentia sequerentur: aliter nihil
 spei, famem ferrumque et extrema passuros*. adjecere qui missi erant
 exemplum suum.

LX. Obsessos hinc fides, inde egestas inter decus ac flagitium distrahe-
 bant. cunctantibus solita insolitaque alimenta deerant, absumptis jumentis
 equisque et ceteris animalibus, quæ profana fœdaque in usum necessitas

—2. Quantumvis, utcumque. — 3. Vid. c. 19.—4. Sc. temporis, sive belli.—5. Sc. aciem.

—6. Conf. I. 1.

LIX. 1. Prunis militiæ ordinibus sive gradibus.

vertit. virgulta postremo et stirpes et internatas saxis herbas vellentes miseriarum patientiæque documentum fuere, donec egregiam laudem fine turpi macularent, missis ad Civilem legatis *vitam* orantes. neque ante preces admissæ quam in verba Galliarum jurarent. tum pactus *prædam castrorum* dat custodes, qui pecuniam, calones, sarcinas retentarent, ac qui ipsos leves abeuntes prosequerentur. ad quintum fere lapidem coorti Germani incautum agmen aggrediuntur. pugnacissimus quisque in vestigio, multi palantes occubere: ceteri retro in castra profugiunt, querente sane Civile et increpante Germanos *tamquam fidem per scelus abrumperent*. simulata ea fuerint, an retinere sævientes nequiverit, parum affirmatur. direptis castris faces injiciunt; cunctosque qui prælio superfuerant, incendium hausit.

LXI. Civilis barbaro voto¹, post cæpta adversus Romanos arma, propeum rutilatumque crinem patrata demum cæde legionum deposuit. et ferebatur parvulo filio quosdam captivorum sagittis jaculisque puerilibus figendos obtulisse. ceterum neque se neque quemquam Batavum in verba Galliarum adegit, fisis Germanorum opibus et, si certandum adversus Gallos de possessione rerum foret, inclitus fama et potior. Munius Lupercus legatus legionis inter dona missus Veledæ. ea virgo nationis Bructeræ late imperitabat², vetere apud Germanos more, quo plerasque feminarum fatidicas et augescente superstitione arbitrantur deas. tuncque Veledæ auctoritas adolevit: nam *prosperas Germanis res et excidium legionum* prædixerat. sed Lupercus in itinere interfectus. pauci centurionum tribunorumque in Gallia geniti reservantur pignus societatis. cohortium, alarum, legionum hiberna subversa cremataque, iis tantum relictis quæ Magontiaci ac Vindonissæ sita sunt.

LXII. Legio sexta decima cum auxiliis simul deditis a Novesio in coloniam Treverorum transgredi jubetur, præfinita die intra quam castris excederet. medium omne tempus per varias curas egere, ignavissimus quisque cæsorum apud Vetera exemplo paventes, melior pars rubore et infamia: *quale illud iter? quis dux viæ? et omnia in arbitrio eorum quos vitæ necisque dominos fecissent*. alii, nulla dedecoris cura, pecuniam aut carissima sibimet ipsi circumdare. quidam expedire arma, telisque tamquam in aciem accingi. hæc meditantibus advenit proficiscendi hora, expectatione tristior. quippe intra vallum deformitas haud perinde notabilis: detexit ignominiam campus et dies. revulsæ Imperatorum imagines, inhonora signa, fulgentibus hinc inde Gallorum vexillis; silens agmen, et velut longæ exsequiæ; dux Claudius Sanctus effosso oculo, dirus ore, ingenio debilior¹. Duplicatur flagitium, postquam desertis Bonnensibus castris altera se legio miscuerat. et vulgata captarum legionum fama cuncti, qui paulo ante Romanorum nomen horrebant, procurrentes ex agris tectisque et undique effusi insolito spectaculo nimium fruebantur. non tulit ala Picentina gaudium insultantis vulgi, spretisque

LXI. 1. Conf. *Germ. c. 34*. — 2. Non regno, sed auctoritate et vi in animos effatis regendos. Conf. *Germ. c. 8*.

LXII. 1. Sc. quam corpore. Nam *debiles* dicuntur capti aliquo membro.

Sancti promissis aut minis Magontiacum abeunt; ac forte obvio interfectore Voculæ Longino, coniectis in eum telis initium exsolvendæ in posterum culpæ fecere. legiones nihil mutato itinere ante mœnia Treverorum considunt.

LXIII. Civilis et Classicus, rebus secundis sublatis, an coloniam Agrippinensem diripiendam exercitibus suis permitterent dubitavere. sævitia ingenii et cupidine prædæ ad excidium civitatis trahebantur. obstabat ratio belli, et novum imperium inchoantibus utilis clementiæ fama. Civilem etiam beneficii memoria flexit, quod filium ejus primo rerum motu in colonia Agrippinensi deprehensum honorate custodierant. sed Transrhenanis gentibus invisâ civitas opulentia auctoque; neque alium finem belli rebantur quam si promiscua ea sedes omnibus Germanis foret, aut disjecta Ubios quoque dispersisset.

LXIV. Igitur Tencteri, Rheno discreta gens, missis legatis mandata apud concilium Agrippinensium edi jubent; quæ ferocissimus e legatis in hunc modum protulit: « Redisse vos in corpus nomenque Germaniæ, « communibus deis et præcipuo deorum Marti grates agimus; vobisque « gratulamur quod tandem liberi inter liberos eritis. nam ad hunc diem « flumina ac terras et cælum quodammodo ipsum clauserant Romani, ut « colloquia congressusque nostros arcerent, vel, quod contumeliosius est « viris ad arma natis, inermes ac prope nudi¹ sub custode et pretio² coiremus. sed ut amicitia societasque nostra in æternum rata sit, postulam³us a vobis, muros coloniae, munimenta servitii, detrahatis: etiam « fera animalia, si clausa teneas, virtutis obliviscuntur; Romanos omnes « in finibus vestris trucidetis: haud facile libertas et domini miscentur. « bona interfectorum in medium cedant, ne quis oculere quicquam aut « segregare causam suam possit. liceat nobis vobisque utramque ripam « colere, ut olim majoribus nostris. quomodo lucem diemque omnibus « hominibus, ita omnes terras fortibus viris natura aperuit. instituta cultumque patrium resumite, abruptis³ voluptatibus, quibus Romani plus « adversus subjectos quam armis valent. sincerus et integer et servitutis « oblitus populus aut ex æquo agetis aut aliis imperitabitis. »

LXV. Agrippinenses sumpto consultandi spatio quando neque subire conditiones metus futuri, neque palam aspernari conditio præsens sinebat, in hunc modum respondent: « Quæ prima libertatis facultas data est, « avidius quam cautius sumpsimus, ut vobis ceterisque Germanis consanguineis nostris jungeremur. muros civitatis, congregantibus se cum « maxime Romanorum exercitibus, augere nobis quam diruere tutius est. « si qui ex Italia aut provinciis alienigenæ in finibus nostris fuerant, eos « bellum absumpsit, vel in suas quisque sedes refugere. deductis olim¹ et « nobiscum per connubium sociatis, quique mox provenire, hæc patria « est; nec vos adeo iniquos existimamus ut interfici a nobis parentes,

LXIV. 1. Nam Germani « nihil neque publicæ neque privatæ rei nisi armati agant. » *Germ. c. 15.* — 2. Ut vectigales. *Conf. cap. seq.* — 3. Cum violentia remotis, ut II, 55: *abruptis vitæ blandimentis*, de Othone morituro.

LXV. 1. Romanos dicit olim in hanc coloniam Agrippinensem condendam deductos.—

« fratres, liberos nostros velitis. vectigal et onera commerciorum resolvimus. sint transitus incustoditi, sed diurni et inermes, donec nova et recentia jura in vetustatem consuetudine² vertantur. arbitrum habebimus Civilem et Veledam, apud quos pacta sancientur. » sic lenitis Tencteris, legati ad Civilem et Veledam missi cum donis cuncta ex voluntate Agrippinensium perpetrare. sed coram adire alloquique Veledam negatum. arcebantur aspectu, quo venerationis plus inesset. ipsa edita in turre : delectus e propinquis consulta responsaque, ut internuntius nuntius, portabat.

LXVI. Civilis societate Agrippinensium auctus proximas civitates affectare aut adversantibus bellum inferre statuit. occupatisque sunicis, et juventute eorum per cohortes composita, quominus ultra pergeret, Claudius Labeo Betasiorum Tungrorumque et Nerviorum tumultuaria manu restitit; fretus loco, quia pontem Mosæ fluminis anteceperat. pugnabaturque in angustiis ambigue, donec Germani tranantes terga Labeonis invasere. simul Civilis, ausus an ex composito, intulit se agmini Tungrorum. et clara voce, « Non ideo », inquit, « bellum sumpsimus, ut Batavi et Treveri gentibus imperent. procul hæc a nobis arrogantia. accipe societatem. transgredior ad vos, seu me ducem seu militem mactatis. » movebatur vulgus condebantque gladios, quum Campanus ac Juvenalis, ex primoribus Tungrorum, universam ei gentem dedidere. Labeo antequam circumveniretur, profugit. Civilis Betasios quoque ac Nervios in fidem acceptos copiis suis adjunxit, ingens rerum¹, percussis civitatum animis vel sponte inclinantibus.

LXVII. Interea Julius Sabinus projectis fœderis Romani monumentis¹ *Cæsarem* se salutari jubet, magnamque et inconditam popularium turbam in Sequanos rapit, conterminam civitatem et nobis fidam. nec Sequani detrectare certamen. fortuna melioribus affuit : fusi Lingones. Sabinus festinatum temere prælium pari formidine deseruit. utque famam exitii sui faceret, villam, in quam perfugerat, cremavit, illic voluntaria morte interisse creditus. sed quibus artibus latebrisque vitam per novem mox annos traduxerit, simul amicorum ejus constantiam et insigne Epponinæ uxoris exemplum, suo loco reddemus². Sequanorum prospera acie belli impetus stetit³. respiscere paulatim civitates, fasque et fœdera respicere, principibus⁴ Remis, qui per Gallias edixere *ut missis legatis in commune consultarent, libertas an pax placeret*.

LXVIII. At Romæ cuncta in deterius audita Mucianum angebant, ne quamquam egregii duces (jam enim Gallum Annium et Petilium Cerialem delegerat) summam belli parum tolerarent. nec relinquenda Urbs sine rectore. et Domitiani indomitæ libidines timebantur, suspectis, uti dixi-

2. Hoc exquisitius quam : In consuetudinem vetustate.

LXVI. 1. Dictum ut *Ann.* I, 69, *femina ingens animi* : ingens rebus suis et earum prospero cursu. Heinsius scripserat, *ingens rerum cumulus*, de sociis additis.

LXVII. 1. Tabulis vel *στήλαις* quibus illud fœdus inscriptum. De Sabino v. c. 85. — 2. Extremo anno regni Vespasiani : sed in hoc ipso primo anno hujus Imperatoris abruptuntur Historiæ. *Epponinæ* præclarum facinus pinxit Plutarchus sine *Amatorii* pag. 941 seq. meæ editionis, indicavit Dio Cass. LXVI, 16.—3. Substitit.—4. Inchoantibus.

mus, Primo Antonio Varoque Arrio. Varus prætorianis præpositus vim atque arma retinebat. eum Mucianus pulsum loco, ne sine solatio ageret, annonæ præfecit utque Domitiani animum Varo haud alienum deleniret, Arrecinum Clementem, domui Vespasiani per affinitatem innexum et gratissimum Domitiano, prætorianis præposuit, *patrem ejus sub Caio Cæsare egregie functum ea cura dictitans; lætum militibus idem nomen, atque ipsum quamquam senatorii ordinis*¹, *ad utraque munia sufficere.* assumuntur e civitate clarissimus quisque, et alii per ambitionem². simul Domitianus Mucianusque accingebantur, dispari animo, ille spe ac juvena properus, hic moras nectens quis flagrantem retineret, ne ferocia ætatis et pravis impulsoribus, si exercitum invasisset, paci belloque male consuleret. legiones victrices sexta et octava, Vitellianarum unaetvicesima, e recens conscriptis secunda, Penninis Cottianisque Alpibus, pars monte Graio traducuntur; quartadecima legio e Britannia, sexta ac decima ex Hispania accitæ. Igitur venientis exercitus fama et suopte ingenio ad mitiora inclinantes Galliarum civitates in Remos convenere. Treverorum legatio illic opperiebatur, acerrimo instinctore belli Tullio Valentino. is meditata oratione cuncta magnis imperiis objectari solita contumeliasque et invidiam in populum Romanum effudit, turbidus inclandis seditionibus et plerisque gratus vecordi facundia.

LXIX. At Julius Auspex e primoribus Remorum, *vim Romanam pacisque bona* dissertans, *et sumi bellum etiam ab ignavis, strenuissimi* *cujusque periculo geri, jamque super caput legiones*, sapientissimum quemque reverentia fideque, juniores periculo ac metu continuit. et Valentini animum laudabant, consilium Auspexis sequebantur. constat obstitisse Treveris Lingonibusque apud Gallias, quod Vindicis motu cum Verginio steterant¹. deterruit plerosque provinciarum æmulatio: *quod bello caput?*² *unde jus auspiciumque peteretur? quam, si cuncta provenissent, sedem imperio legerent?* nondum victoria, jam discordia erat, aliis fœdera, quibusdam opes viresque aut vetustatem originis per jurgia jactantibus. tadio futurorum præsentia placuere. scribuntur ad Treveros epistolæ, nomine Galliarum, *ut abstinerent armis, impetrabili venia et paratis deprecatoribus, si pæniteret.* restitit idem Valentinus, obstruxitque civitatis suæ aures, haud perinde instruendo bello intentus quam frequens concionibus.

LXX. Igitur non Treveri neque Lingones ceteræve rebellium civitates pro magnitudine suscepti discriminis agere. ne duces quidem in unum consulere, sed Civilis avia Belgarum circumibat, dum Claudium Labeonem capere aut exturbare nititur; Classicus segne plerumque otium trahens velut parto imperio fruebatur. ne Tutor quidem maturavit superiorem Germaniæ ripam et ardua Alpium præsidiis claudere. atque interim unaetvicesima legio Vindonissâ, Sextilius Felix¹ cum auxiliariis cohortibus per Rætiâ irrupere. accessit ala Singularium², excita olim a Vitellio,

LXVIII. 1. Nam ex equestri fere ordine illi præfecti eligebantur.—2. *Brigæ*

LXIX. 1. Vid. ad I. 6.—2. Quis summus moderator.

LXX. 1. De quo III, 8.—2. De hoc genere militiæ Hyginus: «Equites prætoriani latere dextro prætorii, Singulares Imperatoris latere sinistro tendere debent.» Fre-

deinde in partes Vespasiani transgressa. præerat Julius Briganticus sorore Civilis genitus, ut ferme acerrima proximorum odia sunt, invisus avunculo infensusque. Tutor Treverorum copias, recenti Vangionum, Cæracatium, Tribocorum delectu auctas, veterano pedite atque equite firmavit, corruptis spe aut metu subactis legionariis; qui primo cohortem præmissam a Sextilio Felice interficiunt, mox ubi duces exercitusque Romanus propinquabant, honesto transfugio rediere, secutis Tribocis Vangionibusque et Cæracatibus. Tutor Treveris comitantibus, vitato Magontiaco, Bingium concessit, fidens loco, quia pontem Navæ fluminis abruperat. sed incursu cohortium quas Sextilius ducebat, et reperto vado proditus fususque. ea clade perculsi Treveri, et plebes omissis armis per agros palatur: quidam principum, ut primi posuisse bellum viderentur, in civitates quæ societatem Romanam non exuerant, perfugerunt. legiones a Novesio Bonnaque in Treveros, ut supra³ memoravimus, traductæ se ipsæ in verba Vespasiani adigunt. hæc Valentino absente gesta; qui ubi adventabat furens cunctaque rursus in turbas et exitium conversurus, legiones in Mediomatricos, sociam civitatem, abscessere. Valentinus ac Tutor in arma Treveros retrahunt, occisis Herennio an Numisio legatis⁴, quo minore spe veniæ cresceret vinculum sceleris.

LXXI. Hic belli status erat, quum Petilius Cerialis Magontiacum venit. ejus adventu erectæ spes. ipse pugnae avidus et contemnendis quam cavendis hostibus melior, ferocia verborum militem incendebat, ubi primum congredi licuisset, nullam prælio moram factururus. delectus per Galliam habitos in civitates remittit, ac nuntiare jubet *sufficere imperio legiones: socii ad munia pacis redirent, securi velut confecto bello, quod Romanæ manus excepissent.* auxit ea res Gallorum obsequium: nam recepta juventute facilius tributa toleravere, prouiores ad officia, quod spernebantur. at Civilis et Classicus ubi *pulsum Tutorem, cæsos Treveros, cuncta hostibus prospera* acceperere, trepidi ac properantes, dum dispersas suorum copias conducunt, crebris interim nuntiis Valentinum monuere *ne summæ rei periculum faceret.* eo rapidius Cerialis, missis in Mediomatricos qui breviori itinere legiones in hostem verterent, contracto quod erat militum Magontiaci quantumque secum transvexerat, tertiis castris Rigodulum venit; quem locum magna Treverorum manu Valentinus insedebat, montibus aut Mosella¹ amne septum. et addiderat fossas obicesque saxorum. nec deterruere ea munimenta Romanum ducem quominus peditem perrumpere juberet, equitum aciem in collem erigeret, spreto hoste, quem temere collectum haud ita loco juvari, ut non plus suis in virtute foret. paulum moræ in ascensu, dum missilia hostium prævehuntur²: ut ventum in manus³, deturbati ruinæ modo præcipitantur. et pars equitum æquioribus jugis circumvecta nobilissimos Belgarum, in quis ducem Valentinum, cepit.

quentior eorum memoria est in inscriptionibus. — 3. Cap. 62. — 4. In vincula conjectis supra c. 59.

LXXI. 1. Alio loco montibus, alio Mosella. — 2. Prætervehuntur, ut sæpe Tacitus. — 3. Pro vulgari, ad manus, pugnam.

LXXII. Cerialis postero die coloniam Treverorum ingressus est, avido milite eruendæ¹ civitatis : « hanc esse Classici, hanc Tutoris patriam; « horum scelere clausas cæsasque legiones. quid tantum Cremonam me-
« ruisse, quam e gremio Italiæ raptam, quia unius noctis moram victo-
ibus attulerit? stare in confinio Germaniæ integram sedem spoliis exer-
« cituum et ducum cædibus ovantem. redigeretur præda in fiscum : ipsis
« sufficere ignes et rebellis coloniæ ruinas, quibus tot castrorum excidia
« pensarentur. » Cerialis a metu² infamiæ, si licentia sævitique imbuere militem crederetur, pressit iras. et parvum, posito civium bello ad externa modestiores. convertit inde animos accitarum e Mediomatricis legionum miserabilis aspectus. stabant conscientia flagitii mœstæ, fixis in terram oculis. nulla inter coeuntes exercitus consalutatio. neque solantibus hortantibusve responsa dabant, abditi per tentoria et lucem ipsam vitantes. nec perinde periculum aut metus quam pudor ac dedecus obstupescerant, attonitis etiam victoribus, qui vocem precesque adhibere non ausi lacrimis ac silentio veniam poscebant, donec Cerialis mulceret animos, *fato acta dictitans quæ militum ducumque discordia vel fraude hostium evenissent. primum illum stipendiorum et sacramenti diem haberent : priorum facinorum neque imperatorem neque se meminisse.* tunc recepti in eadem castra, et edictum per manipulos ne quis in certamine jurgiove seditionem aut cladem commilitoni objectaret.

LXXIII. Mox Treveros ac Lingonas ad concionem vocatos ita alloquitur : « Neque ego umquam facundiam exercui, et populi Romani virtutem
« armis affirmavi. sed quia apud vos verba plurimum valent, bonaque ac
« mala non sua natura, sed vocibus seditiosorum æstimabantur, statui
« pauca disserere, quæ profligato bello utilius sit vobis audisse quam nobis
« dixisse. terram vestram ceterorumque Gallorum ingressi sunt duces im-
« peratoresque Romani nulla cupidine, sed majoribus vestris invocan-
« tibus, quos discordiæ usque ad exitium fatigabant; et acciti auxilio
« Germani¹ sociis pariter atque hostibus servitutem imposuerant. quot
« præliis adversus Cimbros Teutonosque, quantis exercituum nostrorum
« laboribus quoque eventu Germanica bella tractaverimus, satis clarum.
« nec ideo Rhenum insedimus ut Italiani tueremur, sed ne quis alius
« Ariovistus regno Galliarum poteretur. an vos cariores Civili Batavisque
« et Transrhenanis gentibus creditis quam majoribus eorum patres avique
« vestri fuerunt? eadem semper causa Germanis transcendendi in Gallias,
« libido atque avaritia et mutandæ sedis amor, ut relictis paludibus et so-
« litudinibus suis fecundissimum hoc solum vosque ipsos possiderent.
« ceterum libertas et speciosa nomina prætexuntur; nec quisquam alie-
« num servitium et dominationem sibi concupivit, ut non eadem ista voca-
« bula usurparet.

LXXIV. « Regna bellaque per Gallias semper fuere, donec in nostrum jus
« concederetis. nos, quamquam toties lacessiti, jure victoriæ id solum vobis
« addidimus quo pacem tueremur. nam neque quies gentium sine armis

LXXII. 1. Funditus delendæ, Virgiliana vox, *Æn.* II, 611.—2. Propter metum.

LXXIII. 1. Vid. Cæsar *Bell. Gall.* I, 51 sqq., ubi etiam de *Ariovisto*.

« neque arma sine stipendiis neque stipendia sine tributis haberi queunt.
 « cetera in communi sita sunt ¹. ipsi plerumque legionibus nostris præsi-
 « dei ² ipsi has aliasque provincias regitis : nihil separatim clausumve.
 « et laudatorum principum usus ex æquo, quamvis procul agentibus ² :
 « sævi proximis ingruunt. quomodo sterilitatem aut nimios imbres et ce-
 « tera naturæ mala, ita luxum vel avaritiam dominantium tolerate. vitia
 « erunt, donec homines : sed neque hæc continua, et meliorum interventu
 « pensantur. nisi forte Tutore et Classico regnantibus moderatius impe-
 « rium speratis, aut minoribus quam nunc tributis parabantur exercitus
 « quibus Germani Britannique arceantur. nam pulsus (quod dii prohibeant)
 « Romanis quid aliud quam bella omnium inter se gentium existent? octin-
 « gentorum annorum fortuna disciplinaque compages hæc coaluit, quæ
 « convelli sine exitio convellentium non potest. sed vobis maximum dis-
 « crimen, penes quos aurum et opes, præcipuæ bellorum causæ. proinde
 « pacem et Urbem, quam victi victoresque eodem jure obtinemus, amate,
 « colite. moneant vos utriusque fortunæ documenta, ne contumaciam cum
 « perniciæ quam obsequium cum securitate malitis. » Tali oratione gra-
 viora metuentes composuit erexitque.

LXXV. Tenebantur victore exercitu Treveri, quum Civilis et Classicus misere epistolas ad Cerialem, quarum hæc sententia fuit, « Vespasianum,
 « quamquam nuntios occultarent ¹, excessisse vita; Urbem atque Italiam
 « interno bello consumptam; Muciani ac Domitiani vana et sine viribus
 « nomina. si Cerialis imperium Galliarum velit, ipsos finibus civitatum
 « suarum contentos; si prælium mallet, ne id quidem abnuere. » Ad ea
 Cerialis Civili et Classico nihil : eum qui attulerat, ipsas epistolas ad Do-
 mitianum misit. Hostes divisus copiis advenere undique. plerique culpa-
 bant Cerialem passum jungi quos discretos intercipere licuisset. Romanus
 exercitus castra fossa valloque circumdedit, quis temere antea intutus ²
 considerat. apud Germanos diversis sententiis certabatur.

LXXVI. Civilis « opperiendas Transrhenanorum gentes, quarum terrore
 « fractæ populi Romani vires obtererentur. Gallos quid aliud quam præ-
 « dam victoribus? et tamen, quod roboris sit, Belgas ¹ secum palam aut
 « voto stare. » Tutor « cunctatione crescere rem Romanam » affirmabat,
 « coeuntibus undique exercitibus. transvectam e Britannia legionem, ac-
 « citas ex Hispania ², adventare ex Italia; nec subitum militem, sed ve-
 « terem expertumque belli. nam Germanos, qui ab ipsis sperentur, non
 « juberi ³, non regi, sed cuncta ex libidine agere; pecuniamque ac dona,
 « quis solis corrumpantur, majora apud Romanos, et neminem adeo in
 « arma pronum, ut non idem pretium quietis quam periculi malit.
 « quodsi statim congrediantur, nullas esse Ceriali nisi ex reliquiis Germa-

LXXIV. 1. Nobis et vobis communia sunt. — 2. Comparatur hoc Sallustii *Jug.* c. 102 :
 « Tibi (Boccho) nulla opportunior amicitia nostrâ (Romanâ) : primum quod procul
 absumus, in quo offensæ minimum, gratia par, ac si prope adessemus. »

LXXV. 1. Sc. ii ad quos nuntii hujus rei pervenissent. Præsertim Cerialis, ut ex se-
 quentibus apparet. — 2. Non munitis.

LXXVI. 1. Qui et ipsi Galli. De eorum robore Cæsar *Bell. Gall.* I, 4. — 2. Sc. legiones.
 — 3. Non pati imperia.

« nici exercitus legiones, foederibus Galliarum obstrictas. idque ipsum, « quod inconditam nuper Valentini manum contra spem suam fuderint, « alimentum illis ducique temeritatis. ausuros rursus venturosque in ma- « nus, non imperiti adolescentuli, verba et conciones quam ferrum et « arma meditantis, sed Civilis et Classici; quos ubi aspexerint, redituram « in animos formidinem, fugam famenque ac toties captis precariam « vitam. neque Treveros aut Lingonas benevolentia contineri: resum- « pturos arma, ubi metus abscesserit. » Diremit consiliorum diversitatem approbata Tutoris sententia Classicus; statimque exsequuntur.

LXXVII. Media acies Ubis Lingonibusque data; dextro cornu cohortes Batavorum, sinistro Bructeri Tencterique. pars montibus, alii viam inter Mosellamque flumen, tam improvisi assiluerunt, ut in cubiculo ac lectulo Cerialis (neque enim noctem in castris egerat) pugnari simul vincique suos audierit, increpans pavorem nuntiantium, donec universa clades in oculis fuit, perrupta legionum castra, fusi equites, medius Mosellae pons, qui ulteriora coloniae annexit, ab hostibus insessus. Cerialis turbidis rebus intrepidus et fugientes manu retrahens, infecto corpore promptus inter tela, felici temeritate et fortissimi cujusque accursu recuperatum pontem electa manu firmavit. mox in castra reversus palantes captarum apud Novesium Bonnamque legionum manipulos et rarum apud signa militem ac prope circumventas aquilas videt. incensus ira, « Non Flaccum, inquit, non Voculam deseritis. nulla hic proditio; « neque aliud excusandum habeo quam quod vos Gallici foederis oblitos « redisse in memoriam Romani sacramenti temere credidi. annumerabor « Numisiis et Heremiis¹, ut omnes legati vestri aut militum manibus aut « hostium ceciderint. ite, nuntiate Vespasiano vel, quod propius est, « Civili et Classico, relictum a vobis in acie ducem. venient legiones, « quæ neque me inultum neque vos impunitos patiantur. »

LXXVIII. Vera erant, et a tribunis praefectisque eadem ingerebantur. consistunt per cohortes et manipulos: neque enim poterat patescere¹ acies effuso hoste et impredientibus tentoriis sarcinisque, quum intra vallum pugnaretur. Tutor et Classicus et Civilis, suis quisque locis, pugnam ciebant, Gallos *pro libertate*, Batavos *pro gloria*, Germanos *ad prædam* instigantes. et cuncta pro hostibus erant, donec legio unaetvicesima patientiore quam ceteræ spatio conglobata sustinuit ruentes, mox impulit. nec sine ope divina mutatis repente animis terga victores vertere. ipsi territos se cohortium aspectu ferebant, quæ primo impetu disjectæ summis rursus jugis congregabantur ac speciem novi auxilii fecerant. sed obstitit vincentibus pravum inter ipsos certamen omisso hoste spolia consecrandi. Cerialis ut incuria prope rem afflixit, ita constantia restituit; secutusque fortunam castra hostium eodem die capit excinditque.

LXXIX. Nec in longum quies militi data. orabant auxilium Agrippinenses, offerebantque uxorem ac sororem Civilis et filiam Classici, relictæ

LXXVII. 1. Quos legiones vinxerant et occiderant, c. 89, 70.

LXXVIII. 1. Extendi.

sibi pignora societatis. atque interim dispersos in domibus Germanos trucidaverant; unde metus et justæ preces invocantium, antequam hostes reparatis viribus ad spem vel ad ultionem accingerentur. namque et Civilis illuc intenderat, non invalidus, flagrantissima cohortium suarum integra, quæ ex Chaucis Frisiisque composita Tolbiaci in finibus Agrippinensium agebat. sed tristis nuntius avertit, *deletam cohortem dolo Agrippinensium*; qui largis epulis vinoque sopitos Germanos, clausis foribus, igne injecto cremavere. simul Cerialis proprio agmine subvenit. circumsteterat Civilem et alius metus, ne quarta decima legio adjuncta Britannica classe affligeret Batavos, qua Oceano ambiuntur. sed legionem terrestri itinere Fabius Priscus legatus in Nervios Tungrosque duxit, eæque civitates in deditionem acceptæ. classem ultro Canninefates aggressi sunt, majorque pars navium depressa aut capta. et Nerviorum multitudinem, sponte commotam ut pro Romanis bellum capesseret, iidem Canninefates fudere. Classicus quoque adversus equites Novesium a Ceriali præmissos secundum prælium fecit. quæ modica sed crebra damna famam victoriae nuper partæ lacerabant.

LXXX. Iisdem diebus Mucianus Vitellii filium ¹ interfici jubet, mansuram discordiam obtendens, ni semina belli restinxisset. neque Antonium Primum asciri inter comites a Domitiano passus est, favore militum anxius et superbia viri, æqualium quoque, adeo ² superiorum intolerantis. profectus ad Vespasianum Antonius ut non pro spe sua excipitur, ita neque averso Imperatoris animo. trahebatur in diversa, hinc meritis Antonii, cujus ductu confectum haud dubie bellum erat, inde Muciani epistolis: simul ceteri ut *infestum tumidumque* insectabantur, adjunctis prioris vitæ criminibus ³. neque ipse deerat arrogantia vocare ⁴ offensas, nimius commemorandis quæ meruisset: *alios ut imbelles, Cæcinam ut captivum ac dedititium* increpat. unde paulatim levior viliorque haberi, manente tamen in speciem amicitia.

LXXXI. Per eos menses quibus Vespasianus Alexandriae statos æstivis flatibus dies ¹ et certa maris opperiebatur, multa miracula evenere, quis cælestis favor et quædam in Vespasianum inclinatio numinum ostenderetur. e plebe Alexandrina quidam oculorum tabe notus genua ejus advolvitur, *remedium cæcitatæ* exposcens gemitu, monitu Serapidis dei, quem dedita superstitionibus gens ante alios colit; precabaturque Principem *ut genas et oculorum orbes dignaretur respergere oris excremento*. alius manum æger, eodem deo auctore, *ut pede ac vestigio Cæsaris calcaretur* orabat. Vespasianus primo irridere, aspernari; atque illis instantibus modo famam vanitatis metuere, modo obsecratione ipsorum et vocibus adulantium in spem induci. postremo existimari a medicis jubet an talis cæcitas ac debilitas ope humana superabiles forent. medici varie disserere: « huic non exesam vim luminis, et reditionem, si pelle-

LXXX. 1. De quo supra II, 83.—2. Multo magis.—3. De quibus II, 86, *Annal.* XIV, 40.—4. Prevocare.

LXXXI. 1. Qui sunt ab die 15 vel 26 (nam uterque fertur) Maio ad 14 Septembrem.

« rentur obstantia; illi elapsos in pravum² artus, si salubris vis adhi-
 « beatur, posse integrari. id fortasse cordi deis, et divino ministerio Prin-
 « cipem electum. denique patrati remedii gloriam penes Cæsarem, irriti
 « ludibrium penes miseros fore. » Igitur Vespasianus cuncta fortunæ suæ
 patere ratus nec quicquam ultra incredibile, læto ipse vultu, erecta quæ
 astabat multitudo, iussa exsequitur, statim conversa ad usum manus,
 ac cæco reluxit dies. utrumque, qui interfuere, nunc quoque memorant,
 postquam nullum mendacio pretium.

LXXXII. Altior inde Vespasiano cupido adeundi sacram sedem, ut super
 rebus imperii consuleret. *arceri templo cunctos jubet.* atque ingressus
 intentusque numini respexit pone tergum e primoribus Ægyptiorum no-
 mine *Basiliden*¹, quem procul Alexandria plurimum dierum itinere et aegro
 corpore delineri haud ignorabat. percunctatur sacerdotes *num illo die*
Basilides templum inisset? percunctatur obvios *num in urbe visus sit?*
 denique missis equitibus explorat illo temporis momento octoginta mil-
 libus passuum abfuisse. tunc divinam speciem et vim responsi ex nomine
*Basilidis*² interpretatus est.

LXXXIII. Origo dei nondum nostris auctoribus celebrata: Ægyptiorum
 antistites sic memorant: « Ptolemæo regi, qui Macedonum primus
 « Ægypti opes firmavit¹, quum Alexandria recens conditæ mœnia tem-
 « plaque et religiones adderet, oblatum per quietem decore eximio et
 « majore quam humana specie juvenem, qui moneret ut fidissimis ami-
 « corum in Pontum missis effugiem suam acciret: lætum id regno, ma-
 « gnamque et inclitam sedem fore quæ² exceperet. simul visum eundem
 « juvenem in cælum igne plurimo attolli. » Ptolemæus omine et miraculo
 excitus sacerdotibus Ægyptiorum, quibus mos talia intelligere, noctur-
 nos visus aperit. atque illis Ponti et externorum parum gnaris, Timo-
 theum Atheniensem e gente Eumolpidarum³, quem ut antistitem cæri-
 moniarum Eleusine exciverat, *quænam illa superstitio, quod numen?*
 interrogat. Timotheus quæsitis qui in Pontum meassent, cognoscit *urbem*
illic Sinopen, nec procul templum, vetere inter accolæ fama, Jovis
*Ditis*⁴: *namque et muliebrem effigiem assistere, quam plerique*
Proserpinam vocent. sed Ptolemæus, ut sunt ingenia regum, pronus ad
 formidinem, ubi securitas rediit, voluptatum quam religionum appetens,
 negligere paulatim aliasque ad curas animum vertere, donec eadem spe-
 cies terribilior jam et instantior *exitum ipsi regnoque* denuntiaret, *ni*
jussa patrarentur. tum legatos et dona Scydrothemidi regi (is tunc Si-
 nopensibus imperitabat) expediri jubet, præcepitque navigaturis *ut Py-*
*thicum*⁵ *Apollinem adeant.* illis mare secundum, sors oraculi haud
 ambigua: *irent simulacrumque patris sui reveherent, sororis relin-*
querent.

Per eos dies omnis navigatio tuta et periculi expers habebatur. — 2. *Pravum* opponitur
recto et est, curvatum, detortum.

LXXXII. 1. Suetonio c. 7 *libertus* (fort. Cæsaris). — 2. Quod est a βασιλεύς, *rex*.

LXXXIII. 1. Ptolemæus Lagi, cognomine Soter. — 2. Sc. se, sive potius imaginem. —
 3. Gens sacerdotalis apud Athenienses, in qua ab Eumolpo hereditarium erat sacerdo-
 tium Cereris Eleusiniæ. — 4. Sive Plutonis. — 5. Delphicum.

LXXXIV. Ut Sinopen venire, munera, preces, mandata regis sui Scythrothemidi allegant. qui versus ¹ animi modo numen pavescere, modo minis adversantis populi terreri; sæpe donis promissisque legatorum flecebat. atque interim triennio exacto Ptolemæus non studium, non preces omittere. dignitatem legatorum, numerum navium, auri pondus augebat. tum minax facies Scythrothemidi offertur, *ne destinata deo ultra moraretur*. cunctantem varia perniciēs morbiq̃ue et manifesta cœlestium ira graviorque in dies fatigabat. advocata concione *jussa numinis, suos Ptolemæique visus, ingruentia mala* exponit. vulgus aversari regem, invidere Ægypto, sibi metuere templumque circumsidere. major hinc fama tradidit *deum ipsum appulsas littori naves sponte conscendisse*. mirum inde dictu, tertio die tantum maris emensi Alexandriam appelluntur. templo pro magnitudine urbis exstructum loco cui nomen Rhacotis. fuerat illic sacellum Serapidi atque Isidi antiquitus sacratum. Hæc de origine et adventu dei celeberrima. nec sum ignarus esse quosdam, qui *Seleucia urbe Syriæ accitum, regnante Ptolemæo quem tertia ætas tulit* ²; alii auctorem eundem *Ptolemæum, sedem ex qua transierit Memphim* perhibent, inclitam olim et veteris Ægypti columnen. deum ipsum multi *Æsculapium, quod medeatur ægris corporibus*, quidam *Osirin, antiquissimum illis gentibus numen, plerique Jovem ut rerum omnium potentem*, plurimi *Ditem patrem*, insignibus quæ in ipso manifesta, aut per ambages ³ conjectant.

LXXXV. At Domitianus Mucianusque antequam Alpibus propinquarent, prosperos rerum in Treveris gestarum nuntios accepere. præcipua victoriæ fides dux hostium Valentinus ¹, nequaquam abjecto animo, quos spiritus gessisset, vultu ferebat. auditus ideo tantum ut nosceretur ingenium ejus, damnatusque, inter ipsum supplicium exprobranti cuidam patriam ejus captam *accipere se solatium mortis* ² respondit. sed Mucianus quod diu occultaverat, ut recens ³ exprompsit: « quoniam benignitate deum fractæ
« vires hostium forent, parum decore Domitianum confecto prope bello
« alienæ gloriæ interventurum. si status imperii aut salus Galliarum in
« discrimine verteretur, debuisse Cæsarem in acie stare: Camminefates
« Batavosque minoribus ducibus delegandos. ipse Lugduni vim fortu-
« namque principatus e proximo ostentaret, nec parvis periculis im-
« mixtus et majoribus non defuturus. »

LXXXVI. Intelligebantur artes; sed pars obsequii in eo, ne deprehenderentur ¹. ita Lugdunum ventum. unde creditur Domitianus occultis ad terrialem nuntiis fidem ejus tentavisse, *an præsentī sibi exercitum imperiumque traditurus foret*. qua cogitatione bellum adversus patrem agitaverit an opes viresque adversus fratrem, in incerto fuit. nam Ce-

LXXXIV. 1. Mutatus, sive mutans (intransit.); cui animus *vertebat*, non erat constans — 2. Ptolemæo qui cognomine Evergetes est. — 3. Insignia vel speciem ejus artificiose et per allegoriam vel symbolica ratione explicando.

LXXXV. 1. Captivus, c. 71. — 2. Quippe qua efficiatur ut captæ patriæ aspectus ipsum non affligat. — 3. Ut quod nunc primum ipsi in mentem veniat.

LXXXVI. 1. Confer *Ann. XIV, 6*: *Solum insidiarum remedium esse, si non intel-*

rials salubri temperamento elusit ² ut vana pueriliter cupientem. Domitianus sperni a senioribus juventam suam cernens, modica quoque et usurpata antea munia imperii omittebat, simplicitatis ac modestiæ imagine in altitudinem ³ conditus, studiumque litterarum et amorem carminum simulans, quo velaret animum et fratris æmulationi subduceretur, cujus disparem mitioremque naturam contra ⁴ interpretabatur.

ligerentur. -- 2. Vid. ad I, 26 fine. — 3. Quasi dicas, usque in profundum; penitus. Suetonius: « Simulavit et ipse mire modestiam, imprimisque poeticæ studium tam insuetum antea sibi, quam postea spretum et aljectum. » — 4. Ut contrariam suæ.



LIBER QUINTUS.

ARGUMENTUM.

Cap. 1. Interim Titus cum valido exercitu prope Hierosolyma castra facit. — 2—5. Judaicæ gentis primordia, sacra, instituta, deque iis maligna profanorum judicia, — 6, 7. descriptio terræ siniumque, balsami, Libani, Jordanis, lacus bitumen egerentis, camporum torridorum, fructuum in cinerem vanescentium, Beli amnis, cujus arenæ vitro inservientes. — 8. Hierosolyma genti caput. Immensæ opulentiae templum. Judæorum sub aliis gentibus et suis regibus fata; — 9. varia sors sub Romanis. — 10—12. bellum sub Gessio Floro procuratore ortum. Titus Judæos in urbem compulsos obsidet. Hierosolymorum munitiones, copiae, duces. — 13. prodigia ante obsidium.

14. Interea Civilis reparato per Germaniam exercitu bellum renovat; — 15. manum conserit cum Ceriali satis prospere. uterque ad maturandum summæ rei discrimen erectus. — 16, 17. aciem instruit, suos adloquitur. — 18. fit atrox pugna, qua proditiōe cujusdam Batavi Germani vincuntur. — 19, 20. Civills in Batavorum insulam transgressus præsidia Romanorum invadit Verace, Classico, Tutore sustulit. — 21. ambiguum prælium. subvenit Cerialis fortunamque vertit. — 22. at parum providus ferme opprimitur. — 23. Civilis navalem aciem ostentat, sed a Ceriali trans Rhenum pellitur. hic insulam Batavorum populatus superfuso amne novum discrimen adit. — 24, 25. tum hostium animos occultis nuntiis labefactat. — 26. Civilis petito colloquio ad deditionem se primum proficitur.

I. Ejusdem anni principio Cæsar Titus, perdomandæ Judææ delectus a patre et privatis utriusque rebus¹ militia clarus, majore tum vi famaque agebat, certantibus provinciarum et exercituum studiis. atque ipse, ut super fortunam² crederetur, decorum se promptumque in armis ostendebat, comitate et alloquiis officia provocans, ac plerumque in opere, in agmine gregario militi mixtus, incorrupto ducis honore. tres eum in Judæa legiones, quinta et decima et quintadecima, vetus Vespasiani miles, excepere. addidit e Syria duodecimam et abductos Alexandria duoetvicesimos tertianosque. comitabantur viginti sociæ cohortes, octo equitum alæ, simul Agrippa Sohæmusque reges, et auxilia regis Antiochii³, validaque et solito inter accolæ odio infensa Judæis Arabum manus; multi quos Urbe atque Italia sua quemque spes acciverat occupandi Principem adhuc vacuum⁴. his cum copiis fines hostium ingressus composito agmine, cuncta explorans paratusque decernere, haud procul Hierosolymis castra fecit.

II. Sed quia famosæ urbis supremum diem tradituri sumus, congruens videtur primordia ejus aperire¹. *Judæos Creta insula profugos novis-*

I. 1. Imperatorium ad fastigium nundum evectis. De militia eorum ante hoc tempus v. Sueton. *Vesp.* c. 4, *Tit.* c. 4. — 2. Sc. esse; superior fortunâ. — 3. De quibus II, 81. — 4. Locutio ex jure (de possessionibus) petita: Principis animum et favorem, antequam ad ullos inclinaret, sibi conciliandi.

II. 1. Quæ sequuntur, pleraque omnia e scriptoribus petita sunt paganis, manca aut

*sima*² *Libyæ insedissee* memorant, qua tempestate Saturnus vi Jovis pulsus cesserit regnis : argumentum e nomine petitur : inclitum in *Creta Idam montem* ; accolae *Idæos* aucto in barbarum cognomento³ *Judæos* vocitari. quidam regnante *Iside*⁴ exundantem per *Ægyptum* multitudinem, ducibus *Hierosolymo*⁵ ac *Juda*, proximas in terras exoneratam ; plerique *Æthiopum* prolem, quos rege *Cepheo*⁶ metus atque odium mutare sedes perpulerit. sunt qui tradant *Assyrios* convenas, indigum agrorum populum⁷, parte *Ægypti* potitos, mox proprias urbes *Hebræasque* terras et propiora *Syriæ* coluisse. clara alii *Judæorum* initia, *Solymos*, carminibus *Homeri* celebratam gentem⁸, conditæ urbi *Hierosolyma* nomen e suo fecisse.

III. Plurimi auctores¹ consentiunt, orta per *Ægyptum* tæbe quæ corpora fudaret, regem *Bocchorim*² adito *Hammonis* oraculo remedium petentem « purgare regnum et id genus hominum ut invisum deis alias in terras avehere » jussim. sic conquisitum collectumque vulgus, postquam vastis locis³ relictum sit, ceteris per lacrimas torpentibus, *Moysem* unum exsulum monuisse « ne quam deorum hominumve opem exspectarent utrisque deserti, sed sibi ut duci cælesti⁴ crederent, primo cujus auxilio præsentis miseras pepulissent. » assensere atque omnium ignari fortuitum iter incipiunt. sed nihil æque quam inopia aquæ fatigabat. jamque haud procul exitio totis campis procubuerant, quum grex asinorum agrestium e pastu in rupem nemore opacam concessit. secutus *Moyse* conjectura herbidi soli⁵ largas aquarum venas aperit. id levamen ; et continuum sex dierum iter emensi, septimo pulsus cultoribus obtinere terras in quibus urbs et templum dicata.

IV. *Moyse* quo sibi in posterum gentem firmaret, novos ritus contrariosque ceteris mortalibus indidit. profana illic omnia quæ apud nos

prorsus falsa referentibus. Dudum græce legebantur Sacri Libri *Judæorum*¹, exstabat *Josephi* opus : sed *Tacitus* in partem venisse videtur ejus contemptus, quo populus terrarum dominus afflictebat *Judæos*, neque cognitos habuisse aut voluisse noscere illos Libros, ex quibus solis vera peti poterant. — 2. Extrema. Sunt confinia *Ægypti*. Præter *Idæos*, de quibus jam memorabitur, observant docti etiam gentis *Crethim* sive *Cerethim* nomen inter *Judæam* et *Phœnicem* habitantis, quod Græcis potuerit *Creticam* originem *Judæorum* persuadere. — 3. Nominem per additam litteram *u* ita aucto, ut in barbarum, in barbaram formam abiret. *Ἰδῆ* significat montem dumetis spissum. — 4. Hoc etiam in *Ægyptiacas* traditiones peccat. — 5. Ut Græcarum urbium pleræque heroem ipsis cognominem (*ἐπώνυμον*) venerantur tamquam conditorem suum, ita *Hierosolyma* quoque tali conditore *ἐπώνυμῳ* donarunt illi scriptores. — 6. Patre *Andromeda* : *Æthiopes* illos tempore isto *Syriam* obtinuisse fama est. *Hebræicæ* fabulæ ipsum *Moysem* regem faciunt *Æthiopum*, quorum regio æque atque Arabia hebraica voce *Chus* vocatur. Ceterum in Græcis litteris *Ægypti* et *Æthiopiæ* nomina sæpe vel conjunguntur vel confunduntur. — 7. Hoc aliquatenus consentaneum est iis quæ de *Abrahamo* narrantur. — 8. *Σόλυμοι, κυθάριοι*, *Homer. Iliad. Z. 184, 204*. Et omnia clara habebantur quæ *Homerus* celebraverat. *Lyciæ* gens erat. *Montes Solymos* (memoratos *Homero Odys. E, 283*) inhabitare *Judæos* tradit vetus poeta *Chærilus*, fragm. 4, pag. 24 meæ editionis.

III. 1. Ut *Charemo* et *Lysimachus* apud *Josephum Contra Apionem* I, 33 seqq., *Pompeius Trogus XXXVI, 2*. — 2. Qui circa annum 734 in urbe *Sai* fertur regnasse, quum *Æthiopes* *Ægyptum* per quadraginta annos sub *Sabbacone* suo tenuerunt. — 3. *Arabia* addit *Tertullianus Apologet. c. 16*. — 4. Nimirum qui a vero Deo constitutus esset, non a diis modo memoratis. — 5. Inde quod herbidum ibi solum erat, conjiciens ibidem debere esse fontes.

sacra; rursum concessa apud illos quæ nobis incesta¹. effigiem animalis², quo monstrante errorem sitimque depulerant, penetrali sacravere, cæso ariete velut in contumeliam Hammonis³. bos quoque immolatur, quem Ægyptii Apin colunt. sue abstinent memoria cladis qua ipsos scabies quondam turpaverat, cui id animal obnoxium⁴. longam olim famem crebris adhuc jejuniis fatentur; et raptarum frugum argumentum panis Judaicus nullo fermento retinetur. « septimo die otium placuisse » ferunt, « quia is finem laborum tulerit⁵; dein blandiente inertia septimum quoque annum ignaviæ datum⁶. » alii « honorem eum Saturno haberi, seu principia religionis tradentibus Idæis, quos cum Saturno pulsos et conditores gentis accepimus⁷, seu quod e septem sideribus, quis morales reguntur, altissimo orbe et præcipua potentia stella Saturni feratur: ac pleraque cœlestium vim suam et cursum septimos per numeros commeare⁸. »

V. Hi ritus quoquo modo inducti antiquitate defenduntur. cetera instituta sinistra fœdâ pravitate valere. nam pessimus quisque spretis religionis patriis¹ tributa et stipes illuc gerebant; unde auctæ Judæorum res, et quia apud ipsos fides obstinata, misericordia in promptu², sed adversus omnes alios hostile odium³. separati epulis, discreti cubilibus, projectissima ad libidinem gens, alienarum convictu abstinent; inter se nihil illicitum. circumcidere genitalia instituere, ut diversitate noscantur. transgressi in morem eorum idem usurpant, nec quicquam prius imbuunt quam contemnere deos⁴, exuere patriam, parentes, liberos, fratres vilia habere. augendæ tamen multitudini consulitur. nam et necare quemquam ex agnatis⁵ nefas, animasque prælio aut suppliciis peremptorum⁶ æternas putant. hinc generandi amor et moriendi contemptus. corpora condere⁷ quam cremare e more Ægyptio; eademque cura⁸ et de

IV. 1. Verbi causa, patruî nuptiæ cum fratris filia. — 2. Asini, qui a paganis multis ut ab Judæis cultus credebatur. Refutat Josephus *Contra Apionem* II, 7.—3. Imo cogitandum de ariete et bove piacularibus, in Levitic. XVI, 3 seqq. — 4. Imo, ut constat, lege ob valetudinem lata. Sequentia re ipsa consentiunt fere cum Sacris Litteris, sed rationes falsæ rebus subduntur. — 5. Veram rationem vide Genes. II, 2; Levitic. XXIII, 3. Confundit hunc Tacitus cum septem diebus τῆς σκεπησπηγίας, Levit. XXIII, 42 seq.—6. De septimo anno Deo consecrato vide Levit. XXV, 4 seqq. — 7. Conf. c. 2. — 8. Verbum solo substantivo *cursum* aptum: pleraque sidera vim suam (ostendere) et cursum conficere per numeros septenarios: qui Græcis sacer habitus, præsertim post Pythagoram.

V. 1. Nimirum patria religione abjecta, Judæorum cultum amplexus. Non solum Judæi ipsi, jam tum per omnes terras vagi, sed transgressi etiam in eorum ritus, pecuniam quotannis Hierosolyma mittebant. De qua re jam Cicero in Orat. pro Flacco c. 23: *Quum aurum Judæorum nomine quotannis ex Italia et ex omnibus provinciis Hierosolyma exportare liceret, Flaccus (proprætor Asiæ) sanxit edicto, ne ex Asia exportari liceret*. Imperatores autem confirmarunt usum a Cicerone memoratum. Certis argumentis colligitur habitasse ultra 4,000,000 Judæos terras peregrinas. — 2. Sc. adversus suos, quod ex oppositis intelligitur. — 3. Quod hinc etiam Christianis objectum vidimus *Annal.* XV, 44. — 4. Paganos quidem. *Imbui aliquid* græca et poetica structura pro, imbui (institui) aliqua re. — 5. *Agnati* hoc loco, ut *Germ.* c. 19, sunt qui post familiam constitutam, ubi heres jam est, deinde nascuntur. Utrobique dictum ad Romanorum mores respiciendo qui quos *tollere* volebant infantes aliqua ratione perdebant. — 6. Non has solum, sed omnes. At fortassæ de felicitate majore eorum cogitat qui mala passi sunt. — 7. *Sc. terrâ potius quam*. Verba *e more Æg.* ad condere pertinent. — 8. Sc. quæ Ægyptiis, de servandis arte corporibus mortuorum. Crematio Mosaico

infernīs persuasio. cœlestium contra Ægyptiī pleraque⁹ animalia effigiesque compositas venerantur; Judæi mente sola¹⁰ unumque numen intelligunt: *profanos*¹¹ qui deūm imagines mortalibus materiis in species hominum effingant; summum illud et æternum neque mutabile neque interiturum. igitur nulla simulacra urbibus suis, nedum templis sinunt. non regibus hæc adulatio, non Cæsaribus honor. sed quia sacerdotes eorum tibia tympanisque concinebant¹², hedera vinciiebantur, vitisque aurea¹³ templo reperta, *Liberum patrem coli, domitorem Orientis*, quidam arbitrati sunt, nequaquam congruentibus institutis. quippe Liber festos lætosque ritus posuit, Judæorum mos absurdus sordidusque.

VI. Terra finesque, qua ad Orientem vergunt, Arabia¹ terminantur; a meridie Ægyptus objacet; ab occasu Phœnices et mare; septemtrionem a latere Syriæ longe prospectant. corpora hominum salubria et ferentia laborum. rari imbres, uber solum. [exuberant] fruges nostrum ad morem², præterque eas balsamum et palmæ. palmetis proceritas et decor. balsamum modica arbor: ut quisque ramus intumuit, si vim ferri adhibeas, pavent venæ, fragmine lapidis aut testa aperiuntur; humor in usu medentium est³, præcipuum montium Libanum erigit⁴, mirum dictu, tantos inter ardores opacum fidumque nivibus⁵. idem annem Jordanen alit funditque. nec Jordanes pelago accipitur, sed unum atque alterum lacum⁶ integer perfluit, tertio⁷ retinetur. lacus immenso ambitu, specie maris, sapore corruptior, gravitate odoris accolis pestifer, neque vento impellitur neque pisces aut suetas aquis volucres patitur. incertæ undæ superjecta, ut solido⁸ ferunt; periti imperitique nandi perinde attolluntur⁹. certo anni tempore bitumen egerit; cujus legendi usum, ut ceteras artes, experientia docuit. ater suapte natura liquor et sparso aceto concretus innatat. hunc manu captum, quibus ea cura, in summa navis

tempore ignominiosa, nihilominus aliquamdiu invaluit, sed post Babylonium exsiliū prorsus abolita. *De infernīs*: nam uterque populus iudicium post mortem statuebat. —

9. E contrario Ægyptiī pleraque numinum cœlestium ita venerantur, ut ea in animalibus et effigiebus monstrose compositis (velut Annubidis) latere putent. — 10. Ut de Germanis dicit (c. 9): *Deorumque nominibus appellant secretum illud quod sola reverentia vident*. — 11. Sc. esse dicunt eos. — 12. Conf. *Levit.* XXIII, 24; *Numer.* XXIX, 1. — 13. Dedicata ab Herode rege, donariis in immensum aucta. Agit de ea Iosephus *Antiq. Jud.* XV, 11; *Bell. Jud.* V, 8, Plutarchus *Question. sympos.* IV, 3 et 6, p. 313 sq. meæ editionis, qui est inter eos qui *Bacchum* ab Hebræis coli credunt.

VI. 1. Nimirum Petrea. — 2. Id est, sunt ut in Italia, vites, oleæ, frumentum. — 3. Cum his conferendus Plinii locus, *Hist. nat.*, XII, 23, § 34: « Omnibus odoribus præfertur balsamum, uni terrarum Judææ concessum. . . . Ostendere arbusculam hanc Urbī Imperatores Vespasiani. Clarumque dictu, a Pompeio Magno in triumpho arbores quoque duximus. Servit nunc hæc, et tributa pendit cum sua gente, in totum alta natura, quam nostri externique prodiderant. Quippe viti similior est quam myrto. Malleolis seri dicitur, nuper vineta, ut vitis: et implet colles vinearum modo, quæ sine adminiculis se ipsæ sustinent. . . . Sæviere in eam Judæi, sicut in vitam quoque suam. Contra defendere Romani, et dimicatum pro frutice est. Seritque nunc eum fiscus; nec unquam fuit numerosior aut procerior, » et quæ sequuntur de speciebus, cultura et aliis ad hoc arbutum pertinentibus. Olim ex Arabia Felice in Judæam translatum est, Sabæ reginæ, ut fertur, munus Solomoni datum; et hodie in sola Arabia colitur. — 4. Sc. terra; ex se in altum emittit. — 5. Poetice: qui a nivibus non separatur. — 6. Semechoniten et Genezarium sive Tiberiadis. — 7. Asphaltite (quasi dicas, bituminosus), de quo sequentia intelligenda. Vocatur etiam *Mare mortuum*. — 8. Ac si solidum aliquid subesset. — 9. Cujus rei expe-

trahunt : inde nullo juvante influit oneratque, donec abscindas. nec abscindere ære ferrove possis : fugit cruorem vestemque infectam sanguine quo feminæ per menses exsolvuntur. sic veteres auctores¹⁰. sed gnari locorum tradunt undantes bitumine moles pelli manumque trahi ad litus; mox, ubi vapore terræ, vi solis inaruerint, securibus cuneisque ut trabes aut saxa discindi.

VII. Haud procul inde campi¹ quos ferunt olim uberes magnisque urbibus habitatos fulminum jactu arsisse; et manere vestigia, terramque ipsam, specie torridam, vim frugiferam perdidisse. nam cuncta sponte edita aut manu sata, sive herba tenus aut flore², seu solitam in speciem adolevere, atra et inania velut in cinerem vanescunt. ego sicut inclitas quondam urbes igne cœlesti flagrasse concesserim, ita halitu lacus infici terram, corrumpi superfusum spiritum, eoque fœtus segetum et autumnii putrescere reor, solo cœloque juxta gravi. et Belus amnis Judaico mari illabitur; circa cujus os lectæ arenæ admixto nitro in vitrum excoquuntur. modicum id littus³, et egerentibus inexhaustum.

VIII. Magna pars Judææ vicis dispergitur; habent et oppida. Hierosolyma genti caput. illic immensæ opulentiae templum, et primis munimentis¹ urbs, dein regia, templum intimis² clausum. ad fores tantum Judæo aditus³; limine, præter sacerdotes, arcebantur. dum Assyrios penes Medosque et Persas Oriens fuit, despectissima pars servientium: postquam Macedones præpotuere, rex Antiochus⁴ demere superstitionem et mores Græcorum dare annisus, quominus teterrimam gentem in melius mutaret, Parthorum bello prohibitus est: nam ea tempestate Arsaces desciverat⁵. tum Judæi, Macedonibus⁶ invalidis, Parthis nondum adultis (et Romani procul erant) sibi ipsi reges imposuere; qui mobilitate vulgi expulsi⁷, resumptâ per arma dominatione fugas⁸ civium, urbium eversiones, fratrum, conjugum, parentum neces aliaque solita regibus ausi superstitionem fovebant, quia honor sacerdotii firmamentum potentiae assumebatur.

IX. Romanorum primus Gnæus Pompeius Judæos domuit¹, templumque jure victoriae ingressus est. inde vulgatum *nulla intus deum effigie va-*

rimentum instituit Vespasianus, injectis in eum hominibus nandi imperitis, manus post terga vinctis. — 10. Ut Herodotus: quanquam similia repetunt Josephus et Plinius.

VII. 1. Sodomorum et Gomorrhæ; *Genes.* XIX, Joseph. *Antiq. Jud.* IV, c. — 2. Non ad plenam maturitatem pervenientia, quæ est *solita species*. — 3. Plinius, *Hist. nat.*, XXXVI, 26: « Quingentorum est passuum, non amplius, littoris spatium; idque tantum multa per sæcula gignendo fuit vitro. Fama est, appulsa nave mercatorum nitri, quum sparsit per littus epulas pararent, nec esset cortinis attollendis lapidum occasio, glebas nitri e nave subdidisse: quibus accensis permixta arena littoris translucens novi liquoris fluxisse rivos, et hanc fuisse originem vitri. »

VIII. 1. Quum prima sint munimenta, nimirum a mari venienti et accedenti Hierosolyma. — 2. Sc. munimentis. — 3. Conf. Lucæ Evang. I, 8—10. — 4. Epiphanes, a. 168 ante Chr. Verum narratur initio librorum de *Maccabæis*. — 5. Confudit Tacitus cum hoc Antiocho quarto secundum Antiochum cognomine Deum, qui hoc bellum cum Arsace Parthorum gessit, a. 236 ante Chr. Epiphanes in *Armenios* duxit contra *Artaxiam* regem, quem vicit. — 6. Nimirum Syriæ regibus, a Seleuco Macedonum sub Alexandro duce oriundis. — 7. In bello civili per sex annos gesto inter Judæos et regem eorum Alexandrum Jannæum, a. 110 ante Chr. — 8. Exsilia, græce *φυγάς*.

IX. 1. Anno U. c91, ante Chr. 65. — 2. Atque adeo donaria et ornamenta, quæ non abs-

cuam sedem et inania arcana. muri Hierosolymorum diruti, delubrum mansit². mox civili inter nos bello, postquam in ditionem M. Antonii provinciae cesserant, rex Parthorum Pacorus³ Judæa potitus, interfectusque a P. Ventidio, et Parthi trans Euphraten redacti: Judæos C. Sosius subegit⁴. regnum ab Antonio Herodj⁵ datum victor Augustus auxit. post mortem Herodis, nihil expectato Cæsare, Simo quidam⁶ regium nomen invaserat. is a Quintilio Varo obtinente Syriam punitus; et gentem coercitam liberi Herodis tripartito rexere⁷. sub Tiberio quies. dein jussi a Caio Cæsare *effigiem ejus in templo locare*, arma potius sumpserunt⁸; quem motum Cæsaris mors diremit. Claudius, defunctis regibus aut ad modicum redactis, Judæam provinciam Equitibus Romanis aut libertis permisit⁹; e quibus Antonius Felix per omnem sævitiam ac libidinem jus regium servili ingenio exercuit, Drusilla Cleopatrarum et Antonii nepte in matrimonium accepta, ut ejusdem Antonii Felix progener, Claudius¹⁰ nepos esset.

X. Duravit tamen patientia Judæis usque ad Gessium Florum procuratorem: sub eo bellum ortum¹, et comprimere ceptantem Cestium Gallum Syriæ legatum varia proelia ac sæpius adversa exceperunt². qui uli fato aut tædio occidit, missu Neronis Vespasianus fortuna famaque et egregiis ministris intra duas ætates³ cuncta camporum omnesque præter Hierosolyma urbes victore exercitu tenebat. proximus annus civili bello intentus, quantum ad Judæos, per otium transiit. pace per Italiam parata, et externæ curæ redire. augebat iras quod soli Judæi non cessissent. simul manere apud exercitus Titum ad omnes principatus novi eventus casusve utilius videbatur. Igitur castris, uti diximus⁴, ante mœnia Hierosolymorum positis instructas legiones ostentavit.

XI. Judæi sub ipsos muros struxere aciem, rebus secundis longius ausuri, et si pellerentur, parato perfugio. missis in eos eques cum expeditis cohortibus ambigue certavit¹. mox cessere hostes, et sequentibus diebus crebra pro portis prælia serebant, donec assiduis damnis intra mœnia pellerentur. Romani ad oppugnandum versi. neque enim dignum videbatur famem hostium opperiri; posebantque pericula, pars virtute, multi ferocia et cupidine præmiorum. ipsi Tito Roma et opes voluptatesque ante oculos; ac ni statim Hierosolyma conciderent, morari videbantur. sed urbem arduam situ opera molesque firmaverant, quis vel plana satis munirentur. nam duos colles² immensum editos claudebant

tulit Pompeius. — 5. Non ipse rex, sed regis Parthorum Orodis filius: de quo usu vocabunt rex jam ad II, 23 monitum. Anno U. 711, victus et occisus insequenti anno. — 4. Pacorus Judæorum regi constituerat Antigonum, qui, cæso illo, Romanis alacriter resistebat. Multo labore Sosius expugnavit Hierosolyma; Antigonus jussu Antonii virgis cæditur et obtruncatur. Anno U. 717. — 8. Cognomine Magni, qui jam a. 714 per Antonium Judææ regnum acceperat senatusconsulto, a quo tempore vixit 37 annos. — 6. Servus Herodis, absente Archelao, nixus Judæis, quos Sabini procuratoris rapinæ irritaverant. — 7. Quorum Archelaus ab Augusto acceperat Judæam, Idumæam, Samariam; Herodes Galilæam et Peræam; Philippus Batanæam, Ituræam, Paneam, Trachonitidem. — 8. Vide Philonis *Legationem ad Caium*. — 9. Id est, per procuratores administravit. — 10. Qui natus ex Druso et Antonia minore, nepos erat triumviri.

X. 1. Anno U. 819, post Chr. 66. — 2. Singula narrat Josephus, *Bell. Jud.*, II, 19 et seqq. — 3. Annorum 820 et 821. — 4. Cap. I.

XI. 1. Adeo quidem ut prope vinceretur a Judæis Titus. — 2. *Acra et Sion*.

muri per artem obliqui aut introrsus sinuati, ut latera oppugnantium ad ictus patescerent. extrema rupis abrupta; et turres, ubi mons juvisset, in sexagenos pedes, inter devexa in centenos vicenosque attollebantur, mira specie, ac procul intuentibus pares. alia intus mœnia, regiae circumjecta, conspicuoque fastigio turris *Antonia*, in honorem M. Antonii ab Herode appellata.

XII. Templum ¹ in modum arcis propriique muri, labore et opere ante alios. ipsæ porticus, quis templum anibiebatur, egregium propugnaculum fons perennis aquæ, cavati sub terra montes, et piscinæ cisternæque servandis imbribus. præviderant conditores ex diversitate morum crebra bella: inde cuncta quamvis adversus longum ² obsidium. et a Pompeio expugnatis metus atque usus pleraque monstravere. atque per avaritiam Claudianorum temporum empto jure muniendi struxere muros in pace tamquam ad bellum, magna colluvie et ceterarum urbium clade aucti: nam pervicacissimus quisque illuc perfugerat, eoque seditiosius agebant. tres duces, totidem exercitus. extrema et latissima mœnium Simo, mediam urbem Joannes, quem et Bargioram vocabant ³, templum Eleazarus firmaverat. multitudo et armis Joannes ac Simo, Eleazarus loco pollebat. sed prælia, dolus, incendia inter ipsos, et magna vis frumenti ambusta. mox Joannes, missis per speciem sacrificandi qui Eleazarum manumque ejus obtruncarent, templo potitur. ita in duas factiones civitas discessit, donec propinquantibus Romanis bellum externum concordiam pareret.

XIII. Evenerant prodigia, quæ neque hostiis neque votis piare fas habet ⁴ gens superstitioni obnoxia, religionibus adversa. visæ per cœlum concurrere acies, rutilantia arma, et subito nubium igne collucere templum. expassæ repente delubri fores et audita major humana vox *excedere deos* ²; simul ingens motus excedentium. quæ pauci in metum trahabant ³: pluribus persuasio inerat antiquis sacerdotum litteris contineri ⁴ eo ipso tempore fore ut valesceret Oriens profectique Judæa rerum potirentur. quæ ambagibus Vespasianum ac Titum prædixerat: sed vulgus, more humanæ cupidinis, sibi tantam fatorum magnitudinem interpretati, ne adversis quidem ad vera mutabantur. Multitudinem obsessorum, omnis ætatis, virile ac muliebre secus ⁵, sexcenta millia fuisse accepimus. arma cunctis qui ferre possent; et plures quam pro numero audebant. obstinatio viris feminisque par; ac si transferre sedes cogerentur, major vitæ

XII. 1. In tertio colle situm, cui nomen *Moria*, ab orientali latere urbis. — 2. Pro, *adversus quamvis* (quantumvis) *longum*. — 3. Imo *Simo* vocabatur *Bargioras*, id est *Gioræ* filius, ut certior in hac re testis refert Josephus.

XIII. 1. Ea enim attendere vetabat lex divina, *Levit.* XIX, 26: *Non auguramini*; et XX, 6. Expiationes Judæorum ad alias res pertinebant. — 2. Quod præcipue tetigit Romanos, ob ritum quem sic exponit Plinius, *Hist. nat.* XXVIII, 4: « In oppugnationibus ante omnia solitum a Romanis sacerdotibus *evocare deum*, ejus in tutela id oppidum esset, promittique illi eundem aut ampliorem apud Romanos cultum: et durat in pontificum disciplina id sacrum, constatque ideo occultatum in cujus tutela dei Roma esset, ne qui hostium simili modo agerent. » — 3. Accipiebant tamquam metum incutientia. — 4. Velut *Danielis* II, 44, et aliæ prophetiæ Messianicæ. — 5. Vid. *Ann.* IV, 62, not. 3. Sequens numerus fortasse vero minor, quum periisse undecies centena milia referat Josephus.

metus quam mortis. hanc adversus urbem gentemque Cæsar Titus, quando impetus et subita belli locus abnueret, aggeribus vineisque certare statuit. dividuntur legionibus munia, et quies præliorum fuit, donec cuncta expugnandis urbibus reperta apud veteres aut novis ingeniis struerentur.

XIV. At Civilis post malam in Treveris pugnam¹ reparato per Germaniam exercitu apud Vetera castra² consedit, tutus loco, et ut memoria prosperarum illic rerum augescerent barbarorum animi. secutus est eodem Cerialis, duplicatis copiis adventu secundæ et sextæ et quartædecimæ legionum. cohortesque et æque jam pridem accitæ post victoriam properaverant. neuter ducum cunctator, sed arcebat latitudo camporum suoapte ingenio humentium. addiderat Civilis obliquam in Rhenum molem, cujus objectu revolutus annis adjacentibus superfunderetur. ea loci forma, incertis vadis subdola et nobis adversa: quippe miles Romanus armis gravis et nandi pavidus; Germanos fluminibus suetos levitas armorum³ et proceritas corporum attollit.

XV. Igitur lacescentibus Batavis ferocissimo cuique nostrorum cæptum certamen; deinde orta trepidatio, quum præaltis paludibus arma, equi haurirentur. Germani notis vadis persultabant, omissâ plerumque fronte latera ac terga circumvenientes. neque, ut in pedestri acie, cominus eminus¹ certabatur; sed tamquam navali pugna, vagi inter undas aut, si quid stabile occurrebat, totis illic corporibus nitentes, vulnerati cum integris, periti nandi cum ignaris in mutuam perniciem implicabantur. minor tamen quam pro tumultu cædes, quia non ausi egredi paludem Germani in castra rediere. ejus prælii eventus utrumque ducem, diversis animi motibus, ad maturandum summæ rei discrimen erexit. Civilis instare fortunæ, Cerialis abolere ignominiam. Germani prosperis feroces; Romanos pudor excitaverat. nox apud barbaros cantu aut clamore, nostris per iram et minas acta.

XVI. Postera luce Cerialis equite et auxiliariis cohortibus frontem explet; in secunda acie legiones locatæ; dux sibi delectos retinuerat ad improvisa. Civilis haud porrecto agmine, sed cuneis astitit. Batavi Gubernique in dextro; læva ac propiora fluminis Transrhenani tenuere. exhortatio ductum non more concionis apud universos, sed ut quosque suorum advehebantur. Cerialis « veterem Romani nominis gloriam, anti-
« quas recentesque victorias: ut perfidum, ignavum, victum hostem in
« æternum exciderent, ultione magis, quam prælio opus esse. pauciores
« nuper cum pluribus certasse, ac tamen fusos Germanos, quod roboris
« fuerit. superesse qui fugam animis, qui vulnera tergo ferant. » proprios inde stimulos legionibus admovebat, *domitores Britannicæ*¹ *quartadecumanos* appellans; *principem Galbam sextæ legionis auctoritate factum*²; *illa primum acie secundanos nova signa novamque aquilam dicaturos*³. hinc prævectus ad Germanicum exercitum manus tendebat,

XIV. 1. Narratum IV, 77 seq. — 2. Ab ipso prius capta direptaque, IV, 60. — 3. De qua Germ. c. 6, *Annal.* II, 14.

XV. 1. Partim *cominus*, partim *eminus*, altero post alterum modo, ordine certo

XVI. 1. Vid. *Annal.* XIV, 54. — 2. Vid. I, 6, not. 6. — 3. Nam recens erant conscripti, IV, 68.

ut suam ripam, sua castra sanguine hostium recuperarent. alacrior omnium clamor, quis vel e longa pace prœlii cupido vel fessis bello pacis amor, præmiæque et quies in posterum sperabatur.

XVII. Nec Civilis silentem struxit aciem, locum pugnae testem virtutis ciens: « stare Germanos Batavosque super vestigia gloriae, cineres ossaque « legionum calcantes. quocunque oculos Romanus intenderet, captivitate clademque et dira omnia ¹ obversari. ne terrentur vario Treverici prœlii eventu. suam illic victoriam Germanis obstitisse, dum « omissis telis præda manus impediunt: sed cuncta mox prospera et hosti « contraria evenisse. quæ provideri astu ducis oportuerit, provisa, campos madentes et ipsis gnaros, paludes hostibus noxias. Rhenum et Germaniæ deos in aspectu; quorum numine capesserent pugnam, conjugum, « parentum, patriæ memores. illum diem aut gloriosissimum inter majores ² aut ignominiosum apud posteros fore. » ubi sono armorum tripudiisque (ita illis mos ³) approbata sunt dicta, saxis glandibusque et ceteris missilibus prœlium incipitur, neque nostro milite paludem ingrediente, et Germanis, ut elicerent ⁴, lacessentibus.

XVIII. Absumptis quæ jaciuntur, et ardescente pugna, procursum ab hoste infestius. immensis corporibus et prælongis hastis fluitantem labantemque militem eminus fodiebant; simul e mole quam eductam in Rhenum retulimus ¹, Bructerorum cuneus tranavit. turbata ibi res, et pellebatur sociarum cohortium acies, quum legiones pugnam excipiunt, suppressaque hostium ferocia prœlium æquatur. inter quæ perfuga Batavus adiit Cerialem, *terga hostium* ² promittens, *si extremo paludis eques mitteretur: solidum illud* ³, *et Gugernos, quibus custodia obvenisset, parum intentos.* duæ alæ cum perfuga missæ incauto hosti circumfunduntur. quod ubi clamore cognitum, legiones a fronte incubuere, pulsique Germani Rhenum fuga petebant. debellatum eo die foret, si Romana classis sequi maturasset. ne eques quidem institit, repente fuis imbris et propinqua nocte.

XIX. Postera die quartadecima legio in superiorem provinciam Gallo Anno missa; Cerialis exercitum decuma ex Hispania legio supplevit. Civili Chaucorum auxilia venere. non tamen ausus oppidum Batavorum armis tueri, raptis quæ ferri poterant, ceteris injecto igni, in insulam concessit, gnarus deesse naves efficiendo ponti, neque exercitum Romanum aliter transmissurum. quin et diruit molem a Druso Germanico factam ¹, Rhenumque prono alveo in Galliam ruentem, disiectis quæ morabantur, effudit. sic velut abacto amne, tenuis alveus insulam inter Germanosque continentium terrarum speciem fecerat. transiere Rhenum Tutor quoque et Classicus et centum tredecim Treverorum senatores; in quibus fuit Alpinus Montanus, quem a Primo Antonio missum in Gallias superius memoravimus ². comitabatur eum frater Decimus Alpinus. simul

XVII. 1. Nihil nisi dira.—2. In fama, quam majores ipsorum consecuti sint.—3. *Germ. c. 11.*—4. Sc. Romanos ex sua statione in paludem.

XVIII. 1. Supra c. 11.—2. Se hostes a tergo circumventurum.—3. Illuc, ibi.

XIX. 1. De qua *Annal. XIII, 55.*—2. III, 55; IV, 51, ubi dictum in *Germaniam.*

ceteri miseratione ac donis auxilia concibant inter gentes periculorum avidas.

XX. Tantumque belli superfuit ut præsidia cohortium, alarum, legionum uno die Civilis quadripartito invaserit, decumam legionem Arenaci, secundam Batavoduri, et Grinnes Vadamque cohortium alarumque castra, ita divisis copiis ut ipse et Verax, sorore ejus genitus, Classicusque ac Tutor suam quisque manum traherent; nec omnia patrandi fiducia, sed *multa ausis aliqua in parte fortunam affore; simul Cerialem neque satis cautum, et pluribus nuntiis huc illuc cursantem posse medio intercipi.* quibus obvenerant¹ castra decumanorum, oppugnationem legionis arduam rati, egressum militem et cædendis materiis operatum turbavere, occiso præfecto castrorum et quinque primoribus centurionum paucisque militibus. ceteri se munimentis defendere. et interim Germanorum manus Batavoduri interrumpere² inchoatum pontem nitebantur. ambiguum prælium nox diremit.

XXI. Plus discriminis apud Grinnes Vadamque. Vadam Civilis, Grinnes Classicus oppugnabant. nec sisti poterant interfecto fortissimo quoque; in quis Briganticus præfectus alæ ceciderat, quem fidum Romanis et Civili avunculo infensum diximus¹. sed ubi Cerialis cum delecta equitum manu subvenit, versa fortuna præcipites Germani in amnem aguntur. Civilis dum fugientes retentat, agnitus pettusque telis relicto equo tranavit. idem Veracis effugium. Tutorem Classicumque appulsæ lintres vexere. ne tum quidem Romana classis pugnae affuit, ut jussum erat: sed obstitit formido et remiges per alia militiæ munia dispersi. sane Cerialis parum temporis ad exsequenda imperia dabat, subitus consiliis, sed eventu clarus. aderat fortuna etiam ubi artes defuissent. hinc ipsi exercituique minor cura disciplinæ. et paucos post dies, quamquam periculum captivitatis evasisset, infamiam non vitavit.

XXII. Profectus Novesium Bonnamque ad visenda castra quæ hiematuris legionibus erigebantur, navibus remeabat, disjecto agmine, incuriosis vigiliis. animadversum id Germanis; et insidias composuere. electa nox atra nubibus; et prono amne rapti, nullo prohibente vallum ineunt. prima cædes astu adjuta: incisis tabernaculorum funibus, suismet tentoriis coopertos trucidabant. aliud agmen turbare classem, injicere vincla, trahere puppes. utque ad fallendum silentio¹, ita cæpta cæde, quo plus terroris adderent, cuncta clamoribus miscebant. Romani vulneribus exciti quærent arma, ruunt per vias, pauci ornatu militari, plerique circum brachia torta veste et strictis mucronibus. dux semisomnus ac prope inlectus errore hostium servatur. namque prætoriam navem vexillo insignem, illic ducem² rati, abripiunt. Cerialis alibi noctem egerat. vigiles flagitium suum ducis dedecore excusabant, tamquam *jussi silere, ne quietem ejus turbarent; ita intermisso signo³ et vocibus se quoque in somnum lapsos.* multa luce revecti hostes, captivis navibus, prætoriam arremem flumine Lupia donum Veledeæ traxere.

XX. 1. Quasi sorte evenerant.—2. Sic I, 70, *interruptis fluminum pontibus.*

XXI. 1. supra IV, 70; et II, 22.

XXII. 1. Scil. agebant.—2. Sc. esse.—3. Buccinæ; conferas Ann. I, 63; XV, 30.

XXIII. Civilem cupido incessit navale maciem ostentandi. complet quod biremium¹, quæque simplici ordine agebantur. adjecta ingens lintrium vis ad tricenos quadragenosque²; sed armamenta Liburnicis solita; et simul aptæ lintres sagulis versicoloribus haud indecore pro velis juvantur. spatium velut æquoris electum, quo Mosæ fluminis os amnem Rhenum Oceano affundit³. causa instruendæ classis, super insitam genti vanitatem, ut eo terrore commeatus Gallia adventantes interciperent. Cerialis miraculo magis quam metu direxit classem, numero imparem, usu remigum, gubernatorum arte, navium magnitudine potiore. his flumen secundum; illi vento agebantur. sic prævecti, tentato levium telorum jactu dirimuntur. Civilis nihil ultra ausus trans Rhenum concessit. Cerialis insulam Batavorum hostiliter populatus, agros villasque Civilis intactos nota arte ducum⁴ sinebat, quum interim flexu autumnii⁵ et crebris per hiemem imbribus superfusus amnis palustrem humilemque insulam in faciem stagni opplevit. nec classis aut commeatus aderant, castraque in plano sita vi fluminis differebantur.

XXIV. *Potuisse tunc opprimi legiones, et voluisse Germanos, sed dolo a se flexos imputavit*¹ Civilis. neque abhorret vero, quando paucis post diebus deditio insecuta est. nam Cerialis per occultos nuntios *Batavis pacem, Civili veniam* ostentans, Veledam propinquosque monebat « fortunam belli, tot cladibus adversam, opportuno erga populum Romanum merito mutare. cæsos Treveros, receptos Ubios, ereptam Batavis patriam; neque aliud Civilis amicitia paratum quam vulnera, fugas, luctus. exsulem eum et extorrem recipientibus oneri²; et satis peccavisse quod toties Rhenum transcenderint. si quid ultra moliantur, inde injuriam et culpam, hinc ultionem et deos fore. »

XXV. Miscebantur minis promissa. et concussa Transrhenanorum fide inter Batavos quoque sermones orti : « non prorogandam ultra ruinam, nec posse ab una natione totius orbis servitium depelli. quid perfectum cæde et incendiis legionum nisi ut plures validioresque accirentur? si Vespasiano bellum navaverint¹, Vespasianum rerum potiri; sin populum Romanum armis vocent², quotam partem generis humani Batavos esse? respicerent Rætos Noricosque et ceterorum onera sociorum : sibi non tributa, sed virtutem et viros indici. proximum id libertati; et si dominorum electio sit, honestius principes Romanorum quam Germanorum feminas tolerari. » hæc vulgus. proceres « atrocior Civilis rabie semet in arma trusos; illum domesticis malis³ excidium gentis opposuisse. tunc infensos Batavis deos, quum obsiderentur legiones, interficerentur legati, bellum uni necessarium, ferale ipsis sumeretur. ventum ad extrema, ni resipiscere incipiant et noxii capitis poena poenitentiam fateantur. »

XXIII. 1. Sc. erat. — 2. Idoneas ad capiendos milites tricenos. Sed incertissima est scriptura hujus loci. — 3. Conf. *Annal.* II, 6. — 4. Qua nimirum apud suos suspectus et invidiosus redderetur. Similia exempla apud Thucydidem II, 43, sive Justinum III, 7, Livium II, 39; XXII, 23. — 5. Post medium tempus autumnii. Metaphora a flexu meta.

XXIV. 1. Eo usu hujus verbi, de quo ad I, 38. — 2. Sc. fore.

XXV. 1. Operam in bello gerendo navaverint. Similiter IV, 89. — 2. Provocent. — 3. Conf. IV, 43.

XXVI. Non fefellit Civilem ea inclinatio¹, et prævenire statuit, super tædium malorum etiam spe vitæ, quæ plerumque magnos animos infringit. petito colloquio scinditur Nabalæ fluminis pons; in cujus abrupta progressi duces, et Civilis ita cœpit: « Si apud Vitellii legatum defenderer, « neque facto meo venia neque dictis fides debebatur. cuncta inter nos « inimica, hostilia, ab illo cœpta, a me aucta erant. erga Vespasianum « vetus mihi observantia; et quum privatus esset, amici vocabamur. hoc « Primo Antonio notum, cujus epistolis ad bellum accitus sum², ne Ger- « manicæ legiones et Gallica juvenus Alpes transcenderet. quæ Antonius « epistolis, Hordeonius Flaccus præsens monebat, arma in Germania « movi³ quæ Mucianus in Syria, Aponius in Mœsia, Flavianus in Pan- « nonia ***

XXVI. 1. Animorum conversio, ut *Ann.* I, 23.—2. Vid. IV, 13.—3. Supple: eadem (pro Vespasiano).

C. CORNELII TACITI

JULII AGRICOLÆ

VITA.

ARGUMENTUM.

Cap. 1. Clarorum virorum facta moresque posteris tradere, et antiquitas et nunc usitatum; — 2. sed periculosum his temporibus. — 3. Ex quo Nerva et Trajanus regnare cœperunt, post longam servitutem inertiamque redit scribendi animus, et in lucem prodit hic liber honori Agricolæ socieri destinatus et professione pietatis aut laudatus aut excusatus.

4. Cn. Julii Agricolæ avi et parentes, educatio, pueritia, adolescentia, studia, ingenium sublime. — 5. In Britannia contubernalis est Suetonii Paulini et tribunus militum, sed militaris gloriæ cupidinem coercet temporibus illis, quibus non minus periculum ex magna fama quam ex mala. — 6. Hinc ad capessendos magistratus in Urbem digressus uxorem ducit Domitiam Decidianam, quacum mira concordia vivit, sitque Quæstor in Asia, Tribunus plebis, Prætor; tum eligitur a Galba ad dona templorum recognoscenda. — 7. A classe Othoniana diripiuntur prædia ejus in Liguria et mater interficitur: ipse paulo post in Vespasiani partes transgressus præponitur vicesimæ legioni in Britannia, — 8. ubi et a segni et ab egregio provinciæ præfecto ampla ei virtutum exercendarum occasio præbetur. — 9. A Vespasiano inter patricios ascitur præficiturque Aquitanix: deinde consul creatur et filiam Tacito despondet. Anno post Britannia ei provincia datur adjecto pontificatus sacerdotio.

10. Britanniam paulo ante circumvecta erat classis Romanorum, quo tempore primum lis et forma hujus insulæ, et Orcades, Thule Oceanique novissimi, maris pigri, natura innouerant. — 11. Britannorum origo, habitus, sacra, sermo, mores, — 12. res militaris et publica, rara consociatio, cælum crebris imbribus et nebulis fœdum, dies longissimæ, noctes claræ et breves, solum fecundum, metalla, margaritæ. — 13. Quædam eorum gentes domite, ut pareant, nondum, ut serviant. Cæsaris, Claudii et Vespasiani expeditiones in Britanniam. — 14. Legati consulares huic provinciæ præfecti, A. Plautius, Ostorius Scapula, Didius Gallus, Didius Veranius, Suetonius Paulinus. — 15, 16. Motus Britannorum, qui, Boudicea duce et absente legato, bellum sumunt, sed a Suetonio veteri patientiæ restituuntur. Huic succedunt segnes legati, Petronius Turpilianus, Trebellius Maximus, Vettius Bolanus. — 17. Rem restituunt Petilius Cerialis et Julius Frontinus; ille Brigantum, hic Silurum gentem armis subigit. — 18. Famam majorem et dissimulatione auctam colligit Agricola, recens consularis, deleta prope Ordovicum gente captaque Mona insula. — 19. Idem domum suam et libertorum vim coercet; optimo cuique dat officia et peccata punit; frumenti tributorumque exactionem molli æqualitate onerum. — 20. Præterea disciplinam militarem severe exercet; loca castris ipse capit ac silvas præterat; hostes terret subito impetu; multas civitates præsidis castellisque circumdat. — 21. Denique Britannorum animos liberalium artium amore inbuat et otio, voluptatibus et servituti potius, quam humanitati, assuefacit.

22. Tertio expeditionum anno nationes subigit usque ad Taum et castella ponit, non avidus tamen gloriæ est et, ut bonis comis, ita adversus malos iracundus. — 23. Quartam æstatem obtinendis, quæ percurrerat, insumit, et Clotam Bodotriamque præsidii firmat. — 24. Quinto officii anno perdomat eam Britannix partem, quæ Hiberniam aspicit; et unum ex regulis, seditione domestica expulsum, specie amicitix in occasionem retinet. — 25, 26. Sexta æstate portus civitatum trans Bodotriam sitarum explorat classe, et Caledonios in fugam convertit. — 27. Hi juventutem armant et sacrificiis conspirationem civitatum sanciant. — 28. Eodem tempore cohors Usipiorum, per Germanias conscripta, occisis centurione et gubernatoribus, Britanniam circumvehitur tribus Liburnicis et

primum a Suevis, mox a Frisiis intercipitur. Agricola filius obit. — 29. Septimo anno Agricola classe praemissa ad Grampium montem pervenit, quem jam insederant Caledonii, viribus omnium civitatum aucti. — 30—32. Calgacus, inter plures eorum duces virtute et genere praestans, adhortatur suos et — 33, 34. Agricola Romanos. — 35. Acies utrimque diriguntur. — 36, 37. Atrox et praelium et spectaculum. — 38. Caledoniis victis, Agricola exercitum deducit in fines Horestorum et praefecto classis circumvehi Britanniam praecipit.

39. Nuntium rerum ab Agricola gestarum Domitianus fronte laetus, pectore anxius, excipit; — 40. triumphalia tamen ornamenta ei in senatu decerni jubet Syriamque provinciam destinat. Agricola Britanniam tradit successori suo, et Romam reversus in otio vivit. — 41. Periculum ei creant et accusatores et laudatores. — 42. Deprecatur Asiae et Africae proconsulatum ac modestia prudentiae iram Principis lenit. — 43. Moritur, et miserationem augeat constans rumor, eum veneno interceptum. Domitianus speciem doloris praese fert et laetatur lecto testamento, quo coheres uxori et filio ejus scriptus erat. — 44. Agricola: aetas, habitus, honores, opes, fama. — 45. Mors ejus opportuna, quia non vidit tot scelera, a Domitiano paulo post commissa, sed acerbior et ipsi, et filiae generoque propter horum absentiam. — 46. Solatium, quod iis praebet memoria et fama parentis sempiterna.

I. Clarorum virorum facta moresque posteris tradere, antiquitus usitatum, ne nostris quidem temporibus quamquam incuriosa suorum aetas omisit, quoties magna aliqua ac nobilis virtus vicit ac supergressa est vitium parvis magnisque civitatibus commune, ignorantiam recti et invidiam. Sed apud priores, ut agere memoratu digna primum ¹ magisque in aperto erat, ita celeberrimus quisque ingenio ad prodendam virtutis memoriam, sine gratia aut ambitione, bonae tantum conscientiae pretio ducebatur. ac plerique ² suam ipsi vitam narrare fiduciam potius morum, quam arrogantiam arbitrati sunt; nec id Rutilio ³ et Scauro ⁴ citra fidem ⁵ aut obtreptioni fuit. adeo virtutes iisdem temporibus optime aestimantur, quibus facillime gignuntur.

II. At mihi nunc narraturo vitam defuncti hominis venia opus fuit ¹: quam non petissem, ni cursaturus ² tam saeva et infesta virtutibus tempora. Legimus, quum Aruleno Rustico ³ Pætus Thrasea, Herennio Senecioni ⁴ Priscus Helvidius laudati essent, capitale ⁵ fuisse; neque in ipsos modo auctores, sed in libros quoque eorum saevitum, legato triumviris ⁶ ministerio, ut monumenta clarissimorum ingeniorum in comitio ac foro ⁷ urerentur; scilicet illo igne vocem populi Romani et libertatem senatus et conscientiam generis humani aboleri arbitrabantur, expulsis insuper sa-

I. 1. Expeditum. In aperto, quum in comitiis populi et in senatu res publicae omnes palam tractarentur. — 2. Permulti. — 3. Rutilius Rufus, consul anni U. 649, praeter alia librum scripsit de vita sua. De eo dictum ad *Annal.* IV, 43, fine. — 4. M. Aemilius Scaurus, consul a. 638, postea iterum, princeps senatus, censor, adversarius Rutilii. de vita sua plures libros composuit. — 5. Citra fidem est quod ad eam non pervenit, ab ea remotum manet: hinc usus expositio praepositionis *citra* pro *absque*.

II. 1. Adeo, inquit, mutata sunt tempora pristina, quibus non viventium modo, sed ab ipsis scriptae vitae non egebant venia. — 2. Percursaturus; ut dicitur *currere stadium*, *currere æquor*. — 3. De quo *Annal.* XVI, 26, *Hist.* III, 80, de Thrasea *Annal.* XVI, 21 sqq. A Domitiano Arulenus interemptus est, quod Pætus Thrasea et Helvidius Priscus laudes edidisset appellassetque eos sanctissimos viros, Sueton. c. 10. — 4. Hic ab eodem morti datus quod de vita Helvidii libros composuerat: vide Plinii *Epist.* VII, 19. Helvidium pingit Tacitus *Hist.* IV, 8 et 6. — 5. Sc. crimen, quod in hoc saepe omittitur. — 6. Triumviris capitalibus. — 7. Comitium erat pars Fori, proxime curiam Hostilium. —

pientiae professoribus, atque omni bona arte in exilium acta, ne quid usquam honestum occurreret⁸. Dedimus profecto grande patientiae documentum; et sicut vetus aetas vidit, quid ultimum⁹ in libertate esset, ita nos, quid in servitute, adempto per inquisitiones¹⁰ et loquendi audiendique commercio. memoriam quoque ipsam cum voce perdidissemus, si tam in nostra potestate esset oblivisci, quam tacere.

III. Nunc demum¹ redit animus; et quamquam primo statim beatissimi seculi ortu Nerva Caesar res olim dissociabiles miscuerit, principatum ac libertatem, augeatque quotidie felicitatem temporum Nerva Trajanus; nec spem modo ac votum Securitas publica², sed ipsius voti fiduciam ac robur assumpserit: naturam tamen infirmitatis humanae tardiora sunt remedia, quam mala; et, ut corpora lente augescunt, cito extinguuntur, sic ingenia studiaque oppresseris facilius, quam revocaveris³. Subit quippe etiam ipsius inertiae dulcedo; et invisa primo desidia postremo amatur. quid? si per quindecim annos, grande mortalis aevi spatium, multi fortuitis casibus, promptissimus quisque saevitia Principis intercederunt? pauci, ut ita dixerim, non modo aliorum, sed etiam nostri superstites sumus; exemptis e media vita tot annis, quibus juvenes ad senectutem, senes prope ad ipsos exactae aetatis terminos per silentium venimus. Non tamen pigebit, vel incondita ac rudi voce⁴ memoriam prioris servitutis ac testimonium praesentium bonorum composuisse. hic interim liber, honori Agricolae, socieri mei, destinatus, professione pietatis aut laudatus erit, aut excusatus.

IV. Cnaeus Julius Agricola, vetere et illustri¹ Foro juliensium colonia ortus, utrumque avum procuratorem Caesarum habuit, quae equestris nobilitas² est. Pater Julius Graecinus, senatorii ordinis, studio eloquentiae sapientiaeque notus, iisque ipsis virtutibus iram Caii Caesaris meritis. namque M. Silanum³ accusare jussus, et, quia abnuerat, interfectus est. Mater Julia Procilla fuit rarae castitatis; in hujus sinu indulgentiaeque educatus per omnem honestarum artium cultum pueritiam adolescentiamque transegit. arcebat eum ab illecebris peccantium praeter ipsius bonam integramque naturam, quod statim parvulus sedem ac magistram studiorum Massiliam habuerit, locum Graeca comitate et provinciali parsimonia mistum ac bene compositum⁴. Memoria teneo, solitum narrare, *se prima in juvenia studium philosophice acrius, ultra quam con-*

8. Domitius hujus criminis (Aruleni Rustici, de quo not. 5) occasione philosophos omnes Urbe Italiaque submovit, Sueton. ibid. In quibus erat Epictetus.—9. Extremum, summum.—10. Immissos delatores, de quibus multa *Annal.* IV, 50, 69; VI, 7.

III. 1. *Maintenant seulement*, Burn.—2. Dea cujus effigies in numis, nomen cum votis marmoribus inscriptum: sed sub Principibus qualis Domitianus, atque adeo in tam provecta senectute Nervae, Securitas *spem modo ac votum* sui dedit, donec confirmaretur a Traiano.—3. De his lege Plinium *Epist.* VIII, 14.—4. Nam aptum rebus sermonem per *silentium* illud Principum terrore impositum pæne dediceramus.

IV. 1. *Illustris* nomen inde contigisse videtur Foro Julio, quod Actiaca victoria captas naves rostratas eo miserat Augustus.—2. Nobilitas inter Equites. Videntur enim Equites per munus procuratorum inter Illustres Equites soliti esse evehi. Conf. *Ann.* XVI, 17.—3. De quo Sueton. *Calig.* c. 5: *Caius Caesar Silanum socerum ad necem secandasque novacula fauces computit*. De Graecino honorifica narrat Seneca, *Epist.* XXIX, *de Benef.* II, 21.—4. Eodem nomine Massiliam laudat Cicero *Orat. pro Flacco*, c. 26.—

*cessum Romano ac senatori*⁵, *hausisse, ni prudentia matris incensum ac flagrantem animum coercuisset*. scilicet sublime et erectum ingenium pulchritudinem ac speciem magnæ excelsæque gloriæ vehementius quam caute⁶ appetebat. mox mitigavit ratio et ætas : retinuitque, quod est difficillimum, ex sapientia modum⁷.

V. Prima castrorum rudimenta in Britannia Suetonio Paulino¹, diligenti ac moderato duci, approbavit², electus, quem contubernio æstimaret³. nec Agricola licenter more juvenum, qui militiam in lasciviam vertunt, neque segniter ad voluptates et commeatus⁴ titulum tribunatus et inscitiæ⁵ retulit, sed noscere provinciam, nosci exercitui, discere a peritis, sequi optimos, nihil appetere in jactationem, nihil ob formidinem recusare, simulque et anxius et intentus agere. Non sane alias exercitatio⁶ magisque in ambiguo Britannia fuit. trucidati veterani, incensæ coloniæ⁷, intercepti exercitus : tum de salute, mox de victoria certavere. quæ cuncta, etsi consiliis ductuque alterius agebantur ac summa rerum et recuperatæ provinciæ gloria in ducem cessit, artem et usum et stimulos addidere juveni, intravitque animum militaris gloriæ cupido, ingrata temporibus, quibus sinistra erga eminentes interpretatio, nec minus⁸ periculum ex magna fama, quam ex mala.

VI. Hinc ad capebendos magistratus in Urbem digressus, Domitiam Decidianam, splendidis natalibus ortam, sibi junxit : idque matrimonium ad majora nitenti decus ac robur fuit : vixeruntque mira concordia per mutuam caritatem et invicem se anteposendo¹ ; nisi quod in bona uxore tanto major laus, quanto in mala plus culpæ est. Sors quæsturæ provinciam Asiam, proconsulem Salvium Titianum² dedit : quorum neutro corruptus est, quamquam et provincia dives ac parata³ peccantibus, et proconsul, in omnem aviditatem pronus, quantalibet facilitate redempturus esset mutuam dissimulationem mali. auctus est ibi filia, in subsidium simul et solatium ; nam filium ante sublatum brevi amisit. Mox inter quæsturam ac tribunatum plebis atque ipsum etiam tribunatus annum quiete et otio transiit⁴, gnarus sub Nerone temporum, quibus inertia pro sapientia fuit⁵. Idem præturæ tenor et silentium : nec enim jurisdictio obvenerat. ludos⁶ et inania honoris medio rationis atque abundantiae duxit, uti longe a luxuria, ita famæ propior. Tum electus a Galba ad dona tem-

5. Quare passim Cicero sua studia philosophica excusanda sibi esse judicavit.—6. Conf. ad *Hist.* I, 85.—7. His confer et perpende dicta infra c. 42, *Annal.* XIV, 12; IV, 20.

V. 1. Cujus res gestæ in Britannia narrantur *Annal.* XIV, 29-59.—2. Dictum ut *Ann.* XV, 59 : *præstitit probanda*.—3. Probatum ex aliis elegit ad contubernium, et ea consuetudine contubernali virtutem ejus magis explorabat.—4. Quales concedebantur tribuno, non militi.—5. Simplex *tribunatum* ita amplificavit Tacitus, quia de vulgari *more juvenum* loquitur, *tribunatum titulum* tenentium et munerum ejus ignorantum.—6. Magis vexata. Vid. *Annal.* XIV, 51 seqq.—7. De Camuloduno, *ibid.* 52. *Intercepti*, de medio sublatis, ut alibi *veneno interceptus* pro, necatus.—8. Græco more plus significare videtur et eo fere redire ac si dixisset, *et multo majus periculum*.

VI. 1. Supple : ut virtute et laude pares essent, *nisi* etc.—2. Fratrem Othonis.—3. Se præbens promptam.—4. Pro vulgari, transegit (vitam).—5. Sic *Hist.* I, 49 : *Quod segnitia erat, sapientia vocabatur*.—6. Qui ab magistratibus solebant edi : eos igitur, cum aliis rebus quæ ad *inania honoris* pertinent, duxit habendos et ponendos in *medio rationis atque abundantiae*, ut inter *rationem*, quæ plane spernit inania, et

plorum⁷ recognoscenda, diligentissima conquisitione fecit, ne cujus alterius sacrilegium respublica quam Neronis sensisset.

VII. Sequens annus gravi vulnere animum domumque ejus afflixit. nam classis Othoniana, licenter vaga¹, dum Intermelios (Liguriae pars est) nostiliter populatur, matrem Agricolae in praediis suis interfecit, praediaque ipsa et magnam patrimonii partem diripuit, quae causa caedis fuerat. igitur ad solennia pietatis profectus Agricola nuntio affectati² a Vespasiano imperii deprehensus ac statim in partes transgressus est. Initia principatus ac statum Urbis Mucianus regebat, juvene admodum Domitiano et ex paterna fortuna tantum licentiam usurpante³. is missum ad delectus agendos Agricolam integreque ac strenue versatum vicesimae legioni, tarde ad sacramentum transgressae, praeposuit, ubi decessor⁴ seditiose agere narrabatur: quippe legatis quoque consularibus nimia ac formidolosa erat; nec legatus praetorius ad cohibendum potens, incertum, suo an militum ingenio. ita successor simul et ultor electus, rarissima moderatione maluit videri invenisse bonos, quam fecisse.

VIII. Praerat tunc Britanniae Vettius Bolanus¹, placidius quam feroci provincia dignum est. temperavit Agricola vim suam, ardoremque compescuit, ne incresceret; peritus obsequi eruditusque utilia honestis miscere. brevi deinde Britannia consularem Petilium Cerialem accepit². habuerunt virtutes spatium exemplorum³. sed primo Cerialis labores modo et discrimina, mox et gloriam communicabat; saepe parti exercitus in experimentum, aliquando majoribus copiis ex eventu praefecit; nec Agricola umquam in suam famam gestis exsultavit; ad auctorem et ducem, ut minister, fortunam referebat. ita virtute in obsequendo, verecundia in praedicando, extra invidiam, nec extra gloriam erat.

IX. Revertentem ab legatione¹ legionis divus Vespasianus inter patricios adscivit, ac deinde provinciae Aquitaniae praeposuit, splendidae in primis dignitatis² administratione ac spe consulatus³, cui destinarat. Credunt plerique militaribus ingeniis subtilitatem deesse, quia castrensis jurisdictio secuta et obtusior⁴, ac, plura manu agens, calliditatem fori non exerceat. Agricola naturali prudentia, quamvis infer togatos⁵, facile justeque agebat. Jam vero tempora curarum remissionumque divisa: ubi conventus⁶ ac judicia poscerent, gravis, intentus, severus, et saepius misericors; ubi officio satisfactum, nullam ultra potestatis personam⁷; tristitiam⁸ et arrogantiam⁹ et avaritiam¹⁰ exuerat. nec illi, quod est ra-

abundantiam, quae ostentat, media via incederet, *longe* (remotus) a *luxuria*, propior *famae*.—7. Quae per Neronis rapinas et incendio Urbis in alienas manus venissent.

VII. 1. Vid. *Hist.* II, 12 seq. Annus est U. 822, p. Chr. 69.—2. Appetiti.—3. Conf. *Hist.* IV, 2 et 59.—4. Caelius Rufus. Narrantur haec *Hist.* I, 60.

VIII. 1. A Vitellio missus, *Hist.* II, 63. Adde c. 16. — 2. Secundo; vid. *Annal.* XIV, 52.—3. Jam exempla sui edere poterant virtutes, non amplius premendae.

IX. 1. Munere legati.—2. Quae provincia splendida dignitate erat ob administrationem magnam sive difficilem. Alii jungunt *administratione dignitatis*.—3. Sc. ei cui Imperator eam provinciam *dest.*—4. Minus sollicita, non tantae cautele, neque tam acuta et spinosa subtilitate, quam civilis.—5. Hominum non militarium arbiter aut iudex.—6. Sc. provincialium, ad judicia. Noti sunt ex Casare.—7. Sc. induebat, agebat.—8. Severitatem.—9. Non animi arrogantiam, quam non noverat Agricola. sed muneris sui, cujus dignitatem servare debebat se superiore ceteris ostendendo.—10. Iterum non suam,

rissimum, aut facilitas auctoritatem aut severitas amorem deminuit. Integritatem atque abstinenciam in tanto viro referre injuria virtutum fuerit. ne famam quidem, cui etiam boni sæpe indulgent, ostentanda virtute aut per artem quæsitivæ : procul ab æmulatione adversus collegas¹¹, procul a contentione adversus procuratores, et vincere inglorium, et atteri sordidum arbitrabatur. Minus¹² triennium in ea legatione detentus, ac statim ad spem consulatus revocatus est, comitante opinione, Britanniam ei provinciam dari, nullis in hoc suis sermonibus, sed quia par videbatur. Haud semper errat fama; aliquando et elegit¹³. Consul¹⁴ egregiæ tum spei filiam juveni mihi despondit, ac post consulatum collocavit; et statim Britanniae præpositus est, adjecto pontificatus sacerdotio.

X. Britanniae situm populosque, multis scriptoribus memoratos, non in comparationem curæ¹ ingeniive referam; sed quia tum primum perdomita est. itaque quæ priores nondum comperta eloquentiâ percoluere, rerum fide tradentur. Britannia, insularum, quas Romana notitia complectitur, maxima, spatio ac cœlo² in orientem Germaniæ, in occidentem Hispaniæ obtenditur³: Gallis in meridiem etiam inspicitur: septentrionalia ejus, nullis contrâ terris, vasto atque aperto mari pulsantur. Formam totius Britanniae Livius⁴ veterum, Fabius Rusticus⁵ recentium, eloquentissimi auctores, oblongæ scutulæ⁶ vel bipenni assimilavere. et est ea facies citra Caledoniam, unde et in universum fama est transgressa; sed immensum et enorme spatium procurrentium extremo jam littore⁷ terrarum, velut in cuneum, tenuatur. hanc oram novissimi maris tunc primum Romana classis circumvecta *insulam esse Britanniam* affirmavit, ac simul incognitas⁸ ad id tempus insulas, quas *Orcadas* vocant, invenit domuitque. dispecta est et *Thule*, quam hactenus nix et hiems appetebat; sed *mare pigrum*⁹ et *grave remigantibus* perhibent *ne ventis quidem perinde*¹⁰ *attolli*: credo, quod rariores terræ montesque, causa ac materia tempestatum, et profunda moles continui maris tardius impellitur. Naturam Oceani atque æstus neque quærere hujus operis est, ac multi retulere¹¹. unum addiderim: nusquam latius dominari mare, multum fluminum¹² huc atque illuc ferre, nec littore tenus accrescere aut resorberi, sed influere penitus atque ambire, et jugis etiam ac montibus inseri velut in suo.

sed munere sibi et a Vespasiano injectam, *ad obtinendas iniquitates obstinante*, ut dictum *Hist.* II, 84, ubi vide not. — 11. Vicinis provinciis præfectos. — 12. Sc. quam; in numeralibus omitti solitum. — 13. Æschines Oratione in Timarchum p. 187: Περὶ τῶν τῶν ἀνθρώπων βίον καὶ λόγον καὶ τὰς πράξεις ἀληθῆς τε καὶ ἀψευδῆς τις ἀπὸ ταῦτοματοῦ πλανᾶται φήμη κατὰ τὴν πόλιν καὶ διαγγέλλει τοῖς πολλοῖς τὰς ἰδίαις πράξεις, πολλὰ δὲ καὶ μαντεύεται. — 14. Anni U. 350, p. Chr. 77, kalendis Juliis suffectus cum Domitiano Cæsare.

X. 1. Diligentiae in describendo. — 2. Quod alii vocant, climate, *position astronomique*. — 3. Secundum Cæsarem, *Bell. Gall.* V, 15: *Alterum latus Britanniae vergit ad Hispaniam atque occidentem solem*. Hispaniam in septentrionem, Britanniam in meridiem vero longius porrectam sibi fingebant. — 4. Libro centesimo et quinto. — 5. Senecæ amicus; *Annal.* XIII, 20; XV, 61. — 6. Lanci quæ rhombi similem figuram referret. — 7. Nimirum quod in utraque isthmi Caledonici parte alluunt Clota et Bodotria, h. *frith of Clyde* et *frith of Forth*. — 8. Ut de quibus vaga modo fama narrabat, sicuti etiam de insulari forma Britanniae. — 9. Conf. *Germ.* c. 43. — 10. Sc. ac solent maria. — 11. Ut Plinius, *Hist. nat.* II, 97, § 212. — 12. Fluctuum, *des courants*.

XI. Ceterum Britanniam qui mortales initio coluerint, indigenæ an ad-
 vecti, ut inter barbaros, parum compertum¹. habitus corporum varii,
 atque ex eo argumenta. namque rutilæ Caledoniam habitantium comæ,
 magni artus Germanicam originem² asseverant: Silurum colorati vultus,
 torti plerumque crines et posita contra Hispania Iberos veteres trajecisse
 easque sedes habitasse fidem faciunt: proximi Gallis et similes sunt; seu
 durante originis vi, seu procurrentibus in diversa³ terris positio cœli cor-
 poribus habitum dedit. In universum tamen æstimanti Gallos vicinam in-
 sulam occupasse credibile est. eorum sacra⁴ deprehendas superstitionum
 persuasione: sermo haud multum diversus: in deposcendis periculis ea-
 dem audacia, et, ubi advenere, in detrectandis eadem formido⁵. plus
 tamen ferociæ Britanni præferunt, ut quos nondum longa pax emollierit
 nam Gallos quoque in bellis floruisse accepimus⁶: mox segnitia cum otio
 intravit, amissa virtute pariter ac libertate; quod Britannorum olim victis
 evenit: ceteri manent, quales Galli fuerunt.

XII. In pedite robur: quædam nationes et curru præliantur. honestior
 auriga; clientes propugnant¹. Olim regibus parebant; nunc per principes
 factionibus et studiis trahuntur. nec aliud adversus validissimas gentes
 pro nobis utilius, quam quod in commune non consulunt: rarus duabus
 tribusque civitatibus ad propulsandum commune periculum conventus.
 ita, dum singuli pugnant, universi vincuntur. Cælum crebris imbribus
 ac nebulis fœdum: asperitas frigoribus abest. dierum spatia ultra nostri
 orbis mensuram²; nox clara, et extrema Britannia parte brevis, ut finem
 atque initium lucis exiguo discrimine internoscas. *quodsi nubes non offi-
 ciant, adspici per noctem solis fulgorem, nec occidere et exsurgere,*
sed transire affirmant: scilicet extrema et plana terrarum, humili um-
 bra, non erigunt tenebras; infraque cælum et sidera nox cadit. Solum
 præter oleam vitemque et cetera calidioribus terris oriri sueta patiens fru-
 gum, fecundum; tarde mitescunt, cito proveniunt: eademque utriusque
 rei causa, multus humor terrarum cœlique³. Fert Britannia aurum et
 argentum et alia metalla, pretium victoriae. gignit et Oceanus margarita,
 sed subfusca ac liventia. quidam *artem abesse legentibus* arbitrantur;
nam in Rubro mari viva ac spirantia saxis avelli; in Britannia, prout
expulsa sint, colligi. ego facilius crediderim, naturam⁴ margaritis
 deesse, quam nobis avaritiam.

XIII. Ipsi Britanni delectum ac tributa et injuncta imperii munera im-
 pigre obeunt, si injuriæ absint: has ægre tolerant, jam domiti, ut pa-
 reant; nondum, ut serviant. igitur primus omnium Romanorum divus
 Julius cum exercitu Britanniam ingressus, quamquam prospera pugna ter-
 ruert incolas ac littore potitus sit, potest videri ostendisse posteris, non

XI. 1. Videndus A. Thierry, *Histoire de la conquête de l'Angleterre par les Norm.*
 vol. I, p. 1-7.—2. Vid. *Germ.* c. 4.—3. Opposita.—4 De Gallorum sacris narrat Cæsar
 VI, 13 seq.—5. Similia de Gallis Cæsar III, 19.—6. Conf. *Germ.* c. 28.

XII. 1. Quod contrarium in Homericis carminibus.—2. Plinius, *Hist. nat.*, II, 73, § 186:
*Longissimus dies in Britannia septendecim horas æquinoctiales colligat; æstate lu-
 cidæ noctes, etc.*—3. Nimirum humore terræ cito proveniunt, humore cœli et pluviis
 tarde mitescunt.—4. Naturalem bonitatem, qualis Indicarum est margaritarum.

tradidisse¹. Mox bella civilia, et in rempublicam versa principum arma; ac longa oblivio Britanniae etiam in pace. *consilium* id divus Augustus vocabat², Tiberius *praeceptum*. agitasse Caium Cæsarem de intranda Britannia satis constat³, ni velox ingenio, mobilis poenitentiae et ingentes adversus Germaniam conatus frustra fuissent. divus Claudius auctor operis⁴, transvectis legionibus auxiliisque et assumpto in partem rerum Vespasiano: quod initium venturae mox fortunae fuit. domitae gentes, capti reges, et monstratus fatis⁵ Vespasianus.

XIV. Consularium primus Aulus Plautius praepositus¹, ac subinde Ostorius Scapula², uterque bello egregius, redactaque paullatim in formam provinciae proxima pars Britanniae, addita insuper veteranorum colonia³: quaedam civitates Cogidumno regi donatae (is ad nostram usque memoriam fidissimus mansit), ut, vetere ac jam pridem recepta populi Romani consuetudine, haberet instrumenta servitutis et reges. Mox Didius Gallus⁴ parta a prioribus continuit, paucis admodum castellis in ulteriora promotis, per quae fama aucti officii⁵ quaereretur. Didium Veranius excepit⁶, isque intra annum exstinctus est. Suetonius hinc Paullinus biennio⁷ prosperae res habuit, subactis nationibus, firmatisque praesidiis: quorum fiducia Monam insulam ut vires rebellibus ministrantem aggressus terga occasioni patefecit.

XV. Namque absentia legati remoto metu, Britanni agitare inter se mala servitutis, conferre injurias, et interpretando accendere: « nihil profici
« patientia, nisi ut graviora tamquam ex facili¹ tolerantibus imperentur:
« singulos sibi olim reges fuisse, nunc binos imponi; e quibus legatus in
« sanguinem, procurator in bona saeviret: aequae discordiam praeposito-
« rum, aequae concordiam subjectis exitiosam. alterius manus centuriones,
« alterius servos vim et contumelias miscere². nihil jam cupiditati, nihil
« libidini exceptum. in praelio fortiores esse qui spoliet. nunc ab ignavis
« plerumque et imbellibus eripi domos, abstrahi liberos², injungi de-
« lectus, tamquam mori tantum pro patria nescientibus; quantulum enim
« transisse militum, si sese Britanni numerent? sic Germanias excussisse
« jugum³; et flumine, non Oceano, defendi. sibi patriam, conjuges, pa-
« rentes; illis avaritiam et luxuriam causas belli esse; recessures, ut divus
« Julius recessisset, modo virtutes majorum suorum aemularentur. neve

XIII. 1. Narrat ipse Cæsar, *Bell. Gall.* IV, 20 seqq.; V, 4 seqq. — 2. De quo *Annal.* I, 11, praesertim Strabo II, 5, § 3; IV, 5, § 5. Tiberius Augustum per omnia sequi affectabat; *Ann.* I, 77; IV, 57. — 3. Vide Sueton. *Calig.* c. 43-48. — 4. Primus inchoavit ipsum opus, Britanniam in provinciam redigendi. — 5. Dativus: sc., qualis esset et cui ipsis in posterum usui esse posset.

XIV. 1. Per annos U. 796-800; *Annal.* XIII, 52. — 2. De quo *Ann.* XII, 51-40; XIV, 29-59, per annos 800-805. — 3. Camulodunum, *Ann.* XII, 52, sive potius Camalodunum, quae forma inscriptionum fide nititur. — 4. Ab Ostorii morte ad annum fere 810, *Ann.* XII, 40. — 5. Officium erat provinciam tueri; nova insuper acquirens auxerat officium. — 6. *Ann.* XIV, 29. — 7. Per annos 814 et 812, *Ann.* I, c.

XV. 1. Pro adverbio. — 2. Hoc est: centuriones, qui sunt manus alterius (legati) ejusque jussa perficiunt, et servi aut liberti, manus alterius (procuratoris), modo vi modo contumelia in Britannos grassantur. Similiter Cicero de Verre (II, 40, 27): *Comites illi tui delecti manus erant tuae: praefecti, scribae, medici, accensi, haruspices, praefrones erant manus tuae.* — 2. Vid. *Ann.* XIV, 51. — 3. Sub Quintilio Varo.

« prælii unis et alterius eventu pavescerent; plus impetus, majorem
 « constantiam penes miseros esse : jam Britannorum etiam deos misereri,
 « qui Romanum ducem absentem, qui relegatum in alia insula⁴ exer-
 « citum detinerent; jam ipsos, quod difficillimum fuerit, deliberare.
 « porro in ejusmodi consiliis periculosius esse deprehendi, quam au-
 « dere⁵. »

XVI. His atque talibus invicem instincti¹, Boudicea, generis regii femina, duce (neque enim sexum in imperiis discernunt) sumpsere universi bellum : ac sparsos per castella milites consecrati, expugnatis præsidiis, ipsam coloniam invasere ut sedem servitutis. nec ullum in barbaris² sævitiae genus omisit ira et victoria. quod nisi Paulinus, cognito provinciae motu, propere subvenisset, amissa Britannia foret : quam unius prælii fortuna veteri patientiae restituit, tenentibus arma plerisque, quos conscientia defectionis et propius³ ex legato timor agitabat, ne, quamquam egregius cetera, arroganter in deditos et ut suæ quoque injuriæ ultior durius consuleret. Missus igitur Petronius Turpilianus⁴, tamquam exorabilior, et delictis hostium novus eoque pœnitentiæ mitior, compositis prioribus, nihil ultra ausus, Trebellio Maximo provinciam tradidit. Trebellius segnior, et nullis castrorum experimentis, comitate quadam curandi provinciam tenuit. didicere jam barbari quoque ignoscere vitiis blandientibus : et interventus civilium armorum præbuit justam segnitiae excusationem; sed discordia laboratum, quum assuetus expeditionibus miles otio lasciviret. Trebellius, fuga ac latebris vitata exercitus ira, indecorus atque humilis precario mox præfuit, ac velut pacti, exercitus licentiam, dux salutem⁵; et seditio sine sanguine stetit⁶. Nec Vettius Bolanus⁷, manentibus adhuc civilibus bellis, agitavit Britanniam disciplina. eadem inertia erga hostes, similis petulantia castrorum : nisi quod innocens Bolanus et nullis delictis invisus caritatem paraverat loco auctoritatis.

XVII. Sed ubi cum cetero orbe Vespasianus et Britanniam recuperavit¹, magni duces, egregii exercitus, minuta hostium spes. et terrorem statim intulit Petilius Cerialis², Brigantum civitatem, quæ numerosissima provinciae totius perhibetur, aggressus : multa prælia, et aliquando non incruenta : magnamque Brigantum partem aut victoria amplexus est aut bello. et quum Cerialis quidem alterius successoris curam famamque obruisset, sustinuit quoque molem Julius Frontinus, vir magnus, quantum licebat³, validamque et pugnacem Silurum gentem armis subegit, super virtutem hostium locorum quoque difficultates eluctatus.

4. Mona; v. supra. — 5. Ut Mucianus Vespasiano dixit (*Hist.* II, 77) : *Nam qui deliberant, desciverunt.*

XVI. 1. Cum his confer narrationem in *Annalib.* XIV, 51 seqq. — 2. Sc. fieri solitæ. — 3. Magis ex propinquo. — 4. *Annal.* XIV, 59. — 5. Conf. *Hist.* I, 60; II, 65. — 6. Non est, cessavit; sed pro, constitit, ut *Hist.* III, 55. — 7. In Trebellii locum missus a. U. 822, p. Chr. 69. Vid. c. 8, *Hist.* II, 65; et res gestas *Hist.* III, 45.

XVII. 1. Sc. ab indignis Principibus qui eum præcesserunt. — 2. Conf. c. 3. — 3. Sc. per tempora illa, sub Imperatore. Frontinus idem est cujus libri *Strategematum* et de *Aqueductibus* supersunt. De eo Plinius *Epist.* IX, 19.

XVIII. Hunc Britanniae statum, has bellorum vices media jam æstate transgressus Agricola invenit, quum et milites, velut omissa expeditione, ad securitatem et hostes ad occasionem verterentur. Ordovicum civitas haud multo ante adventum ejus alam in finibus suis agentem prope universam obtriverat; eoque initio erecta provincia, ut quibus bellum volentibus erat, probare exemplum, aut recentis legati animum opperiri. Tum Agricola, quamquam transvecta¹ æstas, sparsi per provinciam numeri², præsumpta apud militem illius anni quies, tarda et contraria bellum inchoaturo, et plerisque custodiri suspecta potius videbatur, ire obviam discrimini statuit; contractisque legionum vexillis³ et modica auxiliorum manu, quia in æquum degredi Ordovices non audebant, ipse ante agmen, quo ceteris par animus simili periculo esset, erexit⁴ aciem. casaque prope universa gente, non ignarus, instandum famæ, ac, prout prima cessissent, fore universa⁵, Monam insulam, cujus possessione revocatum Paullinum rebellione totius Britanniae supra memoravi, redigere in potestatem animo intendit. sed, ut in dubiis consiliis, naves deerant: ratio et constanter ducis transvexit. depositis omnibus sarcinis, lectissimos auxiliarium⁶, quibus nota vada et patrius nandi usus, quo simul seque et arma et equos regunt, ita repente immisit, ut obstupefacti hostes, qui classem, qui naves, qui mare⁷ expectabant, nihil arduum aut invictum crediderint sic ad bellum venientibus. ita petita pace ac dedita insula, clarus ac magnus haberi Agricola: quippe cui ingredienti provinciam, quod tempus alii per ostentationem aut officiorum⁸ ambitum transigunt, labor et periculum placuisset. nec Agricola, prosperitate rerum in vanitatem usus, expeditionem aut victoriam vocabat victos continuisse: ne laureatis⁹ quidem gesta prosecutus est. sed ipsa dissimulatione famæ famam auxit, æstimantibus, quanta futuri spe tam magna tacuisset.

XIX. Ceterum animorum provinciae prudens, simulque doctus per aliena exempla, parum profici armis, si injuriæ sequerentur, causas bellorum statuit excidere. a se suisque orsus primam domum suam coercuit; quod plerisque haud minus arduum est, quam provinciam regere. nihil¹ per libertos servosque publicæ rei: non studiis privatis nec ex commendatione aut precibus centurionum milites ascire², sed optimum quemque fidelissimum putare: omnia scire, non omnia exsequi³: parvis peccatis veniam, magnis severitatem commodare: nec pœna semper, sed sæpius pœnitentia contentus esse: officiis et administrationibus potius non peccaturos præponere, quam damnare, quum peccassent. frumenti et tributorum auctionem⁴ in æqualitatem munerum⁵ mollire, circumcisis

XVIII. 1. *Transvehi* de tempore dictum etiam *Hist.* II, 76. — 2. Vid. *Hist.* I, 6, not. 7. — 3. Vexillaribus; de quibus ad *Annal.* I, 17. — 4. Arduum versus duxit; plene *Hist.* IV, 71, *equitum aciem in collem erigeret*. — 5. Conf. *Hist.* II, 20 fine. — 6. Germanos, ut videtur, et Batavos, de quibus *Hist.* V, 14; IV, 12; *Annal.* II, 8. Ceterum Britanni quoque auxiliares erant, c. 29, 32. — 7. Vocabulo *mare* complectitur quæcumque ad mare trajiciendum ejusque pericula vitanda parari solent. — 8. In salutando, pompis excipiendo et aliis modis devinciendo præfecto novo. — 9. Sc. literis, victoriæ nuntiis. Conf. ad *Hist.* III, 77.

XIX. 1. Sc. agere. — 2. Sc. ad agendum aliquid publicæ rei. Nisi ex usu potius capiendum *milites ascire* ex numeris in legionem. — 3. Persequi, punire; ut *Cæsar Suetonii* ('c. 67) *delicta neque observabat omnia, neque pro modo exsequebatur*. — 4. Augmentum, quod instituerat Vespasianus, Sueton. c. 16. — 5. Sc. præstandorum a singulis. —

quæ in quæstum reperta ipso tributo gravius tolerabantur. namque per ludibrium assidere clausis horreis⁶ et emere ultro frumenta⁷ ac vendere pretio⁸ cogebantur. devortia itinerum et longinquitas regionum⁹ indicabatur, ut civitates a proximis hibernis in remota et avia deferrent, donec quod omnibus in promptu erat, paucis¹⁰ lucrosum fieret.

XX. Hæc primo statim anno comprimendo egregiam famam paci circumdedit; quæ vel incuriâ vel tolerantia priorum haud minus quam bellum timebatur. sed ubi æstas advenit, contracto exercitu, militum in agmine laudare modestiam, disjectos coercere: loca castris ipse capere, æstuaria ac silvas ipse prætentare: et nihil interim apud hostes quietum pati, quominus subitis excursibus popularetur: atque, ubi satis terruerat, parcendo rursus irritamenta pacis¹ ostentare. Quibus rebus multæ civitates, quæ in illum diem ex æquo egerant², datis obsidibus, iram posuere, et præsidiiis castellisque circumdatae, tanta ratione curaque, ut nulla ante Britanniae nova pars³.

XXI. Illaccessita transiit sequens hiems, saluberrimis consiliis absumpta. namque, ut homines dispersi ac rudes, eoque bello faciles, quieti et otio per voluptates assuescerent, hortari privatim, adjuvare publice, ut templa, fora, domus exstruerent, laudando promptos, et castigando segnes. ita honoris æmulatio pro necessitate erat. jam vero principum filios liberalibus artibus erudire, et ingenia Britannorum studiis Gallorum anteferre¹, ut, qui modo linguam Romanam abnuebant, eloquentiam concupiscerent. inde etiam habitus nostri honor, et frequens toga; paullatimque discessum ad delinimenta vitiorum, porticus, et balnea, et conviviorum elegantiam: idque apud imperitos *humanitas*² vocabatur, quum pars servitutis esset.

XXII. Tertius expeditionum annus novas gentes aperuit, vastatis usque ad Taum (æstuario nomen est) nationibus. qua formidine territi hostes quanquam conflictatum sævis tempestatibus exercitum lacessere non ausi; ponendisque insuper castellis spatium fuit. annotabant periti, non alium ducem opportunitates locorum sapientius legisse: nullum ab Agricola positum castellum aut vi hostium expugnatum, aut pactione ac fuga desertum. Crebræ eruptiones: nam adversus moras obsidionis annuis copiis firmabantur. ita intrepida ibi hiems, et sibi quisque præsidio, irritis¹ hostibus eoque desperantibus, quia, soliti plerumque damna æstatis hibernis eventibus pensare, tum æstate atque hieme juxta pellebantur. Nec

6. Sc. suis, usque dum Romanus magistratus adveniret frumenta æstimans et decumam constituens. — 7. Decimis usum suorum frumentorum redimere. — 8. Sc. constituto a Romanis. — 9. In quas deportanda essent frumenta. — 10. Præfecto ejusque ministris, aucto per longinquam transvectionem pretio.

XX. 1. Quæ ad pacem servandam excitent. — 2. Æquo Marte Romanis restiterant et illibata libertate sua. — 3. Ita Gordium nodum hujus loci, nondum a quoquam solutum, dissecui. Legebatur *nova pars illaccessita transierit. Sequens hiems* etc. Altera hiems lacessita fuerat, quum *transvecta jam astate* expeditionem in Ordovicas suscipiendam judicasset Agricola, c. 18.

XXI. 1. Ultra studia Gallorum promovere. *Anteferre* hic agendi verbum, non iudicandi est. — 2. Sive *cultus*.

XXII. 1. Spe frustratis, ut *Hist.* IV, 52.

Agricola umquam per alios gesta avidus interceptit : seu centurio , seu præfectus , incorruptum facti testem habebat. apud quosdam acerbior in conviciis narrabatur ; ut bonis comis erat , ita adversus malos injucundus. ceterum ex iracundia nihil supererat : secretum et silentium ejus non timeres ² : honestius putabat offendere , quam odisse.

XXIII. Quarta æstas obtinendis , quæ percurrerat , insumpta ; ac , si virtus exercituum et Romani nominis gloria pateretur , inventus in ipsa Britannia terminus. nam Clota et Bodotria , diversi maris æstibus per immensum revectæ ¹ , angusto terrarum spatio dirimuntur : quod tum præsidii firmabatur , atque omnis propior sinus ² tenebatur , summotis velut in aliam insulam hostibus.

XXIV. Quinto expeditionum anno , nave prima ¹ transgressus , ignotas ad id tempus gentes crebris simul ac prosperis præliis domuit : eamque partem Britanniae , quæ Hiberniam adspicit , copiis instruxit in spem magis , quam ob formidinem : siquidem Hibernia , medio inter Britanniam atque Hispaniam sita ² et Gallico quoque mari opportuna , valentissimam imperii partem magnis invicem usibus miscuerit. spatium ejus , si Britanniae compareretur , angustius , nostri maris ³ insulas superat. solum cælumque et ingenia cultusque hominum haud multum a Britannia differunt. melius aditus portusque ⁴ per commercia et negotiatores cogniti. Agricola expulsum seditione domestica unum ex regulis gentis exceperat ac specie amicitiae in occasionem retinebat. sæpe ex eo audiui , legione una et modicis auxiliis debellari obtinerique Hiberniam posse : idque etiam adversus Britanniam profuturum , si Romana ubique arma , et velut e conspectu libertas tolleretur.

XXV. Ceterum æstate , quæ sextum officii annum inchoabat , amplexus civitates trans Bodotriam sitas , quia motus universarum ultra ¹ gentium et infesta hostili exercitu itinera timebantur , portus classe exploravit , quæ , ab Agricola primum assumpta in partem virium , sequebatur egregia specie , quum simul terra , simul mari bellum impelleretur ² , ac sæpe iisdem castris pedes equesque et nauticus miles , mixti copiis ³ et lætitia , sua quisque facta , suos casus attollerent ; ac modo silvarum ac montium profunda , modo tempestatum ac fluctuum adversa , hinc terra et hostis , hinc auctus Oceanus ⁴ militari jactantia compararentur. Britannos quoque , ut ex captivis audiebatur , visa classis obstupesciebat , tamquam aperto maris sui secreto ultimum victis perfugium clauderetur. Ad manus et arma conversi Caledoniam incolentes populi paratu magno , majore fama , uti mos est de ignotis , *oppugnasse* ⁵ *ultro* , castella adorti , metum ut provocantes , addiderant ; regrediendumque citra Bodotriam et excedendum potius , quam pellerentur , ignavi specie prudentium admonebant. quum interim cognoscit ⁶ , hostes pluribus agminibus irrupturos , ac ne superante

—2. Ut timendum erat secretum et silentium Domitiani , plerumque atrocia meditantis ; v. infra c. 59.

XXIII. 1. Sinuantes se intra continentem. — 2. Sc. terræ.

XXIV. 1. Tum primum navibus. — 2. Conf. c. 10, not. 3. — 3. Mediterranei. — 4. Sc. quam interiora Hibernia.

XXV. 1. Ulteriorum. — 2. Cum vi moveretur. — 3. Cibariis : una epulantes. — 4. Æstus Oceani , multo altior quam Mediterranei maris. — 5. Infinitivus pendens a voce *fama*. — 6. Agricola.

numero et peritia locorum circumiretur, diviso et ipse in tres partes exercitu incessit.

XXVI. Quod ubi cognitum hosti, mutato repente consilio universi nonam legionem ut maxime invalidam nocte aggressi, inter somnum ac trepidationem cæsis vigilibus irrupere. jamque in ipsis castris pugnabatur, quum Agricola, iter hostium ab exploratoribus edoctus et vestigiis¹ insecutus, velocissimos equitum peditumque assultare tergis pugnantium jubet, mox ab universis adjici clamorem. et propinquâ luce fulsere signa. ita ancipiti malo territi Britanni; et Romanis redit animus, ac, securi pro salute, de gloria certabant. ultro quin etiam irrupere, et fuit atrox in ipsis portarum angustiis prælium, donec pulsati hostes, utroque exercitu certante, his, ut tulisse opem, illis, ne eguisse auxilio viderentur. quod nisi paludes et silvæ fugientes texissent, debellatum illa victoria foret.

XXVII. Cujus constantia ac fama ferox exercitus, *nihil virtuti suæ invium et penetrandam Caledoniam, inveniendumque tandem Britannicæ terminum continuo præliorum cursu*, fremebant. atque illi modo cauti ac sapientes, prompti post eventum ac magniloqui erant. Iniquissima hæc bellorum conditio est: prospera omnes sibi vindicant, adversa uni imputantur. At Britanni, non virtutem, sed occasionem et artem ducis rati, nihil ex arrogancia remittere, quominus juventutem armarent, conjuges ac liberos in loca tuta transferrent, cœtibus ac sacrificiis conspirationem civitatum sancirent. atque ita irritatis utrimque animis discessum.

XXVIII. Eadem æstate cohors Usipiorum¹ per Germanias conscripta et in Britanniam transmissa, magnum ac memorabile facinus ausa est. occiso centurione ac militibus, qui ad tradendam disciplinam inmixti manipulis exemplum et rectores habebantur, tres Liburnicas, adactis per vim gubernatoribus, adscendere: et uno remigante², suspectis duobus eoque interfectis, nondum vulgato rumore ut miraculum prævehebantur. mox hac atque illa rapti et cum plerisque Britannorum sua defensantium prælio congressi, ac sæpe victores, aliquando pulsati, eo ad extremum inopiæ venere, ut infirmissimos suorum, mox sorte ductos vescerentur. atque circumvecti Britanniam, amissis per incertitiam regendi navibus, pro prædonibus habiti, primum a Suevis, mox a Frisiis intercepti sunt. ac fuere quos per commercia venumdatos, et in nostram usque ripam³ mutatione ementium adductos, indicium tanti casus illustravit.

XXIX. Initio ætatis Agricola domestico vulnere ictus anno ante natum filium amisit. quem casum neque, ut plerique fortium virorum¹, ambitiose, neque per lamenta rursus ac mœrorem muliebriter tulit. et in luctu bellum inter remedia erat. Igitur præmissa classe, quæ pluribus locis prædata magnum et incertum terrorem faceret, expedito exercitu, cui ex

XXVI. 1. Per vestigia, vestigiis eorum insistens. Sic Livius IX, 45, *hostem vestigiis sequi*.

XXVIII. 1. Conf. *Germ. c. 32.* — 2. Remiges moderante; quam verbi notionem vocabulum *gubernatoribus* præcipit; ut *sexcenties fecit* est pro fieri jussit. — 3. Gallicam ripam Rheni.

XXIX. 1. Velut Stoici multi, in ostentationem.

Britannis fortissimos et longa pace exploratos addiderat, ad montem Grampium pervenit, quem jam hostis insederat. nam Britanni, nihil fracti pugnæ prioris eventur, et ultionem aut servitium expectantes, tandemque docti, commune periculum concordia propulsandum, legationibus et fœderibus omnium civitatum vires exciverant. jamque super triginta millia armatorum adspiciebantur, et adhuc affluebat omnis juvenus et quibus cruda ac viridis senectus², clari bello ac sua quisque decora gestantes: quum inter plures duces virtute et genere præstans, nomine Calgacus³, apud contractam multitudinem prœlium poscentem in hunc modum locutus fertur:

XXX. « Quoties causas belli et necessitatem nostram intueor, magnus
« mihi animus est, hodiernum diem consensumque vestrum initium liber-
« tatis totius Britanniae fore. nam et universi servitutis expertes, et nullæ
« ultra terræ, ac ne mare quidem securum, imminente nobis classe Ro-
« mana. ita prœlium atque arma, quæ fortibus honesta, eadem¹ etiam
« ignavis tutissima sunt. Priores pugnæ, quibus adversus Romanos varia
« fortuna certatum est, spem ac subsidium in nostris manibus habebant:
« quia nobilissimi totius Britanniae eoque in ipsis penetralibus siti², nec
« servitium littora adspicientes, oculos quoque a contactu dominationis
« inviolatos habebamus. nos terrarum ac libertatis extremos recessus ipse
« ac sinus famæ³ in hunc diem defendit. nunc terminus Britanniae patet,
« atque omne ignotum pro magnifico est. sed nulla jam ultra gens, nihil,
« nisi fluctus et saxa: et infestiores Romani, quorum superbiam frustra
« per obsequium et modestiam effugeris. raptores orbis, postquam cuncta
« vastantibus defuere terræ, et mare scrutantur: si locuples hostis est,
« avari; si pauper, ambitiosi: quos non oriens, non occidens satiaverit.
« soli omnium opes atque inopiam pari affectu concupiscunt. auferre, tru-
« cidare, rapere falsis nominibus *imperium*, atque, ubi solitudinem
« faciunt, *pacem* appellant.

XXXI. « Liberos cuique ac propinquos suos natura carissimos esse voluit.
« hi per delectus alibi servituri auferuntur: conjuges sororesque, etiamsi
« hostilem libidinem effugiant, nomine *amicorum* atque *hospitum* pol-
« luuntur. bona fortunasque in tributum egerunt, annos¹ in frumentum:
« corpora ipsa ac manus silvis ac paludibus emuniendis² inter verbera ac
« contumelias conferunt. nata servituti mancipia semel veneunt, atque
« ultro a dominis aluntur; Britannia servitutem suam quotidie emit, quo-
« tidie pascit³: ac sicut in familia recentissimus quisque servorum etiam
« conservis ludibrio est, sic in hoc orbis terrarum vetere famulatu novi
« nos et viles in excidium petimur. neque enim arva nobis aut metalla aut

— 2. Virgilianum; *Æn.* VI, 504: *Jam senior, sed cruda deo viridisque senectus*, ex Homericis ὦπὸν γῆρας, ὠμογέρων. — 3. *Gallawg*, Thierry, l. c. p. 9.

XXX. 1. Sc. præter fortes: non fortibus tantum, sed etiam ignavis tutissima. — 2. *Cæsar*, *Bell. Gall.*, V, 12: *Britanniae pars interior ab iis colitur, quos natos in insula ipsa* (ἀντόχθονας) *memoria proditum dicunt*. — 3. Pro, a fama, pendens a defendit: nos ab eo defendit ut fama nostri ad Romanos perferretur. Insolita hæc constructio verbi *defendere* cum dativo similibus aliorum verborum evinci potest.

XXXI. 1. Id est, annuos proventus; ut *Germ.* c. 14, *expectare annum*, de agricolis — 2. Viis per silvas et paludes muniendis. — 3. *Emit*, tributis pendendis; *pascit*, fru-

« portus sunt, quibus exercendis reservemur. virtus porro ac ferocia ⁴
 « subjectorum ingrata imperantibus : et longinquitas ac secretum ipsum
 « quo tutius, eo suspectius. ita, sublata spe veniæ, tandem sumite ani-
 « mum, tam quibus salus, quam quibus gloria carissima est. Brigantes ⁵
 « femina duce exurere coloniam, expugnare castra, ac nisi felicitas in
 « socordiam vertisset, exuere jugum potuere. nos integri et indomiti et
 « libertatem non in præsentia laturos ⁶ primo statim congressu non ostende-
 « mus, quos sibi Caledonia viros seposuerit? an eandem Romanis in bello
 « virtutem, quam in pace lasciviam adesse creditis?

XXXII. « Nostris illi dissensionibus ac discordiis clari vitia hostium in
 « gloriam exercitus sui vertunt, quem contractum ex diversissimis gen-
 « tibus ut secundæ res tenent, ita adversæ dissolvent; nisi si Gallos et
 « Germanos et (pudet dictu!) Britannorum plerosque, licet dominationi
 « alienæ sanguinem commodent, diutius tamen hostes ¹, fide et affectu
 « teneri putatis. metus et terror est, infirma vincula caritatis; quæ ubi
 « removeris, qui timere desierint, odisse incipient. omnia victoriæ inci-
 « tamenta pro nobis sunt. nullæ Romanos conjuges accendunt; nulli pa-
 « rentes fugam exprobraturi sunt. aut nulla plerisque patria, aut alia est :
 « paucos numero [circum], trepidos ignorantia, cælum ipsum ac mare et
 « silvas, ignota omnia, circumspectantes, clausos quodammodo ac vinctos
 « dii nobis tradiderunt. ne terreat vanus adspectus et auri fulgor atque ar-
 « genti, quod neque tegit neque vulnerat. in ipsa hostium acie invenie-
 « mus nostras manus. agnoscent Britanni suam causam : recordabuntur
 « Galli priorem libertatem : deserent illos ceteri Germani, tamquam nuper
 « Usipii reliquerunt. nec quidquam ultra formidinis : vacua castella, senum
 « coloniæ, inter male parentes et injuste imperantes ægra ² municipia et
 « discordantia. hic dux, hic exercitus ³ : ibi tributa et metalla et ceteræ
 « servientium pœnæ : quas in æternum perferre, aut statim ulcisci, in
 « hoc campo est. proinde ituri in aciem et majores vestros et posteros
 « cogitate. »

XXXIII. Excepere orationem alacres et barbari moris cantu, fremitu
 clamoribusque dissonis. jamque agmina et armorum fulgores audentissimi
 cujusque procursu; simul instruebatur acies, quum Agricola quamquam
 lætum et vix munimentis coercitum militem adhortatus ita disseruit :
 « Octavus annus est ¹, commilitones, ex quo virtute et auspiciis imperii
 « Romani, fide atque opera vestra Britanniam vicistis. tot expeditionibus,
 « tot præliis, seu fortitudine adversus hostes, seu patientia ac labore pæne
 « adversus ipsam rerum naturam opus fuit; neque me militum, neque vos

mento præbendo. — 4. Conf. not. 5. ad *Annal* I, 12. — 5. *Trinobantes* dicit Tacitus *Annal.* XIV, 31, sed ibidem et supra c. 16 alias quoque nationes socias ipsis fuisse significat. *Femina*, Boudicea. — 6. Utpote qui nunquam servi fuerint, ut erant Brigantes.

XXXII. 1. Delevi *servos*, quam glossam esse manuscripti indicant. Infra [circum] ex vocabulo *circumspectantes* ortum videtur, quod librarius scribere cæperit animadvertens se quædam omisisse. — 2. Ambigua fide. — 3. Sc. Romanorum. *Ibi*, in his insunt, his solis nituntur.

XXXIII. 1. Agitur, transactis septem, post extremum mensem Septembrem anni 850,

« ducis pœnituit. ergo egressi, ego veterum legatorum, vos priorum exercituum terminos, finem Britanniae non fama nec rumore, sed castris et armis tenemus. inventa Britannia, et subacta. Equidem sæpe in agmine, quum vos paludes montesve et flumina fatigarent, fortissimi cujusque voces audiebam, *Quando dabitur hostis, quando acies?* Veniunt, e latebris suis extrusi, et vota virtusque in aperto, omniaque prona victoribus, atque eadem victis adversa. nam ut superasse tantum itineris, silvas evasisse, transisse æstuaria pulchrum ac decorum in frontem²: ita fugientibus periculosissima, quæ hodie prosperrima sunt. neque enim nobis aut locorum eadem notitia, aut commeatum eadem abundantia: sed manus et arma, et in his omnia. Quod ad me attinet, jam pridem mihi decretum est, neque exercitus neque ducis terga³ tuta esse. proinde et honesta mors turpi vita potior; et incolumitas ac decus eodem loco sita sunt: nec inglorium fuerit, in ipso terrarum ac naturæ fine cecidisse.

XXXIV. « Si novæ gentes atque ignota acies constitisset, aliorum exercituum exemplis vos hortarer: nunc vestra decora recensete, vestros oculos interrogate. ii sunt, quos proximo anno, unam legionem furto¹ noctis aggressos, clamore debellastis; hi ceterorum Britannorum fugacissimi, ideoque tam diu superstites. quomodo silvas saltusque penetrantibus fortissimum quodque animal robore, pavida et inertia ipso agminis sono pelluntur; sic acerrimi Britannorum jam pridem ceciderunt: reliquus est numerus ignavorum et metuentium. quos quod tandem invenistis, non restiterunt², sed deprehensi sunt novissimi. ideo extremo metu corpora defixere in his vestigiis, in quibus pulchram et spectabilem victoriam ederetis³. transigite cum expeditionibus⁴; imponite quin-
quaginta⁵ annis magnum diem; approbate reipublicæ, numquam exercitui imputari potuisse aut moras belli aut causas rebellandi. »

XXXV. Et alloquente adhuc Agricola militum ardor eminebat; et finem orationis ingens alacritas consecuta est, statimque ad arma discursum. instinctos ruentesque ita disposuit, ut peditum auxilia, quæ octo millium erant, mediam aciem firmarent, equitum tria millia cornibus affunderentur. legiones pro vallo stetere, ingens victoriæ decus citra Romanum sanguinem bellanti, et auxilium, si pellerentur. Britannorum acies in speciem simul ac terrorem editioribus locis constiterat ita, ut primum agmen æquo ceteri per acclive jugum connexi¹ velut insurgerent; media campi covinarius² et eques strepitu ac discursu complebat. Tum Agricola, superante hostium multitudine veritus ne simul in frontem, simul et latera

quo a consulatu Britanniae præpositus est, ad a. 857. — 2. Pro. fronti, exercitui frontem hostibus opposenti, ut alibi apud Tacitum *grata in vulgus, lata in rempublicam*. — 3. Sc. versa, fugam. Sallustius, *Catil.* c. 38: *In fuga salutem sperare, quum arma, quis corpus tegitur, ab hostibus avorteris, ea vero dementia est.*

XXXIV. 1. Fraude, ut apud Virgilium, *Æn.* IX, 697. — 2. Majore vi dictum quam: hujus rei non ea causa est quod restiterunt (vobis). — 3. Amare; eventum qui sperari poterat tanquam consilium hostis capiendo. — 4. Finem imponite expeditionibus. — 5. Rotundus numerus pro tribus et quadraginta, ab a. 796 ad 857.

XXXV. 1. Alii *convexi*. Claudianus, *Honor.* 614: *Convexum vulgus gradibus Circi*. — 2. Apud Cæsarem *essedarius*, de levibus vehiculis pugnantes (conf. c. 12), quod

suorum pugnaretur, diductis ordinibus, quamquam porrectior³ acies futura erat, et arcessendas plerique legiones admonebant, promptior in spem et firmus adversis, dimisso equo ante vexilla constitit.

XXXVI. Ac primo congressu eminus certabatur; simulque constantia, simul arte Britanni ingentibus gladiis et brevibus cetris¹ missilia nostrorum vitare vel excutere, atque ipsi magnam vim telorum superfundere; donec Agricola tres Batavorum cohortes ac Tungrorum duas cohortatus est, ut rem ad mucrones ac manus adducerent; quod et ipsis vetustate militiæ exercitatum, et hostibus inhabile, parva scuta et enormes gladios gerentibus. nam Britannorum gladii sine mucrone complexum armorum et in aperto pugnam non tolerabant. igitur ut Batavi miscere ictus, ferire umbonibus, ora foedare, et stratis qui in æquo obstiterant, erigere in colles aciem cœpere: ceteræ cohortes æmulatione et impetu commistæ proximos quosque cædere; ac plerique semineces aut integri festinatione victoriæ relinquebantur. Interim equitum² turmæ fugere; covinari peditum se prælio miscuere: et, quamquam recentem terrorem intulerant, densis tamen hostium³ agminibus et inæqualibus locis hærebant, minimeque equestres (ea enim pugnae facies erat), quum auriga⁴ tunc adstante simul equorum corporibus impellerentur; ac sæpe vagi currus, exterriti sine rectoribus equi, ut quemque formido tulerat, transversos aut obvios incurسابant.

XXXVII. Et Britanni, qui adhuc pugnae expertes summa collium insederant et paucitatem nostrorum vacui¹ spernebant, degredi paullatim et circumire terga vincentium cœperant: ni id ipsum veritus Agricola quatuor equitum alas, ad subita belli retentas, venientibus opposuisset, quantoque ferocius accurrerant, tanto acrius pulsos in fugam disiecisset. ita consilium Britannorum in ipsos versum: transveclæque præcepto ducis a fronte pugnantium alæ aversam hostium aciem invasere. Tum² vero patentibus locis grande et atrox spectaculum: sequi, vulnerare, capere atque eosdem oblatis aliis trucidare. jam hostium, prout cuique ingenium erat, catervæ armatorum paucioribus terga præstare; quidam inermes ultro ruere ac se morti offerre. passim arma et corpora et laceri artus et cruenta humus et aliquando etiam victis ira virtusque³. postquam silvis appropinquarunt, collecti primos sequentium incautos et locorum ignaros circumveniebant. quod ni frequens ubique Agricola validas et expeditas cohortes indaginis⁴ modo, et sicubi arctiora erant, partem equitum dimissis equis, simul rariores⁵ silvas equitem persultare

genus pugnae idem describit *Bell. Gall.* IV, 55. — 3. Ac proinde infirmior quam oportebat.

XXXVI. 1. Parva scuta sunt, oblongæ formæ, ex coriis confecta. — 2. Britannorum. — 3. Peditum Britannorum. — 4. Qui honestior erat propugnatore, c. 12. Sic Rhodius. Mss. cum ægra diu aut stantes.

XXXVII. 1. Dum sine opere essent. — 2. Cum sequentibus confer Sallustii locum, *Jugurth.* c. 101. — 3. Virgilius, *Æn.* II, 567:

Quondam etiam victis redit in præcordia virtus.

— 4. Venatorum vox, qui retibus sive plagis feras circumcludunt. — 5. Minus densas.

jussisset, acceptum aliquod vulnus per nimiam fiduciam foret. ceterum, ubi compositos firmis ordinibus sequi rursus videre, in fugam versi, non agminibus, ut prius, nec alius alium respectantes, rari et vitabundi invicem, longinqua atque avia petiere. finis sequendi nox et satietas fuit. cæsa hostium ad decem millia: nostrorum trecenti sexaginta cecidere, in quibus Aulus Atticus, præfectus cohortis, juvenili ardore et ferocia equi hostibus illatus.

XXXVIII. Et nox quidem gaudio prædaque læta victoribus. Britanni palantes mixtoque virorum mulierumque ploratu trahere vulneratos, vocare integros, deserere domos ac per iram ultro incendere; eligere latebras et statim relinquere; miscere invicem consilia aliqua, dein separare¹; aliquando frangi adspectu pignorum suorum², sæpius concitari; satisque constabat, sævisse quosdam in conjuges ac liberos, tamquam misererentur. Proximus dies faciem victoriæ latius aperuit. vastum ubique silentium, secreti³ colles, fumantia procul tecta, nemo exploratoribus obviis. quibus in omnem partem dimissis, ubi incerta fugæ vestigia, neque usquam conglobari hostes compertum, et exacta jam æstate spargi bellum⁴ nequibat, in fines Borestorum⁵ exercitum deducit. ibi acceptis obsidibus, præfecto classis *circumvehi Britanniam* præcepit. datæ ad id vires, et præcesserat terror. Ipse peditem atque equites lento itinere, quo novarum⁶ gentium animi ipsa transitus mora terrentur, in hibernis locavit. et simul classis secunda tempestate ac fama Trutulensem⁷ portum tenuit, unde⁸ proximo latere Britannia lecto omni redierat.

XXXIX. Hunc rerum cursum quamquam nulla verborum jactantia epistolis Agricolaë auctum, ut Domitiano moris erat, fronte lætus, pectore anxius excepit. inerat¹ conscientia, derisui fuisse nuper falsum e Germania triumphum, emptis per commercia quorum habitus et crinis in captivorum speciem formarentur: nunc veram magnamque victoriam, tot millibus hostium cæsis, ingenti fama celebrari. id sibi maxime formidolosum, privati hominis nomen supra Principis attolli: frustra studia fori et civilium artium decus in silentium acta, si militarem gloriam alius occuparet; et cetera utcumque facilius dissimulari: ducis boni imperatoriam virtutem esse. Talibus curis exercitus, quodque sævæ cogitationis indicium erat, secreto suo² satiatus, optimum in præsentia statuit, reponere odium, donec impetus famæ et favor exercitus languesceret. nam etiam tum Agricola Britanniam obtinebat.

LX. Igitur *triumphalia ornamenta et illustris¹ statuæ honorem* et quidquid pro triumpho datur, multo verborum honore cumulata, decerni in senatu jubet: addique insuper opinionem, Syriam provinciam² Agri-

XXXVIII. 1. Pro se quique consilia capere, non amplius *miscere* et communicare. — 2. Conjugum et liberorum. — 3. Solitarii, deserti. — 4. Vid. ad *Annal.* III, 21. — 5. Alii *Horestorum*. Gens alibi non memorata. — 6. Nuper Romanis acquisitarum. — 7. Unus codex *Trucculensem*. Nomen alibi non obviis. — 8. Refer ad *lecto*: quasi dictum esset: unde egressa legit omne latus Britannia et (eodem) rediit.

XXXIX. 1. Sc. ei. De re v. Plinium, *Panegyrr.* c. 16, Dionem Cass. LXVII, 4. — 2. De quo legendus Plinius, *Panegyrr.* c. 48. *Satiatus*, satis usus.

XL. 1. *Laureata* dicitur *Annal.* IV, 25, *triumphalis*, *Hist.* I, 79, ubi v. not. Adde Dionem Cass. LIV, 11 et 24, de iis quæ sub Imperatoribus dabantur loco triumphii Cæsaribus solis servati. — 2. Quæ ditissima, et cujus honor maximus, teste Herodiano II, 27. —

colæ destinari, vacuam tum morte Atilii Rufi consularis et majoribus³ reservatam. Credidere plerique, libertum ex secretioribus ministeriis missum ad Agricolam, codicillos⁴, quibus ei Syria dabatur, tulisse cum præcepto, *ut, si in Britannia foret, traderentur*: eumque libertum in ipso freto Oceani obvium Agricolæ, ne appellato⁵ quidem eo, ad Domitianum remeasse: sive verum istud, sive ex ingenio Principis fictum ac compositum est. Tradiderat interim Agricola successori suo provinciam quietam tutamque. ac ne notabilis celebritate et frequentia occurrentium introitus esset, vitato amicorum officio noctu in Urbem, noctu in palatium, ita ut præceptum erat, venit: exceptusque brevi osculo et nullo sermone, turbæ servientium immixtus est. ceterum, uti militare nomen, grave inter otiosos, aliis virtutibus temperaret, tranquillitatem atque otium penitus auxit⁶, cultu modicus, sermone facilis, uno aut altero amicorum comitatus: adeo ut plerique, quibus magnos viros per ambitionem æstimare mos est, viso adspectoque Agricola, quærerent famam, pauci interpretarentur⁷.

XLI. Crebro per eos dies apud Domitianum absens accusatus, absens absolutus est. causa periculi non crimen ullum aut querela læsi cujuscumque, sed infensus virtutibus Princeps, et gloria viri, ac, pessimum inimicorum genus, laudantes. et ea insecuta sunt reipublicæ tempora, quæ sileri Agricolam non sinerent: tot exercitus in Mœsia Daciaque et Germania et Pannonia temeritate aut per ignaviam ducum amissi¹: tot militares viri cum tot cohortibus expugnati et capti: nec jam de limite imperii et ripa², sed hibernis legionum et possessione dubitatum. ita quum damna damnis continuarentur, atque omnis annus funeribus et cladibus insigniretur, poscebatur ore vulgi dux Agricola: comparantibus cunctis vigorem, constantiam et expertum bellis animum cum inertia et formidine eorum³. Quibus sermonibus satis constat Domitiani quoque aures verberatas, dum optimus quisque libertorum amore et fide, pessimi malignitate et livore pronum deterioribus Principem exstimulabant. sic Agricola simul suis virtutibus, simul vitiis aliorum in ipsam gloriam⁴ præceps agebatur.

XLII. Aderat jam annus, quo proconsulatum Asiæ et Africæ sortiretur¹, et occiso Civica² nuper nec Agricolæ consilium deerat, nec Domitiano exemplum. accessere quidam cogitationum Principis periti, qui, *iturusne esset in provinciam*, ultro Agricolam interrogarent. ac primo occultius

3. Nobilioribus.—4. Litteras quibus jussa Imperatoria continebantur, ut *Annal.* I, 6.—5. Compellato.—6. Idem valet ac, sectabatur altissimum otium.—7. Plerique quærerent quomodo fama esse adeo magna posset hominis in quo tantam viderent simplicitatem; pauci externam simplicitatem altius inspicerent et quid latere in ea posset scrutarentur.

XLI. 1. Bello Dacico contra Decebalum, quod a. U. 89, p. Chr. 86 cœptum. *Germaniam* addit ob cladem in Marcomannorum finibus acceptam. Vid. Sueton. c. 6, Dionem Cass. LXVII, 6 et 7.—2. Danubii.—3. Excidisse videntur quædam de ducibus illis, adjecta per vocem *qui*, a qua scribæ ad sequens *quibus* aberraverint.—4. Quæ tum adeo pernicioiosa erat: quod sequentis vocis *præceps* delectu intelligitur.

XLII. 1. Nimirum utram earum regeret.—2. De quo Suetonius c. 10: *Complures senatores, in his aliquot consulares, interemit, ex quibus Civicam Cerealem in ipso Asiæ*

quietem et otium laudare, mox operam suam in approbanda³ excusatione offerre; postremo non jam obscuri, suadentes simul terrentesque pertraxere ad Domitianum. qui paratus simulatione, in arrogantiam compositus et audiit preces excusantis et, quum annuisset, agi sibi gratias passus est, nec erubuit beneficii invidia⁴; salarium⁵ tamen proconsulari solitum offerri, et quibusdam a se ipso concessum, Agricolaë non dedit; sive offensus, non petitum⁶, sive ex conscientia, ne, quod vetnerat, videretur emisse. Proprium humani ingenii est, odisse quem læseris: Domitiani vero natura præceps in iram, et, quo obscurior, eo irrevocabilior⁷, moderatione tamen prudentiaque Agricolaë leniebatur, quia non contumacia neque inani jactatione libertatis famam satumque provocabat. Sciant quibus moris est illicita⁸ mirari, posse etiam sub malis Principibus magnos viros esse; obsequiumque ac modestiam, si industria ac vigor adsint, eo laudis excedere⁹, quo plerique per abrupta, sed in nullum rei-publicæ usum, ambitiosa morte inclaruerunt.

XLIII. Finis vitæ ejus nobis luctuosus, amicis tristis, extraneis etiam ignoti que non sine cura fuit. vulgus quoque et hic aliud agens¹ populus et ventitavere ad domum et per fora et circulos locuti sunt: nec quisquam audita morte Agricolaë aut lætatus est, aut statim oblitus est. augebat miserationem constans rumor, *veneno interceptum*. nobis nihil comperti, nec firmare² ausim: ceterum per omnem valetudinem ejus, crebrius quam ex more principatus, per nuntios visentis et libertorum primi et medicorum intimi venere: sive cura illud, sive inquisitio erat. supremo quidem die momenta ipsa deficientis per dispositos cursores nuntiata constabat; nullo credente, sic accelerari, quæ tristis audiret. speciem tamen doloris animo vultuque³ præ se tulit, securus jam odii⁴, et qui facilius dissimularet gaudium quam metum. Satis constabat, lecto testamento Agricolaë, quo coheredem optimæ uxori et piissimæ filiæ Domitianum scripsit, lætatum eum velut honore judicioque. tam cæca et corrupta mens assiduus adulationibus erat, ut nesciret, a bono patre non scribi heredem, nisi malum Principem.

XLIV. Natus erat Agricola Caio Cæsare tertium consule idibus Juniis¹: excessit sexto et quinquagesimo anno, decimo kalendas Septembres Collega Priscoque Coss.² Quodsi habitum quoque ejus posteri noscere velint: decentior³ quam sublimior fuit. nihil metus⁴ in vultu, gratia oris supererat: bonum virum facile crederes, magnum libenter. Et ipse quidem,

proconsulatu.—5. Sc. Domitiano.—4. *Ne rougit pas d'un si odieux bienfait*, Burn. Non erubuit permittere, ut Agricola insignem injuriam sibi illatam tanquam beneficium agnosceret.—6. Ab Augusto primo institutum.—6. Sc. esse; eo quod non petitum esset.—7. Implacabilior.—8. Ad quæ contumacia et haud opportunum libertatis studium effert.—9. Ascendere, pervenire, quo plerique per abrupta neque per constantiam vitæ et morum pervenerunt.

XLIII. 1. Incuriosus. Cum hoc et sequentibus capitibus conferendus, quem imitari Tacitus putatur, Cicero *de Oratore*, III, 2 et 3. — 2. Editt. *affirmare*; inter quod et *comperti* aliquid exciderit. — 3. Animo quantum vultu ostenditur. — 4. Jam odium non curans, deponens.

XLIV. 1. Die 15 Junio anni U. 793, p. Chr. 40. — 2. Die 25 Augusto anni U. 846, p. Chr. 93. Quo efficitur 34, non 36 annorum spatium. Vitium igitur in his alicubi latere videtur.—3. *Bien proportionné*.—4. Nihil quod metum afferret adspicienti. — 5. Plene assecutus

quamquam medio in spatio integræ ætatis eruptus, quantum ad gloriam longissimum ævum peregit: quippe et vera bona, quæ in virtutibus sita sunt, impleverat⁵ et consulari, ac triumphalibus ornamentis prædito, quid aliud adstruere Fortuna poterat? Opibus nimis non gaudebat, speciosæ non contigerant⁶. filia atque uxore superstitibus potest videri etiam beatus, incolumi dignitate, florente fama, salvis affinitatibus et amicitiiis, futura effugisse. nam sicuti durare in hac beatissimi seculi luce ac Principem Trajanum videre, quod augurio⁷ votisque apud nostras aures ominabatur⁸, ita festinatæ mortis grande solatium tulit, evasisse postremum illud tempus, quo Domitianus non jam per intervalla ac spiramenta temporum, sed continuo et velut uno ictu rempublicam exhaussit.

XLV. Non vidit Agricola obsessam curiam et clausum armis senatum, et eadem strage tot consularium cædes, tot nobilissimarum feminarum exsilia et fugas¹. una adhuc victoria Carus Metius² censebatur, et intra Albanam arcem³ sententia Messalini strepebat, et Massa Bebius⁴ jam tum reus erat. mox nostræ⁵ duxere Helvidium in carcerem manus: nos Maurici Rusticique⁶ visus, nos innocenti sanguine Senecio perfudit. Nero tamen subtraxit oculos suos iussitque scelera, non spectavit: præcipua sub Domitiano miseriarum pars erat videre⁷ et adspici, quum suspiria nostra subscriberentur⁸, quum denotandis tot hominum palloribus sufficeret sævus ille vultus et rubor⁹, quo se contra pudorem muniebat.

Tu vero felix, Agricola, non vitæ tantum claritate, sed etiam opportunitate mortis, ut perhibent qui interfuerunt novissimis sermonibus tuis, constans et libens fatum excepisti; tamquam pro virili portione¹⁰ innocentiam Principi donares. sed mihi filiæque ejus, præter acerbitem parentis erepti, auget mœstitiam. quod assidere valetudini, fovere deficientem, satiari vultu complexuque non contigit. excepissemus certe mandata vocesque, quas penitus animo ngeremus. noster hic dolor, nostrum vulnus: nobis tam longæ absentiae conditione antè quadriennium amissus es. omnia sine dubio, optime parentum, assidente amantissima uxore, superfuere honori tuo: paucioribus tamen lacrimis compositus es, et novissima in luce desideravere aliquid oculi tui.

erat.—6. Quod testatur etiam Dio Cassius LXVI, 20.—7. Auguriis jam a. 844 monstrabatur Trajanus; Plin., *Panegyrr.*, c. 3.—8. Addi debebat, « ei non licuit »: quorum verborum sententia concipitur subjectis *ita FESTINATÆ mortis*: nihilominus hæc ellipsis Tacitearum durissima foret.

XLV. 1. Vid. Sueton. c. 40, Plinium *Epist.* III, 11. — 2. Famosissimus delator, qui illo tempore unum solum perverterat. — 3. Villam Albanam Domitiani, qui senatum eo nonnunquam vocabat, et ubi Catullus Messalinus accusabat bonos. De eo Plinius *Epist.* IV, 22, et Juvenal., IV, 113:

Grande et conspicuum nostro quoque tempore monstrum.

—4. Procurator Africae, exitiosus et multorum malorum causa; v. *Hist.* IV, 80. — 5. Senatorum. Plinius de ea re, *Epist.* IX, 43: « Inter multa scelera multorum nullum atrocius videbatur quam quod in senatu senator senatori, prætorius consulari, reo index » (Publicius Certus) manus intulisset. » Helvidius hic filius erat Helvidii a Vespasiano interfecti, de quo supra c. 2.—6. Hi fratres erant Junii: Mauricius in exsilium actus; de eo Plinius, *Epist.* III, 11; IV, 22. De Aruleni Rustici morte v. supra c. 2, item de Herennio Senecione. — 7. Domitianum videre reos et ipsum adspici. — 8. In delationum libellos subscriptis testibus referrentur.—9. Qui facile nascebatur Domitiano, cui *in ore impudentia multo rubore suffusa*, Plinius *Panegyrr.* c. 48.—10. Quantum in te fuit.

XLVI. Si quis piorum manibus locus, si, ut sapientibus placet, non cum corpore extinguuntur magnæ animæ, placide quiescas, nosque, domum tuam, ab infirmo desiderio et muliebribus lamentis ad contemplationem virtutum tuarum voces, quas neque lugeri neque plangi fas est: admiratione te potius et immortalibus laudibus, et, si natura suppeditet, similitudine decoremus. is verus honos, ea conjunctissimi cujusque pietas. Id filiæ quoque uxori praeceperim, *sic patris, sic mariti memoriam venerari, ut omnia facta dictaque ejus secum revolvant, formamque ac figuram animi magis, quam corporis, complectantur*: non quia intercedendum putem imaginibus¹, quæ marmore aut ære finguntur; sed ut vultus hominum, ita simulacra vultus imbecilla ac mortalia sunt; forma mentis æterna, quam tenere et exprimere non per aliam materiam et artem, sed tuis ipse moribus possis. Quidquid ex Agricola amavimus, quidquid mirati sumus, manet mansurumque est in animis hominum, in æternitate temporum, fama rerum. nam multos veterum velut inglorios et ignobiles oblivio obruet²: Agricola posteritati narratus et traditus superstes erit.

XLVI. 1. Vetandas putem imagines.— 2. Confer his Horatii locum, *Od.* IV, 9, 23 sq.

C. CORNELII TACITI GERMANIA.

ARGUMENTUM.

Cap. 1. Germaniæ situs et fines. — 2. Cur indigenæ putandi sint Germani. conditores gentis, nomina. — 3. eorum Hercules et baritus. Ulixes in Germaniam delatus. monumenta et tumuli Græcis litteris inscripti. — 4. Germani gens propria et sincera. — 5. terræ indoles. aurum argentumque in exiguo pretio. commercia. — 6. armorum genera. militia. — 7. reges, duces, sacerdotes. acies quomodo struantur. — 8. nonnunquam a feminis restituta. obsides. veneratio feminarum. Velela, Aurinia fatidicæ. — 9. cultus et sacra Germanorum. — 10. sortes. præsagiorum genera varia. — 11. consultationes, conventus publici, quo tempore, quo modo acti. — 12. penarum et mulctarum genera. principes qui et quomodo electi. — 13. nihil non armati agunt. primus juvenum publicus honor arma sumere. comitatus nobilium. — 14. bellica studia. — 15. in pace otium, feminis et senibus comum et agros curantibus. dona principibus data. — 16. ædificandi incolendique ratio. — 17. vestitus. — 18. matrimonium et dos. — 19. pudicitia feminarum. rari adulterii pœna, matrimonii sanctitas. — 20. liberorum educatio. successionis gradus. — 21. propinquorum tam inimicitia quam amicitia suscipiuntur: illæ tamen placibiles. hospitalitas. — 22. Germanorum vita quotidiana. in convivis deliberant de rebus publicis. — 23. potus, cibi. — 24. spectacula. furor alexæ. — 25. servi et libertini. — 26. fœnus ignotum. agricultura. — 27. funerum ritus.

Singulæ gentes et earum instituta. 28. Gallicæ originis gentes olim in Germaniam transgressæ Helvetii et Boii incertæ originis Aravisci et Osi. Germanicæ originis Treveri, Nervii, Vangiones, Triboci, Nemetes, Ubi. — 29. Batavi. Mattiaci. agri decumates. — 30, 31. Chatti. — 32. Usipii. Tencteri. — 33. Bructeri, Chamavi, Angrivarii. — 34. Dulgibini. Chasuari, Frisii. — 35. Chauci. — 36. Cherusci. Fosi. — 37. Cimbri. — 38. Suevi. horum nationes sunt: — 39. Semnones; — 40. Longobardi, Reudigni, Aviones, Anglii, Varini, Eudoses, Suardones, Nuthones; (ibidem de Nerthi cultu); — 41. Hermunduri; — 42. Narisci, Marcomani, Quadi; — 43. Marigni, Gothini, Osi, Buri, Lygii, et quinque alii, et Gothones, Rugii, Lemovii; — 44. Suiones; — 45. Æstii, Sitones. multa de succino. — 46. Peucini, Venedi, Fenni. fabulosi Hellusii, Oxiones.

I. Germania omnis¹ a Gallis Rætisque et Pannoniis Rheno et Danubio fluminibus, a Sarmatis Dacisque mutuo metu aut montibus separatur. cetera Oceanus ambit, latos sinus² et insularum immensa spatia³ complectens, nuper cognitis quibusdam gentibus ac regibus, quos bellum⁴ aperuit. Rhenus, Ræticarum Alpium inaccessio ac præcipiti vertice ortus, modico flexu in occidentem versus, septentrionali Oceano miscetur. Da-

I. 1. Universa. Et de universa Tacitus agit usque ad cap. 28, quo narrationem de singulis gentibus inchoat. — 2. Sinuata littora, sive terras sinuatis (in septentrionem) littoribus. *Sinus* de terræ parte sinuata vidimus *Annal.* IV, 5 et 67, *Agric.* c. 25. — 3. De Dania et Scandinavia cogitandum. Plinius, *Hist. nat.* IV, c. 27, § 96: « Sinus immanis qui Codanus vocatur, refertus insulis, quarum clarissima Scandinavia est, incomptæ magnitudinis, portionem tantum ejus... Hillevionum gente 300 incolente pagis, quæ alterum orbem terrarum eam appellat. Nec est minor opinione Eningia. » — 4. Drusi Germanici et Tiberii expeditiones, de quibus infra c. 34; Velleius Paterc. II, 106. Addi

nubius, molli et clementer edito montis Abnobæ jugo effusus, plures populos adit, donec in Ponticum mare sex meatibus erumpat: septimum⁵ os paludibus hauritur.

II. Ipsos Germanos indigenas crediderim minimeque aliarum gentium adventibus et hospitibus mixtos, quia nec¹ terra olim, sed classibus advehebantur qui mutare sedes quærebant², et immensus ultra utque sic dixerim adversus³ Oceanus raris ab orbe nostro navibus aditur. quis porro, præter periculum horridi et ignoti maris, Asia aut Africa aut Italia relicta Germaniam peteret, informem terris, asperam cælo, tristem cultu aspectuque, nisi si patria sit? Celebrant carminibus antiquis, quod unum apud illos memoriæ et annalium genus est, Tuistonem⁴ deum terra editum et filium Mannum⁵, originem gentis conditoresque. Manno tres filios assignant, e quorum nominibus proximi Oceano Ingævones, medii Hermiones, ceteri Istævones⁶ vocentur. Quidam, ut in licentia vetustatis, plures deo ortos pluresque gentis appellationes, Marsos, Gambrivos, Suevos, Vandilios⁷, affirmant, eaque vera et antiqua nomina. Ceterum Germaniæ vocabulum recens et nuper additum, quoniam qui primi Rhenum transgressi Gallos expulerint ac nunc Tungri⁸, tunc Germani vocati sint. ita nationis nomen, non gentis⁹, evaluisse paulatim, ut omnes primum a victore ob metum¹⁰, mox a se ipsis invento nomine Germani vocarentur.

III. Fuisse apud eos et Herculem¹ memorant, primumque omnium virorum fortium ituri in prælia canunt. sunt illis hæc² quoque carmina, quorum relatu, quem barditum³ vocant, accendunt animos futuræque pugnae fortunam ipso cantu augurantur. terrent enim trepidantve, prout sonuit acies; nec tam voces illæ quam virtutis concentus videntur. affectatur præcipue asperitas soni et fractum murmur objectis ad os scutis, quo plenior et gravior vox percussu intumescat. Ceterum et Ulixem quidam opinantur longo illo et fabuloso errore in hunc Oceanum delatum

potest naufragium Germanici, de quo *Annal.* II, 23 seq. — 5. Nam septem ostia Danubii vulgo ferebantur. Herodoto tamen est Ἰστρος πεντάστομος.

II. 1. Nec refertur ad sequens et: et quia non terra olim... et quia immensus etc. — 2. Celeberrimæ coloniae Phœnicum, Lydorum, Græcorum Tacito hic observabantur. Quarum numerus et gloria in causa erat ut præter morem suum levius hoc statueret. — 3. Ex adversa sive contraria nobis parte situs, velut antipodes, de quibus Cicero, *Academ.* II, 59: esse e contraria parte terræ qui ADVERSIS vestigiis stent contra vestigia nostra, quos antipodes vocatis. — 4. Pauci libri Tuisconem. — 5. Quasi dicas Hominem sive Virum. — 6. Vetustissimus codex *Isceevones*. In præcedenti nonnulli *Hermiones*. — 7. Etiam alibi nonnunquam Vandalorum nomen *Vandili* scriptum. — 8. Conf. *Hist.* IV, 15 seqq. Tungrorum nomen non est apud Cæsarem, qui alias nationes quattuor Germanorum nomine complectitur de *Bell. Gall.* II, 4; easdem nationes non novit Plinius, sed *Tungros* ponit IV, c. 31, § 106. — 9. Cujus pars est *natio*. — 10. Sc. injiciendum. (Conf. *Agric.* c. 44, nihil metus in vultu, et not.) Sententia: Germanorum nomen ab natione ita dicta paulatim ad universam gentem translatum est, sic, ut primum a victore (a Tungris) ita vocarentur, dicentibus ceteras a tergo nationes et ipsas Germanos esse et pariter timendos; deinde, invento hoc nomine generali gentis, etiam ipsi Germani assumebant. *Germani* quasi dicas Viri Armati vel Viri Bellatores. Similiter de nationibus ad gentem translata sunt nomina Ἑλληνες et Græci.

III. 1. Non hunc ipsum, sed heroem similem Herculis Græci, ut ipse Tacitus significat *infra* c. 34. — 2. Hæc, quia cognita Romanis, a pugnis. — 3. Sic vetustiores codices; alii *baritum* vel *barritum*. De Bardis non cogitandum, qui Gallis ubique tribuuntur, non Germanis. *Cantum trucem* vocat Tacitus *Hist.* II, 22. Frisica vox exstat *baria*, signifi-

adissee Germaniæ terras, Asciburgiumque, quod in ripa Rheni situm hodieque incolitur, ab illo constitutum nominatumque; aram quin etiam Ulixi⁴ consecratam adjecto Laertæ patris nomine⁵ eodem loco olim repertam, monumentaque et tumulos quosdam Græcis litteris inscriptos in confinio Germaniæ Rætiæque adhuc exstare. Quæ neque confirmare argumentis neque refellere in animo est: ex ingenio suo quisque demat vel addat fidem.

IV. Ipse eorum opinionibus accedo, qui Germaniæ populos nullis aliis aliarum nationum connubiis infectos propriam et sinceram et tantum sui similem gentem exstitisse arbitrantur. unde habitus quoque corporum, quamquam in tanto hominum numero, idem: omnibus truces et cærulei oculi, rutilæ comæ¹, magna corpora et tantum ad impetum valida: laboris atque operum non eadem patientia; minimeque sitim æstumque tolerare, frigora atque inedia² cælo solove assueverunt.

V. Terra etsi aliquanto specie differt, in universum tamen aut silvis horrida aut paludibus fœda, humidior, qua Gallias, ventosior, qua Noricum ac Pannoniam aspicit; satis¹ ferax, frugiferarum arborum impatiens, pecorum fecunda; sed plerumque improcera². ne armentis quidem suus honor aut gloria frontis³; numero gaudent; æque solæ et gratissimæ opes sunt. Argentum et aurum propitiine an irati dii negaverint, dubito. nec tamen affirmaverim, nullam Germaniæ venam argentum aurumve gignere; quis enim scrutatus est? Possessione et usu haud perinde⁵ afficiuntur. est videre apud illos argentea vasa, legatis et principibus eorum muneris data, non in alia vilitate⁶ quam quæ humo finguntur. quanquam proximi⁷ ob usum commerciorum aurum et argentum in pretio habent formasque⁸ quasdam nostræ pecuniæ agnoscunt atque eligunt: interiores simplicius et antiquius permutatione mercium utuntur. pecuniam probant veterem et diu notam, serratos⁹ bigatosque¹⁰. argentum quoque magis quam aurum sequuntur¹¹, nulla affectione animi, sed quia numerus argenteorum faciliôr usui est promiscua ac vilia mercantibus.

VI. Ne ferrum quidem superest¹, sicut ex genere telorum colligitur. rari gladiis aut majoribus lanceis² utuntur: hastas, vel ipsorum vocabulo *frameas*, gerunt angusto et brevi ferro, sed ita acri et ad usum habili,

cans clamorem.— 4. Ab Ulixe.— 5. Inscriptum Ὀδυσσεὺς Λαερτιάδης sibi videbantur agnoscere illi Græculi. Nescitur an illo jam tempore Germanis in usu fuerint *runæ* et Gothica litteræ, ceteroqui Græcis specie non absimiles.

IV. 1. Juvenalis, *Satir.* XIII, v. 164 seqq.:

Cærulea quis stupuit Germani lumina, flavam
Cæsariem et madido torquentem cornua cirro?
Nempe quod hæc illis natura est omnibus una.

—2. Repete *tolerare*.

V. 1. Est substantivum.— 2. Sc. sunt ea pecora.— 3. Poetarum dictio de cornubus. *Suus*, ei generi proprius.— 4. Nam quod de uno tantum loco narrat *Annal.* XI, 20, et infra c. 29, hic de universa Germania loquens recte neglexit.— 5. Sc. ac nos Romani.— 6. Eadem vilitate, non pluris æstimata.— 7. Sc. Romanis, Rhenum et Danubium accolentes.— 8. Τύπους.— 9. Denarios, quorum ora exterior in serræ modum incisa.— 10. Quibus bigarum nota impressa. Plinius, *Hist. nat.* XXXIII, 13: *Nota argenti fuere bigæ atque quadrigæ, et inde bigati quadrigatique dicti*.— 11. Sectantur, expetunt.

VI. 1. Apud eos abundat.— 2. Quæ erant latiori cuspidē; *frameæ*, angusta,

ut eodem telo, prout ratio poscit, vel cominus, vel eminus pugnent. et eques quidem scuto frameaque contentus est; pedites et missilia spargunt, plura singuli, atque in immensum vibrant nudi³ aut sagulo leves. nulla cultus jactatio, scuta tantum lectissimis coloribus distinguunt; paucis loricae, vix uni alterive cassis aut galea⁴. equi non forma, non velocitate conspicui; sed nec variare gyros in morem nostrum docentur: in rectum aut uno flexu dextros agunt ita conjuncto orbe, ut nemo posterior sit⁵. In universum aestimanti plus penes peditem roboris; eoque mixti praeliantur apta et congruente ad equestrem pugnam velocitate peditum⁶, quos ex omni juventute delectos ante aciem locant. definitur et numerus: centeni ex singulis pagis sunt idque ipsum⁷ inter suos vocantur; et quod primo numerus fuit, jam nomen et honor est. Acies per cuneos componitur. cedere loco, dummodo rursus instes, consilii quam formidinis arbitrantur. corpora suorum etiam in dubiis praeliis referunt. scutum reliquisse praecipuum flagitium; nec aut sacris adesse aut concilium inire ignominioso fas, multique superstites bellorum infamiam laqueo finierunt.

VII. Reges ex nobilitate, duces ex virtute sumunt. nec regibus infinita aut libera potestas, et duces exemplo potius quam imperio, si prompti, si conspectui, si ante aciem agant, admiratione¹ praesunt. ceterum neque animadvertere² neque vincere, ne verberare quidem, nisi sacerdotibus permissum: non quasi in poenam, nec ducis jussu, sed velut deo imperante, quem adesse bellantibus credunt; effigiesque³ et signa quaedam detracta lucis in praelium ferunt. quodque praecipuum fortitudinis incitamentum est, non casus nec fortuita conglobatio turmam aut cuneum facit, sed familiae et propinquitates et in proximo pignora⁴, unde feminarum ululatus audiri, unde vagitus infantium. hi cuique sanctissimi testes, hi maximi laudatores. ad matres, ad conjuges vulnera ferunt; nec illae numerare aut exigere⁵ plagas pavent, cibosque et hortamina pugnantibus gestant.

VIII. Memoriae proditur, quasdam acies inclinatas jam et labentes a feminis restitutas constantia precum et objectu pectorum et monstrata cominus captivitate¹, quam longe impatientius feminarum suarum nomine timent, adeo ut efficacius obligentur animi civitatum, quibus inter obsides puellae quoque nobiles imperantur². inesse quin etiam sanctum aliquid et providum putant³, nec aut consilia earum aspernantur aut responsa negligunt. vidimus sub divo Vespasiano Veledam⁵ diu apud

- 5. Id est, magna corporis parte nuda, ut Caesar dicit *Gall.* VI, 21. Conf. *Hist.* II, 22, ubi more patrio nudis corporibus eodem modo intelligendum. — 4. «Cassis de lamina (ferri) est, galea de corio.» Isidorus. — 3. Sc. eo juxta quem equitat. *Variantur* gyri hac forma ∞. — 6. Quod praeliandi genus equitum et peditum mixtorum describit Caesar *B. Gall.* I, 43. — 7. Eo ipso nomine; nimirum *centenorum*. Diversi ab his sunt *centeni* infra c. 12.

VII. 1. Sc. sui. — 2. Sc. in aliquem. — 3. Non deorum esse effigies, apparet ex c. 9. *Hist.* IV, 22: *depromptae silvis lucisve ferarum imagines, ut ei genti inire praelium mos est.* — 4. Uxores et liberi. — 5. Comparare inter se vulnera cum laude ejus qui honestiora tulerit.

VIII. 1. Confer Caesar *B. Gall.* I, 51, Plutarch. *Mario* c. 19, 27. — 2. Suetonius de Augusto, c. 21: *A quibusdam novum genus obsidum, feminas, exigere tentavit, quod negligere marium pignora sentiebat.* — 3. Conf. Caesar, I, 50. — 4. De qua *Hist.* III, 61, 63; V, 22 et 24. *Captivam* dicit Statius, *Silv.* I, 4, 89: hinc igitur et ex Taciti vocabulo

plerosque numinis loco habitam. sed et olim Auriniam⁵ et complures alias venerati sunt non adulatione, nec tanquam facerent deas⁶.

IX. Deorum¹ maxime Mercurium colunt², cui certis diebus humanis quoque hostiis³ litare fas habent. Herculem ac Martem⁴ concessis animalibus placant. pars Suevorum et Isidi⁵ sacrificat. unde causa et origo peregrino sacro, parum comperi, nisi quod signum ipsum, in modum Liburnæ⁶ figuratum, docet advectam religionem. Ceterum nec cohíbere parietibus deos, neque in ullam humani oris speciem assimilare, ex magnitudine cœlestium⁷ arbitrantur. lucos ac nemora consecrant, deorumque nominibus appellant secretum illud, quod sola reverentia vident⁸.

X. Auspicia sortesque ut qui maxime observant. sortium consuetudo simplex: virgam frugiferæ arbori decisam in surculos amputant¹, eosque notis quibusdam discretos super candidam vestem temere ac fortuito spargunt. mox, si publice consulitur, sacerdos civitatis; sin privatim, ipse pater familiæ precatus deos eorumque suspiciens ter singulos tollit, sublatis secundum impressam ante notam interpretatur. si prohibuerunt, nulla de eadem re in eundem diem consultatio; sin permissum, auspicio- rum adhuc fides exigitur. et illud quidem etiam hic notum, avium voces volatusque interrogare. Proprium gentis², equorum quoque præsentia ac monitus experiri. publice aluntur iisdem nemoribus ac lucis candidi et nullo mortali opere contacti, quos pressos sacro curru³ sacerdos ac rex vel princeps civitatis comitantur hinnitusque ac fremitus observant. nec ulli auspicio major fides non solum apud plebem, apud⁴ procures, apud sacerdotes: se enim ministros⁴ deorum, illos conscios putant. Est et alia observatio auspicio- rum, qua gravium bellorum eventus explorant. ejus gentis, cum qua bellum est, captivum quoquo modo interceptum cum electo popularium suorum patriis quemque armis committunt: victoria hujus vel illius pro præjudicio accipitur⁵.

vidimus efficitur eam Romam fuisse perductam. — 3. Antiquissimus codex *Auarinam*; nonnulli *Albriniam*. Commune nomen magarum et fatidicarum mulierum in Germania multis (cum levi depravatione) memoratum, *Alirunæ*, pro proprio nomine habitum est a Tacito. Virginei Γάρραν vel Γάρραν, quæ Veledeæ successerit, memorat Dio Cassius. — 6. Adde, sed ut quæ essent (collatis quæ dicta sunt *Hist.* IV, 61). Senatus per adulationem *faciebat* deas, ut Drusillam Caligulae sororem et quadrimestrem filiolam Neronis ex Poppæa.

IX. 1. Quos ipse Tacitus confitetur infra c. 45 se memorare ex interpretatione Romana. Cæsar deos quos noverat non invenit apud eos; quod sic testatur, *Bell. Gall.* VI, 21, *Deorum numero eos solos ducunt, quos cernunt et quorum aperte opibus juvantur, Solem et Vulcanum et Lunam: reliquos ne fama quidem acceperunt.* — 2. Adde Cæs. *ibid.* c. 17. Paulus Diaconus: *Wodan sane ipse est qui apud Romanos Mercurius dicitur.* Unde Mercurii dies Germanis olim *Wodanstag*, angl. *Wednesday*. — 3. In primis captivorum et servorum. — 4. Hercules (adde c. 5 init.) qui fuerit Germanis, ignotum. Martem alii *Tyr* esse putant, unde *Tysdag*, angl. *Tuesday*, Martis dies: alii *Thor*, quem Jovis diei tribuerunt. Frisii a Bonifacio jubentur ejurare patrios deos *Thunaer* et *Wodan*. — 5. Videtur esse *Frigga* s., *Freya*, Odini uxor, dea alma Scandinavorum, ut Isis Ægyptiorum. Unde Veneris dies *Freitag*, angl. *Friday*. — 6. Poeticum pro Liburnicæ. Ignotum qualem formam Romani pro navi ceperint. Sunt qui Lunam a Cæsare (not. 1) memoratam huc referant. — 7. Dignum magnitudine cœlestium. — 8. Conf. *Hist.* V, 8; II, 78.

X. 1. similem divinationem etiam Sacræ Litteræ produnt, Hosea, IV, 12. — 2. Velut Persarum. — 3. Poetis propria locutio pro, subjunctos currui. — 4. Sic validior est oppositio quam si diceretur, *sed apud procures*. — 5. Eundem cum hoc ritu fontem habent mediæ ævi *ordalia* sive *judicia Dei*.

XI. De minoribus rebus principes consultant, de majoribus omnes; ita tamen, ut ea quoque, quorum penes plebem arbitrium est, apud principes pertractentur. coeunt¹, nisi quid fortuitum et subitum incidit, certis diebus, quum aut inchoatur luna aut impletur: nam agendis rebus hoc auspicatissimum initium credunt. nec dierum numerum, ut nos, sed noctium computant²; sic constituunt, sic³ condicunt: nox ducere diem videtur³. Illud ex libertate vitium, quod non simul nec ut jussi conveniunt, sed et alter et tertius dies cunctatione coeuntium absumitur. ut turbæ placuit, considunt armati⁴. silentium per sacerdotes, quibus tum et coercendi jus est, imperatur. mox rex vel princeps, prout ætas cuique, prout nobilitas, prout decus bellorum, prout facundia est, audiuntur auctoritate suadendi magis quam jubendi potestate. si displicuit sententia, fremitu aspernantur; sin placuit, frameas concutiunt⁵. honoratissimum assensus genus est armis laudare.

XII. Licet apud concilium accusare quoque et discrimen capitis intendere. distinctio pœnarum ex delicto: proditores et transfugas arboribus¹ suspendunt, ignavos et imbelles et corpore infames cœno ac palude injecta insuper crate mergunt. diversitas supplicii illuc respicit, tanquam scelera ostendi oporteat, dum puniuntur, flagitia abscondi. sed et levioribus delictis pro modo pœna; equorum pecorumque numero convicti mulctantur. pars mulctæ regi vel civitati, pars ipsi, qui vindicatur, vel propinquis ejus exsolvitur. Eliguntur in iisdem conciliis et principes, qui jura per pagos vicosque reddunt. centeni singulis ex plebe comites² consilium simul et auctoritas adsunt.

XIII. Nihil autem neque publicæ neque privatæ rei nisi armati agunt. sed arma sumere non ante cuiquam moris, quam civitas suffecturum probaverit. tum in ipso concilio vel principum aliquis vel pater vel propinquus scuto frameaque juvenem ornant; hæc apud illos toga¹, hic primus juventæ honos: ante hoc domus pars videntur, mox reipublicæ. Insignis nobilitas aut magna patrum merita principis dignationem² etiam adolescentulis assignant; ceteris robustioribus ac jam pridem probatis aggregantur, nec rubor inter comites aspicitur. gradus quin etiam ipse comitatus habet judicio ejus, quem sectantur; magnaue et comitum æmulatio, quibus primus apud principem suum locus, et principum cui plurimi et acerrimi comites: hæc dignitas, hæc vires. magno semper electorum juvenum globo circumdari, in pace decus, in bello præsidium. nec solum in sua gente cuique, sed apud finitimas quoque civitates id nomen, ea gloria est, si numero ac virtute comitatus emineat. expetuntur enim lega-

XI. 1. Sub divo, in campis, silvis, montibus. — 2. Cujus rei monumentum restat in lingua Anglica, *sennight, fortnight* (*seven nights, fourteen nights*) dicente septem, quattuordecim dierum spatium. Eandem rem de Gallis refert Cæsar, VI, 18. — 3. Sic in Sacris quoque Litteris nox præponitur diei. Cæsar loco cit.: *Mensium et annorum initia sic observant Galli, ut noctem dies subsequatur.* — 4. Sc. ad consultandum. — 5. Conf. *Hist. V*, 17, Cæsar VII, 21.

XII. 1. Quæ quidem frondibus orbatæ essent. Postea his substituta patibula. — 2. Distinguendi hi *ex plebe comites* a *comitatu*, de quo capite seq.

XIII. 1. Apud Romanos *togam* sumendo juvenis inter viros recipiebatur. — 2. Locum honestum apud principem.

tionibus et muneribus ornantur, et ipsâ plerumque famâ bella profligant.

XIV. Quum ventum in aciem, turpe principi virtute vinci; turpe comitatu virtutem principis non adæquare. jam vero infame in omnem vitam ac probrosum superstitem principi suo ex acie recessisse.¹ illum defendere, tueri, sua quoque fortia facta gloriæ ejus assignare præcipuum sacramentum est. principes pro victoria pugnant, comites pro principe. si civitas, in qua orti sunt, longa pace et otio torpeat, plerique nobilium adolescentium petunt ultro eas nationes, quæ tum bellum aliquod gerunt, quia et ingrata genti quies, et facilius inter ancipitia clarescunt, magnumque comitatum non nisi vi belloque tueare. exigunt enim, principis sui liberalitate, illum bellatorem equum, illam cruentam victricemque framæam. nam epulæ, quanquam incompti, largi tamen apparatus pro stipendio cedunt. materia munificentiae per bella et raptus. nec arare terram aut expectare annum² tam facile persuaseris, quam vocare hostem et vulnera mereri. pigrum quin imo et iners videtur sudore acquirere quod possis sanguine parare.

XV. Quoties bella non ineunt, non multum venatibus¹, plus per otium transigunt, dediti somno ciboque, fortissimus quisque ac bellicosissimus nihil agens, delegata domus et penatium et agrorum cura feminis senibusque et infirmissimo cuique ex familia. ipsi he bent mira diversitate naturæ, quum iidem homines sic ament inertiam et oderint quietem. Mos est civitatibus ultro ac viritim conferre principibus vel armentorum vel frugum quod pro honore acceptum etiam necessitatibus subvenit. gaudent præcipue finitimarum gentium donis, quæ non modo a singulis, sed publice mittuntur, electi equi, magna arma, phaleræ torquesque. jam et pecuniam accipere docuimus.

XVI. Nullas Germanorum populis urbes¹ habitari satis notum est; ne pati quidem inter se junctas sedes. colunt discreti ac diversi, ut fons, ut campus, ut nemus placuit. vicos locant, non in nostrum morem connexis et coherentibus ædificiis: suam quisque domum spatio circumdat, sive adversus casus ignis remedium, sive insectia ædificandi. ne cæmentorum quidem apud illos aut tegularum usus: materia ad omnia utuntur informi et citra² speciem aut delectationem. quædam loca diligentius illinunt terra ita pura ac splendente, ut picturam ac lineamenta colorum imitetur. solent et subterraneos specus aperire eosque multo insuper fimo onerant, suffugium hiemi et receptaculum frugibus: quia rigorem frigorum ejus-

XIV. 1. Exemplum refert Ammianus Marcellinus XVI. 12: *Comites Chrodomarii, Alemannorum regis, ducenti numero et tres amici junctissimi flagitium arbitrati post regem vivere vel pro rege non mori, si ita tulerit sors, tradidere se vinciendos.* — 2. Conf. ad *Agric.* c. 51.

XV. 1. His verbis corrigere voluisse videtur Tacitus quod Cæsar dixerat nimium, *B. Gall.* VI, 21: *Vita omnis Germanorum in venatione atque in studiis rei militaris consistit.*

XVI. 1. Nimirum muris circumdatas et ædificiorum ornatu insignes. Ammianus Marcellinus etiam de sui temporis Germanis (XVI, 2): *Ipsa oppida, ut circumdata retibus lustra, declinant.* Neque in bellis contra Germanos urbium oppugnataram, obsessarum, captarum fit mentio. Tencteri (*Hist.* IV, 64) Agrippinensibus urbem habitantibus dixerunt: *etiam fera animalia, si clausa teneas, virtutis obliviscuntur.* — 2. Vid. ad *Agric.* c. 1, not. 5.

modi locis molliunt, et si quando hostis advenit, aperta populatur, abdita autem et defossa aut ignorantur aut eo ipso fallunt, quod quaerenda sunt.

XVII. Tegumen omnibus sagum fibulâ aut, si desit, spinâ consertum; cetera infecti totos dies juxta focum atque ignem agunt¹. locupletissimi veste distinguuntur non fluitante, sicut Sarmatæ ac Parthi, sed stricta et singulos artus exprimente. gerunt et ferarum pelles, proximi ripæ² negligenter, ultiores exquisitius, ut quibus nullus per commercia cultus. eligunt feras et detracta vélamina spargunt maculis pellibusque³ belluarum, quas exterior Oceanus atque ignotum mare gignit. nec alius feminis quam viris habitus, nisi quod feminae sæpius lineis amictibus velantur, eosque purpura variant⁴, partemque vestitus superioris in manicas non extendunt, nudæ brachia ac lacertos⁵; sed et proxima pars pectoris patet.

XVIII. Quanquam severa illic matrimonia, nec ullam morum partem magis laudaveris. nam prope soli barbarorum singulis uxoribus contenti sunt, exceptis admodum paucis, qui non libidine¹, sed ob nobilitatem plurimis nuptiis ambiuntur. dotem non uxor marito, sed uxori maritus offert. intersunt parentes et propinqui ac munera probant, munera non ad delicatas muliebres quæsitæ, nec quibus nova nupta comatur, sed boves et frenatum equum et scutum cum framea gladioque. in² hæc munera uxor accipitur, atque invicem ipsa armorum aliquid viro affert. hoc maximum vinculum, hæc arcana sacra, hos conjugales deos³ arbitrantur. ne se mulier extra virtutum cogitationes extraque bellorum casus putet, ipsis incipientis matrimonii auspiciis admonetur venire se laborum periculorumque sociam, idem in pace, idem in prælio passuram ausuramque. hoc juncti boves, hoc paratus equus, hoc data arma denuntiant; sic⁴ vivendum, sic pereundum; accipere se, quæ liberis inviolata ac digna reddat, quæ nurus accipiant rursusque ad nepotes referantur.

XIX. Ergo septa¹ pudicitia agunt, nullis spectaculorum illecebris, nullis conviviorum irritationibus corruptæ. litterarum secreta² viri pariter ac feminae ignorant. paucissima in tam numerosa gente adulteria, quorum poena præsens et maritis permissa. abseisis erinibus nudatam coram propinquis expellit domo maritus ac per omnem vicum verbere

XVII. 1. Caesar, *B. Gall.* VI, 21: *Pellibus aut parvis rhenorum tegumentis utuntur, magna corporis parte nuda.* Et c. 1: *Locis frigidissimis neque vestitus præter pelles habent quicquam (quarum propter exiguitatem magna est corporis pars aperta), et lavantur in fluminibus.* — 2. Sc. Rheni, fortasse etiam Danubii. Hi igitur, ad quos per commercia molliores vestes perlata, ornatum non querebant in pellibus, quibus pauperissimi necessitate utebantur; ditiores sibi alias parabant non pelliceas. — 3. Frustulis ex pellibus aliorum animalium, ut mustelarum erminiarum, si quidem littora Oceani intelligenda sunt, nec mare ipsum et belluæ marinæ. *Piscium cutis*, qua Seythas se velare dixit Pomponius Mela, ut ornamentum memoratur etiam in Nibelungis. — 4. Non Tyria illa sive ostro, sed ex fruticibus floribusve parata. — 5. *Brachia* vocantur a manibus ad cubitum, *lacerti* a cubito ad humerum.

XVIII. 1. Sc. plures ducunt: quod ex sequentibus intelligitur nova notione auctis. *Ambiuntur*, expetuntur a parentibus filiarum. Conf. Virgil. *Æn.* VII, 333. — 2. In conditionem exprimit et respondet græco ἐπὶ τοῦτοις τοῖς ὥποις. — 3. *Conjugalia* deorum apud Romanos nomina et species vide ap. S. Augustinum, *Civ. Dei* VI, 9, et notas p. 255 meæ editionis (apud Gaurie). — 4. Sic, nimirum nullius rei quæ ad maritum pertinet, ne belli quidem, immunem.

XIX. 1. Munita, a qua arcentur aliena. — 2. Res secretas et turpes litterarum usu com-

agit. publicatæ enim pudicitiae nulla venia; non forma, non ætate, non opibus maritum invenerit. nemo enim illic vitia ridet, nec corrumpere et corrumpi *sæculum*³ vocatur. melius quidem adhuc eæ civitates, in quibus tantum virgines nubunt⁴ et cum spe votoque uxoris semel transigunt⁵. sic unum accipiunt maritum quomodo unum corpus unamque vitam, ne ulla cogitatio ultra, ne longior cupiditas, ne tanquam maritum, sed tanquam matrimonium ament. numerum liberorum finire aut quemquam ex agnatis necare flagitium habetur⁶; plusque ibi boni mores valent quam alibi bonæ leges.

XX. In omni domo nudi ac sordidi in hos artus, in hæc corpora, quæ miramur, excrescunt. suam quemque mater uberibus alit, nec ancillis ac nutricibus delegantur. dominum ac servum nullis educationis deliciis dignoscas; inter eadem pecora, in eadem humo degunt, donec ætas separet ingenuos, virtus agnoscat. sera¹ juvenum venus eoque inexhausta pubertas. nec virgines festinantur; eadem juvena, similis proceritas: pares validæque miscentur; ac robor parentum liberi referunt. sororum filiis idem apud avunculum, qui ad patrem honor. Quidam sanctiorem arctioremque hunc nexum sanguinis arbitrantur et in accipiendis obsidibus magis exigunt, tanquam ii et animum firmitus et domum latius teneant². Heredes tamen successoresque sui cuique liberi, et nullum testamentum. si liberi non sunt, proximus gradus in possessione fratres, patrui, avunculi. quanto plus propinquorum, quo major affinium³ numerus, tanto gratiosior senectus; nec ulla orbitatis pretia⁴.

XXI. Suscipere tam inimicitias seu patris seu propinqui quam amicitias necesse est; nec implacabiles durant. luitur enim etiam homicidium certo armentorum ac pecorum numero, recipitque satisfactionem universa domus, utiliter in publicum, quia periculosiores sunt inimicitiae juxta libertatem. Convictibus et hospitibus non alia gens effusius indulget¹: quemcumque mortaliū arcere tecto nefas habetur; pro fortuna quisque apparatus epulis excipit. quum defecere, qui modo hospes fuerat, monstrator hospitii et comes: proximam domum non invitati adeunt, nec interest: pari humanitate accipiuntur. notum ignotumque, quantum ad jus hospitis, nemo discernit. abeunti si quid poposcerit concedere moris; et poscendi invicem eadem facilitas. gaudent muneribus; sed nec data imputant², nec acceptis obligantur. victus inter hospites comis.

XXII. Statim e somno, quem plerumque in diem extrahunt, lavantur, sæpius calida, ut apud quos plurimum hiems occupat. lauti cibum capiunt; separatæ singulis sedes et sua cuique mensa. tum ad negotia nec

municandas. — 3. Sæculi (præsentis) ingenium: a quo severiora, tanquam pristinorum sæculorum, jam absint. — 4. Divortio ignoto vel vetito. Romæ divortia frequentissima. — 5. Neutraliter, pro, vita tota agitur. — 6. Vide notam s ad *Hist.* V, s.

XX. 1. Conf. Cæsarem, VI, 21. — 2. Quasi ii, qui illos exigunt, talibus obsidibus et animum eorum, qui dederant eos, firmitiori vincolo complectantur, et majorem familiæ partem sibi obligatam teneant. — 3. *Affines* sunt qui per matrimonia propinqui sunt. — 4. Quæ magna erant Romæ: vide *Annal.* XV, 19, et lepidam satiram Horatii quintam libri II.

XXI. 1. Eadem narrat Cæsar, VI, 25. — 2. De hoc verbo v. ad *Hist.* I, 38.

minus sæpe ad convivia procedunt armati. diem noctemque continuare potando nulli probrum. crebræ, ut inter vinolentos¹, rixæ raro conviciis, sæpius cæde et vulneribus transiguntur. sed de reconciliandis invicem inimiciis et jungendis affinitatibus et asciscendis principibus, de pace denique ac bello, plerumque in conviviis consultant, tanquam nullo magis tempore aut ad simplices² cogitationes pateat animus, aut ad magnas incalescat. gens non astuta nec callida aperit adhuc secreta pectoris licentia joci³: ergo detecta et nuda omnium mens postera die retractatur⁴; et salva utriusque temporis ratio est: deliberant, dum fingere nesciunt; constituunt, dum errare non possunt.

XXIII. Potui humor ex hordeo aut frumento in quandam similitudinem vini corruptus¹; proximi ripæ et vinum mercantur. Cibi simplices: agrestia poma, recens fera aut lac concretum². sine apparatu, sine blandimentis expellunt famem; adversus sitim non eadem temperantia. si indulgentis ebrietati suggerendo quantum concupiscunt, haud minus facile vitiis quam armis vincentur.

XXIV. Genus spectaculorum unum atque in omni cœtu idem. nudi juvenes, quibus id ludicrum est, inter gladios se atque infestas frameas saltu jaciunt. exercitatio artem paravit, ars decorem, non in quæstum tamen aut mercedem: quamvis audacis lasciviæ pretium est voluptas spectantium. Aleam, quod mirere, sobrii inter seria exercent, tanta lucrum di perdendive temeritate, ut, quum omnia defecerunt, extremo ac novissimo jactu de libertate ac de corpore contendant. victus voluntariam servitutem adit: quamvis juvenior, quamvis robustior, alligari se ac vendere patitur. ea est in re prava pervicacia: ipsi *fidem* vocant. servos conditionis hujus per commercia tradunt, ut se quoque pudore victoriæ exsolvant.

XXV. Ceteris servis non in nostrum morem descriptis per familiam ministeriis¹ utuntur; suam quisque sedem, suos penates regit. frumenti modum dominus aut pecoris aut vestis ut colono injungit, et servus hactenus paret. cetera domus² officia uxor ac liberi exsequuntur. verberare servum ac vinculis et opere coercere³ rarum; occidere solent, non disciplina et severitate, sed impetu et ira, ut inimicum, nisi quod impune. liberti non multum supra servos sunt: raro aliquod momentum in domo, nunquam in civitate, exceptis dumtaxat iis gentibus quæ regnantur. ibi enim et super ingenuos et super nobiles ascendunt: apud ceteros impares⁴ ibertini libertatis argumentum sunt.

XXII. 1. Dicitur etiam de temulentia ex alio ac vini potu orta. — 2. Quæ sine fuco sint et simulatione aut dissimulatione. Vide sequentia: *aperit* etc. — 3. Respiciendo ad Romanos aliosque populos cultos, qui vel in convivali hilaritate dissimulant. — 4. Similem morem Persarum narrat Herodotus, I, 133.

XXIII. 1. *Corrumpi* dicuntur quorum natura mutatur, ut *vestis ostro corrupta*; hic est, fermentando mutatus. *Ripæ*, vid. not. 2 ad c. 17. — 2. Conf. Cæsarem, VI, 22.

XXV. 1. Erant Romanis servi atrienses, scoparii, vocatores, cursores, balneatores, lecticarii, obsonatores, pistores, coqui; dispensatores. et alii plurimi. — 2. Intellige domini, non servi. *Cetera*, quæ sunt præter illa a servo præstanda, modo memorata. — 3. Quod frequentissimum et sævum apud Romanos — 4. Inferiores ingenuis.

XXVI. Fœnus agitare et in usuras extendere¹ ignotum; ideoque magis servatur² quam si vetitum esset. Agri pro numero cultorum ab universis vicis³ occupantur, quos mox inter se secundum dignationem partiuntur. facilitatem partiendi camporum spatia præstant. arva per annos mutant⁴, et superest ager. nec enim cum ubertate et amplitudine soli labore contendunt⁵, ut pomaria conserant et prata separent et hortos rigent: sola terræ seges imperatur. unde annum quoque ipsum non in totidem digerunt species. hiems et ver et æstas intellectum ac vocabula habent, auctumni perinde nomen ac bona ignorantur⁶.

XXVII. Funerum nulla ambitio¹; id solum observatur, ut corpora clarorum virorum certis lignis cumentur. struem rogi nec vestibus nec odoribus cumulant²: sua cuique arma, quorundam igni et equus adjicitur³. sepulcrum cespes erigit; monumentorum arduum et operosum honorem, ut gravem defunctis, aspernantur. lamenta ac lacrimas cito, dolorem et tristitiam tarde ponunt. feminis lugere honestum est, viris meminisse.

Hæc in commune de omnium Germanorum origine ac moribus accepimus. nunc singularum gentium instituta ritusque, quatenus differant, quæ nationes e Germania in Gallias commigraverint, expediām.

XXVIII. Validiores olim Gallorum res fuisse summus auctorum divus Julius tradit¹; eoque credibile est etiam Gallos in Germaniam transgressos. quantulum enim annis obstabat, quominus, ut quæque gens evaluerat, occuparet permutaretque sedes promiscuas adhuc et nulla regnorum potentia divisas? Igitur inter Hercyniam silvam Rhenumque et Mœnum amnes Helvetii, ulteriora² Boii, Gallica utraque gens, tenere. manet adhuc Boiheimi nomen signatque loci veterem memoriam, quamvis mutatis cultoribus³. sed utrum Aravisci in Pannoniam ab Osis⁴, Germanorum natione, an Osi ab Araviscis in Germaniam commigraverint, quum eodem adhuc sermone, institutis, moribus utantur, incertum est: quia pari olim inopia ac libertate eadem utriusque ripæ bona malaque erant. Treveri et Nervii circa affectationem Germanicæ originis ultro ambitiosi sunt, tanquam per hanc gloriam sanguinis a similitudine et inertia Gallorum separentur. Ipsam Rheni ripam haud dubie Germanorum populi colunt, Vangiones, Triboci, Nemetes. ne Ubii quidem, quanquam Ro-

XXVI. 1. Ita ut etiam usurarum fœnus agitetur, ex ipsis usuris usuræ capiantur sortī adjectis: qui est *anatocismus*. — 2. Sc. abstinentia fœnoris, sive, non fœnerare, quod ex sententia totius loci supplendum. De legibus Rom. conf. *Annal.* VI, 16, et nott. — 3. *Vicos* appellare Tacitus videtur quas *gentes cognationesque hominum qui una coierint* Cæsar *B. Gall.* VI, 22, item de Suevis IV, 1, quibus locis noster locus exponitur. Pauci manuscrr. *universi in vices*. — 4. *Anno post alio transire cogunt*, Cæsar. — 5. Certant: non id agunt ut per laborem (laboriosum cultum) superent agri naturam et producere cogant quæ non sponte fert pluraque quam pro ambitu. — 6. Quod Anglica lingua verum esse probat, qua ver, æstas, hiems germanicis vocabulis dicuntur *spring*, *summer*, *winter*, auctumnus latino *autumn*. Nam *harvest* (germanicum *herbst*, auctumnus) ipsis significat messem.

XXVII. 1. Ostentatio, qualis erat in Romanorum funeribus. — 2. Conf. narrata de Poppææ obsequiis *Annal.* XVI, 6, et not. — 3. Similes ritus Scytharum (Herodot. IV, 71), Gallorum (Cæsar VI, 19).

XXVIII. 1. *Bell. Gall.* VI, 24 et 25. *Summus auctorum*, scriptor in hac re præ ceteris eminentis auctoritatis. — 2. Sc. occidentem versus. — 3. Vide c. 42. — 4. De quibus adde

mana colonia esse meruerint ac libentius Agrippinenses conditoris sui³ nomine vocentur, origine erubescunt, transgressi olim et experimento fidei⁶ super ipsam Rheni ripam collocati⁷, ut arcerent, non ut custodirentur.

XXIX. Omnium harum gentium virtute præcipui Batavi non multum ex ripa¹, sed insulam Rheni amnis colunt, Chattorum quondam populus et seditione domestica in eas sedes transgressus, in quibus pars Romanæ imperii fierent². manet honos et antiquæ societatis insigne. nam nec tributis contemnuntur³, nec publicanus atterit; exempti oneribus et collationibus et tantum in usum præliorum sepositi velut tela atque arma bellis reservantur⁴. Est in eodem obsequio et Mattiacorum gens. protulit enim magnitudo populi Romani ultra Rhenum ultraque veteres terminos imperii reverentiam. ita sede finibusque in sua ripa, mente animoque nobiscum agunt, cetera similes Batavis, nisi quod ipso adhuc terræ suæ solo et cælo acrius animantur. Non numeraverim inter Germaniæ populos, quanquam trans Rhenum Danubiumque consederint, eos qui Decumates agros⁵ percent. levissimus quisque Gallorum et inopia audax decumatiæ possessionis solum occupavere. mox limite acto promotisque præsidiis sinus⁶ imperii et pars provinciæ habentur.

XXX. Ultra hos Chatti initium sedis ab Hercynio saltu inchoant, non ita effusis ac palustribus locis, ut ceteræ civitates, in quas Germania patescit; durant siquidem colles, paulatim rarescunt, et Chattos suos saltus Hercynius prosequitur simul atque deponit¹. duriora genti corpora, stricti² artus, minax vultus et major animi vigor. multum ut inter Germanos³ rationis ac sollertiæ: præponere electos, audire præpositos, nosse ordines, intelligere occasiones, differre impetus, disponere diem, vallare noctem, fortunam inter dubia, virtutem inter certa numerare, quodque rarissimum nec nisi Romanæ disciplinæ concessum, plus reponere in duce quam in exercitu. omne robur in peditæ, quem super arma ferramentis quoque et copiis onerant. alios ad prælium ire videas, Chattos ad bellum⁴: rari excursus et fortuita pugna. Equestrium sane virium id proprium, cito parare victoriam, cito cedere. velocitas juxta formidinem, cunctatio propior constantiæ est.

XXXI. Et aliis Germanorum populis usurpatum¹ raro et privatâ cujusque audentiâ apud Chattos in consensum vertit, ut primum adoleverint, crinem barbamque submittere, nec nisi hoste cæso exuere votivum obligatumque virtuti oris habitum. super sanguinem et spolia revelant fron-

c. 43. — 3. Proprie *conditricis*, Agrippinæ. Vide *Annal.* XII, 27. — 6. Conf. Cæsarem, IV, 16. — 7. Ab Agrippa, genere Augusti. *Arcerent* nimirum hostes a finibus imperii Romani.

XXIX. 1. Sc. Gallica. — 2. Factum est ut fierent; de eventu, non de consilio. — 3. Tributis impositis contemptus victoris ipsis ostenditur. — 4. Conf. *Hist.* IV, 12, et V, 25. — 5. Idem esse videntur qui *decumani agri*, a *decumis* dicti, quas coloni ex agrorum proventus pendebant, hi populi haud dubie, ut Romanorum armis tuti præstarentur ab incursionibus. Fines illius tractus incerti. — 6. Vid. not. 2 ad c. 1.

XXX. 1. Ita ut Chattorum fines sint ubi montes in plana desinunt. — 2. Densi et solidi, non flaccidi et pendentes. — 3. Non in universum, sed pro ratione et modo Germanorum. — 4. Eandem distinctionem vide *Hist.* II, 40, ubi vide not.

XXXI. 1. Est subjectum, quocum conjungenda sequentia adverbialiter dicta: rarus

tem², seque tum demum pretia nascendi retulisse dignosque patria ac parentibus ferunt. ignavis et imbellibus manet squalor. fortissimus quisque ferreum insuper anulum, ignominiosum id genti, velut vinculum gestat; donec se cæde hostis absolvat. plurimis Chattorum hic placet habitus, jamque canent insignes et hostibus simul suisque monstrati³. omnium penes hos initia pugnarum, hæc prima semper acies, visu nova. nam ne in pace quidem vultu mitiore mansuescunt. nulli domus aut ager aut aliqua cura; prout ad quemque venere, aluntur, prodigi alieni, contemptores sui; donec exsanguis senectus tam duræ virtuti impares faciat.

XXXII. Proximi Chattis certum jam alveo¹ Rhenum, quique terminus esse sufficiat, Usipii² ac Tencteri colunt. Tencteri, super solitum bellorum decus, equestris disciplinæ arte præcellunt³; nec major apud Chattos peditum laus quam Tencteris equitum. sic instituere majores, posterius imitantur. hi lusus infantium, hæc juvenum æmulatio; perseverant senes. inter familiam et penates et jura successionum equi traduntur: excipit filius non ut cetera maximus natus, sed prout ferox bello et melior.

XXXIII. Juxta Tencteros Bructeri olim occurrebant; nunc Chamavos et Angrivarios immigrasse narratur¹, pulsus Bructeris ac peritus excisis vicinarum consensu nationum, seu superbiæ odio, seu prædæ dulcedine, seu favore quodam erga nos deorum. nam ne spectaculo quidem prælii invidere: super sexaginta millia non armis telisque Romanis, sed, quod magnificentius est, oblectationi oculisque ceciderunt. Maneat, quæso, duretque gentibus, si non amor nostri, at certe odium sui²: quando in urgentibus imperii fatis nihil jam præstare fortuna majus potest, quam hostium discordiam.

XXXIV. Angrivarios et Chamavos a tergo Dulgibini et Chasuarii cludunt, aliæque gentes haud perinde memoratæ¹. A fronte² Frisii excipiunt. majoribus minoribusque Frisiis vocabulum est ex modo virium. utraque nationes usque ad Oceanum Rheno prætexuntur ambiuntque immensos super lacus³ et Romanis classibus navigatos. ipsum quin etiam Oceanum illa⁴ tentavimus. Et superesse adhuc Herculis columnas fama vulgavit: sive adiit Hercules, seu, quicquid ubique magnificum est, in claritatem ejus referre consensimus. nec defuit audentia⁵ Druso Germanico, sed obstetit Oceanus in se simul atque in Herculem inquiri. mox nemo tentavit, sanctiusque ac reverentius visum de actis deorum credere quam scire.

aliorum usus. *Vertit* intransive, ut alibi sæpe.—2. Tonsis crinibus et barba.—3. Tanquam exemplaria virtutis.

XXXII. 1. Non amplius vagum et diffusum, qualis est inter urbes *Breisach* et *Bingen*. — 2. Rectius *Usipi*. Cæsari et *Annal.* I, 31, sunt *Usipetes*. — 3. Conf. Cæsarem, IV, 2.

XXXIII. 1. Recte dixit *narratur*: nam sub ipso Trajano Bructeri memorantur ut populus regem accipiens, Plinio *Epist.* II, 7, et posterioribus item temporibus. — 2. Similiter Quadratus *Annal.* XII, 48. Confer infra c. 37.

XXXIV. 1. Videntur esse Tubantes et Ampsivarii, memorati *Annal.* I, 31; XIII, 33, 36.—2. Sc. Rhenum versus. — 3. Nunc collectos in *Zuyderzee*: de quibus *Annal.* I, 60; II, 3; XI, 18, *Hist.* V, 23. — 4. Illac, ibi, ut *Hist.* V, 48. Drusus, Tiberius, Germanicus Oceanum navibus ingressi erant.—5. Sc. hanc rem inquirendi, quod post eum nemo tentavit.

XXXV. Hactenus in occidentem Germaniam novimus. In septentrionem ingenti flexu redit. ac primo statim Chaucorum gens, quanquam incipiat a Frisiis ac partem littoris occupet, omnium quas exposui gentium lateribus obtenditur, donec in Chattos usque sinuetur¹. tam immensum terrarum spatium non tenent tantum Chauci, sed implent: populus inter Germanos nobilissimus quique magnitudinem suam malit justitia tueri. sine cupiditate, sine impotentia², quieti secretique nulla provocant bella, nullis raptibus aut latrociniis populantur. id præcipuum virtutis ac virum argumentum est, quod, ut superiores agant, non per injurias assequuntur. prompta tamen omnibus arma, ac, si res poscat, exercitus, plurimum virorum equorumque; et quiescentibus eadem fama.

XXXVI. In latere Chaucorum Chatterumque Cherusci nimiam ac marcentem diu pacem illacessiti nutrierunt. idque jucundius quam tutius fuit, quia inter impotentes et validos falso quiescas; ubi manu agitur, modestia ac probitas nomina superioris sunt.¹ ita qui olim boni æquique Cherusci, nunc inertes ac stulti vocantur. Chattis victoribus fortuna in sapientiam cessit. Tracti ruina Cheruscorum et Fosi, contermina gens; adversarum rerum ex æquo socii sunt, quum in secundis minores fuissent.

XXXVII. Eundem Germaniæ sinum proximi Oceano Cimbri tenent, parva nunc civitas, sed gloriâ ingens: veterisque famæ lata vestigia manent utraque ripa, castra ac spatia, quorum ambitu nunc quoque metiaris molem manusque gentis et tam magni exercitus fidem. sexcentimum et quadragesimum annum¹ Urbs nostra agebat, quum primum Cimbriorum audita sunt arma Cæcilio Metello ac Papirio Carbone Coss.; ex quo si ad alterum imperatoris Trajani consulatum² computemus, ducenti ferme et decem anni colliguntur. tam diu Germania vincitur. medio tam longi ævi spatio multa invicem damna. non Samnis³, non Pœni, non Hispaniæ⁴ Galliæve, ne Parthi quidem sæpius admonuere⁵: quippe regno Arsacis⁶ acrior est Germanorum libertas. quid enim aliud nobis quam cædem Crassi⁷, amisso et ipse Pacoro, infra Ventidium⁸ dejectus Oriens objecerit? at Germani Carbone et Cassio et Scauro Aurelio et Servilio Cæpione, M. quoque Manlio fuis vel captis⁹, quinque simul consulares exercitus populo Romano, Varum tresque cum eo legiones etiam

XXXV. 1. Nam Cheruscos ab occidentali ripa Visurgis depulerant Chauci, *Ann. XIII*, 33. — 2. Potentia (potentiæ cupiditate) modum nesciente. Eodem modo intelligendum capite sequente *impotentes et validos*.

XXXVI. 1. Nam victoribus tantum *modestia ac probitas* tribuitur; victi, quum in potestate sint, nequeunt esse immodesti, et si qua probitas, obedientia vocatur.

XXXVII. 1. Vel 112 a. Chr. — 2. Anni U. 830, p. Chr. 98. Quo anno Tacitus Germaniam scribebat. — 3. Qui cladem Caudinam Romanis attulerat a. U. 455. — 4. Cogita Viriathum, Numantinum bellum, Sertorium, Cantabros. — 5. Sc. nos: effecerunt ut nobiscum reputaremus nos minime esse invictos. — 6. Sive Arsacidarum. Arsaces Parthorum regnum condidit. V. *Justin.* XLI, 4. — 7. Anno U. 701 factam. De *Pacoro* conf. *Hist.* V, 9, et not. 3. — 8. Antonii legatum, qui de victis a. U. 715 Parthis et interfecto Pacoro triumphavit, infimo loco natus, et olim mulio. — 9. Cn. Papirius Carbo, consul a. U. 641, ad Noreiam fusus. L. Cassius Longinus, consul a. 647, a Tigurinis Cimbrorum sociis cæsus. M. Aurelius Scaurus, legatus consulis, eodem anno a Cimbris fuso exercitu captus et occisus. Q. Servilius Cæpio proconsul et M. (alii Cn.) Manlius consul a. 649 ab iisdem victi et

Caesari ¹⁰ abstulerunt. nec impune ¹¹ C. Marius in Italia, divus Julius in Gallia ¹², Drusus ¹³ ac Nero ¹⁴ et Germanicus ¹⁵ in suis eos sedibus perculerunt. mox ingentes Caii Caesaris ¹⁶ minae in ludibrium versae. inde otium ¹⁷, donec occasione discordiae nostrae et civilium armorum expugnatis legionum hibernis, etiam Gallias affectavere ¹⁸; [ac] rursus pulsati inde ¹⁹, proximis temporibus triumphati magis quam victi sunt.

XXXVIII. Nunc de Suevis dicendum est, quorum non una ut Chattorum Tencterorumve gens. majorem enim Germaniae partem obtinent, propriis adhuc nationibus nominibusque discreti, quanquam in commune Suevi vocentur. insigne gentis, obliquare crinem ¹ nodoque substringere. sic Suevi a ceteris Germanis, sic Suevorum ingenui a servis ² separantur. in aliis gentibus seu cognatione aliqua Suevorum, seu, quod saepe accidit, imitatione, rarum et intra juventutis spatium; apud Suevos usque ad canitiem horrentem capillum retro sequuntur ³ ac saepe in ipso ⁴ vertice religant. principes et ornatiorem habent. ea cura formae, sed innoxia: neque enim ut ament amenturve, in altitudinem quandam et terrorem adituri bella compti ut hostium oculis ⁵ ornantur.

XXXIX. Vetustissimos se nobilissimosque Suevorum Semnones memorent. fides antiquitatis religione firmatur. stato tempore in silvam auguriis patrum et prisca formidine sacram ¹ omnes ejusdem sanguinis populi legationibus coeunt caesoque publice homine celebrant barbari ritus horrenda primordia. Est et alia luco reverentia: nemo nisi vinculo ligatus ingreditur ut minor ² et potestatem numinis prae se ferens. si forte prolapsus est, attolli et insurgere haud licitum: per humum evolvuntur. eoque omnis superstitio respicit, tanquam inde initia gentis, ibi regnator omnium deus, cetera subjecta atque parentia. Adjicit auctoritatem fortuna Semnonum: centum pagi ³ iis habitantur; magnoque corpore efficitur ut se Suevorum caput credant.

XL. Contra Langobardos ¹ paucitas nobilitat; plurimis ac valentissimis nationibus cincti non per obsequium, sed praeliis et periclitando tuti sunt. Reudigni deinde et Aviones et Anglii et Varini et Eudoses et Suariones et Nuithones fluminibus aut silvis muniuntur. nec quicquam notabile in singulis, nisi quod in commune Nerthum ², id est Terram matrem

castris binis exuti.—10. Augusto. Res nota.—11. Non sine gravibus damnis.—12. Caesar in Gallia pugnaverāt cum Germanis sub Ariovisto, deinde cum Usipetibus et Tencteris, denique Rhenum transgressus cum Suevis.—13. Drusus, gener Augusti, quater in Germaniam irruerat. Florus IV, 12.—14. Sive Tiberius imperator, de ejus expeditionibus in Germaniam v. Vellei. Patere. II, c. 97, 104 seqq.—15. Vid. *Annal.* I, 49 seqq.; II, 5 seqq.—16. Caligulae; vid. Sueton. c. 45 seqq.—17. Non integrum tamen; vid. *Annal.* XI, 18 seqq.; XII, 27, 29; XIII, 55 seqq.; Sueton. *Claud.* c. 24.—18. In rebellione Civilis, *Hist.* IV, 12 seqq.; V, 14 seqq.—19. Ex Gallia. Deinde respicitur ad Domitiani falsum triumphum de Germanis; v. *Agric.* c. 59.

XXXVIII. 1. Cui contrarium est, demissum gerere, vel promittere.—2. Qui tonsos habuisse capillos videntur.—3. Sectantur, assumunt capillum non in fronte demissum, sed *retro horrentem*, in verticem assurgentem.—4. Plurimi in ipso solo. Sed solo abest a vetustissimo codice, interpretamentum vocabuli *ipso*.—5. Dativus.

XXXIX. 1. Versus hexameter, tanquam incuria illapsus, rei sollemnitate non decens.—2. Sc. numine.—3. Quos per errorem toti Suevorum genti tribuerat Caesar *B. Gall.* IV, 1.

XL. 1. Alii manuserr. *Longobardos*.—2. Sic manuscripti. Editiones plurimae *Her-*

colunt, eamque intervenire rebus hominum, invehī populis³ arbitrantur. Est in insula Oceani⁴ castum nemus dicatumque in eo vehiculum, veste confectum; attingere uni sacerdoti concessum. is adesse penetrali deam intelligit vectamque bubus feminis multa cum veneratione prosequitur. læti tunc dies, festa loca, quæcumque adventu hospitioque dignatur. non bella ineunt, non arma sumunt; clausum omne ferrum; pax et quies tunc tantum nota, tunc tantum amata, donec idem sacerdos satiatam conversatione mortalium deam templo⁵ reddat. mox vehiculum et vestes, et, si credere velis, numen ipsum secreto lacu abluitur. servi ministrant, quos statim idem lacus baurit. arcanus hinc terror sanctaque ignorantia, quid sit illud, quod tantum perituri vident.

XLi. Et hæc quidem pars Suevorum in secretiora Germaniæ porrigitur. propior, ut quomodo paulo ante Rhenum, sic nunc Danubium sequar, Hermundurorum civitas, fida Romanis; eoque solis Germanorum non in ripa commercium, sed penitus atque in splendidissima Rætiæ provinciæ colonia¹. passim sine custode² transeunt; et quum ceteris gentibus arma modo castraque nostra ostendamus, his domos villasque patefecimus, non concupiscentibus. In Hermunduris Albis³ oritur, flumen inclitum et notum olim; nunc tantum auditur.

XLII. Juxta Hermunduros Narisci ac deinde Marcomani et Quadi agunt. Præcipua Marcomanorum gloria viresque; atque ipsa etiam sedes, pulsus olim Boiis, virtute parta. nec Narisci Quadive degenerant. eaque Germaniæ velut frons est¹, quatenus Danubio peragitur². Marcomanis Quadisque usque ad nostram memoriam reges manserunt ex gente ipsorum, nobile Marobodui et Tudri³ genus; jam et externos patiuntur. sed vis et potentia regibus ex auctoritate Romana. raro armis nostris, sæpius pecunia juvantur; nec minus valent⁴.

XLIII. Retro Marsigni, Gothini, Osi, Buri terga Marcomanorum Quadorumque claudunt, e quibus Marsigni et Buri sermone cultuque Suevos referunt. Gothinos Gallica, Osoꝝ Pannonica lingua coarguit non esse Germanos; et quod tributa patiuntur. partem tributorum Sarmatæ¹, partem Quadi ut alienigenis imponunt. Gothini, quo magis pudeat, et ferrum effodiunt². Omnesque hi populi pauca campestrium, ceterum saltus et vertices montium jugumque insederunt. dirimit enim scinditque Sueviam continuum montium jugum, ultra quod plurimæ gentes agunt: ex quibus latissime patet Lygiorum nomen, in plures civitates diffusum. valentissimas nominasse sufficiet, Harios³, Helveconas, Manimos, Helisios⁴,

tham, ob Terræ nomen germanicum *Erde* vel angl. *Earth*. — 3. Vehi ad populos. — 4. Rugiam putant; alii Seelandiam. — 5. Loco sacro, luo.

XLi. 1. Eadem videtur quæ postea nominata Augusta Vindelicorum (*Augsbourg*). quod nomen primum apparet sæculo quarto p. Chr. — 2. Conf. *Hist.* IV, 64, 65. — 3. Id flumen oritur in finibus Bohemiæ et Silesiæ, ad quos pertinuisse Hermunduros multi dubitant. Cogitant igitur de Egra (*Eger*) in Franconia emergente et in Albim delabente. Romani *olim* ad Albim usque castra moverant, quod aliquoties memoratum in Annalibus.

XLII. 1. Sc. imperium Romanum versus. — 2. Perficitur, ducitur ea frons. — 3. In Anglo-saxonica lingua *tudor* est soboles. De *Maroboduo* v. *Annal.* II, 44 seqq. — 4. Sc. pecunia nostra adjuti, quam si armis nostris adjuvarentur.

XLIII. 1. Sarmatæ *Iazyges*, ut videtur. — 2. Unde arma parare possent. — 3. Alii *Arios*.

Nahanarvalos ⁵. Apud Nahanarvalos antiquæ religionis lucus ostenditur. præsidet sacerdos muliebri ornatu; sed deos, interpretatione Romana, Castorem Pollucemque memorant: ea vis numini, nomen Alcis ⁶. nulla simulacra, nullum peregrinæ superstitionis vestigium; ut fratres tamen, ut juvenes venerantur. Ceterum Harii, super vires, quibus enumeratos paulo ante populos antecedunt, truces, insitæ feritati arte ac tempore lenocinantur ⁷: nigra scuta, tincta corpora; atras ad prælia noctes legunt; ipsaque formidine atque umbra feralis exercitus terrorem inferunt, nullo hostium sustinente novum ac velut infernum aspectum. nam primi in omnibus præliis oculi vincuntur. Trans Lygios Gothones regnantur ⁸, paulo jam adductius ⁹ quam ceteræ Germanorum gentes, nondum tamen supra libertatem ¹⁰. Protinus deinde ab Oceano Rugii et Lemovii. omniumque harum gentium insigne: rotunda scuta, breves gladii et erga reges obsequium.

XLIV. Suionum hinc civitates, ipso in Oceano, præter viros armaque classibus valent. forma navium eo differt, quod utrimque prora paratam semper appulsui frontem agit. nec velis ministrantur, nec remos in ordinem lateribus adjungunt: solum, ut in quibusdam fluminum, et mutabile, ut res poseit, hinc vel illinc remigium. Est apud illos et opibus honos: eoque unus imperitat, nullis jam exceptionibus ¹, non precario jure parendi. nec arma, ut apud ceteros Germanos, in promiscuo; sed clausa sub custode et quidem servo: quia subitos hostium incursus prohibet Oceanus, otiosa porro armatorum manus facile lascivunt. enimvero neque nobilem neque ingenuum, ne libertinum quidem armis præponere, regia utilitas est.

XLV. Trans Suionas aliud mare, pigrum ac prope immotum; quo cingi cludique terrarum orbem hinc fides, quod extremus cadentis jam solis fulgor in ortus edurat, adeo clarus, ut sidera hebetet ¹. sonum insuper [emergentis] ² audiri, formas equorum ³ et radios capitis aspici, persuasio adjicit. Illuc usque, et fama vera, tantum natura ⁴. Ergo jam dextro Suevici maris littore Estuorum gentes alluuntur: quibus ritus habitusque Suevorum, lingua Britannicæ propior. Matrem deum ⁵ venerantur. insigne superstitionis formas aprorum gestant: id pro armis omniumque tutela ⁶ securum deæ cultorem etiam inter hostes præstat. rarus ferri, frequens fustium usus. frumenta ceterosque fructus patientius quam pro solita Germanorum inertia laborant. sed et mare scrutantur, ac soli omnium succi-

—4. Sic optimi manuserr. Vulgo *Elysios*. —5. Minor auctoritas scripturæ *Naharvalos*. —

6. Dativus plur. Comparatur Slavicum *holezy*, pueri. Eadem res relata fuisse videtur a Timæo, ex quo Diodorus Sic. (IV, 55) narrat Tyndaridas in præcipuo honore esse apud Celtas ad Oceanum. —7. Inserviunt; eam adjuvant, augent. —8. Sub regibus vivunt.

—9. Vid. ad *Hist.* III, 7. —10. Nondum ita ut ea res sit *supra libertatem*, ut libertas superetur.

XLIV. 1. Ut verbi causa apud Gothones, cap. præced.

XLV. 1. Cum his confer *Agric.* c. 10 et 12, Pompon. Melam III, 6 fine. —2. Imo item *cadentis*. Et abest *emergentis* a multis codd. Solem igneum cum stridore immergi Oceano vetus superstitio erat. de qua Strabo III init., et Juvenal *Sat.* XIV, 280. —3. Manuserr. *deorum*. —4. Ibi finis rerum naturæ. Conf. *Agric.* c. 53 extr. —5. Fortasse Freyam, cui sacrum fuisse aprum ferunt. —6. Passive, quo se tueantur contra noxia

num, quod ipsi *glesum*⁷ vocant, inter vada atque in ipso litore legunt. nec, quæ natura quæve ratio gignat, ut barbaris, quæsitum comperitumve. diu quin etiam inter cetera ejectamenta maris jacebat, donec luxuria nostra dedit nomen⁸. ipsis in nullo usu⁹: rude legitur, informe perfertur, pretiumque mirantes accipiunt. succum tamen arborum esse intelligas, quia terrena quædam atque etiam volucris animalia plerumque interlucent, quæ implicata humore mox durescente materia cluduntur¹⁰. fecundiora igitur nemora lucosque, sicut orientis secretis, ubi tura balsamæ sudantur, ita occidentis insulis terrisque inesse crediderim, quæ vicini solis radiis expressa atque liquentia in proximum mare labuntur, ac vi tempestatum in adversa litora exundant¹¹. si naturam succini admoto igne tentes, in modum tædæ accenditur alitque flammam pinguem et olentem; mox ut in picem resinamve lentescit. Suionibus Sitonum gentes continuantur. cetera similes, uno differunt, quod femina dominatur: in tantum non modo a libertate, sed etiam a servitute degenerant. Hic Sueviæ finis.

XLVI. Peucinatorum Venedorumque¹ et Fennorum nationes Germanis an Sarmatis ascribam dubito; quanquam Peucini, quos quidam Bastarnas vocant, sermone, cultu, sede ac domiciliis ut Germani agunt: sordes omnium ac torpor procerum, connubiis mixtos nonnihil in Sarmatarum habitum fœdant². Venedi multum ex moribus³ traxerunt: nam quicquid inter Peucinos Fennosque silvarum ac montium erigitur, latrociniiis pererrant. hi tamen inter Germanos potius referuntur, quia et domos fingunt et scuta gestant et peditum⁴ usu ac pernecitate gaudent; quæ omnia diversa Sarmatis sunt, in plaustro equoque viventibus. Fennis mira feritas, fœda paupertas: non arma, non equi, non penates; victui herba, vestitui pelles, cubile humus. sola in sagittis spes, quas, inopia ferri, ossibus asperant⁵. idemque venatus viros pariter ac feminas alit: passim enim comitantur partemque prædæ petunt. nec aliud infantibus ferarum imbrumque suffugium, quam ut in aliquo ramorum nexu contegantur. huc redeunt juvenes, hoc senum receptaculum. sed beatius arbitrantur, quam ingemere agris, illaborare domibus, suas alienasque fortunas spe metuque versare⁶. securi adversus homines, securi adversus deos⁷, rem difficillimam assecuti sunt, ut illis ne voto quidem opus esset.

Cetera jam fabulosa: Hellusios et Oxionas ora hominum vultusque, corpora atque artus ferarum gerere⁸; quod ego, ut incompertum, in medium relinquam⁹.

omnia. Erant illæ aprorum formæ pro amuletis.—7. Ut pellucidum. Hodieque germ. *Glas*, vitrum; *Glanz*, splendor.—8. Famam.—9. Nimirum ad luxuriam. Nam Germani ut ignis materia utebantur et comburebant; unde nomen apud ipsos *Bernstein*, quasi dicas lapis ustilis.—10. Qualia canit Martialis *Epigr.* IV, 32 et 39; VI, 15.—11. Vide Plinium *Hist. nat.* XXXVII, 3, § 12.

XLVI. 1. Manuscr. *Venectorum*.—2. Sed sordida vita omnium et procerum torpens otium illos, qui etiam connubiis misceantur cum Sarmatis, fœdat et corporum habitu Sarmatis prope similes reddit. Editt. *mixtis... fœdantur*. Sed *mixtos* boni manuscr. omnes.—3. Sc. Sarmatarum.—4. De peditatu Germanorum dictum c. 6.—5. Ut etiamnum Sibericæ gentes quædam.—6. Velut præsertim negotiatores; ab negotiis etiam et commerciiis alieni, ut ab omni re quæ de fortuitis et eventu pendet.—7. Ut quibus nec homines nec dii aliquid adimere possint.—8. De quibus plura Plinius *Hist. nat.* IV, 15, § 93.—9. A. Gellius XVII, 2: « Nos, inquit, in medium relinquemus: vulgus in medio dicit. Sed illud probabilius significantiusque dici videbitur, si quis ea verba non incuriose introspiciat, » etc.

C. CORNELII TACITI

DE ORATORIBUS

DIALOGUS.

ARGUMENTUM.

1. Postquam Justus Fabius saepe ex auctore dialogi requisiverat, cur non amplius vigeat eloquentiae studium, hic non suam proferre sententiam statuit, sed repetere sermonem hominum disertissimorum, quos eandem questionem pertractantes admodum juvenis audivisset. — 2, 5. Isti sunt Curiatius Maternus, ex oratore poeta, M. Aper et Julius Secundus, celeberrima tum fori ingenia, qui mirantur, quod Maternus fastiditis orationum causarumque studiis omne nunc tempus circa tragedias consumat, quarum tamen recitatione offendisse potentium animos dicatur. — 4. Hic poesin a se nunc coli proficitur, quia sanctior haec et augustior sit eloquentia.

5—7. Hinc oritur disceptatio, utrum praestantior sit ars oratoria an poetica. Aper magnis laudibus praedicat oratoriae artis utilitatem, voluptatem, dignitatem, — 8. ac provocat ad exempla Marcelli Eprii et Crispi Vibii. — 9, 10. Poetarum contra nullam esse dignitatem dicit et utilitatem; voluptatem vero brevem, laudem inanem, infructuosam multisque recitationum molestiis ac sumptibus partam. Iis in solitudinem secedendum, si modo dignum aliquid elaborare velint, et mediocres nemini notos, bonos paucis; studium denique illorum non minus obnoxium offensae, quam oratorum. Itaque Materno, ad altiore eloquentiam et summa nato, non subsistendum esse in levioribus, sed ab auditoriis et theatris in forum et ad causas veraque praemia redeundum.

11—15. Quae quum Aper dixisset acrius et intento ore, remissus et subridens respondet Maternus: poeticae studio majorem parari securitatem et gloriam, quam forensi labore et strepitu litigantium aut comitatuum salutationumque frequentia; puriorem vero voluptatem securo et secreto secessu in nemora et lucos, quam lucrosa et sanguinante in foro eloquentia, quae non, ut poesis, aureo, sed ferreo saeculo et propter malos hominum mores in locum teli reperta sit. Dulcem esse poetarum vitam et curarum expertem, anxiam vero oratorum, qui semper vel timeant vel timeantur.

14. Colloquio supervenit Vipstanus Messala, admirator veterum temporum oratorumque, recentiorum contemptor. — 15—17. Hinc Aper, saeculi sui novorumque rhetorum patronus, accuratius definiendum censet, quinam oratores vocandi sint antiqui: utrum Ulysses tantum et Nestor et Menenius Agrippa, an et jam Demosthenes et Hyperides, inter quorum et hoc aevum non multo plures quam CCCC anni intersint, aut Cicero, Caesar, Coelius, Calvus, Brutus, Asinius et Messala, qui vix unius hominis aetate sint priores. — 18. Formas autem et genera dicendi cum temporibus ac diversitate aurium mutari monet, et vitio malignitatis humane semper laudari vetera, praesentia fastidiri. — 19, 20. Cassium Severum a multis velut terminum antiquitatis constitui primumque flexisse ab illa vetere atque directa dicendi vi, non infirmitate ingenii nec incitia literarum, sed judicio et intellectu. Olim in honore fuisse longa principia et narrationes, divisionum argumentorumque multorum ostentationem et philosophica orationi inserta; nunc ab oratore letitiam et pulchritudinem orationis poeticumque decorem exigi. — 21, 22. In orationibus Calvi quoque, Cræli, Caesaris, Asinii, Corvini ipsiusque Ciceronis multa deprehendi antiquitatis vitia, sordes verborum, hiantem compositionem et sensus inconditos, quae tamen sola mirentur perversi imitatores. — 23. Iniquos igitur judices esse, qui antiqua tantum effrant laudibus rhetorumque recentiorum commentarios

fastidiant. Postremo Messalæ, Materni et Secundi virtutes prædicat eosque ad illustrandum sæculum suum pulcherrimo dicendi genere exhortatur, quum videat, eos, quæ vera sit eloquentiæ ars, latissima quæque antiquorum imitari ac gravitate sensuum nitorem cultumque verborum miscere.

24. Tum Maternus admonet Messalam, ut, missa antiquorum laudatione, qui ea non indigeant, memor potius promissi causas expromat, cur in tantum ab eloquentia eorum recesserit ætas recentior. — 25. Hic primum docet, quinam antiqui sint appellandi; plures etiam dicendi formas iisdem sæculis fuisse et singulares Calvi, Asinii aliorumque virtutes: quod vero se invicem obtractaverint, non esse oratorum vitium, sed hominum: — 26. gravitatem denique et cultum oratorum impetumque veterum longe præferendum esse verborum lasciviæ, levitati sententiarum et compositionis licentiæ, in quibus sibi placeant recentiores.

27—29. Materno iterum rogante Messala transit ad explicandas causas corruptæ eloquentiæ, primas vero et præcipuas putat desidiam juventutis et negligentiam parentum et inscientiam præcipientium et moris antiqui oblivionem. Liberos enim non amplius educari in gremio ac sinu castæ matris aut a propinqua majore natu, sed Græculæ ancillæ delegari et servis, a quibus teneri eorum animi fabulis, erroribus vitisque imbuantur. — 30—32. Eorundem ingenium non, ut quondam, severa disciplina et infinito labore et quotidiana meditatione et in omni genere studiorum exercitationibus formari atque subigi, sed in pueritia et juventute nihil disci, quod usum habeat. Hinc antiquam eloquentiam ex omnium rerum scientia pluribusque artibus exundasse et oratorem potuisse de omni questione pulchre et ornate et copiose et varie et ad persuadendum apte diceri; horum vero temporum disertos, aridis rhetorum præceptis artificisque sordidissimis contentos, grammaticos, legum et philosophiæ ignaros esse.

34—35. Materno deinde hortante Messala progreditur ad aliam corruptæ eloquentiæ causam, ad eximiam antiquorum oratorum et perversam recentiorum exercitationem. Juvenes dicit, imbutos jam domestica disciplina, honestis studiis refertos ac bene præparatos, a patre olim vel propinquis fuisse deductos ad principes oratorum, quos sectati in judiciis, foro concionibusque pugnare in ipsa veluti arena et acie didicissent; at nunc educatione depravatos, inscios ac torpentes transire in rhetorum scholas, in quibus duo materiarum genera, suasoriæ et controversiæ, tractentur, nec facile dixeris, utrumne locus ipse, an genus studiorum, an condiscipuli plus mali ingentiis afferant.

[*Hic Messalæ sermo mutilus est: eum statim excepisse videtur sermo Materni, internis corruptæ eloquentiæ causis externas unnectentis has:*]

36, 37. α) Uberiorem ad dicendum materiam fuisse oratoribus antiquis, splendorem rerum et magnitudinem causarum, leges rogandas et populare nomen, conciones magistratuum, accusationes potentium reorum et assignatas etiam domibus inimicitias, procerum factiones et assidua senatus adversus plebem certamina. β) Majora iisdem præmia fuisse proposita, faciliores ad summos honores aditus eloquentia patefaciendos, plus apud principes et magistratus provinciales gratiæ, apud Patres auctoritatis, apud plebem notitiæ ac nominis, clientelas exterarum nationum, præturas et consulatus. — 38—40. γ) Formam et consuetudinem veterum iudiciorum oratoribus fuisse. causas in foro, non in auditoriis tabulariisve explicatas, liberum et dicendi et comperendinandi tempus, clamorem et plausum et studia certantis populi, reos concursu totius civitatis et accusatos et defensos, conciones assiduas et datum jus potentissimum quemque vexandi. — 40, 41. Neque tamen propterea laudandam censet Maternus valentiorē eloquentiam, quod licentiæ, quam stulti libertatem vocent, alumna sit et comes seditio-nis et effrenati populi incitamentum. Eam quidem vigere dicit in civitatibus, quæ discordiis et partibus se ipsæ conficiant, sed in quietis ac bene constitutis non opus esse tali eloquentia longive in senatu sententiis et multis apud populum concionibus; multo minus in re publica, in qua non imperiti et multi deliberent, sed sapientissimus et unus. Melius esse, non queri, quam vindicari et, si inveniretur aliqua civitas, in qua nemo peccaret, supervacuum fore inter innocentes et mores bonos et in obsequium regentis paratos oratorem sicut inter sanos medicum. Itaque non dolendum, quod minor nunc oratorum obscuriorque gloria sit, sed utendum potius cuique bonis sui sæculi citra obtractationem alterius.

42. Dissolvitur colloquium. [Habitu fingitur anno U. 828, p. Chr. 75].

I. Sæpe ex me requiris, Juste Fabi¹, cur, quum priora sæcula tot eminentium oratorum ingeniis gloriaque floruerint, nostra potissimum ætas deserta² et laude eloquentiæ orbata vix nomen ipsum oratoris retineat. neque enim ita appellamus nisi antiquos: horum autem temporum disertis causidici et advocati et patroni et quidvis potius quam oratores vocantur. Cui percontationi tuæ respondere et tam magnæ quæstionis pondus excipere (ut aut de ingeniis nostris male existimandum³, si idem assequi non possumus, aut de judiciis, si nolumus) vix Hercule auderem, si mihi mea sententia proferenda ac non disertissimorum, ut nostris temporibus⁴, hominum sermo repetendus esset, quos eandem hanc quæstionem pertractantes juvenis admodum audiui. ita non ingenio, sed memoria et recordatione opus est, ut quæ a præstantissimis viris et excogitata subtiliter et dicta graviter accepi, quum singuli diversas [vel easdem], sed probabiles causas afferrent, dum formam sui quisque et animi et ingenii redderet, iisdem nunc numeris iisdemque rationibus⁵ persequar, servato ordine disputationis. neque enim defuit qui diversam quoque partem susciperet, ac multum vexata et irrita vetustate, nostrorum temporum eloquentiam antiquorum ingeniis auteferet.

II. Nam postremo die quam Curiatius Maternus Catonem¹ recitaverat, quum offendisse potentium animos diceretur, tamquam in eo tragædiæ argumento sui oblitus² tantum Catonem cogitasset, eaque de re per Urbem frequens sermo haberetur, venerunt ad eum Marcus Aper et Julius Secundus³, celeberrima tum ingenia fori nostri, quos ego in judiciis non utrosque modo studiose audiebam, sed domi quoque et in publico assecubabar mira studiorum cupiditate et quodam ardore juvenili, ut fabulas⁴ quoque eorum et disputationes et arcana semotæ dictionis⁵ penitus exciperem, quamvis maligne plerique opinarentur nec Secundo promptum esse sermonem, et Aprum ingenio potius et vi naturæ quam institutione et litteris famam eloquentiæ consecutum. nam et Secundo purus et pressus⁶ et, in quantum satis erat, profluens sermo non defuit, et Aper omni eruditione imbutus contemnebat potius litteras quam nesciebat, tamquam majorem industriæ et laboris gloriam habiturus, si ingenium ejus nullis alienarum artium adminiculis iuncti videretur⁷.

III. Igitur ut intravimus cubiculum Materni, sedentem ipsum, quem pridie recitaverat, librum intra manus habentem deprehendimus. Tum Secundus, « Nihilne te, inquit, Materne, fabulæ malignorum terrent, quominus offensas Catonis tui¹ ames? an ideo librum istum apprehen-

I. 1. Justus Fabius, Plinii minoris amicus, ad quem datæ epistolæ I, 11; VII, 2. — 2. Metaphora petitur ab regione non culta. — 3. Sc. sit. — 4. Pro ratione nostrorum temporum. — 5. Id est, ut et singula eodem modo quasi adnumerentur et universa eadem reddantur ratione.

II. 1. Haud dubie Uticensem, tragædiam ab se compositam. — 2. Oblitus quibus temporibus, quos inter homines viveret. — 3. Hujus viri eximiæ laudes exstant ap. Quintilianum X, 1, § 120; 3, § 12; XII, 10, § 11. De *Apro* nihil aliunde compertum. *Maternus* posterius Domitiani jussu interfectus. — 4. Sermones, confabulationes in vita quotidiana. — 5. Colloquia cum familiaribus. — 6. Concisus. — 7. Confer quæ similia de Crasso dixit Cicero. *de Orat.* II, 1, § 1.

III. 1. Quod eo redit: Catonem tuum, tametsi offensas tibi paravit.

disti, ut diligentius retractares, et sublatis si qua pravæ interpretationi materiam dederunt, emitteres Catonem non quidem meliorem, sed tamen securiorem? » Tum ille, « Leges quid Maternus sibi debuerit, et agnosces quæ audisti². quodsi qua omisit Cato, sequenti recitatione Thyestes dicet. hanc enim tragædiam disposui jam et intra me ipse formavi. atque ideo maturare libri hujus editionem festino, ut dimissa priore cura novæ cogitationi toto pectore incumbam. » — « Adeo te tragædiæ istæ non satiant, inquit Aper, quominus omissis orationum et causarum studiis omne tempus modo circa Medeam, ecce nunc circa Thyesten consumas, quum te tot amicorum causæ, tot coloniarum et municipiorum clientelæ in forum vocent, quibus vix sufficeres, etiamsi non novum tibi ipse negotium importasses, Domitium³ et Catonem, id est nostras quoque historias et Romana nomina, Græculorum fabulis aggregare.

IV. Et Maternus: « Perturbarer hac tua severitate, nisi frequens et assidua nobis contentio jam prope in consuetudinem verisset. nam nec tu agitare et insequi poetas intermittis, et ego, cui desidiæ advocatorum¹ objicis, quotidianum hoc patrocinium defendendæ adversus te poeticæ excusco. quo lætor magis oblatum nobis judicem, qui me vel in futurum vetet versus facere, vel, quod jam pridem opto, sua quoque auctoritate compellat, ut omissis forensium causarum angustiis, in quibus mihi satis superque sudatum est, sanctiorem illam et augustiorem eloquentiam colam. »

V. « Ego vero, inquit Secundus, antequam me judicem Aper recuset, faciam quod probi et modesti judices solent, ut in iis cognitionibus se excusent, in quibus manifestum est alteram apud eos partem gratiæ prævalere. quis enim nescit neminem mihi conjunctiorem esse et usu amicitiae et assiduitate contubernii quam Saleium Bassum¹, quum optimum virum tum absolutissimum poetam² porro si poetica accusatur, non alium video reum locupletiores³. » — « Securus sit, inquit Aper, et Saleius Bassus et quisquis alius studium poeticæ et carminum gloriam fovet, quum causas agere non possit. ego enim, quatenus arbitrum litis hujus inveni, non patiar Maternum societate plurimum defendi: sed ipsum solum apud vos arguam, quod natus ad eloquentiam virilem et oratoriam, qua parere simul et tueri amicitias, adsciscere necessitudines³, complecti provincias possit, omittit studium, quo non aliud in civitate nostra vel ad utilitatem fructuosius vel ad dignitatem amplius vel ad Urbis famam pulchrius vel ad totius imperii atque omnium gentium notitiam illustrius excogitari potest. nam si ad utilitatem vitæ omnia consilia factaque nostra dirigenda sunt, quid est tutius quam eam exercere artem, qua semper armatus præsidium amicis, opem alienis, salutem periclitantibus, in-

--2. Nimirum non mutata quæ offenderunt et quæ retractari a me putabas.—5. Fortasse Cn. Domitium Ahenobarbum, qui in Pharsalica acie occubuit, Julio Cæsari infensissimus.

IV. 1. Causarum agendarum.

V. 1. Cujus ingenium *vehemens et poeticum* laudat Quintilianus X, 1, § 90, moderationem modo vel temperantiam in eo desiderans. Huic nonnulli tribuunt carmen ad *Calpurnium Pisonem*, in editis Lucano inscriptum. — 2. Magis idoneum, in quo major locus esset accusationi. — 3. Alii *nationes*, non satis certo fonte.— 4. Sic Livius IV, 43 :

vidis vero et inimicis metum et terrorem ultro ferat, ipse securus et velut quadam perpetua potentia ac potestate munitus? cujus vis et utilitas rebus prospere fluentibus aliorum præsidio et tutela intelligitur: sin proprium periculum increpuit⁴, non Hercule lorica et gladius in acie firmius munimentum quam reo et periclitanti eloquentia præsidium simul ac telum, quo propugnare pariter et incessere sive in judicio sive in senatu sive apud Principem possis. quid aliud infestis Patribus nuper Eprius Marcellus⁵ quam eloquentiam suam opposuit? qua accinctus et minax disertam quidem, sed inexercitam et ejusmodi certaminum rudem Helvidii sapientiam elusit. Plura de utilitate non dico, cui parti minime contradicendum Maternum meum arbitror.

VI. « Ad voluptatem oratoriæ eloquentiæ transeo, cujus jucunditas non uno aliquo momento, sed omnibus prope diebus ac prope omnibus horis contingit. quid enim dulcius libero et ingenuo animo et ad voluptates honestas nato quam videre plenam semper et frequentem domum suam concursu splendidissimorum hominum? idque scire non pecuniæ, non orbitati¹ neque officii alicujus administrationi, sed sibi ipsi dari? illos quin immo orbos et locupletes et potentes venire plerumque ad juvenem et pauperem, ut aut sua aut amicorum discrimina commendent. Ullane tanta ingentium opum ac magnæ potentiæ voluptas, quam spectare homines veteres et senes et totius orbis gratia subnixos in summa rerum omnium abundantia confitentes, id quod optimum sit, se non habere? jam vero qui togatorum comitatus et egressus², quæ in publico species, quæ in judiciis veneratio, quod gaudium consurgendi assistendique inter tacentes et in unum conversos! coire populum et circumfundi coronam et accipere affectum, quemcunque orator induerit! Vulgata dicentium gaudia et imperitorum quoque oculis exposita percenseo³: illa secretiora et tantum ipsis orantibus nota majora sunt. sive accuratam meditatamque profert orationem, est quoddam sicut ipsius dictionis, ita gaudii pondus et constantia, sive novam et recentem curam⁴ non sine aliqua trepidatione animi attulerit, ipsa sollicitudo commendat eventum et lenocinatur voluptati⁵. sed extemporalis audaciæ atque ipsius temeritatis vel præcipua jucunditas est. nam in ingenio quoque, sicut in agro, quamquam alia diu serantur atque elaborentur, gratiora tamen quæ sua sponte nascuntur.

VII. « Equidem, ut de me ipse fatear, non eum diem lætiorem egi, quo mihi latus clavus oblati est¹, vel quo homo novus et in civitate minime favorabili² natus quæsturam aut tribunatum aut præturam accepi, quam eos quibus mihi pro mediocritate hujus quantulæcumque in dicendo facul-

Unde si quid increpat terroris.—s. De quo *Annal.* XVI, 22, 29, 33, *Hist.* IV, 8 seqq. et 45, ubi narratur res quæ hoc loco respicitur.

VI. 1. Cui hereditariæ blandiebantur; v. *Horat. Sat.* II, 8.—2. Clientes oratorem in forum indeque domum comitari et prosequi solebant.—3. In his nimirum quæ modo dicta sunt.—4. Orationem. Similis usus *Ann.* III, 24; IV, 2.—5. Gratiorem reddit et auget voluptatem. Similiter *Germ.* c. 45, *insitæ ferocitati lenocinantur.*

VII. 1. Quo in senatorium ordinem receptus sum, cujus insigne est *latus clavus*, tunica purpurâ late cincta.—2. Cui minime faveri solet apud Romanos. In Gallia natus

tatis aut reum prospere defendere aut apud centumviros ³ causam aliquam feliciter orare aut apud Principem ipsos illos libertos et procuratores Principum tueri et defendere datur. tum mihi supra tribunatus et præturas et consulatus ascendere videor, tum habere quod, si non ingenio ⁴ oritur, nec codicillis ⁵ datur nec cum gratia venit. Quæ fama et laus ejus ⁶ artis cum oratorum gloria comparanda est? quinam illustriores ⁷ in Urbe non solum apud negotiosos et rebus intentos, sed etiam apud juvenes et adolescentes, quibus modo recta et indoles est et bona spes sui? quorum nomina prius parentes liberis suis ingerunt? quos sæpius vulgus quoque imperitum et tunicatus hic populus ⁸ transeuntes nomine vocat et digito demonstrat? advenæ quoque et peregrini jam in municipiis et coloniis suis auditos, quum primum Urbem attigerunt, requirunt ac velut agnoscere concupiscunt.

VIII. « Ausim contendere Marcellum hunc Eprium, de quo modo locutus sum, et Crispum Vibium ¹ (libentius enim novis et recentibus quam remotis et obliuiscitis exemplis utor) non minus esse *notos* in extremis partibus terrarum quam Capuæ aut Vercellis, ubi nati dicuntur. nec hoc illis alteri ter millies sestertium ² præstat, quamquam ad has ipsas opes possunt videri eloquentiæ beneficio venisse, sed ipsa eloquentia; cujus numen et cœlestis vis multa quidem omnibus sæculis exempla edidit, ad quam usque fortunam homines ingemini viribus pervenerint; sed hæc, ut supra dixi, proxima et quæ non auditu cognoscenda sed oculis spectanda haberemus. nam quo sordidius et abjectius nati sunt, quoque notabilior paupertas et angustiae rerum nascentes eos circumsteterunt, eo clariora et ad demonstrandam oratoriæ eloquentiæ utilitatem illustriora exempla sunt, quod sine commendatione natalium, sine substantia facultatum, neuter moribus egregius, alter habitu quoque corporis contemptus, per multos jam annos potentissimi sunt civitatis, et donec libuit, principes fori, nunc principes in Cæsaris amicitia agunt feruntque ³ cuncta, atque ab ipso Principe cum quadam reverentia diliguntur, quia Vespasianus, venerabilis senex ⁴ et patientissimus veri, bene intelligit ceteros quidem amicos suos iis niti quæ ab ipso acceperint, quæque ipsi accumulare et in alios congerere promptum est, Marcellum autem et Crispum attulisse ad amicitiam suam, quod non a Principe acceperint nec accipi possit. minimum inter tot ac tanta locum obtinent imagines ⁵ ac tituli et

erat Aper, quod intelligitur ex cap. 10, *Gallis nostris*. — 5. In judiciis centumviralibus centum (quinque) virorum de tribubus 53 electorum: in quibus res privatæ judicabantur. — 4. Mss. *in alio*. — 3. Sc. Principum, ut *Agric.* c. 40, not. 4. — 6. Interrogatio duplex e græco more. — 7. Sic Orellius. Mss. *qui non illustres et*. — 8. Plebs opificum, agens sine toga opus faciendum impediens.

VIII. 1. De quo *Ann.* XIV, 28, *Hist.* II, 10; IV, 41, 45. Quintilianus X, 1, § 119: *V. Cr. compositus et jucundus et delectationi natus, privatis tamen causis quam publicis melior*. Deinde voc. *notos* a Lipsio additum. — 2. 55,000,000 fr. Dicendum erat: Nec hoc illis præstant *divitiæ*: pro quo vocabulo majore vi posuit numerum fortunarum alterius. — 3. Græca locutio de præda, ἄγειν καὶ φέρειν. Invidiosius dictum de causis pro ærario et fisco susceptis, quibus Vespasianus cupide prospiciebat. — 4. Anno illo sexagesimum quintum ætatis agens. Patientia veri quæ fuerit in Vespasiano narrat Sueton. c. 13. — 5. Sc. majorum in atrio positæ, nobilis originis testes.

statuæ, quæ neque ipsa tamen negliguntur, tam Hercule quam divitiæ et opes, quas facilius invenies qui vituperet quam qui fastidiat. His igitur et honoribus et ornamentis et facultatibus refertas domos eorum videmus, qui se ab ineunte adolescentia causis forensibus et oratorio studio dederunt.

IX. « Nam carmina et versus, quibus totam vitam Maternus insu-
mere optat (inde enim omnis fluxit oratio), neque dignitatem ullam
auctoribus suis conciliant neque utilitate eos alunt; voluptatem autem
brevem, laudem inanem et infructuosam consequuntur. Licet hæc ipsa,
et quæ deinde dicturus sum, aures tuæ, Materne, respuant, cui bono
est, si apud te Agamemnon aut Iason diserte loquitur¹? quis ideo do-
mum defensus et tibi obligatus redit? quis Saleium nostrum, egregium
poetam, vel si hoc honorificentius est, præclarissimum vatem, deducit
aut salutatur aut prosequitur? nempe si amicus ejus, si propinquus, si de-
nique ipse in aliquod negotium inciderit, ad hunc Secundum recurret, aut
ad te, Materne, non quia poeta es, neque ut pro eo versus facias: hi enim
Basso domi nascuntur, pulchri quidem et jucundi, quorum tamen hic
exitus est, ut, quum toto anno, per omnes dies, magna noctium parte
unum librum excudit et elucubravit, rogare ultro et ambire cogatur, ut
sint qui dignentur audire, et ne id quidem gratis: nam et domum mu-
tuatur et auditorium exstruit et subsellia conducit et libellos² dispergit.
et ut beatissimus recitationem ejus eventus prosequatur, omnis illa laus
intra unum aut alterum diem, velut in herba vel flore præcepta³, ad
nullam certam et solidam pervenit frugem; nec aut amicitiam inde refert
aut clientelam aut mansurum in animo cujusquam beneficium, sed cla-
morem vagum et voces inanes et gaudium volucre. Laudavimus nuper ut
miram et eximiam Vespasiani liberalitatem, quod quingenta sestertia⁴
Basso donasset. pulchrum id quidem, indulgentiam Principis ingenio me-
reri: quanto tamen pulchrius, si ita res familiaris exigat, se ipsum co-
lere⁵, suum genium propitiare, suam experiri liberalitatem? adjice quod
poetis, si modo dignum aliquid elaborare et efficere velint, relinquenda
conversatio amicorum et jucunditas Urbis, deserenda cetera officia, utque
ipsi dicunt, in nemora et lucos, id est in solitudinem, recedendum est.

X. « Ne opinio quidem et fama, cui soli serviunt et quod unum esse
pretium omnis laboris sui fatentur, æque poetæ quam oratores sequitur¹,
quoniam mediocres poetæ nemo novit, bonos pauci. quando enim raris-
simarum² recitationum fama in totam Urbem penetrat? nedum ut per tot
provincias innotescat. quotus quisque, quum ex Hispania vel Asia, ne
quid de Gallis nostris loquar, in Urbem venit, Saleium Bassum requirit?
atque adeo si quis requirit, ut semel vidit, transit et contentus est, ut si
picturam aliquam vel statuam vidisset. Neque hunc meum sermonem sic
accipi volo, tamquam eos, quibus natura sua oratorium ingenium dene-
gavit, deterream a carminibus, si modo in hac studiorum parte oblectare
otium et nomen inserere possunt famæ. Ego vero omnem eloquentiam

IX. 1. In tragædiis quas recitas. — 2. Quibus invitentur auditores. Conf. Plin. *Epist.* III, 8.—3. Prius et ante frugem capta, decerpta. — 4. 50,000 fr.—5. Quasi agrum.

X. 1. Comitatur, iis contingit.—2. Rarissimo et eminenti favore exceptarum.

omnesque ejus partes sacras et venerabiles puto; nec solum cothurnum vestrum aut heroici carminis sonum, sed lyricorum quoque jucunditatem et elegorum³ lascivias et iamborum amaritudinem⁴ et epigrammatum lusus et quamcumque aliam speciem eloquentia habeat, anteponendam ceteris aliarum artium studiis credo. Sed tecum mihi, Materne, res est, quod, quum natura tua in ipsam arcem eloquentiæ ferat⁵, errare mavis, et summa adeptus, in levioribus subsistis. ut si in Græcia natus esses, ubi ludieras quoque artes exercere honestum est⁶, ac tibi Nicostrati⁷ robur ac vires dii dedissent, non paterer immanes illos et ad pugnam natos lacertos levitate jaculi aut jactu disci vaneſcere; sic nunc te ab auditoriis et theatris in forum et ad causas et ad vera prælia voco, quum præsertim ne ad illud quidem confugere possis, quod plerisque patrociniatur, tanquam minus obnoxium sit offendere poetarum quam oratorum studium. effervescet enim vis pulcherrimæ naturæ tuæ: nec pro amico aliquo, sed quod periculosius est, pro Catone offendes. nec excusatur offensa necessitudine officii aut fide advocacy aut fortuitæ et subitæ dictionis impetu: meditatus videris, aut elegisse personam notabilem et cum auctoritate dicturam. Sentio qui responderi possit: hinc ingentes exisse assensus, hæc in ipsis auditoriis præcipue laudari et mox omnium sermonibus ferri. tolle igitur quietis et securitatis excusationem, quum tibi sumas adversarium superiorem. nobis satis sit privatas et nostri sæculi controversias tueri, in quibus expressis⁸ si quando necesse sit pro periclitante amico potentiorum aures offendere, et probata sit fides et libertas excusata. »

XI. Quæ quum dixisset Aper acrius, ut solebat, et intento ore, remissus et subridens Maternus, « Parantem [me], inquit, non minus diu accusare oratores quam Aper laudaverat (fore enim arbitrabar ut a laudatione eorum digressus detractaret poetas atque carminum studium prosterneret) arte quadam mitigavit, concedendo iis qui causas agere non possent, ut versus facerent. Ego autem sicut in causis agendis efficere aliquid et eniti fortasse possum, ita recitatione tragædiarum et ingredi famam auspicatus sum, quum quidem in Neroneis¹ improbam et studiorum quoque sacra profanantem Vatini² potentiam fregi, et hodie, si quid in nobis notiitiæ ac nominis est, magis arbitror carminum quam orationum gloria partum. ac me dejungere a forensi labore constitui, nec comitatus istos et egressus aut frequentiam salutationum concupisco, non magis quam aera³ et imagines, quæ etiam me nolente in domum meam irruerunt. nam statum hucusque ac securitatem melius innocentia tueor quam eloquentia⁴; nec

—3. Amatoria potissimum tractantium.—4. Ab Archilocho, quem *proprio rabies armavit iambo* (Horat. Poet. 79), et mordaci comædia Græcorum antiqua *amari* dicuntur iambi.

—5. Intransive, ut *via fert*, de directione quæ dicitur.—6. Conf. *Annal.* XIV, 46 et 21, præsertim proœmium Cornelii Nepotis.—7. Clari illo tempore et invicti athletæ.

—8. Non sponte susceptis, sed si precibus aut rei necessitate vincamur.

XI. 1. *Neroneæ*, certamen quinquennale sive agon musicus a Nerone institutus; v. Sueton. c. 12, 21, *Vitell.* c. 4. In his igitur Maternus certaverat. Nam quod est in manuscriptis, *in Nerone*, omnem interpretationem sanam respuit.—2. De hoc *fadissimo Neronis aula ostento* vide *Annal.* XV, 34.—3. Statuas æneas.—4. Iis respondet quæ Aper dixerat capite 3 medio.

vereor ne mihi umquam verba in senatu nisi pro alterius discrimine facienda sint.

XII. «Nemora vero et luci et secretum ipsum, quod Aper increpabat ¹, tantam mihi afferunt voluptatem, ut inter præcipuos carminum fructus numerem quod non in strepitu nec sedente ante ostium litigatore nec inter sordes ac lacrimas reorum ² componuntur, sed secedit animus in loca pura atque innocentia, fruitorque sedibus sacris. hæc eloquentiæ primordia, hæc penetralia; hoc primum habitu cultuque commoda ³ mortalibus in illa casta et nullis contacta vitiis pectora influxit; sic oracula loquebantur. nam lucrosæ hujus et sanguinantis eloquentiæ usus recens et ex malis moribus natus, atque, ut tu dicebas ⁴, Aper, in locum teli repertus. Ceterum felix illud et, ut more nostro loquar, aureum sæculum, et oratorum et criminum inops, poetis et vatibus abundabat, qui bene facta canerent, non qui male admissa defenderent. nec ullis aut gloria major aut augustior honor, primum apud deos, quorum proferre responsa et interesse epulis ferebantur, deinde apud illos diis genitos sacrosque reges ⁵, inter quos neminem causidicorum, sed Orpheæ et Linum, ac si introspicere altius velis, ipsum Apollinem accepimus. vel si hæc fabulosa nimis et composita ⁶ videntur, illud certe mihi concedis, Aper, non minorem honorem Homero quam Demostheni apud posteros, nec angustioribus terminis famam Euripidis aut Sophoclis quam Lysiae aut Hyperidis includi. plures hodie reperies qui Ciceronis gloriam quam qui Virgilii detractent; nec ullus Asinii ⁷ aut Messalæ liber tam illustris est quam Medea Ovidii aut Varii Thyestes ⁸.

XIII. «Ac ne fortunam quidem vatium et illud felix contubernium ¹ comparare timuerim cum inquieta et anxia oratorum vita. licet illos certamina et pericula sua ad consulatus evexerint, malo securum et quietum Virgilii secessum, in quo tamen neque apud divum Augustum gratia caruit neque apud populum Romanum notitia. testes Augusti epistolæ ², testis ipse populus, qui auditis in theatro Virgilii versibus ³ surrexit universus et forte præsentem spectantemque Virgilium veneratus est sic quasi Augustum. Ne nostris quidem temporibus Secundus Pomponius ⁴ Afro Domitio ⁵ vel dignitate vitæ vel perpetuitate famæ cesserit. nam Crispus iste et Marcellus, ad quorum exempla me vocas ⁶, quid habent in hac sua fortuna concupiscendum? quod timent? an quod timentur? quod, quum

XII. 1. Cap. 9 fine.—2. Qui hinc *sordidati* dicuntur, ab amictu neglecto, sollicitudinis teste.—3. Opportuna, prospiciens. Nonnulli scribunt *commendata*.—4. Cap. 5.—5. Noti ex Homero *διογενεὺς* et *διοτρεφεὺς βασιλῆς*.—6. Ficta.—7. Asinius Pollio, Augusti amicus, multæ libertatis orator. Celebrior eo M. Valerius Messala Corvinus.—8. Consentit cum Tacito Quintilianus in laude harum tragædiarum, X, 1, § 98: *Jam Varii Thyestes cuilibet Græcarum (fabularum) comparari potest. Ovidii Medea videtur mihi ostendere quantum ille vir præstare potuerit, si ingenio suo temperare quam indulgere maluisset.*

XIII. 1. Sc. cum Musis et diis, in nemoribus et lucis.—2. Quas frequentes ad Virgilium dabat; v. Macrobi. *Sat.* I, 24, p. 323 Bip.—3. Qui per *cantores* in scena recitabantur, dum pantomimi gestu motuque rem exprimebant.—4. Tragicus poeta laudatus ob *eruditionem* et *nitorem* (Quintil. loco cit.), de quo ad *Ann.* V, 8; XII, 28.—5. Oratori illius temporis primario, de quo *Ann.* IV, 32, Quintilian. *ibid.* § 118.—6. Vide cap. 5 et

quotidie aliquid rogentur, ii quibus præstant indignantur⁷? quod alligati cum adulatione⁸ nec imperantibus umquam satis servi videntur nec nobis satis liberi? quæ hæc summa eorum potentia est? tantum posse liberti solent⁹. Me vero dulces, ut Virgilius ait¹⁰, Musæ, remotum a sollicitudinibus et curis et necessitate quotidie aliquid contra animum faciendi, in illa sacra illosque fontes ferant; nec insanum¹¹ ultra et lubricum forum famamque pallentem¹² trepidus experiar. non me fremitus salutantium nec anhelans libertus excitet¹³; nec incertus futuri testamentum pro pignore¹⁴ scribam; nec plus habeam quam quod possim cui velim relinquere¹⁵, quandoque fatalis et meus dies veniat; statuarque tumulo non mœstus et atrox¹⁶, sed hilaris et coronatus; et pro memoria mei¹⁷ nec consulat quisquam nec roget. »

XIV. Vixdum finierat Maternus, concitatus et velut instinctus, quum Vipstanus Messala¹ cubiculum ejus ingressus est, suspicatusque ex ipsa intentione singulorum altiore inter eos esse sermonem, « Num parum tempestivus, inquit, interveni secretum consilium et causæ alicujus meditationem tractantibus? » — « Minime, minime, inquit Secundus; atque adeo vellem maturius intervenisses. delectasset enim te et Apri nostri accuratissimus sermo, quum Maternum, ut omne ingenium ac studium suum ad causas agendas converteret, exhortatus est, et Materni pro carminibus suis læta, utque poetas defendi decebat, audentior et poetarum quam oratorum similior oratio. » — « Me vero, inquit, et sermo ipse infinita voluptate affecisset, atque id ipsum delectat, quod vos, viri optimi et temporum nostrorum oratores², non forensibus tantum negotiis et declamatorio studio³ ingenia vestra exercetis, sed ejusmodi etiam disputationes assumitis, quæ et ingenium alunt et eruditionis ac litterarum jucundissimum oblectamentum quum vobis, qui illa disputatis, afferunt, tum etiam iis, ad quorum aures pervenerint. Itaque Hercule non minus probari video in te, Secunde, quod Julii Asiatici⁴ vitam componendo spem hominibus fecisti plurimum ejusmodi librorum, quam in Apro, quod nondum a scholasticis controversiis recessit et otium suum mavult novorum rhetorum more quam veterum oratorum consumere. »

XV. Tum Aper, « Non desinis, Messala, vetera tantum et antiqua mirari, nostrorum autem temporum studia irridere atque contemnere? nam hunc tuum sermonem sæpe excepi, quum oblitus et tuæ et fratris tui¹ eloquentiæ neminem hoc tempore oratorem esse contenderes; atque id eo, credo, audacius, quod malignitatis opinionem non verebaris, quum

8. — 7. Nam gravis erat liberis tanta singulorum potentia, ipsis quamquam utilis. — 8. Dum adulationi indulgent. — 9. Quorum nota potentia apud Principes. — 10. *Georgic.* II, 473. — 11. Insano clamore perstrepsens. Hoc quoque vocabulum a Virgilio, *ibid.* 302. — 12. Ut pro qua timetur cum pallore. — 13. Mane expergefasciat. Conf. Horat. *Sat.* I, 1, 10. — 14. Sc. status mei: pro securitate mea, vel Principem vel potentes inscribendo. Conf. dicta *Agric.* c. 45. — 15. Libere mea relinquere ei cui velim. — 16. Vultu caudidici. — 17. Nam vel in memoriam defunctorum mali Principes sæviebant.

XIV. 1. Orator celeberrimus, de quo multa Tacitus *Hist.* III, 9, 11, 18, 28, etc. — 2. Vide de hoc vocabulo dicta c. 1. — 3. Quod in rebus fictis versabatur, ut infra *scholasticæ controversiæ*. — 4. Memorati *Hist.* II, 94.

XV. 1. Haud dubie *Aquilio Regulo*, de quo *Hist.* IV, 42, et qui sæpe memoratur *Re*

eam gloriam, quam tibi alii concedunt, ipse tibi denegares. » — « Neque illius, inquit ², sermonis mei pœnitentiam ago, neque aut Secundum aut Maternum aut te ipsum, Aper, quamquam interdum in contrarium disputes, aliter sentire credo. ac velim impetratum ab aliquo vestrum, ut causas hujus infinitæ differentiæ scrutetur ac reddat, quas mecum ipse plerumque conquire. et quod quibusdam solatio est, mihi auget quæstionem, quia video etiam Gratis accidisse, ut longius absit Æschine et Demosthene Sacerdos iste Nicetes ³, et si quis alius Ephesum vel Mytilenas contentis scholasticorum clamoribus quatit ⁴, quam Afer aut Africanus ⁵ aut vos ipsi a Cicerone aut ab Asinio recessistis. »

XVI. « Magnam, inquit Secundus, et dignam tractatu quæstionem movistis. sed quis eam justius explicabit quam tu, ad cujus summam eruditionem et præstantissimum ingenium cura quoque et meditatio accessit? » Et Messala, « Aperiam, inquit, cogitationes meas, si illud a vobis ante impetravero, ut vos quoque sermonem hunc nostrum adjuvetis. » — « Pro duobus, inquit Maternus, promitto. nam et ego et Secundus exsequemur eas partes, quas intellexerimus te non tam omisisse quam nobis reliquisse. Aprum enim solere dissentire et tu paullo ante dixisti, et ipse satis manifestus est ¹ jamdudum in contrarium accingi, nec æquo animo perferre hanc nostram pro antiquorum laude concordiam. »

« Non enim, inquit Aper, inauditum et indefensum sæculum nostrum patiar hac vestra conspiratione damnari. sed hoc primum interrogabo, quos vocetis *antiquos*, quam oratorum ætatem significatione ista determinetis. ego enim quum audio antiquos, quosdam veteres et olim natos intelligo; ac mihi versantur ante oculos Ulixes et Nestor ², quorum ætas mille fere et trecentis annis sæculum nostrum antecedit: vos autem Demosthenem et Hyperidem profertis, quos satis constat Philippi et Alexandri temporibus floruisse, ita tamen ut utrique superstites essent. ex quo apparei non multo plures quam quadringentos annos interesse inter nostram et Demosthenis ætatem. quod spatium temporis si ad infirmitatem corporum nostrorum referas, fortasse longum videtur; ad naturam sæculorum ac respectum immensi hujus ævi perquam breve et in proximo est. nam si, ut Cicero in Hortensio ³ scribit, is est magnus et verus annus, quo eadem positio cæli siderumque, quæ cummaxime est, rursum existet ⁴, isque annus horum quos nos vocamus annorum duodecim millia

guli nomine in Plinianis epistolis.—2. Messala.—3. *Nicetes Sacerdos*, Smyrnæus, clarus illo tempore rhetor, una cum Quintiliano magister Plinii minoris (*Epist.* VI, 6, med.).—4. Ipso magistro et moderatore declamantium clamoris orationibus concutit, percellit. Plurimum in Asiaticis urbibus declamabatur.—5. De quibus Quintilianus § 112: « Eorum quos viderim Domitius Afer et Julius Africanus longe præstantissimi (oratores): arte ille et toto genere dicendi præferendus, et quem in numero veterum locare non timeas; hic concitator, sed in cura verborum nimius et compositione nonnunquam longior et translationibus parum modicus. »

XVI. 1. Græca et vividior structura pro, manifestum est accingi.—2. Quorum eloquentia ab Homero celebratur.—3. Sive *de philosophia* libro perduto. Quem Ciceronis prope præstantissimum fuisse, ostendunt fragmenta.—4. Sive, ut Servius, *omnibus planetis in eundem recurrentibus locum*. Diversissimæ sunt inter se et veterum et recentiorum sententiæ de *magno anno*, plerisque tamen modum multo majorem statuentibus quam

nongentos quinquaginta quattuor complectitur, incipit Demosthenes vester, quem vos veterem et antiquum fingitis, non solum eodem anno quo nos, sed ferme eodem mense existitis.

XVII. « Sed transeo ad Latinos oratores, in quibus non Menenium, ut puto, Agrippam¹, qui potest videri antiquus, nostrorum temporum disertis antepone soletis, sed Ciceronem et Cæsarem et Cœlium et Calvum et Brutum et Asinium et Messalam². quos quidem cur antiquis temporibus potius ascribatis quam nostris, non video. nam ut de Cicerone ipso loquar, Hirtio nempe et Pansa consulibus, ut Tiro libertus ejus scripsit³, septimo idus Decembres⁴ occisus est, quo anno divus Augustus in locum Pansæ et Hirtii se et Quintum Pedium consules suffecit. statue sex et quinquaginta annos, quibus mox divus Augustus⁵ rempublicam rexit; adjice Tiberii tres et viginti, et prope quadriennium Caii, ac bis quaternos denos Claudii et Neronis annos, atque ipsum Galbæ et Othonis et Vitellii longum⁶ et unum annum, ac sextam jam felicitis hujus principatus stationem⁷, qua Vespasianus rempublicam fovet: centum et viginti anni ab interitu Ciceronis in hunc diem colliguntur, unius hominis ætas. nam ipse ego in Britannia vidi senem, qui se fatabatur ei pugnae interfuisse, qua Cæsarem inferentem arma Britannia arcere littoribus et pellere aggressi sunt⁸. ita si cum, qui armatus Caio Cæsari restitit, vel captivitas vel voluntas vel fatum aliquod in Urbem pertraxisset, idem et Cæsarem ipsum et Ciceronem audire potuit, et nostris quoque actionibus interesse. proximo quidem congiario⁹ ipsi vidistis plerosque senes, qui se a divo quoque Augusto semel atque iterum accepisse congiarium narrabant. ex quo colligi potest et Corvinum¹⁰ ab illis et Asinium audiri potuisse: nam Corvinus in medium usque Augusti principatum, Asinius pene ad extremum duravit. Ne dividatis sæculum et¹¹ antiquos ac veteres vocitetis oratores, quos eorumdem hominum aures agnoscere ac velut conjungere et copulare poterunt.

XVIII. « Hæc ideo prædixi, ut si qua ex horum oratorum famâ gloriæque laus temporibus acquiritur, eandem docerem in medio sitam et propiorem nobis quam Servio Galbæ aut Caio Carboni¹, quosque alios merito antiquos vocaverimus. sunt enim horridi et impoliti et rudes et informes, et quæ utinam ne in ulla parte imitatus esset Calvus vester aut Cœlius aut ipse Cicero. Agere enim fortius jam et audentius volo, si illud ante præ-

Cicero in Hortensio; et ipse in *Repubblica* (VI, c. 22) illius *vere vertentis anni* nondum vigesimam partem conversam esse dicit.

XVII. 1. Qui in Sacro monte ad plebem verba fecit, a. 503 ante Chr. Liv. II, 32.—2. De quibus copiose narratur ab Ellendtio et Meyero, quorum libros conjungendos curavi in *Fragmentis oratorum Romanorum* Parisiis, 1837.—3. In libris *de Ciceronis vita*, quibus Plutarchus quoque usus est.—4. Die 7 decembri anni U. 711, ante Chr. 43.—5. Mortuus a. 14 p. Chr.—6. Ut gestis et fatis refertissimum. Nero cecidit die 11 Junio anni U. 821, Vespasiani auspicia referuntur ad kalendas Julias 822, quamquam Vitellius vergente demum mense Decembri ejusdem anni occisus est. Conf. *Hist.* II, 79.—7. Metaphora a re militari petita.—8. Vide *Agric.* c. 15.—9. Anno U. 826 præbito.—10. Messalam, de quo c. 12.—11. Junge cum *ne*, pro, *neve*.

XVIII. 1. De his quoque oratoribus et qui infra nominabuntur vide Ellendtii historiam supra indicatam, ubi et judicia Ciceronis aliorumque et ipsorum fragmenta habes.

dixero, mutari cum temporibus formas quoque et genera dicendi. sic Catoni seni comparatus Caius Gracchus² plenior et uberior; sic Graccho politior et ornatior Crassus³; sic utroque distinctior et urbanior et altior Cicero, Cicerone mitior Corvinus et dulcior et in verbis magis elaboratus. Nec quero quis disertissimus: hoc interim probasse contentus sum, non esse unum eloquentiæ vultum, sed in illis quoque, quos vocatis antiquos, plures species deprehendi; nec statim deterius esse quod diversum est; vitio autem malignitatis humanæ vetera semper in laude, præsentia in fastidio esse. num dubitamus inventos qui præ Catone Appium Cæcū⁴ magis mirarentur? satis constat ne Ciceroni quidem obtrectatores defuisse, quibus inflatus et tumens nec satis pressus, sed supra modum exsultans et superfluens et parum Atticus⁵ videretur. legistis utique et Calvi et Bruti ad Ciceronem missas epistolas, ex quibus facile est deprehendere Calvum quidem Ciceroni visum exsanguem et attritum, Brutum autem otiosum atque diiunctum; rursusque Ciceronem a Calvo quidem male audisse tanquam solum et enervem, a Bruto autem, ut ipsius verbis utar, *tanquam fractum atque elumbem*⁶. Si me interrogas, omnes mihi videntur verum dixisse. sed mox ad singulos veniam: nunc mihi cum universis negotium est.

XIX. « Nam quatenus antiquorum admiratores hunc velut terminum antiquitatis constituere solent, quem usque ad Cassium Severum¹ faciunt, quem primum affirmant flexisse ab illa vetere atque directa dicendi via, non infirmitate ingenii nec inscitia litterarum transtulisse se ad id dicendi genus contendo, sed iudicio et intellectu. vidit namque, ut paulo ante dicebam, cum conditione temporum et diversitate aurium formam quoque ac speciem orationis esse mutandam. Facile perferebat prior ille populus, ut imperitus et rudis, impeditissimarum orationum spatia; atque id ipsum laudi dabatur, si dicendo quis diem eximeret². jam vero longa principiorum³ preparatio et narrationis alte repetita series et multarum divisionum ostentatio⁴ et mille argumentorum gradus, et quicquid aliud aridissimis Hermagoræ⁵ et Apollodori⁶ libris præcipitur, in honore erat: quod si quis odoratus philosophiam videretur atque ex ea locum aliquem orationi suæ insereret, in cælum laudibus ferebatur. Nec mirum: erant enim hæc nova et incognita, et ipsorum quoque oratorum paucissimi præcepta rhetorum aut philosophorum placita cognoverant. at Hercule pervulgatis

Galba et *Carbonis* consulatus incidunt in annos U. 610 et 651. — 2. Occisus a. U. 655. — 3. Mortuus a. U. 665. — 4. Censorem a. U. 442, qui in senatu pacis condiciones a Pyrrho rege oblatas impugnavit; Plut. *Pyrrh.* c. 18 seq. — 5. Id est, non satis pressus. Erant enim qui Ciceroni Asianum potius sive Asiaticum (id est tumentem et superfluentem) quam Atticum (id est pressum) *γλαυκῶν* non prorsus injuria tribuerent. Lege Quintilian. XII, 10, § 12–14, et quæ ipse Cicero exponit *Bruto* c. 32–37, et *de opt. genere orat.* c. 2–3. — 6. Conf. Quintil. XII, 1, § 22; 10, § 12 seq.

XIX. 1. Qui, *orandi validus*, obiit a. U. 777, *Annal.* IV, 21. — 2. Consumendo eriperet. Quare ab a. U. 702. Pompeii rogatu, clepsydra in foro iudiciisque ponebatur et dicendæ tempora dividebantur. — 3. Exordiorum. — 4. *Partitio* proprie vocabatur. *Argumenta* referuntur ad *probationem* et *refutationem*. — 5. Qui Temno in Æolia oriundus Romæ sub Augusto docebat et scribebat. — 6. Pergameni, Augusti præceptoris Apolloniæ,

jam omnibus, quum vix in corona⁷ quisquam assistat quin elementis studiorum, etsi non instructus, at certe imbutus⁸ sit, novis et exquisitis eloquentiæ itineribus opus est, per quæ orator fastidium aurium effugiat, utique apud eos iudices qui vi et potestate, non jure et legibus cognoscunt, et nec accipiunt tempora, sed constituunt, nec expectandum habent⁹ oratorem, dum illi libeat de ipso negotio dicere, sed sæpe ultro admonent atque alio transgredientem revocant et festinare se testantur.

XX. « Quis nunc feret oratorem de infirmitate valetudinis suæ præfatem? qualia sunt fere principia Corvini. quis quinque in Verrem libros¹ expectabit? quis de exceptione et formula perpetietur illa immensa² volumina quæ pro Marco Tullio aut Aulo Cæcina legimus? præcurrit hoc tempore iudex dicentem, et nisi aut cursu argumentorum aut colore sententiarum aut nitore et cultu descriptionum invitatus et corruptus est, aversatur dicentem. vulgus quoque assistentium et affluens et vagus auditor assuevit jam exigere lætitiā et pulchritudinem orationis: nec magis perfert in judiciis tristem et impexam antiquitatem quam si quis in scena Roscii aut Turpionis Ambivii³ exprimere gestus velit. Jam vero juvenes et in ipsa studiorum incude positi⁴, qui profectus sui causa oratores sectantur, non solum audire, sed etiam referre domum aliquid illustre et dignum memoria volunt; traduntque invicem⁵ ac sæpe in colonias ac provincias suas scribunt, sive sensus⁶ aliquis arguta et brevi sententia effulsit, sive locus exquisito et poetico cultu enituit. exigitur jam ab oratore etiam poeticus decor, non Attii aut Pacuvii⁷ veterino inquinatus, sed ex Horatii et Virgilii et Lucani sacrario prolatus. Horum igitur auribus et judiciis obtemperans nostrorum oratorum ætas pulchrior et ornatior exstitit. neque ideo minus efficaces sunt orationes nostræ, quia ad aures judicantium cum voluptate perveniunt. quid enim, si infirmiora horum temporum templa credas, quia non rudi cæmento et infirmis tegulis extruuntur, sed marmore nitent et auro radiantur⁸?

XXI. « Equidem fateor vobis simpliciter, me in quibusdam antiquorum vix risum, in quibusdam autem vix somnum tenere. nec unum de populo,

auctor Ἀπολλοδώρεϊον αἰρέσεως. — 7. Manuscr., *cortina*. — 8. Adverte distinctionem verborum *instrui et imbui*. — 9. Existimant.

XX. 1. Nimirum actionis secundæ, quæ scripta tantum, non dicta fuit. — 2. *Immensa*, utpote lecta haud jucunda: quippe quæ versantur, oratione (perdita) *pro Tullio*, in exponenda formula interdicti a Lucullo propositi; oratione *pro Cæcina*, in enarrando interdicto *de vi, hominibus armatis*. — 3. *Roscii* histrio ex Cicerone atque adeo proverbio satis notus. Paulo ante illum clarus erat *Ambivius Turpio*, qui in Terentianis comædiis primas partes agebat. Post actores illos severiores, mimorum gestus invaluerunt et jam unice placebant. — 4. *Juvenes et adolescentes*. Ut in *incude* metalla ad justam formam rediguntur, ita in scholis puerorum et adolescentium rudia ingenia. Hinc metaphora Græcis paullo usitatior scholam vocat *studiorum incudem*. — 5. Secum invicem communicant. — 6. «Mente concepta *sensus* vocamus; lumina autem, præcipue in clausulis posita, *sententias*.» Quintilian. — 7. Veterum poetarum tragicorum, quorum prior obiit a. U. 667, alter a. U. 624. — 8. Sententia: «Quonquam nostræ ætatis oratores latius dicendi genus sequuntur eoquæ a veteribus diversi sunt, tamen veterum illorum gravitas non evanuit, uti templa recentiora, magnificentiora illa, eadem firmitate constructa sunt, qua priorum rudia et informia.»

Canutium aut Arrium Furniumve, curo, nec alios¹ in eodem valetudinario² hæc ossa et hanc maciem probantes³ : ipse mihi Calvus, quum unum et viginti, ut puto, libros reliquerit, vix in una et altera oratione satisfacit. nec dissentire ceteros ab hoc meo iudicio video : quotus enim quisque Calvi in Asitium aut in Drusum⁴ legit? at Hercule in hominum studiosorum manibus versantur accusationes quæ in Vatinius inscribuntur, ac præcipue secunda ex his oratio. est enim verbis ornata et sententiis, auribus iudicum accommodata, ut scias ipsum quoque Calvum intellexisse quid melius esset, nec voluntatem ei, quo sublimius et cultius diceret, sed ingenium ac vires defuisse. Quid ex Cælianis orationibus⁵? nempe eæ placent, si non universæ, at partes earum, in quibus nitorem et altitudinem horum temporum agnoscimus, sordes autem illæ verborum et hians compositio et inconditi sensus redolent antiquitatem; nec quemquam adeo antiquarium⁶ puto, ut Cœlium ex ea parte laudet qua antiquum est. Concedamus sane Caio Cæsari, ut propter magnitudinem cogitationum et occupationes rerum in eloquentia non effecerit quæ divinum ejus ingenium postulabat⁸; tam hercle quam Brutum philosophiæ suæ relinquamus : nam in orationibus minorem esse fama sua etiam admiratores ejus fatentur⁹. nec fere quisquam aut Cæsaris pro Decio Samnite aut Bruti pro Deiotaro rege¹⁰ ceterosque ejusdem lentitudinis ac teporis libros legit, nisi et carmina eorundem miratur. fecerunt enim et carmina et in bibliothecas retulerunt¹¹, non melius quam Cicero, sed felicius, quia illos fecisse pauciores sciunt. Asinius quoque, quamquam propioribus temporibus natus sit, videtur mihi inter Menenius et Appios studuisse¹². Pacuvium certe et Attium non solum tragædiis, sed etiam orationibus suis expressit : adeo durus et siccus est. Oratio autem, sicut corpus hominis, ea demum pulchra est, in qua non eminent venæ nec ossa numerantur, sed temperatus ac bonus sanguis implet membra et exsurgit toris¹³ ipsosque nervos rubore tegit et decore commendat. Nolo Corvinum insequi, quia non per ipsum stetit¹⁴, quominus lætitiâ nitoremque nostrorum temporum exprimeret. viderimus¹⁵ in quantum iudicio ejus vis aut animi aut ingenii suffecerit.

XXII. « Ad Ciceronem venio, cui eadem pugna cum æqualibus suis

XXI. 1. Sic Gronovius et Ritterus. Manuscripti *Canuti aut Attii de Furnio et Cornio alios*. Canutium, Arrium et Furnium oratores memorat Cicero. — 2. Eodem vitio laborantes. Seneca *Epist.* XXVII : *Tanquam in eodem valetudinario jaceam, de communi malo tecum colloquor*. — 3. Mss. *probant*. *Ossa et macies* de tenui et exili dicendi genere. — 4. Sc. orationes. De hominibus illis nihil certi constat. Conjecturas habes in *Fragmentis oratorum* p. 521 seqq., ibidemque fragmenta orationum in *Vatinius*, ex Cicerone notum. — 5. Nonne idem efficitur ex Cælii orationum exemplo? — 6. Antiquitatis amatorem fervidum. — 7. Similiter loquuntur Quintilianus X, 1, § 114, et Plutarchus *Vita Cæs.* c. 5. — 8. Quintilianus § 125 : *In philosophia* (Stoica, de qua libros edidit) *egregius multoque, quam in orationibus, præstantior Brutus suffecit ponderi rerum : scias eum sentire quæ dicit*. — 9. Orationem pro illo Armeniæ rege coram Cæsare Nicææ habitam; Cic. *Ep. ad Attic.* XIV, 1. — 10. Ubi inspicere studiosis poterant. Erat hic tum unus ex edendi modis. — 11. Litteris operam dedisse. Menenius Agrippa et Cl. Appius Cæcus jam c. 17 et 18 memorati. Quintilianus quoque de Asinio, § 115 : *A nitore et jucunditate Ciceronis ita longe abest, ut videri posset sæculo prior*. — 12. Musculis. — 13. Non penes ipsum, in ipsius potestate fuit. — 14. Potius nostrum est videre in *quantum*, etc.

fuit, quæ mihi vobiscum est. illi enim antiquos mirabantur, ipse suorum temporum eloquentiam anteponebat; nec ulla re magis ejusdem ætatis oratores præcurrit¹ quam judicio. primus enim excoluit orationem, primus et verbis delectum adhibuit et compositioni artem; locos quoque lætiores attentavit et quasdam sententias² invenit, utique in iis orationibus quas senior jam et juxta finem vitæ composuit, id est postquam magis profecerat, usuque et experimentis didicerat quod optimum dicendi genus esset. nam priores ejus orationes non carent vitiis antiquitatis. lentus est in principiis, longus in narrationibus, otiosus circa excessus³; tarde commovetur, raro incalescit; pauci sensus apte et cum quodam lumine terminantur. nihil excerpere, nihil referre possis; et velut in rudi ædificio, firmus sane paries et duraturus, sed non satis expolitus et splendens. Ego autem oratorem, sicut locupletem ac lautum patrem familiæ, non eo tantum volo tecto tegi, quod imbrem ac ventum arceat, sed etiam quod visum et oculos delectet; non ea solum instrui suppellectile, quæ necessariis usibus sufficiat, sed etiam sit in apparatu ejus et aurum et gemmæ, ut sumere in manus, ut aspicere sapius libeat. quædam vero procul arceantur ut jam obliterata et olentia; nullum sit verbum velut rubigine infectum; nulli sensus tarda et inerti structura in morem annalium⁴ componantur; fugitet fœdum et insulsam scurrilitatem, variet compositionem, nec omnes clausulas uno et eodem modo determinet.

XXIII. « Nolo irridere *rotam fortune*¹ et *jus Verrinum*² et illud tertio quoque sensu³ in omnibus orationibus pro sententia positum *esse videatur*. nam et hoc invitus retuli, et plura omisi, quæ tamen sola mirantur atque exprimunt ii qui se antiquos oratores vocant. neminem nominabo, genus hominum significasse contentus: sed vobis utique versantur ante oculos isti qui Lucilium pro Horatio⁴ et Lucretium pro Virgilio legunt; quibus eloquentia Aufidii Bassi aut Servilii Noniani⁵ ex comparatione Sisennæ⁶ aut Varronis sordet; qui rhetorum nostrorum commentarios fastidiunt, oderunt, Calvi mirantur. quos more prisco apud judicem fabulantes⁷ non auditores sequuntur, non populus audit, vix denique litigator perpetitur: adeo mœsti et inculli illam ipsam quam jactant sanitatem non firmitate, sed jejuniis consequuntur⁸. porro ne in

XXII. 1. Perfect. : præcelluit. — 2. Vid. not. 6 ad c. 20. — 3. Digressiones. Quintilianus III, 9, § 4: *Egressio vel, quod usitatius esse capit, excessus*. Alibi vocat *excursus*. — 4. Qui sine arte ulla aut ornatu scripti erant. Conf. Cic. *de Orat.* II, 12.

XXIII. 1. Haud dubie hæc verba non per se irridebantur, sed ob lusum quem Cicero captavit, *Or. in Pisonem* c. 10, § 22: « Quid te ilis diebus sobrium, quis agentem aliquid quod esset libero dignum, quis denique in publico vidit? quum collegæ tui domus cantu et cymbalis personaret, quumque ipse nudus in convivio saltaret: in quo ne tum quidem, quum illum suum saltatorium versaret orbem, *fortune rotam* pertumescerebat. » — 2. Ex actione secunda in *Ferrem* I, 46, ubi Cicero ut Siculorum dieterium memorat, non ut suum. Lusus in duplici significatione vocabuli *jus* et *verre* seu porco castrato, ob injustitiam Verris. — 3. Enuntiato, periodo. *Sententia* iterum ut c. 20, not. 6. De formula ipsa frequenti apud Ciceronem lenius judicat Quintilianus IX, 4, § 75; X, 2, § 16. — 4. Cujus compara satiras 4 et 10 libri primi. — 5. De quibus historiarum scriptoribus v. judicium Quintiliani X, 1, § 102, 105. — 6. Conf. ad *Hist.* III, 31. — 7. Sermone quotidiano utentes, non oratione. — 8. Quintilianus XII, 10, § 13: *...aridi et exsuccæ et exsanguis: hi sunt enim qui suæ imbecillitati sanitatis appellationem, quæ est*

corpore quidem valetudinem medici probant, quæ animi anxietate contingit. parum est ægrum non esse: fortem et lætum et alacrem volo. prope abest ab infirmitate, in quo sola sanitas laudatur. Vos vero, disertissimi, ut potestis, ut facitis, illustrate sæculum nostrum pulcherrimo genere dicendi. nam et te, Messala, video lætissima quæque antiquorum imitantem, et vos, Materne ac Secunde, ita gravitati sensuum nitorem et cultum verborum miscetis, ea electio inventionis, is ordo rerum, ea, quoties causa poscit, ubertas, ea, quoties permittitur, brevitatis, is compositionis decor, ea sententiarum planitas¹ est, sic exprimitis affectus, sic libertatem temperatis, ut, etiamsi nostra judicia malignitas et invidia tardaverit, verum de vobis dicturi sint posteri nostri.»

XXIV. Quæ quum Aper divisset, « Agnoscitisne, inquit Maternus, vim et ardorem Apri nostri? quo torrente, quo impetu sæculum nostrum defendit; quam copiose ac varie vexavit antiquos; quanto non solum ingenio ac spiritu, sed etiam eruditione et arte ab ipsis mutuatus est per quæ mox ipsos incerseret. Tuum tamen, Messala, promissum immutasse non debet. neque enim defensorem antiquorum exigimus, nec quemquam nostrum, quamquam modo laudati sumus, iis quos insectatus est Aper comparamus. ac ne ipse quidem ita sentit, sed more veteri et a vestris philosophis sæpe celebrato sumpsit sibi contradicendi partes. Igitur exprome nobis non laudationem antiquorum (satis enim illos fama sua laudat), sed causas, cur in tantum ab eloquentia eorum recesserimus, quum præsertim centum et viginti annos ab interitu Ciceronis in hunc diem effici ratio temporum¹ collegerit.»

XXV. Tum Messala, « Sequar præscriptam a te, Materne, formam. neque enim diu contradicendum est Apro, qui primum, ut opinor, nominis controversiam movit, tamquam parum proprie *antiqui* vocarentur quos satis constaret ante centum annos fuisse. mihi autem de vocabulo pugna non est: sive illos antiquos sive majores sive quo alio mavult nomine appellet, dummodo in confesso sit eminentiorem illorum temporum eloquentiam fuisse. Ne illi quidem parti sermonis ejus¹ repugno, ipsi quin immo fateamur², plures formas dicendi etiam iisdem sæculis, nedum diversis exstitisse. sed quomodo inter Atticos oratores primæ Demostheni tribuuntur, proximum autem locum Æschines et Hyperides et Lysias et Lycurgus obtinent, omnium autem consensu hæc oratorum ætas maxime probatur: sic apud nos Cicero quidem ceteros eorundem temporum disertos antecessit, Calvus autem et Asinius et Cæsar et Cælius et Brutus suo jure et prioribus et sequentibus anteponuntur. nec refert quod inter se specie differant, quum genere consentiant. adstrictior Calvus, numerosior Asinius, splendidior Cæsar, amarior Cælius, gravior Brutus, vehementior et plenior et valentior Cicero: omnes tamen eandem sanitatem

maxime contraria, obtendunt. — 9. Quæ ita efficitur, si nihil in composita oratione nimis præter cetera emineat, sed sit cum judicio temperata luminum continuitas et æquus tenor.

XXIV. 1. Ab Apro instituta capite 17.

XXV. 1. Quæ est cap. 12 — 2. Sic corrigo locum vexatissimum Conf. c. 39 Manusc.

eloquentiæ ferunt, ut si omnium pariter libros in manum sumpseris, scias, quamvis in diversis ingeniis, esse quandam iudicii ac voluntatis³ similitudinem et cognationem. nam quod invicem se obtrexerunt, et sunt aliqua epistolis eorum inserta, ex quibus mutua malignitas detegitur, non est oratorum vitium, sed hominum. nam et Calvum et Asinium et ipsum Ciceronem credo solitos et invidere et livere et ceteris humanæ infirmitatis vitiis affici: solum inter hos arbitror Brutum non malignitate nec invidia, sed simpliciter et ingenue iudicium animi sui detexisse. an ille Ciceroni invideret, qui mihi videtur ne Casari quidem invidisse? Quod ad Servium Galbam et Caium Lælium attinet, et si quos alios antiquorum agitare non destitit⁴, non exigit defensorem, quum fatear quædam eloquentiæ eorum, ut nascenti adhuc nec satis adultæ, defuisse.

XXVI. « Ceterum si omissio optimo illo et perfectissimo genere eloquentiæ eligenda sit forma dicendi, malim hercle Caii Gracchi impetum aut Lucii Crassi maturitatem quam calamistros¹ Mæcenatis aut tinnitus² Gallionis. adeo melius est oratorem vel hirta³ toga induere quam fucatis et meretriciis vestibus insignire. neque enim oratorius iste, immo hercle ne virilis quidem cultus est, quo plerique temporum nostrorum actores⁴ ita utuntur, ut lascivia verborum et levitate sententiarum et licentia compositionis histrionales modos expriment. quodque vix auditu fas esse debeat, laudis et gloriæ et ingenii loco plerique jactant cantari saltarique⁵ commentarios suos. unde oritur illi fœda et præpostera, sed tamen frequens quibusdam exclamatio, ut oratores nostri tenerè dicere⁶, histriones diserte saltare dicantur. Equidem non negaverim Cassium Severum, quem solum Aper noster nominare ausus est, si iis comparetur qui postea fuerunt, posse oratorem vocari, quamquam in magna parte librorum suorum plus vis habeat quam sanguinis⁷. primus enim contempto ordine rerum, omissa modestia ac pudore verborum, ipsis etiam quibus utitur armis incompositus et studio feriendi plerumque dejectus⁸, non pugnat, sed rixatur. ceterum, ut divi, sequentibus comparatus et varietate eruditionis et lepore urbanitatis et ipsarum virium robore multum ceteros superat; quorum neminem Aper nominare et velut in aciem educere sustinuit. ego

si comminus fatetur. — 3. *Principes*, ut vertit Burn. — 4. Sc. Aper, hoc sive hæc res non exigit etc.

XXVI. 1. *Calamistri* proprie sunt instrumenta ferrea quibus calefactis capilli crispantur. Hinc transfertur ad molle et affectatum formosuli stili genus. Cujus ecce specimen ab Isidoro servatum ex hendecasyllabis ad Horatium:

Lucentes, mea vita, nec smaragdus,
Beryllos mihi, Flacce, nec nitentes,
Nec percandida margarita quæro,
Nec quos Thynica lima perpolivit
Anellos, nec iaspis lapillos.

— 2. Strepitus aures implens, inanis sententiarum. *Gallio* rhetor memoratur a Quintiliano, Senecæ frater a Tacito *Ann.* XV. 73. — 3. Incompta et tanquam pellis, ut *Catonis* apud Lucanum II, 586. — 4. Oratores in judiciis. — 5. Modulata et cantillante voce declamari una cum gestibus mimicis. — 6. Nam proprie histrio *tenerè* sive molliter saltare dicitur. *Teneri saltatores* ap. *Cicer.* *Or. in Pison.* c. 56. — 7. Plus impetus et violentiæ quam sani, nativi et continui vigoris. — 8. Metaphora a gladiatoribus petita, qui nimio feriendi studio *de gradu demoveantur*: sic orator nimio ardore atque impetu in adver-

autem expectabam, ut incusato Asinio et Cœlio et Calvo aliud nobis agmen produceret, pluresque vel certe totidem nominaret, ex quibus alium Ciceroni, alium Cæsari, singulis deinde singulos opponeremus. nunc detractasse nominatim antiquos oratores contentus neminem sequentium laudare ausus est nisi in publicum⁹ et in commune, veritus, credo, ne multos offenderet, si paucos excerpisset. quotus enim quisque scholasticorum non hac sua persuasione fruitur, ut se ante Ciceronem numeret, sed plane post Gabinianum¹⁰? at ego non verebor nominare singulos, quo facilius propositis exemplis appareat, quibus gradibus fracta sit et deminuta eloquentia. »

XXVII. « Appropera, inquit Maternus, et potius exsolve promissum. neque enim hoc colligi desideramus, disertiores esse antiquos, quod apud me quidem in confesso est, sed causas exquirimus, quas te solitum tractare paulo ante dixisti, plane mitior et eloquentiæ temporum nostrorum non iratus, antequam te Aper offenderet majores¹ tuos lacessendo. » — « Non sum, inquit, offensus Apri illa disceptatione; nec vos offendi decebit, si quid forte aures vestras perstringit, quum sciatis hanc esse ejusmodi sermonum legem, judicium animi citra damnum affectus² proferre. » — « Perge, inquit Maternus, et quum de antiquis loquaris, utere antiqua libertate, a qua vel magis degeneravimus quam ab eloquentia. »

XXVIII. Et Messala, « Non reconditas, Materne, causas requiris, nec aut tibi ipsi aut huic Secundo vel huic Apro ignotas, etiamsi mihi partes assignatis proferendi in medium que omnes sentimus. quis enim ignorat et eloquentiam et ceteras artes descivisse ab illa vetere gloria non inopia hominum, sed desidia juventutis et negligentia parentum et inscientia præcipientium¹ et oblivione moris antiqui? quæ mala primum in Urbe nata, mox per Italiam fusa, jam in provincias manant. quamquam vestra vobis notiora sunt, ego de Urbe et his propriis ac vernaculis vitiis loquar, quæ natos statim excipiunt et per singulos ætatis gradus cumulantur, si prius de severitate ac disciplina majorum circa educandos formandosque liberos pauca prædixero. Jam primum suus cuique filius, ex casta parente natus, non in cella emptæ nutriceis, sed gremio ac sinu matris educabatur, cujus præcipua laus erat tueri domum et inservire liberis². eligebatur autem major aliqua natu propinqua, cujus probatis spectatisque moribus omnis ejusdem familiæ soboles committeretur; coram qua neque dicere fas erat quod turpe dictu, neque facere quod inhonestum factu videretur. ac non studia modo curasque, sed remissiones etiam lususque puerorum sanctitate quadam ac verecundia temperabat. sic Corneliam³ Gracchorum, sic Aureliam⁴ Cæsaris, sic Attiam Augusti matrem præ-

sarium invecus se ipse de statu suo dejecit et firmitatem amittit. — 9. Ita ut cuique *in medio* laus esset. — 10. « Celeberrimi nominis rhetorem » sub Vespasiano. Velut qui hodie multum præ se contemnunt Corneillum et Racinium, secundum ab Hugone locum sibi vindicant.

XXVII. 1. Refertur ad verba cap. 23 : *sive illos antiquos sive MAJORES appellet.* — 2. Benevolentie.

XXVIII. 1. Quam accusat etiam Quintilianus XII, 11, § 14. — 2. Conf. *Germ.* c. 20. *Agric.* c. 4 — 3. Scipionis Africanæ majoris filiam, de qua multa Plutarchus in *Vitis Gracchorum*. — 4. De qua Sueton. c. 74; de *Attia* idem c. 4.

fuisse educationibus ac produxisse principes liberos accepimus. quæ disciplina ac severitas eo pertinebat, ut sincera et integra et nullis pravitatibus detorta uniuscujusque natura toto statim pectore arriperet artes honestas, et sive ad rem militarem, sive ad juris scientiam, sive ad eloquentiæ studium inclinasset, id solum ageret, id universum hauriret.

XXIX. « At nunc natus infans delegatur Græculæ alicui ancillæ, cui adjungitur unus aut alter ex omnibus servis, plerumque vilissimus nec cuiquam serio ministerio accommodatus. horum fabulis et erroribus teneri statim et rudes animi imbuuntur; nec quisquam in tota domo pensi habet quid coram infante domino dicat aut faciat. quin etiam ipsi parentes nec probitati neque modestiæ parvulos assuefaciunt, sed lasciviæ et dicacitati, per quæ paulatim impudentia irrepit et sui alienique¹ contemptus. Jam vero propria et peculiaria hujus urbis vitia pene in utero matris concipi mihi videntur, histrionalis favor et gladiatorum equorumque studia; quibus occupatus et obsessus animus quantulum loci bonis artibus relinquit? quotum quemque inveneris, qui domi quicquam aliud loquatur? quos alios adolescentulorum sermones excipimus, si quando aud' toria intravimus? ne præceptores quidem ullas crebriores cum auditoribus suis fabulas habent: colligunt enim discipulos non severitate disciplinæ nec ingenii experimento, sed ambitione salutationum et illecebris adulationis. Transeo prima discentium elementa, in quibus et ipsis parum elaboratur, nec in auctoribus cognoscendis nec evolvenda antiquitate nec in notitia vel rerum vel hominum vel temporum satis operæ insumitur.

XXX. « Sed expetuntur quos *rhetoras* vocant; quorum professio quando primum in hanc urbem introducta sit quamque nullam apud majores nostros auctoritatem habuerit, statim dicturus, referam necesse est animum ad eam disciplinam, qua usos esse eos oratores accepimus¹, quorum infinitus labor et quotidiana meditatio et in omni genere studiorum assiduæ exercitationes ipsorum etiam continentur libris. notus est vobis utique Ciceronis liber qui Brutus inscribitur; in cujus extrema parte¹ (nam prior commemorationem veterum oratorum habet) sua initia, suos gradus, suæ eloquentiæ velut quandam educationem refert: se apud Quintum Mucium² jus civile didicisse, apud Philonem Academicum³, apud Diodotum Stoicum⁴ omnes philosophiæ partes penitus hausisse; neque his doctoribus contentum, quorum ei copia in Urbe contigerat, Achaïam quoque et Asiam peragrasse, ut omnem omnium artium varietatem complecteretur. itaque hercle in libris Ciceronis deprehendere licet non geometriæ, non musicæ, non grammaticæ, non denique ullius ingenue artis scientiam ei defuisse. ille dialecticæ subtilitatem, ille moralis⁵ partis utilitatem, ille rerum motus causasque⁶ cognoverat. ita est enim, optimi viri, ita. ex multa eruditione et plurimis artibus et omnium rerum scientia exundat et exuberat illa admirabilis eloquentia; neque

XXIX. 1. *Alieni* neutro genere, de aliorum et personis et rebus.

XXX. 1. A cap. 39 ad 92. — 2. Scævola. — 3. Principem Academiæ novæ, cum Atheniensium optimatibus Mithridatico bello domo profugum et Romæ versantem. — 4. Dialecticæ potissimum magistrum Ciceroni, in cujus domo habitabat et mortuus est. — 5. Ἠθικῆς. *Moralis* vocabulum a Cicerone usurpari cœptum. — 6. Tertiam partem phi-

oratoris vis et facultas, sicut ceterarum rerum, angustis et brevibus terminis cluditur, sed is est orator, qui de omni quæstione pulchre et ornate et ad persuadendum apte dicere, pro dignitate rerum, ad utilitatem temporum, cum voluptate audientium possit⁷.

XXXI. «Hoc sibi illi veteres persuaserant. ad hoc efficiendum intelligebant opus esse, non ut in rhetorum scholis declamarent, nec ut fictis nec ullo modo ad veritatem accedentibus controversiis linguam modo et vocem exercerent, sed ut iis artibus pectus implerent, in quibus de bonis ac malis, de honesto et turpi, de justo et injusto disputatur¹. hæc est enim oratori subjecta ad dicendum materia. nam in iudiciis fere de æquitate, in deliberationibus de honestate disserimus, ita ut plerumque hæc ipsa invicem misceantur; de quibus copiose et varie et ornate nemo dicere potest, nisi qui cognovit naturam humanam et vim virtutum pravitatemque vitiorum et intellectum eorum, quæ neque in virtutibus neque in vitiis numerantur². ex his fontibus etiam illa profluunt, ut facilis iram iudicis vel instiget vel leniat qui scit quid ira; promptius ad miserationem impellat qui scit quid sit misericordia et quibus animi motibus concitetur. in his artibus exercitationibusque versatus orator, sive apud infestos sive apud cupidos sive apud invidentes sive apud tristes sive apud timentes dicendum habuerit, tenebit venas animorum, et prout cujusque natura postulaverit, adhibebit manum et temperabit orationem, parato omni instrumento et ad omnem usum reposito. sunt apud quos adstrictum et collectum et singula statim argumenta concludens dicendi genus plus fidei meretur: apud hos dedisse operam dialecticæ proficiet. alios fusa et aequalis et ex communibus ducta sensibus oratio magis delectat: ad hos permovendos mutuabitur a Peripateticis aptos et in omnem disputationem paratos jam locos³. dabunt Academici pugnacitatem, Plato altitudinem⁴, Xenophon jucunditatem: ne Epicuri quidem et Metrodori⁵ honestas quasdam exclamationes⁷ assumere, iisque, prout res poscit, uti alienum erit oratori. neque enim sapientem informamus nec Stoicorum civitatem⁶, sed eum, qui quasdam artes haurire, omnes libare debet. ideoque et juris civilis scientiam veteres oratores comprehendebant, et grammaticæ⁸, musice, geometricæ imbuebantur. incidunt enim causæ, plurimæ quidem ac pene omnes, quibus juris notitia desideratur, pleraque autem in quibus hæc quoque scientia requiritur.

XXXII. «Nec quisquam respondeat sufficere, ut ad tempus¹ simplex

philosophiæ, φιλοσοφίας.—7. Conf. de hac oratoris perfecti definitione Cic. *de Orat.* I, 6.

XXXI. 1. Quæ est *philosophia*.—2. Eas res Cicero tractavit in libris *de Officiis*. Idem *de Orat.* I, 42: «Nisi qui naturas hominum vimque omnem humanitatis, causasque eas quibus mentes aut incitantur aut reflectuntur, penitus perspexerit, dicendo quod volet perficere non poterit.»—3. Vide Cic. *Orat.* c. 14, § 46, et quæ in *Topicorum* libris pluribus exsequitur.—4. «Quibus mos patrius adversari semper omnibus in disputando,» Cic. *de Orat.* I, 18, § 84.—5. Sublimitatem.—6. Amici Epicuri et Epicureorum principis.—7. Quæ ἐπὶ ἀναγκαστάσματα vocabantur, quale est illud ap. Cic. *de Finibus* II, 97: «Ait se, si uratur, quam suave hoc, dicturum..... Fortunam exigam intervenire sapienti.»—8. Qualem Stoici fingebant.—9. Hoc est quas hodie vocamus *les belles-lettres*.

XXXII. 1. Ut *Annal.* init.: *Dictaturæ ad tempus sumebantur*, ubi v. not.

quiddam et uniforme doceamur. primum enim aliter utimur propriis, aliter commodatis; longeque interesse manifestum est, possideat quis quæ profert, an mutuetur. deinde ipsa multarum artium scientia etiam aliud agentes nos ornat, atque ubi minime credas, eminet et excellit. idque non doctus modo et prudens auditor, sed etiam populus intelligit ac statim ita laude prosequitur, ut legitime studuisse, ut per omnes eloquentiæ numeros isse², ut denique oratorem esse fateatur; quem non posse aliter existere neque exstitisse umquam confirmo, nisi eum qui tamquam in aciem omnibus armis instructus, sic in forum omnibus artibus armatus exierit. quod adeo negligitur ab horum temporum disertis, ut in actionibus eorum ubique³ quotidiani sermonis fœda ac pudenda vitia deprehendantur; ut ignorent leges, non teneant senatusconsulta, jus civitatis ultro derideant, sapientiæ vero studium et præcepta prudentium penitus reformident, in paucissimos sensus et angustas sententias detrudant eloquentiam velut expulsam regno suo, ut quæ olim omnium artium domina pulcherrimo comitatu pectora implebat, nunc circumcisa et amputata, sine apparatu, sine honore, pæne dixerim sine ingenuitate, quasi una ex sordidissimis artificiiis discatur. Ergo hanc primam et præcipuam causam arbitror, cur in tantum ab eloquentia antiquorum oratorum recesserimus. si testes desiderantur, quos potiores nominabo quam apud Græcos Demosthenem, quem studiosissimum Platonis auditorem fuisse memoriæ prodium est⁴. et Cicero his, ut opinor, verbis refert⁵, *quicquid in eloquentia effecerit, id se non rhetorum, sed Academicæ spatiis consecutum*. Sunt aliæ causæ, magnæ et graves, quas a vobis aperiri æquum est, quoniam quidem ego jam meum munus explevi, et quod mihi in consuetudine est, satis multos offendi; quos, si forte hæc audierint, certum habeo dicturos me, dum juris et philosophiæ scientiam tamquam oratori necessariam laudo, ineptiis meis⁶ plausisse. »

XXXIII. Et Maternus, « Mihi quidem, inquit, susceptum a te munus adeo peregis nondum videris, ut inchoasse tantum et velut vestigia ac lineamenta quædam ostendisse videaris. nam quibus instrui veteres oratores soliti sint dixisti, differentiamque nostræ desidiæ et inscientiæ adversus acerrima et fecundissima eorum studia demonstrasti: cetera exspecto, ut, quemadmodum ex te didici quid aut illi scierint aut nos nesciamus, ita hoc quoque cognoscam, quibus exercitationibus juvenes jam forum ingressuri confirmare et alere ingenia sua soliti sint. neque enim arte et scientia, sed longe magis facultate et usu¹ eloquentiam contineri nec tu, puto, abnues, et hi significare vultu videntur. » — Deinde quum Aper quoque et Secundus idem annuissent, Messala quasi rursus incipiens, « Quoniam initia et semina veteris eloquentiæ satis demonstrasse videor, docendo quibus artibus antiqui oratores institui erudiri que

— 2. Omnes ejus partes explevisse. — 3. Sic Orellius. Manuscripti *vis quoque*, quod explicant *l'influence*. Sed tum part. *quoque* locum non suum occupat. — 4. Ut a Cicerone *Brut.* c. 31, *Orat.* c. 4, § 13, Plutarcho c. 5. — 5. In *Oratore* c. 3, § 12. — 6. Frivolis studiis et nugis quas amo. Ironice.

XXXIII. 1. Vocabulum a Tyrwhitto adjectum.

soliti sint, persequar nunc exercitationes eorum. quamquam ipsis artibus inest excitatio, nec quisquam percipere tot reconditas aut tam varias res potest, nisi ut scientiæ meditatio², meditationi facultas, facultati vis eloquentiæ accedebat. per quæ colligitur³ eandem esse rationem et percipiendi quæ proferas et proferendi quæ perceperis. sed si cui obscuriora hæc videntur isque scientiam ab exercitatione separat, illud certe concedet, instructum et plenum his artibus animum longe paratiorem ad eas exercitationes venturum, quæ propriæ oratorum videntur.

XXXIV. «Ergo apud majores nostros juvenis ille, qui foro et eloquentiæ parabatur, imbutus jam domestica disciplina, refertus honestis studiis, deducebatur a patre vel a propinquis ad eum oratorem, qui principem in civitate locum obtinebat. hunc sectari, hunc prosequi, hujus omnibus dictionibus¹ interesse, sive in judiciis sive in concionibus, assuescebat, ita ut altercationes quoque² exciperet et jurgiis interesset, utque sic dixerim, pugnare in prælio disceret. magnus ex hoc usus, multum constantiæ, plurimum judicii juvenibus statim contingebat, in media luce studentibus atque inter ipsa discrimina, ubi nemo impune stulte aliquid aut contrarie dicit, quominus et iudex respuat et adversarius exprobet, ipsi denique advocati³ aspernentur. igitur vera statim et incorrupta eloquentia imbuebantur; et quamquam unum sequerentur, tamen omnes ejusdem ætatis patronos in plurimis et causis et judiciis cognoscebant; habebantque ipsius populi diversissimarum aurium copiam, ex qua facile deprehenderent quid in quoque vel probaretur vel displiceret. ita nec præceptor deerat, optimus quidem et electissimus, qui faciem eloquentiæ, non imaginem⁴ præstaret, nec adversarii et æmuli, ferro, non rudibus⁵ dimicantes: sed auditorium semper novum, semper plenum, ex invidis et faventibus, ut nec breviter dicta dissimularentur⁶. scitis enim magnam illam et duraturam eloquentiæ famam non minus in diversis⁷ subselliis parari quam suis; inde quin immo constantius surgere, ibi fidelius corroborari. atque hec sub ejusmodi præceptoribus juvenis ille, de quo loquimur, oratorum discipulus, fori auditor, sectator judiciorum, eruditus et assuefactus alienis experimentis, cui quotidie audienti notæ leges, non novi judicium vultus, frequens in oculis consuetudo concionum, sæpe cognitæ populi aures, sive accusationem susceperat sive defensionem, solus statim et unus cuicumque causæ par erat. nonodecimo ætatis anno Lucius Crassus Caium Carbonem, unoetvigesimo Cæsar Dolabellam, altero et vigesimo Asinius Pollio Caium Catonem, non multum ætate antecedens Calvus Vatinius iis orationibus insecuti sunt⁸, quas hodieque cum admiratione legimus.

— 2. Μελέτη, exercitatio. — 3. Concludendo efficitur.

XXXIV. 1. Orationibus. — 2. Disputationes, quando in senatu vel iudicio interrogando et respondendo orationes in dialogum abeunt, nonnunquam in *jurgia*. — 3. Antiquo sensu: amici potentes qui per præsentiam suam clientis causam adjuvant. — 4. Formam naturalem in judiciis, non fictam similitudinem in rhetorum scholis. — 5. Gladiis ligneis quibus ante verorum usum tirones exercebantur. Cicero *de opt. gen. oratt.* c. 6, § 17: «Isocrates non in acie versatur et ferro: quasi *rudibus* ejus eludit oratio.» — 6. Ut ne ea quidem dicta, quæ ob brevitatem prætervolatura fuisse viderentur, relinquerentur injudicata. — 7. Adversarum partium. — 8. De his causis omnibus singula diserte narrantur in *Fragmentis Oratorum* sæpius memoratis.

XXXV. « At nunc adolescentuli nostri deducuntur in scenas ¹ scholasticorum, qui *rhetores* vocantur; quos paulo ante Ciceronis tempora existisse nec placuisse majoribus nostris ex eo manifestum est, quod [Marco] Crasso et Domitio censoribus ² cludere, ut ait Cicero, *ludum impudentiae* jussi sunt. Sed ut dicere institueram, deducuntur in scholas, in quibus non facile dixerim utrumne locus ipse, an condiscipuli, an genus studiorum plus mali ingeniis afferant. nam in loco nihil reverentiae, sed in quem nemo nisi aequae imperitus intrat. in condiscipulis nihil profectus, quum pueri inter pueros et adolescentuli inter adolescentulos pari securitate et dicant et audiantur. ipsae vero exercitationes magna ex parte contrariae. nempe enim duo genera materiaram apud rhetoras tractantur, *suasoriae* et *controversiae* ³. ex iis suasoriae quidem [etsi] tanquam plane leviores et minus prudentiae exigentes, pueris delegantur, controversiae robustioribus assignantur, quales, per fidem ⁴, et quam incredibiliter compositae! sequitur autem ut materiae abhorrenti a veritate declamatio quoque adhibeatur. sic fit ut tyrannicidarum praemia, aut vitiatarum electiones, aut pestilentiae remedia, aut incesta matrum ⁵, aut quicquid in schola quotidie agitur, in foro vel raro vel nunquam, ingentibus verbis persequantur: quum ad veros iudices ventum ⁶***

XXXVI. *** ¹ rem cogitare, nihil humile, nihil abjectum eloqui poterat. magna eloquentia, sicut flamma, materia alitur et motibus excitatur et urendo clarescit ². eadem ratio in nostra quoque civitate antiquorum eloquentiam provexit. nam etsi horum quoque temporum oratores ea consecuti sunt, quae composita et quieta et beata republica ³ tribui fas erat, tamen illa perturbatione ac licentia plura sibi assequi videbantur, quum mixtis omnibus et moderatore uno carentibus tantum quisque orator saperet, quantum erranti ⁴ populo persuaderi poterat. hinc leges assidue et populare nomen ⁵, hinc conciones magistratum paene pernoctantium in rostris, hinc accusationes potentium reorum et assignatae etiam domibus ⁶ inimicitiae, hinc procerum factiones et assidua senatus adversus plebem certamina. quae singula etsi distrahebant rempublicam, exercebant tamen illorum temporum eloquentiam et magnis cumulare praemiis videbantur, quia quanto quisque plus dicendo poterat, tanto facilius honores assequeretur, tanto magis in ipsis honoribus collegas suos anteibat, tanto

XXXV. 1. Cum aculeo dictum pro *scholas* (quod infra ponit), ut in quibus personata, non vera eloquentia colatur. — 2. Anno U. cci. Verba decreti sunt apud Suetonium *de clar. rhetorib.* c. 1. Locus Ciceronis est *de Orat.* III, 21, § 95, 94. — 3. Cujusmodi declamationum multae supersunt, et aliorum et Senecae patris et Quintiliani: cuius vide *Institut. or.* III, 8, § 16 seqq.: VII, c. 4. — 4. Quod frequentius dicitur, *per vestram fidem. per deum fidem.* — 5. Horum omnium et similium exempla habentur in illis quas modo nominavi declamationum et controversiarum centuriis. Quae, praeter Quintilianum II, 10, § 4 seqq., indignatur etiam Petronius initio *Satirici*.

XXXVI. 1. In Vaticanorum codicum uno adscriptum *hic desunt sex pagellae*. Peritit finis sermonis Messalae et initium sermonis Materni, qui splendidam antiquorum eloquentiam ex forma reipublicae et libertate originem cepisse demonstrat, nutritam et auctam causarum magnitudine, judiciorum ratione, luce publica et plausu populi. — 2. Haec de Atheniensium republica et Philippi Macedonis temporibus dicta esse videntur. — 3. Sub Vespasiano. — 4. Vaganti, alios aliosque respicienti et sequenti duces. — 5. Nomen viri popularis, δημοτοῦ, populi commodis unice consulentis. — 6. Gentibus, familiis. —

plus apud principes gratiæ, plus auctoritatis apud Patres, plus notitiæ ac nominis apud plebem parabat. hi clientelis etiam exterarum nationum⁷ redundabant; hos ituri in provincias magistratus reverebantur⁸, hos reversi colebant; hos et præturæ et consulatus vocare ultro videbantur; hi ne privati quidem sine potestate erant, quum et populum et senatum consilio et auctoritate regerent. quin immo sibi ipsi persuaserant neminem sine eloquentia aut assequi posse in civitate aut tueri conspicuum et eminentem locum. nec mirum, quum etiam inviti ad populum producerentur⁹, quum parum esset in senatu breviter censere, nisi quis ingenio et eloquentia sententiam suam tueretur, quum in aliquam invidiam aut crimen vocati sua voce respondendum haberent, quum testimonia quoque in publicis judiciis¹⁰ non absentes nec per tabellam dare, sed coram et præsentibus dicere cogerentur. ita ad summa eloquentiæ præmia magna etiam necessitas accedebat; et quomodo disertum haberi pulchrum et gloriosum, sic contra mutum et elinguem videri deforme habebatur.

XXXVII. « Ergo non minus rubore quam præmiis stimulabantur, ne clientulorum loco potius quam patronorum numerarentur, ne traditæ a majoribus necessitudines ad alios transirent, ne tamquam inertes et non suffecturi honoribus aut non impetrarent aut impetratos male tuerentur. Nescio an venerint in manus vestras hæc vetera, quæ et in antiquiorum bibliothecis adhuc manent et cummaxime a Muciano contrahuntur¹, ac jam undecim, ut opinor, Actorum² libris et tribus Epistolarum composita et edita sunt. ex iis intelligi potest Cneium Pompeium et Marcum Crassum non viribus modo et armis, sed ingenio quoque et oratione valuisse; Lentulos et Metellos et Lucullos et Curiones³ et ceteram procerum manum multum in his studiis operæ curæque posuisse, nec quemquam illis temporibus magnam potentiam sine aliqua eloquentia consecutum. his accedebat splendor rerum et magnitudo causarum, quæ et ipsa plurimum eloquentiæ præstant. nam multum interest utrumne de furto aut formula et interdicto⁴ dicendum habeas, an de ambitu comitiarum, de expilatis sociis et civibus trucidatis. quæ mala sicut non accidere melius est, isque optimus civitatis status habendus, in quo nihil tale patimur, ita quum acciderent, ingentem eloquentiæ materiam subministrabant. crescit enim cum amplitudine rerum vis ingenii, nec quisquam claram et illustrem orationem efficere potest nisi qui causam parem invenit. non, opinor, Demosthenem orationes illustrant quas adversus tutores suos⁵ composuit; nec Ciceronem magnum oratorem Publius Quintius defensus aut Licinius

7. Quæ patronos sibi querebant in Urbe Romanos potentes. Tangit eam magnificentiam civis reipublicæ Tacitus in *Annal.* III, 88. — 8. Quo absentes tuerentur in Urbe adversus inimicorum criminationes. — 9. Velut Cicero a tribuno plebis Apuleio ad sextam Philippicam contra Antonium consulem dicendam. Conf. Cic. *Bruto* c. 30 fine. — 10. Hanc vocem adjecit R. Agricola. *Per tabellam*, litteris obsignatis.

XXXVII. 1. Undique colliguntur. Est is M. Licinius Crassus Mucianus, de quo *Hist.* II, 8. — 2. Orationum, ut recte Leclerc (*Journaux* etc. p. 202 seq.). — 3. Hi omnes non ediderant orationes suas, sed eas Mucianus ex Actis senatus et populi excerptas collegerat. — 4. Conf. ad cap. 20. *Formula* sunt juris scripti ex quibus causæ civiles pendent, *interdicta* sunt decreta prætoris, quibus vetat aut jubet aliquid, inprimis in controversiis de possessione, quum dejectum ex aliquo loco restitui jubet, donec iudicio res plana facta sit. — 5. A quibus paterna ipsi prope omnia erepta fuerant, Aphobum,

Archias faciunt : Catilina et Milo et Verres et Antonius hanc illi famam circumdederunt⁶. non quia tanti fuit⁷ reipublicæ malos ferre cives, ut uberem ad dicendum materiam oratores haberent; sed, ut subinde admoneo, quæstionis meminerimus, sciamusque nos de ea re loqui, quæ facilius turbidis et inquietis temporibus exstitit. Quis ignorat utilius ac melius esse frui pace quam bello vexari? plures tamen bonos præliatores bella quam pax ferunt. similis eloquentiæ conditio. nam quo sæpius steterit tamquam in acie, quoque plures et intulerit ictus et exceperit, quo major adversarius et⁸ acriores pugnas sibi ipsa desumpserit, tanto altior et excelsior et illis nobilitata discriminibus in ore hominum agit, quorum ea natura es, ut⁹ ¹⁰ ¹¹ ¹² ¹³ ¹⁴ ¹⁵ ¹⁶ ¹⁷ ¹⁸ ¹⁹ ²⁰ ²¹ ²² ²³ ²⁴ ²⁵ ²⁶ ²⁷ ²⁸ ²⁹ ³⁰ ³¹ ³² ³³ ³⁴ ³⁵ ³⁶ ³⁷ ³⁸ ³⁹ ⁴⁰ ⁴¹ ⁴² ⁴³ ⁴⁴ ⁴⁵ ⁴⁶ ⁴⁷ ⁴⁸ ⁴⁹ ⁵⁰ ⁵¹ ⁵² ⁵³ ⁵⁴ ⁵⁵ ⁵⁶ ⁵⁷ ⁵⁸ ⁵⁹ ⁶⁰ ⁶¹ ⁶² ⁶³ ⁶⁴ ⁶⁵ ⁶⁶ ⁶⁷ ⁶⁸ ⁶⁹ ⁷⁰ ⁷¹ ⁷² ⁷³ ⁷⁴ ⁷⁵ ⁷⁶ ⁷⁷ ⁷⁸ ⁷⁹ ⁸⁰ ⁸¹ ⁸² ⁸³ ⁸⁴ ⁸⁵ ⁸⁶ ⁸⁷ ⁸⁸ ⁸⁹ ⁹⁰ ⁹¹ ⁹² ⁹³ ⁹⁴ ⁹⁵ ⁹⁶ ⁹⁷ ⁹⁸ ⁹⁹ ¹⁰⁰ ¹⁰¹ ¹⁰² ¹⁰³ ¹⁰⁴ ¹⁰⁵ ¹⁰⁶ ¹⁰⁷ ¹⁰⁸ ¹⁰⁹ ¹¹⁰ ¹¹¹ ¹¹² ¹¹³ ¹¹⁴ ¹¹⁵ ¹¹⁶ ¹¹⁷ ¹¹⁸ ¹¹⁹ ¹²⁰ ¹²¹ ¹²² ¹²³ ¹²⁴ ¹²⁵ ¹²⁶ ¹²⁷ ¹²⁸ ¹²⁹ ¹³⁰ ¹³¹ ¹³² ¹³³ ¹³⁴ ¹³⁵ ¹³⁶ ¹³⁷ ¹³⁸ ¹³⁹ ¹⁴⁰ ¹⁴¹ ¹⁴² ¹⁴³ ¹⁴⁴ ¹⁴⁵ ¹⁴⁶ ¹⁴⁷ ¹⁴⁸ ¹⁴⁹ ¹⁵⁰ ¹⁵¹ ¹⁵² ¹⁵³ ¹⁵⁴ ¹⁵⁵ ¹⁵⁶ ¹⁵⁷ ¹⁵⁸ ¹⁵⁹ ¹⁶⁰ ¹⁶¹ ¹⁶² ¹⁶³ ¹⁶⁴ ¹⁶⁵ ¹⁶⁶ ¹⁶⁷ ¹⁶⁸ ¹⁶⁹ ¹⁷⁰ ¹⁷¹ ¹⁷² ¹⁷³ ¹⁷⁴ ¹⁷⁵ ¹⁷⁶ ¹⁷⁷ ¹⁷⁸ ¹⁷⁹ ¹⁸⁰ ¹⁸¹ ¹⁸² ¹⁸³ ¹⁸⁴ ¹⁸⁵ ¹⁸⁶ ¹⁸⁷ ¹⁸⁸ ¹⁸⁹ ¹⁹⁰ ¹⁹¹ ¹⁹² ¹⁹³ ¹⁹⁴ ¹⁹⁵ ¹⁹⁶ ¹⁹⁷ ¹⁹⁸ ¹⁹⁹ ²⁰⁰ ²⁰¹ ²⁰² ²⁰³ ²⁰⁴ ²⁰⁵ ²⁰⁶ ²⁰⁷ ²⁰⁸ ²⁰⁹ ²¹⁰ ²¹¹ ²¹² ²¹³ ²¹⁴ ²¹⁵ ²¹⁶ ²¹⁷ ²¹⁸ ²¹⁹ ²²⁰ ²²¹ ²²² ²²³ ²²⁴ ²²⁵ ²²⁶ ²²⁷ ²²⁸ ²²⁹ ²³⁰ ²³¹ ²³² ²³³ ²³⁴ ²³⁵ ²³⁶ ²³⁷ ²³⁸ ²³⁹ ²⁴⁰ ²⁴¹ ²⁴² ²⁴³ ²⁴⁴ ²⁴⁵ ²⁴⁶ ²⁴⁷ ²⁴⁸ ²⁴⁹ ²⁵⁰ ²⁵¹ ²⁵² ²⁵³ ²⁵⁴ ²⁵⁵ ²⁵⁶ ²⁵⁷ ²⁵⁸ ²⁵⁹ ²⁶⁰ ²⁶¹ ²⁶² ²⁶³ ²⁶⁴ ²⁶⁵ ²⁶⁶ ²⁶⁷ ²⁶⁸ ²⁶⁹ ²⁷⁰ ²⁷¹ ²⁷² ²⁷³ ²⁷⁴ ²⁷⁵ ²⁷⁶ ²⁷⁷ ²⁷⁸ ²⁷⁹ ²⁸⁰ ²⁸¹ ²⁸² ²⁸³ ²⁸⁴ ²⁸⁵ ²⁸⁶ ²⁸⁷ ²⁸⁸ ²⁸⁹ ²⁹⁰ ²⁹¹ ²⁹² ²⁹³ ²⁹⁴ ²⁹⁵ ²⁹⁶ ²⁹⁷ ²⁹⁸ ²⁹⁹ ³⁰⁰ ³⁰¹ ³⁰² ³⁰³ ³⁰⁴ ³⁰⁵ ³⁰⁶ ³⁰⁷ ³⁰⁸ ³⁰⁹ ³¹⁰ ³¹¹ ³¹² ³¹³ ³¹⁴ ³¹⁵ ³¹⁶ ³¹⁷ ³¹⁸ ³¹⁹ ³²⁰ ³²¹ ³²² ³²³ ³²⁴ ³²⁵ ³²⁶ ³²⁷ ³²⁸ ³²⁹ ³³⁰ ³³¹ ³³² ³³³ ³³⁴ ³³⁵ ³³⁶ ³³⁷ ³³⁸ ³³⁹ ³⁴⁰ ³⁴¹ ³⁴² ³⁴³ ³⁴⁴ ³⁴⁵ ³⁴⁶ ³⁴⁷ ³⁴⁸ ³⁴⁹ ³⁵⁰ ³⁵¹ ³⁵² ³⁵³ ³⁵⁴ ³⁵⁵ ³⁵⁶ ³⁵⁷ ³⁵⁸ ³⁵⁹ ³⁶⁰ ³⁶¹ ³⁶² ³⁶³ ³⁶⁴ ³⁶⁵ ³⁶⁶ ³⁶⁷ ³⁶⁸ ³⁶⁹ ³⁷⁰ ³⁷¹ ³⁷² ³⁷³ ³⁷⁴ ³⁷⁵ ³⁷⁶ ³⁷⁷ ³⁷⁸ ³⁷⁹ ³⁸⁰ ³⁸¹ ³⁸² ³⁸³ ³⁸⁴ ³⁸⁵ ³⁸⁶ ³⁸⁷ ³⁸⁸ ³⁸⁹ ³⁹⁰ ³⁹¹ ³⁹² ³⁹³ ³⁹⁴ ³⁹⁵ ³⁹⁶ ³⁹⁷ ³⁹⁸ ³⁹⁹ ⁴⁰⁰ ⁴⁰¹ ⁴⁰² ⁴⁰³ ⁴⁰⁴ ⁴⁰⁵ ⁴⁰⁶ ⁴⁰⁷ ⁴⁰⁸ ⁴⁰⁹ ⁴¹⁰ ⁴¹¹ ⁴¹² ⁴¹³ ⁴¹⁴ ⁴¹⁵ ⁴¹⁶ ⁴¹⁷ ⁴¹⁸ ⁴¹⁹ ⁴²⁰ ⁴²¹ ⁴²² ⁴²³ ⁴²⁴ ⁴²⁵ ⁴²⁶ ⁴²⁷ ⁴²⁸ ⁴²⁹ ⁴³⁰ ⁴³¹ ⁴³² ⁴³³ ⁴³⁴ ⁴³⁵ ⁴³⁶ ⁴³⁷ ⁴³⁸ ⁴³⁹ ⁴⁴⁰ ⁴⁴¹ ⁴⁴² ⁴⁴³ ⁴⁴⁴ ⁴⁴⁵ ⁴⁴⁶ ⁴⁴⁷ ⁴⁴⁸ ⁴⁴⁹ ⁴⁵⁰ ⁴⁵¹ ⁴⁵² ⁴⁵³ ⁴⁵⁴ ⁴⁵⁵ ⁴⁵⁶ ⁴⁵⁷ ⁴⁵⁸ ⁴⁵⁹ ⁴⁶⁰ ⁴⁶¹ ⁴⁶² ⁴⁶³ ⁴⁶⁴ ⁴⁶⁵ ⁴⁶⁶ ⁴⁶⁷ ⁴⁶⁸ ⁴⁶⁹ ⁴⁷⁰ ⁴⁷¹ ⁴⁷² ⁴⁷³ ⁴⁷⁴ ⁴⁷⁵ ⁴⁷⁶ ⁴⁷⁷ ⁴⁷⁸ ⁴⁷⁹ ⁴⁸⁰ ⁴⁸¹ ⁴⁸² ⁴⁸³ ⁴⁸⁴ ⁴⁸⁵ ⁴⁸⁶ ⁴⁸⁷ ⁴⁸⁸ ⁴⁸⁹ ⁴⁹⁰ ⁴⁹¹ ⁴⁹² ⁴⁹³ ⁴⁹⁴ ⁴⁹⁵ ⁴⁹⁶ ⁴⁹⁷ ⁴⁹⁸ ⁴⁹⁹ ⁵⁰⁰ ⁵⁰¹ ⁵⁰² ⁵⁰³ ⁵⁰⁴ ⁵⁰⁵ ⁵⁰⁶ ⁵⁰⁷ ⁵⁰⁸ ⁵⁰⁹ ⁵¹⁰ ⁵¹¹ ⁵¹² ⁵¹³ ⁵¹⁴ ⁵¹⁵ ⁵¹⁶ ⁵¹⁷ ⁵¹⁸ ⁵¹⁹ ⁵²⁰ ⁵²¹ ⁵²² ⁵²³ ⁵²⁴ ⁵²⁵ ⁵²⁶ ⁵²⁷ ⁵²⁸ ⁵²⁹ ⁵³⁰ ⁵³¹ ⁵³² ⁵³³ ⁵³⁴ ⁵³⁵ ⁵³⁶ ⁵³⁷ ⁵³⁸ ⁵³⁹ ⁵⁴⁰ ⁵⁴¹ ⁵⁴² ⁵⁴³ ⁵⁴⁴ ⁵⁴⁵ ⁵⁴⁶ ⁵⁴⁷ ⁵⁴⁸ ⁵⁴⁹ ⁵⁵⁰ ⁵⁵¹ ⁵⁵² ⁵⁵³ ⁵⁵⁴ ⁵⁵⁵ ⁵⁵⁶ ⁵⁵⁷ ⁵⁵⁸ ⁵⁵⁹ ⁵⁶⁰ ⁵⁶¹ ⁵⁶² ⁵⁶³ ⁵⁶⁴ ⁵⁶⁵ ⁵⁶⁶ ⁵⁶⁷ ⁵⁶⁸ ⁵⁶⁹ ⁵⁷⁰ ⁵⁷¹ ⁵⁷² ⁵⁷³ ⁵⁷⁴ ⁵⁷⁵ ⁵⁷⁶ ⁵⁷⁷ ⁵⁷⁸ ⁵⁷⁹ ⁵⁸⁰ ⁵⁸¹ ⁵⁸² ⁵⁸³ ⁵⁸⁴ ⁵⁸⁵ ⁵⁸⁶ ⁵⁸⁷ ⁵⁸⁸ ⁵⁸⁹ ⁵⁹⁰ ⁵⁹¹ ⁵⁹² ⁵⁹³ ⁵⁹⁴ ⁵⁹⁵ ⁵⁹⁶ ⁵⁹⁷ ⁵⁹⁸ ⁵⁹⁹ ⁶⁰⁰ ⁶⁰¹ ⁶⁰² ⁶⁰³ ⁶⁰⁴ ⁶⁰⁵ ⁶⁰⁶ ⁶⁰⁷ ⁶⁰⁸ ⁶⁰⁹ ⁶¹⁰ ⁶¹¹ ⁶¹² ⁶¹³ ⁶¹⁴ ⁶¹⁵ ⁶¹⁶ ⁶¹⁷ ⁶¹⁸ ⁶¹⁹ ⁶²⁰ ⁶²¹ ⁶²² ⁶²³ ⁶²⁴ ⁶²⁵ ⁶²⁶ ⁶²⁷ ⁶²⁸ ⁶²⁹ ⁶³⁰ ⁶³¹ ⁶³² ⁶³³ ⁶³⁴ ⁶³⁵ ⁶³⁶ ⁶³⁷ ⁶³⁸ ⁶³⁹ ⁶⁴⁰ ⁶⁴¹ ⁶⁴² ⁶⁴³ ⁶⁴⁴ ⁶⁴⁵ ⁶⁴⁶ ⁶⁴⁷ ⁶⁴⁸ ⁶⁴⁹ ⁶⁵⁰ ⁶⁵¹ ⁶⁵² ⁶⁵³ ⁶⁵⁴ ⁶⁵⁵ ⁶⁵⁶ ⁶⁵⁷ ⁶⁵⁸ ⁶⁵⁹ ⁶⁶⁰ ⁶⁶¹ ⁶⁶² ⁶⁶³ ⁶⁶⁴ ⁶⁶⁵ ⁶⁶⁶ ⁶⁶⁷ ⁶⁶⁸ ⁶⁶⁹ ⁶⁷⁰ ⁶⁷¹ ⁶⁷² ⁶⁷³ ⁶⁷⁴ ⁶⁷⁵ ⁶⁷⁶ ⁶⁷⁷ ⁶⁷⁸ ⁶⁷⁹ ⁶⁸⁰ ⁶⁸¹ ⁶⁸² ⁶⁸³ ⁶⁸⁴ ⁶⁸⁵ ⁶⁸⁶ ⁶⁸⁷ ⁶⁸⁸ ⁶⁸⁹ ⁶⁹⁰ ⁶⁹¹ ⁶⁹² ⁶⁹³ ⁶⁹⁴ ⁶⁹⁵ ⁶⁹⁶ ⁶⁹⁷ ⁶⁹⁸ ⁶⁹⁹ ⁷⁰⁰ ⁷⁰¹ ⁷⁰² ⁷⁰³ ⁷⁰⁴ ⁷⁰⁵ ⁷⁰⁶ ⁷⁰⁷ ⁷⁰⁸ ⁷⁰⁹ ⁷¹⁰ ⁷¹¹ ⁷¹² ⁷¹³ ⁷¹⁴ ⁷¹⁵ ⁷¹⁶ ⁷¹⁷ ⁷¹⁸ ⁷¹⁹ ⁷²⁰ ⁷²¹ ⁷²² ⁷²³ ⁷²⁴ ⁷²⁵ ⁷²⁶ ⁷²⁷ ⁷²⁸ ⁷²⁹ ⁷³⁰ ⁷³¹ ⁷³² ⁷³³ ⁷³⁴ ⁷³⁵ ⁷³⁶ ⁷³⁷ ⁷³⁸ ⁷³⁹ ⁷⁴⁰ ⁷⁴¹ ⁷⁴² ⁷⁴³ ⁷⁴⁴ ⁷⁴⁵ ⁷⁴⁶ ⁷⁴⁷ ⁷⁴⁸ ⁷⁴⁹ ⁷⁵⁰ ⁷⁵¹ ⁷⁵² ⁷⁵³ ⁷⁵⁴ ⁷⁵⁵ ⁷⁵⁶ ⁷⁵⁷ ⁷⁵⁸ ⁷⁵⁹ ⁷⁶⁰ ⁷⁶¹ ⁷⁶² ⁷⁶³ ⁷⁶⁴ ⁷⁶⁵ ⁷⁶⁶ ⁷⁶⁷ ⁷⁶⁸ ⁷⁶⁹ ⁷⁷⁰ ⁷⁷¹ ⁷⁷² ⁷⁷³ ⁷⁷⁴ ⁷⁷⁵ ⁷⁷⁶ ⁷⁷⁷ ⁷⁷⁸ ⁷⁷⁹ ⁷⁸⁰ ⁷⁸¹ ⁷⁸² ⁷⁸³ ⁷⁸⁴ ⁷⁸⁵ ⁷⁸⁶ ⁷⁸⁷ ⁷⁸⁸ ⁷⁸⁹ ⁷⁹⁰ ⁷⁹¹ ⁷⁹² ⁷⁹³ ⁷⁹⁴ ⁷⁹⁵ ⁷⁹⁶ ⁷⁹⁷ ⁷⁹⁸ ⁷⁹⁹ ⁸⁰⁰ ⁸⁰¹ ⁸⁰² ⁸⁰³ ⁸⁰⁴ ⁸⁰⁵ ⁸⁰⁶ ⁸⁰⁷ ⁸⁰⁸ ⁸⁰⁹ ⁸¹⁰ ⁸¹¹ ⁸¹² ⁸¹³ ⁸¹⁴ ⁸¹⁵ ⁸¹⁶ ⁸¹⁷ ⁸¹⁸ ⁸¹⁹ ⁸²⁰ ⁸²¹ ⁸²² ⁸²³ ⁸²⁴ ⁸²⁵ ⁸²⁶ ⁸²⁷ ⁸²⁸ ⁸²⁹ ⁸³⁰ ⁸³¹ ⁸³² ⁸³³ ⁸³⁴ ⁸³⁵ ⁸³⁶ ⁸³⁷ ⁸³⁸ ⁸³⁹ ⁸⁴⁰ ⁸⁴¹ ⁸⁴² ⁸⁴³ ⁸⁴⁴ ⁸⁴⁵ ⁸⁴⁶ ⁸⁴⁷ ⁸⁴⁸ ⁸⁴⁹ ⁸⁵⁰ ⁸⁵¹ ⁸⁵² ⁸⁵³ ⁸⁵⁴ ⁸⁵⁵ ⁸⁵⁶ ⁸⁵⁷ ⁸⁵⁸ ⁸⁵⁹ ⁸⁶⁰ ⁸⁶¹ ⁸⁶² ⁸⁶³ ⁸⁶⁴ ⁸⁶⁵ ⁸⁶⁶ ⁸⁶⁷ ⁸⁶⁸ ⁸⁶⁹ ⁸⁷⁰ ⁸⁷¹ ⁸⁷² ⁸⁷³ ⁸⁷⁴ ⁸⁷⁵ ⁸⁷⁶ ⁸⁷⁷ ⁸⁷⁸ ⁸⁷⁹ ⁸⁸⁰ ⁸⁸¹ ⁸⁸² ⁸⁸³ ⁸⁸⁴ ⁸⁸⁵ ⁸⁸⁶ ⁸⁸⁷ ⁸⁸⁸ ⁸⁸⁹ ⁸⁹⁰ ⁸⁹¹ ⁸⁹² ⁸⁹³ ⁸⁹⁴ ⁸⁹⁵ ⁸⁹⁶ ⁸⁹⁷ ⁸⁹⁸ ⁸⁹⁹ ⁹⁰⁰ ⁹⁰¹ ⁹⁰² ⁹⁰³ ⁹⁰⁴ ⁹⁰⁵ ⁹⁰⁶ ⁹⁰⁷ ⁹⁰⁸ ⁹⁰⁹ ⁹¹⁰ ⁹¹¹ ⁹¹² ⁹¹³ ⁹¹⁴ ⁹¹⁵ ⁹¹⁶ ⁹¹⁷ ⁹¹⁸ ⁹¹⁹ ⁹²⁰ ⁹²¹ ⁹²² ⁹²³ ⁹²⁴ ⁹²⁵ ⁹²⁶ ⁹²⁷ ⁹²⁸ ⁹²⁹ ⁹³⁰ ⁹³¹ ⁹³² ⁹³³ ⁹³⁴ ⁹³⁵ ⁹³⁶ ⁹³⁷ ⁹³⁸ ⁹³⁹ ⁹⁴⁰ ⁹⁴¹ ⁹⁴² ⁹⁴³ ⁹⁴⁴ ⁹⁴⁵ ⁹⁴⁶ ⁹⁴⁷ ⁹⁴⁸ ⁹⁴⁹ ⁹⁵⁰ ⁹⁵¹ ⁹⁵² ⁹⁵³ ⁹⁵⁴ ⁹⁵⁵ ⁹⁵⁶ ⁹⁵⁷ ⁹⁵⁸ ⁹⁵⁹ ⁹⁶⁰ ⁹⁶¹ ⁹⁶² ⁹⁶³ ⁹⁶⁴ ⁹⁶⁵ ⁹⁶⁶ ⁹⁶⁷ ⁹⁶⁸ ⁹⁶⁹ ⁹⁷⁰ ⁹⁷¹ ⁹⁷² ⁹⁷³ ⁹⁷⁴ ⁹⁷⁵ ⁹⁷⁶ ⁹⁷⁷ ⁹⁷⁸ ⁹⁷⁹ ⁹⁸⁰ ⁹⁸¹ ⁹⁸² ⁹⁸³ ⁹⁸⁴ ⁹⁸⁵ ⁹⁸⁶ ⁹⁸⁷ ⁹⁸⁸ ⁹⁸⁹ ⁹⁹⁰ ⁹⁹¹ ⁹⁹² ⁹⁹³ ⁹⁹⁴ ⁹⁹⁵ ⁹⁹⁶ ⁹⁹⁷ ⁹⁹⁸ ⁹⁹⁹ ¹⁰⁰⁰ ¹⁰⁰¹ ¹⁰⁰² ¹⁰⁰³ ¹⁰⁰⁴ ¹⁰⁰⁵ ¹⁰⁰⁶ ¹⁰⁰⁷ ¹⁰⁰⁸ ¹⁰⁰⁹ ¹⁰¹⁰ ¹⁰¹¹ ¹⁰¹² ¹⁰¹³ ¹⁰¹⁴ ¹⁰¹⁵ ¹⁰¹⁶ ¹⁰¹⁷ ¹⁰¹⁸ ¹⁰¹⁹ ¹⁰²⁰ ¹⁰²¹ ¹⁰²² ¹⁰²³ ¹⁰²⁴ ¹⁰²⁵ ¹⁰²⁶ ¹⁰²⁷ ¹⁰²⁸ ¹⁰²⁹ ¹⁰³⁰ ¹⁰³¹ ¹⁰³² ¹⁰³³ ¹⁰³⁴ ¹⁰³⁵ ¹⁰³⁶ ¹⁰³⁷ ¹⁰³⁸ ¹⁰³⁹ ¹⁰⁴⁰ ¹⁰⁴¹ ¹⁰⁴² ¹⁰⁴³ ¹⁰⁴⁴ ¹⁰⁴⁵ ¹⁰⁴⁶ ¹⁰⁴⁷ ¹⁰⁴⁸ ¹⁰⁴⁹ ¹⁰⁵⁰ ¹⁰⁵¹ ¹⁰⁵² ¹⁰⁵³ ¹⁰⁵⁴ ¹⁰⁵⁵ ¹⁰⁵⁶ ¹⁰⁵⁷ ¹⁰⁵⁸ ¹⁰⁵⁹ ¹⁰⁶⁰ ¹⁰⁶¹ ¹⁰⁶² ¹⁰⁶³ ¹⁰⁶⁴ ¹⁰⁶⁵ ¹⁰⁶⁶ ¹⁰⁶⁷ ¹⁰⁶⁸ ¹⁰⁶⁹ ¹⁰⁷⁰ ¹⁰⁷¹ ¹⁰⁷² ¹⁰⁷³ ¹⁰⁷⁴ ¹⁰⁷⁵ ¹⁰⁷⁶ ¹⁰⁷⁷ ¹⁰⁷⁸ ¹⁰⁷⁹ ¹⁰⁸⁰ ¹⁰⁸¹ ¹⁰⁸² ¹⁰⁸³ ¹⁰⁸⁴ ¹⁰⁸⁵ ¹⁰⁸⁶ ¹⁰⁸⁷ ¹⁰⁸⁸ ¹⁰⁸⁹ ¹⁰⁹⁰ ¹⁰⁹¹ ¹⁰⁹² ¹⁰⁹³ ¹⁰⁹⁴ ¹⁰⁹⁵ ¹⁰⁹⁶ ¹⁰⁹⁷ ¹⁰⁹⁸ ¹⁰⁹⁹ ¹¹⁰⁰ ¹¹⁰¹ ¹¹⁰² ¹¹⁰³ ¹¹⁰⁴ ¹¹⁰⁵ ¹¹⁰⁶ ¹¹⁰⁷ ¹¹⁰⁸ ¹¹⁰⁹ ¹¹¹⁰ ¹¹¹¹ ¹¹¹² ¹¹¹³ ¹¹¹⁴ ¹¹¹⁵ ¹¹¹⁶ ¹¹¹⁷ ¹¹¹⁸ ¹¹¹⁹ ¹¹²⁰ ¹¹²¹ ¹¹²² ¹¹²³ ¹¹²⁴ ¹¹²⁵ ¹¹²⁶ ¹¹²⁷ ¹¹²⁸ ¹¹²⁹ ¹¹³⁰ ¹¹³¹ ¹¹³² ¹¹³³ ¹¹³⁴ ¹¹³⁵ ¹¹³⁶ ¹¹³⁷ ¹¹³⁸ ¹¹³⁹ ¹¹⁴⁰ ¹¹⁴¹ ¹¹⁴² ¹¹⁴³ ¹¹⁴⁴ ¹¹⁴⁵ ¹¹⁴⁶ ¹¹⁴⁷ ¹¹⁴⁸ ¹¹⁴⁹ ¹¹⁵⁰ ¹¹⁵¹ ¹¹⁵² ¹¹⁵³ ¹¹⁵⁴ ¹¹⁵⁵ ¹¹⁵⁶ ¹¹⁵⁷ ¹¹⁵⁸ ¹¹⁵⁹ ¹¹⁶⁰ ¹¹⁶¹ ¹¹⁶² ¹¹⁶³ ¹¹⁶⁴ ¹¹⁶⁵ ¹¹⁶⁶ ¹¹⁶⁷ ¹¹⁶⁸ ¹¹⁶⁹ ¹¹⁷⁰ ¹¹⁷¹ ¹¹⁷² ¹¹⁷³ ¹¹⁷⁴ ¹¹⁷⁵ ¹¹⁷⁶ ¹¹⁷⁷ ¹¹⁷⁸ ¹¹⁷⁹ ¹¹⁸⁰ ¹¹⁸¹ ¹¹⁸² ¹¹⁸³ ¹¹⁸⁴ ¹¹⁸⁵ ¹¹⁸⁶ ¹¹⁸⁷ ¹¹⁸⁸ ¹¹⁸⁹ ¹¹⁹⁰ ¹¹⁹¹ ¹¹⁹² ¹¹⁹³ ¹¹⁹⁴ ¹¹⁹⁵ ¹¹⁹⁶ ¹¹⁹⁷ ¹¹⁹⁸ ¹¹⁹⁹ ¹²⁰⁰ ¹²⁰¹ ¹²⁰² ¹²⁰³ ¹²⁰⁴ ¹²⁰⁵ ¹²⁰⁶ ¹²⁰⁷ ¹²⁰⁸ ¹²⁰⁹ ¹²¹⁰ ¹²¹¹ ¹²¹² ¹²¹³ ¹²¹⁴ ¹²¹⁵ ¹²¹⁶ ¹²¹⁷ ¹²¹⁸ ¹²¹⁹ ¹²²⁰ ¹²²¹ ¹²²² ¹²²³ ¹²²⁴ ¹²²⁵ ¹²²⁶ ¹²²⁷ ¹²²⁸ ¹²²⁹ ¹²³⁰ ¹²³¹ ¹²³² ¹²³³ ¹²³⁴ ¹²³⁵ ¹²³⁶ ¹²³⁷ ¹²³⁸ ¹²³⁹ ¹²⁴⁰ ¹²⁴¹ ¹²⁴² ¹²⁴³ ¹²⁴⁴ ¹²⁴⁵ ¹²⁴⁶ ¹²⁴⁷ ¹²⁴⁸ ¹²⁴⁹ ¹²⁵⁰ ¹²⁵¹ ¹²⁵² ¹²⁵³ ¹²⁵⁴ ¹²⁵⁵ ¹²⁵⁶ ¹²⁵⁷ ¹²⁵⁸ ¹²⁵⁹ ¹²⁶⁰ ¹²⁶¹ ¹²⁶² ¹²⁶³ ¹²⁶⁴ ¹²⁶⁵ ¹²⁶⁶ ¹²⁶⁷ ¹²⁶⁸ ¹²⁶⁹ ¹²⁷⁰ ¹²⁷¹ ¹²⁷² ¹²⁷³ ¹²⁷⁴ ¹²⁷⁵ ¹²⁷⁶ ¹²⁷⁷ ¹²⁷⁸ ¹²⁷⁹ ¹²⁸⁰ ¹²⁸¹ ¹²⁸² ¹²⁸³ ¹²⁸⁴ ¹²⁸⁵ ¹²⁸⁶ ¹²⁸⁷ ¹²⁸⁸ ¹²⁸⁹ ¹²⁹⁰ ¹²⁹¹ ¹²⁹² ¹²⁹³ ¹²⁹⁴ ¹²⁹⁵ ¹²⁹⁶ ¹²⁹⁷ ¹²⁹⁸ ¹²⁹⁹ ¹³⁰⁰ ¹³⁰¹ ¹³⁰² ¹³⁰³ ¹³⁰⁴ ¹³⁰⁵ ¹³⁰⁶ ¹³⁰⁷ ¹³⁰⁸ ¹³⁰⁹ ¹³¹⁰ ¹³¹¹ ¹³¹² ¹³¹³ ¹³¹⁴ ¹³¹⁵ ¹³¹⁶ ¹³¹⁷ ¹³¹⁸ ¹³¹⁹ ¹³²⁰ ¹³²¹

contrariam experimur, quia sæpe interrogat judex causam quando incipias, et ex interrogatione ejus⁵ incipiendum est. frequenter probationibus et testibus silentium patronus indicit⁶. unus inter hæc dicenti aut alter assistit, et res velut in solitudine agitur. oratori autem clamore plausuque opus est velut quodam theatro; qualia quotidie antiquis oratoribus contingebant, quum tot pariter ac tam nobiles forum coarctarent, quum clientelæ quoque ac tribus et municipiorum etiam legationes ac pars Italiæ periclitantibus assisteret, quum in plerisque judiciis crederet populus Romanus sua interesse quid judicaretur. satis constat Caium Cornelium et Marcum Scaurum et Titum Milonem et Lucium Bestiam et Publium Vatinium concursu totius civitatis et accusatos et defensos⁷, ut frigidissimos quoque oratores ipsa certantis populi studia excitare et incendere potuerint. ita hercle ejusmodi libri exstant, ut ipsi quoque qui egerunt non aliis magis orationibus censeantur⁸.

XL. « Jam vero conciones assiduæ et datum jus potentissimum quemque vexandi, atque ipsa inimicitiarum gloria, quum se plurimi disertorum ne a Publio quidem Scipione aut Sulla aut Cneio Pompeio abstinere, et ad incessendos principes viros, ut est natura invidiæ¹, populi quoque arrectioribus auribus² uterentur, quantum ardorem ingeniis, quas oratoribus faces admovebant! non de otiosa et quietâ re loquimur, et quæ probitate et modestia gaudeat: sed est magna illa et notabilis eloquentia alumna licentiæ, quam stulti libertatem vocabant, comes seditionum, effrenati populi incitamentum, sine obsequio, sine servitute contumax, temeraria, arrogans, quæ in bene constitutis civitatibus non oritur. quem enim oratorem Lacedæmonium, quem Cretensem accepimus? quarum civitatum severissima disciplina et severissimæ leges traduntur. nec Macedonum quidem ac Persarum, aut ullius gentis, quæ certo imperio contenta fuerit, eloquentiam novimus. Rhodii quidam, plurimi Athenienses oratores exstiterunt, apud quos omnia populus, omnia imperiti, omnia (ut sic dixerim) omnes poterant. Nostra quoque civitas, donec erravit, donec se partibus et dissensionibus et discordiis confecit, donec nulla fuit in foro pax, nulla in senatu concordia, nulla in judiciis moderatio, nulla superiorum reverentia, nullus magistratuum modus, tulit sine dubio valentiorum eloquentiam, sicut indomitus ager habet quasdam herbas lætiores. sed nec tanti reipublicæ Gracchorum eloquentia fuit ut pateretur et leges, nec bene famam eloquentiæ Cicero tali exitu pensavit³.

XLI. « Sic quoque¹, quod superest antiqui oratoribus, forum non emen-

cula spatiosa. — 3. Non ex exordio quod præmeditatus fueras. — 6. Scil. audientibus: testes ut probationem afferant postulans patronus silentium imponit *clamori plausuque* audientium, qui jam nihil habent quod eos delectet et discedunt. Alii legunt *patrono* vel *patronis*, alii delent *patronus*, ad judicem referentes verbum *indicit*. — 7. Omnes a Cicerone. Superest oratio *pro Milone*, et pars orationis *pro Scauro*. — 8. *Æstimentur, judicentur*.

XL. 1. Nam, ut poeta, *summa petit livor*. — 2. Majore attentione animi. Depravate manuscr. *quoque et histriones auribus*. In sequentibus ne te fugiat ironia qua Martener utitur. — 3. Qui funestam necem Philippicis suis adversus Antonium debebat.

XLI. 1. Pro, *sic id quoque forum, quod etc.*

datae nec usque ad votum compositae civitatis argumentum est. quis enim nos advocat nisi aut nocens aut miser? quod municipium in clientelam nostram venit, nisi quod aut vicinus populus aut domestica discordia agitat? quam provinciam tuemur nisi spoliata vexataque? atqui melius fuisset non queri quam vindicari². Quodsi inveniretur aliqua civitas, in qua nemo peccaret, supervacnus esset inter innocentes orator, sicut inter sanos medicus. quomodo tamen minimum usus minimumque profectus ars medentis habet in iis gentibus, quae firmissima valetudine ac saluberrimis corporibus utuntur, sic minor oratorum obscuriorque gloria est inter bonos mores et in obsequium regentis paratos. quid enim opus est longis³ in senatu sententiis, quum optimi cito consentiant? quid multis apud populum concionibus, quum de republica non imperiti et multi deliberent, sed sapientissimus et unus? quid voluntariis accusationibus⁴, quum tam raro et tam parce peccetur? quid invidiosis et excedentibus modum defensionibus, quum clementia cognoscentis obviam periclitantibus eat? Credite, optimi et in quantum opus est disertissimi viri, si aut vos prioribus saeculis aut isti quos miramur his nati essent, ac deus aliquis vitas ac vestra tempora repente mutasset, nec vobis summa illa laus et gloria in eloquentia neque illis modus et temperamentum defuisset. nunc, quoniam nemo eodem tempore assequi potest magnam famam et magnam quietem, bono saeculi sui quisque citra obtrectationem alterius utatur. »

XLII. Finierat Maternus. Tum Messala, « Erant quibus contradicerem, erant de quibus plura dici vellem, nisi jam dies esset exactus. » — « Fiet, inquit Maternus, postea arbitrato tuo, et rursus conferemus. » Ac simul assurgens et Aprum complexus, « Ego, inquit, te poetis, Messala antiquariis criminabitur. » — « At ego vos rhetoribus et scholasticis, » inquit. Quum arrisissent, discessimus.

— 2. Defensione nostra in suum jus restitui.—3. Verbosa eloquentia expositis et demonstratis.—4. Quas quis sponte, non jussu senatus aut Principis suscipit.



NOMENCLATOR GEOGRAPHICUS.

A.

Abnoba, mons in ea parte Silvæ Nigræ quæ Velteraviam tangit.
 Achaia, regio litoralis Peloponnesi sive *Moreæ* versus septentrionem. Nonnunquam pro Græcia universa.
 Actium, oppidum et promontorium Acarnaniæ in Græcia, prius *Azio*, alterum *Punta de la Civola*.
 Addua, fluvius Italiæ superioris, *Adige*.
 Adiabeni, gens Assyriæ, magnam partem regionis *Kurdistan* incolentes.
 Adrana, fluvius Germaniæ, in Westphalia, *Edder*.
 Adrumetum, oppidum Africæ propriæ sive septentrionalis, *Hâmâmet*.
 Ædui, gens Galliæ Lugdunensis, in hodiernis *Bourgogne* et *Nivernais*.
 Ægæum mare, qui hodie Archipelagus.
 Ægeæ, civitas Ciliciæ, ad sinum Issicum, fortasse *Ayas* hodiernum.
 Ægeatæ, incolæ Ægarum Æolidis in Asia Minore, ad sinum Cumanum.
 Ægiensis civitas, sive Ægium, una duodecim urbium Achaïæ propriæ dictæ, *Vostizza*.
 Ænus, fluvius inter Noricum et Rætiâ, *Inn*.
 Æstii, populus Germaniæ ad mare Suevicum, trans Vistulam, qui

partem Borussiae et Poloniae occupabant.
 Agrippinensis colonia, h. *Cologne*.
 Ahorsi, populus Asiæ, in septentrionali litore Caspii maris, versus Tanain.
 Alba (Longa), urbs vetusta Latii, ubi hod. *Palazzolo*.
 Albani, populus Asiæ inter Caspium mare et Armeniam, ubi hodie *Georgie*, *Daghestan* et *Chirvan*.
 Albigaunum, oppidum Liguriæ, *Albengue* sive *Albenga*.
 Albi, fluvius Germaniæ, *l'Elbe*.
 Albium Intemelium, municipium Liguriæ, ad exitum Rojæ fluvii, *Vintimiglia*.
 Alesia, oppidum Galliæ Lugdunensis, *Aise*.
 Alieni forum, in Gallia Cispadana, ad Padum fluvium, *Ferrara*.
 Aliso, fluvius et castellum Germaniæ in Westphalia, h. *Alsen*, aliis rivus *Lise*.
 Allia, fluvius Italiæ in Sabinis, fort. hodiernus *Aia*.
 Allobroges, populus Galliæ Narbonensis, inter fluvios *Rhône* et *Isère*, quorum caput *Vienne*.
 Alpes Cottianæ ducuntur inter *Dauphiné* et *Piémont*. — Alpes Graiæ, a monte *Cenis* ad St.-Bernhardi montem. — Alpes Juliæ et Pannoniæ, inter Carinthiam et Istriam. — Alpes Peninæ et Ræticæ, h. *Mont-Blanc*, *Saint-Bernard*, *Rosa*, *Simplon*, *Saint-Gothard*.

- Altinum, oppidum Venetorum in Gallia Transpadana, inter Concordiam et Patavium.
- Amanus, mons Syriae, post Taurum, a sinu Issico ad Euphratem pertingens, *Lukan*.
- Amathûs, oppidum Cypri, cujus ruinae prope oppidum *Limisso*.
- Amisia, fluvius Germaniae, h. *Ems*.
- Amorgus, insula Archipelagi, sporas, h. *Amorgo* s. *Morgo*.
- Ampsivarii, populus Germaniae, qui ad Amisiam flumen in comitatu Benthemensi habitasse videntur.
- Anagnia, oppidum Latii, in *Campagna di Roma*, h. *Anagni*.
- Ancona, oppidum Italiae, in Piceno, *Ancona*.
- Andecavi, populus Galliae Lugdunensis, colens hodiernum *Anjou*, caput *Angers*.
- Anglii, p. populus Germaniae in Chersoneso Cimbrica, ut videtur, circa ostia Albis, ubi *Mecklembourg*.
- Angrivarii, populus Germaniae, inter Visurgim et Alaram, ubi olim *Engern*, nunc tractus *Kalenberg*, *Lunebourg* et *Verden*.
- Anthemusias, urbs Mesopotamiae septentrionalis sive Osroenae.
- Antiochia, caput Syriae, *Antakia*, in paschatu *Haleb*.
- Antipolis, municipium Galliae Narbonensis, *Antibes* (dép. *Var*).
- Antium, urbs Latii in Volscis, *Anzio*.
- Apamea, urbs Phrygiae Majoris, in confluentibus Marsyae et Mæandri.
- Aphrodisias, oppidum Cariae in Asia Minore, ad Mæandrum, h. *Gheira*.
- Apollonidenses, incolae Apollonidis, oppidi Lydiae inter Pergamum et Sardes siti.
- Apulia, pars Italiae Inferioris, *Puglia* s. *Pouille*.
- Aquileia, urbs Galliae Transpadanae, ad mare et Sontium (*Isonzo*): ruinae ejus h. *Aglar*.
- Aquinum, oppidum Latii, *Aquino* in *Terra di Lavoro*.
- Aquitania, pars Galliae inter Ligerem (*Loire*) et Pyrenæos, *la Gascogne* et *la Guyenne*.
- Arar, fluvius Galliae Lugdunensis, *Saône*.
- Aravisci, populus Pannoniae, inter Arabonem (*Raab*) et Danubium fluvios.
- Araxes, fluvius Armeniae Majoris, *Aras*.
- [Arbela, ad orientem Tigridis, in *Kurdistan*, *Erbil*.]
- Arduenna, silva Galliae Belgicae, *les Ardennes*.
- Arenacum, oppidum Batavorum in Gallia Belgica, prope hod. *Arnhem*.
- Argolis, in occidente Peloponnesi, circa sinum *de Napoli*. Habitant Argivi.
- Aricia, oppidum Latii, in *Campagna di Roma*, h. *Ariccia* s. *la Riccia*.
- Arii, populus Asiae, in hodierno *Khorassan*.
- Ariminum, oppidum Umbriae in Italia, ad mare Adriaticum, *Rimini*.
- Arnus, fluvius Etruriae (Toscanae), *Arno*.
- Arretium, oppidum Etruriae, *Arezzo*.
- Arsamosata, castellum Armeniae, non longe a confluentibus Arsaniae et Euphratis, *Simsat*.
- Arsanias, fluvius Armeniae (Majoris) in Euphratem fluens, cujus esse brachium meridionale putatur.
- Artaxata, caput Armeniae (Majoris), postea Neronia dicta; ruinae prope *Erivan*.
- Artemita, oppidum Parthicum in Assyria, quod *Khalasar* esse creditur.
- Arverni, populus Galliae Aquitanicae, hodierna *Auvergne*.
- Asciburgium, oppidum Germaniae sive potius Galliae Belgicae, ad Rhenum, *Asbourg*, aliis vicus *Essenbergh*, e regione Duisburgii.
- Ateste, oppidum Venetorum in Gallia Transpadana, inter Medoacum et Athesin, h. *Este*.
- Aventicum, caput Helvetiorum, in Gallia Lugdunensi, *Avanche* s. *Avenche*.
- Aventinus mons, unus septem collium Romae.

Avernus, lacus Campaniæ inter Cumas et Puteolos (*Puzzuola*), h. *Averno*.

Aufona, fluvius Britanniae, fort. *Avon* in comitatu *Warwick*, aliis *Nyne* in comitatu *Northampton*.

Augusta Taurinorum, urbs Galliae Cisalpinæ, h. *Turin*.

Augustodunum, caput Eduorum in Gallia Lugdunensi, h. *Autun* (dép. *Saône-et-Loire*).

Aviones, populus Germaniæ septentrionalis ad Havelam fl., aliis in Holsatia ad fluvium *Awe* s. *Auwe*.

Auzea, castellum Numidiæ, in Mauritania Cæsarea, inter Cæsaream et Sitifin.

B.

Bactriana, in Asia, h. *Balkh*.

Baduhennæ lucus : hunc alii in Frisia occidentali, alii in septentrionali Batavia, Galliae provincia, situm putant.

Bætica, pars Hispaniæ Ulterioris, complectens *la Grenade* et *l'Andalousie* et vicinos quosdam tractus.

Baiæ, oppidum Campaniæ cum thermis, prope Puteolos (*Puzzuola*), ubi hodieque *Baia*.

Baleares insulæ, prope litus orientale Hispaniæ, quinque, *Majorque*, *Minorque*, *Iviça*, etc.

Barium, municipium Apuliæ Peuce-tiæ, ad mare Adriaticum, *Bari*.

Bastarnæ, populus Germaniæ Transvistulanæ, inter Pontum Euxinum, Sarmatiam Europæam, Vistulam et Carpathas montes.

Batavi, Germanica gens in Gallia Belgica, inter ostia Rheni, Vahalin et Mosam.

Batavodurum, oppidum Batavorum, ad Rhenum, h. *Wyk te Duurstede*.

Bedriacum, oppidum Galliae Transpadanæ, prope confluentes Adidæ (*Adige*) et Padi, h. *Canoto*.

Belus, amnis Galiliæ Superioris, ex lacu Cendevia in Judaicum mare decurrens, habetur pro *Kar-Danah*.

Beneventum, oppidum Samnii in Italia, *Benevento*.

Berytus, urbs Phœniciæ, in paschatu *Acre* et *Said*, h. *Bairout*.

Betasii, populus sive Germaniæ Inferioris sive Galliae Belgicæ, situ incerto.

Bingium, oppidum Vangionum in Gallia Belgica, ad Rhenum, h. *Bingen*.

Bithynia, provincia magna Asiæ Minoris ad Pontum Euxinum.

Bodotria, æstuarium Britanniae, non longe ab Edinburgo, *Firth of Forth*.

Boii, gens Celtica, quæ multis locis consederat ut in Boihemia et Bavaria, ab ipsis nomen trahentibus.

Bonna, oppidum Germaniæ Inferioris sive Galliae Belgicæ, h. *Bonn*.

Bononia, oppidum Galliae Cisalpinæ, h. *Bologne*.

Boresti, populus Britanniae, incerto situ.

Bosporus sive Bosporanum regnum, *la Crimée et la côte occidentale et méridionale de la mer d'Azow*.

Bovillæ, oppidum Latii ad lacum Albanum, h. *Marino*.

Brigantes, populus Britanniae, in comitatibus *Cumberland*, *Westmoreland*, *Lancaster*, *York* et *Durham*.

Brixellum, oppidum Galliae Cisalpinæ, ad Padum, prope Parmam, *Bersello* s. *Bresello*.

Brixia, inter Mantuam et Veronam, *Brescia*.

Bructeri, populus Germaniæ ad utramque ripam Amisiæ (*Ems*), in hodiernis tractibus *Minden*, *Osnabruck*, *Munster*, *Bentheim*.

Brundisium, oppidum Messapiæ in Italia Inferiore, ad mare Adriaticum, *Brindes*.

Buri, populus Germaniæ, ad fontes Vistulæ et Viadri (*Oder*) usque ad Brigam et Cracoviam (*Silesie australe*).

Byzantium, *Constantinople*.

C.

Cæracates populus Galliae Belgicæ,

- Vangionibus et Tribocis conterminus, incerto situ.
- Cæsarea, urbs Judææ, in paschatu Damasceno, ubi vicus *Kaisarieh*.
- Cæsia silva Germaniæ, h. *Heserwald*, in Borussia regni provincia *Münster*.
- Calabria, peninsula Italiæ, inter Brundisium, Tarentum et Iapygium promontorium, *Terra d'Otranto*.
- Caledonia, pars Britanniæ, paullo latior quam hodierna *Écosse*.
- Cales, municipium Campaniæ, h. *Calvi*, in *Terra di Lavoro*.
- Camerium, oppidum Italiæ in Sabini prope Collatiam (quæ h. *Carvara* videtur).
- Campania, regni Neapolitani *intendances de Terre de Labour et de Naples*.
- Camulodunum, colonia Britannæ, in Brigantibus, prope hod. *Almondbury*.
- Cangi, populus Britannæ, ut videtur, in comitatu *Lancaster*.
- Canninefates, populus ab alveo Rheni inter Egmundum et Alemariam sive *Kinheim*, in insula Batavorum mare versus.
- Canopus, oppidum Egypti Inferioris in Delta, *Aboukir*.
- Cappadocia, magna provincia Asiæ Minoris, hodie provinciæ *Sivas*, *Marach*, *Caramanie*.
- Capua, caput Campaniæ, in *Terra di Lavoro*, ubi h. vicus *St.-Maria della Grazia*.
- Carmanii, populus Asiæ in *Irani* provinciis *Kherman* et *Moghistan*.
- Carmelus, mons Judææ, *El-Carmel*.
- Carsulæ, oppidum Umbriæ in Italia, ubi h. vicus *Casigliano*.
- Caspia Claustra sive Caspiæ Portæ, inter Mediam et Hyrcaniam, inter montes *Harka-Koh* et *Siah-Koh*.
- Caudium, oppidum Samnii, inter Beneventum et Capuam, h. *Forchie*.
- Celenderis, castellum Ciliciæ Tracheæ sive Asperæ, ad mare, h. *Kelnar*.
- Cenchrius, amnis Ioniæ in Asia, Ephesium agrum perlapsus in sinum Ephesium incidens.
- Cercina, insula Africæ ad Syrtin Minorem, h. *Kerkeni* s. *Kerkara*.
- Chalcedon, urbs Bithyniæ e regione Constantinopolis, Turcis dicta *Kadikevi* s. *Kadikjoi*.
- Chamavi, populus Germaniæ inter Lupiam (*Lippe*) et Amisiam, in Hanoveræ partibus *Eichsfeld*, *Grubenhagen*, *Hohenstein*.
- Chasuari, populus Germaniæ in Hassia inferiori et parte ducatus Paderbornensis. Eorum sedes postea Franci occuparunt.
- Chatti, populus Germaniæ, maximam partem Hassiæ, Westphaliæ et Nassoviæ tenebant.
- Chauci, populus Germaniæ: Chanci Majores inter Albi et Visurgim, ubi h. ducatus *Bremen* et *Lauenbourg*. Ch. Minores, inter Amisiam et Visurgim (*Weser*), ubi Frisia orientalis et *Oldenbourg*.
- Cherusci, populus Germaniæ, quando florentissimi, tenebant hodiernam *Lunebourg*, *Brunswick*, *Magdebourg* et *la Thuringue*.
- Cibyra, urbs Phrygiæ Magnæ, in finibus Cariæ, h. *Buruz*.
- Cilices, in Asia Minore versus Syriam, ubi hod. provinciæ *Adana* et *Marach*.
- Cimbri, populus Germaniæ, ex Chersoneso Cimbrica (*Jutland*, *Sleswick*, *Holstein*) diu vagi.
- Cinithii, populus Africæ in Syrti Minore, sec. Ptolemæum.
- Cirta, urbs Africæ, in Numidia Masylorum, regia Masinissæ, *Constantine*.
- Clanis, fluvius Campaniæ, *Clanio* s. *l'Agno*.
- Clitæ, populus Ciliciæ Tracheæ (montosæ) in finibus Ciliciæ Campanestris.
- Clota, æstuarium Britannæ in finibus Scotiæ, *Firth of Clyde* s. *Clyde-Firth*.
- Cœlaletæ, populus Thraciæ inter Rhodopen et Hæmum.
- Cohibus, fluvius Colchidis, qui aliis Cobus, e Caucaso in Pontum

Euxinum fluens, h. *Kobidzkali*.
Coi, in insula Co maris Icarii, quæ h.
Stanchio s. *Istankoi*.

Colchi, populus Asiæ inter Pontum
Euxinum, Iberiam, Caucasum et
Armeniam.

Colophon, urbs maritima Ioniæ in
Asia, ubi h. *Alto-Bosco*.

Commageni, gens Syriæ inter Eu-
phratem, Taurum et Amanum, h.
Kamash.

Corcyra, insula ad litus Epiri sita,
Corfou.

Corma, fluvius Chalonitidis in Assy-
ria, h. *Gumedhi*, ut videtur.

Cosa, promontorium Etruriæ, ubi
h. *Ansedonia*, ut alii, *Orbitello*.

Cottianæ. *Vide Alpes*.

Cremera, fluvius Etruriæ, h. *Bac-
cano* s. *la Vacca*.

Cremona, urbs Galliæ Transpadanæ,
hodie eodem nomine.

Ctesiphon, caput Parthorum, in As-
syria, ad Tigridis ripam occiden-
talem, prope *Soliman*, in paschatu
Baghdad.

Cumæ, oppidum maritimum Cam-
paniæ, a. 1203 plane dirutum.

Curtius lacus, olim in foro Romæ.

Cusus, fluvius Germaniæ, in Quadis,
h. *Waag*.

Cyclades insulæ, h. *Isoli dell' Ar-
chipelajo*.

Cyme, oppidum Æolidis in Asia, h.
Nemourt, aliis *Foja Nova*, aliis
Castri.

Cyrenæ, urbs Africæ in Barbaria, h.
Cayron s. *Kurin*.

Cyrrus, urbs Syriæ, caput Cyrre-
sticæ, cujus ruinæ h. *Corus*.

Cythera, insula Laconici sinus, h.
Cerigo.

Cythus, insula Archipelagi, *Ther-
mia*, aliis *Calchi*.

Cyzicus, urbs in insula Propontidis
(mare di Marmora) dicta *Chi-
zico*.

D.

Daci, gens habitans partem de la
*Hongrie, la Walachie, la Tran-
sylvanie, la Moldavie et la Bes-
sarabie*.

Sahæ, gens ad Caspium mare, in

Hyrcaniæ et Margianæ parte, vi-
dentur esse Tartaricus populus
Ouzbecks.

Dandarica, tractus Sarmatiæ Asiati-
cæ ad utramque ripam Hypanis
fluvii, qui h. *le Kouban*.

Delmatia, inter Liburniam, Mæsi-
am et Pannoniam, extrema pars me-
ridionalis regni Austriaci (*Autri-
che*).

Delus, insula Archipelagi, hodieque
Delos s. *Sdili*.

Divodurum, caput Mediomatricum
in Gallia Belgica, ad Mosellam, h.
Metz.

Donusa, insula Archipelagi, sporas,
h. *Stenosa*.

Dulgibini, populus Germaniæ ad oc-
cidentalem ripam Visurgis in
Westphalia, secundum alios inter
Amisiam et Lupiam (*Lippe*),
circa *Munster*.

Dyrhachium, urbs Illyridis ad mare
Adriaticum, *Durazzo*.

E.

Ecbatana, urbs in Persis, h. *Hama-
dan*.

Edessa, urbs Mesopotamiæ (Osroe-
nes), in tractu *Al-Djesyrch*, h.
Er-Roha.

Elephantine, insula Nili, in Thebai-
de Ægypti, h. *Geziret-Assuan*.

Eleusis, oppidum Atticæ, in litore
sinus Saronici, h. *Lepsina*.

Emeritenses, incolæ Augustæ Emer-
itæ, oppidi Lusitaniæ ad Anam
fluvium, h. *Merida* in Estrema-
dura.

Ephesus, urbs Ioniæ in Asia Mino-
re, h. *Feso*, ruinæ prope *Aja-Sol-
luk*.

Epidaphne, suburbium Antiochiæ in
Syria.

Erindes fluvius nusquam memora-
tur. Corrigitur *Charinden*, qui
Mediam Hyrcaniamque distermi-
nat.

Erythræ, oppidum maritimum Ioniæ
in Asia, h. *Eretri*, aliis *Colite*.

Eryx, mons in occidente Siciliæ,
Monte St.-Giuliano, aliis *Monte
di Trapano*.

Esquiliae, unus septem collium Romae, *Monte di St.-Maria Maggiore*.

Etruria, h. *Toscana*.

Eubœa, insula e regione Bœotiae, *Negroponte* s. *Negrepont*.

Endoses, populus Germaniae, in ripa occidentali Albis, circa Vismariam et Rostochium.

Euphrates, fluvius magnus Asiae, h. *Frat* s. *Forat*.

F.

Fenni, populus Germaniae septentrionalis, *les Finnois*.

Ferentinum, oppidum Latii, h. *Ferentino*. Sed Ferentum, sive Ferentanum oppidum, in Apulia, h. *Forenza*.

Feronia, oppidum Latii olim dirutum, cum celebri luco cognominis deae.

Fidena, Fidenae, oppidum Italiae in Sabinis, cujus ruinae *Castro Giubileo*.

Flevum, castellum Frisiorum, h. *Wiesfliet*, aliis *Fliedoro*.

Formiae, oppidum Latii, in *Terra di Lavoro*; pro eo habetur quod hodie *Mola di Gaeta*.

Forojuliensis colonia, Forum Julium, in Gallia Narbonensi, h. *Fréjus*.

Fosi, populus Germaniae, in tractu Hildesiensi (*Hildesheim*), ut ubi fluvius sit *Fusa*.

Frisii, populus Germaniae septentrionalis, tenentes *la Frise*, *Groningue*, *Overijssel*.

Fucinus lacus, in finibus occidentilibus Latii, h. *Lago di Celano* s. *di Capistrano*.

Fundani montes, ad Fundos, oppidum Latii in Volscis, h. *Fondi*.

G.

Gabinum saxum, ex Gabiis, oppido Latii, sito ubi hodie *Gallieano*.

Gætuli, populus Africae in Mauretania Tingitana, videntur hodierni *Berbères*.

Galatia, provincia Asiae Minoris, inter Cappadociam, Phrygiam, Bithyniam et Paphlagoniam.

Gallia Comata comprehendit Gallias Narbonensem, Lugdunensem, Belgicam.

Gambrivii, populus Germaniae sedis ignotae. Nonnulli circa Hamburgum habitasse putant.

Garamantes, populus Africae interioris, inter Ægyptum et Syrtin Majorem.

Gelduba, oppidum Ubiorum in Germania Inferiore, prope Rhenum, h. *Geld* in tractu Dusseldorfiensi.

Gindes, fluvius Assyriae, de quo Herodot. I, 189 sqq. Sic nonnulli pro *Sindes*, *Annal.* XI, 10.

Gorneae, castellum Armeniae Majoris, intra initia Araxis et Euphratis, ad occasum Artaxatorum.

Gothini, populus Germaniae, vel in Cracovia et occidentali ripa Vistulae, vel in Moraviae et Bohemiae partibus.

Gothones, populus Germaniae, circa ostia Vistulae et in orientali ripa ejus.

Graiae. *Vide Alpes*.

Grampius, mons Britanniae, separans Scotos Cismontanos et Transmontanos, *Grampians*.

Grinnes, oppidum insulae Batavorum.

Gugerni, populus Germaniae Inferioris, ubi *Clèves*, *Calcar*, *Xanten* et *Rhinsberg*.

Gyarus, insula Archipelagi scopulosa, h. *Joura* vel *Chiero*.

H.

Hæmus, mons Thraciae, h. *Balkan* s. *Tchengje*.

Halicarnassus, urbs maritima Asiae Minoris in Caria, h. *Bodrou* s. *Boudroun*.

Halus, oppidum Parthicum in Assyria, inter Apolloniam et Artemitam, fort. h. *Galula*.

Harii, populus Germaniae, ad latus septentrionale et australe Sudetarum montium, aliis in Silesia ad Viadrum (*Oder*).

Heliopolis, urbs Ægypti, ubi h. *Matarieh*.

Helisii, populus Germaniae, in orien-

tali ripa Viadri (*Oder*), ubi h. *Æls* et fl. *Ælse*, in Silesia.
 Helveconæ, populus Germaniæ, in occidentali ripa Vistulæ, circa *Stargard*.
 Helvetii, gens Gallica, *les Suisses*.
 Heniochi, populus Bosporanus, inter Pontum Euxinum et Caucasum.
 Hercynia Silva, latissima significatione, montes ab Rheno usque ad Carpathas Germaniam dividentes.
 Herminones, nomen generale populorum mediæ Germaniæ.
 Hermunduri, populus Germaniæ, omnes Saxoniam terras inter Salam (*Thuringiæ*) et Albim tenens.
 Hibernia insula, *l'Irlande*.
 Hierocæsarea, oppidum Lydiæ, non longe a finibus Æolidis, fort. h. *Semeh*.
 Hierosolyma, *Jérusalem*.
 Hispalienses, in urbe Hispaniæ Bæticæ, quæ h. *Séville*.
 Histria, tractus Illyrici, ad sinum Tergestinum (*golfe de Trieste*).
 Homnadenses, populus Ciliciæ, ubi h. *Hermenak*.
 Hypæpeni, incolæ oppidi Lydiæ, prope Caystrum ad meridiem Tmoli montis, ubi h. *Berki* et *Topoi*.
 Hyrcani in Asia habebant *le Mazanderan* (Persiæ) et partes tractum *Turkestan* et *Khorassan*.

I. J.

Janiculus, collis trans Tiberim, cum Urbe junctus ponte sublicio.
 Iazyges, Sarmatæ ad Pontum Euxinum, in terminis Russiæ et Hungariæ.
 Iberi, in Asia, h. *les Géorgiens*.
 Iceni, populus Britanniae, in hod. *Suffolk* et *Norfolk*.
 Ida, mons Cretæ insulæ, h. *Monte Giove*, al. *Psiloriti*.
 Ingævones, generale nomen populorum septentrionalium Germaniæ.
 Insechi, populus Armeniæ, fort. a fluvio Isi, qui nunc *Tchorok*.
 Insubres, populus Galliæ Transpadanæ, in ripis Adduæ, circa Mediolanum (*Milan*).

Intemelii, populus Liguriæ. *Vide* Albium.
 Interamna, municipium Umbriæ, h. *Terni*, in regione *Spoletto*.
 Ionium mare, inter Italiam et Græciam.
 Jordanes, fluvius Judææ, *le Jourdain*.
 Istævones, pars magna Germanorum: nomen explicatur, Ad occidentem habitantes, ab aliis, Inferiora habitantes.
 Ituræi, gens Palæstina, inter Syriam et Arabiam Desertam, h. *Dchedur*.
 Julium Forum. *Vide* Foro Julienses.

L.

Langobardi, populus Germaniæ ad occidentalem ripam Albis, inter Magdeburgum, Luneburgum et Hamburgum.
 Lanuvium, municipium Latii, in via Appia, h. *Civita Lavinia*.
 Laodicea, urbs Syriæ, h. *Ladikieh*.
 Lemovii, populus Germaniæ, inter Viadrum (*Oder*) et Vistulam.
 Leptini sive Leptitani in Africa, habitantes litora inter Syrtin et sinum *de Cabès*.
 Lesbos, insula Archipelagi, h. *Metelino*.
 Leuci, populus Galliæ Belgicæ, inter Matronam (*Marne*) et Mosellam, circa *Toul*.
 Libanus, mons Judææ, h. *Dchebel et Liban*.
 Libya, nomen vetus Africæ quanta olim cognita.
 Ligii. *Vide* Lygii.
 Ligures, pars Galliæ Cisalpinæ, comprehendens Luccam, Genuam, meridiem regionum *Piémont* et *Nizza s. Nice*.
 Lingones, populus Galliæ Lugdunensis, in ripis Sequanæ, cum capite *Langres*.
 Liris, amnis Latii in finibus Campaniæ, h. *Garigliano*.
 Londinium, colonia in Britannia, *Londres*.
 Lucania, inter Apuliam, Brutios et sinum Tarentinum, h. *Basilicata* et *Principato Oltra*.

Lucrinus lacus, in Campania, inter Baias et Cumas, *Lago Lucrino*.
 Lucus, municipium Vocontiorum in Gallia Narbonensi, h. *Luc*.
 Lugdunum, urbs Galliae Narbonensis, *Lyon*.
 Lupia, fluvius Germaniae, in Westphalia, *Lippe*.
 Lusitani, tenentes hodiernum *Portugal* cum partibus vicinis *d'Estremadura, Léon et Castille*.
 Lycia, in Asia Minore, inter mare Mediterraneum, Pamphyliam, Pisidiam, Phrygiam et Cariam, pars major hodierni *Tekieh*.
 Lydia, in Asia Minore, inter Mysiam, Phrygiam, Cariam, Ioniā, h. *Sarukhan*.
 Lygii, populus Germaniae, in Lusatia et Silesia.

M.

Macedonia, h. *Roum-Ili*.
 Magnetes, Magnesia (ad Sipylum) incolae, in Lydia, ad Hermum fl., h. *Magnisa*.
 Magontiacum, urbs Vangionum, ad Rhenum, *Mayence*.
 Manimi, populus Germaniae inter Vistulam et Viadrum (*Oder*), ad ripas fluvii *Wartha*.
 Marcodurum, vicus Ubiorum, in Germania Inferiore, h. *Dueren* s. *Durem*, in tractu Aachensi.
 Marcomani, populus Germaniae bellicosissimus, qui et Moraviam Bohemiamque tenebat et in regionibus inter Mœnum et Nicarum (*Neckar*) invenitur.
 Mardi, populus Armeniae Majoris, inter Pontum Euxinum et Caspium mare, circa fontes Tigridis.
 Marsaci, populus Galliae Belgicae inter ostia Mosae et Scaldiae (*Meuse et Escaut*).
 Marsi, populus Germaniae, in utraque ripa Lupiae.
 Marsigni, populus Germaniae, circa Varsoviam, alii in comitatu Glacensi Silesiae.
 Masus, fluvius Moraviae, a finibus Bohemiae in Danubium desfluens, *March*.
 Massilia, urbs maritima Galliae, *Marseille*.
 Mattiaci, populus Germaniae, inter Mœnum fl., Taunum montem et Rhenum.
 Mattium, caput Chattorum, h. *Marsbourg*.
 Mauri, in Mauretaniis duabus, Tingitana et Caesariensi. Illa inter Ampagam fl. (*El-Kibir*), Zeugitanam et fretum Gaditanum, haec hodiernum *Alger*.
 Mediolanum, municipium, caput Insubrum, in Gallia Transpadana, *Milan*.
 Mediomatrici, gens Galliae Belgicae, ad Mosellam, quorum caput h. *Metz*.
 Melitene, caput Armeniae Minoris, h. *Malathia*.
 Memphis, urbs Aegypti; ruinae prope *Fostat*, in tractu *Gizeh*.
 Menapii, populus Galliae Belgicae inter Scaldiam et Mosam (*Escaut et Meuse*).
 Messenii, in Peloponneso inter Laconiam, Arcadiam, Elidem et mare.
 Mevania, oppidum Umbriae in Italia, *Beragna*.
 Miletus, urbs maritima Ioniae, ubi h. vicus *Palatcha*.
 Misenum, promontorium Campaniae, *capo Miseno*.
 Mœnus, fluvius Germaniae, *le Main* s. *Mein*.
 Mœsia, regio meridionalis Germaniae, h. *la Servie et la Boulgarie*.
 Mona, insula Britanniae, h. *Anglesea*.
 Monæcus Hercules, s. Portus Herculis Monæci, Liguria portus cum templo herois, *Monaco*.
 Morini, populus Galliae Belgicae ad fretum Britannicum, circa *Boulogne*.
 Mosa, fluvius Galliae Belgicae, *la Meuse*.
 Mosella, fluvius Galliae Belgicae, *la Moselle*.
 Mosteni, Lydiae populus, in Asia Minore.
 Musulami, populus Africae in occi-

dente Syrtis Magnæ, Mauretaniæ contiguus.

Mutina, urbs Galliæ Togatæ, *Modene*.

Myrina, oppidum maritimum Eolidis, h. *Sandarlik*.

Mytilena, urbs Lesbi insulæ, *Metylino*.

N.

Nabalia, fluvius Germaniæ, quem alii Vahalin, alii Fossam Drusianam putant.

Nabatei, gens Arabiæ Petrææ, h. *les Hedschas*.

Nahanarvali, populus Germaniæ ad Vistulam in Polonia, secundum alios in Lusatia et Silesia.

Nar, fluvius Italiæ in Sabinis et Umbria, *Nera*.

Narbonensis Gallia, inter Alpes, Rhodanum, Cevennes, Garumnam, Pyrenæos et mare.

Narisci, populus Germaniæ ad radicem Sudetarum sive montium inter Bavariam et Bohemiam.

Narnia, oppidum Italiæ in Umbria, *Narni*.

Nava, fluvius prope Bingium in Rhenum influens, *Nahe*.

Nauportum, urbs Pannoniæ superioris, circa *Ober-Laybach*.

Naxos, insula Archipelagi, *Naxia*.

Neapolis, urbs Campaniæ, *Naples*.

Nemetes, populus Germaniæ Superioris sive Galliæ Belgicæ, inter Rhenum et Vogesos montes, circa *Spire*.

Nervii, populus Galliæ Belgicæ, in ripis fluvii *Sambre*, circa *Cambrai*.

Nicephorius, fluvius Armeniæ, in Tigrim influens, fort. qui h. *Khabour*.

Nicopolis, oppidum Achaïæ, i. e. Græciæ, in Acarnania, prope Actium, h. *Prevesa*.

Ninus, urbs Assyriæ, cujus ruinæ prope *Mossoul* vel *Nounia*.

Nisibis, oppidum Mesopotamiæ, h. vicus *Nishin*, prope *Diarbekir*.

Nola, oppidum Campaniæ, in *Terra di Lavoro*, h. *Nola*.

Noricum, provincia Germaniæ, *l'Au-*

triche (proprie dicta), *la Styrie* et *la Carinthie*.

Novaria, municipium Galliæ Cisalpinæ, non longe Mediolano, *Novara*.

Novesium, oppidum Germaniæ, in regione Dusseldorfiensi, *Neuss*.

Nuceria, colonia Campaniæ, ad Sarnum fluvium, *Nocera*.

Nuithones, populus Germaniæ in comitatu Marchiæ Mediæ, ubi fluvius *Nuthe* et oppidum *Servesta* (*Zerbst*).

O.

Oriculum, oppidum Italiæ in Umbria, prope confluentes Naris et Tiberis, *Otricoli*.

Odrysæ, populus Thraciæ circa Hebrum fluvium (*Maritza*), in *Roum-ili*.

OEenses, populus Africæ inter Leptin Magnam et Syrtin Minorem, ubi h. *Tripoli*.

Opitergium, oppidum Venetiæ, *Oderzo*.

Orcades, insulæ septentrionales Scotiæ, *Orkney*.

Ordovices, populus Britanniæ, in septentrionalibus regionibus *du pays de Galles*.

Osi, populus Germaniæ, inter Vistulam et Tatra montem in Galicia Cracovique.

Ostia, emporium Romæ, hod. eodem nomine.

P.

Padus, fluvius Galliæ Cisalpinæ, *le Po*.

Pagyda, fluvius Africæ in Numidia, videtur is qui hodie dicitur *Abead*.

Pamphylia, regio magna Asiæ Minoris inter Ciliciam, Phrygiam et Cariam.

Panda, fluvius Sarmatiæ Asiaticæ.

Pandataria, insula Tyrrheni maris, ad litus Latii, *Isola Vandotina*.

Pannonia, inter Noricum, Illyricum, Mœsiam et Danubium, pars Austriæ et Hungariæ.

Paphus, urbs in occidentali parte Cypri insulæ.

Patavium, urbs Venetiæ ad Medoa-

cum (*Bacchiglione*), h. *Padoue*.
 Peligni, populus Italiae in Samnio,
 in regione *Abruzzo citeriore*.
 Peninae. *Vide Alpes*.
 Pergamum, urbs Mysiae in Asia Mi-
 nore, ad Caystrum fl., *Pergamo*.
 Perinthus, urbs Thraciae, in litore
 Propontidis, *Erekly*.
 Perusia, oppidum Etruriae, *Perugia*.
 Petovio, oppidum Pannoniae Super-
 rioris, *Petaw*.
 Peucini, populus in insula magna
 ostiorum Danubii Peuce, *Piczina*.
 Pharsalia, oppidum Thessaliae, ad
 Enipeum fluvium, h. *Farsa*.
 Philadelphia, urbs vetus Lydiae, in
 radicibus Tmolii, h. *Allah-Chehr*.
 Philippi, oppidum Macedoniae ad
 Pangaeum montem, ubi h. vicus
Feliba.
 Philippopolis, urbs Thraciae, non
 longe ab Hebro fl., *Filibe*.
 Picenum, regio Italiae inter Umbriam
 et mare Adriaticum, tractus circa
Ancône, *Fermo*, *Ascoli*.
 Piraeus, portus Athenarum, *Porto*
Dracone.
 Pisanus sinus, ad Pisam, urbem
 Etruriae, quae h. ejusdem nominis.
 Placentia, urbs Galliae Togatae, ad
 Padum, *Piacenza*.
 Planasia, insula prope Elbam insu-
 lam meridiem versus, *Pianosa*.
 Pompeii, oppidum Campaniae, ad
 Sarnum fluvium, a. 79 obruta,
 nunc partim aperta.
 Pompeiopolis, oppidum maritimum
 Ciliciae, olim Soli.
 Pomptinae paludes, in Latio, inter
 Circeios et Terracinam, *Palude*
Pontine.
 Ponticum mare, i. q. Pontus Euxinus.
 Pontus, provincia Asiae Minoris, *Si-*
vas et *Trébizonde*.
 Praeneste, oppidum Latii, h. *Pales-*
trina.
 Propontis, *mare di Marmora*.
 Puteoli, oppidum Campaniae, *Puz-*
zuoli.
 Pyramus, fluvius Ciliciae Campe-
 stris, h. *Geihoun* s. *Jyhoon*.

Q.

Quadi, populus Germaniae, inter Da-

nubium et Carpathas Sudetasque
 montes, in Moravia.

R.

Raetia, h. *pays des Grisons, Venise*
et Tyrol.
 Ravenna, urbs Galliae Cisalpinæ, h.
 eodem nomine.
 Reate, caput Sabinorum, h. *Rieti*.
 Remi, populus Galliae Belgicae, inter
 Matronam (*Marne*) et Axonam
 (*Aisne*).
 Reudigni, populus Germaniae a fini-
 bus ducatus Lauenburgensis ad
 ostia Havelae.
 Rhegium, oppidum Italiae in Brut-
 tio, ad fretum Siculum, *Reggio*.
 Rhodanus, fluvius Galliae, *le Rhône*.
 Rigodulum, oppidum Galliae Belgicae,
 ad Mosellam, non longe a Tre-
 viris, *Ricol* s. *Réol*.
 Rugii, populus Germaniae inter Via-
 drum (*Oder*) et Vistulam, quorum
 nomen servavit insula *Rugia*.

S.

Sabrina, fluvius Britanniae, h. *Se-*
vern.
 Salamis, insula e regione Atticae et
 Eleusinis, h. *Colouri*.
 Samus, insula e regione Ioniae, h.
Susam s. *Susam-Adassi*.
 Sambulos, mons Parthiae, fort.
Eltwend in *Irak Adjemi*.
 Samothraeces, in insula Archipelagi,
 hodieque *Samothraki* dicta.
 Santoni, populus maritimus Galliae
 Aquitaniae, inter ostia fluviorum
Sevre et *Gironde*.
 Seleucia, urbs Syriae, h. *El-Ma-*
daïn.
 Semnones, gens Suevica maxima,
 inter Albi et Viadrum (*Oder*).
 Seniensis colonia, sive Senia, op-
 pidum maritimum Liburniae ad
 Adriaticum mare, *Segna*.
 Sequani, populus Galliae in *Franche-*
comté, *Bourgogne* et parte Alsa-
 tiae.
 Seriphus, insula Archipelagi, *Ser-*
pho s. *Serphanto*.
 Silures, populus Britanniae in ho-
 dierno *pays de Galles*.

Simbruini colles, Simbruina stagna, in Latio, prope hodiernum *Su-biaco*.

Sinope, urbs Ponti, h. *Sinabe* s. *Sinub*.

Sinuessa, oppidum et portus Latii, ad fines Campaniæ: ruinae prope *Rocca de Mondragone*.

Sipylus, mons Lydiæ, pars Tmoli, prope Sardes et Herimum fluvium.

Siraci, populus Sarmatiæ Asiaticæ, ad Mæotin versus flumen Rha (*Volga*).

Sitones, populus Germaniæ in Norvegia, aliis ad latus australe lacus *Malar*, ubi oppidum *Sitoun*.

Smyrna, urbs Ioniæ ad mare, h. *Ismir*.

Sophene, regio Armeniæ, inter Antitaurum et Mesopotamiam.

Stœchades, insulæ Massiliensium, *les îles d'Hières*.

Stratonicea, oppidum Cariæ, h. *Eski-hissar*.

Suardones, populus Germaniæ, fortasse Suerinenses, pars occidentalis Mecklenburgii.

Suessa Pometia, urbs Volscorum in Latio.

Suevi, stirps Germanorum, de quibus *Germ. c. 38-44*.

Sugambri, populus Germaniæ, tenentes provinciam hodie dictam *Juliers-Clèves-Berg*, circa Rhenum, Segam (*Sieg*) et Lupiam.

Suiones, populus Germaniæ. *les Suédois*.

Sunici, populus Germaniæ, sive Galliæ Belgicæ, circa *Soignies*.

Surrentum, oppidum Campaniæ maritimum, *Sorrento*.

Syene, oppidum Ægypti Superioris, prope *Assuan*.

T.

Tamesa, æstuarium Britanniæ, ostia fluvii la *Tamise*.

Tanaïs, fluvius Asiæ, h. *Don*.

Tarentum, urbs Italiæ in litore Calabriæ ad sinum dictum *Mare Piccolo*, *Tarente*.

Tarraconensis colonia, urbs Hispaniæ inter Pyrenæos et Iberum (*Ebre*), *Tarragona*.

Tartarus, fluvius Venetorum in Gallia Transpadana, *Tartaro*.

Taum, æstuarium Britanniæ, *Firth of Tay*.

Taurus mons, prope Francofurtum et *Wiesbade*, h. *Heyrich*.

Tauri, gens Scythica in Chersoneso Taurica, *Krimée*.

Taurini. *Vide Augusta*.

Taurus mons, Asiam Minorem mediam dividens et ad Euphraten usque pertingens.

Temnii, incolæ Temni, oppidi Æolidis in Asia Minore, h. *Menimen*.

Tencteri, populus Germaniæ, inter Lupiam et Segam (*Sieg*), fortasse usque ad Dusseldorfium.

Tenii, incolæ Teni, insulæ Archipelagi, *Teno* s. *Tino*; urbs Tenus ubi h. *St-Nicolo*.

Termestini, incolæ Hispaniæ urbis, h. *Tiermes*.

Terracina, oppidum Volscorum in Latio, prope Pomptinas paludes, hodie eodem nomine.

Teutoburgiensis saltus Germaniæ inter *Paderborn* et *Osnabruck*.

Thala, oppidum Africæ, in Numidia, hodie fort. *Ferré-Anah*.

Thermaus sinus, Macedoniæ, *Golfe de Saloniki*.

Thubucum, oppidum Africæ, in Mauretania Cæsariensi, h. vel *Tubur*, vel *Tubernock*.

Thurii, oppidum Lucaniæ, ad sinum Tarentinum, *Torre Brodognato*.

Thule, ultra Britanniam, major insularum *Shetland*.

Tiburtes, in Latio, incolæ Tiburis, h. *Tivoli*.

Ticinum, urbs Galliæ Cisalpinæ, h. *Pavia*.

Tigranocerta, urbs Armeniæ Majoris, ubi h. *Sered*, ad fluvium *Khabour*.

Tigris, fluvius Asiæ, nomine orientali *Didchleh* s. *Diglah*.

Tingitana, pars Mauretaniæ, h. *Fez* et *Marok*.

Tmolus, urbs Lydiæ, ad montem cognominem qui h. *Bouz-dag*, a. 19 p. Ch. terræ motu diruta.

Tolbiacum, oppidum Galliae Belgicae,
h. *Zulch* s. *Zulpich*.

Toronaus, sinus Macedoniae, ab urbe
Torone, h. *Golfe de Cassandre*.

Tralliani, in Lydia, Trallium incolae,
quae hodie *Sultan-Hissar*.

Treveri, populus Germanicus inter
Rhenum et Mosam, cujus caput
Treves.

Triboci, populus Germaniae, in Al-
satia.

Trimerus, insula ex Diomedeis ma-
ris Adriatici, h. *Tremiti*.

Trinobantes, populus Britanniae in
hodierno *Kent*.

Trucculensis, portus Britanniae, ut
videtur in *Firth of Tay*.

Tubantes, populus Germaniae, inter
fluvios Fuldam et Werram, Chat-
torum vicini.

Turoni, populus Galliae Lugdunensis,
in *Touraine*.

Tusculum, oppidum Latii, h. *Fras-
cati*.

Tyros, urbs illustris Phoeniciae, ubi
h. vicus *Ssur*.

V. U.

Vada, oppidum Batavorum, habetur
pro hodierno *Wageningen*.

Vahalis, fluvius Germaniae, pars
Rheni inferioris, *Wahal*.

Vandali, Germaniae, apud Tacitum
generalius accolae Oceani.

Vangiones, populus Germaniae, ad
Rhenum, circa *Worms* et *Spire*.

Varini, populus Germaniae, ad oram
Baltici maris.

Vascones, populus Hispaniae Tarra-
conensis, ubi nunc Catalonia et
regnum Navarraeum.

Ubii, populus Germaniae Secundae,
cis Rhenum, cum capite *Cologne*.

Veii, urbs Etruriae.

Velinus lacus, in Sabinis, prope.
Terni, h. *Pie di Luco*.

Veneti, populus Italiae trans Padum,
a quibus Venetia.

Venedi, populus Germaniae, circa
Dantzick et mare Balticum.

Vercellae, oppidum Galliae Cisal-
pinae, h. *Vercelli*.

Verona, urbs Galliae Cisalpinae, *Ve-
rone*.

Verulamium, municipium Britan-
niae, cujus ruinae prope *St.-Albans*.

Vetera Castra, oppidum Galliae Bel-
gicae, h. *Forstenberg* prope *San-
ten*.

Vicetia, municipium Venetorum ad
Medoacum (*Brenta*) fluvium,
• *Vicenza*.

Vienna, colonia in Gallia Transal-
pina, Allobrogum, *Vienne*.

Vindelici, et Vindelicia, inter Da-
nubium, Helvetios, Rætiam et
Oenum (*l'Inn*), partes terrarum
Bavière, duché de Bade et *Tyrol*.

Vindonissa, oppidum Germaniae, in
tractu Bernensi, *Windisch*.

Visurgis, fluvius Germaniae, *Weser*.

Umbria, pars Italiae inter Rubico-
nem, Narem, Tiberim, et mare
Adriaticum, *duché d'Urbino*,
partie de Romagne et *Perugia*.

Vocetius, mons Helvetiae, pars Juræ,
Bazberg.

Vocontii, populus Galliae Narbonen-
sis, h. *Dauphiné* et partim *Pro-
vence*.

Volsci, populus Latii, in utraque
ripa Liris amnis (*Garigliano*).

Urbium, urbs Umbriae, ad Metau-
rum flumen, *Urbino*.


Usipetes vel Usipii, populus Ger-
maniae, inter Lupiam et orien-
tale ostium Rheni.

Vulsinium, urbs Etruriae, *Bolsena*

Z.

Zeugma, oppidum Commagenes ad
Euphratem, inter Samosata et
Europum (*Nesim*), h. *Tschechmé*.





5254

Tacitus, Cornelius

Opera quae supersunt; ed. by Dübner.

LL
T1186Du

**University of Toronto
Library**

**DO NOT
REMOVE
THE
CARD
FROM
THIS
POCKET**

Acme Library Card Pocket
LOWE-MARTIN CO. LIMITED

